


wĩn nivìní  
tirle



toussian du sud: wĩn nivìní tirle New Testament

**wĩn niv̀nì tirlɛ**  
**toussian du sud: wĩn niv̀nì tirlɛ New Testament**  
**Nouveau Testament en toussian**

copyright © 2013 Wycliffe Bible Translators, Inc.

Language: Toussian, Southern

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 18 Apr 2025 from source files dated 29 Jan 2022

aaf2875e-90b5-5c14-b910-61579d3da2c7

## Contents

Matye . . . . .	1
Markı . . . . .	79
Likiyi . . . . .	126
Nsyõ . . . . .	206
Tyípinì . . . . .	269
Wrome tãn . . . . .	352
Korẽnti tãn . . . . .	387
Korẽnti tãn . . . . .	422
Kalatı tãn . . . . .	442
Yefesı tãn . . . . .	455
Filipi . . . . .	466
Kolosı . . . . .	474
1 Tesaloniki tãn . . . . .	482
2 Tesaloniki tãn . . . . .	489
1 Timote . . . . .	493
2 Timote . . . . .	503
Titi . . . . .	509
Filemo . . . . .	513
Nsyaki . . . . .	515
1 Nsyõ . . . . .	524
2 Nsyõ . . . . .	533
3 Nsyõ . . . . .	535

# Matye-á nìvìnì tir nê wārki Yesu tyí soko

*Yesu Krista duku wìl-nsahle*

<sup>1</sup> Yesu Krista sùtó nàhkì yó ye lésõ Davidile, Davidi sùtó nàhkì yó me Abrahamüne. Yesu Krista mè nàh tãn nónó-á ku soko, pé yni we yò:

<sup>2</sup> Abrahami mènɛ, Yisaki sú ye. Yisakile, Nsyakobi sú ye. Nsyakobile, Nsyuda sú ye, ñmɔ nê-á ñ ðínpi soko yóle.\*

<sup>3</sup> Nsyudale, Peresi ànê Nsera sú ye, té Tamar me pé yúne. Peresile, Yersoni sú ye. Yersone, Wrami sú ye.

<sup>4</sup> Wramüne, Yaminadabi sú ye. Yaminadabile, Nasõ sú ye. Nasõne, Salma sú ye.

<sup>5</sup> Salmale, Bowasi sú ye, té Bowasi yú me Wrahbile. Bowasile, Wobedi sú ye, té Wobedi yú me Wrutile. Wobedile, Nsyese sú ye.

<sup>6</sup> Nsyesele, yòtē dí Davidi sú ye. Yòtē dí Davidile, Salomo sú ye, té Salomo yúne, Yuri lékókè kyi ye lésõ.

<sup>7</sup> Salomole, Wroboyam sú ye. Wroboyamne, Abya sú ye. Abyale, Asafi sú ye.

<sup>8</sup> Asafile, Nsyosafati sú ye. Nsyosafatile, Nsyoram sú ye. Nsyoramne, Wosyasi sú ye.

<sup>9</sup> Wosyasile, Yotam sú ye. Yotamne, Asyasi sú ye. Asyasile, Yesekyasi sú ye.

<sup>10</sup> Yesekyasile, Manasi sú ye. Manasile, Amo sú ye. Amole, Nsyosyasi sú ye.

<sup>11</sup> Nsyosyasile, Yekonya sú ye, ñmɔ nê-á ñ ðínpi soko yóle. Té légbí ye sò pé me Yisrayel no kyí mɔ à pé tē soko Babiloni yamana soko.†

<sup>12</sup> Képah nàh, Salatyeli dubi, ñmɔ nê-á Yekonya píðine. Salatyelile, Nsorobabeli sú ye.

<sup>13</sup> Nsorobabelile, Abiyudi sú ye. Abiyudile, Yelyakimi sú ye. Yelyakimine, Asori sú ye.

<sup>14</sup> Asorile, Sadoki sú ye. Sadokile, Asyimi sú ye. Asyimine, Yeliyudi sú ye.

<sup>15</sup> Yeliyudile, Yeleyasar sú ye. Yeleyasarle, Matã sú ye. Matãne, Nsyakobi sú ye.

\* 1:2 1.2 - Nsyakobi ðínpi ye Yisrayel no yikini gbõninó súbile. Yah n te Yenesi 46.8-21. † 1:11 1.11 - Yah n te 2 Yõtã 24.12-16.

<sup>16</sup> Nsyakòbìlè, Nsyosefu sú ye, nê-á Mari pèlè. Mari mè ye sò dubi Yesulè, nê-á pè n ye Kristalè, Liyel nɛy yáhtòkònlè.

<sup>17</sup> Kno kno nónó pól-á wè sòkò, sè wè yò: A tókò Abrahamu gbĩ tyí, pópó à pò syi Davidi gbĩ tyí, kno knòno gbõnyáh ye wè sòkò. A tókò Davidi gbĩ tyí, à pò syi Yisrayel no tẽnsòkòno tyí Babilònu yamana sòkò, kno knòno gbõnyáh ye tã wè sòkò. Té à tã tókò Yisrayel no tẽnsòkòno tyí Babilònu yamana sòkò à pò syi Krista gbĩ tyí, kno knòno gbõnyáh ye wè sòkò.

### *Yesu Krista dubi dùkùlè*

<sup>18</sup> Yesu Krista dubi dùkù wè yò: N yú Mari sò mè gbínólè Nsyosefu tyí. Nte pèkì náh sò wè yah pé wró, té kè pò wè Mari mè kùrkìlè Liyel Mirki gbò yò.

<sup>19</sup> Té n pè Nsyosefulè, négbí ye sò nne. A náh sò mè ké tyí nɛ pé Mari yĩn yikɛ névyè yí yah. Képah ye à kè yah tókò nɛ, páh kɛ à yahle sètĩn sò sòkò.

<sup>20</sup> Wáh mè képah sòno sòkò, Tẽ ñgbẽ Liyel yínyò tònpi yó pò wil n yah dékí sòkò, té yo n tyí nɛ: «Davidi pídí Nsyosefu, káh tíkí pɛ á kyɛ Mari fúrnólè. A náh wè di, Liyel Mirki gbò yò ye à tókò kùrkì mènɛ.

<sup>21</sup> A kɛ pídí dubi nê-á kɛ n no pwah n mɔ n pi pé tyípèl sòkò. Képah ye, á kɛ n yĩn sah Yesulè.»‡

<sup>22</sup> Tẽ ñgbẽ Liyel-á lésò n tẽntò syínyo-ò kò à tyi nónó yo sah, sépi wil yĩn ye tyi nópi pól kò sè pɛ. A lésò nɛ ríkè:

<sup>23</sup> «Yah, dí pí-ríkè sè kɛ kùrkì tókò. A kɛ dínpir yó dubi, té n yĩn kɛ sah Yemanuwelulè, nê kór-á: Liyel mè ápile.»§

<sup>24</sup> Nsyosefu-á pò do yuku, Tẽ ñgbẽ Liyel yínyò tònpi-á tyi nónó yo n tyí, à sè pɛ. A n kyɛ Mari fur.

<sup>25</sup> Nte pèkì náh wè yah pé wró, fókò Mari syi pò pídí mè dubi, té Nsyosefu mè n yĩn sah Yesulè.

## 2

### *Nwɔ̀ kèpye sòkò tyi pnèpu kyínyahnólè Yesu tyí*

<sup>1</sup> Yesu dubi Betlemu kwil sòkò, Nsyude sétáh yò, gbí nê-á lésò yòtòrí mè yòtè dí Yeròdu gbò. Yesu-á dubi sè, nɔ̀wɔ̀ kèpye sòkò tyi pnèpu mè wil gbìngbòkèlè, à pò Yerusalemu kwil sòkò,

‡ **1:21** 1.21 - Wáh noh pàh nɛ Yesu-á, ké kór ye pwáhnmo-òlè. § **1:23** 1.23 - Yah n tɛ Yesayi 7.14.

2 té me píkinyahno pi ne nkẽ: «Nsyifuno yõtẽ dí nê-á dubi, à me nyãh sokó? Api me gb̃ngbokele té n̄ n̄wõ kèpil we kè wil. Kèpah ye á ne á pò gb̃lkinó sah n̄ yõ.»

3 Yõtẽ dí Yerodı-á kèpah tẽ noh s̃ẽ, kè n̄ foko f̃ekı ànê Yerusalemı tãn pólle.

4 Kãh pi s̃ẽ, à me sárká syinwilk̃ipu yõtãm ànê Liyel tyi kònsàhnó kwópú pól ye tuke, té pè piki yah ne nkẽ, nyãh sokó se Liyel ney yáhtokono yĩne à pò dubi ni?

5 Pè me yo n̄ tyí ne: «Betlemı sokó ye, Nsyude sétáh yõ. Á náh we di, Liyel lésõ n̄ tẽntõ syinyo-ò kõ à kè wãrki sah ne nkẽ:

6 «Áwõ Betlemı kwil nê-á Nsyude sétáh yõ, á náh me fórwõ Nsyude sétáh yõ kwlo ñgbno sokó dé. Yah, névyeh yah tẽ-ò yó ki pò n dubi n pi á sokó, nê-á ki ñmõ no Yisrayel tẽnó ple n pi.»\*

7 Kèpah tẽne, Yerodı me n̄wõ kèpye sokó tyi pnèpu wõbu ye à pò pè piki yah p̃i, gb̃i nê tótó-á pè we n̄wõ kèpil mènne.

8 Kèpah náh, à pè tekı m̃õ Betlemı sokó, té yo pé tyí ne, pãh ki kyı, pè píkinyahno pi palle piri mè tyí sokó, pãh ki à we, pè pò kè yo pé tyí, péwõ tó kõ pé kyı gb̃lkinó sah n̄ yõ.

9 Yõtẽ dí Yerodı-á welo nópi yo te pé tyí, pè me w̃ekı tẽ. Pãh w̃ekı tẽ, n̄wõ kèpil nê-á s̃õ pè we té me gb̃ngbokele, pè t̃õ kè we pé yah t̃inne kè n̄ yuku péle, pópó à kyı yĩn piri mé-ńsah yõtãh sírr sokó.

10 N̄wõ kèpil mè t̃onwenole, kè pé ni kah vi.

11 Pè me de gbô, té piri we ànê n̄ yú Marile. Kèpah tẽne, pè pé gbètukuno di piri mè yah à gb̃lkinó sah n̄ yõ, té pé vyó yey yıki m̃õ à s̃án, ànê wòkò yõ yõ kwãh pãn pènèkì yó, ànê lãsèkwèl pãn pènèkì yó wilki sé sokó, à pèpõrı pi piri tyí.

12 Kèpah náh, Liyel gbáhdyãh yó di pé tyí dékì sokó ne, pè káh pé syı yuku Yerodı t̃inne. Kãh pi s̃ẽ, pè me w̃ekı káhkı yó tẽ, à pé syı sokó pé kwil sokó.

*Nsyosefu ànê n̄ no tónsokónole Yesyipti yamana sokó*

13 N̄wõ kèpye sokó tyi pnèpu-á pé syı sokó, Tẽ ñgbẽ Liyel ỹinyõ t̃õnpi yó me wil Nsyosefu yah dékì sokó, té yo n̄ tyí ne: «Yõtẽ dí Yerodı ki piri mè soh n̄ kõ n̄ pi núkúnúku n̄ ko n̄ m̃õ n̄ yĩnne. Kèpah ye, yuku piri mè tẽ ànê n̄ yúne, n̄ to n̄ sokó péle Yesyipti yamana sokó, n̄ kyı n̄ tẽ n̄n̄pó, pópó ki pò n̄ n̄ yónm̃ono tyí á tyí.»

\* 2:6 2.6 - Yah n̄ te Mise 5.1.

14 Képah tĕne, Nsyosefu me yuku kéne lékâhne, à piri ànê n yú tĕ pè soko Yesyipti yamana soko.

15 Pè kyi tĕ nĕnpó, pópó Yerɔɔɔ syi pɔ ku. Káh pɔ sĕ, Tĕ ñgbĕ Liyel-á lésó n tĕntò syínyo-ò kǒ à nê yo sah ne: «Mé ní Pídí ye yal Yesyipti yamana soko.»† kè kɔ wil.

*Betlemu wĕnpì yrǒ kònmɔɔle*

16 Yerɔɔɔ-á pɔ pĭ ne níwǒ kèpye soko tyi pnèpu-á pé vi tĕ, n foko kah vyāh. Té wāh lésó níwǒ kèpil mè wil gbí we noh soko te níwǒ kèpye soko tyi pnèpu tyí sĕ, à núkú ne pè kyi Betlemu kwil ànê ké gbòplo kwlo wĕnpì pól ko mɔ, nónó-á pè náh kah ye nínó nínóle.

17 Képah soko, Liyel tĕntò syínyo-ò Nsyeremi-á lésó nê yo sah, kè wil. A lésó ne níkĕ:

18 «Yĭnpǒ yó me n doko Wrama kwil soko, nê-á pò gbónó ànê yām yām tyi kàhnpínóle.

Arasyɔɔ ye n gbo n wĕnpì yinne.

Pè ye yah kwlo, képah ye à náh me fálnó tyí.»‡

*Nsyosefu ànê n no kyíntĕnóle Nasaretu kwil*

19 Yerɔɔɔ kúntenɔ náh, Tĕ ñgbĕ Liyel yínyò tɔnpi yó wil Nsyosefu yah dékí soko Yesyipti yamana,

20 té yo n tyí ne: «Nónó-á sò n yah n kǒ piri mè kònmɔ-nsahle, pè ku te. Képah ye, yuku piri ànê n yú tĕ n soko Yisrayel sétáh yǒ.»

21 Képah soko, Nsyosefu me yuku piri ànê n yú tĕ pè soko Yisrayel sétáh yǒ.

22 Té wāh pɔ noh ne Arsyɔɔlawusi-á tɔko Nsyude mara yòtǒrile n sú Yerɔɔɔ swɔ, tíkí à tĕ kyínóle nĕnpó. Nte Tĕ ñgbĕ me yo mɔ n tyí dékí soko. Képah soko, à me soko Kalile mara soko,§

23 à kyi tĕ ké kwil yó soko, nê-á pè n ye Nasaretu. Tĕ ñgbĕ Liyel-á lésó n tĕntò syínyopu kǒ pè tir nê yo sah, képah wil yin ye tir mè kǒ kè pɔ. Pè lésó ne níkĕ: «À kɔ n ye Nasaretu ñeyne.»

### 3

*Wĕlnwĭlkì-ò Nsyǒ me Liyel weyne n yo*

1 Légbíne, Wĕlnwĭlkì-ò Nsyǒ pɔ Nsyude mara gbĕnni soko, à pɔ tyah Liyel weyne n yo.

† 2:15 2.15 - Yah n te Wose 11.1. ‡ 2:18 2.18 - Yah n te Nsyeremi 31.15. § 2:22 2.22 - Nsyude mara ànê Kalile mara sò me Yisrayel sétáh yǒ.

<sup>2</sup> A sò me yo tũ ne: «Yé yé tyípêl pínó yal mɔ. Yé náh we di, Liyel tǒrí me yĩni tẽ te.»

<sup>3</sup> Liyel tǔntò syĩnyo-ò Yesayi-á lésò nê yo sah ne níkê: «Nnĩ yó yĩnpǔ me n dokɔ gběnni sokɔ ne níkê: <Yé Tẽ ngbẽ wěkì tǔ sah. Yé n sókó-ńtàn pi tómtóm.» Nsyǔ yĩnpǔ tyí ye lésò à n yo.

<sup>4</sup> Yǎhmíkì yè fwòmɔni ye sò Nsyǔ wil, té à me n syĩ tẽ sêl kǔle. Sègblo ànê syĩri ye sò n yòkele.

<sup>5</sup> Képah tǔne, Yerusalemi kwil tǎn, ànê Nsyude mara pól névyè, ànê Nsyurdě yo gběnyah pól névyè sò me n wil n pɔ n tyí.

<sup>6</sup> Pè sò me pé tyípêl pínóle n yo n pɔ no pól yí yah, té Nsyǔ me péle n wel n wilki Nsyurdě yo sokɔ.

<sup>7</sup> Képah sokɔ, Nsyǔ-á kè we Farisi wěkì kópú ànê Sadusi wěkì kópú náhnáh me n pɔ n pɔ à kǔ à péle n wel n wilki sǔ, à me yo pé tyí ne, wáhnmiró dükù nópì! Nê se kwɔ péle ne pǎh kɪ fě to pwah Liyel fòkòvyǎhnì yah, nê-á n pi nɪ?

<sup>8</sup> Pè tyípeplòle n pi, nónó-á n wěkɪ n pi ne pǎh pé tyípêl pínó yal mɔ.

<sup>9</sup> Té pé káh we ne páh kɪ n sǔ pé fòkɔni sokɔ ne Abrahami-á pé súle, képah-á kɪ yĩne dé. Páh kéle n yo pé tyí, dyèh nónó-á yò, Liyel-á kɪ fě sè vi mɔ pi Abrahami pyele.

<sup>10</sup> Té man nítě-á me yáhnshntenole sésán fě yĩnne sé sémĩn sokɔ. Séswò nê-à n syí-níkêne pye peplòle, káh kɪ ko min dah mɔ nyàh sokɔ.

<sup>11</sup> Péwɔ tẽ wɔ-á péle n wel n wilki ni sokɔ, nê-á kɪ kè wěkɪ ne pǎh pé tyípêl pínó yal mɔ. Nte névi nê-á kɪ n pɔ n pi péwɔ náhle, tẽ wɔ tǔnwɛnɔ-á kal péwɔ tyíle. Páh fórwɔ kah n lékyèh nítě dénóle. Tẽ wɔ-á kɪ pɔ pè wel wilki Liyel Mirki ànê nyàh sokɔ.\*

<sup>12</sup> N sèmukɔ fwo fwo kwâh-á me n gbò. Wǎh kɪ n táh tǔ sah, kɪ n sèmukɔ fwo, té kɪ ké pórí kwel mɔ dúkúrí sokɔ. Nte sé yésyí wɔle, wǎh kɪ sépi suke ní-níkê nyàh sokɔ.

*Yesu wèlnwìlkìnóle ni sokɔ*

<sup>13</sup> Képah tǔne, Yesu wil Kalile mara sokɔ à pɔ Nsyǔ tyí Nsyurdě yóngbalɪ sokɔ, ne pé pɔ à kǔ à pé wel wilki ni sokɔ.

<sup>14</sup> Nte Nsyǔ me yahle té ne, péwɔ-á yĩne pé pɔ ñmɔ kǔ à pé wel wilki ni sokɔ, té ñmɔ pyè pɔ péwɔ tyí nɪ?

<sup>15</sup> Nte Yesu me yo n tyí ne: «Ye kè pi sǔ àtre. Á náh we di, ké yah ye Liyel-á nê yah kǔ, ápi kè pi.» Wǎh képah yo sǔ, Nsyǔ me fě syi.

\* 3:11 3.11 - Yah n te Tyípínì 2.1-13.



16 Yesu wèlnwĩkĩnteno ñsõ, à wil ni soko. Nénpó swo yĩnyõ yĩki mo, té à me Liyel Mirki we kè me n tiki n pi kèpíkípíkí tyí kōle, à pɔ tē ñ yõ.

17 Képah soko, yĩnpɔ yó nukú n wil yĩnyõ ne níké: «Ñmo nìdè Pídí ye yò. Nmo ye ní nìvìnì yōle.»

## 4

*Sétàn yòtē-á Yesu tō mo yah dùkù nēne*

1 Képah náh, Liyel Mirki Yesu tē yuku gběnni soko ne sétàn yòtē à we tō mo yah nénpó.

2 Wáh sèpìn tikinini ànê lékãhlónó tikinini pi yōke yó-ńkēne, kwekú à tē.

3 Képah soko, sétàn yòtē nê-á tōnmɔ-òle, ñmo me nɔ de Yesule té yo ñ tyí ne, ñmɔ-à kú nê Liyel Pídíne, à yo dyêh nópi tyí sè vi mo pi yōkele.

4 Yesu me yo ñ tyí ne: «Kè me wárkínsàhnóle Liyel wey sébéy soko ne níké: «Yōke ó náh n pu névile dé. Nte welo nónó-á n wil Liyel vyãh, sépi ye pyé n pu névile.»<sup>\*</sup>

5 Képah náh, sétàn yòtē yuku ñne Yerusalemi kwil, à kyú à sah Liyel ní-ńsah gbô yòtah<sup>†</sup>

6 té me yo ñ tyí ne, ñmɔ-à kú nê Liyel Pídíne, à yoko n tiki sétáh. A kó we ni, kãh me wárkínsàhnóle Liyel wey sébéy soko ne níké, ñmo yinne, Liyel-á kú ñ yĩnyõ tōnpɔbɔ kō sè kú à swah syi sé gbãh soko, ñ gbáhkì kō kè náh n mɔ n pi dáhkì tyí.<sup>‡</sup>

7 Képah soko, Yesu me yo ñ tyí ne: «Kè me wárkínsàhnó tole ne: «Káh á Tē ñgbē Liyelle n mo n yah.»<sup>§</sup>

8 Képah náh, sétàn yòtē tō soko ñne yõh kèyy yó yõ, à kyú kèkõyó tōrì pólle à wèkú ànê ké tahrile,

9 té yo ñ tyí ne, wáh kú ñ gbètukunɔ di péwɔ yah à pé gbilki, páh kú sé pólle à kō.

10 Képah tēne, Yesu yo ñ tyí ne: «Yal ní tnô, sétàn yòtē! Kè me wárkínsàhnóle Liyel wey sébéy soko ne: «Á Tē ñgbē Liyelle n gbilki, ñ té ne n sah ñmo ó tyí yõ.»<sup>\*</sup>

11 Képah soko, sétàn yòtē me yal ñ tnô. Yĩnyõ tōnpɔbɔ me pɔ ñ tnô, à pɔ n yah n dah n mo ñ tyí soko.

<sup>\*</sup> 4:4 4.4 - Yah n te Tõnyono 8.3.    <sup>†</sup> 4:5 4.5 - Liyel ní-ńsah gbô yòtah nê tyí-á n yo ásô soko yò, ké kolò kah métérnó gbãmne.    <sup>‡</sup> 4:6 4.6 - Yah n te Gbálnó 91.11-12.    <sup>§</sup> 4:7 4.7 - Yah n te Tõnyono 6.16.    <sup>\*</sup> 4:10 4.10 - Yah n te Tõnyono 6.13.

*Yesu tǝ tyàhnóle Kalile mara sɔkɔ*

12 Pè lésǝ Wèlnwìlkì-ò Nsyǝ dah mɔ wòkònpèkè sɔkɔ.†  
Yesu-á kè noh gbí nêne, à ò syi sɔkɔ Kalile mara sɔkɔ.

13 Té à náh tǝ Nasaretì kwil sɔkɔ. A sǝ mè kyì tǝ Kalile yó-  
ngbǝ gbòpɔ kwil yó sɔkɔ pè n ye Kapernayumine, Nsabalǝ  
yìkì ànê Nefutali yìkì névyè sètáh yǝ.

14 Kè ye pì sǝ, nê-á kì Liyel tǝntǝ syínyo-ò Yesayi tir  
yónsàhnó mè kǝ kè kì wil. A lésǝ ne níkǝ:

15 «Nsabalǝ yìkì ànê Nefutali yìkì névyè nónó-á mè wǝkì  
gbòpɔ nê-á sɔkɔ yó-ngbǝ tnô, ànê pé nónó-á mè Nsyurdǝ  
yónkahnine, à tahlì pé Kalile mara tǝn tyí nónó-á pé túkú  
náh pì Nsyifunole,

16 pépi nónó-á sǝ mè fǝntú sɔkɔ, pè kyòò ngbǝ yó wɛ. Pépi  
nónó-á sǝ mè fǝntú sɔkɔ kǝ tíkile pé sɔkɔ, kyòò yó mè wɛ  
pé tyí.»‡

17 Té à tɔkɔ gbí nê-á sǝ Yesu mè Kapernayumi sɔkɔ, à tyah  
Liyel weyne n yo, mè yo tǝ ne: «Yé yé tyípél pínó yal mɔ.  
Yé náh wɛ di, Liyel tǝrí mè yìni tǝ tɛ.»

*Yesu tǝ sáhpú négbrole*

18 Yesu sǝ mè n kɔ Kalile yó-ngbǝ gbòpɔ sɔkɔ, té díbí népì  
nímí wɛ. Simo nê-á pé yìn dyì à kǝ Pyerile, òmɔ ye sǝ ànê  
n gbǝndí Andrele. Pè sǝ mè yǝnkyɔ tǝ tǝ mnole n min yo  
sɔkɔ. Yǝnkyɔ tǝpú ye sǝ péle.

19 Yesu mè yo pé tyí ne: «Yé í sǝ tǝ. Mé kì yé pì névyè  
tǝnpɔpule Liyel tyí.»

20 Nénpó swɔ, pè núkú pé yǝnkyɔ tǝ tǝ mnɔ sah té ò sǝ tǝ.

21 Wǎh tǝ yuku yahle kwéy, à díbí népì ní mí yísyó wɛ.  
Nsyakì ànê Nsyǝ ye sǝ, pépi nónó-á Nsebede dínpìle. Pè sǝ  
mè ànê pé sú Nsebedele krótókè sɔkɔ, mè pé yǝnkyɔ tǝ tǝ  
mnole n tǝ n sah. Yesu mè pè ye yah.

22 Nénpó swɔ, pè núkú yal krótókè ànê pé sú tnô, té ò sǝ  
tǝ.

*Yesu névyè kwónó ànê yámpú dénmanole*

23 Yesu sǝ mè Kalile mara pólle n kɔ n kǝ, mè nole n kwo  
Nsyifunɔ Liyel ní-ntǝn vè sɔkɔ, mè Nìvìnì tìrle n yo Liyel  
tǝrí tyí yǝ, té mè yámpú pól ànê néfukuló pólle n de n mɔ.

24 Kǎh pì sǝ, Yesu yìn wil Siri yamana pól sɔkɔ. No mè tyah  
n pɔ n pɔ yámpú pólle ò tyí, nónó-á sǝ mè kwónó sɔkɔ yam

† 4:12 4.12 - Yah n tɛ Matye 14.1-12; Markì 6.17-18; Likyi 9.7-9. ‡ 4:16 4.16  
Yah n tɛ Yesayi 8.23 - 9.1

àñê yèvyährı duke duke pól sɔkɔ, àñê sétàn-á sò με νόνο sɔkɔ, àñê ndyìkìnrɔbɔlɛ, àñê wil kúnó névyelɛ, Yesu pé pól de mɔ.

<sup>25</sup> Képah tẽne, tówû ñgbẽ Yesu sò tẽ. Pé tókù sò wil Kalile mara sɔkɔ, tókù wil Dekapoli mara sɔkɔ, tókù wil Yerusalemı kwil, tókù wil Nsyude mara sɔkɔ, tókù me wil Nsyurdẽ yónkahnɛ.

## 5

*Yesu-á kwónó nóno pí yõli yõ.*

<sup>1</sup> Yesu-á tówû we sɛ, à dɔkɔ yuku yõli yõ. Wǎh kǒ tẽ, ñ tò sáhpú me nɔ de ñ tnô.

<sup>2</sup> Képah sɔkɔ, à me tyah péle n kwɔ ne níkẽ:

*Névyel nóno-á me nɔli sɔkɔ*

<sup>3</sup> «Nónó-á pí ne Liyel yétô-á me pé tẽ, pépi tyí nɔ. Pé kɩ Liyel tǒrí nɔli yõ n pí.

<sup>4</sup> Nónó-á me gbní sɔkɔ, pépi tyí nɔ. Liyel kɩ pé yéfi kele n pí.

<sup>5</sup> Gblɔy tíkínmɔnɔ-á me nóno sɔkɔ, pépi tyí nɔ. Sétáh kɩ pɔ n pí n pí pépi tyíle.\*

<sup>6</sup> Gbɩ wěkì kóló dékè-á me nóno sɔkɔ, á kɩ ne kwɛkɩ àñê níkì sǒ tẽ péle, pépi tyí nɔ. Páh nêne n yah n kǒ, pé kɩ kè we n dal n mɔ n pí.

<sup>7</sup> Nónó-á névyel yãmne n yah, pépi tyí nɔ. Liyel kɩ pé tɔ yãm yah n pí.

<sup>8</sup> Nóno nɔnɔ-á me yályál Liyel yah, pépi tyí nɔ. Pé kɩ Liyel we n pí yíne.

<sup>9</sup> Nóno gbò yõ-á yèvinɩ n we, pépi tyí nɔ. Pé kɩ n ye n pí Liyel wěnpìle.

<sup>10</sup> Nónó-á me fǒhnóle n we pé négló pínó yinne Liyel yah, pépi tyí nɔ. Pé kɩ Liyel tǒrí nɔli yõ n pí.

<sup>11</sup> Névyel-á yéle n gbyɔ gbí nêne, té yéle n fǒh, té yé tyíle n yo n ko à mìnì duke duke pólle n sah yé yõ ñmɔ yinne, pépi tyí nɔ.

<sup>12</sup> Sɛ ye lésò pé fǒh Liyel tǔntǔ syínyopule nóno-á yé dyàh tẽ pɔ sɔkɔ. Yé kɩ ké yõre ñgbẽ we n pí yínyõ sɔkɔ. Képah ye, yé ne n me nìvìnì ñgbẽ sɔkɔ yèsyìkì tẽne.

*Yesu-á kwónó nêne ñ tò sáhpú kǒ pne àñê kyòo tyí yõ*

<sup>13</sup> Yépi ye n nɔ kèkòyóle, sǒ-á pne pãne n nɔ. Nte pne dëndên-à wal ké sɔkɔ, sǒ me kè kɩ tǒ fẽ pí dëndên? Kè náh

\* 5:5 5.5 - Yah n te Gbálnó 37.11.

tõ fẽ tir yó pekɪ n pi, à wil mĩlkinó tyí soko kégbó, té névyekɪ n ko n soko ké yõ.

14 Yépi ye kèkõyó kyòole. Kwil nê-à me mónóle yõli yõ, kè náh fẽ n wõbɪ n pi dò.

15 Pè náh fòtnòle n soh té dúle n kwĩnki n mo ké yah. Pè kè sah fòtnò sahkɪ soko, kè kõ kè n pi kyòole wòkò soko névyepól tyí.

16 Sẽ ye yé yĩne ye pi kyòole névyetyí, pè kõ pè yé tyípeplo pínó we, pè mó yé Súle n gbilki, nê-á me yĩnyõ soko.

*Yesu-á kwónó nêne ò tò sáhpú kã tyi kònsàhnó tyí yõ*

17 Yé káh we ne nímo-á pɔ tyi kònsàhnó duku kò-nsah, képah náh pi Liyel tẽntò syínyopu-á kwónó nónó kõ, sépi duku kò-nsah dé. Mé náh pɔ sé duku kò-nsah, nte mé pɔ sé tyi píndalnmɔ-nsah.

18 Kègbɪ yõ mé kéle n yo yé tyí, yĩnyõ ànê sétáh tẽ-à fyò me, kwáh tyĩ yó, képah náh pi kwáhkýírí yó nítẽ náh n wilki n pi tyi kònsàhnó soko, fóó kɪ pɔ syɪ ké soko tyi pól píntenɔ tyí.

19 Képah ye, névi nê-à n sàh-ńkẽne tyi kònsàhnó soko tir kyírí fyé yõ, té no téló tɔ yõ yɪkɪ mo sɛntẽ pínó soko, tẽ kɪ fóroo kal Liyel tórí nɔli yópú pólle. Nte névi nê wɔ-à n sah sé soko tyíyónó yõ, té séle nolé n kwɔ, tẽ wɔ kɪ yĩn-nsah ngebẽ we Liyel tórí nɔli yó-nsah soko.

20 Mé kéle n yo yé tyí, yáh kɪ pí-ńkẽne gbɪ wèkì kópúle Liyel yah à kal Liyel tyi kònsàhnó kwópú ànê Farisi wèkì kópúle, yé náh Liyel tórí nɔli yõ n pi.

*Yesu-á kwónó nêne ò tò sáhpú kã fòkòvyãhni tyí yõ*

21 Yé kè noh soko ne káh yo á náh tãn tyí ne, ney káh nékókè mo. Névi nê-à nékókè mo, tẽ-á yĩne tükènole.

22 Nte nímo wɔ kéle n yo yé tyí ne, névi nê-à ò foko vyãh ò ní-òle, tẽ-á yĩne tükènole. Nê-à ò ní-ò ye Nèwòle, tẽ-á yĩne tükènole tukey tükèpu tĩnkì tyí. Té nê-à à ye Vĩnpule, tẽ wɔ-á yĩne dáhnmɔnole ní-ńkẽ nyàhnpèkè soko.

23 Wáh pɔ á yĩ n kõ kõ kwáhle Liyel kó-nsah, té á dyo to kò nénpó soko ne wáh pi de á ní-ò yó tyí,

24 á yĩ n kõ kõ kwáh sah nénpó, ò té n kyɪ á wró tõ n sah á ní-ò mènè, ò té n pyè n pɔ kéle Liyel kõ.

25 Tir yó kénkõ-à me yé wró ànê ònî yóle, té à kyɪ ò ye tukey tükè-ò tyí, gbah n tẽ ké yah wah yé yĩnintẽ-ńkẽ soko nénpó. Képah-à pí-ńkẽne, à kɪ kyɪ ále tukey tükè-ò tyí ne à

ké yah wah, tukey tükè-ò mè kɪ kyɪ ále sràsyíbí kɔ̃, té pépi kɪ mó ñ dah mɔ wòkònpèkè sɔkɔ.

26 Kègbɪ yɔ mé kéle n yo á tyí, á náh n wil n pi nénpó, né á náh kòlɪ mè pól dyah te pnépné.

*Yesu-á kwónó nêne ñ tò sáhpú kɔ̃ fɔ́fíkì tyí yɔ*

27 Yé kè noh sɔkɔ ne káh me yónóle ne: «Káh fòfíkìle n pi.»†

28 Nte ñmɔ kéle n yo yé tyí ne, névi nê-à sê yó yah, té yí wil ñ tyí, tẽ-á fòfíkì pi te ñne ñ nɪ sɔkɔ.

29 Á gbòyò sò yí-à kɪ nê ñ dah n mɔ n pi tyípékè pínó sɔkɔ, kè gbahlɪ n wilki n milki ále fíí. Á tékínóle á wil gběnsê fí núkú sɔkɔ, képah kɪ fónfó kal á wil pól mínndahnmɔnɔ yò ní-ńkê nyàhnpèkè sɔkɔ.

30 Á gbòyò sò gbò-à kɪ nê ñ dah n mɔ n pi tyípékè pínó sɔkɔ, kè kām n milki ále fíí. Á tékínóle á wil gběnsê fí núkú sɔkɔ, képah kɪ fónfó kal á wil pól kyíndenɔ yò ní-ńkê nyàhnpèkè sɔkɔ.

*Yesu-á kwónó nêne ñ tò sáhpú kɔ̃ fúr yíkínó tyí yɔ*

31 Kè me yónó tɔle ne, névi nê-à ñ kyɪle n fin n mɔ, tẽ-á yĩne à ñ fínnmɔnɔ tārɸyò sébéy pi à kɔ̃.‡

32 Nte ñmɔ tẽ wɔ kéle n yo yé tyí ne, névi nê-à ñ kyɪ fin mɔ né fòfíkì tẽ tyí yɔ náh, tẽ-á me ñne n mɔ fòfíkì pínó wèkì yò. Névi nê tɔ-à mó sê fínnmɔnɔ tɔkɔ, fòfíkì-á tẽ n pi.

*Yesu-á kwónó nêne ñ tò sáhpú kɔ̃ gblɔy wónó tyí yɔ*

33 Yé kè noh sɔkɔ tɔle ne káh yo á náh tãn tyí ne: «Káh ále n wo mìnì tyi sɔkɔ. Wáh á wo tir nê sɔkɔ Tẽ ñgbě yah, á yĩne ñ kè pi.»

34 Nte ñmɔ tẽ wɔ kéle n yo yé tyí ne, yé káh yéle n wo pólle. Yé káh yéle n wo yínyòle. Liyel tɔ́rí kɔ̃ ye kéle, képah ye yé káh yéle n wo kéle.

35 Yé káh yéle n wo sétáhle. Liyel gbyêh súnsàh-ñsah kɔ̃ ye kéle, képah ye yé káh yéle n wo kéle. Yé káh yéle n wo Yerusalemne. Yòtẽ ñgbě Liyel kwil ye kéle, képah ye yé káh yéle n wo kéle.

36 Káh ále n wo á yòle. Á náh fẽ á yòyén pó núkú ñtẽ fyé piki, képah náh pi à kè silki n pi, képah ye káh ále n wo kéle.

† 5:27 5.27 - Yah n te Yálnó 20.14; Tɔ́nyonɔ 5.18. ‡ 5:31 5.31 - Yah n te Tɔ́nyonɔ 24.1.

<sup>37</sup> Kàh àwewe, yo ne àwe-á. Kàh ǒǒle, yo ne ǒǒ-á. Té wâh nê yo dohnɪ sépi yõ, pèkè pí-ò tò vyâh ye.

*Yesu-á kwónó nêne ñ tò sâhpú kǒ pèkè dyáhnó tyí yõ*

<sup>38</sup> Yé kè noh sɔkɔ ne kâh me yónóle ne: «Wâh yí sɔ, á yí kɪ sɔ. Wâh yín dal, á yín kɪ dal.»§

<sup>39</sup> Nte nímɔ kéle n yo yé tyí ne, névi-à tyítúkù pí yé tyí, yé káh ne yáh ké wóle n de. Té névi-à á gbòyò sò létáh mɪ, ké ní-ò to vi n mɔ à kǒ.

<sup>40</sup> Névi-à me ké tyí ne pé ñ ye tukey tükèpu tyí á fwòmònpír syi yinne, á fwòmò-ngbê tɔle tẽ kǒ.

<sup>41</sup> Névi-à ñ kyí mɔ ne á kiló núkú kɔ péle, kilónó nínó kɔ tẽne.

<sup>42</sup> Névi nê-à ni á tyí, yí tẽ kǒ. Nê-à ne pé deki syi á tyí, káh n yahle.

*Yesu-á kwónó nêne ñ tò sâhpú kǒ à yuku sépébi tyí-á yĩne kè nɔ pé tyí sǒ*

<sup>43</sup> Yé kè noh sɔkɔ ne kâh me yónóle ne, á ní-ò tyí-á yĩne kè nɔ á tyí,\* á mó á sépe dyɔle n yo.

<sup>44</sup> Nte nímɔ kéle n yo yé tyí ne, yé ye yé sépébi tyí nɔ yé tyí, yé mó Liyelle n ni yé fòhpú tyí.

<sup>45</sup> Yâh képahle n pí, yé Sú Liyel nê-á yinyõ sɔkɔ, yé me kéle n wêkɪ ne ñmɔ wẽnpì-á yéle. Ñmɔ ye n se ñ gbĩne népèl ànê népéplɔ tyí, té pũne n pí n mɔ négló ànê nétúkúni tyí.

<sup>46</sup> Té yépi tyí-á nɔ nónó tyí, pépi ó tyí-à nɔ yé tyí, yõre nê me yé kɪ n we n pi képah sɔkɔ Liyel tyí? Móri syípú nítẽ to nâh me sɛntẽne n pí di?

<sup>47</sup> Yâh n wêkɪ n mɔ yé no ó tyí, gbẽndùnì tir nê me képahle? Liyel wêkì kó-ńkêpú nítẽ to nâh me sɛntẽne n pí di?

<sup>48</sup> Yépi tẽ wɔle, yé tyípéplɔ ó kókóle n pí, sǒ-á yé Sú tyípéplɔ ó kókóle n pí, ñmɔ nê-á me yinyõ sɔkɔ.

## 6

*Yesu-á kwónó nêne ñ tò sâhpú kǒ yí n kǒ dùkù tyí yõ*

<sup>1</sup> Yé yé gblɔyne n tẽ gbɪ wêkì kólóle yínyáhkì sɔkɔ dé. Yâh képahle n pí, yé nâh ké yõre we n pí Sú Liyel tyí, ñmɔ nê-á yinyõ.

<sup>2</sup> Képah ye, wâh kwâhle n yí yãm neyne n kǒ, káh ké kwníne n kǒ sǒ-á névyé túkù n ne n pí kéle Liyel ní-ńtân vɪ

sokɔ ànê wàl yey sokɔ, névyé kɔ pɛ péle n gbilki. Kègbɪ yɔ mé kéle n yo yé tyí, pè ye ké yòre wɛ tɛ.

<sup>3</sup> Ntɛ áwɔ-à kwáhle n yí yám neyne n kɔ, káh n ye ònî yó ntɛ pɪ ké sokɔ.

<sup>4</sup> Képah sokɔ, yínkɔnɔ nê-á á pɪ, kè kɪ tɛ sètɪn sò sokɔ. Tɛ Sú Liyel nê-á sètɪn sò tyile n pne, òmɔ kɪ ò dyah ké yòrele.

*Yesu-á kwónó nêne ò tò sáhpú kɔ Liyel ni dùkù tyí yɔ*

<sup>5</sup> Yáh Liyelle n ni, yé káh névyé túkùle n yah n pɪ. Liyel ní-ntàn vɪ ànê wɛtlo yey sokɔ yúkúnyinntɛnó tyí ye nɔ pépi tyí pàh Liyelle n ni. Pé gblɔy wɛkɪ yín ye pè n ne n pɪ képahle. Kègbɪ yɔ mé kéle n yo yé tyí, pè ye ké yòre wɛ tɛ.

<sup>6</sup> Ntɛ áwɔ-à mɛ ké tyí ne á Liyel ni, wáh pɪ ò de á wòkò sokɔ, ò tɛ á yah vike, ò tɛ á Sú Liyelle n ni. Tɛ Sú Liyel nê-á sètɪn sò tyile n pne, òmɔ kɪ ò dyah ké yòrele.

<sup>7</sup> Yáh níri le n pɪ, yé káh tyile n tò n yo tyé-ńkɛne Liyel pí-ńkɛpú tyí kòle. Pépi tɛ sònɔ sokɔ, tyi tɔnyonɔ kwlɛyy níri ye Liyel n tɛ.

<sup>8</sup> Ntɛ yí nónó yétò-á mɛ yépi tɛ, yé Sú Liyel sè pɪ tɛ sé ní-ńkɛ gbí ntɛne ò tyí. Képah ye, yé káh Liyel pí-ńkɛpúle n yah n pɪ.

<sup>9</sup> Yáh yíne ye Liyelle n ni dùkù nêne, kè wɛ yò:

Ápi Sú Liyel nê-á yínyò,  
á yín ne n gbilki.

<sup>10</sup> Á yòtòrí wɛkɪ.

Wáh mɛ nê tyí,

képah ne n pɪ sétáh yò, sɔ-á kéle yínyò.

<sup>11</sup> Á kwey gbìyìkì yòkele á kɔ.

<sup>12</sup> Ápi-á pɪ de áwɔ tyí tyi nónó sokɔ, sè yò n mɔ á kɔ, sɔ-á ápi tɔ yò mɔ névyé kɔ, nónó-á pɪ de á tyí.

<sup>13</sup> Káh n ye à sétàn yòtɛ tɔnmɔnɔle n fɛ n syi.

Ntɛ á pwah n mɔ ò gbò, òmɔ nê tyí-á pèkè pínó sò n wil.

[Yòtòrí, ànê tɛnwɛnɔ, ànê gbilkinóle, áwɔ tyí ye gbímegbí.  
Amiina!]

<sup>14</sup> Névyé nónó-á n pɪ n de yé tyí, yáh n yò n mɔ péle n kɔ, yé Sú Liyel nê-á yínyò, à kɪ n yò n mɔ yé tɔle n kɔ.

<sup>15</sup> Ntɛ yépi-à névyé tyípèlle n yò n mɔ péle n kɔ-ńkɛne, yé Sú Liyel náh yépi tɔ tyí yò n mɔ yé kɔ n pɪ.

*Yesu-á kwónó nêne ò tò sáhpú kɔ níkì tɛ dùkù tyí yɔ*

16 Yâh níkì tẽ, yé káh yé yey kwɔ n sah névye túkù tyí kǒle. Pépi níkẽne pé yey yõre n sah ne névye pĩ ne páh me níkì tẽ. Kègbɔ yõ mé kéle n yo yé tyí, pè ye ké yõre we te.

17 Nte áwɔ-à níkì tẽ, á yah wu, té káh á yõ pɪ n sah yákára,

18 névye kǒ pè pĩ ne wáh me níkì tẽ. Té á Sú Liyel nê-á sèñin sǒ tyile n pne, ñmɔ kɪ ñ dyah ké yõrele.

*Yesu-á kwónó nêne ñ tò sáhú kǒ tahrɪ koh n sah dùkù tyí yõ yĩnyõ*

19 Yé káh tahrɪle n yah n koh n sah kèkõyó mè sɔkɔ, kèpah nê sɔkɔ-á sóhrí ànê syímí kɪ fẽ séle n yõ, kèpah náh pɪ yípú kɪ fẽ kye de vì sɔkɔ kɪ sè yĩ tɔkɔ.

20 Nte yé tahrɪle n yah n koh n sah yĩnyõ, kèpah nê sɔkɔ-á sóhrí ànê syímí náh me sé yõ yõ tẽne, yípú tɔ náh me kɪ fẽ kye de vì sɔkɔ, kèpah náh pɪ kɪ yĩbe yĩ.

21 Á náh we di, á tahrɪ-à me nýâh, á sǒnɔ tɔ kɪ me nénpó.

22 Wil kyòole, yí ye. Á yí-à me vyele, á wil pól kɪ me kyòo sɔkɔ.

23 Nte á yí-à yɪkɪ, á wil pól kɪ me fěntú sɔkɔ. Kyòo nê-á á sɔkɔ, káh kɪ me fěntúne, á me yíí fěntú pbèy sɔkɔ dé.

24 Névi yó ntẽ náh fẽ tò kwɔ n pɪ n pi yõtãm népĩ ními tyí. Á kɪ núkú dyɔle n yɔ, té kɪ nɔ ñ ní-òle. Kèpah náh pɪ, à kɪ núkúle n fínki, té kɪ ñ ní-ò we mɔ. Sě ó ye, yé náh fẽ tò kwɔ n pɪ n pi Liyel ànê pó tyí.

25 Kèpah ye ní kǒ mé kéle n yo yé tyí ne, yé káh yé fɔkɔle n sǒ yáh ne we n yõ [té we n wɔ] n pi sǒ, té kɪ me min sɔkɔ, ànê yáh ne yé wil flo we n mɔ n pi sǒ. Névi min tyí náh tah kal yòkele di? Wil tɔ tyí náh tah kal flole di?

26 Yé yah kèpyele yĩnyõ sɔkɔ kè; sè náh sèmukɔle n duku, sè náh sèmukɔle n tɔkɔ; sè náh se mó tǒ sèmukɔle n koh n sah díké sɔkɔ; té yé Sú Liyel séle n pu. Nte yépi náh fónfó kal kèpye yõ náhnáh di?

27 Yépi sɔkɔ nê tẽ kɪ fẽ kwéy ntẽ fyé dohnɪ ñ gblɔy min yõ, ñ fókósɔnɔ gbò yõ?

28 Nte kwâh nê fɔkɔ sǒnɔ me yé tyí yé mɔ mɔ flo tyí sɔkɔ wé? Yé yah filkí fi pɪ dùkùle swèy sɔkɔ kè: Sè náh tòle n pɪ, sè náh se mó tǒ flole n fí.

29 Nte mé kéle n yo yé tyí ne, yòtẽ dí Salomo tàh fyé yah yõ, à náh flo we mɔ yah nónó-á ple nɔ filfi nópi sɔkɔ yó ntẽne.



<sup>30</sup> Liyel yõ sěnyĩ-ńkēpú nópi. Fílkĩ nê-á swāh sɔkɔ kweyne, té kɪ pɔ n sukɛ n pi ńsône, Liyel-á kėpah fi pi palle sě à, yépi wɔ se pyè à kɪ ye kóhnmɔnɔle kal plétnɔɔ?

<sup>31</sup> Yé káh yé fɔkɔle n sɔ yè pɔ ne n yo ne, kwāh nê se yé kɪ we yõ ni? Kwāh nê se yé kɪ we wɔ ni? Kwāh nê se yé kɪ we mɔ yé wil sɔkɔ ni?

<sup>32</sup> Yé náh we di, Liyel pí-ńkēpú ye ńkēne ne n yah n kɔ sépi pólle tyétyení kēne. Nte yé Sú nê-á yĩnyõ, à pí ne yĩ nópi pól yétô-á me yé tē dò.

<sup>33</sup> Yé Liyel tǔrí ñgbò yah n kɔ, ànê wāh me nê tyí. Kėpah sɔkɔ, à kɪ yĩ téló tɔ pól dohnɪ yé kɔ.

<sup>34</sup> Yé káh yé fɔkɔle n sɔ ńsô tyí sɔkɔ. Yé ńsô tyi sah ńsô yah. Swõ swõ pól ànê sé yótyí ye.

## 7

*Yesu-á kwónó nêne ñ tǔ sáhpú kɔ ne pè káh no télóle n tuke*

<sup>1</sup> Yé káh nole n tuke. Kėpah sɔkɔ, Liyel náh yé tɔ tuke n pi.

<sup>2</sup> Yé náh we di, yáh no télóle n tuke sɔ, sě ye Liyel kɪ n tuke n pi yé tɔle. Yáh no téló tyíle n sāh dú nêne, yé tɔ tyí kɪ n sāh n pi kēne dú óle.

<sup>3</sup> Á pi sɔ té ñdan we á yũnpi yí sɔkɔ, té dàhnpele áwɔ yí sɔkɔ, á náh me kėpah wɔ pí?

<sup>4</sup> Á kɪ pi sɔ, té kɪ yo á yũnpi tyí ne, à ye á ñdan wilki à kɔ ñ yí sɔkɔ, té dàhnpe mó tɔ me áwɔ yí sɔkɔ?

<sup>5</sup> Fòkòpíl névi. Á yí sɔkɔ dàhnpe ñgbò wilki. Kėpah-à pi, á kɪ fě n yah palle kɪ á yũnpi yí sɔkɔ ñdan wilki.

<sup>6</sup> Yĩ nóno-á me Liyel tyí yõ, yé káh séle névyele n kɔ nóno-á me pāhlo tyí kǔle, pè kɔ pè káh n pɔ pé yey vi yé tyí kėpékéyô. Yé káh mó tɔ yĩ kètárnɔle névyele n kɔ nóno-á me slo tyí kǔle, pè kɔ pè káh n pɔ n suki n sɔkɔ sé yõ.

*Yesu-á kwónó nêne ñ tǔ sáhpú kɔ ne pè ne n ni Liyel tyí*

<sup>7</sup> Yé ne n ni, yé kɪ n we n syi. Yé ne n yah n kɔ, yé kɪ n we. Yé wùkahle n mɪ, kè kɪ n yɪkɪ n mɔ yéle n kɔ.

<sup>8</sup> Yé náh we di, nê-à ni Liyel tyí, tē n we n syi. Nê-à yah kɔ, tē n we. Nê-à wùkah mɪ, kè n yɪkɪ n mɔ tē kɔ.

<sup>9</sup> Nê tē me yépi sɔkɔ, ñ pídí-à búrn ni ñ tyí à kɪ dáhkìle à kɔ?

<sup>10</sup> Kėpah náh pi, wāh yěnkô ni ñ tyí, à kɪ wahyne à kɔ?

11 Yépi nónó-á népèlle, yé yé wěnpì kǒnó yah we yípeplòle. Tòtò náh me ké sòkò, yé Sú Liyel nê-á me yĩnyõ sòkò, ìmò kí yĩle sé nípú kǒ nónó-á ple kal yépi tyíle dò.

12 Yáh me ké tyí ne no tyi nónó pòlle n pi yé tyí, yépi tò sěnkòle n pi pé tyí. Sě ye tyi kǒnsàhnó ànê Liyel těntò sýnyopu sébéynó yo kéle.

*Yesu-á kwónó nêne ò tǒ sáhpú kǒ dé-ńsah wǒkè ànê dé-ńsah fĩ tyí yǒ*

13 Yé ne n de dé-ńsah fĩle. Yé náh we di, wěkì nê-á n yuku tyí yíkínó tě-ńsah, ké kóló me fáhfháh, ké dé-ńsah me wò. Képah sòkò dépú me dò.

14 Nte wěkì nê-á n yuku tyé-ńkě min tě-ńsah, ké kóló me táhnóle, ké dé-ńsah me fĩ. Ké wéndepu náh me fwó.

*Yesu-á kwónó nêne ò tǒ sáhpú kǒ Liyel yĩn yǒ m̀nyobe tyí yǒ*

15 Yé yé gblǒyne n kyomì Liyel yĩn yǒ m̀nyobele. Pàh n pi yé tyí, pé pé gblǒy pi mámm képyénì tyí kǒle, té ké kègbì tě yǒ sòkò, pé me pékénóle gběnpáhlo sǒ.

16 Yé kí pé pĩ n pi pé tyípínó sòkò. Yèresě náh fě n we n gbe kahri sòkò. Sěnsóké pye tò náh mó fě n we n gbe gbíyěkì sòkò.

17 Sésân pèplo pól n syi pye pèplòle. Té séswóntùkù wò mó n syi pye tókúnìne.

18 Séswò pèpey náh fě n syi pye tókúnìne. Séswóntùkù tò náh mó fě n syi pye pèplòle.

19 Séswò nê-à n syí-ńkěne pye pèplòle, kè n kām ò min n dah n m̀ nyàh sòkò.

20 Sě ó ye yé kí n pĩ n pi Liyel yĩn yǒ m̀nyobele pé tyípínó sòkò.

*Yesu-á kwónó nêne ò tǒ sáhpú kǒ tir yónó ànê ké pínó tyí yǒ*

21 Kè náh pi ne nónó pól-á rímòle n ye Tě ògbě, Tě NGBÈNE pé pól sǒ kí Liyel tǒrí nòli yǒ n pi dé. N Sú Liyel nê-á me yĩnyõ, ìmò-á me nê tyí, képah pípú ó ye kí yǒ ké nòhle.

22 Liyel tukey tuke sòle, névyé nàhnáh kí n yo n pi ní tyí ne, Tě ògbě, Tě ògbě, rímò yĩn yǒ kó lésò pé n syi n yo Liyel těntònène nì? Nmò yĩn yǒ kó lésò pé n ne n yĩni n wilki sètànne névyé sòkò nì? Nmò yĩn yǒ kó lésò pé n ne n pi gbìlnó nàhnáhle nì?

23 Nte mé kí yo pé tyí ne, mé náh péle n pne pòlle. Pé gbe m̀ òne, Liyel tyi kǒnsàhnó dèl pípú nòpi.

*Yesu-á kwónó nêne ò tò sáhpú kǒ vì duke nínó mónó tyí yǒ*

<sup>24</sup> Képah ye, névi nê-á ní welo nópi noh, té me sé tyíyónóle n pi, tǔ me á kɪ ne lékám névi yó sǒ, nê-á ò wòkò mo légbí yǒ.

<sup>25</sup> Pǔ me pɔ pi, yrey yuku à kwɔkɪ kyɪ syɪ kéne wòkò tyí, púnýáhkí tɔ me kǒ kyɪ mi ké sɔkɔ, òte kǎh sǒ sǒ légbí yǒ sǔ, képah ye kè náh syɪkɪ.

<sup>26</sup> Nte névi nê-á ní welo nópi noh té à náh me sé tyíyónóle n pi, tǔ me á kɪ ne lékám kǔ névi yó sǒ, nê-á ò wòkò mo sèmyáhrí yǒ.

<sup>27</sup> Pǔ me pɔ pi, yrey yuku à kwɔkɪ kyɪ syɪ kéne wòkò tyí, púnýáhkí tɔ me kǒ kyɪ mi ké sɔkɔ, kè me syɪkɪ à pirki kwe pnépné.

<sup>28</sup> Képah sɔkɔ, Yesu-á kwónó nópi kǒ te gbí nêne, tówú gbàn du ò névye kwónó dùkùle.

<sup>29</sup> Yé náh we di, ò névye kwónó dùkù náh sǒ me Liyel tyi kònsàhnó kwópú tyí kǒle dé, kè sǒ me yǒtǒrí kwónóle képah ye.

## 8

### *Tótě dí yó dénmɔnɔle*

<sup>1</sup> Yesu-á wil yǒli yǒ à tiki pɔ gbí nêne, tówú ògbě ò sǒ tǔ.

<sup>2</sup> Tótě yó me no de à gbètukunɔ di ò yah sɔkɔ, té yo ò tyí ne, pé Tě ògbě, wáh me ké tyí wáh kɪ fě pé de mo pé kǒ pé pi yályál Liyel yah.

<sup>3</sup> Wáh yo sǔ, Yesu me ò gbò no à tǔ ò tyí, té yo ò tyí ne: «Mé me ké tyí, á kɪ de.» Nénpó swɔ, dí dú nýân núkú tye.

<sup>4</sup> Képah sɔkɔ, Yesu me yo ò tyí ne: «Káh yí mè yǎh ney tyí dé. Té kyɪ á gblɔyne sárká syínwilkí-ò wěkɪ. Moyisi-á sǒ sárká nê tyí yo sah tótám dénmɔnɔ tyí sɔkɔ, kyɪ képah wilki, nê-á kɪ kéle pé wěkɪ ne wáh de.»

### *Wrome sràsyíbi yǒtě dí yó tǔnpɪ dénmɔnɔle*

<sup>5</sup> Té Yesu-á pɔ de Kapernayumi sɔkɔ gbí nêne, Wrome sràsyíbi yǒtě dí yó pɔ ò tnò té à ni

<sup>6</sup> ne, pé yǒtě, pé tǔnpɪ dí-á me sǔnóle gbô sɔkɔ wil kúnó nýânne ò sɔkɔ. Wáh me n kwlo kápékèyò.

<sup>7</sup> Képah sɔkɔ, Yesu me yo ò tyí ne páh kɪ ò sǒ tǔ kyɪ à de mo.

<sup>8</sup> Nte kéne dí me yo Yesu tyí ne, pé yòtě, péwɔ-á fórɔɔ kah n̄ dénóle pé gbô sɔkɔ. Nkě à wey núkú ó yo, té pé tònpi-á kɪ de.

<sup>9</sup> A kó we ni, yòtām-á me péwɔ tyí, té péwɔ tɔ mó me sràsyíbí yísyó yòtěne. Pâh yo nê tyí ne, à sɔkɔ! Tě n sɔkɔ. Pâh yo nê tyí ne, à pɔ! Tě n pɔ. Pâh yo pé yó tyí ne, à tir mè pi! Á kè pi.

<sup>10</sup> Képah sɔkɔ, Yesu-á kéne welɔ noh sě, sè n̄ gbàn kah du. A me yo n̄ sò tēpú tyí ne: «Kègbɪ yō mé kéle n yo yé tyí, mé nâh Liyel yō sēnó ñgbē mè dukù névi we yah Yisrayel no n̄tē fyé sɔkɔ.

<sup>11</sup> Té mé kéle n yo yé tyí ne, névye náhnâh-á kɪ wil ywō ywō pólle, kɪ pɔ yōke yō wě tyí Abrahmine, ànê Yisakule, ànê Nsyakɔbile Liyel tōrí tyah sɔkɔ.

<sup>12</sup> Nte Yisrayel no nónó-á sò yīne dénóle Liyel tōrí tyah sɔkɔ, pépi kɪ wū kégbó fěntú sɔkɔ, nýâh sɔkɔ-á gbní ànê yni táhnó kɪ me.»

<sup>13</sup> Képah tēne, Yesu n̄ syi yo sràsyíbí yòtě dí mè tyí ne: «Á syi ne n yuku á t̄inne. Wâh sě n̄mɔ yō sě, wâh nê yah kō, kè kɪ pi á tyí.» Nénpó swɔ, n̄ tònpi dí núkú de.

#### *Yámpú náhnâh dén̄mɔnɔle*

<sup>14</sup> Képah nâh, Yesu kyɪ Pyerɪ gbô, té kyɪ Pyerɪ dɛnsê we sēnóle wílvyáhn̄ne.

<sup>15</sup> Yesu me tū pi gbô tyí, wílvyáhn̄ni núkú à fin mɔ. Képah tēne, pi me yuku tyah n yah n dah n mɔ Yesu tyí sɔkɔ.

<sup>16</sup> Gbíyí-á de, no pɔ névye náhnâhle Yesu tyí sétân-á sò me dénóle nónó sɔkɔ. A me n̄ vyâh weyne sétân n̄opi yīni wilki pé sɔkɔ, té yámpú téló pól de mɔ.

<sup>17</sup> A képah pi Liyel tēntò syinyo-ò Yesayi tir yónsâhnó mè kō kè wil. A lésō ne nkě: «Á ye á yèvyâhr̄nɔ pól tɔkɔ to á yō, té á yamɔ pól tyɛ.»

#### *Nónó-á sò me ké tyí ne pé Yesu sò tē*

<sup>18</sup> Yesu-á tówū ñgbē we pè pɔ à mɔ gbĩ sě, à ne pé tō sâhpú àwɔ pé yuku yó-ñgbē kahmine.

<sup>19</sup> Képah sɔkɔ, Liyel tyi kònsâhnó kwó-ò yó nɔ de n̄ tnò té yo n̄ tyí ne, kwó-ò dí, pâh kɪ n̄ sò tē n kɔ n kō ñne n̄ yúkú-ñtân pól sɔkɔ.

<sup>20</sup> Wâh yo sě, Yesu me yo n̄ tyí ne: «Gběnpâhlɔ tyí p̄i me. Kèpye tyí syè me. Nte Névi Pídí tē tyí, wénsēnmì-ñsah n̄tē nâh me.»

21 Képah tɛnɛ, n tɔ sáhpú sɔkɔ yó tɔ à syah nɛ, kwó-ò dí, à ye pàh pɔ pé sú lékó ñgbò yĩ tɛ.

22 Yesu me yo n tyí nɛ: «Ñmɔ sò tɛ, n té n ye nékyí kɔ pé pé lékyíle n yĩ.»

*Yesu yáhpékè yó yĩn mɔ yó-ñgbɛ sɔkɔ*

23 Képah sɔkɔ, Yesu de krótókè sɔkɔ ànɛ n tɔ sáhpúle pé sɔkɔ.

24 Dɔ yáhpékè yó núkú kɔ yó-ñgbɛ yò sɔkɔ, fók krótókè yò n tyah yínóle ni sɔkɔ. Nte Yesu wɔ sò me n dɔ.

25 Képah sɔkɔ, n tɔ sáhpú nɔ de n tnô me kyí ñne n yilki n mɔ nɛ ñkɛ, Tɛ ñgbɛ, à pé pwah mɔ oo! Yɔ-á me n tyah pé yónóle dé!

26 Yesu me yo pé tyí nɛ: «Kwâh nê pi té tíkí yé tɛ? Liyel yò sɛnyĩ-ńkɛpú nópi.» Képah tɛnɛ, à yuku à díri kɔ yáhkí ànɛ ni yò, tyah núkú pi súmm.

27 Képah tɛnɛ, kè kah pi gbɛndùnne pé tyí. Pè me tyah yo tũ wɛ tyí nɛ, nédúkú nê se dí mènɛ té yáhkí ànɛ yo to n sah n tyí yò ni?

*Díbi népí ními dénmɔnɔle sétàn-á sò me nónó sɔkɔ*

28 Képah sɔkɔ, Yesu-á kyí yĩni tɛ yó-ñgbɛ kahnɛnɛ Kadari tãn sétáh yò gbí nɛnɛ, díbi népí ními me wil léyâl wró sɔkɔ à pɔ à yohni sétànne pé sɔkɔ. Pé pékénkahnó tɛ tyí, ney náh sò me fɛ n sɔkɔ nɛnpó wɛkìle.

29 Páh pɔ à yohni, pé tyah n de n syi nɛ, Liyel Pídí, kwâh nê se à n yah n kɔ pé tyí ni? A se pɔ ásò pépi fòh yinne ké gbí nó-ńkɛ sɔkɔ ni?

30 Té kè sò pɔ yĩnɛ sel kwĩnki yísyó me n yah n yò n kɔ fíí kwéy péle.

31 Sétàn nópi me Yesu ni nɛ, wàh kɔ sé yĩni wilki díbi nópi sɔkɔ, à ye sé kɔ sé kyí n de sel nópi sɔkɔ.

32 Yesu me nɛ, sè nɛ n yuku. Sè núkú wil díbi nópi sɔkɔ à kyí de sel nópi sɔkɔ. Sel nópi pól núkú wil yòh yòtah, à to tiki tükütükü à kyí de yo sɔkɔ à ku.

33 Képah tɛnɛ, sel nópi fɛpu me to de kwil sɔkɔ, à kyí tyi nópi pól yáh no tyí, à tahlɔ tir nê-á pi díbi népí ními nópi tyí sétàn-á sò nónó sɔkɔ.

34 Képah sɔkɔ, kwil tãn pól wil kyí Yesu yohni. Páh fyò à wɛ, pé à ni nɛ à yal pépi sétáh yò.

## 9

*Sèkùkù dí yó dénməɔlə*

<sup>1</sup> Képah sɔkɔ, Yesu de krótókè sɔkɔ à n̄ syi yó-̀ngbē kah à sɔkɔ n̄ kwil sɔkɔ.\*

<sup>2</sup> Nósyó me sèkùkù dí yó twah sē sē kwâh yó yô à pɔ n̄ tyí. Wǎh kè wɛ pè sē n̄ yô sē, à yo sèkùkù dí mē tyí ne: «Káh n̄ ye á yáh-̀nsah tyé ní pídí. Á tyípèl pínó ye yô mɔ n̄ kô.»

<sup>3</sup> Képah tēne, Liyel tyi kònsàhnó kwópú yísyó tyah n sô ne, dí mē-á me n̄ yo n̄ de Liyel tyí dé.

<sup>4</sup> Nte Yesu-á pé sônɔ pī sē, à yo pé tyí ne: «Kwâh nê pɪ té sônɔ túkúnine yé sɔkɔ sē?

<sup>5</sup> Mâh yo sèkùkù dí mē tyí ne: «Á tyípèl ye yô mɔ.» Képah nâh pɪ, mâh yo n̄ tyí ne: «Yuku ne n̄ kɔ.» Dlo me nê tē yónó sɔkɔ kal?

<sup>6</sup> Nte mé kɪ tir yó pɪ yé kô yé kɪ pī ne, tēnwɛnɔ-á me Névi Pídí tyí sétáh yô kɪ fē tyípèl yô mɔ.» Té n̄ syi yo sèkùkù mē tyí ne: «Yuku, á sē sē kwâh tɔkɔ n̄ ne n̄ yuku á gbô.»

<sup>7</sup> Dí me yuku à sɔkɔ n̄ gbô.

<sup>8</sup> Tówû-á képah tē wɛ sē, tíkí pè tē. Pè tyah Liyel yinne n̄ gbilki wǎh sônɔpīle tēnwɛnɔ mē dùkùle névye kô.

*Yesu Matye ye pɪ n̄ tō sǎh-òle*

<sup>9</sup> Yesu-á yal nénpó té n sɔkɔ, à dí yó wɛ à me kô tē móríle n̄ syi mórí syi-̀nsah sɔkɔ, pè n̄ ye Matyele. Yesu me yo n̄ tyí ne: «N̄ sô tē.» Á me yuku n̄ sô tē.

<sup>10</sup> Képah nâh, Yesu-á sô me yôke yónó sɔkɔ Matye gbô, mórí syípú náhnâh ànê Liyel wēkì kó-̀nkēpú tɔ pɔ n̄ yô n̄ne wē tyí ànê n̄ tō sáhpūle.

<sup>11</sup> Farisi wēkì kópú-á képah wɛ sē, pè yo Yesu tō sáhpú tyí ne, kwâh nê se pɪ té pé kwó-ò dí n̄ yô mórí syípú ànê Liyel wēkì kó-̀nkēpūle wē tyí nɪ?

<sup>12</sup> Nte Yesu-á pé wɛy noh, à yo pé tyí ne: «Névye nónó-á me lènɔle, sènpɪ yétó se me pé tyí? Yámpú tyí nâh n̄ yétôle di?

<sup>13</sup> Liyel-á nê yo ne níké: «Yâh wē yāmnɛ n̄ yah, képah tyí nɔ n̄mɔ tyí kal yáh sárká nēne n̄ suke n̄ne n̄ kô.» Yé kyɪ yé fɔkɔnɪ mɔ yah képah tyí sɔkɔ, yé ké kór pī. Yé nâh wɛ di, névye nónó-á me n̄ sô ne négblo-á péle Liyel yah, mé nâh pɔ pépɪ yé-̀nsah dé. Nte nónó-á pī ne tyípèl pípú-á péle, pépɪ yé-̀nsah ye mé pɔ.»

\* 9:1 9.1 - Yesu kwil nê tyí-á n̄ yo ásô sɔkɔ yô, Kapernayumi ye.

*Nìvìnì tir náh me núkúle Nsyifunɔ tyídìle*

14 Képah sɔkɔ, Wèlnwìlkì-ò Nsyɔ̀ tò sáhpú nɔ de Yesu tnô té à syah ne, kè se pi sɔ̀ té pépi ànê Farisi wèkì kópú níkìle n tẽ té òmɔ̀ tò sáhpú náh me níkìle n tẽ nɔ?

15 Yesu me yo pé tyí ne: «Páh nónó ye fúr yòke yò yinne, pépi se kɔ̀ fẽ pé yey kwɔ̀ sah pe me gbíne pé niyó? Nte sèpìn yísyó me n pi, pe mè kɔ̀ pɔ̀ n tẽ n wilki n pi pé niyó. Légbíne, pè kɔ̀ níkìle n tẽ.»

16 Nnì yó nítè náh yíne à fwòsàn kām à fwòdyàh min. Yé náh we di, fwòsàn mè kɔ̀ fwòdyàh mè yɔ̀ri tɔ̀, wān ó kò kè kɔ̀ tɔ̀ mɔ̀ ké tónó yò.

17 Dìvè sán tɔ̀ náh yíne mónóle pley di sɔkɔ̀. Wāh képah pi, òvè mè-à fū, kè kɔ̀ pley nópi sɔkɔ̀, òvè kɔ̀ kwè, pley tɔ̀ tyí kɔ̀ ykɔ̀. Nte kàh òvè sánne, pley snó sɔkɔ̀ ye kè n mɔ̀. Képah sɔkɔ̀, kèyāh nítè náh n ykɔ̀.»

*Pi yó dénmɔ̀nɔ̀ ànê sènpir yó lékó yílkínmɔ̀nɔ̀le*

18 Yesu-á me kéne welòle n yo pé tyí gbí nêne, Nsyifunɔ̀ yòtè dí yó nɔ de n tnô, té gbètukunɔ̀ di n yah, té yo n tyí ne pé písê-á yah kwɔ̀ núkúnúkú sɛ̀ yò. Nte à pɔ̀ kyɔ̀ n gbò sah n yò, wāh kɔ̀ min we.

19 Képah sɔkɔ̀, Yesu ànê n tò sáhpú me yuku dí sò tẽ.

20 Té kè pɔ̀ yíne sê yó sò me náhle n yo tyé-níkène ye gbòninó. Pi mè me nɔ de Yesule n náh òvène, à pɔ̀ tũ n fwòmɔ̀nɔ̀ vyāh tyí.

21 Yé náh we di, à sò me n sò n fɔkɔ̀ sɔkɔ̀ ne páh kɔ̀ tẽ we tũ n fwòmɔ̀nɔ̀ nítè ó tyí, páh kɔ̀ de.

22 Yesu-á n yah vi té à we, à yo n tyí ne: «Káh n ye á yáh-ńsah tyè, ní písê. Á Liyel yò sɛ̀nó ye n de mɔ̀.» Nénpó swɔ̀, pi núkú de.

23 Té Yesu-á pɔ̀ yíni tẽ Nsyifunɔ̀ yòtè dí gbò, à yikɔ̀ fíbirípú we té tówú we pè me n pi wròwrò. Képah sɔkɔ̀, à me yo pé tyí ne:

24 «Yé wil ásò. Pípir náh ku, òy† sɔkɔ̀ ye òvè.» Nte pè sò me kòle Yesule n ko.

25 Páh tówú wilki mɔ̀ te kégbó sɔkɔ̀, Yesu me de yuku wòkò sɔkɔ̀, té pípir gbò sɔkɔ̀ tẽ, pípir yuku.

26 Yí mè pínó tyí tyah n yāh kéne mara ywò ywò pól sɔkɔ̀.

*Yítubi népì nímí yísyó yí yílkínmɔ̀nɔ̀le*

† 9:24 9.24 - Òy nê tyí-á Yesu n yo ásò yò, òy gbòy náh sò dé. Pípir sò ku kègbi yò. Nte Yesu-á sò pí ne páh kɔ̀ fẽ n lékó yilki mɔ̀ sɛ̀, képah ye à ne òy sɔkɔ̀-á òvè.

27 Yesu-á yal nénpó à n sɔkɔ gbí nêne, yítūbi népî ní mí yuku ò sò tē té me yo tū léyy ne, Davidi Pídí, à pé yām yah.

28 Yesu-á pɔ yīni tē gbô sɔkɔ, yítūbi nópi me no de ò tñò. A me pè piki yah ne, pè se sē ké yò ne péwɔ-á kɪ fē pé yí yikɪ mɔ ni? Pè me ne, àwe-á, Tē ñgbē.

29 Képah sɔkɔ, Yesu tū pé yí tyí té ne: «Yáh sē rí mɔ yò sò, té nê yah kò ní tyí, Liyel kè pɪ yé tyí sē.»

30 Képah tēne, pé yí yikɪ mɔ. Yesu me pè gbah sni ne, pè pé gblóy tē, pè káh n ye ney pĩ ké sɔkɔ dé!

31 Nte pé wíntenɔ ñsò, pè kyɪ tyah Yesu yíngbúle n yo n kò kéne mara pól sɔkɔ.

*Dí yó dénmɔɔle nê vyāh-á sò me gbínóle*

32 No nópi-á wil n sɔkɔ gbí nêne, nósyó pɔ dí yóle Yesu tyí, nê-á sétò yó me ò sɔkɔ à kò à pɪ kèdòkìle.

33 Yesu-á núkú sétò mè yīni wilki dí mè sɔkɔ, dí tyah n wɛkɪ. Kè pɪ gbëndùnīne tówú pól tyí, pè me yo tū ne ríkē, pépi náh ñsòntē dùkù wɛ yah Yisrayel sɔkɔ pólle.

34 Nte Farisi wēkì kópú wɔ sò me yo tū ne, sétàn yòtē gbò yò-á à n yīni sétāne.

*Tówú yām me Yesu tē*

35 Yesu lésò me kwló-ñgbnɔ ànê kwlópí pólle n kɔ n kò, me nolé n kwɔ Liyel ní-ńtān vɪ sɔkɔ, me Nìvìnì tɪrle n yo Liyel tórí tyí yò, té me yámpú pól ànê néfukuló pólle n de n mɔ.

36 Yesu-á tówú nóno wɛ kwlónó sɔkɔ, té pé yáh-risah me tye á kɪ ne yípēy sò fē-ò kéne sé tyí, pé yām à tē.

37 Képah sɔkɔ, à yo ò tò sáhpu tyí ne: «Sè mukɔ tɔkɔ tɔkɔ tē me dò, té ké tònpiɔle kwéy.

38 Káh pɪ sē, Tē ñgbē Liyel nê-á sè mukɔ nétēne, yé à ni à tònpiɔ tɛkɪ n mɔ sè mukɔ tɔkɔ yīnne.»

## 10

*Yesu tēntò névyé népî gbõnimīne*

1 Sò yóle, Yesu ò tò sáhpu népî gbõnimí ye pɔ, té tēnwɛnɔle pè kò ne pè sétāne n yīni, pè mó yámpú pólle n de mɔ, ànê néfukuló pólle.

2 Kéne népî gbõnimí nópi ye à pɪ ò tēntò névyele. Pé yni wɛ yò: Kè tyah Simo tyí, nê-á pè yīn dyɪ à kò Pɛyɪle, ànê ñ gbëndí Andrele, à tahlɪ Nsyakɪ ànê ñ gbëndí Nsyó tyí, pépi nóno-á Nsebede dínpìle,



<sup>3</sup> à tahlı Filipi ànê Bartelemi tyí. Toma sò me pé sɔkɔ ànê Matyele, nê-á sò mórı syı-òle, à tahlı Alfe píđı Nsyakı tyı ànê Tadıle,

<sup>4</sup> ànê Simole, nê-á sò sú fò vyāh syıpú sɔkɔ yóle, à tahlı Nsyudası Yisikariyɔtı tyı nê-á pɔ pı pè kɔ pè Yesu tẽ.

*Yesu tẽntò névye népı gbõnimı tékínmɔnɔle Nıvını tir yó-nsah*

<sup>5</sup> Népı gbõnimı nópi ye Yesu tò té kè gbah yo pé tyı ne: «Yé káh kyı névye tınne nónó náh pı Nsyifunɔle, ànê yé káh de Samari tãn kwil yó ítẽ sɔkɔ.

<sup>6</sup> Yé ne n yuku Yisrayel no wɔ tınne, pépi nónó-á me képyénı mónpuno tyı kɔle.

<sup>7</sup> Yáh kı n yuku wěkì yò, yé ne n yo n yuku ne, Liyel tǔrí-á me yını tẽ te.

<sup>8</sup> Yé yámpúle n de n mɔ. Yé lékyıle n yilki n mɔ. Yé tótãmne n de n mɔ pé dú nyan sɔkɔ, yé mó sétãnne n yını n wilki névye sɔkɔ. Yáh we syı nònóle sɔ, yé tɔ ne n kɔ nònóle sɛ.

<sup>9</sup> Yé káh pɔ tɔkɔ dah mɔ yé yò.

<sup>10</sup> Yé káh pley, ànê fwòmɔlɔ ní-òńó, ànê lékyéh, ànê lépló tɔkɔ kóló yinne. Yé náh we di, tɔnpı yıne ñ tò pínó yòke yónóle.\*

<sup>11</sup> Yáh kyı de kwil-ńgbě képah náh pı kwilpir nê sɔkɔ, yé négbı yah kɔ yé twah tẽ tyı. Yé mó tẽ tẽ tyı, fòó kè pɔ no yé yálnó tyı kéné kwil sɔkɔ.

<sup>12</sup> Té yáh kyı n de kéte nê sɔkɔ, yé yo pé tyı ne yèvinı ne me pé yò.

<sup>13</sup> Kéné kéte tãn-à fě syı yé twah pé tyı, yèvinı mè kı me pé yò. Nte pàh yahle, yèvinı mè kı ké syı pı yé tyıle.

<sup>14</sup> Yáh de gbô nê sɔkɔ képah náh pı kwil nê sɔkɔ, té pé yahle ne yé káh twah pé tyı, té yahle yé wey nóhnóle, yáh n yal, yé yé gbyéh nèngbɔ kwer n kwe nénpó.

<sup>15</sup> Kègbı yò mé kéle n yo yé tyı, Liyel tukey tuke sòle, Sodɔmı kwil ànê Gbomɔrı kwil fòhnó ítẽ náh n peke n no n pi kéné kwil tyıle.»

*Yèvyāhrı nê-á kı n pɔ n pi*

<sup>16</sup> «Yé yah, yé me á kı ne képyénı sɔ nımɔ n tɛkı n mɔ gběnpāhlo nıyó. Yé ne me lékám névyele áswɔ pléy tyı kòle, yé fɔkɔ mó ne me pépér títı sɔ.

\* **10:10** 10.10 - Yah n tɛ 1 Korěntı tãn 9.14 ; 1 Timote 5.18.

17 Yé yé gblǒyne n kyomɪ névyele dé. Pè kɪ yéle n tẽ n tuke n pɔ tukey tükè-ntàn sɔkɔ, té kɪ yéle n ko yèfòhle Liyel ní-ntàn vɪ sɔkɔ.

18 Pè kɪ yéle n tẽ n kyɪ n pɔ kwiltām yòtām ànê yòtām tyí n̄mɔ yīnne. Képah sɔkɔ, yé kɪ n̄mɔ tyíle n we n yo pé tyí, à tahlɪ névyé tyí nónó náh pɪ Nsyifunɔle.

19 Nte pàh yé tẽ n yuku tükè-nsah, yé káh ye yé yáh-nsah tye yáh ne n yo n wil n pi sɔ, ànê yáh ne nê yo n pi. Yáh ne nê yo n pi, ké sɔnɔ kɪ de yé sɔkɔ nénpó swɔ.

20 Yé náh we di, yé yah yíi wɛlɔ náh yé kɪ n wɛkɪ dé, Sú Liyel Mirki ye kɪ tẽ yé yahle yé kɪ n wɛkɪ.

21 Névyé kɪ pè kɔ pè kɪ pé yúnpyéle n tẽ n ko n mɔ. Súbí tɔ kɪ séntɛne n pɪ pé wɛnpɪ tyí. Wɛnpɪ tɔ kɪ pé dúbípú tyí yahle, té kɪ pè kɔ pè kɪ péle n ko n mɔ.

22 Névyé pól kɪ yé we mɔ n̄mɔ yīnne. Nte nê-à n tah sah à pɔ nɔ ké tyénó tyí, tẽ kɪ pwáhn̄mɔnɔ we.

23 Pàh yéle n fòh kwil yó sɔkɔ, yé sɔkɔ kèyàh sɔkɔ. Kègbɪ yò mé kéle n yo yé tyí, n̄mɔ nê-á Névi Pídine, yé náh tɔn̄i Yisrayel kwlo pól kɔ n kɔ n te n pi té mé kɪ pɔ.

24 Tir sáh-ò náh n kal n pne n̄ kwó-òle. Tònpɪ tɔ náh n kal n pne n̄ yòtɛne.

25 Tir sáh-ò-à pɪ n̄ kwó-ò tyí kòle, kè kɪ yīne. Tònpɪ tɔ-à pɪ n̄ yòtɛ tyí kòle, kè kɪ yīne. Névyé-á fyò me kéte tẽ dí ntɛne n gbyɔ Belsebulile, (nê kór-á sétàn yòtɛne), n̄ kéte tãn wɔ se pyé pè kɪ ye gbyònpekenɔle?

26 Káh pɪ sɛ, yé káh névyé yah tíkile n pɪ. Yé náh we di, tyípɪl yó ntɛ náh n wũ n pi wɪlkin̄mɔ-n̄kɛne. Sètɪn sò tir yó ntɛ náh n wũ n pi pɪ-n̄kɛne.

27 Máh tyi nónóne n yo yé tyí fɛntú sɔkɔ, yé séle n yo n wilki n mɔ tyah kyòo yah. Tyi nónó-á n plɔ n yo yé tyí yé níkiló yey, yé sé kwnine n kɔ gbɛntɪn yò.

28 Yé káh névyé yah tíkile n pɪ, nónó-á névyéle n ko mɔ n pne, té pè náh fɛ n̄ min ko mɔ n pi. Nte Liyel nê-á kɪ fɛ névi wil gbɛnsê ànê n̄ min tɔ min dah mɔ ní-n̄kɛ nyàhnpèkè sɔkɔ, yé n̄mɔ wɔ tíkile ne n pɪ.

29 Ntɛnp̄inó nínó n yām pópíkí pó núkú óle. Nte sé sɔkɔ yó ntɛ náh n syɪkɪ sétáh, né yé Sú Liyel náh ké wɛkɪ kɔ.

30 Nte yépi tẽ wɔle, yé yòyén ntɛ pól dan me p̄ínóle Liyel tyí.

31 Káh pɪ sɛ, yé káh tíkile n pɪ, yépi tyí náh tah kal ntɛnp̄i kwɪnki tyíle di?

32 Névi nê-à kè yo dal mɔ névye yí yah ne páh me nímɔ tyí yõ, nímɔ tɔ kɪ kè yo dal mɔ ń Sú yí yah nê-á me yînyõ, ne tẽ-á me nímɔ tyí yõ.

33 Nte nê-à yahle névye yí yah ne pé náh me nímɔ tyí yõ, nímɔ tɔ kɪ yahle ń Sú yí yah nê-á me yînyõ, ne tẽ náh me nímɔ tyí yõ.»

*Yesu tyí-á gbékínó nê dahbɪ kèkõyó*

34 «Yé káh we ne yèvinɪ-á mé pɔ mó-ńsah sétáh yõ dé. Yèvinɪ náh mé pɔ mó-ńsah sétáh yõ, gbékínó wɔ ye pyé.

35 Mé pɔ dí ànê ò sú wró gbékí-ńsah; sênpir ànê ò yú wró gbékí-ńsah; sê ànê ò pe yú wró gbékí-ńsah.

36 Névi gbô tãn ye kɪ pɪ ò sèpébíle.

*A á gblɔy dyɔ yíi tyi we ye, té Yesu sò tẽ*

37 Névi nê sú, kèpah náh pɪ ò yú tyí-à nɔ ò tyí à kal nímɔle, tẽ náh yîne à ne n me nímɔ tyí yõ. Névi nê pídí, kèpah náh pɪ ò písê tyí-à nɔ ò tyí à kal nímɔle, tẽ náh yîne à ne n me nímɔ tyí yõ.

38 Névi nê-à ò syɪ syɪ dahɪ twah ń sò tẽ-ńkêne, tẽ náh yîne à ne n me nímɔ tyí yõ.

39 Névi nê-á ne páh pé minne n koh n sah, tẽ kɪ tekɪ tyé-ńkê min sɔkɔ. Té nê-á tekɪ ò min sɔkɔ nímɔ yîinne, tẽ wɔ kɪ tyé-ńkê min we.»

*Yõre nê-á n we Liyel nípú tõnsàhtẽno sɔkɔ*

40 «Névi nê-à yé tẽ ple, nímɔ ye tẽ tẽ ple. Nê tɔ-à nímɔ tẽ ple, Sú Liyel nê-á tekɪ mɔ nne, nímɔ ye tẽ tẽ ple.

41 Névi nê-à Liyel tẽntò syínyo-ò tẽ ple ò pínó yîinne Liyel tẽntò syínyo-òle, Liyel tẽntò syínyo-ò dyah dyah kwâh kénkõ ye kɪ dyah tẽne. Névi nê tɔ-à négbí tẽ ple ò pínó yîinne négbíle, négbí dyah dyah kwâh kénkõ ye kɪ dyah tẽne.

42 Kègbɪ yõ mé kéle n yo yé tyí ne, névi nê-à nívíno ńgbíyíne nímɔ tò sáhpú sɔkɔ yó nítẽ fyé kõ à wɔ ò pínó yîinne nímɔ tò sáh-òle, tẽ náh n tekɪ n pi ké lédyáhní sɔkɔ pòlle.»

## 11

1 Kèpah sɔkɔ, Yesu-á tyi kwãh sah ò tò sáhpú népí gbõnimí kõ te gbí nêne, à yal nénpó à yuku gbòplo kwlo sɔkɔ, à kyɪ kwónóle n pɪ té Nìvìnì tɪrle n yo.

*Wèlnwìlkì-ò Nsyõ-á pikínyahnɔ nê pɪ Yesu Krista tyí sɔkɔ*

2 Wèlnwìlkì-ò Nsyõ sò me wòkònpèkè sòkò té Krista tyípinó tyí yónó noh. A me n tò sáhpú yísyó tō pè kyí à piki yah ne,

3 òmò se Liyel ney yáhn̄tòkònole nê-á kú sò n pò n pi, t̄i pé se ȳine pé òn̄ine n syíkú n̄i?

4 Yesu me yo pé tyí ne: «Tyi nónó-á yé n nohn̄i té séle n yah yò, yé kyí sè yáhn̄ Nsyõ tyí ne,

5 ȳit̄ubi ȳí-á me n yíkú n m̄o, sèkukubi me n kò tómtóm, tótám me n de n m̄o, níkit̄ubi me n nohn̄i, lékyí me n yilki n m̄o, àn̄ê Nìvìn̄i tir me n yo n k̄o yám t̄án tyí.

6 Nte òmò tyí-à kú névi nê k̄o à ní yò s̄énó yáhle-ńk̄ene, t̄e wò tyí n̄o.»

7 Nsyõ tò sáhpú-á pé syí sòkò te gb̄í n̄ene, Yesu tyah Nsyõ tyíle n yáhn̄ tówú tyí ne ńk̄e: «Kwáhn̄ nê me yé kyí yah gb̄enn̄i sòkò? Filk̄i yó se yáhk̄i me n f̄i n k̄o?

8 Nte kwáhn̄ nê me yé kyí yah wé? Dí yó se nê-á me fwòtáhn̄i m̄o? Té nónó-á mó t̄o fwòtáhn̄ine n m̄o, pépi me yòtám fné sòkò dò.

9 Nte kwáhn̄ nê me yé kyí yah wé? Liyel t̄éntò syínyo-ò yó se? Mé kéle n yo yé tyí ne s̄é-á. Té òmò ńt̄é-á kal Liyel t̄éntò syínyo-òle.

10 Yé náhn̄ we di, Nsyõ tyí ye wárkínsàhn̄óle Liyel wey sébéy sòkò ne Liyel-á ne: «Yah, òmò Liyel kú ní t̄éntò névi teki m̄o á yahle, à kú pò á w̄k̄i t̄o sah.»\*

11 Kègb̄i yò mé kéle n yo yé tyí ne, s̄é fòkò táh pi yó ńt̄é náhn̄ me nê-á kal Wèlnwìlkì-ò Nsyõne. Nte nê-á tȳĩ kal Liyel t̄órí n̄oli yópú sòkò, òmò ńt̄é kal òne.

12 Té à tòkò Wèlnwìlkì-ò Nsyõ gb̄i tyí, pópó à pò syí núkúnúkú tyí, Liyel t̄órí n̄oli me n we n yò táhnsàhn̄ó ó sòkò. Táhnsàhpu ye n we kéle.

13 Liyel t̄éntò syínyopu pól àn̄ê Moyisi tyi kònsàhn̄ó sò me Liyel t̄órí tyíle n yo, pópó à pò syí Nsyõ gb̄i tyí.

14 Yáhn̄ kú f̄e n s̄e n pi ké yò, Nsyõ ye Yeli m̄ene, nê pónó tyí-á sò yónsàhn̄óle.†

15 Nê-à kú me kè noh, t̄e kè t̄e ȳin̄.

16 Mé kú kwey gb̄i névyè tòkò sáhn̄ n̄ene wé? Pè me á kú ne w̄np̄i s̄o k̄o t̄e tówú t̄ukè-ńt̄án̄ sòkò, té me n yo n m̄o pé no tyí ne,

17 pépi-á yíkú f̄ib̄i pé tyí, té pè náhn̄ yi. Pé t̄o k̄ú yìk̄i gb̄i m̄o, pè náhn̄ se t̄o gbo.

\* **11:10** 11.10 - Yah n te Malaki 3.1. † **11:14** 11.14 - Yah n te Malaki 3.23.

18 Sě ye kwey gbĩ névye tɔ me n pi. Yé náh we di, Nsyõ-á lèsõ pɔ, à náh me yõke yèsyìkùle n yõ, à náh me ðivēne n wɔ. Képah tēne, pè ne sètõ-á me ñ sɔkɔ.

19 Nte Névi Pídí wɔ-á pɔ, ñmɔ n yõ palle té n wɔ palle. Pè me tõ ne, pè yah yèwònpi ànê sètē-á ñne, mórí syípú ànê tyípèl pípú kódí-á ñne. Nte Liyel lékám-á n tɔkɔ à tyi nónóne n pi, sé pal n pne sé tõ n sah n pi ðùkù sɔkɔ.

### *Yesu kàhnwekinɔle Kalile mara kwlo yìsyó yõ*

20 Képah náh, Yesu-á sò ñ gbĩlnó kan pi kwlo nónó sɔkɔ, à tyah n kah n weki sé névye yõ, pàh sǎnpìle yahle pé tyípèl pínó yáhnmɔnɔle. A ne:

21 «Pèkè me yé yõ, Korasini tǎn. Pèkè me yé yõ, Betisayida tǎn. Ngbõ gbĩl tyi nónó-á pi yé òinne, sǎnknɔ-à sò me pi Tiri ànê Sidõ tǎn òinne, pè náhki me yèkwɔri flo mɔ, té náhki me pé piki syìle à pé tyípèl pínó yal mɔ di mónóle.

22 Képah ye mé kéle n yo yé tyí, Liyel tukey tuke sòle, Tiri ànê Sidõ tǎn‡ fǒhnó ríte náh n peke n nɔ n pi yépi tyíle.

23 Té yépi-á dò Kapernayumi tǎn, yé se me n sò ne yáh ki ðɔkɔ mɔ yǐnyõ? Pólle, yé ki tiki mɔ yuku fǒó lékókwil nyàh tē-ñsah. Yé yah, gbĩl nónó-á pi yé òinne, sǎnknɔ-à sò me pi Sodɔmɔ tǎn tyí, Sodɔmɔ kwil náhki me sě kwey mè sɔkɔ.

24 Képah ye mé kéle n yo yé tyí, Liyel tukey tuke sòle, Sodɔmɔ kwil tǎn fǒhnó ríte náh n peke n nɔ n pi yépi tyíle.

### *Wékínóle Sú Liyel tyí*

25 Légbíne, Yesu ne ríkè: «Bõ, áwɔ nê-á yǐnyõ ànê sétáh nétēne, mé n weki á tyí wáh sǎnpìle tyi nópi wõbɔ yí pípú ànê lékám névye yah, té séle névye wɔ wěki nónó-á me wěnpì sǒ.

26 Bõ, kè ye áwɔ dyɔ á kè pi sě.»

27 Yesu tõ ne: «Ñ Sú ye tyi pólle ní gbõ dahbi. Nmɔ nê-á Pídíne, ñnî yó ríte náh ríne n pne né Sú ó náh. Nnî yó ríte tɔ náh mó Súle n pne né Pídí ó náh, à tahlɔ Pídí-à me ké tyí ne pé ñne nê wěki.

### *Yesu-á yèvinu nēne névyele n kō*

28 Yépi nónó pól-á me kwlónó sɔkɔ tókópèlle yé yõ, yé pɔ ñmɔ tyí, mé ki yé kō yé ki n mu.

‡ 11:22 11.22 - Tiri ànê Sidõ tǎn-á sò pi Nsyifunɔ náh péle sě, Nsyifunɔ sò me péle n mɔ n kō tyípèl kàhnpiɔpule. Yah n te Yesayi 23.

29 Népir névi ànê gblöy tíkínmò-ò ye ímòle. Képah ye, máh yéle n mɔ tò nê sɔkɔ, yé kè fě syi yè mó pɪ ní tò sáhpúle. Képah sɔkɔ, yé kɪ n wɛ n mɪ.

30 Yé yah, ímò tò náh tah, ní tókóbí me fáhah fáhah.»

## 12

*Yesu-á nê yo mɪ mɪ yòh tyí sɔkɔ*

1 Légbí mè ó sɔkɔ, mɪ mɪ yòh sɔ yóle Yesu ànê n tò sáhpú sò me n kah sè mukɔ swěy yísyó sɔkɔ. Té kwɛkɪ sò me n tò sáhpú tẽ. Káh pɪ sě, pè mɪ de sè mukɔ ywɔ kǒlìntahnɔ sɔkɔ.

2 Farisi wěkì kópú-á képah wɛ sě, pè me yo Yesu tyí nɛ, tir nê pínó wěkì náh me kǒnóle mɪ mɪ yòh sòle, à nɛ n yah n tò sáhpú kéle n pɪ lé.

3 Nte Yesu me yo pé tyí nɛ: «Kwɛkɪ-á lésò yòtẽ dí Davidi ànê n náh névyɛ tẽ, wáh nê pɪ, yé náh kè kar yah di?

4 Búrn nónó-á lésò me sàhnóle Liyel tyí yò Liyel wòkò sɔkɔ, à náh lésò de ké sɔkɔ à sè tɔkɔ tah ànê n náh névyɛle di? Té à wil sárká syínwìlkìpu tyí sɔkɔ, nɛy náh lésò yĩnɛ sé táhnóle.\*

5 Yé se kɪ nɛ yé náh kè kar yah tɔle nɛ, sárká syínwìlkìpu-á ñkěne mɪ mɪ yòh dèlle n pɪ Liyel ní-ńsah gbò sɔkɔ mɪ mɪ yòh sònóle, té lékàh náh me pé tyí?†

6 Nte mé kéle n yo yé tyí, névi me ásò nê-á kal Liyel ní-ńsah gbòle.

7 Liyel kè yo nɛ ñkě: «Sárká súkénkǔnɔ náh mé n yah n kǔ dé, wě yám yáhnó ye mé n yah n kǔ.» Yáh sò me képah kórle n pnɛ, yé náh náhkɪ lékàhle lékàh kě névyɛ kǔ n pɪ.

8 Yé náh wɛ di, Névi Pídí ye mɪ mɪ yòh yòtẽne dò.»

9 Yesu-á yal nénpó, à sɔkɔ pé Liyel ní-ńsah wòkò yó sɔkɔ.

10 Gbònkù dí yó sò me nénpó. Té pè sò me ké tyí nɛ pé lékàh wɛ Yesu kǔ. Káh pɪ sě, pè Yesu piki yah nɛ ñkě, yónwó dénmɔnɔ wěkì se me kǒnóle mɪ mɪ yòh sòle nɪ?

11 Nte à me yo pé tyí nɛ: «Yé sɔkɔ yó tyí kópó núkú ó-à me, té à sɔkɔ de pwàhsúkù yó sɔkɔ mɪ mɪ yòh sòle, tẽ se kɪ ye n kɪn-wìlkìnóle lésòle?

12 Nte névi náh fǒnfǒ kal náhnáh kópó yò di? Káh pɪ sě, pèpɔrɪ pínó wěkì me kǒnóle mɪ mɪ yòh sòle.»

13 Képah tẽne, té yo gbònkù dí mè tyí nɛ: «Á gbò tǔ.» A me kè tǔ, kè núkú pɪ vilɛ ké ní-ò mè sǔ.

\* 12:4 12.4 - Yah n te 1 Samuyelɪ 21. † 12:5 12.5 - Yah n te Yáhnó 28.9-10.

14 Nte Farisi wěkì kópú-á fyò wil Liyel ní-ńsah wòkò sòkò, pè kyɪ wě wε à vī-ńsah yah Yesu wε n ko n mɔ yĩnne.

*Liyel-á nê yah wilki ne à pé tòle n pi*

15 Yesu-á pɔ pĩ ne Farisi wěkì kópú-á me pé kònmɔ-ńsahle n yah n kɔ, à yal nénpó. Névyé náhnáh me ñ sò tẽ. A me pé sòkò yámpú pól de mɔ,

16 té pè gbah sni ne pè káh pé tyí yãh ney tyí.

17 Yesu-á kápah pi, Liyel-á lésò nê yo sah ñ tẽntò syínyo-ò Yesayi tyí, kè wil. A lésò ne níké:

18 «Máh nê yah wilki ne à ní tòle n pi, à wε yò.

Ñ nìdè ney ye ñne. Nmɔ ye ní nìvìnì yòle.

Mé kɪ ní Mirki tiki mɔ ñ yò,

à kɔ à kɪ gbɪ wěkì tyí yo yìkìni pól névyé tyí.

19 A náh yékâb pi n pi neyne, à náh n gbo n mɔ n tũ n pi, ney náh ñ yínpɔ noh n pi tówû tükè-ntàn sòkò.

20 Fílkì nê-á me kwónmòntěńóle, à náh ké téy kwɔ n pi.

Fòtnò nê-á me n tyah nínóle, à náh ké téy ni n mɔ n pi.

Sẽ ye à kɪ n pi, pópó kɪ pɔ nɔ gbí nê-á gbɪ wěkì kɪ yah syi.

21 Té yìkìni pól névyé gbò sàhnó kɪ me ñmɔ yò.»‡

*Yesu tẽ wε sétàn yòtẽ tyí*

22 Kápah náh, nósýó dí yó tẽ pɔ Yesu tyí. Sétò sò me ñ sòkò à kɔ à pi yítú ànê kèdòkìle. Yesu me à de mɔ, à kɔ tẽ wε n wekɪ, té fẽ n yah.

23 Kápah tẽne, kè pi gběndùnìne tówû pól tyí, pè me tyah n yo wě tyí ne: «Té Davidi Pídí náh yò lé?»

24 Nte Farisi wěkì kópú-á kápah tẽ noh sě, pè ne sétàn yòtẽ Belsebuli ó gbò yò-á à n yĩni sétanne.

25 Té Yesu-á pé fòkò sòno wε sě, à yo pé tyí ne: «Yòtòrí nê tẽ névyé-à fyò yuku wěne n fwo, kéne yòtòrí kɪ yɪkɪ. Kwil nê névyé-à yuku wěne n fwo, kè náh n wũ n pi. Sě ó ye, kéte nê névyé-à yuku wěne n fwo, ké tɔ náh n wũ n pi.

26 Té sétàn yòtẽ-à tyah ñ nole n yĩni, ñ gblòy náh à n fwo di? Ñ yòtòrí se kɪ wũ?

27 Té ñmɔ-à me sétanne n yĩni Belsebuli gbò yò yé yo à; yépi tũnkì névyé wɔ-á dò, nê gbò yò me pépi n yĩni séle wé? Pépi nítẽ ye kɪ lékàhle yé kɔ.

28 Liyel Mirki gbò yò-à mé n yĩni séle, kápah n wěkɪ ne níké, Liyel tòrí-á yĩni tẽ ye tyí.

29 Tǎhkì-á me díš nê sɔkɔ, nê kɪ fě ñ púkúbí-ńkē sɔkɔ, kɪ de ñ wòkò sɔkɔ kɪ ñ gbǎn yí kwel? Máhah wǎh kɪ à pukubi tē kɪ pyē de ñ wòkò yí kwel.

30 Névi nê-à mó-ńkēne nímɔle, tē me ńne n fwo. Névi nê náh me ńne n yohnu n mo tükènmɔnɔ sɔkɔ, tē me kárkínóle n pi.

31 Képah ye, mé kéle n yo yé tyí ne: «Névyé tyípél pól ànê pé Liyel gbyòno pól kɪ fě yō mo pé kō. Nte Liyel Mirki gbyòno tē wo náh n yō mo n pi pé tyí pólle.

32 Névi nê-à yo de Névi Pídí tyí, kè kɪ fě yō mo tē kō. Nte névi nê-à yo de Liyel Mirki tē wo tyí, kè náh yō mo tē kō n pi kweyne, kè náh yō mo tē kō n pi ńsò tɔle.»

33 Yé yah, séswô n pne ké pye òkù sɔkɔ. Yáh ne séswô nê-á me ple, yé ne ké pye tɔ-á me ple. Yáh ne séswô nê náh me ple, yé ne ké pye tɔ-á me kétúkùyo.

34 Wáhnmiró nópi, tyípeplo se kɪ fě n wil yé vyēy sɔkɔ tē yé nno mó tō me yúkúnóle pèkèle? Névi ni-á me yúkúnóle tyi nónónne, sépi ye n wil tē vyǎh sɔkɔ dò.

35 Népépěy tyípeplo n wil ñ ni sɔkɔ. Nétúkù tyítúkúni tɔ mó n wil ñ ni sɔkɔ.

36 Nte mé kéle n yo yé tyí, yah kē welo nónó pól-á névyé n wēkɪ, sé ywō kɪ piki n yah n pi pé tyí Liyel tukey tuke sōle.

37 Tukey kɪ tuke á yō à yīne á vyǎh weyne kɪ gbile ñ kō, képah náh pi kɪ lékǎhle ñ kō.

*Névyé me kéle n yah n kō Yesu tyí ne à gbil yó pi, nê-á n wēkɪ ne wǎh n wil Liyel tyí*

38 Képah sɔkɔ, Liyel tyi kònsàhnó kwópú ànê Farisi wēkì kópú yísyó me Yesu syah ne, pé kwó-ò dí, páh me ké tyí ne à gbil yó pi pé yah, nê-á n wēkɪ ne wǎh n wil Liyel tyí.

39 A me yo pé tyí ne: «Kwey gbí névyé náh ple. Pé náh me tē Liyel ó tyí yō. Pé me ké tyí ne mé gbil yó pi pé yah. Nte kèyǎh rítē náh pi pé wēkɪ n pi, à wil Liyel tēntò syinyo-ò Nsyonasɪ tyí sɔkɔ.

40 Yé yah, sō-á lésō Nsyonasɪ sèpìn tǔnì pi yēnkô-ńgběkì yó fɔkɔ sɔkɔ,\* sē ye Névi Pídí tɔ kɪ sèpìn tǔnì pi sétáh sōwǎh.

41 Nsyonasɪ-á lésō Liyel tēntò yo Ninivi kwil tǎn tyí, pé fě syi pé tyípél pínó yal mo. Nte ney me ásô nê-á kal Nsyonasɪle. Kǎh pi sē, Liyel tukey tuke sōle, Ninivi kwil tǎn kɪ yuku kwey gbí névyé yō, kɪ lékǎhle pé kō.

Š 12:29 12.29 - Dí nê tyí-á yo ásô sɔkɔ yò, sétǎn yòtē ye pé n ye. \* 12:40 12.40 - Yah n te Nsyonasɪ 1.17.



42 Pi nê-á lésõ yõtēne Saba sétáh yõ, à lésõ wil fíi sétáh yīn tyí, à pɔ yõtē dí Salomo lékām welɔ noh.† Nte ney me ásõ, nê-á kal Salomole. Káh pɪ sē, Liyel tukey tuke sōle, kéne pi kɪ yuku kwey gbī névye yõ, kɪ lékähle pè kō.

*Sétõ syĩnpɔndenɔle névi sɔkɔ*

43 Sétõ-à wil névi sɔkɔ, à n kyɪ gbēnnɪ kɔ n kō, n mī-ñsah yah n kō. Nte wáh wé-ñkēne,

44 à n yo n gblɔy tyí ne, páh sō wil ñyāh sɔkɔ, páh kɪ pé syɪ yuku nénpó. Wáh n syɪ, té kyɪ n tē-ñsah dyáh we ké kókóle yàlntõnsàhnóle,

45 à n kyɪ sé no sétännó kwärninɔ syah, nónó-á peke kal ñmɔle. Sé tōó n kyɪ n de n tē tē sɔkɔ. Káh pɪ sē, tē mè dukù ké syɪ n peke n kal n gben tēne. Sē ye kwey gbī népèl tɔ tyí kɪ n pɪ n pi.

*Nónó me Yesu yú ànê n yúnpyéle?*

46 Yesu-á me képah yónó sɔkɔ tówù tyí, n yú ànê n yúnpyé pɔ yīn kégbó té me ké tyí ne pé yo mɔ n tyí.

47 Nnî me yo n tyí ne à noh yò, n yú ànê n yúnpyé-á me yíntēnóle kégbó. Páh me ké tyí ne pé yo mɔ n tyí.

48 Yesu me yo tē tyí ne: «Nê me ñmɔ nôle, ànê nónó me n yúnpyéle?»

49 Té n gbò nɔ mɔ n tò sáhpú tyí té ne ñké: «Ñmɔ nò ànê n yúnpyé we yò.

50 Yé yah, ñmɔ Sú nê-á yīnyõ, wáh me nê tyí, névi nê-à képahle n pɪ, tē wɔ ye ñmɔ yúnpile, képah náh pɪ n nôle.»

## 13

*Sèmirkì nê-á yāh sèmukɔ mīr-ò tyí yõ*

1 Lésõ mè óle, Yesu wil gbò sɔkɔ à kyɪ kō tē yó-ñgbē gbòpɔ.

2 Tówù ñgbē yó me pɔ à mɔ gbī. Pé tnónkàhnó tē tyí, à de kō tē krótókè yó sɔkɔ. Tówù pól sò me yíntēnóle yóngbalɪ sɔkɔ.

3 A sò me tyi náhnähle n yāh pé tyí sèmīrn sɔkɔ, me n yo pé tyí ne: «Sõ yóle, dí yó lésõ kyɪ sèmukɔ mīr-ñsah n swāh sɔkɔ.

4 Wáh me mīrnó sɔkɔ, yísyó syɪkɪlɪ wēgbalɪ sɔkɔ, kèpye me pɔ sépi yò.

5 Yísyó me syɪkɪlɪ yen kwéy tē-ñsah légbí yõ. Té káh pɪ yen gbɪ náh sò me nénpó sē, sè núkú fi súú.

† 12:42 12.42 - Yah n te 1 Yõtām 10.1-13.

<sup>6</sup> Té sè náh tẽ we yãhni gbɔ mɔ. Kãh pi sɛ, gbĩ-á pɔ vyãh sè tẽ, sè kɔkɔ.

<sup>7</sup> Υἱσὺ μέ syikuli de pãn niyó, pãn me yuku fyãh sé yõ.

<sup>8</sup> Ντε υἱσὺ μέ syikuli sétáh pèpɛy sɔkɔ à pɔ ywõ pi. Túkù pyeno lèkwèkwɛ pi, túkù tikitônítõni pi, túkù yõgbãmbãmbã pi.

<sup>9</sup> Nê-à ki me kè noh, tẽ kè tẽ yĩn.»

*Tir nê yĩn me Yesu n yãh névye tyí sèmìrn sɔkɔ?*

<sup>10</sup> Képah sɔkɔ, ò tò sáhpu me nɔ de ò tnô té à piki yah ne, kwãh nê se pi té à n yãh no nópi tyí sèmìrn sɔkɔ ni?

<sup>11</sup> A me yo pé tyí ne: «Liyel tǒrí tyi nónó-á sò me wõbìnsàhnóle, sé pnèno ye yépi kõ. Nte kè náh pépi wɔ kõ.

<sup>12</sup> Névi nê tyí kwãh-á me, dòhninó ki n pi òmɔ tyí yõ yrõyrõ. Té névi nê tyí kwãh náh me, kwéy nê òtẽ-á me ò tyí, kè ki tẽ syi ò tyí.

<sup>13</sup> No nópi me n yah, té pè náh me kwãh yóle n we, képah n wèki ne pè náh me ké tyí yahle n we. Pè me pé níne n kwɔ, té pè náh me kwãh yóle n nohni, képah n wèki ne pè náh me ké tyí yahle n we. Képah ye ní kõ mé n yãh pé tyí sèmìrn sɔkɔ.

<sup>14</sup> Liyel tǔntò syínyo-ò Yesayi-á lésò nê yo sah, képah ye n nɔ péle yò. A lésò ne níké:

«Yé ki yé níne n kwɔ n nohni, té yé náh ké tyí yah we n pi. Yé ki n yah, té yé náh kwãh yó we n pi, képah n wèki ne yé náh me ké tyí yahle n we.

<sup>15</sup> Nikisekókó névye ye no nópile.

Pè me pé ní tah tũ,

té pé yí vike sah

ne sè káh kwãh yó òtẽ we,

pé ní káh tir yó òtẽ noh

pé kõ pé káh fẽ ké tyí yah we,

pé mó vi mɔ Liyel wèkì yõ

ní kõ mé pè we n de n mɔ.»

<sup>16</sup> Welò nópi yóntenɔ náh, Yesu tǔ yo pé tyí ne: «Nte yépi tẽ wɔ tyí nɔ, yé yí me n yah, yé ní me n nohni.

<sup>17</sup> Kégbɔ yõ mé kéle n yo yé tyí, yáh tyi nónó we, Liyel tǔntò syínyopu ànê névye nónó-á négbólóle Liyel yah, pé náhnáh sò me ké tyí ne pé sè we, té pè náh sè we. Yáh tyi nónó noh, pè sò me ké tyí ne pé sé tɔ noh, té pè náh sè we noh.»

*Sèmìrkì kórle, nê-á yãh sèmukɔ mîr-ò tyí yõ*

<sup>18</sup> «Sèmukɔ mîr-ò sèmìrkì yõ-á nêne, yé yé ní sah kè noh:

19 Névye nónó-à Liyel tǒrí tyí yónó noh té pè náh ké dùkù pĩ, sétàn yòtē n pɔ wey mē wilki pé fɔkɔnɪ sɔkɔ. Pè me wēgbalɪ tyí kōle n̄yāh sɔkɔ-á sēmukɔ syɪkɪlɪ.

20 Túkù me légbí yō tyí kōle, n̄yāh sɔkɔ-á sēmukɔ mir mɔ. Pépi-à wey mē noh, nénpó swɔ pé kè fē n syi n̄v̄n̄n̄ sɔkɔ.

21 Té pè náh n ye kè yāhn̄ne n mɔ pé sɔkɔ. Pē kè fē n syi nénpó swɔ ó sɔkɔ. Té yēvyāhrɪ, kēpah náh pɪ fōhnó-à núkú pè yīni tē kéne wey yīnne, pé pé náh vi kè kō súú.

22 Túkù me pān tē-nsah tyí kōle, pāh wey mē noh, kēkōyó tyi fɔkɔ sōnɔ ànē tahrɪ dékè n pɔ ké yah kō, kè náh n tē n we tirlɛ n pɛkɪ pé tyí.

23 Túkù wɔ mó me sétáh pèpey tyí kōle, pépi-à wey mē noh, pé ké dùkù pĩ, yōre n we ké tyí sēmukɔ tyí kōle, nónó-á pyeno lèkwēkwɛ pɪ, ànē nónó-á tikitōn̄tōnɪ pɪ, ànē nónó-á yōgbāmbām pɪ.»

### *Sèmirkì nê-á yāh filkì tyí yō*

24 Yesu tō sèmirkì yó yāh pé tyí ne nkē: «Yé yah, Liyel tǒrí-á kɪ fē tɔkɔ sāh sèmirkì nēne, kè we yò: Dí yó lésō sēmukɔ duku pèpey mir mɔ n swāh sɔkɔ.

25 Té névyé-á pɔ dɔ gbí nēne, n sépe kyɪ filpyé mir dah mɔ kō ké sɔkɔ nê-á me ké kètòle, té n náh vi sɔkɔ.

26 Kāh pɔ kyāh té n dubi gbí nēne, filkì tɔ ké yō wilki mɔ kwèy.

27 Sètē dí tōnpɪbɪ-á kè kyɔmɪ we sē, pè me kyɪ kè yo pé yòtē dí tyí ne nkē, pé yòtē, sēmukɔ duku pèpey-á se sò à mir mɔ n swāh sɔkɔ; té kè se pɪ sō té filkì tɔ pɔ n we ké sɔkɔ nɪ?

28 A me yo pé tyí ne, sépe yó tō vyāh-á kēpahle. Pè me ne, à se me ké tyí ne pé kyɪ sè viki nɪ?

29 A me ne ò-á. Nkē pāh kɪ ne pāh séle n viki, sēmukɔ tɔ-á kɪ syah n kwɔ n mɔ n viki séle.

30 Pè ye sé yō sè ne n kyāh wē tyí kè syi pɔ n nɔ sēmukɔ tɔkɔ gbí tyí. Té sēmukɔ tɔkɔ gbí-à kɪ pɔ nɔ, pāh kɪ yo sēmukɔ tókópú tyí ne pé filkì n̄gbò kō, pé mó sè pukubi pɔ pɔle pé kyɪ n suke. Té sēmukɔ wɔle, pé kēpah tɔkɔ n mɔ pé dúkúrí sɔkɔ.»

### *Sèmìrn nónó-á yāh mútárdì pi ànē kókónó tyí yō*

31 Yesu tō sèmirkì yó yāh pé tyí ne: «Yé yah, Liyel tǒrí-á kɪ fē tɔkɔ sāh sèmirkì nēne, kè we yò: Dí yó lésō mútárdì pi tɔkɔ duku mɔ n swāh sɔkɔ.

32 Képah yilɔ kal yípyé pólle. Té kàh fi, kè n pɪ gblò kal sèmuko duke pólle. Kè n pɪ sésô sɔ̃, kèpye n pɔ syè pɪ ké yìngbàn tyí.»

33 Képah náh Yesu tɔ̃ sèmirkì yó yāh pé tyí ne: «Yé yah, Liyel tɔ̃rí-á kɪ fě tɔkɔ sāh sèmirkì nêne, kè we yò: Sê yó lésô kókónó tɔkɔ mɔ tɔkɔ yí tɔ̃nó mífáhkì sɔkɔ, ké pól kɔ̃ kè ðɔkɔ.»

*Yesu sèmìrn yáhnó yòle*

34 Yesu sò me tyi nópi pólle n yāh tówû tyí sèmìrn ó sɔkɔ. A náh sò me tir yó n̄tēne n yo pé tyí né sèmìrn sɔkɔ náh.

35 A képah pɪ Liyel tēntò syinyo-ò tir yónsàhnó kɔ̃ kè wil. A lésô ne nkē: «Mé kɪ tyile n yo sèmìrn sɔkɔ. Tyi nónó-á sò me wɔ̃bìnsàhnóle kèkòyó mɔ gbí ðùkùle, mé kɪ névye níki yɪkɪ séle.»\*

*Sèmìrkì kórle, nê-á yāh filkì tyí yò*

36 Képah tēne, Yesu yal tówû tnô à sɔkɔ gbô. N tò sáhpú me nɔ de n̄ tnô té yo n̄ tyí ne, swāh sɔkɔ filkì sèmìrkì nê-á sò à yāh, à ké yò yo pé syah.

37 A me yo pé tyí ne: «Sèmuko duku pèpey mírnmɔ-òle, Névi Pídí ye.

38 Swāhle, kèkòyó ye. Sèmuko duku pèpeyne, Liyel yòtɔ̃rí sɔkɔ wēnpì ye. Filkile, sétàn yòtē náh névye ye.

39 Sépe nê-á mir dah mɔ filpyéle, sétàn yòtē ye. Sèmuko tókónóle, kèkòyó tyénó ye. Sèmuko tókópúle, yínyò tònpiɪ ye.

40 Sɔ̃-á pè filkì viki n suke nyàh sɔkɔ, sēnkɔ ye kɪ n pɪ n pi kèkòyó tyénó tɔ sɔkɔ.

41 Névye nónó pól-á névye yòle n yɪkɪ n mɔ pèkè pínó sɔkɔ, ànê nónó pól-á tyítúkúnì pípúle, Névi Pídí kɪ n̄ yínyò tònpiɪ tekɪ n mɔ n pi, pè kɪ pɔ pè wilkì n̄ tɔ̃rí tyah sɔkɔ.

42 Té kɪ pè min dah mɔ sīnki nyàh sɔkɔ, nýāh sɔkɔ-á gbñí ànê yní táhnó kɪ me.

43 Nte névye nónó-á me néglóle Liyel yah, pépi wɔ kɪ n tē pé Sú Liyel tɔ̃rí sɔkɔ, gbí tyí kòle. Nê-à kɪ me kè noh, tē kè tē yīn.»

*Sèmìrn nónó-á yāh tahrɪ wɔ̃bìnsàhnó ànê pèrlì tyí yò*

44 Képah náh, Yesu tɔ̃ yo pé tyí ne: «Yé yah, Liyel tɔ̃rí-á kɪ fě tɔkɔ sāh sèmìrkì nêne, kè we yò: Dí yó lésô kyɪ wil mɔ tahrɪ wɔ̃bìnsàhnó yó yò swāh yó sɔkɔ, té kè tɔkɔ tɔ̃ wɔ̃bɪ.

\* 13:35 13.35 - Yah n te Gbálnó 78.2.

Ké wénó nìvìnì tẽ tyí, à sòkò à kyí n gbànn yí pól yãm à pò swāh mē dwe.

45 Yé yah, Liyel tǒrí-á kú tǒ fě tokò sãh sēmìrkì nêne, kè wè yò: Gbò yí-ò yó lésò mē, nê-á yí kètárnó yísyóle n yah n kǒ, pè n ye pérìlínóle.

46 Wǎh pò ké dénkókò yó wè, à kyí n gbànn yí pól yãm à pò kè dwe.»

*Sēmìrkì nê-á yǎh yēnkyò tẽ tẽ mno tyí yò*

47 «Yé yah, Liyel tǒrí-á kú fě tokò sãh sēmìrkì nêne, kè wè yò: Nósyó lésò yēnkyò tẽ tẽ mno min dah mò yò sòkò, à yēnkyò duke pól tẽ.

48 Kǎh yuku, pè kè yorú wilki pò kènkwǎh yò, té kǒ tẽ à yēnkyò gblo wah mò dú sòkò, té sé téló milki.

49 Sě ye kú n pì n pì kèkǒyó tyénó tò sòkò. Yínyò tǒnpùbù kú pò nétúkùnì wah wilki négló sòkò,

50 kú kyí pè min dah mò sǐnki nyàh sòkò, nýǎh sòkò-á gbnì ànê yní táhnó kú mē.»

*Kwónó kedyǎh ànê kwónó késǎnne*

51 Képah nǎh Yesu tǒ yo n tǒ sáhpú tyí nē: «Yé se tyi nópì pól noh wah?» Pè mē nē àwé-á.

52 Képah sòkò, à mē yo pé tyí nē: «Liyel tyi kǒnsàhnó kwópú nónó-á sǒ kwónó wè sòkò Liyel tyi kǒnsàhnó tyí yò ñgbòle, té tǒ pò kwónó wè Liyel tǒrí tyí yò núkúnúkú, té névyele n kwò séle, pépi mē kéte tẽ yó sǒ, nê-á yídì sǒ mē n tyí n dúkúrí sòkò, té à tǒ pò snó wè dohnì sé yò, té mē séle névyele n kǒ.»

*Nasaretì tǎn yahle sēnóle Yesu yò*

53 Té Yesu-á sēmìrn nópì yǎh tē pé tyí gbí nêne, à yal nēnpó

54 té sòkò n kwil sòkò. Wǎh kyí nēnpó, à kyí kwónóle n pì pé Liyel ní-risah wòkò sòkò, fókò no pól gbànn du n tyíle. Pè sǒ mē yo tǔ nē, à se wè nýǎh lékám ànê tēnweno mēne, à fě gbìl nópìle n pì nì?

55 Nmò kó sésár sé-ò pídíne nì? N yú yìn kó Marile, té n gbēndípì mē Nsyakì, ànê Nsyosefu, ànê Simo, ànê Nsyudele nì?

56 Té n dósýó pól kó mē pépile ásò yò nì? Nte nýǎh tẽ ó se ñmò wè lékám ànê tēnweno mēne nì?

57 Képah sǒnò sǒ mē pé yò yíkì pè kǒ pè tẽ sē kwlo Yesu yò. Képah sòkò, Yesu mē yo pé tyí nē: «Liyel tēntò syínyo-ò

kwil ànê n kété sɔkɔ ó ye pè náh ònɛ n mɔ n kɔ̃ Liyel tɛntò syínyo-òlɛ.»

<sup>58</sup> Páh yahle sɛnóle Yesu yò sɛ, à náh mó gbílnó náhnáh pɪ nɛnpó.

## 14

*Wɛlnwílkí-ò Nsyɔ̃ kúnóle*

<sup>1</sup> Légbíne, Kalile mara yòtɛ dí Yerɔɔɔ Yesu tyí yónó noh,

<sup>2</sup> té yo n tɔnpɔɔ tyí ne, Wɛlnwílkí-ò Nsyɔ̃-á yò tótó. N lékó-á yilki mɔ. Képah-á tɛnwɛnɔle n tyí à fɛ gbílnóle n pɪ.

<sup>3-4</sup> Yé náh we di, ògbòle, Yerɔɔɔ lésò n gbɛndí Filipi kyɪ Yerɔɔɔyadɔ tɛ syi. Nsyɔ̃ me kè yo n tyí ne, ké yah náh à à toko. Pi mè yinne, Yerɔɔɔ me pè kɔ̃ pè Nsyɔ̃ tɛ à kárn mɔ n tyí, té à dah mɔ sah wòkònpèkè sɔkɔ.

<sup>5</sup> A lésò me ké tyí ne pè Nsyɔ̃ ko mɔ. Nte tówû-á lésò me Nsyɔ̃ne n mɔ n kɔ̃ Liyel tɛntò syínyo-òlɛ sɛ, pépi yah tíkí me à tɛ.

<sup>6</sup> Nte Yerɔɔɔ dúbinó yòh vɪnpɔɔɔ syáh syah sòle, Yerɔɔɔyadɔ písê yò yi néyénó yah sɔkɔ. Kè me nɔ Yerɔɔɔ tyí,

<sup>7</sup> fók à n vyähle à kɔ̃, té n wo n tyí ne wáh kɪ sɔ̃ kwáhdúkú nê yah kɔ̃ pé tyí, páh kɪ kéle à kɔ̃.

<sup>8</sup> Képah sɔkɔ, pípír yú me à kurki mɔ à kɔ̃ à yo Yerɔɔɔ tyí ne, à Wɛlnwílkí-ò Nsyɔ̃ yòle pé kɔ̃ ásò dú pyahrɔ yó sɔkɔ.

<sup>9</sup> Képah tɛne, kè yòtɛ dí yah kwɔ. Nte n wónó mè yinne n néyénó yí yah, à ne pè pɔ kéle à kɔ̃.

<sup>10</sup> Té pè kɔ̃ pè kyɪ Wɛlnwílkí-ò Nsyɔ̃ yò kām wòkònpèkè sɔkɔ.

<sup>11</sup> Páh kè kām, pè kè dah mɔ dú pyahrɔ yó sɔkɔ à pɔ pípír kɔ̃, à me kè syi kyɪ n yú kɔ̃.

<sup>12</sup> Nsyɔ̃ tò sáhpu me pɔ n lékó toko kyɪ yí, té kyɪ ké yah yo Yesu syah.

*Népĩ kèyò nínó kyegbām (5 000) kénkɔ̃ púnóle Yesu tyí*

<sup>13</sup> Yesu-á yí mè noh sɛ, à de krótókè yó sɔkɔ ànê n tò sáhpule pè yal nɛnpó, à yuku gbɛnnɪ tyah yó sɔkɔ à kyɪ tɛ pé yahle. Tówû-á pé sókónó tyí noh nýäh sɔkɔ, pè wil kwlo kwlo sɔkɔ à pé nyáh sò gbáhkì yò.

<sup>14</sup> Yesu-á wil krótókè sɔkɔ té tówû ògbɛ we sɛ, pé yām à tɛ. A me pé yámpú de mɔ.

<sup>15</sup> Nví-á pɔ nɔ, n tò sáhpu nɔ de n tnô té yo n tyí ne, gbɛnnɪ tyah sɔkɔ-á péle yò. Té lékâh-á me n tyah mónóle,

à kó tówûle n fin n mɔ pé kyɪ yõ yõ yîle n yah n dwe kwlo sɔkɔ ni?

<sup>16</sup> Yesu me yo pé tyí ne, yõ náh me ké tyí pé sɔkɔ. Pépi yõke yah pé gblõy pé kõ pé yõ.

<sup>17</sup> Képah sɔkɔ, pé me yo ñ tyí ne, búrn pló kwló ànê yẽnkyɔ pló nínó ó-á me pépi tyí ásô dò.

<sup>18</sup> Yesu me yo pé tyí ne, pé sè tɔkɔ n pɔ pé kõ ásô.

<sup>19</sup> Té me tówû kõ pé kõ tẽ filkí yõ, té búrn pló kwló ànê yẽnkyɔ pló nínó nópi tɔkɔ, té ñ yah yõ yînyõ à weki Liyel tyí, té sè kwɔki mɔ ñ tò sáhpú kõ pé syi tówû kõ.

<sup>20</sup> Pé pól me yõ tõ, té pé me pé yónkwlonɔ téló tuke mɔ vyó gbõninó yíine.

<sup>21</sup> Té nónó-á sò yõ yõke mène, pé sò me díbí népî kèyõ nínó kyegbãm (5 000) kénkõle syó ànê wẽnpî vyãh kẽne.

*Yesu kónóle Kalile yó-̀ngbẽ yõ*

<sup>22</sup> Képah náh, Yesu núkú ñ tò sáhpú gbah tẽ ne pé de krótókè sɔkɔ, pé mɔ pé yahle yó-̀ngbẽ kahnine, péwɔ mó tówû fin mɔ.

<sup>23</sup> Wãh pé fin mɔ te, à dɔkɔ yuku yõli yõ à kyɪ tẽ ñ tyíle à Liyelle n ni. Lékãh mɔ pɔ à we ñ gblõy nénpó.

<sup>24</sup> Té légbíne, krótókè sò me gbe mɔ te yo vyãhle náhnáh. Té yáhkí sò me péle n yohni. Kãh pi sã, ni sò me krótókèle n kah n fwo.

<sup>25</sup> Tyah dal gbíne, Yesu tyah n kɔ n yuku pé tnô yo yõ.

<sup>26</sup> Pãh à we à n kɔ n pi yo yõ sã, pé sãm yɔkɔ. Pé tyah n yo ne lékó mírkí yó-á. Té tyah n de n syi tiki tẽ tyí.

<sup>27</sup> Nte nénpó swɔ, Yesu me yo mɔ pé tyí ne, pé pé ni syãh. Péwɔ-á, pé káh tiki pi.

<sup>28</sup> Képah sɔkɔ, Pyeri me yo ñ tyí ne, Tẽ ñgbẽ, ñmɔ-à ki nê ñtyíno, à péwɔ kõ pé wil kɔ pɔ ñ tnô yo yõ.

<sup>29</sup> Yesu me yo ñ tyí: «Pɔ!» Pyeri me wil krótókè sɔkɔ à tyah n kɔ n yuku Yesu tnô yo yõ.

<sup>30</sup> Nte wãh pɔ kè kyomɪ we ne yáhkí-á me n kah n pi, tiki à tẽ. Képah sɔkɔ, à tyah n tiki n de ni sɔkɔ té de syi ne, Tẽ ñgbẽ, à pé pwah mɔ oo!

<sup>31</sup> Nénpó swɔ Yesu núkú ñ gbõ nɔ à à tẽ té yo ñ tyí ne, à náh sã péwɔ yõ fwóo ló. Sõ se pi té à n sò tótò ni?

<sup>32</sup> Té pé me de krótókè sɔkɔ, yáhkí núkú yín.

<sup>33</sup> Nónó-á sò me krótókè mè sɔkɔ, pé gbètukunɔ di Yesu yah té yo ñ tyí ne, kègbɪ yõ, ñmɔ-á Liyel Pídíne.

*Yámpú dénmɔnɔle Yenesareti sétáh yõ*

<sup>34</sup> Yesupi-á yó-̀ngbẽ kah te, pè de Yenesareti sétáh yõ.

<sup>35</sup> Nénpó tãn me à yah pĩ, té núkú ò pónó yo soh mo nénpó ò tãn pól tyí. Pè me pò pé yámpú pólle ò tyí.

<sup>36</sup> Té ònne n ni ne, à ye pé kò pé tũ ò fwòmòni vyãh ò tẽ ó tyí. Té nónó pól-á fyò tũ ké tyí, pè de.

## 15

*Tyi nónó-á kí fẽ névi silki Liyel yah*

<sup>1</sup> Képah sòkò, Farisi wěkì kópú ànê Liyel tyi kònsàhnó kwópú wil Yerusalemi kwil sòkò à pò Yesu tñò, té à syah ne òkẽ,

<sup>2</sup> sò se pì té ò tò sáhpú náh me n kò lékóló wãldi yõ ni? A ne n yah pè yãrle n yõ, té pè náh se mó tò pé gbãn wu à yĩne pé wãldile lé.

<sup>3</sup> A me yo pé tyí ne: «Té yépi wò-á dò, sò pì té yé wãldi yĩnne, yé náh me n kò Liyel tyi kònsàhnó wãl yõ?

<sup>4</sup> Yé yah, Liyel kè yo ne òkẽ: «Yõyenne n sah á sú ànê á yú yõ.»\* Té tò kè yo ne òkẽ: «Névi nê-à wèntùkù wèkì ò sú tyí, képah náh pì ò yú tyí, tẽ yĩne kònmòno.»†

<sup>5</sup> Nte yépi wò n mó ne, névi nê-à yo ò sú képah náh pì ò yú tyí ne, kwãh nê-á sò me pé tyí ò yohni n mo mo tẽne, páh képahle Liyel kò te,

<sup>6</sup> ò dúbí-ò mè yòhnìnmoño kòli náh tò me ò yõ. Kàh pì sè à, Liyel tyi kònsàhnó náh yé yùkì yé wãldi yĩnne di?

<sup>7</sup> Vyãhsesyíri névyè nòpi, Liyel-á lésò Yesayi kò à nê yo sah, képah ye yépi n pì yò. A lésò ne òkẽ:

<sup>8</sup> «No nòpile, vyãh ó sòkò ye pè n gbilki òmòle.

Nte pé nno me fíí òne.

<sup>9</sup> Pãh kwónóle n pì tyi nónó yõ,

névyè yah yíi tyi kònsàhnó ye séle.

Képah ye, gbilkínó nê-á pè n gbilki n pò òne pé yo,

nònó ye kéle.»‡

<sup>10</sup> Képah sòkò, Yesu tówù mè ye tuke té yo pé tyí ne: «Yé yé ní kwò n noh palle, yé wèlò nòpi syíkí-risah pĩ.

<sup>11</sup> Yi nónó-á n de névi vyãh sòkò, sépi náh n silki ònne Liyel yah dé. Wèlò nónó-á n wil ò vyãh sòkò, sépi ye n silki ònne.»

<sup>12</sup> Képah tẽne, ò tò sáhpú me nò de ò tñò té yo ò tyí ne, à kó pĩ ne ò wèlò nónó-á sò sé yey mo Farisi wěkì kópú ònne, sãh pè kah yo ni?

\* 15:4 15.4 - Yah n te Yálnó 20.12. † 15:4 15.4 - Yah n te Yálnó 21.17. ‡ 15:9 15.9 - Yah n te Yesayi 29.13.



13 A me yo pé tyí ne: «Yèh nónó pól tẽ-á fyò me, té ní Sú nê-á yĩnyõ ñmɔ sónó náh séle, sè kɪ viki to.

14 Yé ye pé yõ. Yítũbi ye péle, nónó-á me pé no yítũbi yahle n tẽ. Té yítũ-à mó tõ ñ ní-ò yítũ yah tẽ, pé ními kɪ sykɪ de pwàh yó sɔkɔ.»

15 Képah sɔkɔ, Pyeri me yo ñ tyí ne, wàh sò ne pé pé ní kwɔ welo nónó noh palle, à sé kór yo pé syah.

16 A me pé syah ne: «Lékám kě névye se yépi tole?

17 Yé náh pĩ ne yĩ nónó pól-á n de vyàh sɔkɔ, sàh ñkẽne n syõ kèkùrkì sɔkɔ, ñ té n pyè n pɔ n wilki n kwe kèdúkúdahkɪ sɔkɔ di?

18 Nte welo nónó-á n wil vyàh sɔkɔ, sé sò n wil sònɔ sɔkɔ. Sépi ye n silki névile Liyel yah.

19 Névi lékám sɔkɔ ye sònɔ túkúnì n wil, ànê nékókè mónóle, ànê fòfikì pínóle, ànê pròprò pínóle, ànê yĩbele, ànê mìnì yónóle, ànê gbyole.

20 Kéne tyi wɔ ye n silki névile Liyel yah. Nte névi-à ñ gbàn wú-ñkẽne à yĩne wàldì-á kè yo sɔ té yõke yõ, képah náh n silki tẽne.»

*Sê yó písê dénmɔnɔle nê náh pi Nsyifulé*

21 Képah náh, Yesu yal nénpó té sɔkɔ Tiri ànê Sidõ sétáh yõ.

22 Té pi yó sò me nénpó nê-á Kanah neyne. Nmɔ me pɔ Yesule yúkey té me n de n syi, me yo tũ ñ tyí ne pé Tẽ ñgbě, ñmɔ nê-á Davidi Pídĩne, à pé yàm yah. Nkě sétõ yó-á me pé písê sɔkɔ me ñne n kwlo kèpékèyô.

23 Nte Yesu náh dahbɪ wilki ñ tyí. N tò sáhpú me nɔ de ñne té kè yah kɔ ñ tyí ne, à pi mè kɔ à ñ syi pé náh, à káh pé sò tẽ ne n de n syi n yuku sě.

24 Yesu me ne, Liyel-á pé tekɪ mɔ Yisrayel no ó yĩnne, pépi nónó-á me képyénì mónpuno sɔ.

25 Nte pi me nɔ pɔ ñ gbètukunɔ di ñ yah, té yo ñ tyí ne pé Tẽ ñgbě, à pé yohnɪ n mɔ.

26 Yesu me à syah ne, ké yah náh pé wěnpì yõke tɔkɔ n mɔ pàhnpye kɔ.

27 Pi me yo ñ tyí ne, gbɪ-á à yo pé yõtẽ. Nte pàhnpye wɔ-á n yõ sé nátám yěnmîrn yónkwenɔle.

28 Képah sɔkɔ, Yesu me yo ñ tyí ne: «Pi, á sě yíí nímo yõ dé. Wàh nê yah kɔ, Liyel kɪ kè pi á tyí.» Légbí mè ó sɔkɔ, pi písê núkú de.

*Yámpú nahnáh dénmɔnɔle*

29 Képah náh, Yesu yal nénpó à yuku Kalile yó-̀ngbẽ gbòpɔ. Té dɔkɔ yuku yõli yõ à kyi kõ tẽ.

30 Képah tẽne, nékwínkí pé yámpú tẽ pɔ ñ tyí à pɔ pé sah ñ yah sɔkɔ. Túkù sò me gbáhkì núkú névyele, túkù me yítúbile, túkù me nédónene, túkù me kedyò̀nìne, à tahlí yámpú túkù tyí. Té Yesu me pé de mɔ.

31 Kè pí gbẽ̀ndùnìne tówú tyí, pãh kedyò̀nì we pé me fẽ n weki, nédónè dónónɔ me tye, gbáhkì núkú névye me fẽ n kɔ tómtóm, té yítúbì me fẽ n yah. Képah tẽne, pé gbílkínó sah Yisrayel Liyel yõ.

*Yesu tõ tówú ñgbẽ pu*

32 Yesu ñ tò sáhpú ye, té yo pé tyí ne, tówú mè yãm-á me péwɔ tẽ. Pé sèpìn tònì-á péwɔ náh sɔkɔ kweyne yò, té yõ yõ kwãh náh se pé tyí. Pé náh me ké tyí ne pé pé fin n mɔ pé sɔkɔ kwekile. Pé túkù-á kɪ kyi n syah n tẽ n kwlo wẽkì yah.

33 Képah tẽne, ñ tò sáhpú à syah ne, pé se kɪ we nýãh yõkele gbẽ̀nni mè sɔkɔ, kɪ fẽ tówú mè dùkù kõ pé kɪ yõ tõ nɪ?

34 Yesu me pé piki yah ne, búrn pló sɔ se me pé tyí nɪ? Pé me ne kwãrninɔ-á, à tahlí yẽnképi yísyó tyí.

35 Képah sɔkɔ, à tówú kõ pé kõ tẽ sétáh.

36 Té búrn pló kwãrninɔ ànê yẽnkɔ nópi tɔkɔ, té weki Liyel tyí, té sè kwɔkɪ à ñ tò sáhpú kõ pé syi tówú kõ.

37 Pé pól me yõ tõ, té pé me pé yónkwlonɔ tuke mɔ tɔkɔ yí kwãrninɔle.

38 Té nónó-á sò yõ yõke mène, pé sò me díbí népì kèyò nínóle (4 000), syó ànê wẽ̀npì vyãh kẽne.

39 Képah náh, Yesu tówú fin mɔ pé sɔkɔ, té me de krótókè sɔkɔ à sɔkɔ Makadã sétáh yõ.

## 16

*Névye me kéle n yah n kõ Yesu tyí ne à gbíl yó pí, nê-á n wẽkì ne wãh n wil Liyel tyí*

1 Farisi wẽkì kópú yísyó ànê Sadusi wẽkì kópú yísyó nɔ de Yesu tnô ne pé à mɔ yah. Té à syah ne à gbíl yó pí pé yah, nê-á n wẽkì ne wãh n wil Liyel tyí.

2 Képah sɔkɔ, Yesu me yo pé tyí ne: «Gbíyí de gbíne, yínyõ-à me gbõlì, yè n ne tyah yah-á kɪ yɪkɪ mɔ.

3 Té séngbõle, yínyõ-à me fínmòò, yè n ne kweyne tyah yah náh n yɪkɪ n mɔ n pi. Yé me fẽ tyah dùkù wɔle n pne, té tyi nónó wɔ-á me n pí kwey gbì sɔkɔ, sãh me tyi nónóne n wẽkì, yé tẽ sépi wɔ dùkù pĩ kwlo kè?

<sup>4</sup> Kwey gbī névye náh ple. Pè náh me tē Liyel ó tyí yō. Pè me ké tyí ne mé gbīl yó pɪ pé yah. Nte kèyāh rítē náh pɪ pè wēkɪ n pi, à wil Liyel tēntò syínyo-ò Nsyonasɪ tyí sɔkɔ.» Képah yóntenɔ náh, à pè sah nénpó té sɔkɔ.

<sup>5</sup> Képah náh, Yesu ànê n tò sáhpú-á n sɔkɔ yónkahnne, n tò sáhpú dɔɔ sò fwɔ búrn tókónsɔkɔnɔle.

<sup>6</sup> Yesu me yo pé tyí ne: «Yé kyòmìnó pɪ. Yé yé gblǒyne n tē Farisi wēkɪ kópú ànê Sadusi wēkɪ kópú kókónóle.»

<sup>7</sup> Képah sɔkɔ, n tò sáhpú tyah n sò ne pépi-á pɔ búrn kēne, képah-á à kō à n yo sē yò.

<sup>8</sup> Nte Yesu me pé sɔnɔ pī té yo pé tyí ne: «Liyel yō sēnyī-nkēpú nópɪ. Sō pɪ té yé n sò sē ne, yé náh pɔ búrnne képah-á?

<sup>9</sup> Yé náh tōnì me sé dùkù pī sē nɪ? Yé dɔɔ náh me n kwne tɔle máh búrn pló kwlólé díbí népɪ kèyō nínó kyegbām (5 000) pu, ànê yáh yónkwɔnɔ téló tuke mɔ vyó yí dan nēne di?

<sup>10</sup> A tahlɪ máh búrn pló kwārninɔle díbí népɪ kèyō nínó (4 000) pu, té yáh yónkwɔnɔ téló tuke mɔ tɔkɔ yí dan nēne, yé dɔɔ náh me n kwne kéle di?

<sup>11</sup> Té sō pɪ té yé náh tē we pī ne búrn tyí náh mé n yo yé tyí, máh sò n yo yé tyí ne: «Yé yé gblǒyne n tē Farisi wēkɪ kópú ànê Sadusi wēkɪ kópú kókónóle?»

<sup>12</sup> Képah sɔkɔ, pè pyē pī ne mífáhkɪ sɔkɔ mɔ mɔ kókónó tyí náh sò Yesu n yo pé tyí ne pé pé gblǒyne n tē kéle. Nte Farisi wēkɪ kópú ànê Sadusi wēkɪ kópú-á kwónó nēne n kō, képah tyí-á sò à n yo pé tyí ne pé pé gblǒyne n tē kéle.

### *Pyeri-á nê yo Yesu tyí sɔkɔ*

<sup>13</sup> Yesu-á kyɪ yīni tē Filipi-Sesarɪ gběnyah tinnne, à n tò sáhpú piki yah ne: «Névye tē tyí nê me nímole, nímɔ nê-á Névi Pídíne?»

<sup>14</sup> Pè me ne, túkù-á ne Wèlnwìlkì-ò Nsyō-á nne. Túkù ne Liyel tēntò syínyo-ò Yeli-á nne. Túkù mó ne Liyel tēntò syínyo-ò Nsyeremi-á, képah náh pɪ Liyel tēntò syínyo-ò yó-á nne.

<sup>15</sup> Képah sɔkɔ, à tō ne: «Nte yépi-á dò, yépi tē tyí nê me nímole?»

<sup>16</sup> Simo Pyeri me yo n tyí ne: «Áwɔ ye Liyel ney yáhntɔkɔnɔle. Liyel nê-á min nétēne, nímɔ Pídí ye ále.»

17 Képah sɔkɔ, Yesu yo ò tyí ne: «Áwɔ tyí nɔ, Nsyonasi pídí Simo. Á náh wɛ di, névi náh wɛkɪ ále tyi nópilɛ dé, ñ Sú Liyel nê-á me yínyò sɔkɔ, òmɔ ye wɛkɪ ále séle.

18 Nte ñmɔ kɪ yo á tyí ne: «Pyɛɾɪ ye ále, (nê kór-á légbíle). Té kéne légbí yò sɔkɔ ye mé kɪ ñ yò sɛpú tɪnkɪ sah. Té kũ tãhkɪ ñtɛ fyé náh tɛ wɛ tir yó pɪ n pi pé sɔkɔ.

19 Mé kɪ Liyel tɔrí tyah yah gbíni kénikópýéle ñ kɔ. Wáh tir nê yahle sétáh mè yò sɔkɔ, Liyel nê-á yínyò sɔkɔ, ñ to kɪ sah ké yò sɔkɔ. Té wáh nê wɛkɪ kɔ sétáh mè yò sɔkɔ, Liyel nê-á yínyò sɔkɔ, ñ to kɪ sah ké yò sɔkɔ.» Mé kɪ áwɔ kɔ á kɪ fɛ Liyel tɔrí nɔlɪ yónó wɛkɪle n kɔ. Wáh tir nê yahle sétáh mè yò sɔkɔ, Liyel nê-á yínyò sɔkɔ, ñ to kɪ sah ké yò sɔkɔ. Té wáh nê wɛkɪ kɔ sétáh mè yò sɔkɔ, Liyel nê-á yínyò sɔkɔ, ñ to kɪ sah ké yò sɔkɔ.»

20 Képah náh, Yesu ñ tò sáhpú gbah sni ne, pé káh kè yãh névi syah ne péwɔ-á Liyel ney yáhntɔkɔnɔle dé.

*Yesu me ñ kúnó ànê ñ lékó yílkinmɔnɔ tyíle n yo*

21 A tɔkɔ légbí tyí, Yesu tyah ké yahle n yo ñ tò sáhpú tyí ne, páh yíne pé yuku Yerusalemɪ kwil sɔkɔ. Yèwàhni, ànê sárká syínwilkɪpu yòtã, ànê Liyel tyi kònsàhnó kwópú-á kɪ yèvyãhrɪ náhnáh sah n pi péwɔ yò. Pãh kɪ pé ko mɔ, té ké sèpɪn tɔ-ò sòle, pé lékó-á kɪ yilki mɔ.

22 Képah tɛne, Pyɛɾɪ me à ye kɛkɪ té tyah n wɛkɪ ñ yò ne ñkɛ, pólle pé Tɛ ñgbɛ, képah náh à yíni n tɛ n pi. Liyel-á kɪ n tũ n mɔ ñ yò.

23 Nte Yesu me ñ yah vi té yo ñ tyí ne: «To ñ yah sétãn yòtɛ mè. Nmɔ fɛkɪ-nsah ye á n yah n kɔ. Yah, á sɔnɔ náh me núkúle Liyel tyíle. Á sɔnɔ me núkúle névi tyíle.»

*Yesu sò tɛ òkùle*

24 Képah náh, Yesu yo ñ tò sáhpú tyí ne: «Névi nê-à me ké tyí ne pé ñmɔ sò tɛ, tɛ yíne à ñ gblɔy tyi wɛ n ye, à mó ñ syɪ syɪ dahni twah ñmɔ sò tɛ.

25 Névi nê-à ne páh n to n pwah kũ yah, tɛ náh tyé-ñkɛ min wɛ n pi. Té nê-á tekɪ ñ min sɔkɔ ñmɔ yinne, tɛ wɔ kɪ tyé-ñkɛ min wɛ.

26 Névi-à ne kèkɔyó yí pól wɛ n pi, té ne n tekɪ n pi ñ min sɔkɔ, yò se me ké tyí? Képah náh pɪ, kwãh se kɪ fɛ wɛ névi tyí à kɪ tɔkɔ kɔ, ñ min sɔne?

27 Yé yah, Névi Pídí kɪ n̄ syɪ n̄ pɔ n̄ pi ànê n̄ yĩnyõ tònpiɓile n̄ Sú Liyel tǒríle n̄ sɔkɔ. A kɪ pɔ n̄núkù nùkú pól dyah à yĩne pé tyírínine.

28 Kègbɪ yõ mé kéle n̄ yo yé tyí, névye nónó-á ásô, pé túkù náh tǒnì me n̄ ku n̄ pi, té kɪ Névi Pídí we à kɪ me n̄ pi n̄ yǒtǒrí sɔkɔ.»

## 17

### *Yesu dùkù v̄inm̄ɔnɔle*

1 Sèp̄in kénúkò sókóntenɔ náh, Yesu me Pyeri, ànê Nsyaki, ànê Nsyaki gběndí Nsyõ tẽ pè yuku yõlɪ kèyy yó yõ, à kyɪ tẽ pé tyíle.

2 Dǒ, Yesu dùkù vi mɔ pé yí yah. N̄ yèpɔ tyah n̄ tẽ gbí sǒ, té n̄ flo me piki préyy.

3 Moyisi ànê Yeli nùkú wil mɔ pé yah, té me n̄ yāh ànê Yesule.

4 Képah sɔkɔ, Pyeri me yo Yesu tyí ne, Tẽ ñgbě, pé pól tǔnó-á me ple ásô dé! Wáh kɪ me ké tyí, páh kɪ yèpyeno tǔnó pi: Nùkú-á kɪ pi ñmɔ tyíle, nùkú kɪ pi Moyisi tyíle, nùkú mó pi Yeli tyíle.

5 Wáh me képah yónó sɔkɔ, n̄yírki yó nùkú wil ñvyõõ à fob mɔ pé yõ. Té ȳinp̄õ yó me wil n̄yírki m̄e sɔkɔ ne: «Nê-á yò, ñmɔ n̄idè Pídí ye. Nmɔ ye ní n̄v̄in̄i yõle. Yé ne n̄ nohn̄i n̄ tyí.»

6 Yesu tǒ sáhpú nópi-á képah tẽ noh n̄yāh sɔkɔ, pé syikɪlɪ pé yah di sétáh tiki tẽ tyí.

7 Képah sɔkɔ, Yesu me nɔ de pé tn̄ô à tũ pé tyí, té yo pé tyí ne: «Yé yuku, yé káh n̄ ye tiki yé tẽ.»

8 Páh pé yey yõ, pè Yesu ó we n̄ gbl̄õy nùkúnine.

9 Páh pé syɪ yõlɪle n̄ tiki, Yesu me pè sni ne: «Yáh nê we, yé káh kè yāh ney tyí, fóó kè syi n̄ pɔ n̄ nɔ Névi Pídí lékó yilk̄inm̄ɔnɔ tyí.»

10 Képah sɔkɔ, n̄ tǒ sáhpú me à piki yah ne, ñte sǒ se pi té Liyel tyi kǔnsáhnó kwópú wɔ ne nk̄ě Yeli ñgbò-á yĩne à pɔ Liyel ney yáhntokɔnɔ yah n̄i?

11 A me yo pé tyí ne: «Gbɪ ye Yeli ye yĩne à pɔ tyi pól tǒ sah.

12 Nte mé kéle n̄ yo yé tyí, Yeli pɔ te té pè náh à yah p̄i. Pè pé dyɔ pi n̄ sɔkɔ. Sě ye Névi Pídí tɔ kɪ fǒhnó we n̄ pi pé gb̄õ.»

13 Képah sɔkɔ, n̄ tǒ sáhpú nùkú p̄i ne W̄elnw̄ilk̄i-ò Nsyõ-á à n̄ ye.

*Ndyìkìnpi yó dènmònòlè*

14 Yesu ànê ò tò sáhpú nópi-á pò yíni tẽ tówú sòkò gbí nêne, dí yó nò de Yesule à gbètukunò di ò yah, té yo ò tyí ne,

15 pé Tẽ òngbẽ, à pé pídí yãm yah. Ndyìkìnpi-á òne, wãh me ò kwlo kègbule. Kèyãhle à ò syiki ò de nyãh sòkò, kèpah náh pi ò sòkò.

16 Páh pò òne ò tò sáhpú tyí, té pè náh tẽ we à de mò.

17 Kèpah tẽne, Yesu weki pé yõ ne: «Népèl yísyóle ò yah dé, Liyel yõ sè-ńkèpú nópi. Mé ki tẽ yéle, pópó ki pò syi gbí nê tẽ tyí? Mé ki yé sòmnole ò pi, pópó ki pò syi gbí nê tẽ tyí? Yé pò òne ò kò ásò.»

18 Páh pò òne, Yesu díri kò sétò yõ nê-á mò ò sòkò òndyìkìnne, à me wil dípir sòkò. Nénpó swò, dípir nukú de.

19 Kèpah tẽne, Yesu tò sáhpú nò de Yesu tñò pé yahle té à piki yah ne, sò se pi té pépi wò sò tẽ sétò mè yíni wilki kwlo dípir mè sòkò ni?

20 A me yo pé tyí ne: «Yé Liyel yõ sèno yilo kah mò kèpah ye. Kègbi yõ mé kéle ò yo yé tyí, yé Liyel yõ sèno-à me ò mútárdi pi\* fyéle, yé náhki fẽ yo yõli mè tyí ne kè yal ásò kè kyi ò tẽ yãhãh, té kè náhki mó tò kè pi. Yé náh náhki tir yó òtẽ pi ò kwlo ò pi dò. [

21 Nte sétò mè dukùle, né níri pínò ànê níki tẽno ó sòkò náh, à náh fẽ ò yíni.]»

*Yesu me ò kúnò ànê ò lékó yìlkinmòno tyíle ò tò ò yo*

22 Sò yóle, Yesu ànê ò tò sáhpú sò me tükènmònòle Kalile mara sòkò. A me yo pé tyí ne: «Pè ki Névi Pídí tẽ dahbi névye gbò,

23 pè ki à ko mò. Nte ké sèpìn tò-ò sòle, ò lékó ki yilki mò.» Welò nópi nóhnò ò tò sáhpú yah kwò kègbule.

*Yesu ànê Pyeri mórí mónóle Liyel ní-ńsah gbô*

24 Yesupi-á kyi yíni tẽ Kapernayumi kwil sòkò, Liyel ní-ńsah gbô mórí syípú nò de Pyerile té à piki yah ne, pé kwó-ò dí kò me Liyel ní-ńsah gbô mórile ò mò ni?

25 A me ne àwe-á, wãh me kéle ò mò kè. Pyeri-á kyi yíni tẽ gbô, Yesu òngbò à piki yah ne: «Simo-Pyeri, áwò sòno tẽ nêne à yuku mórí mónó tyí sòkò? Kàh me mórile nê-á ki

\* 17:20 17.20 - Mútárdi pi yilo kal yípyé pólle. Yah ò tẽ Matye 13.31b-32a.

kèkōyó yòtāmne n kō, kwil wēnpì se kɪ n mɔ kéle, t̃, nēpân se?»

<sup>26</sup> Πυρι με νε νέpân-á. Yesu με νε: «Kàh πι s̃, kwil wēnpì wɔ vyāh náh mó με ké mónó sɔkɔ kè.

<sup>27</sup> Nte mé náh με ké tyí νε no nópi kéle νε n s̃ kètúkùyô. Képah ye, kyɪ dlóy mɔ Kalile yó-ngbē sɔkɔ, yēnkô nê-á kɪ pɔ tē gbenne, ñ vyāh yɪkɪ n mɔ n yah, á kɪ pó we ké sɔkɔ. Kè wilki n kyɪ mórí mɔ pé tyí, ñmɔ ànê áwɔ tyíle.»

## 18

*Névi nê-á kɪ πι né-ngbēne kal Liyel t̃rí nɔli yónó sɔkɔ*

<sup>1</sup> Légbíne, Yesu tò sáhpú nɔ de ñne, té à piki yah ne, nê se né-ngbēne kal Liyel t̃rí nɔli yónó sɔkɔ nɪ?

<sup>2</sup> Képah tēne, Yesu με wēnpir tyí yó ye pɔ sah pé nyó, té yo pé tyí ne:

<sup>3</sup> «Kègbɪ yō mé kéle n yo yé tyí, né yé náh yé ñmɔ vi mɔ à πι wēnpì tyí kōle, yé náh Liyel t̃rí nɔli yō n pi.

<sup>4</sup> Névi nê-á kɪ ñ gblóy tiki mɔ πι tyí wēnpir mē s̃, tē wɔ ye kɪ πι né-ngbēne kal Liyel t̃rí nɔli yónó sɔkɔ.

<sup>5</sup> Névi nê-á wēnpir mē kénkō tēnó ple ñmɔ yinne, ñmɔ ye tē tē ple.»

*Gbáhdýâh gbáhdinsàhnóle*

<sup>6</sup> «Nte wēnpì\* nóno-á s̃ ñmɔ yō yò, névi nê-á pé sɔkɔ yó yō yɪkɪ mɔ tyípékè pínó sɔkɔ, pàh yínónan ngbēkì yó toh tē yègbɪ té à tu dah mɔ pne yo t̃ tē-ñsah sɔkɔ kè kō kè à yō, képah kɪ fónfó kal tēne.

<sup>7</sup> Pèkè με kèkōyó névyè yō névyè yō yíkínmɔnɔ yinne tyípékè pínó sɔkɔ. Névyè yō tē wɔ náh f̃ n ye yíkínóle ó, ñte névi nê gbò yō sēnkō-à we, pèkè kɪ tē nɔ.

<sup>8</sup> Á gbò, képah náh πι á gbáhkì-à kɪ nê n dah n mɔ ále tyípékè sɔkɔ, kè kām milki f̃í ále. Wâh tekɪ á gbò, képah náh πι á gbáhkì sɔkɔ té tyé-ńkē min we, képah kɪ fónfó kal ále á mínndahñmɔnɔ yō ní-ńkē nyàhnpékè sɔkɔ gbàn níñ ànê gbyēh níñine á tyí.

<sup>9</sup> Á yí-à kɪ nê n dah n mɔ ále tyípékè sɔkɔ, kè gbahlɪ n wilki n milki f̃í ále. Wâh tekɪ á yí sɔkɔ té tyé-ńkē min we, képah kɪ fónfó kal ále á mínndahñmɔnɔ yō ní-ńkē nyàhnpékè sɔkɔ yí nínóle á tyí.»

\* **18:6** 18.6 - Wēnpì nóno tyí-á n yo ásô sɔkɔ yò, kè kɪ f̃ πι Yesu yō sēpú ye pè n ye.

*Képo mónpunɔ wéntɛnɔle*

<sup>10</sup> «Yé yé gblɔy tɛ wɛnpɪ† nɔpi sɔkɔ yó yílónóle. Ngbɔ yɪnyɔ tɔnpɪbɪ nónó-á n yah pé yɔ, pè me gbímeɓbí ní Sú Liyel yah sɔkɔ yɪnyɔ dé. [

<sup>11</sup> Yé náh we di, névye nónó-á me mónpunɔle, pépi pwah n mɔ yɪn ye Névi Pídí pɔ.]

<sup>12</sup> Yépi tɛ tyí à; sɔ kénkɔ-á képyénì lèkwɛ-à me dí yó tyí à me n fɛ yɔli yɔ, té núkú mɔ pu sé sɔkɔ, à náh tikiyéh pɔ gbām pɔ kwáryāh nɔpi téló sah n pi nɛnpó, té kyɪ mónpunɔ mè yah n kɔ n pi di?

<sup>13</sup> Té gbɪ yɔ mé kéle n yo yé tyí, wàh à we tɛ, ò nɪ n vɪ òmɔle à kal tikiyéh pɔ gbām pɔ kwáryāh nɔpi télóle, nónó náh mɔ pu.

<sup>14</sup> Sɛ ye yé Sú Liyel nê-á me yɪnyɔ, ò to náh me ké tyí ne wɛnpɪ nɔpi sɔkɔ yó ítɛ mɔ n pu.»

*Tyípekè pí-ò tɛ n pɔ dùkùle gbɪ wɛkì yɔ*

<sup>15</sup> Yesu tɔ ne: «Á yúnpɪ yó-à tyípekè pɪ [á tyí], kyɪ n wil ò tyí, ò ò yah yo yé ními wró ó sɔkɔ. Wàh sah á tyí yɔ, yé yúnpíkì kɪ yuku yahle.

<sup>16</sup> Wàh yahle, kyɪ nɛnúkù képah náh pɪ ními yah n dohnɪ á gblɔy yɔ ítɔ, yè kyɪ ké yah wah. Sɛ ye Liyel wey yo kéle ne, ké yah-á yɪne kè wah tàrfyò népɪ ními, képah náh pɪ tɔmí yí yah.

<sup>17</sup> Té wàh yahle sàhnóle pépi to tyí yɔ, kyɪ ké yah yo nímo yɔ sɛpú fɪnkì tyí. Wàh se tɔ yahle sàhnóle pépi to tyí yɔ, òne ne n mɔ n kɔ Liyel wɛkì kó-ńkɛpú sɔkɔ, képah náh pɪ mórí syípú sɔkɔ.

<sup>18</sup> Kègbɪ yɔ mé kéle n yo yé tyí, yāh tir nê yahle sétáh mè yɔ sɔkɔ, Liyel nê-á yɪnyɔ sɔkɔ, ò to kɪ sah ké yɔ sɔkɔ. Té yāh nê wɛkì kɔ sétáh mè yɔ sɔkɔ, Liyel nê-á yɪnyɔ sɔkɔ, ò to kɪ sah ké yɔ sɔkɔ.

<sup>19</sup> Mé kéle n yo yé tyí tɔle, yé sɔkɔ népɪ ními tɛ-à fyò pé yégbékè pɪ núkùle sétáh mè yɔ, té kwáhdúkú nê ni ní Sú Liyel tyí, à kɪ kéle pè kɔ.

<sup>20</sup> Yé náh we di, népɪ ními képah náh pɪ tɔmí-à wɛ tuke mɔ nyāh sɔkɔ nímo yɪn yɔ, mè n ne me pé niyó.»

*Névye-á yɪne pè ne n yɔ n mɔ wɛne n kɔ dùkù nêne*

† 18:10 18.10 - Yah n te Matye 18.6 yah yónó sɔkɔ.



21 Képah sɔkɔ, Pyeri me no de Yesu tnô té yo ñ tyí ne, pé Tě ngbê, pé yúnpí yó-à n pɪ n de pé tyí, gbáhyí sɔ se pé yĩne pé yɔ mo à kɔ nɪ? Fóó gbáhyí kwárnino se nɪ?

22 Yesu me yo ñ tyí ne: «ŌŌ, mé náh n yo n pi á tyí ne gbáhyí kwárnino-á dé, ñte fóó gbáhyí kwárnino sàh-ntännó tikitóní pò gbām ye.

23 Yé yah, Liyel tǒrí-á kɪ fě tokɔ sãh sèmirkì nêne, kè we yò: Yòtě dí yó lésò me ké tyí ne pé pé pò tyí yah wah ànê pé tǒnpɪbɪle.

24 Pãh tyah pò yáhnólé, pè ñ tǒnpɪ yó tě pɔ ñ tyí, ñ kǒli ngbê-á sò me nê yò, fóó talã<sup>‡</sup> pò pló kèyò kwólóle (10 000).

25 Té kwâh náh sò me dí mè tyí ké dyah dyah tēne. Kãh pɪ sě, yòtě dí ne, pè à tē yãm, ànê ñ kyile, ànê ñ wěnpɪle, à tahlɪ ñ gbãh yí pól tyí, pè kǒli mè dyah.

26 Képah tēne, tǒnpɪ mè me ñ gbètukuno di té ñ yah kwĩnki sétáh yòtě dí yah, té yo ñ tyí ne, à ñ gblɔy ye à mó pé sykɪ n yah kwéy, páh kɪ pɔ ké pól dyah ñ tyí.

27 Wãh képah yo sě, ñ yãm yòtě dí kah tē. A me à fin mo té kǒli mè yò mo à kɔ.

28 Kéne dí-á fyò wil, à ñ ní-ò tǒnpɪ yó yohnɪ ñmo kǒli kwéy-á sò me nê yò deniye<sup>§</sup> pò pló lèkwěle. A me à fyãh tē ñ yègbɪ tyí à ñne n fí kírɪ, té à syah ne níké, pé kǒli nê-á me ñ yò, à pé dyah kéle.

29 N ní-ò mè me ñ gbètukuno di ñ yah té yo ñ tyí ne, à ñ gblɔy ye à mó pé sykɪ n yah kwéy, páh kɪ pɔ kè dyah ñ tyí.

30 Nte à yahle, té se tǒ à tē kyɪ dah mo wòkònpèkè sɔkɔ, fóó kɪ pɔ no gbí nê-á à kɪ kǒli mè dyah.

31 Pé no tǒnpɪbɪ-á képah tē we sě, kè pé yah kwɔ kègbɪle. Pè me kyɪ sé pól yo pé yòtě dí syah.

32 Képah sɔkɔ, yòtě dí me pè kɔ pè à ye pɔ, té yo ñ tyí ne: <Tǒnpɪ népo. Wáh lésò ní ni, képah ye mé á kǒli yò mo ñ kɔ.

33 Nte áwɔ tɔ náh sò yĩne ñ á ní-ò yãm yah, nímo-á á yãm yah sɔ di?>

34 Té fòkònyàhnì kèpèkè tē tyí, yòtě dí à dahbɪ wòkònpèkè névyè fòhpúpèl gbò, fóó kɪ syɪ pɔ no gbí nê-á à kɪ yòtě dí pò pólle à dyah.

35 Sě ye ní Sú Liyel kɪ n pɪ n pi yé tɔle, yãh n yǒnmɔ-ńkēne wēne n kɔ yé nno pólle.»

‡ 18:24 18.24 - Légbɛne, talã pò pò nùkú kɪ sò fě no nénúkú ye gbõnkwló tò pínó danne. § 18:28 18.28 - Légbɛne, deniye pò pò nùkú kɪ sò fě no nénúkú gbìyìkì nùkú tò pínó danne.

## 19

*Yesu-á kwónó nê kô fúr yíkinó tyí yô*

<sup>1</sup> Yesu-á tye ñ weyne gbí nêne, à yal Kalile mara soko à yuku Nsyude mara tyah yó soko, nê-á me Nsyurdë yónkahnune.

<sup>2</sup> Tówú ngbë yó me ñ sò tã yuku, té à me pé yámpú de mo nénpó.

<sup>3</sup> Képah soko, Farisi wëkì kópú yísyó no de ñ tnô ne pé à mo yah, té à piki yah ne, ké wëkì se me dí tyí à kɪ ñ kyɪ fin mo, kàh sô me tyídúkú nê yô ni?

<sup>4</sup> Yesu me yo pé tyí ne: «Yé nâh kè kar yah Liyel wey sébéy soko ne, kèkôyó mo gbíne, Kèkôyó mó-ò-á pè mo dí ànê sêle di?

<sup>5</sup> Wãh ne, képah-á dí-á kɪ yal ñ sú ànê ñ yú tnô, té kɪ kwɔ mo ñ kyɛ, pé ní mí kɪ pɪ wil gbënsê nukúle.

<sup>6</sup> Káh pɪ sê, ní mí nâh tó péle dé, nukú-á péle. Liyel-á nóno kwɔ mo, ney káh pè gbekɪ.»

<sup>7</sup> Képah tñne, Farisi wëkì kópú à syah ne, ñte sô se pɪ té Moyisi kè kô sah ne, névi nê-à ñ kyɛ n fin mo, tã ñ fin mo mo tàrfyò sébéy pɪ à kô à mó pyè à fin mo ni?\*

<sup>8</sup> A me yo pé tyí ne: «Yépi nòhni-ñkê yin ye Moyisi kô à képah wëkile yé kô kè. Nkê sê nâh se lésô kéle ké tyàh-nsah soko té.

<sup>9</sup> Té ñmo kéle n yo yé tyí ne, névi nê-à ñ kyɪ fin mo né fòfikì tã tyí yô nâh, té sékáhkì toko, fòfikì-á tã n pɪ.»

<sup>10</sup> Képah soko, Yesu tò sáhpú yo ñ tyí ne, dí yin-nsah-à mó me pɔ sah képah yô à yuku ñ kyɪ tyí ñinne, sê tókó-ñkê-á fónfó dò.

<sup>11</sup> Yesu me yo pé tyí ne: «Wey nê-á mé kɪ n yo n pi yé tyí yò, no pól nâh fê ké syíkí-nsah we n pi. Nte Liyel-á ké fënpĩno lékámne nóno kô, pépi wɔ kɪ fê ké syíkí-nsah we.

<sup>12</sup> Yé nâh we di, tyi yísyó me nóno-á díbí kô pè nâh syóle n toko: Túkú me pé díbí-nsah dùkú soko, pè nâh me díbí soko. Túkú me névyé ye mɪ péle pè kô pè nâh me díbí soko. Túkú mó sétókókì yahle Liyel yòtòrí yah yúkúnó yinne. Nê-à kɪ fê wey mè syíkí-nsah we n pi, tã kɪ ké syíkí-nsah we.»

*Yesu sãm mónóle wënpì soko*

<sup>13</sup> Képah tñne, névyé pɔ wënpì yrõle Yesu tyí ne à ñ gbàn sah pé yô à Liyel ni pé tyí. Nte ñ tò sáhpú me tyah díríle n kô pé yô.

\* 19:7 19.7 - Yah n te Tõnyono 24.1.

14 Képah sɔkɔ, Yesu me yo pé tyí ne: «Yé ye wěnpì kǒ pè ne n pɔ n pɔ ímɔ tyí. Yé káh pé yahle n kǒ. Yé náh we di, névye nónó dùkù-á me wěnpì nópì tyí kǒle, pè kɪ Liyel tǒrí nɔlɪ yǒ n pi.»

15 Képah tǔne, wǎh ò gbǎn sah te pé yǒ, à yal nénpó.

### *Tahrɪ tyí yónóle*

16 Képah tǔne, kètǔnpìkì yó nɔ de Yesule té à piki yah ne, kwò-ò dí, tir nê sé pé yǐne pé pɪ tyípépěyne pé mó tyé-ńkě min we nɪ?

17 Yesu me yo ò tyí ne: «Sǒ pɪ té á ńne n piki n yah pèpey tyí yǒ? Pèpey núkú ó me. Wáh kɪ me ké tyí ne á min we, Liyel tyi kǔnsàhnó wǎlle n kɔ.»

18 A me ne Liyel tyi kǔnsàhnó nónó tǎn se nɪ? Yesu me yo ò tyí ne: «Káh nékókè mɔ, káh fǒfíkì pɪ, káh yǐbe yǐ, káh mìnì sah ney yǒ.

19 Yǒyénne n sah á sú ànê á yú yǒ. Ye á ní-ò tyí nɔ á tyí á gblǒy tyí kǒle.»

20 Képah tǔne, kéne kètǔnpìkì me yo ò tyí ne, páh me sépi tǔ pólle n pɪ dò, kèyǎh se tǔ me wǔ pé tyí pɪ pɪ tǔne nɪ?

21 Yesu me yo ò tyí ne: «Wáh kɪ me ké tyí ne á tyi pól tǔ, gbǎn yǐ nónó-á me á tyí, kyɪ sè yǎm ò té sé pó dibi yǎm tǎn kǒ. Képah sɔkɔ, á kɪ tahrɪ we Liyel fǒ sɔkɔ. Képah-à pɪ, ò pɔ ímɔ sǒ tǔ.»

22 Wǎh képah tǔ noh sǔ, à sɔkɔ yahle yíkínsàhnóle. Kwáh nètǔ ògbě ye sǒ òne képah ye.

23 Képah sɔkɔ, Yesu me yo ò tǔ sáhpú tyí ne: «Kègbɪ yǒ mé kéle n yo yé tyí, tǎh Liyel tǒrí nɔlɪ wényǒnɔle, kè kɪ tah dé.

24 Mé kéle n tǔ n yo yé tyí, yǎhmíkì dénwǐlnóle sèndi pwǎh sɔkɔ, képah ńtǔ kɪ dòdò kal tǎh Liyel tǒrí nɔlɪ wényǒnɔle.»

25 Yesu tǔ sáhpú-á képah noh sǔ, pé gbǎn kah du. Pè me ne, òte nê wɔ se kɪ mó fě pwah nɪ?

26 Yesu me yǒ pè yah, té yo pé tyí ne: «Névye tǔ wɔle, pè náh fě kè pɪ n pi. Nte Liyel kɪ fě tyi pól pɪ.»

27 Képah sɔkɔ, Pyerɪ me yo ò tyí ne, à yah, pépi-á pé tyi pól sah té òmɔ sǒ tǔ. Pépi tyí se kɪ n pɪ n pi sǒ nɪ?

28 A me yo pé tyí ne: «Kègbɪ yǒ mé kéle n yo yé tyí, Névi Pídì-à pɔ kǒ tǔ ò tǒrí kǒ yǒ kèkǒyǒ késǎn sɔkɔ gbí nêne, yépi nónó-á ímɔ sǒ tǔ, yé tɔ kɪ kǒ tǔ tǒrí klǒ gbǔninó yǒ kɪ Yisrayel nɔ yíkínìno gbǔninó yah tǔ n pi.

<sup>29</sup> Nmo yĩn yõ, névi nê tẽ-à fyò me yal n gbô soko ò, n yũnpyé tnô ò, n dósýó tnô ò, n sú tnô ò, n yú tnô ò, n wẽnpĩ tnô ò, n swëy tnô ò, tẽ kɪ sɛnknɔnɔ lèkwé wɛ, té kɪ se tó tyé-nkê min wɛ.

<sup>30</sup> Nte négbro náhnáh kɪ n pɪ n pi nétélóle, té nétélóle náhnáh kɪ n pɪ n pi négbrole.»

## 20

*Semirkì nê-á yãh sètẽ yó ànê n tònpiɓi sar dùkù tyí yõ*

<sup>1</sup> «Yé yah, Liyel tǒrí-á kɪ fẽ toko sãh semirkì nêne, kè wɛ yò: Sètẽ dí yó lésõ wil séngbõ púpúle ne pé tònpiɓi yah n toko n tekɪ mo pé yèresẽ swãh soko.

<sup>2</sup> Wãh nónó wɛ, à yo sah núkú yõ péle ne, nénúkú gbìyìkì núkú tò píno sãrle, deniye\* pó pó núkú-á. Képah soko, té pé tekɪ mo n swãh soko.

<sup>3</sup> Põy tó gbíne, à tó wil té kyɪ nósýó wɛ tẽnóle tówù tükè-nsah soko tò kène pé tyí.

<sup>4</sup> A me yo pé tyí ne, pépi to soko péwo swãh soko, páh kɪ pè sar ké yah yõ.

<sup>5</sup> Pè me soko. Gbì-á me yõtah sírr soko, à tó wil à sèntẽ pɪ. Gbèkãm gbì-á nɔ, à tó wil à képah núkú ó pɪ.

<sup>6</sup> Nví lésyile, à tó wil té kyɪ nósýó wɛ nítõ kène tówù tükè-nsah soko. A me pé piki yah ne, sõ se pɪ té péle ásõ gbìyìkile tótó tò pí-nkène nɪ?

<sup>7</sup> Pè me yo n tyí ne, ney náh pé toko képah-á. A me ne pépi to soko péwo swãh soko.

<sup>8</sup> Tò-á tiki nívine, sètẽ dí yo n pó yah wàh-ò dí tyí ne, à tònpiɓi nópi ye n pɔ pé dyah pé póle. Nkê nónó-á kyɪ swãh soko nétélóle, à kè tyah pépi tyí à pɔ n dal n mo négbro tyí.

<sup>9</sup> Nónó-á télóle, páh pɔ, à pé kɔ deniye pó pó núkú núkúle.

<sup>10</sup> Kãh syɪ négbro tyí, pépi tẽ sò me n sò ne wãn-á kɪ wɛ pépi tyí yõ. Nte deniye pó pó núkú núkú ye pépi to wɛ.

<sup>11</sup> Pãh pó nópilè n syɪ gbí nêne, pé tyah sètẽ dí sèyòkèle n yo

<sup>12</sup> ne nkê, nónó-á à toko pɔ télóle, lérí núkú ó soko-á pé wɛ pɪ tòle. Nte kè se pɪ sõ té à pɔ péle n sar núkúle pépile, pépi nónó-á kwlónó fẽ syɪ à tò pɪ kwlo gbìyìkile tótó gbì syòkì yah soko nɪ?

\* **20:2** 12.5 - Légbine sò, wãh gbìyìkì núkú tò pɪ névi tyí, deniye pó pó núkú ye tẽ n sar ále.

13 Sètě dí me yo pé sɔkɔ yó tyí ne: «N kódí, mé náh syɔkɔ á yõ sɔkɔ dé. Nmɔ ànê áwɔ náh sò wɛkɔ sah núkú yõ ne, á gb̃ỹìkì núkú tò pínó sār-á kɔ pɔ deniye pó pó núkúle di?

14 Ne n yuku á pólɛ. Mé kɔ nétéy mè kǒ dan núkúle áwɔle ní dyɔ ó.

15 Ké wěkì náh me nímɔ tyí, kɔ fě ní dyɔ dyɔ tyi pɔ ní pólɛ di? Tí, ní nɔ nónó se n yo ále?»

16 Képah yáhntɛnɔ náh, Yesu tǒ yo pé tyí ne: «Sě ó ye, nétélɔ kɔ pɔ négbrolɛ, té négbro kɔ pɔ nétélólɛ.»

*Yesu me n kúnó ànê n lékó yilkínmɔnɔ tyíle n yo ke tǒ-òle*

17 Yesupi-á n sɔkɔ Yerusalemɔ kwil, páh me wěkì yõ sɔkɔ, à n tò sáhpu ye pé yahle, té yo pé tyí ne:

18 «Á wɛ wěkì yõ à n dɔkɔ n yuku Yerusalemɔ sɔkɔ yò. Névi Pídí kɔ tě n dahbɔ n pi sárká syínwilkipu yõtám ànê Liyel tyi kǒnsàhnó kwópú gb̃ò nénpó. Pè kɔ kè yah tɔkɔ ne wáh yĩne kònmɔnɔle,

19 té kɔ à dahbɔ névyɛ gb̃ò nónó náh pɔ Nsyifunɔle, pè kɔ kóle à ko, té kɔ à ko yèfòhle, té kɔ à syɔ dahɔ yõ. Nte ké sèpìn tǒ-ò sòle, n lékó kɔ yilki mɔ.»

*Nsyakɔ ànê Nsyɔ yú-á nê yah kǒ Yesu tyí*

20 Képah sɔkɔ, Nsebede kyɔ me n dínpi tě nɔ de Yesule, té kɔ kwĩnki n yah ne pé yáhnkǒnɔ yó pɔ n tyí.

21 Yesu me à piki yah ne, à se me kwáh nê tyí nɔ? Pi me yo n tyí ne, pé dínpi nónó-á yò, à n vyáhle péwɔ kǒ ne wáh pɔ dɔkɔ n yõtǒrí yõ, pé sɔkɔ núkú kǒ tě n gb̃òỹò sòle, ní-ò mó kǒ tě n gb̃ỹìnè sòle.

22 Yesu me yo n tyí ne: «Np̃ì-nk̃ē sɔkɔ ye yé n ni kéle. Máh kɔ n de n pi yèvyāhrɔ nê sɔkɔ, yé tɔ se kɔ fě de ké sɔkɔ?» Pè me à syah ne páh kɔ fě de ké sɔkɔ.

23 Yesu me yo pé tyí ne: «Máh kɔ n de n pi yèvyāhrɔ nê sɔkɔ, yé tɔ kɔ de képah wɔ sɔkɔ ó, nte ní gb̃òỹò sò ànê ní gb̃ỹìnè sò těnó tě wɔle, nímɔ tyí náh képah wěkì kǒnólɛ. N Sú Liyel-á kè yah sah nónó yĩnne, pépi ye à kɔ kǒ kéle.»

24 Yesu tò sáhpu nép̃ì gbām nóp̃i téló-á képah noh sě, pé fɔkɔ vyāh ními nóp̃ile.

25 Képah sɔkɔ, Yesu me pé pól ye yah té yo pé tyí ne: «Tir nê-á me n pɔ kwlo kwlo sɔkɔ, yé kè p̃í ó. Yõtám náh nk̃ēne pé kwlo névyɛle ne n fnɛ, té né-ñgbnɔ tɔ n mó ne n fyāh pé yõ pé ténwɛnɔ yĩnne di?

26 Nte kè náh yĩne kè ne n pi sě yépi wró. Gbëntěnáhle, yépi sɔkɔ nê-à me ké tyí ne pé yín-ńsah ñgbě we, tě yĩne à pi tònpile téló tyí.

27 Tě nê-à me ké tyí ne pé pi yah névile yé sɔkɔ, tě yĩne à pi yé yǒle.

28 Sě ó ye, Névi Pídí náh pɔ ne névye tòle n pi péwɔ tyí dé. Nmo ye pɔ tò pi yinne névye tyí, té kɪ ñ min kɔ névye náhnáh yǒ dwe yinne.

### *Nsyeriko kwil yítūbi népí nímí yí yíkínmɔnɔle*

29 Yesu ànê ñ tò sáhpú-á n wil Nsyeriko kwil sɔkɔ gbí nêne, tówú ñgbě yó me ñ sǒ tě.

30 Tě yítūbi népí nímí yísyó sǒ me těnole wěgbalɔ sɔkɔ. Páh noh ne Yesu-á pɔ n sɔkɔ, pè tyah n yo n mɔ yínpǒ ñgběne ne, pé Tě ñgbě, ñmɔ nê-á Davidi Pídíne, ńkě à pé yām yah.

31 Képah těne, tówú dírí kǒ pé yǒ ne pè pé vyěy vike. Nte pè tò wān mɔ pé yónmɔnɔ yǒ ne ńkě, pé Tě ñgbě, ñmɔ nê-á Davidi Pídíne, ńkě à pé yām yah.

32 Yesu me yín té pè ye yah, té yo pé tyí ne: «Kwāh nê me yé me ké tyí ne mé pi yé tyí?»

33 Pè me yo ñ tyí ne, pé Tě ñgbě, à pé yí yíkɪ mɔ.

34 Képah těne, pé yām Yesu tě. A me tū pé yí tyí. Nénpó swɔ, pé yí núkú yíkɪ mɔ. Pè me ñ sǒ tě.

## 21

### *Yesu dénóle Yerusalemɪ kwil sɔkɔ*

1 Yesu ànê ñ tò sáhpú sǒ me fíí kwéy Yerusalemɪ kwille. Pè sǒ me yúkey Betifasyɪ kwille, képah nê-á me Wólívyê yèh yǒli yǒ. Képah sɔkɔ, à me ñ tò sáhpú népí nímí tǒ

2 ne ńkě: «Kwil nê-á yé yah tĩne yò, yé kyɪ ké sɔkɔ. Yé kɪ núkú ńkwěndyíyũkĩ yó we tóhnmɔnsáhnóle ńkwěndyípikĩ yóle ñ tnô. Yé à de, yè pɔ séle ń kǒ.

3 Nê-à kɪ ne pé yo, yè yo tě tyí ne, sé yétô-á me Tě ñgbě tyí. Képah sɔkɔ, tě kɪ ye yé kǒ yé kɪ sɔkɔ séle nénpó swɔ.»

4 Yesu képah yo sě, Liyel těntǒ syínyo-ò wey yónsáhnó mè wil yinne. Liyel těntǒ syínyo-ò lésò ne ńkě:

5 «Yé yo Yerusalemi \* kwil tãn tyí ne, pé yah, pé yõtë-á me n pi pé ònnè. Gblóy tìkínmòno-á me ò sòko. Wáh me dókónkòntënóle òkwèndyíkì yò, nê-á òkwèndyíkìlè.»†

6 Képah sòko, Yesu tò sáhpu me ky tyi nópi pi ò yóré yò.

7 Pè òkwèndyíyũkì ànê òkwèndyíkì mè tè pò, té pé flo mò sé yò Yesu kò à doko kò tè.

8 Nékwínkí sò me pé flole n mò n yuku wèkì yò, tókù mó me pèmìle n kwòkì n mò n yuku.

9 Tówù nê-á sò me mò ò yah ònnè pé n yuku, ànê nóno-á sò me ò sò tè, pé pól sò me yo tũ yínpò òngbène ne: «Gbílkinó ne n sah Davidi Pídí yò. Névi nê-á n pi Tè òngbè yín yò, Liyel sãm mò ò sòko. Gbílkinó ne n sah Liyel yò, òmò nê-á me yínyò.»

10 Yesu-á pò n de Yerusalemi kwil sòko, nénpó tãn pól yuku kwille n yike wùù. Pè sò me piki yah tũ ne, nê se dí mène ni?

11 Tówù me yo pé tyí ne, Liyel tëntò syíno-ò Yesu-á, nê-á n wil Nasareti kwil sòko, Kalile sétáh yò.

*Gbòyibi yínwìlkinóle Liyel ní-nsah gbò sòko*

12 Yesu-á de Liyel ní-nsah gbò sòko, à yiyám yàmpu ànê yídwènè dwépu pól yíni wilki ké sòko. A pò sàhtùpu tabálnó tu wilki mò, ànê kèpíkíkinó yàmpu klòle.

13 Té yo pé tyí ne: «Kè me wárkínsàhnóle Liyel wey sébéy sòko ne: «N gbò kì n ye níri pí-nsah gbòle.»‡ Nte yépi kè toko pi yípu wòbìntè-nsahle kè?»§

14 Képah náh, yítùbi ànê gbáhkì nukú névyè me nò de Yesule Liyel ní-nsah gbò sòko. A me pé de mò.

15 Sárká syínwìkìpu yõtám ànê Liyel tyi kònsàhnó kwópú-á gbíl nópi pínó wè sé, té wènpì tò me gbo mò tũ ne òkè, gbílkinó ne n sah Davidi Pídí yò, pé fòko vyáh.

16 Képah tène, pé me yo Yesu tyí ne, wènpì nópi-á me nène n yo, à kó me kéle n nohnì ni? A me yo pé tyí ne: «Áwè mé me kéle n nohnì. Té wey nê-á wárkínsàhnóle Liyel wey sébéy sòko ne: «Á kè pi á gbilki gbilki welo n nohnì wènpì ànê wènpì yrò vyèy sòko.»\* Yé se kì ne yé náh kè kar yah?

17 Képah yóntenò náh, à yal pé tnò, té wil kwil sòko à ky sò Betani kwil sòko.

\* 21:5 21.5 - Yerusalemi yín yó ye sò Siyòne. † 21:5 21.5 - Yah n te Nsakari

9.9. ‡ 21:13 21.13 - Yah n te Yesayi 56.7. § 21:13 21.13 - Yah n te Nsyeremi

7.11. \* 21:16 21.16 - Yah n te Gbálnó 8.3.

*Yesu vyāh yénmɔnɔle sènsóké séswô yô*

18 Dĩndal séngbǎle, Yesu-á n syi n pi Yerusalemı kwil sɔko, kwɛki à tẽ.

19 Wǎh sènsóké séswô yó we yúkey wěkìle, à me nɔ de ké tnô. Nte à nǎh kwâh yó we ké sɔko. Kè sò me mırı ó kókóle. Kǎh pi sě, à me yo ké tyí ne, tǔó-á sě yò, képah tẽ nǎh tǔo n syi n yah n pi pólle. Nénpó swɔ, séswô mè núkú kɔkɔ.

20 N tǔo sǎhpú-á képah we sě, pé gbǎn du. Pè me Yesu piki yah ne nkě, kè se pi sǔ té sènsóké mè núkú kɔkɔ nénpó swɔ ni?

21 A me yo pé tyí ne: «Kègbı yô mé kéle n yo yé tyí, Liyel yô sɛnó-à me yé sɔko, té yé nǎh me n sǔ tǔtǔ, máh nê pi sènsóké séswô mè sɔko, yé tɔ ki fě sɛnkǔ pi. Té kè nǎh n yin n pi képah ó tyí dé, yé ki tǔ fě yo yǔli mè tyí ne, kè yuku n yal ásô kè kyı n syki n de pne yo sɔko, té kè ki mó tǔ pi.

22 Liyel yô sɛnó-à me yé sɔko, té yé kwáhdúkú nê yah kǔ Liyel tyí níri sɔko, yé ki kè we.

*Pè me Yesule n piki n yah ñ tɛnwɛnɔ wıl-ńsah tyíle*

23 Yesu kyı Liyel ní-ńsah gbô sɔko. Wǎh me névyele n kwɔ gbí nêne, sárká syínwilkıpu yǔtǎm ànê kwil yèwǎhnı nɔ de ñ tnô té à syah ne, nê gbǔ yô se à n pi tyi nópile, ànê nê se kǔ ñne kéné tɛnwɛnɔle ni?

24 A me yo pé tyí ne, péwɔ tɔ-á ki pé piki yah tir núkú ó kókóle. Pǎh ki ké yah yo pé syah, pé tɔ-á ki mó yo pé syah nê gbǔ yô-á pé n pi tyi nópile.

25 Pépi tẽ tyí à; nê se tǔ Nsyǔne à pɔ wèlnwilkınóle n pi ni? Liyel se, tı névyé se ni?» Képah sɔko, pé tyah n yo wě tyí ne, pǎh ki ne Liyel-á tǔ ñne, wǎh ki pé syah ne, té kwâh nê se pi té pé nǎh sě ñ yô ni?

26 Nte pǎh ki se mó tǔ ne névyé-á tǔ ñne, tówú tiki-á me pé tẽ pé pól-á sǔnpíle me Nsyǔne n tɔkɔ n pi Liyel tɛntǔ syınyo-òle.

27 Kǎh pi sě, pé Yesu syah ne pé nǎh pí. N tɔ mó yo pé tyí ne, pé tɔ nǎh kè yo pé syah n pi, nê gbǔ yô-á pé n pi tyi nópile.

*Sèmirkı nê-á yǎh dınpı népı nımı yısyó tyı yô*

28 Képah sɔko, Yesu tǔ yo pé tyí ne: «Mé ki sèmirkı yó yǎh yé tyí, yè mó yé sǔnɔ yo ní tyí ké tyí sɔko. Dınpı népı nımı lésó me dı yó tyí. A me nɔ de gben tɛne, té yo ñ tyí ne, pé pídí, nkě à kyı tǔ pi pé tyí yèresě swǎh sɔko kweyne.

29 A me ñ sú syah ne kyı dékè nǎh me pé tẽ. Té dǔ kwéy, à kè we ké yah nǎh. A me yuku sɔko swǎh sɔko.



30 Sú mè me tǒ nɔ de n pídí ní-òle, à wey núkú mè ó yo n tɔ tyí. Nmɔ me yo n tyí ne, páh kɪ kyɪ, pé bǔ. Té à náh pɔ kyɪ.

31 Népi ními nópi sɔkɔ, nê tǔ pé sú nìvìni pɪ?» Sárká syínwìlkɪpu yǒtǎm ànê kwil yèwàhnì nópi me ne gben tǔ-á. Képah sɔkɔ, Yesu me yo pé tyí ne: «Kègbɪ yǒ mé kéle n yo yé tyí, mórí syípú ànê syó fòfínɔbɪ kɪ yé dyàh tǔ Liyel tǒrí nɔli yǒ.

32 Yé náh we di, Nsyǒ pɔ yé tyí à pɔ gbɪ wǔkɪle yé wǔkɪ, té yé náh sǔ n yǒ. Nte mórí syípú ànê syó fòfínɔbɪ wɔ pyé sǔ n yǒ. Yé mó tǔ kè we yíne, té képah fyé yǒ, yé náh yé nno vi mɔ à sǔ n yǒ.»

*Sèmirkɪ nê-á yǎh yèresɛ swǎh tǒpú népɛl tyí yǒ*

33 Yesu tǔ yo pé tyí ne: «Yé yé ní sah noh ní tyí sèmirkɪ yóle n̄tǔ yò: Sètǔ dí yó lésǔ yèresɛ swǎh kǔ, té kǔkɪ mɔ kè kore vi, té swɔ yó tǔ tédáhkɪ yǒ ké sɔkɔ, à pɪ yèresɛ pye yíki-ńsahle. Té ké syíkípú dókóntǔ-ńsah mɔ kèyy ké sɔkɔ. Képah náh, à yèresɛ swǎh tǒpú yísyó tɔkɔ pɔ sah ké yǒ, píndibinɔ yǒ, té sɔkɔ kóló sɔkɔ.

34 Sé pye gbe gbí-á pɔ n nɔ, sètǔ dí n tǔnɔbɪ tǔ yèresɛ swǎh tǒpú nópi tyí ne, pè pé we we tǔne pè kǔ pè pɔ pé kǔ.

35 Nte yèresɛ swǎh tǒpú nópi yuku pè tǔ, té núkú ko kèpékèyǔ, té kèyǎh ko mɔ, té kèyǎh minki ko dyèhle.

36 Sètǔ dí tǔ n tǔnɔbɪ yísyó tekɪ mɔ, nónó-á dò kal gbrotǎnne. Pè tǔ pépi tɔ pɪ sǔntǔ óle.

37 Kǎh pɪ sǔ, à tǔ n pídí tǔ pé tyí téyne, té me n sǔ ne, páh kɪ n̄mɔ wɔ yah sen ku.

38 Nte yèresɛ swǎh tǒpú nópi-á fyò n pídí we, pè núkú yo wǔ tyí ne, n gbǔyǔ-á yò. Pè pɔ pé à ko mɔ, gbǔkɪ mó pɪ pépi tyíle.

39 Képah tǔne, pè núkú à fyǎh tǔ, té à wilki mɔ swǎh kahnne, té à ko mɔ.

40 Yé tɔkɔ ne n yah kè; sètǔ dí-à pɔ pɔ, sǔ me à kɪ pɪ péle?»

41 Pè me ne, wǎh kɪ kéne népɛl ko mɔ pélpɛl, té kɪ yèresɛ swǎh tǒpú yísyó tɔkɔ pɔ sah n swǎh mè yǒ, píndibinɔ yǒ. Pépi wɔ-á kɪ n we we tǔne n̄ne n kǔ ké gbí sɔkɔ.

42 Képah sɔkɔ, Yesu me yo pé tyí ne: «Yé se kɪ ne yé náh wey mè kar yah pólle, nê-á yo Liyel wey sébéy sɔkɔ ne níkǔ: <Wòkò mópú-á dáhkɪ nê yahle, képah yétó pɔ kal.

Tǔ n̄gbǔ tǔ vyǎh ye kèpahle.

Gbëndùñì tir ye kéle ápi yah sɔkɔ yò dé!»†

43 Képah yóntenɔ náh, Yesu tɔ yo pé tyí ne: «Mé kéle n yo yé tyí tɔle ne, Liyel tɔrí sɔkɔ tɛnó kɪ syi yépi Nsyifunɔ tyí kɪ yíkí yó névye kɔ, nónó-á kɪ tyípéplɔle n pɪ ké sɔkɔ Liyel-á me nónó tyí. [

44 Wòkò mópú-á dáhki nê yahle, névi nê-à wil syíkɪ képah yò, tɛ kɪ kwɔkɪ. Té kàh se mó tɔ syíkɪ nê yò, kè kɪ tɛ pyãhrɪ.]»

45 Sárká syínwìlkɪpu yòtã ànê Farisi wèkì kópú-á fyò sèmìrn nópi noh, pè pɪ ne pépi yò-á Yesu mɪ séle.

46 Képah tɛne, pè sò me ké tyí ne pé à tɛ, té tówú tíkí pè tɛ. Tówú sò me Yesule n tɔkɔ n pɪ Liyel tɛntò syínyo-òle képah ye.

## 22

*Sèmìrkì nê-á yãh fúr yòke yónó tyí yò*

1 Yesu tɔ tyah sèmìrkì yóle n yãh pé tyí ne:

2 «Liyel tɔrí-á kɪ fɛ tɔkɔ sãh sèmìrkì nêne, kè we yò: Yòtɛ dí yó lésò n pídí fúr fèn pɪ.

3 Té me n tònɔɔbɪ wilki tɔ ne, pè kyɪ néyénó ye n pɔ fúr yòke yó-ńsah. Nte néyénó nópi náh sò me ké tyí ne pé pɔ.

4 Képah tɛne, à tɔ tònɔɔbɪ yísyó wilki tɔ pé tyí ne, pín-á pɪ te. Páh nyéhpyénì ànê yípêy ko te nɪrɪ-á me nónó sɔkɔ. Tyi pól-á pɪ te, pè pɔ fúr sɔkɔ.

5 Nte néyénó nópi náh kè mɔ kɔ pólle. Nyɔ-à yuku à n sɔkɔ n swãh, ńyɔ-à yuku à n sɔkɔ n gbò yí-ńsah.

6 Pé túkù me yuku mɪ yòtɛ dí tònɔɔbɪ sɔkɔ, à pè fòh pélpèl, té pè ko mɔ.

7 Képah sɔkɔ, yòtɛ dí fɔkɔ kah vyãh. A me n sràsyíbì tekɪ mɔ pè kyɪ kéné nékókè mópú ko mɔ, té pé kwil suke.

8 Képah náh, té yo n tònɔɔbɪ tyí ne, fúr yòke-á pɪ te. Nte néyénó nópi náh sò yĩne yòke mè yónóle.

9 Nkè pè kyɪ wètlo yey sɔkɔ, pãh kɪ fyò névye nónó we, pè pé pól ye n pɔ fúr yòke yó-ńsah.

10 Tònɔɔbɪ nópi me sɔkɔ wãl yey sɔkɔ. Pãh kyɪ té névye nónó we, nétúkùñì tɔkɔ dohnɪ népéplɔ yò, pè pé pól ye pɔ tuke mɔ, fók fúr pí-ńsah wòkò pól yuku yòke yópúle.

11 Yòtɛ dí-á de yuku yãh-ńsah pé tyí, à kyɪ dí yó we pé sɔkɔ nê náh sò me fúr flɔ mɔ.

† 21:42 21.42 - Yah n te Gbálnó 118.22-23; Tyípínì 4.11.

12 A me yo kéne dí tyí ne, pé kódí, òmò se de sǒ ásò sòkò fúr flo kéne n wil sòkò nì? Nte yó-ńsah náh we dí tyí.

13 Képah sòkò, yǒtǎ dí yo tǒnpɔbɔ tyí ne pè n gbyèh ànê n gbàn pukubi, pè mó à min mò kégbó fěntú sòkò, ńyāh sòkò-á gbní ànê yní táhnó kɪ me.

14 Yé náh we di, nénye náhnáh me yénóle. Nte nónó-á yah wilki pé sòkò, pè náh me fwóó.»

*Pó mórí mónóle Wrome kwiltām yǒtǎ ñgbě Sesar tyí*

15 Képah sòkò, Farisi wěkì kópú kyí wě we à yo sah núkú yǒ, sǒ-á pè kɪ pɪ té kɪ Yesu we n tē n pi n vyāh wey sòkò.

16 Té me pé tǒ sáhpú yísyó ànê yǒtǎ dí Yerodɪ náh nénye tókú wilki tǒ Yesu tyí ne pè kyí yo n tyí ne, pé kwó-ò dí, páh pǐ ne gbɪ yó-ò-á ñne, ànê wāh Liyel wěkile névyele n kwó gbɪ wěkì yǒ. A náh nénye yah tókile n pɪ. A náh névyele n wah.

17 Nte à n sǒno yo pé syah. Nkě ké wěkì se me kǒnóle ne pé mórile n mò Wrome kwiltām yǒtǎ ñgbě Sesar tyí, tǐ ké wěkì náh me kǒnóle?

18 Nte Yesu-á pé fòkò sǒno tókúnì pǐ sě, à me yo pé tyí ne, fòkòpɪl ànê vyāhsesyírí nénye nópi, sǒ se pɪ té pè pé pǐlkintě-ńsahle n yah n kǒ nì?

19 Pè pò mórí mò mò pò pò núkúle pé yah átre. Pè me pò ké núkúle à kǒ.

20 Yesu me pè piki yah ne, nê yah mǐrkí ànê n yīn se wárkínmǎnóle ké yǒ yò nì?

21 Pè me yo n tyí ne, Sesar tyí-á. Képah sòkò, Yesu me yo pé tyí ne, pè Sesar tyíle Sesarle n kǒ, pè mó Liyel tyíle Liyelle n kǒ.

22 Páh képah tǎ noh sě, pé gbàn du. Pè me yal n tnô à sòkò.

*Lékyi yǐlkinmǎnó tyí yónóle*

23 Lésò mè óle, Sadusi wěkì kópú nónó-á ńkěne ne n yo ne lékyi yǐlkinmǎnó náh me, pé tókú nǒ de Yesu tnô té à piki yah ne,

24 kwó-ò dí, Moyisi-á kè yo n tyi kǒnsàhnó sòkò ne, dí nê-à ku pi kéne n tyí, n gběndí-á yīne à n kyí pékúsè mè tókò, à pi dubi à kǒ, nê-á kɪ pɔ n pɪ n pi n nénkyí dí lékókè náhne.\*

25 Nte sú núkú dǐnpǐ nǐpǐ kwǎrnimi yísyó-á lésò me pépi wró sòkò. Gben tǎ me pò sè tókò, té pò ku pi wé-ńkěne té n kyí sah n sǒ syi kǒ.

\* 22:24 22.24 - Nsyifunò tyí sǒ, pékúsè yīne à de n pɛ tyí névi yó tyí. Yah n te Tǒnyonò 25.5-6; Yenesi 38; Wruti 1-4.

26 Nte ñmɔ tɔ tyí tǒ pɔ pɪ sɛ̃, tǒ-ò tɔ tyí pɔ pɪ kɛpah núkú òlɛ, f́óó à pɔ syɪ kwǎrní-ò tyí.

27 Pépi pól tyí náh, pi mè tɔ-á pɔ ku.

28 Nte pi mè-á de yah pé pól tyí sɛ̃ à, lékyî yilki n mɔ sòlɛ, à se kɪ n pɪ n pi pé népí kwǎrnimi nópi sɔkɔ nê tɛ tyíle nɪ?

29 Kɛpah sɔkɔ, Yesu yo pé tyí ne: «Liyel wɛy sɛbéy pí-ńkê ànê Liyel tɛnwɛno pí-ńkê ye mɔ sah yéle pílkinó sɔkɔ.

30 Yé yah, lékyî-à pɔ yilki mɔ, pédékè náh kɪ n mɛ n pi, sétókókì tɔ náh kɪ n mɛ n pi. Nte névye kɪ mɛ ýnyō tǒnpɪbɪ tyí kǒlɛ ýnyō.

31 Té à yuku lékyî yílkinmɔno wɔ tyí sɔkɔ, Liyel-á nê yo yé tyí, yé náh kè kar yah di? A lésò ne:

32 «Ñmɔ ye Abrahamɪ Liyellɛ, ànê Yisakɪ Liyellɛ, ànê Nsyakɔbɪ Liyellɛ.»† Liyellɛ, lékyî Liyel náh ñnɛ dò, vye Liyel ye. Kɛpah n wɛkɪ nɛ á náh tǎn Abrahamɪpi lékyî-á yilki mɔ.»

33 Kɛpah tɛnɛ, tówû nê-á sò mɛ ñ wɛynɛ n nohnɪ, pé gbǎn du ñ névye kwɔ dùkù tyíle.

### *Liyel tir kǒnsàhnó nê tyí-á tah kal*

34 Farisi wɛkì kópú-á noh nɛ Yesu-á wɛynɛ Sadusi wɛkì kópú tɛ, pè wɛ ye tuke mɔ.

35 Té pé Liyel tyi kǒnsàhnó pípú sɔkɔ yó mɛ píkinyahno yó pɪ Yesu tyí ñ pilki n tɛ ýnnɛ nɛ,

36 kwó-ò dí, Liyel tir kǒnsàhnó nê tɛ tyí se tah kal sé télólɛ nɪ?

37 Yesu mɛ yo ñ tyí ne: «Á Tɛ ñgbɛ Liyel tyí ýnɛ kɪ nɔ á tyí á nɪ póllɛ, ànê á min póllɛ, ànê á sǒno póllɛ.»‡

38 Kɛpah ye tir kǒnsàhnó gbenne, ànê nê tyí-á tah kal.

39 Ké ní-ò nê-á tǒ mɛ ké tyí kǒlɛ, kɛpah ye yò ne: «Ye á ní-ò tyí nɔ á tyí á gblǒy tyí kǒlɛ.»§

40 Moyisi tyi kǒnsàhnó ànê Liyel tɛntò syínyopu sɛbéynó sɔkɔ tyi pól mɛ tyi kǒnsàhnónɔ nínó nópi sɔkɔ.»

### *Krista ye Davidi Tɛ ñgbɛnɛ té tǒ pɪ ñ Pídíne*

41 Farisi wɛkì kópú-á sò mɛ tükènmɔnɔlɛ, Yesu mɛ píkinyahno yó pɪ pé tyí ne:

42 «Yépi tɛ sǒno nêne Krista tyí sɔkɔ, nê-á Liyel nɛy yáhntɔkɔnɔlɛ? Nê pídí mɛ ñnɛ?» Pè mɛ yo ñ tyí ne, Davidi Pídí-á.

† 22:32 22.32 - Yah n tɛ Yálnó 3.6. ‡ 22:37 22.37 - Yah n tɛ Tǒnyono 6.5.

§ 22:39 22.39 - Yah n tɛ Levitiki 19.18.

43 Képah sɔkɔ, à me yo pé tyí ne: «Nte kwâh nê pɪ té Liyel Mirki-á Davidi yah tẽ, Davidi me Krista ye Tẽ ñgbẽne? Yé nâh we di, à lésõ ne ñkẽ,

44 nê-á péwɔ TÈ NGBÈNE

Tẽ ñgbẽ Liyel-á kè yo ñ tyí ne ñkẽ,

à pɔ n kɔ n tẽ pé gbòyò sòle,

fóó kè pɔ nɔ gbí nê-á

pé kɪ ñ sɛpɛbí pɪ ñ gbáhkì súnsàh-ñsahle.\*

45 Nte Davidi-á Krista ye TÈ NGBÈNE à kɪ tɔ pɪ sɔ té kɪ pɔ n pɪ ñ Pídíne?»

46 Yesu-á sépi yo, tyíyóné nâh tɔ fẽ we pé sɔkɔ yó ntẽ tyí. Té à tɔkɔ lésõ tyí, ñnî yó ntẽ nâh tɔ ñ nɪ syâh à piki yah yah tir yó ntẽne.

## 23

*Yesu-á nê yo à yuku Liyel tyi kònsàhnó kwópú ànê Farisi wɛkì kópú tyí tinnɛ*

1 Yesu yo ñ tɔ sáhpú ànê tówú tyí ne:

2 «Liyel tyi kònsàhnó kwópú ànê Farisi wɛkì kópú ye n kwɔ névyele Moyisi tyi kònsàhnóle.

3 Yé ne n nohnɪ pé tyí, yè mó ne n kɔ pé yóré yõ. Nte pãh kwónó nónóne n pɪ, pè nâh me n kɔ sé wâl yõ. Képah ye, yé káh pé pɪ dùkù tẽ wɔle n yah n pɪ.

4 Pãh ñkẽne névyele n kwɔ tyi nónóne, sè me á kɪ ne tókópèl sɔ pè pukubi pè twah mɔ, té pè nâh n fẽ n syi n so n mɔ pé tyí kèngbɔ núkú fyéle.

5 Pè pé gblɔyne n wɛkɪ pé tyípinì pól sɔkɔ. Képah ye, kyésúpì nónó-á Liyel weyne sé sɔkɔ yèwetyèh yey toh n mɔ mɔ tẽne, képah nâh pɪ gbàn tyí toh n mɔ mɔ tẽne, pépi pé tyíno pɪ gblò gblò, ñ té pé flo vyɛy dro pɪ flèyflèy.

6 Tẽ-ñtân gbroy tyí nɔ pé tyí yéno yó-ñtân sɔkɔ ànê Liyel ní-ñtân vì sɔkɔ.

7 Pè n ne n me ké tyí ne, névyé ne n tɔ n sah n wekɪ n pɔ pé tyí tówú tükè-ñtân sɔkɔ, pè mó péle n ye Kwópúle.

8 Nte yépi tyí kwó-ò núkú ó ye me, té yé téló pólle núkú ye. Képah ye, yépi tẽ wɔ káh ne pè yéle n ye Kwópúle.

9 Sú núkú ó ye me yé tyí, nê-á me yînyõ. Képah ye, yé káh ñnî yó ntẽne n ye Súle sétáh mè yõ sɔkɔ ñ Liyel wɛkì kóló yînnɛ.

\* 22:44 22.44 - Yah n te Gbálnó 110.1.

10 Yah tẽ-ò núkú ó ye me yé tyí. Krista ye, nê-á Liyel ney yáhntòkòno. Képah ye, yé káh ne pé yéle n ye Yah tẽpúle.

11 Yín-ńsah ñgbê-á me névi nê tyí yé sòkò, tẽ wò yĩne à pı yé tònpile.

12 Névi nê-à ñ gblöy dokò sah, tẽ kı tiki mò. Té nê-à ñ gblöy tiki mò, tẽ kı dokò mò.

13 Yépi Liyel tyi kònsàhnó kwópú ànê Farisi wèkì kópúle, pèkè me yé yò. Vyènníni wékípú ye yéle. Yè Liyel tórí nòli yónó yah kò névyé tyí. Yé náh me ké tyí ne yé ké nòli yò, té nónó-à se mó tã ne pé ké nòli yò, yè pé yah kò. [

14 Yépi Liyel tyi kònsàhnó kwópú ànê Farisi wèkì kópúle, pèkè me yé yò. Vyènníni wékípú ye yéle. Yè pékúsyòle n vi n tẽ pé gbàn yĩle n syi pé tyí, ñ té nírile n pı yòsèkìle ne névyé pé wè. Káh pı sè, yé tukey kı n pı n pi kèpékèyò kal no téló tyíle.]

15 Yépi Liyel tyi kònsàhnó kwópú ànê Farisi wèkì kópúle, pèkè me yé yò. Vyènníni wékípú ye yéle. Yè yrey ànê sétáh yò pól kò n kò nénúkù fyé yáhnkòno sòkò Nsyifunò wèkì tẽ yĩnne. Té nê-à se wè fè syi, yè n tã ñmò pı à kò à n yĩne dénòle ní-ńkè nyàhnpekè sòkò à kal yépile ke nínó.

16 Pèkè me yé yò, yépi nónó-á yah tẽpú yítùbile. Yè n ne n yo ne ńkè, névi-à n wo Liyel ní-ńsah wòkò kètärle, képah náh n mò n kò n pi. Té nê-à n wo Liyel ní-ńsah wòkò kètär sòkò sánne, képah-á kı mò kò.

17 Lékám kè névyé, yítùbi nópi, sán wò se fónfó Liyel ní-ńsah wòkò kètär yò sòkò, képah nê gbò yò-á sán n mò n kò Liyel tyí yò?

18 Yè n ne n yo tòle ne ńkè, névi-à n wo sárká súkénkò-ńsahle, képah náh n mò n kò n pi. Té nê-à n wo sárká kwâhle, nê-á me sárká súkénkò-ńsah yò sòkò, képah-á kı mò kò.

19 Yítùbi nópi, sárká wilki wilki kwâh wò se fónfó sárká súkénkò-ńsah yò, képah nê gbò yò-á sárká n mò n kò Liyel tyí yò?

20 Névi nê-à fyò n wo sárká súkénkò-ńsahle, tẽ ye ñ wo te ké yò sárká yí tòle.

21 Névi nê-à fyò n wo Liyel ní-ńsah wòkò kètärle, tẽ ye ñ wo te Liyel tòle, ñmò nê-á me ké sòkò.

22 Névi nê-à fyò n wo yĩnyòle, tẽ ye ñ wo te Liyel tórí kò tòle ànê ké yò kòntè-òle.

23 Yépi Liyel tyi kònsàhnó kwópú ànê Farisi wèkì kópúle, pèkè me yé yò. Vyènníni wékípú ye yéle. Yè nànyè ànê

pěnfěně pól gbām-òńóle Liyelle n kǒ. Nte gbi wěkì kóló, ànê névye yām yáhnó, ànê tyi pínóle sé wǎl yǒ, sépi nónó tyí-á tah kal Liyel tyi kònsàhnó sòkò, yè n pyě sépi wò yahle; sépi nónó-á yé yĩne yè ne n pi gbònwòkò kěne, à tahlı yáh me nónóne n pi.

24 Névye yah tǣpú yítǔbi nópi. Yáh nêne n pi yò, kè me á kɪ ne yé wò wò ni sǒ yé n syi à sèswǒle n wilki ké sòkò, té pyě yǎhmínì wòle n wò n mɔ n yò sǒ.

25 Yépi Liyel tyi kònsàhnó kwópú ànê Farisi wěkì kópúle, pèkè me yé yǒ. Vyěnníni wékípú ye yéle. Yě wóhló ànê yěyónvyò náhló wu n tǒ n sah, té sé sòkò táhló n ne me yúkúnóle yé yĩbe yíle ànê yí nónó dékè kèpèkè-á me yé sòkò.

26 Farisi wěkì kópú yítǔbi nópi. Yé vyó sòkò táhló ñgbò tǒ n sah. Képah sòkò, sé náhló tɔ kɪ pi yályál.

27 Yépi Liyel tyi kònsàhnó kwópú ànê Farisi wěkì kópúle, pèkè me yé yǒ. Vyěnníni wékípú ye yéle. Yé me á kɪ ne léyál pikínsàhnó sǒ. Sé kégbó n ne n me palle, té sé sòkò táhló n ne n me lékyí kègbèl ó ànê yípyáhnì duke duke pólle.

28 Sě ye yépi tǒle. Kégbó sòkò, yè n pi n tǣ négbłóle, té yé fòkò táhló mó tǒ me yúkúnóle fòkòpìl tyi ànê tyítúkúnìne.

29 Yépi Liyel tyi kònsàhnó kwópú ànê Farisi wěkì kópúle, pèkè me yé yǒ. Vyěnníni wékípú ye yéle. Yě Liyel tǣntǒ syínyopu léyálle n tǒ n sah n mɔ. Névye nónó-á pi sòkò négbłóle Liyel yah, yě pépi tyínóle n koh n mɔ yípeplòle,

30 ñ té ne n yo ne, yé tǔ-à sǒ me yé súbí me gbíne, yé náh náhki n so n mɔ n pi pé tyí Liyel tǣntǒ syínyopu kònmɔnɔ sòkò.

31 Nte yah, yé me kéle n wěkɪ yé gblǒy ne, Liyel tǣntǒ syínyopu kònmɔpu pye-á yéle.

32 ǾǾ, yé súbí-á nê tyah mɔ sah, yé gbah n tǣ kè syi kè.

33 Vyeh nópi, wáhnmíró yísyóle n yah dé. Yé n to n pwah sǒ ní-ńkē nyàhnpekè yah sòkò?

34 Képah ye, ñmɔ kɪ Liyel tǣntǒ syínyopu, ànê yí pípú, ànê kwópú kègbłò tekɪ mɔ yé kǒ. Nte yé kɪ pé tókù ko mɔ, té kɪ tókù syi dahłò yǒ, té kɪ tókù ko yéfòhle yé Liyel ní-ńtǎn vù sòkò, té kɪ kǒ pé náh péle n yíni n kǒ kwlo kwlo sòkò.

35 Képah sòkò ye lékàh kǣpú pól kònmɔnɔ plo kɪ we syikɪ yé yǒ, pépi nónó-á ko mɔ à tǔkò Abeli kònmɔnɔ tyí, ñmɔ nê-á négbíle Liyel yah, pópó à pɔ syi Barakɪ pídí Nsakari tyí tyí, nê-á yé ko mɔ sárká súkénkǒ-ńsah ànê Liyel ní-ńsah wòkò kètǎr wró.

<sup>36</sup> Kègbɩ yõ mé kéle n yo yé tyí, nékókè mónó nópi pól plo kɩ n syɩkɩ n pi kwey gbĩ névye yõ.»

*Yesu yah kwónóle Yerusalemɩ tyí sɔkɔ*

<sup>37</sup> Yesu tõ yo ne níkě: «Yerusalemɩ tãn, Yerusalemɩ tãn, yépi nónó-á Liyel tẽntõ syínyopule n ko n mo, té Liyel-á nónó tekɩ mo yé kõ, yé pépile n minki n ko dyêhle, gbáhyí sõ pól me mé kè yah kõ ne, mé yé tuke n mo sã-á šin n tuke n mo ñ pyele ñ kãm sò sɔkɔ, té yé náh fẽ syi?

<sup>38</sup> Kãh pɩ sě, Liyel kɩ ñ náh vi yé kwil kõ pnépné, kè kõ kè kɩ pɩ kéntikínine.

<sup>39</sup> Té mé kéle n yo yé tyí, yé náh tõ nímo we n yah n pi, fóó kɩ pɔ nɔ gbí nê-á yé kɩ n yo ne níkě, névi nê-á n pi Tě ñgbě yĩn yõ, Liyel sãm mo ñ sɔkɔ.»

## 24

*Yesu me Liyel ní-ńsah gbô sónó ànê kèkõyó tyénó tyíle n yo n sah*

<sup>1</sup> Yesu-á wil Liyel ní-ńsah gbô sɔkɔ té n sɔkɔ gbí nêne, ñ tò sáhpú me nɔ de ñ tnô à Liyel ní-ńsah gbô mo dùkùle n sò ñ tyí.

<sup>2</sup> Nte à me pè syah ne, kãh pè n yah yò kè; kègbɩ yõ páh kéle n yo pé tyí, ké pól-á kɩ pɔ so. Dáhkì núkú yó ntě náh tõ n wũ n pi ké ní-ò yõ.

<sup>3</sup> Wãh kyɩ kõ tẽ gbí nêne Wólívyê yèh yõli yõ, ñ tò sáhpú me nɔ de ñne pé yahle, té à piki yah ne, à yo pé syah, gbí nê se képah kɩ n pɩ n pi nɩ? Tir nê pínó se kɩ ñ syínponɔ ànê kèkõyó tyénó wěkɩ n pi nɩ?

<sup>4-5</sup> A me yo pé tyí ne: «Yé yah, névye náhnáh kɩ pɔ nímo yĩn tɔkɔ n pi pé yah yĩne, té kɩ ne pépi-á nímo, nê-á Liyel ney yáhtɔkɔnɔle. Pè kɩ névye náhnáh mo n pi pilkínó sɔkɔ. Nte yépi tẽ wɔ yé gblõyne n kyomɩ, ney káh n fẽ yé pilki.

<sup>6</sup> Yé kɩ mál pínó tyí yónó noh n pi, ànê mál tyí díri wónsàhnóle. Nte yé káh n ye tíkí yé tẽ. Kè yĩne kè pɩ sě. Nte képah náh tõn ñ n pɩ n pi kèkõyó tyénóle.

<sup>7</sup> Yé náh we di, kwil yó kɩ pɔ yuku kwil yóle n fwo, tǒrí yó kɩ pɔ yuku tǒrí yóle n fwo. Té kwekɩ ànê sétáh syahrɩ kɩ n we n pi tãntãn náhnáh sɔkɔ.

<sup>8</sup> Nte sépi pól kɩ me á kɩ ne kúrkì tẽ gbí yónó sõ tyàhnó sõ.

<sup>9</sup> Pè kɩ yéle n tẽ pè kõ pè kɩ n fõh, té kɩ yéle n ko mo. Kèkõyó névye pól kɩ yé we mo nímo yĩne.



10 Képah tẽ sɔkɔ, névye náhnáh kɪ Liyel wěkì fin mɔ. Pè kɪ n wíl wě náh, té kɪ wě dyɔle n yɔ.

11 Té Liyel yĩn yõ m̀nyobe kɪ wíl mɔ pí, kɪ névye náhnáh mɔ pílkinó sɔkɔ.

12 Pèkè pínó kɪ yah syi, f́ó tyínɔnɔ náh t̄ɔ n wɛ n pi fẃóó névye náhnáh sɔkɔ.

13 Nte nê-à ò tah sah à pɔ nɔ ké tyénó tyí, tẽ kɪ pwáhnmɔnɔ wɛ.

14 Képah sɔkɔ, Nìv̀nì tir kɪ yo Liyel t̄rí tyí yõ kèkõyó pól sɔkɔ, névye pól k̄õ pè kɪ noh. Képah náh, kèkõyó kɪ pyé tyɛ.»

*Yevyãhrɪ nê-á kɪ pɔ n wɛ n pi kèkõyó*

15 Képah sɔkɔ, Yesu t̄ɔ nɛ: «Liyel t̄nt̄ò syínyo-ò Danyel-á lésò yíkínó pɪ pɪ kwâh kèpékè nê tyí yo sah,\* yé kɪ kè wɛ n pi Liyel ní-ńsah gbô tyah kèt̄ar sɔkɔ.» — Nónó-à kɪ wey m̀ne n kar, pè gbah n tẽ ké òkù p̄i. —

16 Yesu t̄ɔ yõ sɔkɔ ò weyne nɛ ñk̄ẽ: «Yâh kèpah wɛ gbí nêne, nónó-à kɪ me Nsyude mara sɔkɔ, pè to sɔkɔ ymɔ yõ.

17 Névi nê-à kɪ me gb̄ent̄in yõ, tẽ káh nɛ páh n tiki pé vyóle n tɔkɔ pé wòkò sɔkɔ.

18 Nê-à kɪ se mó me ò swâh sɔkɔ, tẽ káh nɛ páh péle n syi n yuku pé fẁm̀ò-ñgb̄ẽ tókó-ńsah.

19 Kéne sèp̄in-à pɔ syó nónó wɛ kurn nátãne, ànê nónó-à me yõkɪ syóle, kè kɪ pɪ yèwãhtãhpole pé tyí.

20 Képah ye, yé yĩne yè Liyelle n ni nɛ tóló mè káh n pɪ virɪ gb̄ine, kèpah náh pɪ mɪ mɪ yòh s̄ole.

21 Kè kɪ pɪ yèvyãhrɪ ñgb̄ene, nê kénkõ náh wɛ yah kèkõyó mómónì à pɔ syi kwey tyí, ànê nê kénkõ náh t̄ɔ n wɛ n yah n pi pólle.

22 Liyel-à náhkɪ sò wílkinó pí-ñk̄ẽne kéne sèp̄in sɔkɔ, ñn̄i yó nt̄ẽ yõ náh náhkɪ pɔ n wíl n pi ké sɔkɔ. Nte wãh nónó yah wilki pɪ ò tyíle, pépi yĩne, à wílkinó pɪ sé sɔkɔ.

23 Névi nê-à yé syah nɛ, Liyel ney yáhtɔkɔnɔ-á me ásò, kèpah náh pɪ wãh me yãhãh, yé káh s̄ẽ tẽ yõ.

24 Yé yah, m̀nyobe kɪ pɔ wíl mɔ pí. Pé tókù kɪ nɛ Liyel ney yáhtɔkɔnɔnɔ-á pépile, tókù kɪ mó nɛ Liyel t̄nt̄ò syínyopu-á pépile. Pè kɪ gb̄ilgb̄il tyi ñgbnɔle n pɪ, f́ó kɪ n yah n k̄õ Liyel névye yáhnwílkinó nt̄ẽ tɔ yõ yíkí-ńsahle káh sò f̄ẽ n pɪ n pi.

25 Tyi nópi ye mé kwãh tẽ yo sah yé tyí yò.

\* 24:15 24.15 Yah n tɛ Danyel 9.27 ; 11.31 ; 12.11.

<sup>26</sup> Képah sɔkɔ, névi nê-à yé syah ne Névi Pídí-á me gběnnu sɔkɔ, yé káh ne yáh ò nyáhle n sô. Nê-à se ne wáh me wõbìntěńóle, yé káh sě tě yõ.

<sup>27</sup> Sô-á pù n yíkiri yál yè n we, à tɔkɔ gbìngboke tyí, fóó n kyí n dal n mɔ gbìnyiki tyí, sě ye Névi Pídí syínponɔ tɔ kɔ n we n pi.

<sup>28</sup> Kwáhkókè se kɔ fě wõbì ònyònyòni yah?»

### *Névi Pídí pónóle*

<sup>29</sup> «Kéne sèpìn nópi yèvyáhrɔ-à fyò sɔkɔ n te òsõ, gbí kɔ pi syí, òwõ náh tõ n piki n pi, òwõ kèpye kɔ wil yínyõ kɔ kwe, té yínyõ yíyìn pól kɔ yike.

<sup>30</sup> Légbíne, Névi Pídí syínponɔ kwní kɔ yõ mɔ yínyõ. Képah těne, sétáh yõ yíkini pól névye kɔ n gbo kɔ yám yám tyile n pi. Té pè kɔ Névi Pídí we à kɔ me n pi nýirn sɔkɔ, táhkì ó ò tóò ànê tóríle.

<sup>31</sup> Kèpõ ògbě yó kɔ fíbi, té à kɔ ò yínyõ tònpi tekɔ mɔ ywõ ywõ pól sɔkɔ, à tɔkɔ kèkõyó yah mè tyí, à kyí sah ké yah mè tyí. Pè kɔ kyí névye tuke mɔ, Liyel-á nónó yah wilki.

<sup>32</sup> Yé yah sènsóké kèdúkù-á nêne ále n wěkɔ. Yáh fyò ké yìngbàn we sè n gboke n wil à mìnɔle n pi gbí nêne, yè n pĩ ne ki de gbí-á me yúkey.

<sup>33</sup> Sě ó ye, yépi tɔ-à pópó kéne tyi we sè tyah n pi gbí nêne, yé pĩ ne Névi Pídí syínponɔ-á me yúkey. Wáh kɔ pɔ sě yò sě yò.

<sup>34</sup> Kègbɔ yõ mé kéle n yo yé tyí, kwey gbí névye pól náh n ku n te n pi, té kéne tyi nópi kɔ me n pi.

<sup>35</sup> Yínyõ ànê sétáh kɔ pɔ tye, òte òmɔ welo tě wɔ náh n tye n yah n pi pólle.

<sup>36</sup> Nte ké lésõ ànê ké gbí tě wole, ònî yó òtě náh sèpile n pne. Yínyõ tònpi náh séle n pne, Liyel Pídí tɔ náh séle n pne. Ònî yó òtě náh séle n pne à wil Sú Liyel tyí sɔkɔ. Òmɔ ó ye n pne séle.

<sup>37</sup> Nê-á pi sɔkɔ Nowe gbí sɔkɔ, sěnkõ ye kɔ n pi n pi Névi Pídí syínponɔ sɔkɔ.

<sup>38</sup> Yé náh we di, gbí nê-á lésõ púnphákì náh tònì me pi à nine kèkõyó pól yõ, névye lésõ me n yõ, té me n wɔ, té me syóle n tɔkɔ, képah náh pi me pé pyele pèbile n kã, pópó à pɔ syi Nowe de sô tyí krótó-ògbě sɔkɔ.

39 Pè nâh sò me n sò tir yó ntě tyí soko, fóó à pò no púnpâhkì pì sò tyí, ni kò kè pò pé pól yò. Sěnkò ye kì n pì n pi Névi Pídí syínpono soko.

40 Díbí nēpî nímí kì me swâh soko, núkú kì tě soko, té n ní-ò kì wũ.

41 Syó nēpî nímí kì me nannē n no, núkú kì tě soko, té n ní-ò kì wũ.

42 Yé Tě ngbē-á n syi n pò n pi sò nēnē, yé nâh me kè pì. Képah ye, yé kâh yé dyo mo n fwò n tě.

43 Yépi ntě pĩ ne, gbóntě dí-à me pĩ gbí nê-á yěnwó kì n pò n pi lékâhne, à kì yah sò, à nâh ye à kò à we kwò n de n pì n gbò soko.

44 Képah ye, yépi to ne me yé vi sah. Ngbõ yé nâh me gbí nê tyíle n sò, légbí ye Névi Pídí kì n syi n pò n pi dé.»

*Tõnpì-á yĩne à ne me sò*

45 «Tõnpì négbí ànê lékâm névi nê me yòtě dí kì toko sah n tònpi tóló yò, à kò à kì yòkele péle n kò ké gbí pèpey soko, té kì soko kóló soko?

46 Yòtě dí-à n syi pò à we à me kéne tòle n pì ké yah yò, tònpi mè tyí no.

47 Kègbì yò mé kéle n yo yé tyí, yòtě dí kì à pì n gbân yì pól kyòmì-òle.

48 Nte kâh pì tònpi tükùle, té à tyah n sò ne pé yòtě dí-á me mo n syínpo-ńsah,

49 té tyah pé no tònpi tólóle n ko, té n yò té n wò sètēnì pípúle wě tyí,

50 n yòtě dí kì n syi pò n yò doko sò yóle, ànê wô yó soko, à nâh me nê tyíle n sò.

51 A kì tònpi mè yĩni, té kì à tekì mo yínvĩnpì mé-ńsah soko, ńyâh soko-á gbní ànê yní táhnó kì me.»

## 25

*Sēmīrkī nê-á yāh syónpì nēpī gbām tyí yò*

1 Yesu tō yo n tò sáhpú tyí ne: «Névi Pídí syi n pò gbíne, Liyel tōrí kì fě toko sâh syónpì nēpī gbām yísyó sēmīrkīle, nónó-á pé fòtnòno toko soko pe yòhnì-ńsah.

2 Syónpì nòpi soko, nēpī kwâl sò me lékâm kēpúle, té kwló mó me lékâmpule.

3 Nónó-á lékâm kēpúle, pépi-á sò pé fòtnòno toko n soko, pé nâh niri wân toko.

4 Nte lékámpu nópi wɔ mó pé fòtnònó tokɔ, té nuri mo sɔkɔ sonó sɔkɔ.

5 Pe-á mo pò-ńsah, dɔy mi pé sɔkɔ, pè dɔ sɔkɔ.

6 Léni wérrle, yínpɔ yó n dɔkɔ ne ńkě, pe-á oo, pè wil à yohni.

7 Képah tēne, syónpì nópi pól dɔ yuku, té yah dah mo pé fòtnònó tyí sɔkɔ.

8 Nónó-á lékám képúle, pépi me lékámpu nópi syah ne, pè yí pé kɔ nuri, ńkě pé fòtnònó-á me tē syi n ni pé tyí.

9 Pè me yo pé tyí ne, sè náh fě n yíne n pi pépi tyínole té pé tɔ n yí n kɔ n pi. Nkě pè kyi n yah dwe yámpu tyí pè mo pé tyínɔ sɔkɔ.

10 Páh sɔkɔ yáhdwe-ńsah, pe pɔ de. Syónpì nónó-á sò me pé vi sah, pépi me de ñne fúr yòke yó-ńsah wòkò sɔkɔ, té pè me wùkah vike.

11 Syónpì nópi téló-á pópó pé syi pɔ, pè pɔ wùkahle n mi té me yo mo tũ ne ńkě, pé yòtě, pé yòtě, à yiki mo pé kɔ.

12 Nte à me yo pé tyí ne, kègbi yó páh kéle n yo pé tyí, pé náh péle n pne.

13 Képah ye, yépi káh yé dɔɔ mo n fwɔ n tē dé. Yé náh se yó lésò ànê ké gbíne n pne té.»

*Sèmìrkì nê-á yāh tònṙibì nḗpì tōmí yísyó tyí yō*

14 «Liyel tōrì-á me sèmìrkì nê kètòle, kè we yò: Dí yó lésò n sɔkɔ kóló sɔkɔ, té ñ tònṙibì ye pɔ ñ tahrile pè kɔ sah,

15 à yíne pé nénúkù núkú pól-á fě nê pi n pi. A talã\* pò pló kwlóle ñnî kɔ, té nínóle ñnî kɔ, té me núkúle ñnî kɔ. Képah náh, té sɔkɔ ñ kóló sɔkɔ.

16 Nê-á we talã pò pló kwlóle, ñmo núkú kyi ñ gbò vi ñ tyíle à kwló yísyó we dohni sé yō.

17 Sē-ó ye nê-á we talã pò pló nínóle, ñ tɔ me nínó we dohni sé yō.

18 Nte nê-á we talã pò pò núkúle, ñmo me sɔkɔ kyi swɔ tũ à ñ yòtě dí pò wòbì.

19 Ké di-á mo náhnáh, pé yòtě dí ñ syi pɔ. Wáh pɔ, à pè ye ne pè pɔ pé tahrì tyí òkù yo pé noh.

20 Képah tēne, nê-á sò we talã pò pló kwlóle, ñmo me ñ tyí tokɔ nɔ de ñ yòtě díne té kwló yísyó tóle à wěki, té yo ñ tyí ne, pé yòtě, talã pò pló kwló-á sò à pé kɔ sah, ñte à yah, páh kwló yísyó we dohni sé yō ñ tyí.

\* 25:15 25.15 - Yah n te Matye 18.24 yah yónó sɔkɔ.

21 N yòtě dí me yo n tyí ne, kǎh ple, tǝnpi pèpey ànê négbí-á nne. Wǎh fyò pi négbíle tir tyí soko, páh kɪ tyí-̀ngbno dahbi n gbò. A po pé nìvìnìne n pi wě tyí. / N yòtě dí me yo n tyí ne, kǎh ple, tǝnpi pèpey-á nne nê-á tyile n pi sé wǎl yò. Wǎh fyò tir tyí pi ké wěkì yò, páh kɪ tyí-̀ngbno dahbi n gbò. A po pé nìvìnìne n pi wě tyí.

22 Nê-á sò we talã pó pló nínóle, ñmɔ to me n tyí toko no de n yòtě díne té yo n tyí ne, pé yòtě, talã pó pló nínó-á sò à pé kǝ sah, ñte à yah, páh nínó yísyó we dohni sé yò n tyí.

23 N yòtě dí me yo n tyí ne, kǎh ple, tǝnpi pèpey ànê négbí-á nne. Wǎh fyò pi négbíle tir tyí soko, páh kɪ tyí-̀ngbno dahbi n gbò. A po pé nìvìnìne n pi wě tyí.

24 Képah náh, nê-á sò we talã pó pó núkúle, ñmɔ-á no de, à n yòtě dí syah ne nkě, pé yòtě, páh pi ne nkě n tǝ-á tah. A náh sè mukɔ nê duku mɔ, á kè tokɔ. A náh nê mir mɔ, á kè kǝ.

25 Képah-á tíkì pé tě, pé me kyɪ n pó wǝbi sétáh soko. Kǎh yò, à tokɔ n póle.

26 N yòtě dí me yo n tyí ne, tǝnpi nétúkù, gbǎndal névi-á nne. Wǎh sò pi ne nkě, pé náh sè mukɔ nê duku mɔ, pé kè tokɔ, pé náh nê mir mɔ, pé kè kǝ.

27 Kǎh pi sě, wǎh náhkɪ mó sò me kyɪ pé pó dah mɔ sah pó sǎh-̀nsah wòkò soko kè. Páh pé syɪ po sǝ yò, páh náhkɪ mó sè we wilki dǝhnínóle sé yò kè.

28 Nkě pè n tyí mè tě syi n tyí, pè kéle talã pó pló gbǎm nètě kǝ.

29 Pè kó we ni, névi nê tyí kwâh-á me, dǝhnínó-á kɪ n pi ñmɔ tyí yò yrǝyrǝ. Té névi nê tyí kwâh náh me, kwéy nê nítě-á me n tyí, kǎh kɪ tě syi n tyí.

30 Yǝre kě tǝnpi mè tě wǝle, nkě pè à wilki mɔ kégbó fěntú soko, nýǎh soko-á gbni ànê yní táhnó kɪ me.»

*Tukey nê-á kɪ n pi n pi Névi Pídí syínponɔ soko*

31 «Névi Pídí-á n syɪ po n tǝrí soko ànê yínyò tǝnpi pólle gbí nne, à kɪ kǝ tě n tǝrí kǝ yò.

32 Kwlo kwlo pól névyɛ kɪ po tuke mɔ n yah soko. Té à kɪ névyɛ wah wilki wě soko, sǝ-á yípenfě n wah n wilki képyèni ànê perle wě soko.

33 A kɪ négbíló sah n gbǝyò sòle, té kɪ nêpèl sah n gběyìnè sòle.

34 Képah sɔkɔ, nónó-à kɪ me n gbòyò sòlɛ, à kɪ yo pé tyí ne: <N Sú Liyel-á sãm mɔ yépi nónó sɔkɔ, té tǔrí nê yah sah yé kɔ kèkòyó mɔ gbí dùkùlɛ, yé pɔ ké nɔlɛ n yò.

35 Yé náh we di, kwɛkɪ-á sò ní tǔ, yé yòkelɛ ní kɔ mé yò. Níkì-à sò ní tǔ, yé ninɛ ní kɔ mé wɔ. Máh sò me népòlɛ, yé ní kɔ mé twah yé tyí.

36 Máh sò me flɔ kǔnɛ, yé flɔlɛ ní kɔ mé mɔ. Máh sò me n yɔ, yé yah dah mɔ ní tyí sɔkɔ. Máh sò me wòkònpèkè sɔkɔ, yé pɔ yah ní tyí.>

37 Képah sɔkɔ, négblo nòpi kɪ à piki yah ne, Tǔ nǔgbɛ, gbí nê se pé we ònne kwɛkɪ sɔkɔ, té à kɔ à yò nɪ? Anê gbí nê se pé we ònne níkì sɔkɔ, té à kɔ à wɔ nɪ?

38 Gbí nê se pé we ònne népòlɛ, té à kɔ à twah pé tyí nɪ? Anê gbí nê se pé we ònne flɔ kǔnɛ, té flɔlɛ à kɔ à mɔ nɪ?

39 Gbí nê se pé we ònne à me n yɔ, képah náh pɪ à me wòkònpèkè sɔkɔ, té pɔ yah n tyí nɪ?

40 Képah sɔkɔ, yòtǔ dí kɪ yo pé tyí ne: <Kègbɪ yò mé kéle n yo yé tyí, ní yúnpyé nónó-á yò kè, yáh níkǔnɛ sɛnknɔlɛ n pɪ pé sɔkɔ tyítyí nónó fyé tyí, ní mɔ tyí ye níkǔnɛ yè n ne n pɪ sélɛ.>

41 Képah náh, nónó-à kɪ me n gbɛyìnè sòlɛ à kɪ yo pépi tyí ne: <Yé to ní tnô, yépi nónó tyí-á yɪkɪ. Yé ne n yuku ní-níkǔ nyàhnèkè sɔkɔ, képah nê-á me mónsàhnòlɛ sétàn ànê sé yòtǔ yìnne.

42 Yé náh we di, kwɛkɪ-á sò ní tǔ, yé náh ní kɔ mé yò. Níkì-á sò ní tǔ, yé náh ní kɔ mé wɔ.

43 Mé sò me népòlɛ, té yé náh fɛ syi ní kɔ mé twah yé tyí. Mé sò me flɔ kǔnɛ, té yé náh flɔlɛ ní kɔ mé mɔ. Mé sò me n yɔ, té me wòkònpèkè sɔkɔ, té yé náh pɔ yah ní tyí.>

44 Pépi tɔ kɪ à piki yah ne, Tǔ nǔgbɛ, gbí nê se pé we ònne kwɛkɪ sɔkɔ, képah náh pɪ níkì sɔkɔ, képah náh pɪ népòlɛ, képah náh pɪ flɔ kǔnɛ, képah náh pɪ me n yɔ, képah náh pɪ me wòkònpèkè sɔkɔ, té pé náh à yohnɪ mɔ nɪ?

45 Képah sɔkɔ, à kɪ yo pé tyí ne: <Kègbɪ yò mé kéle n yo yé tyí, ní yúnpyé nónó-á yò kè, yáh níkǔnɛ n yahle sɛnknɔ pínòlɛ pé sɔkɔ tyítyí nónó fyé tyí, ní mɔ tyí ye níkǔnɛ yè n yahle pínòlɛ sélɛ.>

46 Tyé-níkǔ yèvyàhrɪ sɔkɔ ye nétúkùnì nòpi kɪ kyɪ n de n pɪ, té négblo nòpi wɔ kɪ kyɪ tyé-níkǔ min we.

## 26

*Pè me Yesu tẽ-ńsahle n yah n kɔ́ lékámkãm sɔkɔ*

1 Yesu-á tyi nópi pól yah yo te gbí nêne, à yo ò tò sáhpú tyí ne:

2 «Yé pĩ ne ńkẽ sèp̃ìn níni-á wũ, té Paki syáh kɪ syah. Névi Pídí kɪ tẽ pè kɪ à syi dahni yõ.»

3 Légbíne, sárká syínwilkipu yõtãm ànê kwil yèwàhnì wẽ tuke mo sárká syínwilkipu yõtẽ ñgbẽ fìnne, nê-á pè n ye Kayifile.

4 Té yo sah núkú yõ ne pé ye Yesu tẽ lékámkãm sɔkɔ, pé mó à ko mo.

5 Pè sò me yo tũ wẽ tyí tɔle ne, tir mè náh yĩne kè pi syáh syáhnó sèp̃ìn sɔkɔ dé. Páh kɪ kèpah pi, névyè-á kɪ tyah fẽkɪ.

*Sê yó pèpɔri pi Yesu tyí*

6 Sò yóle, Yesu lésò me tótẽ dí Simo gbô, Betani kwil sɔkɔ.

7 Wáh me yòke yónó sɔkɔ gbí nêne, sê yó me no de ò tñò niri so pèpey yóle ò tyí làsèkwèl dènkókòle ké sɔkɔ. Kèpah tẽne, té làsèkwèl mè mo Yesu yõ yõ.

8 Yesu tò sáhpú-á kèpah tẽ we sẽ, pé fɔkɔ vyáh. Pè ne kwáh nê se pi té à làsèkwèl mè yɪkɪ sẽ yò ni?

9 Káh náhkɪ sò fẽ yãm dántáhle, à ké pò dibi yãm tãn kɔ.

10 Yesu-á kèpah we sẽ, à me yo pé tyí ne: «Sò pi té yé pi mè yahle n vyáh sẽ? Tyípépěy ye à pi ñmɔ tyí.

11 Yé yah, yãm tãn kɪ me yé wró sɔkɔ gbíme gbí. Nte ñmɔ wɔ náh kɪ me n pi yé wró sɔkɔ gbíme gbí.

12 Nê-á pi mè pi yò, ñmɔ lékó yĩ sò yĩn ye à pi sah kéle.

13 Kègbɪ yõ mé kéle n yo yé tyí, kèkòyó pól sɔkɔ, Nìvìnì tir mè-à n yo fí nê sɔkɔ, pi mè tyípíkì mè tɔ kɪ yo, névyè dyo kɔ kè kɪ n kwne ò tyíle.»

*Nsyudasɪ me ké tyí ne pé Yesule ò tẽpú wẽkɪ*

14 Yesu tò sáhpú nép̃ì gbõnimí sɔkɔ, nê-á pè n ye Nsyudasɪ Yisikariyɔtɪle, ñmɔ me kyɪ wil sárká syínwilkipu yõtãm tyí,

15 té pè syah ne, pè se kɪ pé kɔ kwáh nêne pé mó kè pi pè kɔ pè Yesu we tẽ ni? Pè me pò pló yõgbãmne à kɔ.

16 A tɔkɔ légbí tyí, à tyah n yah n kɔ wáh ne pi sò té pè Yesu we n tẽ n pi.

*Paki syáh yòke pínóle*

17 Kókónó kân búrn syáh tyah sòle, Yesu tò sáhpú pɔ à piki yah ne, nýãh sɔkɔ se à me ké tyí ne pé kyɪ Pakɪ syáh yòke pɪ òn tyí nɪ?

18 A me yo pé tyí ne: «Yé kyɪ n yo yãhnkô tyí kwil sɔkɔ ne, kwó-ò dí-á yo ne níkě pé gbí-á me se n te, níkě òmɔ òn-á péwɔ ànê pé tò sáhpú kɪ pɔ n yò n pi Pakɪ syáh yòkele.»

19 Wãh kè yo sɔ òn tò sáhpú tyí, pè me sɔkɔ òn yóré yò, à kyɪ yòke mè pɪ.

20 Lékâh-á pɔ mɔ, òmɔ ànê òn tò sáhpú népí gbõnimí me kô tẽ yòke sò.

21 Té pãh me yónó sɔkɔ, à yo pé tyí ne: «Kègbɪ yò mé kéle n yo yé tyí, yé sɔkɔ yó kɪ pɪ pè kô pè kɪ ní tẽ n pi.»

22 N tò sáhpú-á képah noh, pé yey kwɔ kègbule. Képah tẽne, nê mè nê mè, tẽ à piki n yah ne, Tẽ òngbẽ, péwɔ se à n ye nɪ?

23 A me yo pé tyí ne: «Nê-á me n di òmɔle dú núkú sɔkɔ yò, tẽ wɔ ye kɪ pɪ pè kô pè kɪ ní tẽ n pi.

24 Névi Pídí kɪ n ku n pi à yĩne kãh wãrkɪ sah Liyel wey sébéy sɔkɔ sɔ òn tyí sɔkɔ. Nte névi nê-á kɪ pɪ pè kô pè kɪ à tẽ n pi, pèkè kɪ pɪ tẽ tyíle. Tẽ-à sò me dúbí-ńkẽne, képah náhkɪ fónfó òne.»

25 Nsyudasɪ nê-á sò me ké tyí ne pé pɪ pè kô pè à tẽ, òn me à syah ne, kwó-ò dí, péwɔ se à n ye nɪ? A me yo òn tyí ne: «Áwɔ ye yo kéle.»

26 Té pãh me yónó sɔkɔ, Yesu búrn tɔkɔ té wekɪ Liyel tyí, té kè kwɔkɪ à òn tò sáhpúle n kô, té yo pé tyí ne: «Yé syi n tah kéle. Nyɔle, òmɔ wil ye.»

27 Képah náh, à tɔ wóh tɔkɔ òn tẽne ké sɔkɔ té wekɪ Liyel tyí, té kéle pè kô té yo pé tyí ne: «Yé pólle, yé kè wɔ.

28 Yé náh we di, nýɔle, òmɔ tó ye, nê-á kɪ névyé yégbékè kwɔ mɔ ànê Liyelle. Kè kɪ n kwe n pi nékwínkí yĩnne, kɪ pé tyípèl yò mɔ.

29 Mé kéle n yo yé tyí, à tɔkɔ núkúnúkú tyí, mé náh tɔ òn tẽ wɔ n yah n pi, pópó kɪ pɔ nɔ sò nê-á mé kɪ tɔ òn tẽ sán yó wɔ yéle ní Sú Liyel tɔrɪ sɔkɔ.»

30 Képah náh, pè syáh yì gbɪ, té wil à n yuku Wólívyê yèh yòl yò.

*Yesu ne Pyeri-á kɪ òn yãh kòlɪ ne pé náh pé pĩ*

31 Képah sɔkɔ, Yesu yo òn tò sáhpú tyí ne: «Kwey lékâh mè òn tẽ óle, òmɔ tyí kɪ yé pól kô yé kɪ yal mɔ ní sò tẽnóle. Yé



náh we di, kè me wárkínsàhnóle Liyel wey sébéy sòkò ne: «Mé kí yípénfě ko mɔ, té képyénì tũ pól kí karkí.»\*

<sup>32</sup> Yesu tǔ ne: «Nte ní lékó yílkínmɔntenɔ náh, mé kí mɔ yé yahle Kalile mara sòkò.»

<sup>33</sup> Képah tēne, Pyeri me yo ò tyí ne, no téló pól-à kí sǔ yal mɔ ò sǔ tēnóle, péwɔ tē wɔ náh n yal n mɔ n pi pólle.

<sup>34</sup> Yesu me yo ò tyí ne: «Kègbi yǔ mé kéle n yo á tyí, kwey lékâh mē òtē sòkò, sɛnpe-à kí pópó n gbo, á kí me á vyâh kǔli te ke tǔnó ne á náh òmɔ pǐ.»

<sup>35</sup> Pyeri me yo ò tyí ne, kâh kí sǔ no pé kúnó tyí òne wē tyí, pé náh pé vyâh kǔli yah n pi pólle ne pé náh à pǐ. Yesu tǔ sâhpú téló tɔ me képah ó yo.

### *Yesu Liyel nínóle Ketisemaní sòkò*

<sup>36</sup> Képah sòkò, Yesu ànê ò tǔ sâhpú kyí yǐni tē fǐ yó sòkò, pè n ye Ketisemanine. A me yo ò tǔ sâhpú tyí ne, pè kǔ tē ásô pé kyí Liyel ni n pɔ yâhâh.

<sup>37</sup> Wâh n sòkò, à Pyeri ànê Nsebede ðinpǐ nǐpǐ ními tē sòkò. Yèkwɔri ànê tíkí képéke sǔ me tyah n mi ò sòkò.

<sup>38</sup> Kâh pi sē, à me yo pé tyí ne: «Yèkwɔri me ní sòkò, me n pi ní ko ko tēne. Yé tē ásô, yépi tɔ kâh yé dyɔ mɔ n fwɔ n tē, sǔ-á òmɔ náh me ní dyɔ mɔ fwɔ tē.»

<sup>39</sup> Té me yuku yahle kwéy à kyí kɔ kwǐnki ò yah di sétâh, à Liyelle n ni ne òkē: «N̄mɔ Sú, kâh kí fě n pi n pi, yèvyâhri mē gbe mɔ òmɔle. Nte mé náh ne á kè pi òmɔ-á me ké tyí sǔ dé, kè pi áwɔ-á me ké tyí sǔ.»

<sup>40</sup> Wâh ò syi pɔ ò tǔ sâhpú nǐpǐ tǔmí nǔpi tnô, à pɔ pè we pè me n dɔ. A me yo Pyeri tyí ne: «Yé kègbi yǔ, yé náh tē we lérí núkú òtē fyé pi yâhnó sòkò òmɔle kè?»

<sup>41</sup> Yé kâh yé dyɔ mɔ n fwɔ n tē. Yé níriile n pi yè kâh n pɔ tǔnmɔnɔ fě n syi. Tyípeplo sǔnɔ n ne n me névi sòkò, té sé tēnwɛnpɔnɔ tǎhkì náh n we ò sòkò.»

<sup>42</sup> Wâh képah yo, à tǔ gbe mɔ péle ke ní-òle à kyí Liyelle n ni ne òkē: «N̄mɔ Sú, ní yǔ-à kí fě n wil n pi òkēne yèvyâhri mē sòkò, áwɔ-á me nê tyí, képah pi.»

<sup>43</sup> Wâh tǔ ò syi pɔ, à pɔ pè we pè tǔ me n dɔ. Dɔy sǔ me tē we pé tyí.

<sup>44</sup> A tǔ yal pé tnô à gbe mɔ kyí Liyel ni ke tǔ-òle gbɔ tǎn tyí kǔle.

\* 26:31 26.31 - Yah n te Nsakari 13.7.

45 Képah náh, à ò syi pɔ pé tnô, té yo pé tyí ne: «Yé me dɔy sɔkɔ sɛ me yéle n mi kè? Névi Pídí tɛ n dahbi gbí we nɔ tyípêl pípú gbò yò.

46 Yé yuku à sɔkɔ. Névi nê-á kɪ ní dahbi n pi pé gbò, à we n de yò.»

### *Yesu tɛnóle*

47 Yesu me képah yónó sɔkɔ, té Nsyudasɪ nê-á ò tò sáhpú népí gbõnimí sɔkɔ yóle, òmɔ yīn nékwínkí yísyó yah pé pɔ de kèkírñ ànê òsnine pé tyí. Sárká syínwìlkìpu yòtām ànê kwil yèwàhnì ye sò tekɪ mɔ péle.

48 Té Nsyudasɪ nê-á sò n dahbi n pi Yesule pé gbò, à sò me pi òkù yóle pé wèkɪ sah. A ne páh kɪ wèkɪ névi nê tyí té à pɔri tɛ, òmɔ-á. Nkɛ pé à tɛ.

49 Té núkú nɔ de Yesule té ne, kwó-ò dí, páh n wèkɪ ò tyí! Té à pɔri tɛ.

50 Yesu me yo ò tyí ne: «Ní kódí, wáh pɔ nê pí-òsah, kè pi.» Képah sɔkɔ, nɔ nòpi núkú nɔ de Yesule à à tɛ.

51 Képah tɛne, nónó-á sò me Yesule, pé sɔkɔ yó núkú ò kèkírki yɔri de à sárká syínwìlkìpu yòtɛ ògbɛ tònpi níki kò kām.

52 Nte Yesu me yo ò tyí ne: «Á kèkírki dyi ké gbô sɔkɔ. Yah, nónó pól-á málle n pi kèkírñne, kèkírñ ye kɪ ko mɔ péle.

53 Á náh pí ne òmɔ-á kɪ sò fɛ yo mɔ ní Sú tyí, à kɪ yīnyò tònpi kèyò náhnáh tekɪ mɔ ní kò nénpó swɔ, sè kɪ pɔ ní yohni mɔ di?

54 Nte kàh pi sɛ, Liyel wey sébéy sɔkɔ tyi wárkínsàhnó kɪ wil òkù nêne? Kè mó tɔ me kè yo sah ne sɛ-á kè yīne kè pi.»

55 Képah náh, té yo nékwínkí nòpi tyí ne: «Yé pɔ òmɔ tɛ-òsah kèkírñ ànê òsnine yé tyí, á kɪ ne kèlékè névi sò òne. Nte swò swò pólle, mé sò òkène ne n me kòntɛnóle Liyel ní-òsah gbô sɔkɔ ò kwónóle n pi, té yé náh ní tɛ.

56 Nte Liyel tɛntò syínyopu tyi wárkínsàhnó wil yīn ye tyi nòpi pól kò sè pi.» Wáh képah yo, ò tò sáhpú pól to karkɪ té à sah.

### *Yesu tɛnkyinɔle Nsyifunɔ tukey tükèpu tìnkì tyí*

57 Nónó-á tɛ Yesule, pé yuku òne sárká syínwìlkìpu yòtɛ ògbɛ Kayifi tìñne, níyáh sɔkɔ-á Liyel tyi kònsàhnó kwópú ànê yèwàhnì sò me wè tuke mɔ.

58 Pyerɪ sò me Yesu sò tẽ n kɔ fíí ònne, pópó à kyɪ yĩni tẽ sárká syínwìlkɪpu yòtẽ òngbẽ gbô tyí. Tẽ de yuku à kyɪ kɔ tẽ tònɔɔ tɔnô, tẽ n yah yĩ mèn-á kɪ pɔ n syi n pi dùkù nènne.

59 Sárká syínwìlkɪpu yòtãm ànê pé no tukey tükèpu tĩnkĩ pól sò me n yah n kɔ ne, tàrfyòno yísyó we, nóno-á kɪ mìnì we n yo n sah Yesu yõ, pé mó à we n ko n mɔ.

60 Tàrfyò mìnnyobe náhnáh sénsõ pɔ mìnì yo sah ò yõ, òtè pè náh tir yó we wáh yĩne à ko mɔ nê yĩnne. Ké tyé-nsah sòkɔ, díbí népí ní mí wil yĩn

61 tẽ ne òkẽ, dí mèn-á yo ne páh kɪ fẽ Liyel ní-nsah wòkò kètár sɔ tẽ kɪ kè tã mɔ sèpìn tònì wrò.

62 Képah sòkɔ, sárká syínwìlkɪpu yòtẽ òngbẽ yuku yĩn tẽ yo Yesu tyí ne, no nópi-á tyi nónoñe n yo ò tyí sòkɔ, tyiyóné kó me òmɔ tyí sépi tyí sòkɔ nɪ?

63 Nte Yesu náh dahɔ wilki. Képah tẽne, sárká syínwìlkɪpu yòtẽ òngbẽ me yo ò tyí ne, min nétẽ Liyel yĩn yõ, à yo pé syah òmɔ-à kɪ nê Liyel ney yáhntòkòñole, nê-á ò Pídíne.

64 Yesu me yo ò tyí ne: «Áwɔ ye yo kéle. Tẽ mé kéle n yo yé tyí, à tòkò núkúnúkú tyí, yé kɪ Névi Pídí we kòntẽnóle tyi pól tyí tẽnwe-ò Liyel gbòyò sòle. Yé kɪ à we tɔle à kɪ me n pi níyirn sòkɔ.»

65 Képah tẽne, sárká syínwìlkɪpu yòtẽ òngbẽ ò gblòy flo yòrɪ tókɪ tẽ ne, wáh yo de Liyel tyí. Tàrfyò nê tẽ se tã pé kɪ n yah n kɔ nɪ? Pè kó ò Liyel tyí yóndenɔ noh nɪ?

66 Pépi se me n sò sò nɪ? Pè me yo ò tyí ne, wáh yĩne kònmòñole.

67 Képah tẽne, tẽ tyah n sìn n mɔ ò yah sòkɔ, tẽ ònne n sykɪ gbònkukele, tẽ tókù mó me ò létáhlóle n kòlɪ

68 tẽ me n yo ò tyí ne, òmɔ-à kɪ nê Liyel ney yáhntòkòñole, à sáh pí yo pé syah nê-á n ko ònne.

*Pyerɪ-á ò vyáh kòlɪ sò ne pé náh Yesu pí*

69 Pyerɪ sò me kòntẽnóle gbô táh. Tònɔɔ pi yó me nɔ de ò tɔnô tẽ yo ò tyí ne, òmɔ tɔ-á sò me Yesule, nê-á Kalile neyne.

70 Nte à me kè kòlɪ no pól yí yah ne, pé náh me ò wey mè tyí yah we yò dé.

71 Képah náh, Pyerɪ sòkɔ gbô yah tĩnne. Tònɔɔ pi yó-á tã à we, nóno-á sò me nénpó, à yo pé tyí ne, dí mèn tɔ-á sò me Yesule, nê-á Nasaretɪ neyne.

72 Pyerɪ tã kè kòlɪ à ò wo ne, pé náh dí mènne n pne dé.

<sup>73</sup> Dǒ kwéy, nónó-á sǒ me nénpó pépi nǒ de Pyerile té yo òn tyí ne, kègbi yǒ, nǒ nǒpi sǒkǒ yó-á òn tǒle. N wey dùkù-á me kéle n wèkǐ dò.

<sup>74</sup> Képah sǒkǒ Pyeri tyah òn gblǒyne n wo pélpèl ne, pé náh dí mè pí. Nénpó swǒ sénpe yó núkú gbo.

<sup>75</sup> Légbíne, Pyeri dyǒ tǒ kǒ Yesu wey mène, wǎh sǒ nê yo ne níké: «Sénpe-á kǐ pópó n gbo, á kǐ me á vyǎh kǒlǐ te ke tǒnó ne á náh nímo pí.» Képah sǒkǒ, Pyeri wil kégbó à kyǐ kah gbo.

## 27

### *Yesu tēnyukunǒle Pilati tinnē*

<sup>1</sup> Séngbǒ púpúle, sárká syínwǐkǐpu yǒtǎm pól ànê kwil yèwàhni pól yo sah núkú yǒ ne Yesu-á yǐne à ko mo.

<sup>2</sup> Té me à tē pukubi, té kyǐ òne kwiltǎm yǒtē Pilati gbǒ dahbi.

### *Nsyudasí kúnóle*

<sup>3</sup> Képah sǒkǒ, Nsyudasí nê-á sǒ pí pè kǒ pè Yesu we tē, wǎh pǒ òn kònmǒnǒ tyí we kè yǐ tē, kè à kah fyǎh. A me pól pló yǒgbǎm nǒpi tǒkǒ kyǐ ne pé sárká syínwǐkǐpu yǒtǎm ànê kwil yèwàhni kǒ.

<sup>4</sup> Té yo pé tyí ne, páh tyípékè pí lékǎh ké névi múnóle kǐ sǒkǒ. Nte pé me à syah ne, pépi tir nê se me képah sǒkǒ ní? Képah-á me òmǒle n yah kè.

<sup>5</sup> Képah sǒkǒ, Nsyudasí pól mè milki Liyel ní-ńsah wòkò kètǎr sǒkǒ, té wil sǒkǒ à kyǐ òn gblǒy gbel.

<sup>6</sup> Sárká syínwǐkǐpu yǒtǎm me pól mè tǒkǒ té ne níké, kè náh yǐne dáhnmǒnǒle Liyel ní-ńsah gbǒ pól sǒkǒ. Névi tǒ-á kǐ n kwe n pí ké tyí sǒkǒ.

<sup>7</sup> Képah tēne, pè yo sah núkú yǒ, té pól mène pní mó-ò dí yó swǎh dwe à pí népǎn lékyî yǐ-ńsahle.

<sup>8</sup> Képah ye, fǒó à pǒ syǐ kwey mè tyí, swǎh mè me n ye tǒ swǎhle.

<sup>9</sup> Képah sǒkǒ, Liyel tēntǒ syínyo-ò Nsyeremi-á lésǒ nê yo sah, kè wil. A lésǒ ne níké: «Pè ye pól pló yǒgbǎm tǒkǒ, Yisrayel no-á ne dan nê-á yǐne kǒnóle òn tyí sǒkǒ.

<sup>10</sup> Té kyǐ séle pní mó-ò dí swǎh dwe, à yǐne Tē òngbē Liyel-á kè yo sǒ ní tyí.»\*

### *Pilati me Yesule n piki n yah*

\* 27:10 27.9 Yah n te Nsakari 11.12-13 ànê Nsyeremi 18.2-3 ; 19.1-2 ; 32.6-15.

11 Pãh Yesu tẽ kyi kwiltãm yõtẽ dí Pilati tyí, à me Yesu piki yah ne ñmɔ se Nsyifunɔ yõtẽne díne ni? Yesu me yo ñ tyí ne: «Áwɔ ye yo kéle.»

12 Nte sárká syínwilkipu yõtãm ànê kwil yèwàhnì sò me tyile n yo n sah ñ yõ. Nte à náh dahbì wilki pé tyí sépi tyí sɔkɔ.

13 Képah sɔkɔ, Pilati me yo ñ tyí ne, pãh tyi nónó pólle n yo n sah ñ yõ, à kó me séle n nohnì ni?

14 Nte Yesu náh dahbì wilki ñ tyí pólle. Kãh pɪ sɛ, kè ñ gbãn kah du.

*Pilati Yesu kònmonɔ wẽkì kɔ*

15 Yimeyí Pakɪ syáh sɔkɔ, kwiltãm yõtẽ níkẽne wòkònpèkè sɔkɔ nénúkù yó fin n mɔ, tówú-à nê yah wilki.

16 Té légbíne dí yó sò me wòkònpèkè sɔkɔ, nê yínpékè-á wil yí nánáh. N yin ye sò Barabasile.

17 Képah tẽne, tówú nê-á sò me tükènmɔnɔle, kwiltãm yõtẽ dí Pilati me pépi piki yah ne, pé se me ké tyí ne pé nê fin mɔ pé kɔ ni? Barabasɪ se, tĩ Yesu nê-á pé n ye Liyel ney yáhtɔkɔnɔle, ñmɔ se?

18 Yé náh we di, Pilati sò pĩ ne Yesu yíngbí wílnó-á n yo péle pé kɔ pé à dahbì péwɔ gbò sɔkɔ.

19 Té wãh me tẽnóle tukey tükè-nsah sɔkɔ, ñ kyi tẽntò mɔ ñ tyí ne, lékàh ké dí mè tyí dlénpêl-á pé kwɔ kwey lékãhne. A káh ñ vyãh dahbì ñ tyí sɔkɔ dé.

20 Nte sárká syínwilkipu yõtãm ànê kwil yèwàhnì me tówú kurki mɔ ne, pé yo Pilati tyí à Barabasɪ fin mɔ, à mó Yesu ko mɔ.

21 Kwiltãm yõtẽ dí Pilati me tɔ pé piki yah ne, pé se me ké tyí ne pé nê tẽ fin mɔ pé kɔ népĩ ní mí nópì sɔkɔ ni? Pé me ne Barabasɪ-á.

22 Pilati me ne, ñte Yesu nê-á pé n ye Liyel ney yáhtɔkɔnɔle, pé se kɪ pɪ sɔ ñmɔle ni? Pé pól me ne wãh yĩne à syɪ dahni yõ.

23 A me pé piki yah ne, ñte tyítúkù nê ó se à pɪ ni? Nte pé tɔ kah yo mɔ wòhòh ne, wãh yĩne à syɪ dahni yõ.

24 Pilati-á pɔ kè pĩ ne pé náh me fẽ tir yóle n pekɪ ké sɔkɔ, té névyè-á mó tɔ me n tyah tyah fẽkìnóle, à ni tɔkɔ à ñ gbãn wu tówú yí yah té ne, péwɔ vyãh náh me dí mè kònmonɔ tyí sɔkɔ. Kãh pé tyí kè.

25 No pól me ne, ñ kònmonɔ plo pɪ pépi ànê pé wẽnpĩ tyíle wé!

26 Képah sɔkɔ, Pilati me Barabasí fin mɔ pè kɔ̃. Té sràsyíbí kɔ̃ pè Yesu ko yèfòhle, té ò gbàh de mɔ pè kɔ̃ ne pè à syɪ dahnɪ yɔ̃.

*Sràsyíbí-á kólɛ Yesu ko dùkù nêne*

27 Képah tɛ̃ne, kwiltám yòtɛ̃ dí Pilati sràsyíbí me Yesu tɛ̃ de tɔ̃rí gbô sɔkɔ, té pé no sràsyíbí pól ye pɔ à mɔ gbĩ.

28 Pè me ò flo de ò wil sɔkɔ, té fwòmònsàh ògbɛ̃ yó mɔ à kɔ̃.

29 Té pàn yòkɔ̃ pɪ dyɪ à kɔ̃ tɔ̃rí yókúrí swɔ, té lépéy yóle à kɔ̃ à tɛ̃ yĩn ò gbòyò sɔkɔ. Té gbètukunɔ di ò yah sɔkɔ à kólɛ òne n ko me yo tũ ne, Nsyifunɔ yòtɛ̃ dí, páh n wekɪ ò tyí.

30 Té n sɪn n mɔ ò yò, té lépéy mè syi à òne n mɪkɪ ò yò sɔkɔ.

31 Páh kólɛ à ko tɛ, pè fwòmò-ògbɛ̃ mè de ò tyí té ò flo tɔ̃ mɔ à kɔ̃, té à tɛ̃ n yuku syí-ńsah dahnɪ yɔ̃.

*Yesu syínólɛ dahnɪ yɔ̃*

32 Páh kyɪ n wil kwil sɔkɔ, pè Sireni kwil dí yó yohnɪ pè n ye Simolɛ. Sràsyíbí me òmɔ kyĩ mɔ à kɔ̃ à Yesu syɪ syɪ dahnɪ twah.

33 Páh kyɪ yĩni tɛ̃ tyah yó sɔkɔ, pè n ye Kolkotalɛ, nê kór-á Yògbèkè tyahle,

34 pè wil yónó kèkò kwàh yó fɛ̃kɪ mɔ òwɛ̃ sɔkɔ Yesu kɔ̃ ne à wɔ. Wáh kè wɔ yah, à kè yahle.

35 Képah náh, pè à syɪ dahnɪ yɔ̃. Páh à syɪ tɛ, pè òndan mɔ à ò flo dibi pé wɛ̃ wró.

36 Té me kɔ̃ tɛ̃ nɛnpó à òne n syɪkɪ ne ney káh pɔ à pwah mɔ.

37 Yò nê yò-á pè syɪ òne, pè sò me kè wárkɪ syɪ sah ò yòtah sɔkɔ ne ńkɛ̃: «Yesu ye yò, nê-á Nsyifunɔ yòtɛ̃ne.»

38 Kèlékɛ̃ pípú nɛpí ní mí yísyó tɔ̃ sò me syínólɛ dahlɔ yò ò tnô. Núkú sò me ò gbòyò sòle, ní-ò me ò gbɛ̃yɪnè sòle.

39 Wɛ̃kɔbɪ nónó-à ko pɔ n sɔkɔ, pè pé ywòle n mɔ ò té òne n gbyɔ

40 ne ńkɛ̃, òmɔ nê-á sò ne páh kɪ Liyel ní-ńsah wòkò kètár sɔ, té kɪ fɛ̃ kè tɔ̃ mɔ sèpɪn tɔ̃nì wró, ńkɛ̃ Liyel Pídí-à kɪ nê òne, à ò gblɔy pwah mɔ. A tiki n to dahnɪ yɔ̃ kè.

41 Sɛ̃ ye, sárká syínwìlkɪpu yòtám ànê Moyisi tyi kònsàhnó kwópú, ànê kwil yèwàhnì tɔ̃ sò me kólɛ òne n ko me yo tũ ne,

42 wáh túkù pwah mɔ, té kɪ tɛ̃ ò gblɔy wɔ pwah mɔ kwɔ nɪ? Yisrayel yòtɛ̃ tɛ̃-à kɪ nê òne, à tiki n to dahnɪ yɔ̃ núkúnúkú, pé mó sɛ̃ ò yò kè.

43 A kó n sōno sah Liyel yō, té kè yo ntēne ne n Pídí-á péle ni? N tyí-à kɪ me nɔ Liyel tyí, à à pwah mɔ núkúnúkú wé.

44 Kèlékè pípú nónó tɔ-á sò syínóle n tnô, pépi tɔ sò me nne n gbyɔ sɛntɛ óle.

*Yesu kúnóle*

45 Gbì-á me yòtah sírr sɔkɔ, fɛntũ mɔ kèkõyó pól sɔkɔ, pópó à pɔ nɔ lérínó tǔnó tyí.

46 Lérínó tǔnó nópi-á sɔkɔ, Yesu kah yo yǐnpɔ̀ òngbēne ne: «Yeli, Yeli, lama sabakɪtani?» Nê kór-á: Nmɔ Liyel, n̄mɔ Liyel, kwâh nê pɪ té á n̄ fin mɔ?

47 Nónó-á sò me nénpó, pé tókù-á n yónmɔnɔ mè noh, pé ne nkɛ, wăh me Yelile n ye n yah oo!

48 Nénpó swɔ, pé sɔkɔ yó to kyɪ sɛnsúkúrí tɔkɔ fõ yòyòkè ni sɔkɔ, à dyɪ mɔ gbey yó vyăh tyí, té kè nɔ n tyí ne à wɔ.

49 Pé téló mó me yo tũ ne nkɛ, pé ye yǐn sɔ, Yeli mó pɔ à pwah mɔ pé yah ätre.

50 Nte Yesu me tǔ kah de syi té yah kwɔ.

51 Képah tēne, fwɔ nê-á dyɪnmɔnkâhsâhnóle Liyel ní-nsah wòkò kètâr sɔkɔ, kè tɔ tóló nínó à tɔkɔ ké yòtah tyí, à kyɪ dal mɔ ké sètâhkì sò tyí. Té sétâh me syah, légybɔ̀ gboke,

52 léyâl yɪkɪ mɔ, Liyel yō sɛpú nónó-á sò ku sɔkɔ te, pé náhnáh lékyî me yilki mɔ.

53 Képah nâh, té me wil léyâl sɔkɔ Yesu lékó yilkinmɔntɛnɔ nâh, té de Yerusalemɪ kwil sɔkɔ Liyel-á képah nê yah tɔkɔ. Névyɛ náhnáh yí tɛ pé yō.

54 Sràsyíbì yòtɛ dí ànê nónó tɔ-á sò me Yesule n syɪkɪ nne, pépi-á sétâh syahrɪ mè we à tahlɪ tyi nónó tɔ-á pɪ, tíkì pé kah tɛ. Pè me ne nkɛ: «Kègbɪ yō, dí mènɛ, Liyel Pídí ye sò nne.»

55 Té syó náhnáh tɔ sò me yǐn tɛ fí té me n yah. Kalile duku sɔkɔ ye kéné syó Yesu sò tɛ, à n yah n dah n mɔ n tyí sɔkɔ.

56 Makadala kwil Mari sò me pé sɔkɔ, à tahlɪ Nsyakɪ ànê Nsyosɛfu yú Mari tyí, ànê Nsebede dínpi yúne.

*Yesu lékó yínóle*

57 Nvì-á pɔ nɔ, tãh dí yó pɔ de, nê-á sò n wil Arimatɪ kwil sɔkɔ. Kéné dí yǐn ye Nsyosɛfule. Yesu tò sáh-ò ye sò n tɔle.

58 Nmɔ me kyɪ wil Pilati tyí, à Yesu lékó ni n tyí. A me ne pé nne à kɔ.

59 Păh ké wɛkìle à kɔ, à me n lékó tɔkɔ té à plo fwɔ gbró snóle.

<sup>60</sup> Nsyosefu-á sò pè kǒ pè diki sán nê tũ sah ñ yěngbě tyíle tekɪ sɔkɔ, à kyɪ à dah mɔ kɛpah sɔkɔ. Kɛpah sɔkɔ, té dáh-ñgbě yó pil pɔ ké yah vike té sɔkɔ.

<sup>61</sup> Té légbíne, Makadala kwil Mari ànê ñ ní-ò Mari sò me kǒntɛnóle nénpó sɔkɔ diki yah yèsreyne.

<sup>62</sup> Té kéne yòh sònó ye ñkěne pè péle n vi n sah pé mu mu yòh sò yinne. Ké dindalle, sárká syínwilkipu yõtã ànê Farisi wèkì kópú me wě sò tẽ kyɪ wil Pilati tyí,

<sup>63</sup> té yo ñ tyí ne, pé yõtẽ, pé dyɔ-á to kǒ ne, kéne névyé pilkí-ò-á lésó me kè yo sah ñ kú-ńkê sɔkɔ ne, pãh pɔ ku, ké sèpìn tǔ-ò sòle, pé lékó-á kɪ yilki mɔ.

<sup>64</sup> Kɛpah yinne, ñkê à sràsyíbí kǒ pè diki syɪkɪ pɔ nɔ sèpìn tǔnì tyí. Kɛpah-à pí-ńkêne, ñ tǔ sáhpú-á kɪ n syah n pɔ ñ lékóle n yĩ n wilki, té kɪ névyé syah ne ñ lékó-á yilki mɔ. Kɛpah tẽ-á kɪ tǔ névyé pilki kal gben tẽne.

<sup>65</sup> Pilati me yo pé tyí ne, tyah syíkípú-á yò. Nkê pè kyɪ diki mène n syɪkɪ pãh me ké tyí sǔ.

<sup>66</sup> Pè me sɔkɔ à kyɪ diki yah dáhkì mè pɔkɔ mɔ, té tyah syíkípú kǒ pè kéle n syɪkɪ.

## 28

### *Yesu lékó yilkinmɔnɔle*

<sup>1</sup> Mɪ mu yòh-á sɔkɔ, dimansyi sǔ séngbǔ púsóle, Makadala kwil Mari ànê ñ ní-ò Mari kyɪ diki yó.

<sup>2</sup> Nénpó swɔ, sétáh syahrɪ ñgbě pɪ. Tẽ ñgbě Liyel yínyó tǔnpɪ yó me tiki pɔ dáh-ñgbě mè pil to diki yah, té kǒ tẽ ké yó.

<sup>3</sup> A sò me n kǒ kyòò pǔ sǔ yíkiri, té ñ flo me píkinóle préyy.

<sup>4</sup> Tíkí ànê wilsyahrɪ tẽ tyí, tyah syíkípú markɪ.

<sup>5</sup> Kɛpah sɔkɔ, yínyó tǔnpɪ me yo syó tyí ne: «Yé káh tíkí pɪ. Mé pĩ ne Yesu-á yé n yah n kǒ, pãh nê syɪ dahɪ yó.

<sup>6</sup> A náh me ásó, ñ lékó yilki mɔ à yĩne wãh lésó kè yo sah sǔ. Yé pɔ n yah ñ snékínmɔ-ńsahle,

<sup>7</sup> yè mó n kyɪ kè yo súú ñ tǔ sáhpú tyí ne, ñ lékó-á yilki mɔ. Té wãh mɔ pé yahle Kalile mara sɔkɔ. Pãh kɪ kyɪ à we nénpó. Nê-á sò me ní tyí yo yo tẽne yé tyí, kɛpah ye yò.»

<sup>8</sup> Pè me yal súú nénpó sɔkɔ, tíkile pé sɔkɔ ñìvì ñgbě tǔle fèkinmɔnɔle ké sɔkɔ, à n to n yuku yĩ mè yáh-ńsah Yesu tǔ sáhpú tyí.



<sup>9</sup> Nénpó swɔ, Yesu núkú pè yohnu té ne: «Mé n wɛkɪ yé tyí.» Syó nópi me nɔ de ñne, té ñ gbyêh tẽ à gbílkinó sah ñ yõ.

<sup>10</sup> Képah sɔkɔ, Yesu me yo pé tyí ne: «Yé káh tíkile n pi. Yé kyɪ n yo í yúnpyé tyí ne, pè yuku Kalile mara sɔkɔ. Nénpó sɔkɔ ye pè kɪ wɛ ñne.»

*Tyah syíkípú tyípínine*

<sup>11</sup> Syó nópi-á me wɛkɪ yõ gbí ñne, tyi nónó pól-á pi, sràsyíbí nónó-á sò n syɪkɪ diki mène, pé tókù pɔ kwil sɔkɔ, à pɔ sè yo sárká syínwìlkɪpu yõtã syah.

<sup>12</sup> Képah sɔkɔ, sárká syínwìlkɪpu yõtã nópi ànê kwil yèwàhnì wɛ tuke mɔ à yo sah núkú yõ, té pɔ-ñgbè yóle sràsyíbí kɔ,

<sup>13</sup> té pè syah ne pàh kɪ pi pè yo ne, ñ tò sáhpú-á pɔ ñ lékó yí wilki lékàhne té pé sah dɔy sɔkɔ.

<sup>14</sup> Kwiltã yõtẽ dí-à kɪ sɔ kè noh, pépi-á kɪ kè niri pè kɔ pè náh yótír wɛ n pi ké sɔkɔ pólle.

<sup>15</sup> Tyah syíkípú mó pó mè syi té kè pi pé yóré yõ. Képah tẽne, yí mè tã mɔ Nsyifunɔ nyó, fók à pɔ syɪ kwey mè tyí.

*Yesu wénóle ñ tò sáhpú tyí ñ lékó yílkinmɔntenɔ náh*

<sup>16</sup> Yesu tò sáhpú népí gbõnúkú me sɔkɔ Kalile mara yõh yõ, wãh lésõ nyãh tyí yo sah pé tyí.

<sup>17</sup> Pãh kyɪ à wɛ, pè à gbilki, ñte pé tókù sò me tètòle n pi ñ tyí sɔkɔ.

<sup>18</sup> Yesu me nɔ de pé tnô té yo pé tyí ne: «Yõtõrí pól ye ñmɔ gbò dahbɪ yínyõ ànê sétáh yõ sɔkɔ.

<sup>19</sup> Yé kyɪ kwlo kwlo pól névye pi ñmɔ tò sáhpúle, yè mó pè wel n wilki ni sɔkɔ Sú Liyel, ànê Pídí, ànê Liyel Mirki yin yõ.

<sup>20</sup> Máh tyi nónó kɔ sah yé kɔ, yè mó pè kwɔ séle pè kɔ pè séle n pi. Té ñmɔ kɪ me yéle sòmésó, fók kɪ kyɪ syɪ kèkõyó tyénó tyí.»

## Marki-á nìvìnì tir nê wārki Yesu tyí soko

### N yúpyé, yépi nóno-á sébē mēne n kar,

«Nê me Yesule?» Píkinyahno yó ye, no pól yīne pè pé gblǒy piki yah kéle. Wáh sǒ me Yesu pī di mónóle, képah náh pī, á náh n tyí noh yah pólle: No pól kí fē gbah tē à pī palle.- Sébē nê-á á tē yīn á gbò, képah kí píkinyahno mē yah yo n syah, kí Yesu dùkùle n wēki. Dí yó ye wārki kéle di mónóle. Kéne dí yīn ye sò Markile. Kè Yesu min pī dùkù tyíle n yo, ànê n tyípínìne, ànê n welole. Sépi n tyah n tyípínì tyí, à pò nò n kúnó ànê ní yúkúnó tyí. Képah n wēki ne, Yesu-á pò Liyel tǒrìle, té wáh fē syi n gblǒy tíkínmòno yò, névye pwáhnmo yīnne.

Kéne sébēne, Bibili tyah yó ye nê-á Liyel wey sébē ògbēne. Képah fí yó ye.

Yé kí fē kyí welo yísyó we, sé pínó kí me tah. Té pókónmòno me dùkù-à me, ké tyàh-nsah, kè ále n wēki ne, wáh kí fē wey mē yah yónó we sébē mē tyé-nsah soko.

Nte, wáh tē yīn nê kar kwlo, á kí yah te sébē tyé-nsah soko. Ké kèpikí wey wārki dùkù to me nēnpó, ànê ké wīn weyne.

Yé pól pī ne níké, nê-á tókù n ye «Lékám Pèpeyne», tókù òne n ye «Liyel Mírkile». Té, Liyel wey vīnmòno soko, yīn núkú ó ye kí fē yah tókò képah yīnne. Nte, áyáh «Liyel Mírkí» yah tókò, kè náh pī ne, képah sǒ á tókò kúmm yò dé! Á me ké tyí ne, yépi to lékámne á kǒ ké tyí yò. Ké ye dùkù yó lékám se me yé tyí, yé kí fē á kǒ?

A wil yīn mē tyí soko, wáh tir yó we sébē mē soko, té ké yo dùkù náh ple wīn wey soko áwo yah, gbah n tē kè yo á syah.

Liyel pèpòrì pī á tyí ké kàrnó soko.

### Wèlnwìlkì-ò Nsyǒ wey yónsàhnóle

<sup>1</sup> Liyel pī Yesu \*Krista nìvìnì wey sán tyàh-nsah ye yò.

<sup>2</sup> Sǒ-á kéle wárkínsàhnóle \*Liyel tēntǒ syínyo-ò \*Yesayi sébē soko ne:

«Yah, nímo Liyel kí ní tēntǒ névi tekì mo á yahle, à kí pò á wēkì tǒ sah á tyí.»

<sup>3</sup> Nnì yó yīnpǒ ye n doko gbēnni soko ne níké:  
«Yé Tē-ògbē wēkì tǒ sah,

yé kè pɪ tómm!»\*

<sup>4</sup> Káh wārku sah sɔ̄, sɛ̄ ye \*Wèlnwìlkì-ò Nsyɔ̄ pɔ̄ wil mɔ̄ gbɛ̄nnɪ sɔ̄kɔ̄. A tyah n yo n kɔ̄ névye tyí nɛ, pè pé nno vi mɔ̄, pè mó \*wèlnwìlkìnó wɛ. Képah sɔ̄kɔ̄, Liyel-á kɪ pé tyípêl yɔ̄ mɔ̄ pè kɔ̄.

<sup>5</sup> Képah tɛ̄nɛ, Yude kwlo névye pól, ànê tɔ̄ Yerusalemɪ névye pól sò̄ mɛ n pɔ̄ n pɔ̄ n tyí, n pɔ̄ pé tyípêl yo névye pól yí yah, té ǎ pè wel n wilki Yurdɛ̄ yɔ̄ sɔ̄kɔ̄.

<sup>6</sup> Té, Nsyɔ̄ sò̄ mɛ yǎhmìkì yè fwòmɔn mɔ̄, té n syĩ tɛ̄ sêl kɔ̄lɛ. N yòkele sò̄ sègblo ànê syĩri ye.

<sup>7</sup> A sò̄ mɛ n yo tówú tyí: «Névi nê-á kɪ n pɔ̄ n pi nímɔ̄ náh, nímɔ̄ ye gblò kal nímɔ̄lɛ. Nímɔ̄ tɛ̄ náh yĩnɛ mé kɔ̄ yĩn, n gbáhkì lékyêh sro dɛ.

<sup>8</sup> Nímɔ̄ ye yéle n wel n wilki ni sɔ̄kɔ̄, n̄tɛ nímɔ̄ kɪ pɔ̄ yé wel n wilki n pi \*Liyel Mírki sɔ̄kɔ̄.»

*Yesu wèlnwìlkìnó ànê n tɔ̄nmɔnɔle*

<sup>9</sup> Légbíne, Yesu wil Nasaretɪ kwil, Kalile sétáh yɔ̄, à pɔ̄ Nsyɔ̄ kɔ̄ à à \*wel wilki Yurdɛ̄ yɔ̄ sɔ̄kɔ̄.

<sup>10</sup> Té, wǎh n wil ni sɔ̄kɔ̄ gbí nêne, à yĩnyɔ̄ wɛ kè n ykɪ n mɔ̄, té \*Liyel Mírki tiki n yɔ̄, dàhyòkèpil sɔ̄.

<sup>11</sup> Légbíne, yĩnpɔ̄ yó n wil Liyel sɔ̄kɔ̄ nɛ níkê: «Áwɔ̄ ye nímɔ̄ nìdè Pi núkúnine. Á tyí nɔ̄ yíí ní tyí kègbɪlɛ.»

<sup>12</sup> Ké nénpó swɔ̄, Liyel Mírki à tɛ̄ yuku gbɛ̄nnɪ sɔ̄kɔ̄.

<sup>13</sup> A sèpìn tìkíniní pɪ nénpó sɔ̄kɔ̄. Té \*sétàn yòtɛ̄ pɔ̄ n̄nɛ n tɔ̄ n mɔ̄. A sò̄ mɛ gbɛ̄nkɔ̄ n̄yó sɔ̄kɔ̄, té \*yĩnyɔ̄ tɛ̄ntòbe mɛ n tɛ̄-n̄sahle n yah.

*Yesu yɛ̄nkɔ̄ tɛ̄pú népì n̄yêh ye*

<sup>14</sup> Képah náh, pè pɔ̄ \*Wèlnwìlkì-ò Nsyɔ̄ dah mɔ̄ wòkònpèkè sɔ̄kɔ̄.† N déntenɔ̄ náh wòkònpèkè, Yesu yuku Kalile sɔ̄kɔ̄, à kyɪ tyah nìvìnì wey sánne n yo n kɔ̄, nê-á wil Liyel tyí.

<sup>15</sup> A nɛ: «Gbí nê tyí-á sò̄ yo sah, kè mɛ de tɛ. \*Liyel tɔ̄rí mɛ yĩni tɛ̄ tɛ. Yé yé nno vi mɔ̄, yé mó sɛ̄ nìvìnì wey sán yó!»

<sup>16</sup> Wǎh sò̄ mɛ n kɔ̄ Kalile yó-n̄gbɛ̄ gbòpɔ̄ gbí nêne, à yɛ̄nkɔ̄ tɛ̄pú népì nímí wɛ, Simo, ànê n gbɛ̄ndí Andrele. Pè sò̄ mɛ yɛ̄nkɔ̄ tɛ̄ tɛ̄ m̄nɔ̄lɛ n min yɛ̄nkɔ̄lɛ n tɛ̄ yɔ̄ sɔ̄kɔ̄.

<sup>17</sup> A yo pé tyí nɛ: «Yé pɔ̄ nímɔ̄ náh. Mé kɪ yé pɪ névye tɛ̄púle Liyel tyí.»

\* 1:3 1.3 - Yah n tɛ Yesayi 40.3 sɔ̄kɔ̄. † 1:14 1.14 - Képah yah kɪ n yo n pi Marku 6.17 ànê 18 sɔ̄kɔ̄.

18 Nénpó swɔ, pè núkú pé yěnkɔ tẽ tẽ mnɔ sah, té ò sò tẽ.

19 Wǎh tǒ kɔ yuku yahle kwéy, à kyɪ Sebede wěnpǐ wɛ, Nsyakɪ ànê Nsyɔ̃nɛ. Pè sò me pé krótókè sɔkɔ, me yěnkɔ tẽ tẽ mnɔle n tǒ n sah.

20 Ké nénpó swɔ, à pépi tɔ ye yah. Pè núkú yal pé sú ànê ò tɔnpɪ tɔ krótókè sɔkɔ, té ò sò tẽ.

*Yesu tɛnwɛnɔle sétǎn yǒ*

21 Képah náh, wǎh nónó ye, à yuku péle Kapernayim kwil sɔkɔ. \*Mɪ mɪ yòh sóle, à kyɪ de \*Liyel ní-ńsah wòkò, à tyah névyɛle n kwɔ.

22 Nónó-á sò me ò wɛyɛ n nohnɪ, pé gbǎn du ò névyɛ kwónó dùkùle. Tir yó náh, kè náh sò me núkùle ànê \*Liyel ògbò wěkì kwópú tyíle. Nmɔ kwɔ dùkù sò me yòtǒrí kwónóle, képah ye.

23 Ké légbíne, kè pɔ yíne, dí yó sò me Liyel ní-ńsah wòkò, \*sétòle ò sɔkɔ. A me yuku gbo mɔ ne,

24 kwâh nê se à n yah n kǒ pépi tyí nɪ, Nasareti Yesu? A se pɔ pépi yíkí-ńsah nɪ? Páh pǐ ne, pi ké-á òne, òmɔ nê-á wil Liyel tyí.

25 Képah tɛne, Yesu dírí kǒ sétò mè yǒ, té yo ò tyí: «Á vyǎh vike, ò té n wil dí mè sɔkɔ!»

26 Képah sɔkɔ, sétò dí mè yike kègbɪle, té de syi náhnáh, té wil ò sɔkɔ.

27 Képah névyɛ gbǎn du. Pè tyah wěne n piki n yah ne, kwâh nê se sǐ nɪ? Kwónó késán yóle à n pɪ yòtǒrí sɔkɔ. A fɛ n wɛkɪ sétǎn tɔ yǒ, té sè n sah ò tyí yǒ.

28 Kéne ní yǒ, Yesu yǐn gbílkínó tǒ mɔ Kalile kwlo pól sɔkɔ.

*Yesu yámpú náhnáh de mɔ*

29 Páh yal \*Liyel ní-ńsah wòkò, pè núkú yǒ sɔkɔ de Simo ànê Andrepi gbò. Nsyakɪ ànê Nsyɔ̃ tɔ sò me péle.

30 Té Simo déysê sò me sɛnóle wílvyǎhnìne. Nénpó swɔ, pè me kè yo Yesu syah.

31 Wǎh kè noh sǐ, à nɔ de pi mè tɔ, té ò gbò tẽ à yilki sah. N wílvyǎhnì núkú tyɛ, à me yuku tyah pǐnne n pɪ pé tyí.

32 Gbǐyí-á de, névyɛ pé yámpúnɔ pól twah pɔ Yesu tyí, ànê \*sétǎn-á me dénóle nónó sɔkɔ.

33 Kwil névyɛ pól pɔ tuke mɔ kéne gbò yah sɔkɔ.

34 A me yámpú duke duke náhnáh de mɔ, té sétǎn náhnáh yǐni wilki, sǎh me de nónó sɔkɔ. Sè sò òne n pne, ne dùkù nê-á òne. Képah ye, à yahle ne, sè káh ne n wɛkɪ.

*Yesu Kalile kwlo pól kɔ kɔ*

<sup>35</sup> Séngbɔ́ púsó, tyah syĩ syĩ sɔkɔ, Yesu yuku wil wòkò. A yuku gběnni sɔkɔ, à kyi tyah Liyelle n ni.

<sup>36</sup> Képah sɔkɔ, Simopi yuku tyah ònne n yah n kɔ.

<sup>37</sup> Páh kyi à wɛ, pè à syah nɛ, névyɛ pól-á mɛ ònne n yah n kɔ.

<sup>38</sup> A mɛ yo pé tyí: «Á ye yuku gbòplo kwlo sɔkɔ. Mé yĩne mé nìvìnì wɛy sán yo nénpó to sɔkɔ. N pónó yò ye képahle.»

<sup>39</sup> Képah sɔkɔ, à kyi Kalile tàntàn pól sɔkɔ, mɛ Liyel wɛyne n yo n kɔ pé \*Liyel ní-ńtàn vì sɔkɔ, té mɛ \*sétanne n yini n wilki névyɛ sɔkɔ.

*Yesu tótě yó de mɔ*

<sup>40</sup> Só yóle, \*tótě yó nɔ de Yesu tnô, à gbètukunɔ di n yah, té à ni nɛ, wáh mɛ ké tyí, wáh kɔ fě pé de mɔ.

<sup>41</sup> Wáh yo sě, n yám Yesu tě. A mɛ n gbò tɔ n yò, à tũ n tyí, té nɛ: «Mé mɛ ké tyí, á kɔ de!»

<sup>42</sup> Nénpó swɔ, \*dú núkú à fin mɔ, à mɛ de.

<sup>43</sup> Képah sɔkɔ, Yesu núkú à tekɔ mɔ, té kè gbah yo n tyí nɛ,

<sup>44</sup> à noh yò, à káh kè yáh nɛ tyí dé! A kyi n gblɔyne \*sárká wìlkìpu yòtě wěkɔ. Nkě, \*Moyisi-á sò \*sárká nê tyí yo, tótám dénmonɔ tyí sɔkɔ, à mó képah wilki, nê-á kɔ no pól wěkɔ n pi nɛ, wáh de.

<sup>45</sup> Ntɛ, dí-á yal n tnô, tir nê-á pɪ n tyí, à kyi tyah kéle n yáh n kɔ no pól tyí. Káh pɪ sě, Yesu náh tɔ sò fě n gblɔy wěkɔ n pi kwil yó ńtě sɔkɔ. A sò mɛ gbɛ mɔ tě kwlɔlɛ, kégbó sɔkɔ, té névyɛ n wil tàntàn pól sɔkɔ, à n pɔ n pɔ n tyí.

## 2

*Yesu sèkùkù dí yó de mɔ*

<sup>1</sup> Sèpìn yísyó sókóntenɔ náh, Yesu n syi pɔ Kapernayim sɔkɔ. Névyɛ-á kè noh nɛ, wáh mɛ gbò,

<sup>2</sup> tówù yó tuke pɔ tyah fyáh. Tě-nsah ńtě náh sò mɛ kélé yah to sɔkɔ. Képah sɔkɔ, à tyah n wɛyne péle n kwɔ.

<sup>3</sup> Légbíne, nósýó pɔ n tyí sèkùkù yóle. Népì nyèh sò mɛ à twah.

<sup>4</sup> Té névyɛ tnónkàhnó tě tyí, pè náh sò fě nɔ n de n pi n tnô. Pè dɔkɔ gběntin yò, kye n mé-ńsah tírrle, té sèkùkù mɛ tiki mɔ kéne pwáhle n sě sě kwáh yò n yah sɔkɔ.

<sup>5</sup> Wáh kè wɛ, pè sě n yò sě, à yo sèkùkù mɛ tyí nɛ: «N pídí, á tyípèl ye yò mɔ n kɔ.»

6 Képah tēne, \*Liyel ñgbò wěkì kwópú nónó-á sò me tēnóle nénpó soko, pé tyah n sò ne,

7 sò se pi, té dí mè n wẹki sě ni? Liyel yĩn-á à n yuki. Ké névi se me ki fě tyípêl yõ mọ névi kõ, né Liyel náh ni?

8 Képah soko, wăh núkú pé foko sônɔ we sě, à yo pé tyí ne: «Sò pi, té yé foko sônɔle sě?

9 Nê tē dòdò kal, à yo sèkùkù mè tyí ne, n tyípêl-á yõ mọ à kõ, képah náh pi, à yuku, n sě sě kwâh tɔko ne n ko?

10 Nte, yé pĩ ne, tēnwɛnɔ-á me \*Névi Pi tyí, ki fě tyípêl yõ mọ névyé kõ, té à sah sétáh yõ.»

11 Képah ye, à yo sèkùkù mè tyí: «Mé kéle n yo á tyí, yuku, á sě sě kwâh tɔko, n ne n yuku á gbô.»

12 Nénpó swɔ, dí núkú yuku n sě sě kwâh tɔko soko no pól yí yah. Kè pé pól gbân du. Pè tyah Liyel yĩnne n gbilki, té me n yo ne, pé náh sěnkõ we yah.

### *Yesu Levi ye*

13 Képah náh, Yesu tõ n syi yuku Kalile yó-ñgbě gbòpɔ. Tówú pól sò me n pɔ n pɔ n tyí, à péle n kwɔ.

14 Wăh pɔ n soko, à Alfe pídí Levi we tēnóle mórí syí-ńsah wòkò. A me yo n tyí ne, à yuku pé sò tē. Levi mó yuku n sò tē.

15 Păh kyi tyah yòkele n yõ Levi tĩnne gbí nêne, mórí syípú, ànê Liyel wěkì kó-ńkěpú nahnáh sò me n yõ ñne, ànê n \*tò sáhpúle. Kéne névyé dùkù nahnáh ye sò me n sò tē, képah ye.

16 Képah soko, \*Liyel ñgbò wěkì kwópú nónó-á sò \*Farisiyēnɔle, pépi-á à we à me n yõ ànê kéne névyé dùkùle, pé yo n tò sáhpú tyí ne, kú se pi, té à n yõ mórí syípú, ànê Liyel wěkì kó-ńkěpúle fĩ núkú ni?

17 Yesu-á kéne wey noh sě, à yo pé tyí: «Névyé nónó-á me lènɔle, sènpɪ yétô se me pé tyí? Yámpú tyí náh sènpɪ yétôle di? Névyé nónó-á n sò ne, névyé tír tír-á péle, mé náh pɔ pépi ye yĩnne. Nte, nónó-á pĩ ne, tyípêl pípú-á péle, pépi yé-ńsah ye mé pɔ.»

### *Yesu-á nê yo níkì tēnó tyí soko*

18 Só yóle, \*Wèlnwìlkì-ò Nsyõ tò sáhpú ànê \*Farisiyēnɔ sò me níkì tē. Névyé me kyi Yesu piki yah ne, kú se pi, té Nsyõ tò sáhpú ànê Farisiyēnɔ tò sáhpú me níkì tē, té ñmọ \*tò sáhpú náh me sěntēne n pi ni?

19 Wăh képah noh sě, à yo pé tyí: «Yépi tě sōno soko, fúr pí-ò-á nónó ye, pè se kɪ fě fúr yōke yahle, té kɪ fúr pí-ò sah pé niyó? Pɛ tě-à fyò mɛ pé niyó, pé náh fě yōke yahle n pi.

20 Nte, gbí mɛ n pi, pè kɪ pɔ pɛ mɛ wilki pé niyó. Ké lésòle, pè kɪ pyě níkì tě.

21 Névi yó ntě náh fě fwɔ sán toko, à kɪ fwɔ dyàh min n pi. Wâh képah pi, fwɔ sán kɪ fwɔ dyàh kú-ńsah téy yɔɾɪ yɪkɪ ntɔ, ké pwàh kɪ gbɛ mɔ.

22 Anê tɔ, névi náh fě ðivě sán mɔ n pi pley di soko. ðivě sán-à fũ, kè kɪ pley nɔpi sɛkɪ. ðivě kɪ kwɛ, pley tɔ kɪ yɪkɪ. Képah ye, ðivě sán ye yĩne mónóle pley snó soko.»\*

*Yesu-á nê yo mi mi yòh tyí soko*

23 \*Mɪ mi yòh só yóle, Yesu ànê ò tò sáhpú sò mɛ n kɔ n kah sɛmukɔ swěy yísyó soko. Képah soko, ò tò sáhpú tyah sɛmukɔ ywòle n kòlɪ n yuku wěkì yah.

24 \*Farisiyěno-á képah wɛ sě, pè tyah Yesule n piki n yah nɛ, à yah, kú se pi, té tir nê náh yĩne pínóle mi mi yòh sóle, ò tò sáhpú kéle n pi ni?

25 A mɛ yo pé tyí: «Kwɛkɪ-á lésò \*Davidi ànê ò náh névyɛ kah tě só nêne, té yōke wé-ńsah náh mɛ pé tyí, pãh nê pi, yé náh kè kar yah di?

26 A náh sò de Liyel wòkò soko di? Búrn nónó-á sò sàhnóle Liyel tyí yō, à náh sè toko tah, té ò náhtãh tɔ kɔ pè tah di? Ké légbíne, Abyatar ye sò \*sárká wílkɪpu yòtě ñgběne. Té névi yó ntě náh sò yĩne búrn nɔpi táhnóle, né sárká wílkɪpu yòtãm náh.»†

27 Képah náh, Yesu tɔ yo pé tyí: «Mɪ mi yòh ye sah névi yĩnne, ñte névi náh mɔ mi mi yòh yĩnne.

28 Képah ye, \*Névi Pi pi mi mi yòh ntě yòtěne.»

### 3

*Yesu dí yó de mɔ mi mi yòh sóle*

1 Képah náh, Yesu ò syɪ de \*Liyel ní-ńsah wòkò yó soko. Ké nénpó soko, dí yó sò mɛ gbòle kúnóle.

2 \*Farisiyěno mó tyah Yesule n yah, wàh kɪ ntyĩno à de mɔ n pi \*mi mi yòh sóle, pè mó lékàh wɛ à kɔ.

3 Képah soko, Yesu mɛ yo gbònkù dí mɛ tyí nɛ, à yuku n pɔ yĩn névyɛ niyó.

\* 2:22 2.22 - Pè sò ni ànê wɔ wɔ yíle n mɔ pilki soko ñgbòle. † 2:26 2.26 - Yah n te 1 Samuwel 21.2-7 soko.

4 Tě no piki yah: «Tir nê wěkì me kǎnóle mī mī yòh sóle: Pèpɔɔ se yīne pínóle, tĩ pèkè se? A névi wilki kũ sɔkɔ, tĩ à tẽ ko mɔ?» Nte, pè náh tir yó yo.

5 Képah sɔkɔ, wáh pè yah yah yésyêhle fòkònyàhni sɔkɔ, n̄ yah kwɔ pé kùkùtáhkì tẽ tyí. A me yo dí mè tyí: «Á gbò tǒ!» A me n̄ gbò tǒ, kè núkú pɪ ké vile.

6 Farisiyēnɔ-á képah we sɛ, pè yuku wil kéné Liyel ní-ńsah wòkò sɔkɔ, à núkú kyɪ wě tuke mɔ ànê yòtẽ dí \*Yerɔdi náh névyele Yesu tyí sɔkɔ, páh kɪ pɪ sǒ, té à we n ko n mɔ n pi.

### *Tówú ñgbě yó pɔ Yesu tyí*

7 Képah náh, Yesu ànê n̄ \*tò sáhpú yuku Kalile yó-ñgbě gbòpɔ, té tówú ñgbě yó sò me n̄ sò tẽ. Pé tókù n wil Kalile, tókù mó n wil Yude,

8 ànê Yerusalemɪ. Tókù n wil Yidume, tókù n wil Yurdě yónkahnune. Tókù mó n wil Tiri ànê Sidǒ gbòplo kwlo sɔkɔ. Kéné tówú ñgbě ye kyɪ wil n̄ tyí. Pè sò n̄ tyípinó noh, képah yīn ye.

9 Káh pɪ sɛ, Yesu yo n̄ tò sáhpú tyí ne, pè krótókè yó tǒ sah pé kǒ, tówú káh pɔ pé fyáh.

10 Wáh sò me névyele náhnáhle n de n mɔ, yámpú pól sò me n to n tuke n̄ yǒ ne, pé we tũ n̄ tyí.

11 Tě \*sétàn-á sò me nónó sɔkɔ, páh à we, pè pé gbètukunole n di n pɔ n̄ yah, té n yo n̄ tyí dénsyino sɔkɔ ne, Liyel pi-á ñne.

12 Képah sɔkɔ, à dírí kǒ pé yǒ, té ne, pè káh pé dùkùle n yo.

### *Yesu népí gbõnimí yah wilki pɪ n̄ tò sáhpúle*

13 Só yóle, Yesu dɔkɔ yǒh yó yǒ, té wáh sò me nónó tyí, à pè ye. Pè pɔ n̄ tyí.

14 Sɛ ye sò, à yah wilki kène népí gbõnimíne, à pɪ n̄ tǒnpɪbɪle. Ne, pè ne n me pé tnô, pé ne n we n tǒ pé wey pèpɛy yo n kǒ yīnne.

15 Tě tēnwɛnɔle pé kǒ nê-á kɪ fɛ \*sétàn yīni n wilki n pi.

16 Népí gbõnimí nópi yīni we yò: Simole, Yesu ñmɔ yīn sah Pyerɪle.

17 Nsyakɪ ànê n̄ gběndí Nsyõne, pépile, Sebede wěnpí ye sò. A pépi yīn sah Gbanersyesile, ké yǒ ye «nónó-á gběnséntáhkì sǒ».



18 Andre to sò me, ànê Filipe, ànê Bartelemi, ànê Matye, ànê Toma, ànê Nsyaki, nê-á Alfe pídine. A tahlı Tade, ànê Simole, nê-á sò n̄ sú fǒ yǒ yǒpu soko yóle,

19 ànê tǒ Yisikaryoti Yudasile, nê-á po vi Yesu náh.

*Yesu gbôtǎn po ne, páh ñne n tē n soko*

20 Képah náh, Yesu de gbô. Tówû tǒ tuke n̄ yǒ. Wró n̄tē náh sò me ñm̄o ànê n̄ \*tǒ sáhpú tyí yǒke yǒ yǒ tēne.

21 N̄ gbôtǎn-á képah noh sē, pè yuku wěkì tē ne, páh kɪ kyɪ à tē, té n yo wē tyí ne, n̄ lékám-á fēkì, wǎh kah m̄o.

*Yesu n̄ tyí kàhnó yáhnkǒpu yahle n yo*

22 Légbine, \*Liyel ñgbô wěkì kwópú nónó-á wil Yerusalemı soko, pépi ne níkē, \*sétǎn yǒtē Belsebul-á me Yesu soko. Nm̄o táhkì-á à kǒ, à tē we \*sétǎnne n yīni n wilki névye soko.

23 Képah tēne, à pé ye, té tyah n wekɪ pé tyí sèmirn soko: «Sǒ me sétǎn yǒtē kɪ fē n̄ gblǒy yīni wilki névi soko?»

24 Yǒtǒrí núkú névye-à tyah wēne n fwo, kéne yǒtǒrí náh n mo n pi.

25 Kéte nê névye-à tyah wēne n fwo, kéne kéte to náh n mo n pi.

26 Sēntē ó ye, sétǎn yǒtē-à yuku, à n̄ táhkì tokɪ, à tyah wēne n fwo, n̄ yǒtǒrí kɪ yɪkɪ, kè náh n mo n pi.

27 Névi yó n̄tē náh fē de n pi kètēnpe táhkì wòkò, kɪ n̄ gbǎn yī tokò, né à náh à tē pukubi. Wǎh à tē pukubi te gbí nēne, à kɪ pyē n̄ wòkò yī kwel.

28 Mé kéle n yo yé tyí kègbɪ yǒ: Névye-á tyípél nónó pólle n pi, ànê Liyel gbyónó pólle, sè kɪ fē yǒ m̄o pè kǒ.

29 Nte, névi nê-à \*Liyel Mírki gbyo, kè náh n yǒ n mo n pi n̄ tyí pólle. A kɪ wū ké soko.»

30 A képah yo sē pé tyí, páh sǒnpí yo ne, sétǒ-á me n̄ soko.

*Nónó me Yesu pi n̄ yú ànê n̄ yúpyéle*

31 Képah náh, Yesu-á sò me n̄yǎh, n̄ yúpyé ànê n̄ yú po yīni tē kéne gbô yah, té ne tekɪ m̄o à kyɪ à ye.

32 Tówû sò me kǒ tē Yesu m̄o gbí, té pè yo n̄ tyí ne, à noh yò, n̄ yú, ànê n̄ yúpyé-á me kègbó. Pǎh me ké tyí ne, pé à wē.

33 A me yo pé tyí: «Nê me n̄m̄o yúne, ànê nónó me n̄ yúpyéle?»

34 Képah náh, névye nónó-á sò me tē à m̄o gbí, à yǒ pè yah kore vi, té yo: «Yé yah, n̄m̄o yú, ànê n̄ yúpyé me ásô.

<sup>35</sup> Névi nê-á Liyel nìvìle n pi, òmò ye òmò yúpi, ànê ní yúne.»

## 4

### *Sèmukò mîr-ò sèmìrkìle*

<sup>1</sup> Só yóle, Yesu tǒ me tyah névyele n kwò Kalile yó-̀ngbē gbòpò sòkò. Tówù ògbē yó pò à mò gbī. Pè tnónkàhnó tē tyí, à de kǒ tē krótókè yó sòkò. Krótókè mē sǒ me yò sòkò, té tówù pól me tēnóle yóngbalì.

<sup>2</sup> A sǒ me péle n kwò tyi náhnáhle sèmìrn sòkò, me n yo pé tyí ò kwónó sòkò ne:

<sup>3</sup> «Yé noh! Só yóle, dí yó sǒ kyì ò swāh, sèmukò mîr-̀nsah.

<sup>4</sup> Wāh me mîrnó sòkò, yísyó syíkùlì wēgbalì sòkò, kèpye pò sè yò.

<sup>5</sup> Yísyó me syíkùlì yen kwéy tē-̀nsah légbí yǒ, té fi súú. Yen gbì nāh sǒ me nénpó, képah ye.

<sup>6</sup> Ghī-á pò vyāh sè tē, sè kòkò. Yāhnì gbì nāh sǒ me sé tyí, képah ye.

<sup>7</sup> Yísyó me kyì syíkùlì pān nìyó. Pān nópi me yuku fyāh sé yǒ, sè nāh tē we pye pi.

<sup>8</sup> Nte, yísyó kyì syíkùlì sétáh pèpèy sòkò. Sépi me fi, à kyāh palle. Túkù pyenò yōgbām pi, túkù tikitǒnì pi, sé túkù mó lèkwě pi.»

<sup>9</sup> Képah nāh, à tǒ yo pé tyí: «Níkí-á kù me nê tyí noh noh tēne, tē ò níkí sah noh.»

### *Yesu sèmìrn yáhnó yǒle*

<sup>10</sup> Yesu-á yal tówù tnǒ gbí nēne, nónó-á òkēne ne me òne, pépi ànê ò \*tǒ sáhpú népì gbǒnimí me òne n piki n yah sèmìrkì mē yǒle.

<sup>11</sup> A mó yo pé tyí: «\*Liyel tǒrí tyi nónó-á wǒbìnóle, sé pnèné ye yépi tē wò kǒ, òte kégbó névye tyí, tyi pól n yo sèmìrn ó sòkò.

<sup>12</sup> Képah sòkò, pè kù n yah díkidíkí, té pè nāh kwāh yó we n pi.

Pè kù n nohnì, té pè nāh tir yó pī n pi.

Né képah nāh pi, pè nāhkù pé pi òkù vi mò, à pé gblǒyne

Liyel kǒ, té nāhkù pé tyípèl yǒnmòwò we.»\*

### *Yesu sèmukò mîr-ò sèmìrkì yǒle*

<sup>13</sup> Yesu tǒ yǒ sòkò yo pé tyí: «Yé nāh sèmìrkì mē yǒ pī di? Nte, yé kù sèmìrn téló yǒ pī sǒ?»

\* 4:12 4.12 - Yah n te Yesayi 6.9 ànê 10 sòkò.

14 Sèmuƙo mír-òle, Liyel wey ye à n mir.

15 Té névyé túkù με, á kɪ ne wěgbalı sɔ̃, wey-á mir mo n̄yāh sɔkɔ: Pépi-à wey mē noh, nénpó swɔ, \*sétān yòtē n pɔ wey mē wilki pé fɔkɔ.

16 Túkù tō me légbí tē-nsah sɔ̃. Pàh wey mē noh, pē kè fē n syi n̄vìn̄n̄e.

17 Té pè nāh n ye wey mē yāhn̄n̄e n mo pé sɔkɔ. Nénpó swɔ névyé ye péle. Képah ye, kwlónó-à pè yīni tē, képah nāh pɪ, névi-à pè fōh Liyel wey yīnne, pē pé nāh vi súú Liyel wey kō̃.

18 Túkù mó tō me, á kɪ ne pān tē-nsah sɔ̃. Pàh wey mē noh,

19 kèkōyó tyi fɔkɔ sōnɔ, ànê tahrɪ ànê tyi nāhnāh dékè n de pé sɔkɔ. Sépi n pɔ wey mē fyāh, kè nāh n tē n we pyele n pɪ.

20 Névyé túkù mó me, á kɪ ne sétáh pèpɛy sɔ̃: Pépi-à wey mē noh, pē kè fē n syi, n̄ té pye pɪ. Túkù pyenɔ yōgbām pɪ, túkù tikitōnɪ pɪ, túkù n mó lèkwě pɪ.»

*Fòtnò ànê sāh sāh dú sèmirkìle*

21 Képah nāh, à tō yo pé tyí: «Névi se kɪ fē fòtnò soh, té kɪ dú kwīnki mo ké yah, képah nāh pɪ, kɪ kè dah mo sē sē kwāh sètāhkì sò? A nāh kè dɔkɔ n mo n pi ké sāh-nsah di?

22 Tir yó n̄tē nāh me wōbìnóle, nê nāh n wilki n mo n pi kégbó. Sètīn sò tir yó n̄tē nāh n wū n pi wěkí-ńkēne.

23 Níkí-à me nê tyí noh noh tēne, tē n̄ níkí sah noh!»

24 Té tō n̄ syi yo pé tyí: «Yáh tyi nónónne n nohnɪ, yé séle n kyomɪ palle. Yáh no téló tyíle n sāh dú nēne, Liyel kɪ yépi tɔ tyí sāh n pi kéne dú núkúle, té dòhn̄n̄ó n̄tē kɪ we yépi tyí yō.

25 Kwāh-á me névi nê tyí, dòhn̄n̄ó kɪ pɪ n̄ tyí yō n̄tō. Té, névi nê tyí kwāh nāh me, kwéy nê-á me tē tyí, képah tɔ kɪ tē syi n̄ tyí.»

*Sèmirkì nê-á yāh sèmuƙo finó tyí yō*

26 Képah nāh, à tō yo pé tyí: «Yé yah, kwāh nê-á \*Liyel tǔrɪ kètòle: Kè me, á kɪ ne d̄í yó sɔ̃ nê-á sèmuƙo mir n̄ swāh sɔkɔ.

27 A me n dɔ ò, à me n yah ò, lékāh ànê ké gb̄ntō, sèmuƙo n ne me fi, n ne n kyāh, à nāh ké dùkúle n pne.

28 Sétáh ye sèmuƙo mē kō̃ kè fi ké gbl̄oy. Sè kètuke wil à pɔ dubi pɪ ywōle, à yí pɪ.

29 Sāh fyò ko te, sèmuƙo tɔkɔ gbí-á nɔ, à yēnkwěkì tɔkɔ kyɪ tyah séle n kō̃.»

*Mútárdi pi sèmìrkìlè*

30 A tǒ yo pé tyí: «Á kɪ fě kwâh nê tɔkɔ kɪ \*Liyel tǒrí òkù wěkɪ? Képah náh pɪ, sèmìrkì nê me mé kɪ yǎh kɪ yĩne kéle?»

31 Kè me, á kɪ ne mútárdi pi sǒ tyí. Kè yilɔ kal sèmuƙo duke pólle.

32 Té, pàh kè duku, kè n yuku n pɔ n pɔ yòhkì ògbène n kal sèmuƙo duke pólle swâh sɔkɔ. Nte, yǐngbàn gbekɪ dò, kèpye kɪ fě pɔ syè pɪ ké sɔkɔ.»

33 Sě ye Yesu n kwɔ névyele sèmìrkì mè duke nàhnáh sɔkɔ. A sò me séle n yǎh n yĩne sé nòhnìpu pĩ pĩ tēne.

34 A náh sò n yǎh pé tyí sèmìrn mí-nkēne. Té, pàh me pé yahle, òmɔ ànê n \*tò sáhpúle, ǎ sé pól yah yo n dal n mɔ pé tyí.

*Yesu yáhpékè yó yĩn mɔ yó-ògbè sɔkɔ*

35 Ké lésò nívine, Yesu yo n \*tò sáhpú tyí ne, pé ye, pé yuku yó-ògbè kahnine.

36 Képah sɔkɔ, pé me yal tówú tnô. Wǎh sò me krótókè nê, n tò sáhpú sɔkɔ òne képah sɔkɔ. Té krótónenó yísyó tɔ sò me òne.

37 Dǒ, yáhpékè yó kǒ, à nine n tɔkɔ n mɔ krótókè sɔkɔ pópó, kè pɔ n tyah yúkúnóle nine.

38 Té légbine, Yesu sò me sě tē n do krótókè sɔkɔ náh òinne, té me n yò sah yòsah yò. Képah sɔkɔ, n tò sáhpú kyɪ à yilki mɔ, té yo n tyí ne, kwó-ò dí, yó-á n tyah pé yónóle, kè kó me tirlè òmɔ tyí nɪ?

39 Wǎh do yuku, à díri kǒ yáhkí yò, té yo yo tyí: «Yĩn! Tě syísyí!» Yáhkí núkú yĩn, tyah pɪ súmm.

40 A me yo pé tyí: «Kú pɪ, té tíkí yé tē sě? Yé náh tǒnì sě n yò dí?»

41 Képah tēne, tíkí me pé kah tē. Pé tyah wēne n piki n yah ne, ne òkù nê se dí mēne, té yáhkí ànê yɔ tɔ n sah n tyí yò nɪ?

**5***Yesu sétàn yĩni wilki dí yó sɔkɔ*

1 Képah náh, pé kyɪ yĩni tē Kalile yó-ògbè kahnine, Yerasa tǎn sétáh yò.

2 Yesu-á fyò n tiki krótókè sɔkɔ, nénpó swɔ, dí yó wil léyâil wró, à pɔ à yohnu. \*Sétò sò me kéne dí sɔkɔ.

3 A sò me tẽnóle léyâl wró. Névi náh sò fě à pukubi n sah n pi kěy fyéle pólle.

4 Kèyáhle, pè níkěne kârn mo ò gbyêh tyí, ò té kěló mo ò gbân tyí, té à kârn kwòkì, ò té kěló kòh. Kâh pì sě, ké tãhkì náh sò me ònî yó òtě sòkò, kì fě à tě sah.

5 Ké lékâh, ké gbintò, à sò níkěne n ne n kò n kò léyâl wró ànê ymo sòkò, n ne n de n syi, ò gblòyne n pì n yo n kò dyêhle.

6 Té, wãh Yesu we fíi sòkò, à to pò gbètukunò di ò yah.

7 Té de syi yínpò òngbène ne, Yesu, pé yòtah Liyel pi, kwâh nê se à n yah n kò pé tyí nì? Páh òne n ni Liyel yìn yò, à káh pé fòh.

8 Yesu sò me n yo sétò mè tyí ne, à wil dí mè sòkò, képah ye.

9 Té me à piki yah ne, ò yìn se sò? A me ne, pé yìn-á Méfwóbé Kwĩnkile. Páh me dò, képah-á.

10 Té me à gbah ni ne, à káh pé yìni wilki kwil mè sòkò.

11 Ké nénpò sòkò, sel kwĩnki yísyó sò me n yah n yò n kò yòh yò.

12 Sétàn nópi Yesu ni ne, páh kì wil dí mè sòkò, à ye pé kò, pé de sel nópi sòkò.

13 A me ké wèkìle sè kò. Légbíne, sè me wil dí mè sòkò, té kyì de sel nópi sòkò. Sel kwĩnki ye sò séle, sè kì fě no sel kèyò kénkòle, té me táyò. Sè núkú to tiki tükùtükù, à kyì de yò-òngbè sòkò, kè kò kè sè yò.

14 Kâh pì sě, sel nópi fěpu to sòkò kwil niyò, ànê gbno sòkò, à kyì ké dùkù yo kò no tyí. Képah tène, névyè pò ké nénpò, à pò ké dùkù yah, sò-á kè pì.

15 Pè kyì Yesu tnò, té kyì dí mè we, nê-á sò sétàn kwĩnkile déntẽnóle ò sòkò. A sò me flo mo kò tě, té me tírr névyè tyí kòle. Kâh pì sě, tíkì pè tě.

16 Tir nê-á pì sétàn nédéné sòkò ànê sel tyí, sé wépu tyah séle n yãh pé tyí.

17 Képah sòkò, kwil tãn tyah Yesule n ni ne, à yal pé kwil sòkò.

18 Kâh pì sě, Yesu-á n dokò krótókè sòkò gbí nêne, sétàn-á wil dí nê sòkò, à tyah òne n ni ne, à ye pé kò pé ò sò tě.

19 Nte, à náh ké wèkìle à kò, té me yo ò tyí: «Á syi n kyì gbò! Tě-òngbè-á ò nìgbèkì sòkò pèpòrì òngbè nê pì á tyí, ò kyì ké yah yo pé tyí!»

20 Dí mó ítyĩno ò syi kyi kéle n yo n kō Kwlogbām kwil sétáh yō, tir nê-á Yesu pi ò tyí. Nónó pól-á kéle n nohnú ò tyí, pé gbàn du.

*Yayirusi písê yilkínmōno, ànê pi nê-á tū Yesu fwòmōn tyí*

21 Képah soko, Yesu-á yīni tē yó-̀ngbē kahnune krótóké soko, à sò me yóngbalú soko, té tówú òngbē yó pò à mō gbī.

22 Légbíne, \*Liyel ní-̀nsah wòkò yòtē yó yīni tē nénpó, nē yīn-á Yayirusile. Wǎh Yesu wē, à gbètukunò di ò yah,

23 té à gbah ni nē, pé písê lépír-á me n tyah kúnóle. Páh ònne n ni, à pò kyi ò gbàn sah ò yō. Képah-à pi, wǎh kí dē, té kí min wē.

24 Képah soko, Yesu me yuku ònne. Té tówú òngbē sò me ò sò tē, me à fyǎh sah ywō ywō pólle.

25 Nénpó soko, sē yó sò me náhle n yo tyé-̀ríkēne ye gbōninó.

26 A sò kah kwlo kègbule ò gblōy mónó soko sènpibú náhnáh tyí. N gbàn yī pól sò tyē, té kè náh kwáh wilki ò yam soko. Kè pyē me gbē óle n gbē mō.

27 Pi mē-á Yesu tyí noh nýǎh soko, à de tówú niyó ò náh fínne, à kyi tū ò fwòmōn tyí.

28 A sò me n sō ò foko soko nē, páh náhkí wē tū ò fwòmōn ó tyí, pé nýǎn-á náhkí tyē.

29 Wǎh mó núkú tū ò fwòmōn tyí, nénpó swò, ò náh yónó tyē. A kè kyomí wē ò wil soko nē, páh dē.

30 Nénpó swò, Yesu pī nē, táhkí yó-á wil pé soko. A me ò yah vi tówú niyó, té piki yah nē, nē se tū pé fwòmōn tyí ni?

31 N \*tò sáhpú me yo ò tyí nē, à kó me n yah tówú à mō gbī, me à fyǎh sah ywō ywō pólle, té à tō me n piki n yah nē, nē se tū pé tyí ni?

32 Nte, Yesu me vi ò gbòplo névye yah. A sò me ké tyí nē, pé ké pí-ò wē.

33 Képah tēne, pi mē wil n syah tíkí tyí. Nmō sò pī tir nê-á pi ò soko. A yuku kyi gbètukunò di Yesu yah, té ké gbí yo dal mō à syah.

34 A mó yo pi mē tyí: «N písê, nímo yō sēnó ye ò dē mō. Nē n yuku yèviní soko, á nýǎn tyē.»

35 Wǎh me képah yónó soko sē, tēntò yó wil Liyel ní-̀nsah wòkò yòtē dí gbô, me pò n yo kéne dí tyí nē, ò písê-á ku. Nkē, yō se tō me ké tyí, à tō kwò-ò díne n kwlo ni?

36 Té Yesu náh ò níkí sah képah tē noh pé tyí, té me yo Yayirusi tyí: «Káh tíkí pi, sē ó sē ní yó!»

37 Képah tẽne, pãh n sɔkɔ, à nãh fẽ syi ne n sò tẽ, à wil Pyeri ànê Nsyaki ànê n gbẽndí Nsyõ tyí sɔkɔ.

38 Pãh kyı de Liyel ní-ńsah wòkò yòtẽ dí gbô, Yesu kyı névye we, pé me n gbo n mir n kɔ, me n de n syi.

39 A me de wòkò, té yo pé tyí: «Kû pi, té ye n gbo n mir n kɔ sẽ? Piri nãh ku. Dónó ó ye à n dɔ.»

40 Névyé-á képah noh, pè tyah kóle ñne n ko. Képah sɔkɔ, à pé pól wilki wòkò sɔkɔ. Té piri sú, ànê n yú, ànê n tò sáhpú népî tǒmí ó de ñne piri mé-ńsah wòkò.

41 A me piri gbò tẽ, té yo n tyí pé kwil wey sɔkɔ: «Talita kumi!», nê-á pè n ye: «Pípír, mé kéle n yo á tyí, yuku!»

42 Ké nénpó swɔ, piri yuku tyah n kɔ. Kãh pi sẽ, kè névyé pól gbàn kah du. Légbíne, n ye gbõninó ye sò.

43 Té Yesu me ké gbah yo pé tyí ne, pé káh ye névyé pĩ ké sɔkɔ, nkẽ, pè mó yòkele à kɔ à yõ.

## 6

### *Nasareti kwil névyé nãh sẽ Yesu yõ*

1 Yesu-á yal ké nénpó, à kyı ànê n \*tò sáhpúle, wãh sò kyãh kwil nê sɔkɔ.

2 \*Mı mı yòh só-á nɔ, à kyı de \*Liyel ní-ńsah wòkò, à tyah névyele n kwɔ. Nónó-á sò me n nohnı n tyí, pé náhnãh gbàn du. Pè tyah n yo wẽ tyí ne, ńyãh se à we kéle, nê se à kɔ kéne lékãm ànê tẽnwenɔle, à fẽ gbıl mè dùkùle n pi nı?

3 Nkẽ, ñmɔ kó sésãn sé-ò mène, Mari pídíne nı? N yúpyé kó Nsyaki, ànê Yose, ànê Yude, ànê Simole nı? Nmɔ dósýó kó pé pól wró sɔkɔ ásô nı? Képah sɔnɔ ye pè kɔ, pè nãh sẽ n yõ.

4 Képah sɔkɔ, à me yo pé tyí: «\*Liyel tẽntò syíno-ò me gbılkinóle névyé pól tyí, à wil n súfó, ànê n no, ànê n kététan tyí sɔkɔ. Pépi ye ñne n yilo.»

5 Képah ye Yesu kɔ, à nãh fẽ gbıl yó ńtẽ pi pé tyí, né yámpú yísýó ó yõ nãh. A n gbò sah pé yõ pè kɔ pè de.

6 Té, n kwil névyé-á yahle sẽnóle n yõ sẽ, kè n gbàn du.

### *Yesu n tò sáhpú népî gbõnimí tǒ*

Képah nãh, à yuku gbòplo kwlo sɔkɔ, à kyı névyele n kwɔ n kɔ.

7 Képah sɔkɔ, à n \*tò sáhpú népî gbõnimí ye, té tyah péle n tǒ nimí nímíne. Té tẽnwenɔle pè kɔ \*sétan yõ.

<sup>8</sup> Té me kè gbah yo pé tyí ne, pàh n sòkò pé kóló sòkò, pè káh kwàh yó rítě tòkò, à wil pé kò kò lépló tyí sòkò. Pè káh yòke tòkò, pè káh pilki tòkò, pè káh pò tòkò dah mò pé yò.

<sup>9</sup> Pè lékyèh wò dyi, té pè káh fwòmòlòno nínó nínó mò.

<sup>10</sup> Té tò yo pé tyí: «Yàh kyi kwil yó sòkò, té twah nê tyí, yé tẽ nénpó, kè pò no yé yálnó tyí.

<sup>11</sup> Kwil nê névye-à kyi yahle ne, yé káh twah pé tyí, té yahle yé wey nóhnóle, yàh n wil kéne kwil sòkò, yé yé gbyèh nèngbò kwer n kwe nénpó. Képah kɪ pɪ gbáhdýáh dínsàhnóle pé tyí.»

<sup>12</sup> Képah sòkò, n tò sáhpú me sòkò, à kyi tyah n yo n kò no tyí ne, pè pé nno vi mò.

<sup>13</sup> Pè sò me sétàn náhnáhle n yini n wilki névye sòkò, té me yámpú náhnáhle n de n mò, pàh niri tuke te tẽ tyí.

### *Wèlnwìlkì-ò Nsyõ ku dùkùle*

<sup>14</sup> Légbíne, yòtẽ dí \*Yeròdi sò me Yesu tyípínóle n nohni, tir yó náh, n yin sò me n gbilki ywõ ywõ pól sòkò. Túkù ne nkẽ, \*Wèlnwìlkì-ò Nsyõ-á nne, wáh n syi wil lékyí wró, à pò. Képah-á à kò, à tẽ we gbìlnóle n pɪ.

<sup>15</sup> Té, túkù mó ne, \*Yeli-á. Túkù tò ne, \*Liyel tẽntò syínyo-ò yó-á, nḡbò Liyel tẽntò syínyo-ò sò.

<sup>16</sup> Yeròdi-á sépi pól yónó noh sě, à ne, Nsyõ-á, páh sò pè kò pè n yò kām, té wáh n syi yuku gbáh!

<sup>17</sup> Kègbi yò, Yeròdi sò pè kò ne, pè Nsyõ tẽ pukubi dah mò wòkònpèkè sòkò. Yeròdyadi yin ye à kò, à képah pɪ. Yeròdi sò pi mè tòkò kyile. Té n gběndí Filipe kyi ye lésò nne.

<sup>18</sup> Nte, Nsyõ ye sò ké gbile n yo Yeròdi tyí ne, à náh yine à n gběndí kyi tòkò.

<sup>19</sup> Káh pɪ sě, Yeròdyadi sò me Nsyõ dyòle n yò, me n kònmò-nsahle n yah n kò. Nte, à náh me ké syõ-nsah we.

<sup>20</sup> Yeròdi sò me Nsyõ yòle n syiki, képah ye. A sò me n tiki n pɪ. A pɪ ne, wáh me tírr pi kéne Liyel yah. Wáh sò n welòle n nohni, ké n fòkò fěki. Té, n welò tyí sò kah no n tyí.

<sup>21</sup> Képah sòkò, Yeròdyadi pò syõ-nsah yó we, Yeròdi dúbínó yòh vìnponò syáh syah sòle. A sò n tórí sòkò né-ḡbno ye, ànê n méfwóbé yòtāmne, à tahlɪ Kalile yòtām pól tyí, té yòke nḡbè pɪ pé tyí.

<sup>22</sup> Képah sòkò, Yeròdyadi písê de kyi yò yi pé mé-nsah wòkò. Káh pɪ sě, n tyí no Yeròdi ànê n náh névye tyí. A me



yo pípír tyí ne, wàh kɪ me kwáhdúkú nê tyí, à kè yo, páh kɪ kéle à kǒ.

23 Té n̄ wo n̄ tyí ne, wàh kɪ kwáhdúkú nê tyí yo, páh kɪ kéle à kǒ, kàh kɪ sǒ pɪ pé yòtǒrí tónine.

24 Wǎh yo sě, pípír me wil kyɪ n̄ yú piki yah ne, pé se yĩne pé kwáh nê tyí yo nɪ? N̄ yú mó núkú à syah ne, à kyɪ yo n̄ tyí ne, à Wèlnwìlkì-ò Nsyǒ yòle pé kǒ.

25 Képah tǎne, pípír núkú n̄ syɪ súú, à pɔ yo yòtǎ dí tyí ne, à pɔ pé kǒ Wèlnwìlkì-ò Nsyǒ yòle yěvíkì sɔkɔ núkúnúkú yò.

26 Wǎh yo sě, kè pɪ yèkwɔrɪle yòtǎ dí Yerɔdi tyí kègbɪle. Té, à náh sò me ké tyí ne, pé pé vyǎh vi pé wónó yinne pé náh névye yí yah.

27 Nénpó swɔ, yòtǎ dí núkú n̄ tyah syíkípú sɔkɔ ne yó tekɪ mɔ ne, à kyɪ Nsyǒ yò kām pɔ. Kéne dí mó kyɪ Nsyǒ yò kām wòkònpèkè sɔkɔ,

28 té pɔ kéle pípír kǒ yěvíkì sɔkɔ. A mó kyɪ kéle n̄ yú kǒ.

29 Nsyǒ \*tò sáhpú-á képah noh sě, pé pɔ n̄ lékó tɔkɔ, à kyɪ yí léyǎkì sɔkɔ.

*Yesu népí kèyǒ n̄nó kyegbām kǒ yòkele*

30 Képah náh, Yesu tònpiɪ pé syɪ pɔ n̄ tnô, à pɔ pé tyípinì ànê pé névye kwɔ dùkú pól yo à wǎkɪ.

31 Té légbíne, pópú ànê sókópú sò me dò. Yòke yò yò wró n̄tǎ náh sò me Yesu ànê n̄ \*tò sáhpú tyí. Kǎh pɪ sě, à yo pé tyí ne: «Yé pɔ, á yuku gbòpɔle, yé kyɪ mɪ yah kwéy.»

32 Pè me de pé yahle krótókè yó sɔkɔ, à gbɛ mɔ névyele.

33 Té névye náhnáh-á pé we sókó-ńsah, pé n gbɛ n mɔ sě, pé me pĩ, fí nê-á pé n yuku. Pè núkú wil ywǒ ywǒ pól sɔkɔ tólólè gbáhkì yò, à Yesupi dyàh tǎ kyɪ de nénpó.

34 Yesu-á wil krótókè sɔkɔ, té tówú ñgbě mè we sě, pé yām à tǎ. Tir yó náh, pé sò me, á kɪ ne yípě sǒ, fě-ò kéne sé tyí. Képah sɔkɔ, à tyah péle n̄ kwɔ tyi náhnáhle.

35 Nvǐ-á pɔ nɔ, n̄ tò sáhpú nɔ de n̄ tnô, té yo n̄ tyí ne, n̄vǐ-á syɪ pɔ nɔ, té tyah mè-á gbènmonɔle.

36 Wǎh náh ké wǎkìle névye kǒ, pé kyɪ yòke yah dwe gbòplɔ gbnɔ ànê kwlo sɔkɔ.

37 A me yo pé tyí ne, pépi yòkele pé kǒ, pé yò. Pè me à piki yah ne, à se ne, pépi yòkele dwe pé kǒ pól pló lègbāmne nɪ?

38 A me pé piki yah ne, búrn pló sǒ se me pé tyí nɪ? Nkě, pé kyɪ yah tɛ. Pǎh kyɪ piki yah, pé pɔ yo n̄ tyí ne, búrn pló kwló-á me pé tyí, ànê yěnkɔ pló nínóle.

39 Képah tēne, Yesu ne, pè névye pól kō pè kō tē tìn tìnne filki yō.

40 Névye mó kō tē tìn tìnne, lèkwēkwe ànê tìkíniní pò gbām gbāmne.

41 Pǎh kō tē te, Yesu búrn pló kwló ànê yēnkyo pló nínó nópi tōkō, à n yah yō yīnyō, té wēkı Liyel tyí, té búrn kwōkı pè kō ne, pè dibi névye kō. Té yēnkyo nópi tō dibi névye pól kō.

42 Képah tēne, pé pól yō tō,

43 té pè tō pé búrn ànê yēnkyo yōnkwlōnō téló tuke mo gbétóló yí gbōninóle.

44 Té nónó-á sò yōke mè yō, pè sò me díbí népí kèyō nínó kyegbāmne.

*Yesu ko yó-ngbē yō*

45 Nénpó swō, Yesu n \*tò sáhpú kyí mō, pè de krótókè sōko ne, pè yuku pé yahle yó-ngbē kahnıne, Besayida kwil sōko. Péwō mó tówú fin mō.

46 Wǎh pè fin mō te, à yuku yōlı yó yō, à kyı Liyelle n ni.

47 Lékâh-á mō, krótókè sò me yo niyō, té ñmō ó me kènkwǎh yō.

48 Dō, à n tò sáhpú we, yáhkı me péle n yohnı, pè me n kwlo krótókè vyónmōnto-ńsah. Tyah dal gbıne, à tyah n ko n yuku pé tírrle yo yõtah, à n yuku pé kâl-ńsah.

49 Pǎh à we, à n ko sē yo yõtah, pè we ne, lékó mírkı yó-á, té tyah n de n syi.

50 Pé pól-á à we sē, pé sām yōkō. Nte, nénpó swō, à yo mō pé tyí ne: «Yé yé ni syāh, ñmō ye. Yé káh tíkı pı.»

51 Té de krótókè sōko pé tnō, yáhkı mó yīn. Kè pı gbēndūnıne náhnáh pé tyí.

52 Wǎh búrn pı dò gbıl nê sōko, pè náh sò ké òkù pı, képah ye. Pé lékám sò kah tekı ké pínóle.

*Yesu yámpú dénmōnole Yenesareti sétáh yō*

53 Pǎh yó-ngbē kah, pè yīni tē Yenesareti sétáh yō, té pé krótókè yīn mō yo vyāh tyí.

54 Pǎh fyò n tiki krótókè sōko, névye núkú Yesu yah pı.

55 Pàh noh ne, wǎh me níyāh sōko, pè n tyah pé yámpúle n twah pé sē sē yı sōko ywō ywō pólle, ne n pō n pō n tyí.

56 Yesu-à de níyāh òkù nê sōko, kwil ngbno ànê kwilpyé ànê gbno, névye pé yámpúnole n twah n pō n tyí pé tówú tükè-ńtān sōko. Pè n pō n tyah ñne n fal ne, à ye pé kō, pé

we tũ ò fwòmòn vyāh ó tyí. Nónó pól-à fyò we tũ ò fwòmòn vyāh tyí, pè n mó n de.

## 7

### *Farisiyēno ògbò wā́l kólólé*

<sup>1</sup> Só yóle, \*Farisiyēno ànê \*Liyel ògbò wě̀kì kwópú tókú wil Yerusalemí, à tuke mɔ pɔ Yesu tnò.

<sup>2</sup> Pè pɔ kè kyomí we ne, ò \*tò sáhpú tókú-á me n yò gbě̀nsillé. Pè náh me pé gbà̀nne n kām n wu pé ògbòtān tyí kōlé.

<sup>3</sup> Té, Farisiyēno ànê \*Nsyifunɔ téló pól sò ògbòtān wě̀kì mè sàhnóle n kɔ. Pè náh sò yòkele n yò, né pè náh pé gbā̀n kām wu palle.

<sup>4</sup> Pàh wil pɔ yòh sokɔ, pè náh yòkele n yò pé kām̀nwèl-̀nkēne. Pè sò pé ògbòtān pɔ òkùnó náhnáh yísyó tɔ tē yí kègbule, sɔ-á wóhnɔ, ànê pní, ànê kēsēn [ànê sē sē yínó] wúnó òkù̀ pèpeyne.

<sup>5</sup> Képah ye, Farisiyēno ànê Liyel ògbò wě̀kì kwópú me Yesu piki yah ne, kú se pɔ, té ò tò sáhpú náh me ògbòtān tyi sàhnóle n pɔ, té n yò pé gbā̀n kām̀nwu-̀nkēne nɔ?

<sup>6</sup> Képah sokɔ, à me yo pé tyí: «Gbí lésò me \*Yesayi tyí, wā́h Liyel wey nê yo yépi vyēy nini wékípú tyí sokɔ. Sē ye sò à wārki sah kéle:

«Kéne névyele, pè nne n gbilki vyāh ó sokɔ, té pé n me fíí nne.

<sup>7</sup> Nírí nê-á pè n ne n pɔ nmo tyí, nònó ye kéle.

Tir yó náh, kwónó nê-á pè n ne n kō,

névyé sàhnó ye kéle, nmo tyí náh.»\*

<sup>8</sup> Yesu tō yō sokɔ yo pé tyí: «Yépi Liyel tyi kònsàhnóle n milki, ò té névyé tyí sàhnóle n pɔ.

<sup>9</sup> Yē n gbah n tē Liyel tyi kònsàhnó yahle, ò té ye ògbò wā́lle n kɔ!

<sup>10</sup> Sɔ-á sò \*Moyisi yo ne, névi-á yīne à ò sú ànê ò yūne n gbilki. Képah náh pɔ, névi nê-à ò sú ànê ò yú yilo, tē-á yīne kònmònɔlé.

<sup>11</sup> Nte, yépi névyele n kwɔ ne, névi-à yo ò sú tyí, képah náh pɔ, ò yú tyí ne, páh sò ne, pé kwāh nēne à kō, páh kéle Liyel kō tē.

<sup>12</sup> Yē ké gbí syi tē kō ne, à náh tō yīne à tir yó pɔ ò sú tyí, képah náh pɔ ò yú tyí.

\* 7:7 7.6 ànê 7 - Yah n te Yesayi 29.13 sokɔ.

13 Kéne pi dukù soko ye, yě Liyel wey pi nònó tirlé yé ñgbò wàl kwónó soko. Anê yě n tǒ sǎnkno náhnáhle n pi.»

*Tyi nónó-á névile n silki Liyel yah*

14 Képah náh, Yesu ñ syi tówú ye tuke, té yo pé tyí: «Yé pólle, yé noh ní tyí, yé mó pǐ ne,

15 kwâh yó ntě náh n wil kégbó, à n de névi soko, té kǐ fě tě silki. Té, tyi nónó-á n wil névi soko, sépi-á n silki ñne. [

16 Níkí-à me nê tyí noh noh tǎne, tǎ ñ níkí sah noh!]

17 Yesu-á yal tówú tnô, té kyi de gbô gbí nêne, ñ \*tò sáhpú ñne n piki n yah sémirkǐ mē yôle.

18 A me pè syah ne, lékám ké névye se pépi tǎle ni? Pè kó pǐ ne, névi-á kwâh nêne n dah n mo ñ vyâh, képah náh fě tě silki n pi ni?

19 Kè náh n de ñ ni soko. Kǎh níkǎne n de ñ kékùrkǐ soko, à kǒ à n kyi n wilki n kwe, wàh de filki. Kéne wey soko ye à yo pé tyí ne, yôkeno pól-á kǐ fě yô.

20 Té tǒ yo pé tyí: «Tyi nónó-á n wil névi foko, sépi ye ñne n silki Liyel yah.

21 Foko sǎno túkúni nónó-á n wil névi soko, sépi ye à kǒ, à ñ minne n pi fǒfíkǐ soko, ànê yǐbe, ànê kònmǎno,

22 ànê syó yô yíkínó, ànê yǐ yúkú-ńkǎ soko, ànê népékè, ànê yǐvǐ, ànê sen kú-ńkǎ soko, ànê dyó yónó, ànê névye yǐn yíkínó, ànê gblǒy gbǐlkínó, ànê tǒ lékám ké soko.

23 Kéne tyítúkúni pól n wil névi soko, à ñne n silki Liyel yah.»

*Yesu sétô yǐni wilki népô sê yó písê soko*

24 Képah náh, Yesu yal nénpó, à yuku Tiri sétáh yô. A kyi wǒbi twah gbô yó soko. A náh sǒ me ké tyí ne, ne pǐ ne, páh me nénpó. Té, à náh tǎ we wǒbi.

25 Nénpó swó, pi yó sǒ me, \*sétôle ñ písê soko. Wǎh Yesu tyí noh sǎ, à núkú pǒ gbètukuno di ñ yah.

26 Pi mènne, \*Nsyifu ne náh sǒ ñne. A sǒ dubi Siri sétáh yô, Fenisi soko. Wǎh pǒ, à sǒ me Yesule n ni ne, à sétô yǐni wilki pé písê soko.

27 Képah tǎne, Yesu me yo ñ tyí ne, à ye wǎnpǐ ñgbò kǒ, pè yô tǒ. Wǎnpǐ yôke náh yǐne kè tǎko mo pǎhnpye kǒ.

28 Pi mē mó yo ñ tyí ne, gbi-á, pé Tě-ñgbě. Nte, wǎnpǐ-á yôkele n yô, yǎnmír nónó-à n syikǐ sétáh, pǎhnpye kó níkǎne sépile n tǒ n yô ni?

29 Képah soko, à yo pi mē tyí: «Á wey mē yǐnne, á syi n to n yuku. Sétô ye wil á písê soko.»

<sup>30</sup> Kǎh pɪ sɛ̃, à me ñ syɪ to yuku gbô, à kyɪ ñ písê we sɛ̃nóle sɛ̃ sɛ̃ kwâh yõ. Sétõ sõ wil tɛ ñ sɔko.

*Yesu níkítù màhmàhkì wékí-ò yó de mɔ*

<sup>31</sup> Képah náh, Yesu yal Tiri sétáh yõ, à kyɪ sɔko Sidõ kwille, té pyɛ Kwlogbãm kwil sétáh kah, à yuku Kalile yɔ ònnɛ.

<sup>32</sup> Nósyó me níkítù yó tɛ pɔ ñ tyí, màhmàhkì wékí-òle, té me à ni ne, à ñ gbõ sah ñ yõ.

<sup>33</sup> Képah sɔko, à dí mè tɛ wil, à gbe mɔ tówùle, à kyɪ ñ kèngblo dah mɔ dí ní sɔko, té sɪn mɔ, à tuke ñ nénpóri tyí.

<sup>34</sup> Té ñ yah yõ yínyõ, à mɪ dɔko, té yo dí tyí pé kwil wey sɔko: «Efata», nê-á pè n ye: «Yɪkɪ n mɔ.»

<sup>35</sup> Nénpó swɔ, dí ní yɪkɪ mɔ, ñ nénpóri de mɔ, à tyah n wɛkɪ tírr.

<sup>36</sup> Té, Yesu me pè sni ne, pè káh kéle n yo n kõ névyɛ tyí. Té, wǎh péle n sni sõ, pè pyɛ wǎnne n mɔ ké yónkõnɔ yõ.

<sup>37</sup> Pé gbǎn kàhdunɔ tɛ tyí, pè tyah n yo wɛ tyí ne, gbɪ yõ, ñ tyípínó pól-á me kah plɛ! Wǎh níkítùbi níne n yɪkɪ, té kèdyòni nénpóri le n de n mɔ.

## 8

*Yesu népî kèyõ nínó kõ yõkele*

<sup>1</sup> Kéne sèpìn sɔko, tówù ngbɛ yó tõ sõ me tükènmɔnɔle Yesu tnô. Té yõ yõ kwâh náh sõ me pé tyí sɛ̃, à ñ \*tõ sáhpú ye, té me yo pé tyí ne,

<sup>2</sup> tówù mè yám-á me pé tɛ. Pé sèpìn tõni-á ànê péwɔle yò, té yõ yõ kwâh náh me pé tyí.

<sup>3</sup> Páh kɪ pè fin mɔ, pè sɔko kwɛkɛle, pǎh kɪ kah kwɔ wɛkɪ yah. Pé tókù-á n wil fíí sɔko.

<sup>4</sup> Képah tɛ sɔko, ñ tõ sáhpú yo ñ tyí ne, pé se kɪ fɛ we nýǎh yõkele gbɛnnɪ mè sɔko, kɪ pè kõ, pè kɪ yõ tõ nɪ?

<sup>5</sup> A me pè piki yah ne, búrn pló sõ se me pé tyí nɪ? Pè me ne, kwǎrnínó-á.

<sup>6</sup> Képah sɔko, à tówù kõ pè kõ tɛ sétáh, té búrn pló kwǎrninɔ nópi tɔko, à weyne Liyel kõ, té sè kwɔkɪ ñ tõ sáhpú kõ ne, pè syi dibi névyɛ kõ. Pè mó sè syi dibi pè kõ.

<sup>7</sup> Yɛnkyópɪ yísyó tɔ sõ me pé tyí. A wɛkɪ Liyel tyí sé tyí yõ, té ne, pè sé tɔ tɔko dibi pè kõ.

<sup>8</sup> Képah tɛne, pé pól yõ tõ, té ñ tõ sáhpú yónkwɔnɔ tɛlɔ tuke mɔ tɔko yí kwǎrninɔ.

9 Té nónó-á sò me nénpó, pè nɔ nɛpí kèyõ nínó kénkõlɛ.  
Képah náh, à pè fin mɔ,

10 té mó núkú de krótókè sɔkɔ ànê n tò sáhpúle, à yuku Dalmanuta kwil sétáh yõ.

*Farisiyẽnɔ gbil yah kã Yesu tyí*

11 Képah tẽ sɔkɔ, \*Farisiyẽnɔ pɔ tyah yékâble n pɪ Yesule, té n sòlɛ n mɔ n yah nɛ, à gbil yó pɪ pé yah, nê-á kè wẽkɪ n pɪ nɛ, wáh n wil Liyel tyí.

12 Képah sɔkɔ, Yesu mi dɔkɔ náhnáh, té yo pé tyí: «Kú pɪ, té kwey gbí névye gbílne n yah n kõ? Kègbɪ yõ, mé kélɛ n yo yé tyí, gbil yó ntẽ náh pè wẽkɪ n pi!»

13 Té yal pé tnò, à de krótókè, à yuku yó-̀ngbẽ kahnɛ.

*Yesu tò sáhpú lékám tékínóle*

14 Légbíne, Yesu \*tò sáhpú sò pé dyɔ fwo yõke tókónóle. Búrn pɔ núkú ó sò me pé tyí krótókè sɔkɔ.

15 Képah sɔkɔ, Yesu me kè gbah yo pé tyí: «Yé yé gblõyne n kyɔmɪ \*Farisiyẽnɔ ànê \*Yerɔdi búrn dɔkɔ dɔkɔ kwáhle.»

16 Wáh yo sɛ, n tò sáhpú yékâb mɔ nɛ, búrn kɛ yĩn-á à kɔ, à képah yo.

17 Wáh pè kyɔmɪ wɛ, à pè piki yah nɛ, kú se pɪ, té pè yékâble n pɪ búrn kɛ yĩnne nɪ? Pè kó tɔ̀nì me ké tyí yah wɛ sɛ nɪ? Pè kó kè pĩ nɪ? Pé lékám se me víkéntúnɔle nɪ?

18 Yí-á me pé tyí, pè kó me n yah nɪ? Ní me pé tyí, pè kó me n nohnɪ nɪ? Pé dyɔ kó me n kwne nɪ?

19 Páh lésò búrn pló kwɔkɪ dibi nɛpí kèyõ nínó kyegbãm kɔ, gbétóló yí sɔ se pè kwel yónkwɔnɔle nɪ? Pè me nɛ, gbõninó-á.

20 A tɔ̀ pè piki yah nɛ, té páh lésò búrn pló kwãrninɔ kwɔkɪ dibi nɛpí kèyõ nínó kɔ, tɔkɔ yí sɔ se pè kwel yónkwɔnɔle nɪ? Pè me nɛ, kwãrninɔ-á.

21 Képah sɔkɔ, à yo pé tyí nɛ, té, pè náh tɔ̀nì me ké tyí yah wɛ sɛ nɪ?

*Yesu yítú yó yí yíkɪ mɔ Besayida kwil sɔkɔ*

22 Yesu ànê n \*tò sáhpú-á kyɪ yĩni tẽ Besayida kwil, nósyɔ pɔ yítú yóle n tyí, té à ni nɛ, à tũ n tyí.

23 Yesu me yítú mè gbò sɔkɔ tẽ, à wil nne kwil gbòpɔ, té sɪn mɔ n yí sɔkɔ, té n gbàn sah n yõ, té à piki yah nɛ, à se me n yah nɪ?

24 Yítú dí n yah yõ, té nɛ, páh me névyele n yah yirkòò, sésân sɔ. Té, páh me n kɔ.

25 Yesu tǝ ñ syi ñ gbǎn sah dí yí yah. Kǎh pi sǝ, à fǝ n yah pɲɛpɲɛ, à dɛ. A yíyìn pólle n wah n pɲɛ wǝ sɔkɔ.

26 Képah sɔkɔ, Yesu yo dí mè tyí nɛ, à sɔkɔ ñ gbô, té à káh syô kwil sɔkɔ.

*Pyeri kè yo nɛ, Yesu-á Liyel nɛ tɛkínmɔnɔlɛ*

27 Képah náh, Yesu ànê ñ \*tǝ sǎhpú yuku Filipe Sesaru gbòplo kwlo tinnɛ. Pǎh mɛ wǝkì yô gbí nêne, à pè piki yah: «Névyɛ tǝ tyí, níɔlɛ, nê mɛ?»

28 Ñ tǝ sǎhpú nɛ, tókù-á nɛ, \*Wèlnwilkì-ò Nsyô-á ñnɛ. Tókù mó nɛ, \*Yeli-á. Tókù tǝ nɛ, \*Liyel tǝntǝ syínyo-ò yó-á ñnɛ.

29 A mɛ tǝ pè piki yah: «Té yépi tǝ tyí, níɔlɛ, nê mɛ?» Képah tǝnɛ, Pyeri yo ñ tyí nɛ: «\*Krista ye ále, Liyel-á nɛ, páh kɪ nê tekɪ mɔ.»

30 Képah sɔkɔ, Yesu pè sni nɛ, pè káh kè yo nɛ syah.

*Yesu ñ kúnó ànê ñ yúkúnó tyí yo*

31 Képah sɔkɔ, Yesu tyah ñ \*tǝ sǎhpúle n kwɔ nɛ, \*Névi Pi-á yǐnɛ à de yèvyǎhrɪ sɔkɔ náhnáh. Yèwǎhnì, ànê \*sárká wilkipu yòtǎm ñgbɔ, ànê \*Liyel ñgbò wǝkì kwópú-á kɪ à yahle, té kɪ à ko n mɔ n pi. Té, sèpìn tǝ-ò sóle, wǎh kɪ yuku.

32 Wǎh kéne wey yo dal mɔ pè syah sǝ, Pyeri mɛ à ye kǝkɪ, à kyɪ tyah lékǎhle ñnɛ n kǝ.

33 Képah sɔkɔ, Yesu ñ yah vi ñ tǝ sǎhpú yah, té lékǎhle Pyeri kǝ, té yo ñ tyí: «To ní tnô, \*sétǎn yòtǝ! A fɔkɔ sɔnɔ náh mɛ núkúle Liyel tyíle. Névyɛ tyí kǝ ye áwɔ n sô.»

*Yesu sǝ tǝ dùkùle*

34 Képah náh, à mɛ tówú ye pɔ ànê ñ \*tǝ sǎhpúle, té yo pé tyí: «Névi nê-á mɛ ké tyí nɛ, pé níɔ sǝ tǝ, tǝ ñ gblóy dyóyí tyi ye, à mó ñ \*dahɪ twah, à mó níɔ sǝ tǝ.\*

35 Sǝ ó ye: Névi nê-á nɛ, páh pé minne n pwah n mɔ, à kɪ tekɪ ké sɔkɔ. Té névi nê-á tekɪ ñ min sɔkɔ níɔ ànê ñìvìnì wey sǎn yǐnɛ, ñmɔ min kɪ pwah.

36 Kè kɪ tir nê pekɪ névi tyí, wǎh kèkǝyó yí pól wɛ, té kɪ n tekɪ n pi tyé-ńkǝ min sɔkɔ?

37 Kwǎh nê tǝ mɛ névi kɪ fǝ kǝ, kɪ ñ min dwe syi sah?

38 Kwey gbí névyɛle, Liyel dèl ànê tyípèl pípú ye péle. Nte, névi nê-á sen ku níɔ tyí, ànê ní wey tyí yónóle pépi wró, \*Névi Pi tɔ kɪ sen ku tǝ yah, wǎh só nêne pɔ ñ sú gblò sɔkɔ, ànê \*yínyô tǝntǝbele.»

\* 8:34 8.34 - Dahɪ twǎhnó n wǝkì nɛ, á á vi sah á min kǝ kǝ tǝnɛ Yesu tyí kǝle.

## 9

1 Té tǒ ò sɔ́ yó pé tyí: «Mé kéle n yo n dal n mo yé tyí kègbi yō: Yépi nónó-á ásô, yé tókù náh n ku n pi, té kɪ \*Liyel tǒrí wɛ yíne, póntenole. Kè kɪ n pi tɛnwɛno ñgbɛne.»

*Yesu vɛnmɔno dukùle*

2 Sèpɛn kénúkò-ò sókóntenɔ náh, Yesu me Pyeri ànê Nsyaki ànê Nsyō tɛ, à yuku péle yǒlɪ ñgbɛ yó yō. Pépi ó ye sǒ pé yahle nénpó soko. Té, ñ dukù me vi mo pé yah soko.

3 N flo piki, à n tɛ pépér. Ké névi náh me kèkǒyó kɪ fɛ kwâh yó ñtɛ piki n pi sɛntɛne.

4 Képah soko, \*Yeli ànê \*Moyisi wil pé yah, me n yâh ànê Yesule.

5 Képah tɛne, Pyeri me yo Yesu tyí ne, kwó-ò dí, kâh yíne pé tɛ ásô. Pâh kɪ yèpyeno tǒnó pi ásô, nukúle ñmo tyíle, nukúle Moyisi tyíle, nukú mó pi Yeli tyíle.

6 Pyeri náh sǒ pɪ, wâh nê yo n pi, képah ye. Tíki sǒ ñmo ànê ñ kópú népɪ ními kah tɛ.

7 Pâh me képah soko, ñyírki yó po fob mo pé yō. Kéne ñyírki soko, yínpɔ́ yó n wil pé n nohnɪ ne: «Ñmo nê-á yò, ñmo ñidè Pídí ye ñne. Yé ne n nohnɪ ñ tyí!»

8 Kéne ní yō, \*tǒ sâhpú-á yah kǒ pé gbòplo soko, pé náh tǒ névi wɛ. Yesu nukúní ó sǒ wũ ànê péle.

9 Pâh me yǒlɪle n tiki gbí nêne, Yesu pé sni ne, pâh tir nê wɛ, pé kâh kè yâh névyɛ syah, kè po no \*Névi Pi yúkúnwɛlnó tyí lékyî wró.

10 Pé me snínó mɛ tɛ yín, té mó tǒ me wɛne n piki n yah ne, kú se à n ye lékyî wró yúkúnwɛlnóle nɪ?

11 Képah tɛne, pé tyah ñne n piki n yah ne, kú se pi, té \*Liyel ñgbò wɛkɪ kwópú ne, Yeli ñgbò-á yíne à po?

12 A yo pé tyí: «Yeli ñgbò ye yíne à po tyi pól tǒ sah. Nte, kú pi kè wârki sah \*Liyel wey sébɛnó soko ne, Névi Pi-á kɪ yèvyâhrɪ pi náhnáh, té kɪ ñne n yilo nɪ?

13 Nte, mé kéle n yo n dal n mo yé tyí ne, Yeli-á po tɛ. Té, névyɛ-á à pi pé dyo dyo tɛne. Sɛ ye sǒ kéle wârkínsàhnóle Liyel wey sébɛnó soko ñ tyí yō.»

*Yesu sétō yini wilki wɛnpir yó soko*

14 Képah soko, pâh yini tɛ \*tǒ sâhpú téló tnô, pé tówû ñgbɛ yó wɛ, pé me pé kore vi, té \*Liyel ñgbò wɛkɪ kwópú me yékâble n pi tǒ sâhpú nópɪle.



15 Névyé-á núkú Yesu we gbí nêne, kè pɪ pé tyí gbèndùnìne. Pè to kyɪ wɛkɪ n̄ tyí.

16 Yesu me n̄ tò sáhpú piki yah ne, kwáh nê yékáb se pè n pɪ péle nɪ?

17 Nte, dí yó sò me tówú sɔkɔ, ñmɔ yo n̄ tyí ne, kwó-ò dí, páh pɔ pé pídíne n̄ tyí. \*Sétò yó-á me n̄ sɔkɔ, me à pɪ kèdòkìle.

18 Kè ñne n kwel n min n kō tãntãn pól sɔkɔ sétáh. Gbèfòkòpikínì n ne n wil n vyāh, té ǎ n̄ yínìle n tah, ànê n̄ wil n kɔkɔ. Képah-á, pé pɔ ñne n̄ tò sáhpú tyí ne, pé sétò mè yīni wilki n̄ sɔkɔ, té pè náh tē we.

19 Képah tēne, Yesu me yo pé tyí ne, Liyel yō sē-ńkē névyé, pé se kɪ tē péle pópó, kɪ pɔ syɪ gbí nê tyí nɪ? Pé se kɪ pè so sah, kɪ pɔ syɪ gbí nê tyí nɪ? Nkē, pè pɔ ñne pé kō.

20 Pè mó pɔ ñne à kō. Sétò-á fyò Yesu we, à piri yike kègbule, à syɪkɪ sétáh, à n pil n kō gbèfòkòpikínìne n̄ vyāh.

21 Képah sɔkɔ, Yesu me piri sú piki yah ne, gbí ne se kè tyah n̄ tyí nɪ? A me yo n̄ tyí ne, n̄ wēnpir gbí dùkù-á.

22 Kèyahle, sétò-á ńkēne à tɔkɔ n min n dah n mɔ nyāh, képah náh pɪ, ni sɔkɔ, n̄ kò-nsahle n yah n kō. Nte, wāh kɪ fē n tē n pi, à pé yām yah, à mó pé yohnɪ mɔ.

23 Képah sɔkɔ, à me yo dí mè tyí: «Máh kɪ fē n tē n pi wò...! Tyi pól kɪ fē pɪ Liyel yō sē-ò tyí.»

24 Nénpó swɔ, piri sú gbo mɔ ne: «Mé sē ké yō, té kè me tah ní tyí. N yohnɪ mɔ ké sɔkɔ.»

25 Képah sɔkɔ, Yesu-á névyé we, pè n to n tuke pé yō sē, à díri kō \*sétò mè yō, té yo n̄ tyí ne, ñmɔ nê-á névile n pɪ kèdòkì ànê níkitũne, à wil piri mè sɔkɔ! Té à káh tō de yah n̄ sɔkɔ!

26 Wāh yo sē, sétò me gbo mɔ, té piri yike kègbule, té mó wil n̄ sɔkɔ. Piri núkú pɪ tē kúnó sō, fóó névyé náhnáh n yo ne, wāh ku.

27 Nte, Yesu me à tē n̄ gbò tyí, à yilki sah. Piri yuku yīn.

28 Yesu-á de wòkò gbí nêne, ñmɔ ànê n̄ tò sáhpú ye sò wū pé yahle, té pè me à piki yah ne, kú se pɪ, té pépi náh tē we sétò mè yīni wilki piri sɔkɔ nɪ?

29 A me yo pé tyí: «Nírí ó sɔkɔ ye kéne sétàn dùkù kɪ fē yīni.»

*Yesu tō n̄ kúnó ànê n̄ yúkúnó tyí yo*

30 Páh yal nénpó, pè me Kalile kwlole n kah, té Yesu náh sò me ké tyí ne, pè pé mé-ńsah pī.

31 Tir yó náh, à sò me n \*tò sáhpúle n kwɔ, té me n yo pé tyí: «\*Névi Pi kɪ n dahbɪ n pi névye gbò. Pè kɪ à ko mɔ, té sèpɪn tɔ̀-ò sóle, à kɪ yuku.»

32 Nte, n tò sáhpú náh sò me wey mè tyí yah we, té tíkí sò me pé tè n píkinyahnɔle.

### *Nê tẽ kal?*

33 Képah náh, pé yīni tẽ Kapernayim kwil sɔkɔ. Páh me wòkò sɔkɔ gbí nêne, Yesu n \*tò sáhpú piki yah ne tir nê yékâb se sò pé n pɪ wěkì yah nɪ?

34 Nte, pé náh tir we yo. Tir yó náh, pé sò me yékâble n pɪ wěkì yah ne, pé pɪ pépi wró nê tẽ-á kal.

35 Képah sɔkɔ, Yesu kɔ tẽ, té n tò sáhpú népɪ gbõnimí ye, té yo pé tyí: «Nê-à me ké tyí ne, pé pɪ yah yétẽne, ñmɔ yīne à pɪ pé no náhtũne, à mó pɪ tònpule pé tyí.»

36 Képah tẽne, à wẽnpir yó tẽ pɔ pé nyó. Té à tẽ kòhlɪ n nɪ yõ, té yo n tò sáhpú tyí:

37 «Névi nê-à wẽnpir mè kénkɔ tẽnó plé ñmɔ yīn yõ, ñmɔ ye tẽ tẽ plé. Névi nê tɔ-à ñmɔ tẽnó plé, ñmɔ ó náh tẽ tẽ plé: Nte nê-á tekɪ mɔ ñmɔle, ñmɔ ye à tẽ plé.»

### *A sépe náh nêne, á pèpey ne ye ñne*

38 Képah sɔkɔ, Nsyɔ me yo Yesu tyí ne, pé kwó-ò dí, pépi-á dí yó we, à me \*sétanne n yīni n wilki n yīn yõ. Té, à náh sò me pépile. Képah-á pé kɔ, pé ne pé à yīni mɔ ké pínóle.

39 Yesu me yo pé tyí: «Yé káh à yīni mɔ. Névi náh fẽ gbɪ pɪ n pi ñmɔ yīn yõ, té kɪ tɔ ñmɔ yīnne n yɪkɪ nénpó swɔ.

40 Tir yó náh, á sépe náh nêne, á pèpey ne ye ñne.

41 Kègbɪ yõ, mé kéle n yo yé tyí: Yáh pɪ \*Krista tyíle, névi nê-à ni ngbíyīne yé kɔ yé wɔ képah yīnne, ké pèpɔɪ kɪ dyah óle à dyah.

### *Tyi nónó-á yo gblɔy tẽnó tyí sɔkɔ*

42 Wẽnpɪ nónó-á sɛ ñmɔ yõ, névi nê-à pé sɔkɔ ne yó yõ yɪkɪ dah mɔ tyípèl sɔkɔ, kè kɪ sò fónfó pé dáh-ngbẽ toh tẽ yègbɪ sɔkɔ, pé kyɪ min dah mɔ yóntɪ ñgbẽ sɔkɔ.

43 A gbò-à n dah n mɔ ále tyípékè sɔkɔ, kè kām n milki, n té n kyɪ n de gbò núkúle tyé-ńkẽ min sɔkɔ. Kèpah kɪ fónfó kal á gbàn níni kyíndenɔle ní-ńkẽ nyàhnpèkè sɔkɔ. [

44 Nénpó sɔkɔ, kèfyɔ nónó-á wille n yõ, sè náh n ku, ànê ké nyàhnpèkè náh n ni.]

45 Á gbáhkì-à n dah n mo ále tyípékè sɔkɔ, kè kām n milki, n tɛ n kyɪ n de gbáhkì núkúle tyé-ńkē min sɔkɔ. Képah kɪ fónfó kal á gbyêh nínì mínndahnmonɔle nyàhnpèkè sɔkɔ. [

46 Nénpó sɔkɔ, kèfyɔ nónó-á wille n yõ, sè nàh n ku, ànê ké nyàhnpèkè nàh n ni.]

47 Á yí-à n dah n mo ále tyípékè sɔkɔ, kè wilki n milki, n tɛ n kyɪ n de yí núkúle \*Liyel yòtõrí sɔkɔ. Képah kɪ fónfó kal á mínndahnmonɔ yõ yí nínòle nyàhnpèkè sɔkɔ.

48 Nénpó sɔkɔ, kèfyɔ nónó-á wille n yõ, sè nàh n ku, ànê ké nyàhnpèkè nàh n ni.

49 Képah ye, no pól kɪ tõ sah nyàhle, sã-á pne n pɪ kéle.

50 Pnɛnɛ, kwâh pèpɛy ye kéle. Té ké syínsyí-à wil ké sɔkɔ, sã me yé kɪ tõ fẽ pɪ kéle, té kè kɪ tõ nɔ? Yé pne mo yé gblõy sɔkɔ, yé tẽ wẽ tyí yèvinɪ sɔkɔ.»

## 10

*Yesu-á kwónó nê kõ fúr yíkínó tyí sɔkɔ*

1 Yesu-á yal nénpó, à kyɪ Yude sétáh yõ, té yuku Yurdẽ yónkahnɛ. Képah sɔkɔ, tówú ñgbẽ yó tõ tuke mo n tnô. A me tyah péle n kwɔ ñgbò tyí kõle.

2 Képah tẽnɛ, \*Farisiyẽnɔ yísyó nɔ de n tnô nɛ, pé kyɪ n sò mo yah. Té ñnɛ n piki n yah nɛ, ké wěkì se me dí tyí kɪ n kyɪ fin mo nɪ?

3 A me yo pé tyí nɛ, tir nê se sò \*Moyisi yo sah pé tyí nɪ?

4 Pè me nɛ nkē, Moyisi-á ké wěkì kõ nɛ, wâh á kyɪle n fin mo, á ñ finnmɔnɔ tàrfyò sébẽ pɪ à kõ. A mó à fin mo.

5 Képah tẽ sɔkɔ, Yesu yo pé tyí: «Yépi kùkùtáhkì yín ye, Moyisi me ké wěkìle yé kõ sã.

6 Ntɛ, kèkõyó mo gbíne, dí ànê sê ye Liyel mo.

7 Képah ye, dí kɪ n sú ànê ñ yú sah, té kɪ kyɪ yégbékè kwɔ mo ànê ñ kyɪle,

8 té pé nímí kɪ pɪ núkúle. Képah sɔkɔ, pè nàh tõ n pɪ n pɪ nímíne, pè kɪ pɪ núkúle.

9 Káh pɪ sã, Liyel-á nê kwɔ mo, névi káh kè gbekɪ.»

10 Páh de wòkò, ñ \*tõ sáhpú tõ à piki yah wɛy mɛ yõle.

11 A me yo pé tyí: «Dí-à ñ kyɪ fin mo, té tõ sê yó tɔkɔ, à tyípékè pɪ ñ kyɪ ghen tẽ tyí fòfíkì sɔkɔ.

12 Sã ó ye tõ, sê-à ñ pɛ yahle, té kyɪ de dí yó tyí, à tyípékè pɪ fòfíkì sɔkɔ ñ pɛ ghen tẽ tyí.»

*Yesu sãm mo wɛnpì sɔkɔ*

13 Képah tɛ̃nɛ, névye pɔ wɛ̃npɪlɛ Yesu tyí nɛ, à n gbɛ̃n sah pé yõ. Té n \*tò sáhpú me tyah dírlɛ n kò pé yõ.

14 Wǎh képah wɛ sɛ̃, à yo n tò sáhpú tyí fòkòvyàhni sòkɔ nɛ: «Yé ye wɛ̃npɪ kò, pè nɛ n pɔ n pɔ nímɔ tyí. Yé káh pé yahle n kò. Nónó dùkù-á me kéne wɛ̃npɪ sɔ̃, \*Liyel yòtòrɪlɛ pépi tyí ye.

15 Mé kéle n yo yé tyí kègbɪ yõ: Névi nê-à \*Liyel tǔrí fɛ̃ syi nkɛ̃nɛ wɛ̃npɪr sɔ̃, à náh kè wɛ n de n pi pólle.»

16 Képah sòkɔ, à wɛ̃npɪ tɛ̃, té n gbɛ̃n sah pé yõ, à sãm mɔ pé sòkɔ.

### *Tàhdí yó pɔ Yesu tyí*

17 Képah náh, Yesu-á n yuku wɛ̃kì yah, dí yó to pɔ gbètukunɔ di n yah, té à piki yah nɛ, kwó-ò pèpɛy, pé se kɪ pɪ sɔ̃, té kɪ tyé-nkɛ̃ min wɛ nɪ?

18 Yesu me yo n tyí: «Sɔ̃ me, té á ní ye pèpɛynɛ? Nɛ pèpɛy yó ntɛ̃ náh me. Liyel ó ye pèpɛynɛ.

19 Á Liyel tyi kònsàhnó p̃ kè, nê-á n yo nɛ, káh nékókè mɔ, káh fòfíkì pɪ, káh yĩbe yĩ, káh mìnì sah á ní-ò yõ, káh nɛ n syɪkɪ nɛ yõ, á sú ànê á yúne n tɛ̃ ple.»\*

20 Wǎh yo sɛ̃, dí me à syah nɛ, kwó-ò dí, páh me sépinɔ pólle n pɪ pé wɛ̃npɪr gbí dùkùlɛ.

21 Képah sòkɔ, Yesu me à yah tyínɔnɔ sòkɔ, té yo n tyí nɛ, tyínúkú-á yah kwlo n tyí: A kyɪ n gbɛ̃n yĩ pól yãm, à mó sé pó dibi yãmtãm kò. Képah sòkɔ, wǎh kɪ yĩnyõ tahrɪ wɛ, à mó pɔ pé sò tɛ̃.

22 Té, dí mè-á képah noh sɛ̃, n yah yɪkɪ. A sòkɔ yèkwɔrɪ sòkɔ. Tahrɪ ngbɛ̃ sò me n tyí, képah ye.

23 Kǎh pɪ sɛ̃, Yesu n gbòplo yah kore vi, té yo n \*tò sáhpú tyí: «Tahbɪ dénóle \*Liyel tǔrí sòkɔ, kè me tah dé!»

24 Kéne wɛy n tò sáhpú gbɛ̃n du kègbɪlɛ. Ntɛ, Yesu tɔ̃ n syɪ yo pé tyí: «N wɛ̃npɪ, Liyel tǔrí sòkɔ dénó me tah náhnáh.

25 Yàhmíkì dénwɪlnóle sèndi pwǎh sòkɔ, képah kɪ fàhfàh kal, tàh dénóle Liyel tǔrí sòkɔ.»

26 Képah tɛ̃ sòkɔ, pé gbɛ̃n kah du. Pè wɛ̃nɛ n piki n yah pé tyí tyíle nɛ, nte, nê wɔ se kɪ mó pwah nɪ?

27 Yesu me pè yah, té yo pé tyí: «Névi tɛ̃ tyí, kè náh fɛ̃ n pɪ n pi, té Liyel wɔ tyí, kè kɪ fɛ̃ pɪ. Nmɔ tɛ̃ wɛ tyi pól tyí.»

28 Képah sòkɔ, Pyɛrɪ yo n tyí nɛ, nte, pépi-á tyi pól sah nímɔ sò tɛ̃ yĩnnɛ.

\* 10:19 10.19 - Yah n tɛ Ekisode 20.12-16 sòkɔ.

29 Yesu me ne: «Kègbi yô, mé kéle n yo n dal mo yé tyí ne, névi nê-à fě syi, n kéte, ànê n yúpyé, ànê n yú, ànê n sú, ànê n wěnpì, ànê n swěy sah nímɔ yinne, ànê nìvìnì wey sán yinne,

30 tẽ ki sěnknono lèkwěkwε we kèkōyó mè sokɔ. A ki kětlo, ànê yúpyé, ànê yúbí, ànê wěnpì, ànê swěy we. A ki fóhnɔ tɔ we, té ki tyé-ńkě min we nísò kèkōyó sán sokɔ.

31 Nónó-á me núkúnúkú ne gbrole, pé náhnáh ki pɔ n pi n pi ne télólé. Té nónó-á me núkúnúkú ne télólé, pé náhnáh ki pɔ n pi n pi ne gbrole.»

*Yesu tɔ n kúnó ànê n yúkúnó tyí yo ke tɔ-òle*

32 Yesu ànê n \*tò sáhpú sò me wěkì tẽ n dɔkɔ n yuku Yerusalemɩ sokɔ. A sò me n kɔ n tò sáhpú yahle. Légbíne, pé fɔkɔ me fěkìnólé. Té nónó tɔ-á me n sò tẽ, tíkí sò me pè tẽ. Képah sokɔ, à n tò sáhpú nɛpì gbɔnimí ye kěki pé yahle, à kyi tir nê-á ki à yini n tẽ n pi, ké yah yo pè syah.

33 A ne: «Yé yah, á we dɔkɔ n yuku Yerusalemɩ sokɔ yò. \*Névi Pi ki dahbì \*sárká wìlkìpu yòtám nɛbno, ànê \*Liyel nɛgbò wěkì kwópú gbò. Pè ki à mo kù kò, té ki à dahbì Liyel yò sě-ńkěpú gbò.

34 Pépi ki kóle nne n ko, té ki n sìn n mo n yò. Pè ki à ko yèfòhle, té ki à ko mo. Té, ké sèpìn tɔ-ò sólé, à ki yuku.»

*Nsyaki ànê Nsyɔ-á nê ni*

35 Nsyaki ànê Nsyɔne, Sebede wěnpìle, pè no de Yesu tnò, té yo n tyí ne, kwó-ò dí, tir nê-á pé pɔ ní-ńsah n tyí, páh me ké tyí ne, à kè pi pé tyí.

36 A me pè piki yah ne, tir nê se pè ne, pé pi pé tyí ni?

37 Pè mó yo n tyí ne, wáh kyi yini tẽ n yòtórí tyah sokɔ, à ye pépi sokɔ ne núkú tẽ n gbòyò sò, ní-ò mó tẽ n gběyìnè sò.

38 Képah sokɔ, à yo pé tyí: «Kwáh nê-á yé n ni, yé náh kè pì. Yé se ki fě wɔ n wɔ wɔ wóh sokɔ, ki de wil yèvyáhrɩ sokɔ n tyí kòle?»

39 Pè me à syah ne, páh ki tẽ we. A me yo pé tyí: «Gbì ye, yé ki n wɔ n pi n wɔ wɔ wóh tẽ wɔ sokɔ, té ki n de n wil n pi yèvyáhrɩ sokɔ n tyí kòle.

40 Nte, névi nê-á n tẽ n pi n gbòyò ànê n gběyìnè sò, képah náh n wil n pi nímɔ tyí. Kéne tẽ-ntàn ki pɔ névyé kò n pi, Liyel-á sè tɔ sah nónó yinne.»

41 \*Tò sáhpú népí gbãám téló-á képah noh sě, pé fɔkɔ vyãh Nsyakɪ ànê Nsyõne.

42 Képah sɔkɔ, Yesu me pé pól ye, té yo pé tyí: «Yé pĩ ne, sétáh mè yõ kwlo yõtãm-á pé kwil tãnne n tẽ n sah pé dyo dyo tẽne, té kwil né-̀ngbnɔ n mó pé tãhkìle n sah névyé yõ.

43 Nte, yépi tyí náh n pɪ n pi sě. Gbëntě náhle, yépi sɔkɔ nê-à me ké tyí ne, pé pɪ yõtẽne, tẽ n gblõy pɪ yé tɔnpule.

44 Té, yépi sɔkɔ nê-à me kɪ tyí ne, pé yõtõrí yah n kõ, tẽ n gblõy pɪ yé pól yõle.

45 Tir yó náh, \*Névi Pi náh pɔ ne, névyé tòle n pɪ péwo tyí. Nmɔ ye pɔ tõ pɪ yĩnne névyé tyí, té kɪ n min kõ névyé náhnáh yõ dwe yĩnne.»

### *Yesu yítũ dí Bartime yí yíkɪ mɔ*

46 Képah náh, pè yĩni tẽ Yeriko kwil. Yesu, ànê n \*tò sáhpú, ànê tówú ñgbẽ-á n wil kwil sɔkɔ gbí nêne, yítũ dí yó sò me tẽnóle wěgbah sɔkɔ, me n ni n syi. Time pídí ye sò ñne, pé n ye Bartimele.

47 Wãh noh ne, Nasareti Yesu-á n sɔkɔ, à tyah n de n syi ne, Yesu, \*Davidi pídí, à pé yãm yah.

48 Képah sɔkɔ, náhnáh sò me n vyãhle n tũ. Nte, à tõ n kah n de n syi ne, Davidi pídí, à pé yãm yah.

49 Képah tẽne, Yesu yĩn, té ne, pè à ye yah. Pè me yítũ dí ye yah, té yo n tyí ne, à n nɪ vɪ, à mó yuku, wãh me ñne n ye.

50 Dí-á képah tẽ noh, à n fwòmò-̀ngbẽ milki, té yɔkɔ syíkɪ n gbyêh yõ, à yuku Yesule n yíkɪ.

51 Yesu me à piki yah: «Kù me á ne, mé pɪ á tyí?» Yítũ dí me yo n tyí ne, kwó-ò dí, à kè pɪ, pé tõ ne n yah.

52 A me yo n tyí: «Ne n yuku, ñmɔ yõ sěno ye n de mɔ.» Nénpó swɔ, n yí yíkɪ mɔ, à me Yesu sò tẽ.

## 11

### *Yesu de òkùle Yerusalemɪ*

1 Pãh de n te Yerusalemne, pè sò me yúkey Betefase ànê Betani kwille, Wólívyê sésán yõli tnô. Képah sɔkɔ, Yesu n \*tò sáhpú sɔkɔ népí ními wilki tõ,

2 té me yo pé tyí ne, pè kyɪ kwil nê-á pé yahle. Pãh kɪ kyɪ yĩni tẽ nénpó, pãh kɪ ñkwěndyípirí yó we tóhnmɔnsáhnóle, névi náh òkɔ yah nê yõ. Pè à de pɔ.

<sup>3</sup> Té, névi-à kɪ pè piki yah ne, sɔ̃ se, té pè òne n de ni, pè yo ò tyí ne, ò yétô-á me Tě-̀ngbě đí tyí. Té wǎh kɪ ò syi à teki mo núkúnúkú ásò.

<sup>4</sup> Képah sɔko, pè mó sɔko, à kyi níkwěndyípirí mè we tóhnmònsàhnóle kégbó, gbô yó yah, wěkì gbòpo. Pè me à de.

<sup>5</sup> Nónó-á sò me nénpó, pé tókù pè piki yah ne, kù se pi, té pè níkwěndyípirí mène n de ni?

<sup>6</sup> Képah sɔko, Yesu-á sò pè tó sò, pè képah yo no tyí. No ye pè kò, pè à de sɔko.

<sup>7</sup> Pè me po níkwěndyípirí mène Yesu tyí. Té pé flo mo ò yò, Yesu kò à dokò.

<sup>8</sup> Névyé náhnáh mó pé flo mo wěkì yò. Tókù mó fòkòni kòli kyèh sɔko, à n mo n yuku wěkì yò sɔko.

<sup>9</sup> Pǎh n yuku, nónó-á sò me n kò Yesu yahle, ànê nónó-á me ò sò tẽ, pè sò me n gbo n mo, me yo tũ ne: «Wosanna, Tě-̀ngbě Liyel yĩn pi gblò! Nê-á n pi ò yĩn yò, Liyel sãm mo ò sɔko!

<sup>10</sup> Á sùtó \*Davidi tǒrí nê-á n pi, Liyel sãm mo ké sɔko! Wosanna, Liyel yĩn pi gblò yinyò sɔko.»

<sup>11</sup> Yesu-á de Yerusalemi sɔko sɛ, à kyi de \*Liyel wòkò ògbě kéntáhkì sɔko. A kè yah kore vi, té ò syi wil. Képah náh, tyah-á po n piri, à sɔko ànê ò tò sáhpú népi gbõnimíne Betani kwil sɔko.

*Yesu léplo ye mo sènsóké yó yò*

<sup>12</sup> Ké dendalle, pǎh n wil Betani sɔko gbí nêne, kweki Yesu tẽ.

<sup>13</sup> Képah sɔko, à me sènsóké yó we fíí mule gbòp ké tyí. A me no de yah, pye-à kɪ n we n pi ké tyí. Nte, wǎh yĩni tẽ ké tnò, à kyi kè we murí óle. Ké pye pi gbí náh sò no, képah ye.

<sup>14</sup> Képah tẽne, Yesu yo sènsóké mè tyí ne, ne náh tó ké pye yò n yah n pi pólle. Nte, ò \*tò sáhpú mó kè noh.

*Yesule Liyel wòkò ògbě kéntáhkì sɔko*

<sup>15</sup> Képah náh, pè yĩni tẽ Yerusalemi. Yesu me de \*Liyel wòkò ògbě kéntáhkì sɔko, à tyah yí yǎmpu ànê dwépúle n yĩni n wilki. Té pó tũpu tàbálnó tu wilki mo, ànê \*sárká kèpye yǎmpu klòle.

<sup>16</sup> Té, à náh fẽ syi vyó nétẽ yó ntẽ kò, à de kah Liyel wòkò ògbě kéntáhkì sɔko.

<sup>17</sup> Té tyah péle n kwò, me n yo pé tyí: «Kè náh me wárkínsàhnóle ne, <nímo Liyel wòkò kɪ n ye kèkòyó kwlo

kwlo pól névye nírí pí-ńsahle» di? Té, yépi me po kè pu névye yõ vınsyıkıpu tẽ-ńsahle.»\*

18 Képah tẽne, \*sárká wılkıpu yõtãm ńgbno ànê \*Liyel ńgbò wěkì kwópú-á kè noh sě, pè tyah Yesu kònmo-ńsahle n yah n kō. Té, ñ tíkí sò me pè tẽ, tir yó náh, ñ kwónó tyí sò me no tówũ tyí.

19 Képah soko, gbíyí-á de, Yesu ànê ñ \*tò sáhpú wil kwil soko.

*Sensóké séswo kókónóle*

20 Ké dendal séngbõle, páh po n soko, pè sensóké mè we kókónóle, à po syı ké yàhnì tyí.

21 Pyeri dyó-á to kō kéle, à yo Yesu tyí ne, kwó-ò dí, wáh sò léplo ye mo sensóké nê yõ, à yah, ké pól-á koko.

22 Képah soko, Yesu yo pé tyí ne: «Yé sě Liyel yõ.

23 Kègbı yõ, mé kéle n yo yé tyí: Névi kı fě yo yõlı ńgbě mè tyí ne, kè yuku yal ásô, kè kyı n syıki n de pne yo soko. Tẽ-à me n sō ńkẽne tòtò ñ nı soko, té me sě yíı ké yõ ne, páh nêne n yo, káh kı pı, kè kı mó ńtyıno pı sě ñ tyí.

24 Képah ye, mé kéle n yo yé tyí: Yáh kwáhdúkú nêne n yah n kō Liyel tyí nírí soko, yé sě ké yõ ne, yáh ké we te. Kè kı ńtyıno yé kō.

25 Anê tō, wáh yuku yın n tyah nírí pínóle, té á ní-ò-à me pı de á tyí, kè yõ mo à kō. Képah-à pı, yé sú Liyel nê-á yınyõ, à kı yépi to tyípél yõ mo yé kō. [

26 Nte, yépi-à névye tyípèlle n yõ n mo péle n kō ńkẽne, yé sú Liyel náh yépi to tyí yõ n mo yé kō n pi.]»

*Nê wěkile Yesu kō, à tyi nópile n pi*

27 Yesu ànê ñ \*tò sáhpú-á pé syı kyı Yerusalemı soko, wáh me n ko \*Liyel wòkò ńgbě kéntáhkì soko gbí nêne, \*sárká wılkıpu yõtãm ńgbno, ànê \*Liyel ńgbò wěkì kwópú, ànê yèwàhnì po ñ tyí.

28 Té me à piki yah ne, nê yın yõ se à n pı tyi nópile nı? Nê se à kō ké wěkile nı?

29 A me yo pé tyí: «Mé kı tir núkú óle yé piki yah. Yáh kı ké yah yo ní tyí, nê yın yõ-á mé n pı tyi nópile, mé kı kè yo yé syah.

30 Yépi tẽ tyí, nê tekı mo Nsyõne, à po névyele n \*wel n wilki? Liyel se, tı névye se? Yé yo ní syah.»

31 Képah soko, pè tyah n yo wě tyí ne, páh kı ne, Liyel-á tekı mo ñne, wáh kı ne, té kũ se pı, té pé náh sě ñ yõ nı?

\* 11:17 11.17 - Yah n te Yesayi 56.7 soko.



32 Pé náh se mó tǝ fě n yo n pi ne, névye-á tǝ ñne... Pè sǝ me tǝwǝ tǝkǝle n pi, képah ye. No pól sǝ me n sǝ ne, Nsyǝne, \*Liyel tǝntǝ syinyo-ò kǝgbǝ-á sǝ ñne.

33 Képah sǝko, pè Yesu syah ne, pé náh pǝ. N tǝ mó yo pé tyí ne, nê yǝn yǝ-á pé tyi nǝpǝle n pi, péwǝ tǝ náh mó kè yo pè syah n pi.

## 12

### *Dǝvǝ sésân swǝh tǝpú nǝpǝl sǝmǝrkǝle*

1 Képah náh, Yesu tyah n yǝh pé tyí sǝmǝrn sǝko ne rǝkǝ: «Dǝ yǝ ye lésǝ dǝvǝ sésân sǝ, té kǝkǝ mǝ kè kore vi. Té kyǝ tédáhkǝ yǝ yǝ swǝ yǝ tǝ, dǝvǝ sésân pye yǝkǝ-ǝsahle. Té me duke syǝkǝpú tǝ-ǝsah mǝ. Képah náh, à swǝh tǝpú tǝko, à pǝ swǝh mǝ dahbǝ pé gbǝ, té pyǝ sǝko kǝlǝl.

2 Sé pye gbǝ gbǝ-á pǝ nǝ, à ñ tǝnpǝ yǝ tekǝ mǝ dǝvǝ sésân swǝh tǝpú nǝpǝ tyí ne, pè pé tyí dǝvǝ sésân pyele à kǝ, à pǝ pé kǝ.

3 Képah tǝne, dǝvǝ sésân swǝh tǝpú nǝpǝ tǝntǝ dí tǝ ko, té à fin mǝ, à sǝko ñ gbǝ kǝkǝle.

4 Swǝh nétǝ tǝ tǝnpǝ yǝ tǝ. Pé tǝ kyǝ ñmǝ tǝ ko, té à mukǝ ñ yǝ sǝko, té ñne n gbyǝ.

5 Swǝh nétǝ tǝ ñ syǝ ñnǝ yǝ tekǝ mǝ n tǝ. Nmǝle, pè ñmǝ ko mǝ, té sǝnkǝ pi pé náhnáh tyí: Pè pé tǝkǝ ko, té pé tǝkǝ ko mǝ.

6 Ne núkǝ nê-á sǝ wǝ sǝtǝ dí tnǝ, ñmǝle, ñ ñidǝ Pídǝ ye. A ñmǝ tekǝ mǝ pé tyí tǝyne, té me n sǝ ne, pǝh kǝ pé pi wǝ yah sen ku.

7 Nte, swǝh tǝpú nǝpǝ-á à wǝ, pé tyah n yo wǝ tyí ne, pè yah, ñ gbǝyǝpi-á n pi yǝ. Pè pǝ, pé à ko mǝ. Gbǝkǝ mó pi pépi tyǝle.

8 Té dí pídǝ tǝ ko mǝ, té à tǝko kyǝ milki dǝvǝ sésân swǝh kǝhǝne.»

9 Képah sǝko, Yesu pè piki yah: «Sǝ me dǝvǝ sésân swǝh nétǝ kǝ pǝ n pi n pi? A náh pǝ dǝvǝ sésân swǝh tǝpú nǝpǝ pól ko mǝ, té kè dahbǝ n pi nǝsyǝ gbǝ di?

10 Yé náh kè kar yah \*Liyel wey sǝbǝ sǝko di? Kè me wǝrkǝnsǝhnǝle ne:

ǝwǝkǝ mǝpú-á dáhkǝ nê yahle,  
képah pǝ pi dáhgbǝle, wǝkǝ dáhgbenne.

11 Képah n wil Tǝ-ñgbǝ tyí.

Té ápi tyí, gbǝndǝnǝ tir ye kǝle!»\*

\* 12:11 12.10 ànê 11 - Yah n te Yǝgbǝnǝ 118.22 ànê 23 sǝko.

12 Képah sɔkɔ, \*Nsyifuno yõtãm tyah Yesu tẽ-ńsahle n yah n kɔ̃. Tir yó náh, pè sò pĩ ne, pépi yõ-á à mi sèmirkĩ mènɛ. Té, tówû tíkí sò me pè tẽ. Pè me ye ñ yõ, té sɔkɔ.

*Wromeno yõtẽ ñgbẽ mórí tyíle*

13 Képah náh, pè \*Farisiyẽno ànê \*Yerodi náh névyɛ túkù wilki tekɪ mo Yesu tyí ne, pè kyɪ à mo yah pikinyahno sɔkɔ.

14 Pè pɔ yo ñ tyí ne, pé kwó-ò dí, páh pĩ ne, gbɪ ó kókó-á ñmo n ne n yo. A náh tíkíle n pɪ névi yah. A náh névile n wah névi sɔkɔ. Wãh gbɪle névyɛle n kwɔ Liyel wẽkì yõ. Képah-á pé kɔ̃, pé ne, pé à piki yah: Kè se yĩne pé móríle \*Wromeno yõtẽ ñgbẽne n kɔ̃, tĩ kè náh yĩne? Pé se séle n mo, tĩ pé káh sè mo?

15 Nte, Yesu sò pĩ ne, nê-á pè n sò, képah náh pè n yo. Kãh pɪ sɛ̃, à yo pé tyí ne, sɔ̃ se pɪ, té pè péle n mo n yah nɪ? Pè pɔ pó mè núkúle, pé yah.

16 Pè me pó núkúle à kɔ̃. A me pè piki yah ne, nê yah se, ànê ñ yĩnne wárkínmɔnɔle ké yõ nɪ? Pè à syah ne, Wromeno yõtẽ ñgbẽ-á.

17 Képah tẽne, à yo pé tyí ne, pè Wromeno yõtẽ ñgbẽne n kɔ̃ ñ tyíle, pè mó Liyelle n kɔ̃ ñ tyíle. Képah sɔkɔ, pé gbãndu ñ wey mè dukùle.

*Sadusẽno Yesu piki yah lékyî yúkúnwìlnó tyí yõ*

18 Sadusẽnɔle, nósýo ye nónó-á ne, lékyî náh n yuku n wil n pi. Pé tókù pɔ Yesu tnô, té à piki yah ne ñkẽ,

19 kwó-ò dí, \*Moyisi-á Liyel tir kònsàhnó mè wãrkɪ sah pé kɔ̃ ne, dí nê tyí gbẽndí-à me, té tẽ ku, té ñ kyɪ sah pi kẽne, ñ gbẽndí mè-á yĩne à pékúsê mè tokɔ. A wẽnpĩ dubi à kɔ̃, nónó-á kɪ pɔ n pɪ n pi ñ nénkyídí nãhne.†

20 Té, dínpĩ yísýo-á sò me népĩ kwãrnimi pé yú tyí. Nénkyí tẽ-á sé tokɔ, té ku, té ñ kyɪ sah pi kẽne.

21 N sò syɪ me pékúsê mè tokɔ. N to pɔ ku, té à sah pi kẽne. Tɔ-ò to tyí pɔ pɪ sɛ̃.

22 Sɛ̃ntẽ ó-á pɪ pé no téló pól tyí. Té népĩ kwãrnimi nópi pól-á ku pi kẽne. Pé kúntenɔ náh, pi mè to pɔ ku.

23 Kãh pɪ sɛ̃, lékyî yúkúnwìl sóle, páh yuku, pi mè se kɪ pɪ nê tyíle nɪ? Tir yó náh, pé népĩ kwãrnimi pól-á à pĩ sêle.

24 Képah sɔkɔ, Yesu yo pé tyí: «Liyel wey pí-ńkẽ, ànê Liyel tẽnwenɔ pí-ńkẽ yĩn náh yéle pílkinó sɔkɔ di?

† 12:19 12.19 - Yah n te Deteronɔmɪ 25.5-10 sɔkɔ.

25 Lékyî yúkúnwìl sòlè, sê tókókì náh me, pe dékè náh me. Névyè kɪ me, á kɪ ne \*yĩnyõ tẽntõbe sɔ pal tẽ-nsah.

26 A yuku lékyî yúkúnwìlnó tyí sɔko: Yé náh kè kar yah Moyisi sèbè sɔko, fí nê-á dukuni tyíle n yo, nê-á sò nyàh lépõle ké sɔko di? Kè me wárkínsàhnóle nénpó ne, Liyel-á yo Moyisi tyí: «Nmɔ ye Abrahami Liyelle, ànê Yisaki Liyelle, ànê Yakobi Liyelle.»‡

27 Vye Liyel ye òne, lékyî Liyel náh. Sè ye yéle kàhnpilkintẽnóle yò.»§

*Liyel tyi kònsàhnó sɔko nê-á gblò kal*

28 Képah sɔko, \*Liyel ògbò wèkì kwó-ò dí yó kéne yékâb noh. A kè we, Yesu tẽ we kè yo ple Sadusè nópi tyí. A me no de ò tnô, té à piki yah ne, Liyel tir kònsàhnó nê tẽ se kal sé pólle ni?

29 A me yo ò tyí: «Liyel tir kònsàhnó nê-á kal sé pólle, képah we yò: «Á níki kwɔ, Yisrayel: Api Tẽ-ògbè Liyelle, òmɔ núkúni ó ye Tẽ-ògbè Liyelle.

30 N tyí yĩne kè no á tyí á ni pólle, ànê á min pólle, ànê á fɔko sòno pólle, ànê á tãhkì pólle.»\*

31 Ké ní-ò we yò: «Á ní-ò tyí yĩne kè no á tyí á gblɔy tyí kòle.»† Liyel tir kònsàhnó yó ntẽ náh tɔ kal sépi nínóle.»

32 Wãh yo sè, Liyel ògbò wèkì kwó-ò dí me yo ò tyí ne, kãh ple, pé kwó-ò dí! Tyi nónó-á à yo, gbi-á séle. Tẽ-ògbène, òmɔ núkúni ó-á Liyelle. Liyel yó náh tɔ me òmɔ tyí náh.

33 Nmɔ tyí-á yĩne kè no á tyí á ni pólle, á fɔko sòno pólle, á tãhkì pólle. Anê á ní-ò tyí mó no á tyí á gblɔy tyí kòle. Képah-á kɪ ple kal á yípè ko suke Liyel kɔ \*sárkále, ànê sárká duke téló pólle.

34 Képah sɔko, Yesu kè we ne, ò lékám-á no, à ké yah we tɔ sah yo. A yo ò tyí ne, à náh me fíi \*Liyel tɔrile. Képah náh, névi náh tɔ fè syi à piki yah tir yóle.

*Liyel ne tékinmɔno n pi Davidi náh nene òkù nene?*

35 Yesu sò me névyèle n kwɔ \*Liyel wòkò ògbè kéntáhkì sɔko, té me n yo ne, sɔ se pi, té \*Liyel ògbò wèkì kwópú n ne n yo ne, \*Kristale, nê-á Liyel ne, pãh kɪ tekɪ mɔ, òmɔ-á kɪ pi \*Davidi náh nene ni?

36 Tir yó náh, Davidi ntẽ sò kè yo \*Liyel Mírki gbò yò ne,

‡ 12:26 12.26 - Yah n te Yekisodi 3.6 sɔko. § 12:27 12.27 - Nónó-á ku sɔko di mónóle, kãh yo ne, Liyel-á pi pépi Liyelle, képah n wèku ne, pãh me min sɔko. Tir yó náh, Liyelle, kyí Liyel náh òne. \* 12:30 12.29 ànê 30 - Yah n te Deteronòmɔ 6.4 ànê 5 sɔko. † 12:31 12.31 - Yah n te Levitiki 19.18 sɔko.

Tě-̀ngbẽ Liyel-á kè yo péwɔ Tě-̀ngbẽ tyí ne:

«Kɔ̄ tě n̄mɔ gbòyò sòlɛ,  
mé kɪ á sépébí pɪ  
á gbáhsúkíɛ.»‡

37 Davidi n̄tẽ-à n̄ne n ye n̄ Tě-̀ngbẽne, kè kɪ pɪ sɔ̄, té à kɪ pɔ n pɪ Davidi náh nenɛ? Légbíne, tówú ñgbẽ sò me wey mène n nohnɪ Yesu tyí ñvìni sɔkɔ.

*Yesu ne, pè pé gblɔ̄yne n kyɔmɪ Liyel ñgbò wěkì kwópúɛ*

38 Wáh me névyɛ kwónó sɔkɔ gbí n̄ne, à yo pé tyí: «Yé yé gblɔ̄yne n kyɔmɪ \*Liyel ñgbò wěkì kwópúɛ. Fwòmɔn ñgbnɔ mónkɔnkɔnɔ tyí nɔ pé tyí. Pé n ne me ké tyí ne, névyɛ ne n t̄ɔ n sah n wekɪ pé tyí tówú tükè-̀ntàn sɔkɔ.

39 Pě tě-̀ntàn ñgbnɔɛ n yah n kɔ̄ \*Liyel ní-̀ntàn v̄i sɔkɔ, ñ té né-̀ngbnɔ tě-̀ntànne n yah n kɔ̄ yòke ñgbnɔ yó-̀ntàn sɔkɔ.

40 Nte ne n sykɪ pékúsyɔ yò, pé gbàn yíɛ n syi yínv̄i sɔkɔ. Nte n̄iríɛ n pɪ yòšékíɛ ne, névyɛ pé we. Sě ye pé tukey kɪ tuke kèpékè yó.»

*Pékúsê yām ne yó ñv̄i pólɛ Liyel kɔ̄*

41 Légbíne, Yesu sò me k̄nt̄ɛnóɛ Liyel wòkò yah, pó dahn̄mɔ-̀nsah kwâh gbòpɔ, té névyɛ pó dahn̄mɔ dùkùɛ n yah. Tahbɪ nahnáh sò me pó nahnáhɛ n dah n mɔ n pɔ.

42 Dò, pékúsê yām ne yó pɔ, pó pló nínó dah mɔ. Sè sò me núkú núkúnɔ nínó óɛ.

43 Képah sɔkɔ, Yesu n̄ \*tò sáhpú ye, té yo pé tyí: «Kègbɪ yò, mé kéɛ n yo yé tyi, pékúsê yām ne mè-á pó nê dah mɔ kwâh sɔkɔ, kè kal névyɛ pól tyíɛ.

44 Tir yó náh, no pól pó yò dòhnònó ye, pè dah mɔ. Nte, ñmɔ ànê ñ yām tóɛ, ñ sahkɪ pól ye à dah mɔ, wáh ne pɔ nê to yò n pi.»

## 13

*Yesu Liyel wòkò ñgbẽ sónó tyí yo sah*

1 Yesu-á n wil \*Liyel wòkò ñgbẽ kéntáhkì sɔkɔ gbí n̄ne, ñ \*tò sáhpú sɔkɔ ne yó me à syah ne, kwó-ò dí, à v̄i ñgbnɔ nópi mɔ dùkù t̄ɛne n yah, dyèh pèplɔɛ dé!

2 Yesu me yo ñ tyí: «Á v̄i ñgbnɔ nópi mónó we kè! Sé pól kɪ pɔ sekɪ. Dáhkì núkú n̄tẽ náh n wú n pi ké ní-ò yò.»

3 Képah náh, Yesu kyɪ kɔ̄ tě Wólívyê sésán yòli yò, Liyel wòkò ñgbẽ yèsreyne. Wáh me nénpó, Pyerɪ, ànê Nsyahkɪ, ànê Nsyò, ànê Andrepi pɔ pé yahɛ, té à piki yah ne,

‡ 12:36 12.36 - Yah n te Yìgbìnì 110.1 sɔkɔ.

4 gbí nê se tyi nópi pól kɪ n pɪ n pi nɪ? Nkě, à yo pé syah. Tyi nóno se kɪ sé pɪ gbíne pé wěki nɪ?

*Yèvyāhrɪ tyah gbíne*

5 Képah sɔkɔ, Yesu tyah n yo pé tyí: «Yé yé gblɔyne n kyomɪ, nɛ káh yé pilki.

6 Névyɛ náhnáh kɪ pɔ nɔmɔ yĩn tɔkɔ n pi, té kɪ nɛ, pépi-á \*Kristalɛ. Pè kɪ névyɛ náhnáh pilki.

7 Yáh mál tyíle n nohnɪ gbí nêne, yé gbòplo ànê fíí sɔkɔ, yé káh ye tíkí yé tẽ. Sépi ye yĩne sè pɪ. Nte, képah náh tǒnì kèkòyó tyénóle.

8 Kwil yó kɪ yuku kwil yóle n fwo, yòtẽ yó kɪ yuku yòtẽ yóle n fwo. Té, sétáh syahrɪ kɪ mɛ n pɪ tyahnó túkù sɔkɔ, ànê kwekɪle. Kè kɪ mɛ, á kɪ nɛ sê kúrkɪ tẽ gbí yónó sɔ.

9 Képah ye, yépi tẽ wɔle, yé yé gblɔyne n kyomɪ. Tir yó náh, névyɛ kɪ yéle n tẽ n kyɪ n pɔ tukey tükè-ntàn sɔkɔ. Pè kɪ yéle n ko \*Liyel ní-rítàn vɪ sɔkɔ, té kɪ yéle n tẽ n kyɪ n pɔ yòtām ànê yòtām ñgbnɔ tyí nɔmɔ yĩnne nɛ, yé pɪ nɔmɔ tārɸyòndóle pé yah sɔkɔ.

10 Té sépi-à pópó nɛ n pɪ, nìvìnì wey sán ñgbò yĩne ké nɛ mɛ yo kɔ kèkòyó kwlo kwlo pól névyɛ tyí.

11 Nte, pàh yé tẽ n yuku pé gbò dáhbi-ńsah, yé káh tǒnì yé fɔkɔle n sɔ, yáh nɛ tyi nóno yo n pi. Tyi nóno-à de yé fɔkɔ légbíne, yé kɪ sépi yo. Tir yó náh, tyi nóno-á yé kɪ n yo n pi, sè náh n wil n pi yépi tyí, sè n wil \*Liyel Mírki tyí.

12 Névyɛ kɪ pé yúpyé gbàhle n de n mɔ nɛ, pè pè ko mɔ, súbí tɔ kɪ n pɪ sɛntɛne pé wɛnpɪ tyí. Wɛnpɪ tɔ kɪ pé dúbípúle n fwo, kɪ péle n dah n mɔ kú sɔkɔ, pé ku ku tɛne.

13 Névyɛ pól kɪ yé wɛ mɔ nɔmɔ yĩnne. Nte, névi nê-à ñ tah sah, à pɔ nɔ kɪ tye gbí tyí, tẽ kɪ pwáhnɔnɔ wɛ.»

*Yèvyāhrɪ ñgbɛne*

14 Képah sɔkɔ, Yesu tǔ yǔ sɔkɔ ñ weyne - ñte, wey mè kàrpɪ yĩne pè ké dùkù pĩ. A nɛ: «Yé kɪ yíkínó pí-ò kápéke wɛ fí yó, à náh sò yĩne tɛnóle nýāh sɔkɔ. Légbíne, nóno-à mɛ Yude, pè yĩne pè to de ymɔ sɔkɔ.

15 Névi nê-à mɛ gbɛntɪn yǔ, tẽ-à tiki, à káh nɛ, páh n de kwàhle n tɔkɔ pé wòkò.

16 Nê-à se mɛ swāh sɔkɔ, à káh nɛ, páh pé syɪ n yuku fwòmò-ñgbɛ tókó-ńsah pé tĩnne.

17 Té kéne sèpɪn kɪ pɪ tyípékèle syó kúrn nɛtān, ànê yǔkɪ nɛtān tyí.

18 Képah ye, yé Liyelle n ni, kè káh pɪ ki sɔkɔ.

19 Tir yó náh, kéne sèpìn kɪ pɪ yèvyährɪ ñgběne, nê kénkõ náh we yah, Liyel-á kèkõyó mɔ sɔ, à pɔ syɪ núkúnúkú tyí. Anê sɛnkõ náh tɔ we n yah n pi.

20 Nte, Liyel ñtẽ-à me ké yáhntɔkɔ-ńkẽne ne, páh kɪ wĩlkinó pɪ kéne sèpìn sɔkɔ, ñnî yó ñtẽ min náh náh n wil n pi ké sɔkɔ. Nte, wáh nónó yah tɔkɔ pɪ ñ tyíle, pépi yĩn ye à wĩlkinó pɪ kéne sèpìn sɔkɔ.

21 Képah ye, névi-à yo yé tyí ne, yé yah, \*Krista-á me ásô, képah náh pɪ, wáh me wró mɛ, yé káh sɛ tɛ yô.

22 Tir yó náh, mìnnyobe túkù kɪ n wil n pi, té kɪ ne, pépi-á Kristale. Túkù kɪ mó tɔ wil ne, pépi-á \*Liyel tɛntõ syínyopule. Pè kɪ gbĩl duke dukele n pɪ, kɪ n yah n kɔ Liyel névyé yáhntɔkɔnɔ ñtẽ pĩlkí-ńsahle, pàh náh fɛ n tɛ n pi.

23 Képah ye, yépi tɛ wɔle, yé yé gblõyne n kyɔmɪ. Mé ye sɛ pól kwáh yo sah yé tyí.

### *Névi Pi pónóle*

24 Kéne sèpìn sɔkɔ, yèvyährɪ mè sókóntɛnɔ náh, gbĩ kɪ pɪ fɛntũne, ñwɔ náh tɔ n piki n pi,

25 ñwɔ képye kɪ wil yínyõ kɪ syɪkɪlɪ, yínyõ tãhkìnó kɪ yike.

26 Ké légbíne, yé kɪ \*Névi Pi we, à kɪ n pi nýĩrn wró ñ tãhkì ñgbě ànê ñ gblò sɔkɔ.

27 A kɪ \*yínyõ tɛntõbe tekɪ mɔ kèkõyó yey yey pól sɔkɔ, pè kɪ ñ névyé yáhntɔkɔnɔ tuke mɔ, à tɔkɔ yô mè tyí, á pɔ syɪ yô mè tyí.

### *Kwónó nê-á kɔ sɛnsóké tyí yô*

28 Yé kè pĩ kwónó nê-á sɛnsóké n kɔ: Ni-à me n kɔ ké yĩngbãh sɔkɔ, ké mɪ pɪ, yé n pĩ ne, ki de gbí-á nɔ.

29 Sɛnkõ-ó ye: Yáh tyi nópi we, sè n pɪ, yé pĩ ne, \*Névi Pi pónó-á de tɛ, wáh me yúkey.

30 Kègbɪ yô, mé kéle n yo yé tyí, kwey gbí névyé pól náh n ku n tɛ n pi, né tyi nópi pól náh pɪ.

31 Yínyõ ànê sétáh kɪ pɔ sɔkɔ, ñte ñmɔ wɛlɔ náh n sɔkɔ n pi pólle.

### *Liyel ó ye kèkõyó tye sóle n pne*

32 Té ké lésõle ànê ké gbíne, ñnî yó ñtẽ náh kè pĩ: \*Yínyõ tɛntõbe náh kè pĩ, Liyel Pi ñtẽ tɔ náh kè pĩ. Sú núkúní ó ye kè pĩ.

33 Yé yé gblõyne n kyɔmɪ, yé mó ne n yah. Tir yó náh, yé náh ké pɔ gbí pĩ.

<sup>34</sup> Kè me, á kɪ ne dí yó sɔ̃ n sɔkɔ kóló, té n fɔ̃ dahbɪ n tɛ̃ntõbe gbò. A pé pól ne núkú núkú wɛkɪ pé tã̀ne, té yo gbò syíkí-ò tyí ne, à káh ne n do, à ne n yah.

<sup>35</sup> Képah ye pɪ yépi tɔ ne n yah, tir yó náh, yé náh gbóntɛ̃ pɔ sɔ̃ pĩ: Kè kɪ pɪ nívĩne nɪ? Kè kɪ pɪ lénɪle nɪ? Kè kɪ pɪ snĩ gbo gbĩne nɪ? Kè kɪ pɪ séngbõle nɪ?

<sup>36</sup> Wàh n pi, à káh pɔ yé we tɛ̃ dɔy sɔkɔ.

<sup>37</sup> Nte, nê-á mé n yo yé tyí, mé kéle n yo no pól tyí: Yé ne me n yah.»

## 14

*Nsyifunɔ yõtã̃m me Yesu kònɔ-ńsahle n yah n kɔ̃*

<sup>1</sup> \*Pakɪ syáh-á n tyah yínintɛ̃nɔle, ké téy sò wũ sèpìn nínì, té Pakɪ ànê sɛ̃-ńkɛ̃ búrn syáh kɪ n syah n pi. Légbĩne, \*sárcá wĩkĩpu yõtã̃m ñgbɔ̃ ànê \*Liyel ñgbò wɛkɪ kwópú sò me Yesu tɛ̃-ńsahle n yah n kɔ̃ yínvĩ sɔkɔ, ñ kònɔ̃ mɔ tɛ̃ne.

<sup>2</sup> Pè sò me n yo wɛ tyí ne, pé náh fɛ̃ tir mè pɪ n pi syáh syáhnó sèpìn sɔkɔ, káh kɪ fɛ̃ kwil névye fòkònyãhni yilki mɔ kègbɪle.

*Sê yó pɔ làsèkwɛ̃l mɔ Yesu yõ*

<sup>3</sup> Ké lésõle, Yesu sò me Betani kwil sɔkɔ, \*tótɛ̃ dí Simo gbò sɔkɔ. Wãh sò me yónó sɔkɔ gbí nêne, sê yó de yuku pé tnò nɪrɪ so pèpɛy yóle, làsèkwɛ̃l dan tahle ké yĩne. A ké yah yɪkɪ mɔ, té ké kwe mɔ Yesu yõ.

<sup>4</sup> Nónó-á sò me nénpó, kè náh sò nɔ túkù tyí. Pè yuku n yo wɛ tyí ne, kù se pɪ, té à làsèkwɛ̃l mè yɪkɪ sɛ̃ nɪ?

<sup>5</sup> Káh kɪ sò fɛ̃ yã̃m, kɪ kah pó pló kyɛtõní yõ, té kɪ séle yã̃mtã̃m kɔ̃. Té me pé fɔkɔ vyãh pi mène kègbɪle.

<sup>6</sup> Nte, Yesu me yo pé tyí: «Yé ye ñ yõ! Kù pɪ, té yé ñ yahle n vyãh? Tyi pèpɛy ye à pɪ ñmɔ tyí sɛ̃ yò.

<sup>7</sup> Nte, yã̃mtã̃m kɪ me ànê yéle sòmésó. Yé kɪ fɛ̃ pèpɔrɪle n pɪ pé tyí, kàh nɔ yé tyí gbí nêne. Nte, ñmɔ tɛ̃ wɔ náh n me n pi yéle sòmésó.

<sup>8</sup> Pi mè pɪ pɪ tɛ̃ ye à pɪ. A kwãh tɛ̃ làsèkwɛ̃l mɔ ñmɔ wil yõ. A kè tɔ̃ sah te diki sɔkɔ dáhnɔ̃m yĩne.

<sup>9</sup> Mé kɪ kè yo yé syah kègbɪ yõ ne, kèkõyó pól sɔkɔ, nìvìnì wey sán-à n yo ñyãh, pi mè-á nê pɪ, képah tɔ kɪ n yo. No dɔy kɪ n kwne ñ tyíle.»

*Yudasi vìnóle Yesu náh*

10 Yudasi Yisikaryotile, Yesu \*tò sáhpú népí gbõnimí sòkò yó ye sò ònne. Nmo sòkò à kyí yo \*sárká wílkípu yòtám ògbò tyí ne, páh kí fě Yesu dahbí pé gbò.

11 Káh pí sě, ò wey mē nóhnó kah nò pé tyí. Pè me yo sah núkú yò ne, páh kí pò dan yóle à kò. Képah sòkò, Yudasi-á pí sò, té à dahbí n pí pé gbò, à tyah képah sòkò-ísahle n yah n kò.

*Yesu pè kò pè Paki yòke pí*

12 Sě-òkě búrn syáh tyah sóle, Yesu \*tò sáhpú à piki yah ne, òyáh sòkò se à me ké tyí ne, pé kyí \*Paki yòke pí ò tyí ní? \*Nsyifunò òkěne Paki képyènne n ko lésòle, képah ye.

13 Képah sòkò, à ò tò sáhpú népí ní mí wilki tò, té yo pé tyí ne, pè kyí kwil sòkò. Páh kí de n te, páh kí dí yó yohni, à kí me ní pín twah. Pè ò sò tě.

14 Wáh kí kyí de gbò nê, pè yo kéne gbò nétě tyí ne, kwò-ò dí-á ne, wòkò nê sòkò se pé kí pò n yò n pí Paki yòkele ànè pé tò sáhpúle ní?

15 Wáh kí pè wěki yínyò wòkò sòkò táh ògbě yóle. Yiyin pól-á kí me tónsàhnóle ké sòkò. Ké nénpó sòkò-á pé kí Paki yòke pí pé tyí.

16 Wáh yo sě, ò tò sáhpú kyí kwil sòkò, té pè òtyínò kyí tyi pól we, wáh sò kè yo sò pé tyí. Pè me Paki yòke pí nénpó sòkò.

17 Képah sòkò, òví-á pò nò, à pò de ànè ò tò sáhpú népí gbõnimíne.

18 Páh sò me yónó sòkò gbí nēne, à yo pé tyí ne, kègbi yò, pépi sòkò ne yó-á kí pò n vi n pí péwò náh, nê-á me n yò péle fí núkú.

19 N tò sáhpú-á képah noh, pé yah kwò kègbule. Pè tyah ònne n piki yah núkú núkúle. Nyò n ne, péwò se ní, òyò n ne, péwò se ní?

20 A yo pé tyí: «Yépi népí gbõnimí sòkò, nê-á me n di òmòle tēngbil núkú sòkò, tě wò ye.

21 Kègbi yò, \*Névi Pi kí n ku n pí, sò-á sò \*Liyel wey sébēnó kè yo sah ò tyí sòkò. Nte, tyípekè ògbě ye kéle ò gbàh dénmò-ò tyí! N dúbí-òkě ye nàhkí fónfó ò dúbínó yò.»

*Yesu yòke téyne*

22 Képah sòkò, yòke yò gbíne, à búrn tókò, té wèki Liyel tyí, té kí kwòki dibi pé kò, té yo pé tyí: «Yé syi kéle, òmò wil ye.»



23 Képah nâh, à me ðivě wɔ wɔ kwâh tɔkɔ ðivěne ké sɔkɔ, té weyne Liyel kɔ̄, té kéle n̄ \*tò sâhpú kɔ̄ pé pól wɔ ké sɔkɔ,

24 té yo pé tyí: «Képahle, n̄mɔ tó ye, nê-á kɔ̄ névye yégbéke kwɔ̄ mɔ ànê Liyelle. Kè kɔ̄ kwɛ tówû yinne.

25 Mé kéle n yo yé tyí kègbɔ yô: Mé nâh tɔ ðivě wɔ n yah n pi. Mâh pópó ðivěne n wɔ tɔ n̄tɔ, ðivě sán yó ye \*Liyel yòtòrí tyah sɔkɔ.»

*Yesu ne, Pyeri-á kɔ̄ n̄ vyâh kɔ̄li pé tyí sɔkɔ*

26 Képah nâh, pè Liyel gbílkinó yì gbɔ. Pâh gbɔ te, pè yuku Wólívyê sésân yòli yô.

27 Pâh kyɔ̄ nénpó, à yo pé tyí: «Yé pól kɔ̄ n̄mɔ yahle n pi. Sɔ-á \*Liyel wey sébɛ́nó kè yo sah ne, yípénfě-á kɔ̄ ko mɔ, té yípêy pól-á kɔ̄ to karkɔ̄ gbòplɔle.»\*

28 Képah nâh, à tɔ̄ yô sɔkɔ yo pé tyí: «Mâh pɔ̄ yuku n̄ kúntɛnɔ nâh gbí nêne, mé kɔ̄ kyɔ̄ yéle n syíkɔ̄ Kalile sɔkɔ.»

29 Képah tɛne, Pyeri me yo n̄ tyí ne, téló pól-à kɔ̄ sɔ̄ à yahle, péwɔ tɛ̄ wɔ nâh à yahle n pi.

30 Nte, Yesu me yo n̄ tyí ne, pâh kéle n yo n̄ tyí kègbɔ yô, kwɛy lékâh mɛ̄ sɔkɔ, sɛnpe-à kɔ̄ pópó n gbo ke nínó, wâh kɔ̄ me n̄ vyâh kɔ̄li te ke tónó ne, pé nâh péwɔ pî.

31 Nte, Pyeri tɔ̄ kè tɔ̄ yo yí n̄ tyí ne, kũ fyé-à sɔ̄, pâh kɔ̄ ku n̄ne. Pé nâh n yo n yah n pi pólle ne, pé nâh n̄ne n pne. Pé no téló pól tɔ̄ yo sɛ̄.

*Yesu nírí pínóle Yesemani sɔkɔ*

32 Képah nâh, pè sɔkɔ tyah yó, n̄yâh-á pè n ye Yesemanine. Pâh yini tɛ̄ nénpó sɔkɔ, à yo n̄ \*tò sâhpú tyí ne, pè tɛ̄ ásô, pé mó kyɔ̄ Liyel ni pɔ̄.

33 Wâh n sɔkɔ, à Pyeri ànê Nsyakɔ̄, ànê Nsyô tɛ̄ sɔkɔ. Té légbíne, n̄ fɔkɔ sò me fěkɔ̄, té tíkɔ̄ me à kah tɛ̄.

34 Képah sɔkɔ, à yo pé tyí: «Yèkwɔ̄ri me n̄ sɔkɔ, kè sɔ̄ n̄ne n ko. Yépi tɛ̄ ásô, té yé kâh ne n dɔ!»

35 Té yuku yah t̄inne kwéy, à kyɔ̄ gbètukunɔ di, té yo Liyel tyí ne, kâh kɔ̄ fě pɔ̄ n pi, à pé wilkɔ̄ kwlónó mɛ̄ sɔkɔ.

36 A tɔ̄ yo pé kwil wey sɔkɔ: «Aba, bô, tyi pól me áwɔ gbò. N̄mɔ wilkɔ̄ yèvyâhrɔ̄ mɛ̄ sɔkɔ. Nte, nê-á me ké sɔkɔ, n̄mɔ dɔy yí tɛ̄ kâh pɔ̄, té áwɔ tyí mó pɔ̄.»

37 Wâh nírí pɔ̄ te, à n̄ syɔ̄ pɔ̄ tò sâhpú népî tòmí nópɔ̄ t̄nɔ, à pɔ̄ pè we pè me n dɔ. A yo Simo Pyeri tyí: «Á me n dɔ kè? Á nâh tɛ̄ we yah kwéy kè no lér núkú n̄tɛ̄ne kè.

\* 14:27 14.27 - Yah n te Sakari 13.7 sɔkɔ.

38 Yé gbah tẽ yé ne n yah, yé mó Liyelle n ni, yé káh pɔ \*sétõ tǒnmɔnɔ fẽ syi. Fɔkɔ sɔnɔ pèpey me névi sɔkɔ, té ké pínó tǎhkì náh me ò sɔkɔ.»

39 Wǎh yo te pé tyí sɛ, à yal pé tnô, té tǒ kyi níri pɪ gben tẽ tyí kǒle.

40 Képah náh, à ò syi pɔ ò tǒ sáhpú tnô ítõ. A pɔ pè we, dɔy me tẽ we pé tyí. Yo yo tir náh tǒ we pé tyí.

41 Wǎh tǒ kyi pɔ ke tǒ-òle, à yo pé tyí: «Yé me sɛ tẽ yéle n mu kè? Kè tye! Ké gbí nɔ. Núkúnúkú, \*Névi Pi kɪ dahbɪ népêl gbô.

42 Yé yuku á sɔkɔ! Yé yah, névi nê-á òmɔle n dahbɪ pé gbô, tẽ pɔ te.»

### *Yesu tɛnóle*

43 Wǎh me képah yónó sɔkɔ sɛ, à náh tǒnì yo te, té Yudasi, nê-á ò \*tǒ sáhpú népî gbõnimí sɔkɔ yóle, òmɔ yìn méfwóbé nékwínkí yísyó yah, à pɔ kèkírñ ànê léplóle pé gbàn. \*Sárká wílkipu yõtám ògbnɔ ànê \*Liyel ògbò wèkì kwópú ànê yèwàhnì ye sò tekɪ mɔ péle.

44 Tè nê-á sò Yesu dahbɪ n pi pé gbô, à sò me pɪ dùkù yóle pè wèkì sah. A ne, páh kɪ pɔ wèkì nê tyí té à pɔrɪ tẽ, òmɔ-á. Pè à tẽ, pè mó òne n kyɔmɪ n yuku palle.

45 Képah sɔkɔ, wǎh núkú pɔ yīni tẽ Yesu tyí, à wèkì ò tyí ne, pé kwó-ò dí, té núkú à pɔrɪ tẽ.

46 Kǎh pɪ sɛ, no nópi núkú pɔ tuke Yesu yõ, à à tẽ.

47 Yesu tǒ sáhpú sɔkɔ yó núkú ò kèkírki yɔrɪ de, à sárká wílkipu yõtè ògbè tǒnpɪ yó níkì kǒ kām.

48 Képah sɔkɔ, Yesu me yo pé tyí: «Yé pɔ òmɔ tẽ-nsah kèkírñ ànê léplóle yé gbàn, á kɪ ne kèlékè névi sǒ òne.

49 Swõ swõ pólle, mé sò òkène n ne n me yé wró \*Liyel wòkò ògbè kéntáhkì sɔkɔ, névyele n kwɔ. Té yé náh ò tẽ. Nte, tyi nóno-à yo \*Liyel wey sébèno sɔkɔ, sépi pínũno yīn ye.»

50 Képah sɔkɔ, ò tǒ sáhpú pól to karkɪ, té à sah.

51 Té kètènpikì yó sò me Yesu sò tẽ, fwòpɪn núkú ó ye sò à pil. Pè à tẽ ò fwòpɪn tyí,

52 à mó kè fe de mɔ, té to sɔkɔ ò sènpũne.

### *Yesule Nsyifunɔ tukey tükèpu yah*

53 Képah náh, pè Yesu tẽ yuku \*sárká wílkipu yõtè ògbè gbô. Ké nénpó sɔkɔ, sárká wílkipu yõtám ògbnɔ, ànê yèwàhnì, ànê \*Liyel ògbò wèkì kwópú wè tuke mɔ.

54 Té Pyeri sò me Yesu sò tẽ wil fíí sòkò, à pò we de sárká wìlkìpu yòtẽ ògbě gbô, à kyì nyàhle n wne gbô táh sòkò ànê yòtẽ dí tònpihle.

55 Sárká wìlkìpu yòtãm ògbnò ànê \*Nsyifunò tukey tùkèpu pól sò me n yah n kò ne, pé tir yó we sah Yesu yó, pé à we ko mò. Nte, pé náh me vî-nsah we ké tyí.

56 Tir yó náh, mìnnyobe tàrfyòndó nàhnáh sò me. Pé nàhnáh sò me n wil mìnne n yo n sah ò yó. Té pépi rítẽ náh sò me sah wẽ tyí yó.

57 Túkù me n yuku lékàhle òne n kò ne,

58 páh noh à me n yo ne, péwò-á kì \*Liyel wòkò ògbě mè sò, nê-á névi mò, té kì kè tó mò sèpìn tònì wró, nê náh n pì n pì névi gbò mòmne.

59 Nte képah fyé yó, mìnnyobe tàrfyò nópi náh me sah tírr wẽ tyí yó.

60 Képah sòkò, sárká wìlkìpu yòtẽ ògbě yuku yìn no pól yah, té Yesu piki yah ne, tir kó me ò tyí yo yo tẽne ni, páh me tyi nóno pólle n yo n sah ò yó?

61 Nte, Yesu náh vi mò ò tyí, à náh tir yó yo ò tyí. Sárká wìlkìpu yòtẽ ògbě tó ò syi à piki yah ne, òmò se \*Kristale, Liyel-á ne, páh kì ne tekì mò ni? Liyel, nê-á pé pól me n gbilki, ò dórí pi se òne ni?

62 Yesu me yo ò tyí: «Àwe, òmò ye. Té yé kì \*Névi Pi we kòntẽnóle tyi pól Tẽ Liyel gbòyò sòle, kì me n tiki n pi nýirn sòkò.»†

63 Képah sòkò, sárká wìlkìpu yòtẽ ògbě fòkò kah vyāh. Fòkòvyāhni tẽ tyí, à ò fwòmòyòrì tó, té me n yo ne, pé se noh ni? Tàrfyò yah yah tẽ náh tó me ké sòkò.

64 Pè kó Liyel tyí wékíndenò noh ò tyí ni? Pè se ne, pé pì sò òne ni? Névyè pól yuku yo ne, wāh yīne kòmòmòle.

65 Pé túkù yuku n sìn n mò n pò ò yó. Pè ò yah vike tū, té òne n miki n pò gběnkukurinóle. Té yo ò tyí ne, à yo pé syah, nê-á mī òne. À kè sāh n pī. Képah sòkò, tukey tùkèpu tònpihi Yesu tẽ ò létáhlóle n kòli.

*Pyeri ne, pé náh Yesu pī*

66 Képah sòkò, Pyeri sò me gbyêh sò, gbô táh sòkò. Té \*sárká wìlkìpu yòtẽ ògbě tònpi pi yó pò.

67 Wāh Pyeri we à me nyàhle n wne, à à gbah yah, té yo ò tyí ne, òmò tó-á sò me Nasareti kwil Yesule!

† 14:62 14.62 - Nê-á Liyel tẽntò syinyo-ò yo sah Daniyel 7.13 sòkò, Yesu ne, pé gblòy tyí-á pé n yo.

68 Nte, Pyeri me ò vyãh kôli té ne, pé náh à pĩ, péwɔ ntẽ náh me ò wey mè syíkí-ńsah we dé. Wãh yo sɛ, à wil kyɪ yĩn kélé yah.

69 Képah tɛne, pi mè-á tɔ kyɪ à we, nónó-á sò me nɛnpó, à tɔ képah núkú ó yo pé tyí ne, dí mène, pépi sɔkɔ ne yó-á!

70 Pyeri me tɔ ò vyãh kôli. Dó, névye nónó-á sò me nɛnpó, pépi tɔ tyah n yo Pyeri tyí ne, yékâb náh n me ké sɔkɔ. Wãh n wil Kalile sɔkɔ, no nópi sɔkɔ ne yó-á ò tɔle.

71 Képah sɔkɔ, Pyeri tyah ò gblɔyne n wo pélpèl ne, dí nê tyí-á pè n yo pé tyí, pé náh òne n pne gbógbó.

72 Nɛnpó swɔ, sɛnpe gbo ke ní-òle. Képah sɔkɔ, Pyeri dyɔ to kô Yesu wey tyíle, wãh sò nê yo ò tyí ne, sɛnpe-à kɪ pópó n gbo ke nínó, wãh kɪ me ò vyãh kôli te ke tɔnó ne, pé náh péwɔ pĩ. Képah tɛ sɔkɔ, wãh képah sɔ, à tyah n gbo.

## 15

### *Pè Yesu tɛ yuku Pilati tyí*

1 Képah sɔkɔ, séngbɔ púpúle, \*sárká wìlkɪpu yòtãm ògbɔ, ànê \*Liyel ògbò wɛkì kwópú, ànê yèwãhnìne, pépi pól ye sò pi \*Nsyifunɔ tukey tükèpu yòtãmne. Pépi wɛ tuke mɔ Yesu tyí sɔkɔ. Képah tɛne, pé à tɛ pukubi, té kyɪ òne \*Pilati gbò dahbɪ.

2 Pilati me à piki yah ne, òmɔ se Nsyifunɔ yòtɛne ni? A me yo ò tyí: «Áwɔ ye yo kélé.»

3 Képah sɔkɔ, sárká wìlkɪpu yòtãm ògbɔ me lékãhle à kô tyi náhnáh sɔkɔ.

4 Képah náh, Pilati me tɔ à piki yah ne, à kó tir yó yo n pi ni? Tyi nónó pól-á n yo n sah ò yò, à kó sè noh ni?

5 Nte, à náh tɔ vi mɔ. Képah Pilati yáh-ńsah tyɛ.

### *Pè Yesu gbàh de mɔ kũ kɔ*

6 Ye ye pólle, \*Pakɪ syáh-à n syah, \*Pilati nkɛne wòkònpèkè sɔkɔ ne núkú yó fin mɔ, nê tyí-á no tówú tyí.

7 Pãh Yesu tɛ kyɪ Pilati tĩnne gbí nɛne, dí yó sò me wòkònpèkè sɔkɔ, pé n ye Barabasile, ànê pé nolɛ. Pè sò nékókè mɔ gbí nê-á sò pé me yahle sàhnóle \*Wromenɔ tyí yò.

8 Képah tɛne, tówú yuku kyɪ de Pilati tĩnne, à kyɪ tyah òne n ni ne, wãh dar, té tir nɛne n pi pé tyí Pakɪ syáhnó sɔkɔ, wãh náh kè pi pé tyí.

9 Pilati mó yo pé tyí ne, pè se ne, pé \*Nsyifunɔ yòtɛ ògbè fin mɔ ni?

10 A sò kè pĩ ne nkě, dyo yónó-á \*sárká wĩkĩpu yòtām ñgbno kō pè Yesu dahbi péwō gbõ.

11 Té sárká wĩkĩpu yòtām ñgbno sò me gbah tẽ tówũle n kurki n mo ne, pè yo ne, à Barabasi wilki fin mo pé kō.

12 Pilati pè piki yah tō ntō ne, sō se pé kĩ pĩ dí mène, nê-á pè n ye Nsyifuno yòtēne ni?

13 Pè tō gbo mo, té me yo: «Yé à syi \*dahni yõ!»

14 Pilati yo pé tyí ne, tyípékè nê se à pĩ ni? Pè tō tō gbo mo náhnáh nkě, à syi dahni yõ.

15 Képah soko, Pilati Barabasi fin mo. A sò me tówũ nìvìle n yah n kō, képah ye. A pé kō pè Yesu ko yèfòhle, té ñne sràhsyibí kō ne, pè kyí à syi dahni yõ.

### *Sràhsyibí kóle Yesu ko*

16 Képah tēne, sràhsyibí Yesu tẽ yuku gbô niyó yòtē dí tē-ñsah, té pé no pól ye tuke mo.

17 Páh kĩ pĩ sō, té kĩ kóle à we n ko n pi, pè fwòmōn syâh pèpey yó mo à kō té, yòkō pĩ pàn yìle, à dyi à kō tōrí yókúrí swō.

18 Té tyah n yo n tyí ne, páh n weki n tyí, \*Nsyifuno yòtē ñgbē,

19 té ñne n mikĩ n yõ soko gbè-ńsĩnne, té n sìn n mo n pō n yõ. Pè gbètukuno di, à kō kwĩnki sétáh n yah soko.

20 Páh kóle à ko te, pè fwòmōn syâh mē de n wil. Té tō n flo toko mo à kō. Képah náh, pè wil ñne kégbó soko n syi yĩnne \*dahni yõ.

### *Pè Yesu syi dahni yõ*

21 Sireni ne yó sò me, pè n ye Simole, Alekisãdre ànê Wurfu súle. Légbĩne, ñmo sò me wil swāh, me pō n soko. Sràhsyibí à kyĩ mo, à Yesu syi syi \*dahni mē twah.

22 Pè yuku Yesule tyah yó soko, nýāh-á pè n ye «Kolkotalē», yògbèkè tyahle.

23 Té pè me syibi yó fěki mo ñvẽ soko à kō ne, à wō, té à yahle.

24 Képah náh, sràhsyibí à syi dahni yõ, té me ñdan mo à n flo dibi wē tyí.

25 Páh à syi gbí nēne, gbĩ me pōntōki soko.

26 Páh à syi yõ nē yõ, pè kè wārki syi n yòtah sésár sénó yõ ne: «\*Nsyifuno yòtē ñgbē».

27 Té me tō kèlékē névyē népĩ ními syi dahlo yõ n gbòplo, n gbòyò ànê n gběyìnè sò. [

28 Képah sɔkɔ, nê-á yo sah \*Liyel wey sébɛ́nó sɔkɔ ne: «Pè à mɔ kò tyípêl pípu sɔkɔ»\*, kè ntyínɔ pi sɛ́.]

29 Képah tɛ́nɛ, wɛ́kɔbɪ sò me ònɛ n gbyɔ n sɔkɔ, té me pé yòlɛ n kal, me yo tũ ò tyí nɛ, ɔ́ɔ, òmɔ nê-á sò nɛ, páh kɪ \*Liyel wòkò òngbɛ sɔ, té kɪ kè tɔ́ mɔ sèpìn tɔ́nì wró,

30 à ò gblɔ́y pwah n mɔ, à mó tiki dahɪ yò!

31 Képah núkú-ó ye, \*sárká wílkɪpu yòtám òngbɔ ànê \*Liyel òngbò wɛ́kì kwópú sò me kóle ònɛ n kɔ, té me n yo wɛ́ tyí nɛ, wǎh névye tókù pwah mɔ, té à náh fɛ́ ò gblɔ́y pwah n mɔ!

32 Nmɔ-à kɪ nɛ Liyel-á nɛ, páh kɪ nɛ tɛkɪ mɔ Yisrayel yòtɛ́nɛ, à tiki dahɪ mè yò! Páh kɪ képah wɛ, páh kɪ sɛ́ ò yò. Té nónó-á sò me syínóle dahlo yò ò gbòplɔle, pépi to me ònɛ n gbyɔ.

### *Yesu kúnóle*

33 Gbìntɔ pòlɛ, lékâh mɔ sétáh pól yò sɔkɔ, fóó à pɔ nɔ gbèkâm gbí tyí.

34 Gbèkâm gbí-á nɔ, Yesu kah de syi, té yo pé kwil wey sɔkɔ: «Eloyi, Eloyi, lama sabaktani?» Képah n yo nɛ: «Ñmɔ Liyel, òmɔ Liyel, kú pi, té á ò fin mɔ?»

35 Nónó-á sò me nɛnpó té kè noh, pé tókù sò me n yo nɛ, pè tɔkɔ noh, wǎh me \*Yelile n ye.

36 Képah sɔkɔ, pé sɔkɔ nɛ yó me to kyɪ sɛnsúkúrí tɔkɔ dahɪ wilki yòyòkì ni sɔkɔ, à dyɪ gbey yó vyǎh tyí, à pɔ nɔ ò tyí nɛ, à wɔ, té me yo tũ nɛ, pé ye yah òkàh Yeli-á kɪ ntyínɔ pɔ à tiki mɔ n pi \*dahɪ mè yò nɪ?

37 Képah náh, Yesu me de syi, té pyɛ ku.

38 Nɛnpó swɔ, fwɔ nê-á \*Liyel wòkò òngbɛ fɔkɔ táh dibi nínó, kè to, à tɔkɔ ké yòtah, à pɔ syɪ sétáh tyí.

39 Sràsyíbì lèkwɛ́ yòtɛ́ dí nê-á sò me yínntɛ́nóle, té ò ku òkù wɛ́ sɛ́, à nɛ: «Gbɪ yò, dí mɛnɛ, Liyel pi ye ntyínɔ sò ònɛ.»

40 Syó yísyó to sò me yín tɛ́ fíí, me n yah. Pépi wró sɔkɔ Makadala kwil Mari, ànê Mari nê-á Nsyakɪ píri ànê Yose yúne, ànê Salome sò me.

41 Pépi ye sò Yesu sò tɛ́, ò tòlɛ n pi Kalile sɔkɔ. Syó kwíinkɪ yísyó to sò yuku ònɛ Yerusalemɪ sɔkɔ.

### *Yesu yínóle diki sɔkɔ*

\* 15:28 15.28 - Képah sò yo Yesayi 53.12 sɔkɔ.

42 Pãh Yesu ko mo só nê ñvĩne, ké dëndal ye sò pu \*Nsyifunɔ \*mɪ mɪ yòhle.

43 Arimatɪ kwil ne yó sò me, pè n ye Yosefule. Nmɔle, Nsyifunɔ tukey tükèpu sɔko ne pèpey yó ye sò ñne. Nmɔ to sò me \*Liyel tǒrí pónóle n syɪkɪ. Nmɔ n nɪ syãh, à kyɪ Yesu lékó ni \*Pilati tyí ne, à ñne pé kǒ, pé kyɪ à yĩ.

44 Pilati-á noh ne, Yesu-á núkú ku te, kè ñ yáh-ńsah tyɛ. A sràsyíbí yòtǔ dǐ ye pɔ piki yah ne, ñ kúnó di se mo nɪ?

45 Wãh ké gbɪ noh te sràsyíbí yòtǔ dǐ tyí, à mó wěkɪle Yosefu kǒ ne, à kyɪ Yesu lékó tɔko.

46 Képah sɔko, Yosefu kyɪ fwòpɪn dwe. A kyɪ Yesu lékó de \*dahni yó, té à plo fwòpɪn mè sɔko, à dah mo diki sɔko, nê-á tũ tekɪ sɔko, té dáh-ñgbě yó pil pɔ vike ké yah.

47 Légbĩne, Makadala Mari ànê Yose yú Mari mó Yesu dáhnmo-ńsah yah pɔko mo sah.

## 16

### *Yesu yuku wil diki sɔko*

1 \*Mɪ mɪ yòh-á sɔko, Makadala Mari, ànê Nsyakɪ yú Mari, ànê Salome kyɪ làsèkwěɔ dwe Yesu yó mo mo tɛne.

2 Dimasyi só séngbɔ púsó, gbĩ gbo gbĩne, pè yuku diki yó.

3 Syó nópi me n yo wě tyí ne, nê se kɪ dáh-ñgbě mè yɪkɪ mo pé kǒ nɪ?

4 Té pãh ne, pé yah, pè dáhki mè we pilntonɔle diki yah sɔko.

5 Pè de yuku diki sɔko, té kyɪ kètɛnpíkɪ yó we, à me fwòmònpíkɪ mo kǒ tɛ gbòyò sòle. Tíkɪ pè kah tɛ.

6 Té kètɛnpíkɪ mè me yo pé tyí: «Yé káh tíkɪ pu! Nasareti Yesu ye yé n yah n kǒ, nê-á pè syɪ \*dahni yó. A yuku wil diki sɔko. A náh me ásô. Yé pɔ yah ñ sɛ-ńsahle.

7 Yé kyɪ yo Pyerɪ ànê pé no téló tyí níkě, wãh me péle n syɪkɪ Kalile sɔko, sǔ-á lésó à kè yo sah pé tyí.»

8 Syó nópi-á képah noh sɛ, pè wil diki, à to sɔko wil syahrɪ sɔko tíkɪ tɛ tyí. Pè náh me n yo n mo ne tyí, tíkɪ káhntɛno tɛ tyí.

### *Yesu ñ gblǔyne Makadala Mari wěkɪ*

[

9 Dimasyi só séngbɔ púsó, Yesu yuku wil diki sɔko. A ñ gblǔyne Makadala Mari ñgbò wěkɪ, wãh lésó \*sétàn kwárnino yini wilki pi nê sɔko.

10 Makadala Mari kyɪ kè yo Yesu \*tò sáhpú tyí. A kyɪ pé we kú yèkwɔrɪ gbɪnɪ sɔko.

11 Pǎh noh, Mari n yo pé tyí ne: «Yesu me ò vile! Nmo ye à we!», pè nǎh sě ò yõ.

*Yesu ò gblõyne ò tò sǎhpú népî ními wěki*

12 Képah nǎh, Yesu \*tò sǎhpú népî ními sò me kwílpír yó wěkì tě. Pǎh me kéné wěkì yõ, Yesu ò gblõyne pè wěki dùkù yóle.\*

13 Pè pé syi kyi ké yah yo pé no téló tyí, té pépi to nǎh tò sě pé yõ.

*Yesu ò gblõyne ò tò sǎhpú népî gbõnúkú wěki*

14 Sépi pól sókónteno nǎh, Yesu ò gblõyne ò \*tò sǎhpú népî gbõnúkú wěki pé yõke yõ gbíne. A pé yahle n yo pé níki sékélkè, ànê pé tir yõ sě-ńkê yinne. Pǎh sǎnpi yahle pé vi wépu yõ sěńóle pé kúnteno nǎh.

15 Képah soko, à yo pé tyí: «Yé kyi òvòvò wey sǎnne n yah n yo n kǒ kèkõyó névyé pól tyí.

16 Névi nê-à sě ké yõ té \*wènwílkínó we, òmò ki pwah. Té nê-à sě ńkêne ké yõ, òmò ki wũ ké soko.

17 Té nónó-á sě ké yõ, yé ki pè pí pé tyípínó soko: Pè ki \*sétǎnne n yini n wilki névyé soko òmò yin yõ, té ki welo snóle n weki,

18 té ki fě wahy tě pé gbõle, té ki fě kwáh pèkè wò, té kè nǎh tir yó pi n pi pé soko. Anê pàh pé gbǎn sah yámpú yõ, pè ki de.»

19 Tě-ńgbě Yesu-á yo te sě, à yõ dokò soko yinyõ, à kyi kǒ tě Liyel gbòyò sò.

20 Képah nǎh, tò sǎhpú me kyi tyah òvòvò wey sǎnne n yo n kǒ ywõ ywõ pól soko. Tě-ńgbě sò me péle n yohni mò kéné tò soko, me gbíl tyile n pi, tyi nónó-á n wěki ne gblo-á pé welo.]

\* 16:12 16.12 - Képah ye yo dal mò Luki 24.13-35 soko.



## Likyi-á nìvìnì tir nê wārki Yesu tyí soko

*Likyi-á nê yo òn sébéy tyí yô*

<sup>1</sup> N dí Tewofil, tyi nónó-á pɪ á wró, névyé náhnáh tyah me séle n wārki.

<sup>2</sup> Pè sè wārki, sǎ-á tārɸyòno yó séle á tyí, pépi nónó-á sò wé séle sé tyah gbí dùkùle, té sò me Liyel wey yópùle.

<sup>3</sup> Képah ye, nímo to me tyi nópi níy tē palle, nónó-á pɪ, à toko ké tyah gbí tyí. Té me ké tyí ne, nímo to sè wārki ò kò sé wēkì yô, sǎh pɪ syi wē tyí sǎ, ní dí Tewofil.

<sup>4</sup> Képah soko, á kɪ pī ne, wáh kwónó nê wé, gbi-á kéle.

*Yinyô tēntò yó pɔ Welnwilkì-ò Nsyô dúbinó tyí yo sah*

<sup>5</sup> Yerɔdɪ-á sò me yòtēne Yude kwil yô soko gbí nēne, sárká wilkipu yòtē yó sò me, pè n ye Nsakarɪle. Sárká wilkipu yòtām nónó-á sò Abya tìnkìle, pépi soko ney yó ye sò òne. N kyɪ Yelisabetɪ tole sò, sárká wilkipu yòtē ògbē Arō náh ney ye òne.

<sup>6</sup> Pé ními sò me néglólé Liyel yah. Pè sò me Liyel tyi kònsàhnó pólle n pɪ, té me ò tyiyónè pól tē yíí.

<sup>7</sup> Nte, pé ními sò dye te, Yelisabetɪ náh sò fē pi wé n pi, képah ye pi náh sò me pé tyí.

<sup>8</sup> Sò yóle, Nsakarɪpi tìnkì tò pɪ gbí-á pɔ no, à sò me tole n pɪ Liyel yah péle.

<sup>9</sup> Pǎh dar té sǎhntòkònole n pɪ sǎ, kè sò pɔ yīne òmole. A sò yīne à de Liyel wòkò ògbē soko, à sèkukuri pǎn pèpey suke Tē ògbē Liyel yah soko.

<sup>10</sup> Légbíne, tówù pól sò me Liyelle n ni kégbó soko, wǎh wòkòle n yô gbí nēne.

<sup>11</sup> Wǎh me képah soko, yinyô tēntò yó wil ò yah, té me yīn tē wòkò yô yô kwáh gbòyò sòle.

<sup>12</sup> Nsakarɪ-á à wé gbí nēne, tíkí à tē, ò lékám fēkɪ.

<sup>13</sup> Nte, yinyô tēntò mè yo ò tyí: «Nsakarɪ, káh tíkí pɪ, á Liyel níno ye tē. Á kyɪ Yelisabetɪ kɪ dínpir dubi á tyí, té á kɪ ò yīn sah Nsyône.

<sup>14</sup> N dúbinó kɪ pɪ nìvìnì ògbēne áwɔ ànê névyé náhnáh tyí,

15 ò né-̀ngbĕ pónpuno yinne Tĕ ògbĕ Liyel yah. A nàh òwĕ wò n pi, à nàh tǒ kòno yó òtĕ wò n pi, té kɩ me yúkúnòle Liyel Mírki táhkìle ò dúbí-̀nkĕ gbí òkùle.

16 A kɩ pò Yisrayel névyé nàhnàh kò, pè kɩ pé syɩ pò pé Tĕ ògbĕ Liyel tyí.

17 A kɩ n kò Liyel yah Yeli pɩ òkù ànĕ ò táhkìle ò sòko. A kɩ pò súbí ànĕ pé wĕnpĭ wró tǒ sah, té kɩ òhnhì-̀nkĕpú vi mò pɩ òhnhìpule. A kɩ névyé tǒ sah vi mò Tĕ ògbĕ kò.»

18 Wǎh yo sĕ, Nsakarɩ yo ò tyí ne, péwò ànĕ pé kyile, pé ními-̀á dye te. Kǎh pɩ sĕ, sǒ se pé kɩ fĕ pĭ ne, gbɩ-̀á à yo nɩ?

19 Képah sòko, yĭnyò tĕntò yo ò tyí: «Kabrelɩ ye òmòle, nĕ-̀á n yĭn Liyel yah, à ò tòle n pɩ. A ní tekɩ mò ne, mé pò òvìvì wey mè yo á tyí.

20 Nte yah, á nàh sĕ ní wewò yò. Té, sè kɩ mó tǒ pò n pɩ n tǔ n pi sé gbí sòko. Képah ye, á vyǎh kɩ gbɩ tĕ, á nàh tǒ fĕ n wewɩ n pi fòó, kɩ pò nò tyí nòpɩ pĭntǔ sò tyí.»

21 Légbine, tówú sò me Nsakarile n sykɩ. Té ò kàhnmonòle Liyel wòkò ògbĕ sòko, képah sò me pé gbàn du.

22 Nte, Nsakarɩ-̀á pópó n wil, à nàh me fĕ n yo n mò pé tyí. Kǎh pɩ sĕ, no pĭ ne, gbɩl tir yó-̀á wil ò yah Liyel wòkò ògbĕ sòko. A sò me ò gbàn óle n pɩ n mò pé tyí, té me wewɩ kwlo.

23 Képah nàh, ò tǒ pĭnó sèpĭn-̀á pò tǔ Liyel tyí, à ò syɩ yuku ò gbò.

24 Kéne sèpĭn sókóntenò nàh, ò kyɩ Yelisabetɩ kúrkĭ tòko, té kè wòbɩ òwǒló kwló. A sò me n sò ne:

25 «Yah, pèpòrɩ nĕ-̀á Tĕ ògbĕ Liyel pɩ ní tyí yò. A ye òtyĭno yah dah mò ní tyí sòko núkúnúkú, à ní sen tòko to ní yò névyé yah.»

### *Yesu dúbino tyí yónsàhnòle Mari tyí*

26 Képah nàh, òwǒló kénúkò sókóntenò nàh, Liyel tǒ ò yĭnyò tĕntò Kabrelɩ tǒ kwil yó sòko, nĕ-̀á pè n ye Nasaretile, Kalile sétáh yò.

27 A à tǒ yĕndyíkì yó tyí, nĕ-̀á sò me gbĭnòle Davidi nàh ney Yosefu tyí. Yĕndyíkì mè yĭn ye sò Marile.

28 Wǎh kyɩ, à de yuku Mari tnò, té yo ò tyí: «Mé wewɩ á tyí Mari. Tĕ ògbĕ Liyel me pèpòrɩ yó tǒ sah pɩ á tyí, à me ále.»

29 Mari-̀á kéne wewò noh sĕ, ò gbàn du. A sò me n sò ò fòko ne, yò nĕ yò se à pò wewɩ mò pé tyí sĕ nɩ?

30 Képah sɔkɔ, yĩnyõ tẽntõ yo ñ tyí: «Mari, pèpɔri ye Liyel n pi á tyí ñ ñìgbèkì sɔkɔ. Káh n ye kè pi tíkí tirlé á tyí.

31 Yah, á kɪ kúrki tɔkɔ, kɪ dɪnpir yó dubi, té kɪ ñ yĩn sah Yesule.

32 A kɪ pi né-ñgbẽne Liyel yah. A kɪ n ye yõtah Liyel pile. Té Tẽ ñgbẽ Liyel kɪ à kõ, à kɪ tẽ kwil yõ ñ náh ney Davidi sõ.

33 A kɪ n wũ n pi Yisrayel kwil pól yõ gbímegbí. Ñ yõtõrí náh tye yah n pi pólle.»

34 Wáh yo sã, Mari à piki yah ne, ñte, pé náh se dí tyí pĩ. Sõ se kè kɪ pi, té pé kɪ kúrki tɔkɔ nɪ?

35 Yĩnyõ tẽntõ me tõ yo ñ tyí: «Liyel Mírki kɪ tiki á yõ, té yõtah Liyel táhkì kɪ fɔkɔ tũ á yõ fob sõ mɔ. Képah ye, pi nê-á á kɪ n dubi n pi, à kɪ me pèkè kẽne ñ sɔkɔ, té kɪ n ye Liyel pile.

36 Yah, á wòkò ney Yelisabeti, nê tyí-á no yo tũ ne, píkán sê-á ñne, à me kúrki tɔkɔ ñ dyèntenɔ náh, ké ñwóló kénúkò-ò ye yò. A kɪ n dubi n pi dɪnpirlé.

37 Á náh we di, Liyel tẽ we tyi pól tyí.»

38 Wáh yo te, Mari tõ ñ syi yo ñ tyí: «Ñmɔ me Tẽ ñgbẽ Liyel tyí yõ. Wáh yo sõ, Liyel kè pi sã ní tyí.» Képah náh, yĩnyõ tẽntõ ñ syi sɔkɔ.

### *Mari kyínyahnɔle Yelisabeti tyí*

39 Kéne sèpɪn sɔkɔ, Mari yuku sɔkɔ súu ymɔ yõ, Yude kwil yó sɔkɔ.

40 A kyɪ de Nsakarɪ gbô, té wekɪ mɔ Yelisabeti tyí.

41 Yelisabeti-á Mari wékɪnmɔnɔ noh, piri núkú kah werke ñ fɔkɔ sɔkɔ. Képah sɔkɔ, Yelisabeti me yuku Liyel Mírki táhkìle,

42 té yo ñ tyí yĩnpõ ñgbẽne ne: «Sãm me mónóle á sɔkɔ, à kal syó pólle. Anê sãm me mónóle á fɔkɔ táh piri tɔ sɔkɔ.

43 Nédúkú nê me ñmɔ tẽ tɔle, té ní Tẽ ñgbẽ yú kɪ pɔ n yah ní tyí?

44 Á náh we di, máh fyò á wékɪnmɔnɔ noh nyãh, ñvɪnɪ tẽ tyí, piri núkú kah werke ní fɔkɔ sɔkɔ.

45 Ñvɪnɪ me á tyí, áwɔ nê-á sã ké yõ ne, Tẽ ñgbẽ Liyel-á nê yo, káh kɪ pi tũ.»

### *Liyel yĩn gbilkínóle Mari tyí yìgbìnì sɔkɔ*

46 Képah sɔkɔ, Mari ne:

«Ñmɔ me ní nɪ dal mɔ Tẽ ñgbẽ Liyelle n gbilki,

47-48 Ñ Pwáhnɔ-ò Liyel fẽ syi yah dah mɔ ní tyí sɔkɔ.

Képah ye, ní nɪ me vɪnóle ò yĩnne.

Nmɔ nê-á me ò tyí yõ, me ní gblõyne n tiki n mɔ ò yah sɔko. Gbɪ yõ, à tɔko núkúnúkú tyí, knɔ knɔ pól kɪ pɔ n yo n pi ne, máh yèvinɪ wɛ.

49 Tyi pól tyí tɛnwɛ-ò Liyel ye tyí-̀ngbnɔ pɪ nɪmɔ tyí, ò yĩn ye Kètòkɛ̀ Liyelle.

50 Ǹ nìgbèkì kɪ me tɔnmɔnyukunɔle knɔ knɔ pól yõ tyé-̀nkɛ̀ne, nónó-á ò yah tíkile n pɪ.

51 A ò gbò tǎhkile tò pɪ:

Gblõy gbilkinó sɔnɔ-á me nónó sɔko, à pè karkɪ.

52 A yòtām tiki mɔ pé tɔrí klõ yõ, té gblõy t́kínmɔpu dɔko mɔ.

53 A yõ yõ yíle kwéndébé kɔ́ yíí, té tahbɪ fin mɔ pé sɔko pé gbàn kúkóle.

54 A Yisrayel névyɛ yohnɪ mɔ, pépi nónó-á me ò tyí yõ.

N dyɔ náh fwɔ ò nìgbèkì pínóle,

55 à yuku Abrahmɪ ànê ò náh tǎn tĩnne tyé-̀ríkɛ̀ne, wǎh sò ò vyǎh kɔ́ sɔ́ á súbì ògbò tǎn tyí.»

56 Képah sɔko, Mari tɛ̀ Yelisabetɪle, à n̄wǒlò tǔnó kénkò pɪ. Képah náh, à ò syɪ sɔko ò tĩnne.

### *Wèlnwìlkì-ò Nsyõ dúbínóle*

57 Képah sɔko, Yelisabetɪ dubi gbí-á pɔ nɔ, à dubi d̄ĩnpirle.

58 N tnô tɛ̀pu, ànê ò wòkò tǎn-á noh ne, Tɛ̀ ògbɛ̀ Liyel-á pèpɔrɪ ògbɛ̀ pɪ ò tyí, pè à tahlɪ pè ké nìvìnì pɪ.

59 N dúbínó sèpìn kwártɔ-ò sóle, pè pɔ piri kò-̀nsah, té me n yah n kɔ́ ò sú yĩn dyí-̀nsahle ò tyí, nê-á Nsakarɪle.

60 Nte, ò yú me yo pé tyí ne: «Ǿõ, à kɪ n ye Nsyõne.»

61 Pè me yo ò tyí ne, ògbò ò wòkò ney yó n̄tɛ̀ yĩn náh me sɛ̀ dé.

62 Té me kwási pɪ piri sú tyí ne, yĩn nê se à kɪ sah à kɔ́ nɪ?

63 Képah sɔko, à pè kɔ́, pè sésár sénó yó tɔko pɔ à kɔ́, à wǎrkɪ mɔ ké yõ ne: «Nsyõ ye ò yĩnne.» Képah pé pól gbàn du.

64 Nénpó swɔ, Nsakarɪ nénpórí de mɔ, ò vyǎh gbínó tye, à tyah n wekɪ, à Liyel yĩnne n gbilki.

65 Kǎh pɪ sɛ̀, t́kí de pé tnô tɛ̀pu pól sɔko, té no sò me tyi nópi pólle n yǎh n kɔ́ Yude ymɔ yõ kwlo pól sɔko.

66 Té Tɛ̀ ògbɛ̀ Liyel sò me ònne. Képah ye, nónó pól-á sò tyi nópi noh, pé sè tɛ̀ n sah pé nno sɔko, ò té ne me wɛ̀ne n piki n yah ne n̄kɛ̀, piri mè se kɪ pɔ n pɪ n pi nédúkú n̄ne nɪ?

*Liyel yīn gbílkinóle Nsakarí tyí yìgbìnì sòkò*

<sup>67</sup> Képah sòkò, piri sú Nsakarí Liyel Mírki táhkì wé, té me Liyel tēntò wélole n syi n yo ne:

<sup>68</sup> «Tē ñgbē nê-á Yisrayel Liyelle, ñ yīn ne n gbilki,

ñmò nê-á pò ñ no yohni mò, à pè wilki yōri sòkò,

<sup>69</sup> té me Pwáhnmo-ò táh wilki mò á kō,

à wil ñ tōnpi dí Davidi náh tǎn sòkò.

<sup>70</sup> Képah ye lésò à ñ tēntò syinyopu kō, pè yo sah di mónóle ne,

<sup>71</sup> páh kí á syi pwah mò á pēltǎn tyí,

té kí á wilki á dyo yópú gbò.

<sup>72</sup> A á súbí ñgbò tǎn ni gbe yíí.

Ñ dyo náh fwo ñ yégbékè kwrónmònsàhnó tyíle péle.

<sup>73</sup> A sò ñ wo á ñgbò sú Abrahami tyí ne,

<sup>74</sup> páh kí á tē syi á pēltǎn gbò,

á kō á fē tǒle n pi pé tyí tíkí kēne,

<sup>75</sup> á mó pi néglólóle yályál pé yah,

á min pól sòkò.

<sup>76</sup> Té áwo tē wòle, ñmò pi, á kí pò n kò Tē ñgbē yah sòkò, kí ñ wǎl tǒ n sah n pi.

Képah ye, pè kí ále n ye <Yòtah Liyel tēntò syinyo-òle>.

<sup>77</sup> Té kí ñ no kō pè kí pwáhnmoño dùkù pǐ,

pé tyípél yōnmòño gbò yō.

<sup>78</sup> Ápi Liyel ñgbèkì, ànê ñ tǒnsàhnpiño gbò yō,

à kí kyòò mò á yō kí wil yīnyō gbí sǒ gbo,

<sup>79</sup> kí pò kyòole névyé kō, nónó-á me kǔ fēntú tíkí sòkò,

té kí á yey vi mò yèvinu wēkì yō.»

<sup>80</sup> Té Nsyō tē wò sò me n kyāh, ànê ñ lékám me n yiki n mò n yuku. A sò me tē gbēnni sòkò pópó, à pò syi ñ gblōy wēkínó gbìyìkì tyí Yisrayel névyé yah.

## 2

*Yesu tēnweno n wil nýāh?*

<sup>1</sup> Kéne tyi pi gbíne, Wromeno yòtē Wokusti kwní kō ne, pè pé tǒrí mé-ńtǎn névyé pól yǎh pé dan pǐ.

<sup>2</sup> Kéne névyé yáhnó gben pò Krinisi wé Siri kwlo pól yah yétēne.

<sup>3</sup> Képah tēne, no pól sò me pé ynine n wārki n pò pé súbí kwlo sòkò.

4 Té Yosefule, yòtë dí Davidi náh ney ye sò ònè. Káh pɪ sě, ò to mó wil Nasareti kwil, Kalile sétáh yõ, à yuku Yude kwil yó sòkò, pè n ye Betlemune, yòtë dí Davidi dúbí-ńsah.

5 Té Yosefu kyɪ Mari sò me kúrkìle, páh n yuku pé yni wárkí-ńsah gbí ònè.

6 Páh kyɪ yīni tē, pè sò me sě nénpó, té Mari dubi só nò.

7 Képah sòkò, pè tē-ńsah yah kwìl népàn twáh-ńsah, té kyɪ tē yípèy sě-ńsah. A ò pígben dubi dínpirlè, té à plo fwo gbrólè, à snèki mò yípèy yõ yõ dú yó sòkò.

*Yīnyõ tēntōnè wìlnmɔnɔlè képyénfēbɪ yõ*

8 Légbíne, Betlemɪ kwil gbòpò yóle, képyénfēbɪ yísyó sò me n sò gbàn sòkò, à pé képyénìne n syɪki.

9 Pè me tēnóle, té yīnyõ tēntò yó pò wil mò pé yõ. Nénpó swò, Liyel tǒrí núkú tyah pól piki pèrr pé yõ. Tíkí me pé kah tē.

10 Yīnyõ tēntò me yo pé tyí: «Yé káh tíkí pɪ! Kwil pól nìvì tir pèpèy yó ye mé pò yó-ńsah yé tyí.

11 Piri yó me dubi yé tyí kwey lékâhne Davidi kwil sòkò. Nmò ye TÈ NGBÈNE pè n ye Kristale, Liyel-á ne, páh kɪ nê tekɪ mò. Nmò ye tǒ yé pwáhnmò-òle.

12 Té yáh ne pɪ sǒ, té à yah n pǐ n pi, kè we yò: Yáh kɪ kyɪ píyírí nê we plónóle flòle, té me snékínmɔnɔlè yípèy yõ yõ dú sòkò, òmò ye.»

13 Nénpó swò, yīnyõ tēntōnè yísyó wil kwínkile yīnyõ, à pò gben tē nò, pè tyah Liyel yīnne n gbilki yìgbìnì sòkò, me yo tū ne òkè:

14 «Liyel yīn pɪ gblò yīnyõ.

Nmò ye ò yèvnune ò nìvì névye kǒ sétáh yõ.»

*Képyénfēbɪ kyínyahnɔlè Yesu píyírí tyí*

15 Képah náh, yīnyõ tēntōnè-á pé syɪ sòkò yīnyõ, képyénfēbɪ nópi mó n yo wě tyí ne, pé no, pè yáwò pé kyɪ yah Betlemɪ. Tir nê-á pɪ nénpó, té Liyel ò tēntò tǒ pé tyí, páh yīne pé kè we.

16 Páh wekɪ wě kǒ sě, pè pé kyáh yuku Betlemɪ. Pè píyírí mè soh kyɪ we snékínmɔnɔlè yípèy yõ yõ dú sòkò, Mari ànè Yosefule ò gbòpò.

17 Páh à we sě, yīnyõ tēntò-á tyi nóno pól yo pé tyí ò tyí sòkò, pè sè yáh pè syah.

18 Nóno pól-á képyénfēbɪ welò nópi noh, kè pé gbàn du.

19 Mari tē mó tyi nópi pól syi sah ò fòkòle n sò.

20 Képah náh, képyéñfēbɪ pé syɪ. Yĩnyõ tēntò-á sò yo sɔ pé tyí, kè mó ntyínɔ pɪ sɛ. Képah ye, pǎh tyi nónó pól noh té tyi nónó pól wɛ, sépi pé kō pé Liyel yinne n gbilki, ñ pal tyile n yāh n yuku wēkɪ yah.

21 Képah náh, piri dúbínó sèpìn kwártõ-ò sóle, ñ kō gbí nɔ. Pé me ñ yin sah Yesule, sɔ-á sò yĩnyõ tēntò yo sah kéle ñ kúrkɪ tókó-ńkē gbíne.

*Yesu dáhbínóle Liyel gbò*

22 Képah sɔkɔ, sédám pèkì kúnó nê-á yĩne kè pɪ Moyisi tyi kònsàhnó-á kè yo sɔ, ké sèpìn-á tũ, Yosefu ànê Mari Yesu tē yuku Yerusalemɪ, à kyɪ ñne Liyel gbò dahbɪ.

23 Kè ye me wárkínsàhnóle Tē ñgbē Liyel tyi kònsàhnó sɔkɔ ne ńkē, pye gbroy dínpi pól-á yĩne pé Tē ñgbē Liyel gbò dahbɪ.

24 Anê tō ñkànpiñnó nínóle, pèkì ànê yũkile Liyel kō sárkále, képah náh pɪ, kèpikípikínɔ nínóle, sɔ-á kéle wárkínsàhnóle Tē ñgbē Liyel tyi kònsàhnó sɔkɔ.

25 Té légbíne, dí yó sò me Yerusalemɪ sɔkɔ, pé n ye Simeyõle. A sò me négbíle Liyel yah, té me n sah ñ yóre yõ. A sò me Yisrayel pwáhnɔ-ò pónóle n syɪkɪ, té Liyel Mírki sò me ñ sɔkɔ,

26 té kéle à wēkɪ ne, à náh n ku n pi, né à náh Krista wɛ yĩne, nê-á Tē ñgbē Liyel kɪ tekɪ mɔ n pi.

27 Képah sɔkɔ, Liyel Mírki ñ yah tē yuku Liyel wòkò ñgbē kéntáhkì sɔkɔ. Té Yesu dúbípú sò me à tē pɔ tyi kònsàhnó píntũ yinne ñ tyí, kǎh yo sah sɔ.

28 Képah tēne, Simeyõ me piri mē tē ñ gbò, té Liyel yinne n gbilki, me yo tũ ne:

29-31 «Ñ Tē ñgbē Liyel, mé pwáhnɔ-ò wɛ ní yĩne, wáh nê kō kèkõyó névyé pól yí yah.

Képah ye, á kɪ fē á tònpi min syi núkúnúkú

à kō à ne n yuku yèvɪnɪ sɔkɔ, sɔ-á á wɛy kè yo.

32 Pwáhnɔ-ò kɪ pɪ kyòole kwlo kwlo névyé tyí, kɪ á dùkùle pé wēkɪ,

té kɪ pɪ yõ yõnóle áwɔ no Yisrayel tǎn tyí.»

33 Kǎh pɪ sɛ, tyi nónó-á à yo Yesu tyí sɔkɔ, sè pɪ gbëndùnñe ñ sú ànê ñ yú tyí.

34 Képah sɔkɔ, Simeyõ me sām mɔ pé sɔkɔ, té yo ñ yú Mari tyí ne: «Yah, piri mē me Yisrayel névyé náhnáh syíkínmɔnɔ ànê pé náhnáh yílkinsàhnó yinne, ànê yékáb dénó yõle.

35 Kǎh pɪ sɛ̃, névye náhnáh fókósõnɔ kɪ wilki mɔ kwèyy. Té áwɔ tɛ̃ wɔle, á kɪ yèvyǎhrɪ pɪ, á kɪ ne pè sɔ̃ me á nɪle n suke nyàhle.»

*Liyel tɛ̃ntò syínyo-ò pi An-á nê yo Yesu tyí sɔkɔ*

36 Té Liyel tɛ̃ntò syínyo-ò pi yó sò me, pè n ye Anne. Fanuwel písê ye sò, nê-á Aserɪ yìkì neyne. N yah sò wah náhnáh. N sèpíl gbíne, wǎh de pe tyí, n pe yah kwɔ ké ye kwǎrní-ò sɔkɔ.

37 A me tɛ̃ pékúsèle, à pɔ nɔ ye tíkiyéh pó nyáh tyí. A náh sò me n gbe n mɔ Liyel wòkò ñgběne, té me Liyel yinne n gbilki gbímegbí, ké lékâh ké gbìntò, níkì tɛ̃nó ànê nírí sɔkɔ.

38 Nmɔ tɔ me de kyɪ yíne Yesu ànê ñ dúbípúle Liyel wòkò ñgbě kéntáhkì sɔkɔ. A tyah Liyel yinne n gbilki. Té nónó-á sò me Yerusalemɪ pwáhnmonɔ syɪkɪ tɛ̃, à me piri tyíle n yǎh pé pól tyí.

39 Yesu dúbípú-á Liyel tyi sàhnó pɪ tũ te, képah náh, pè pé syɪ sɔkɔ Kalile sétáh yò, pé kwil Nasaretɪ sɔkɔ.

40 Té piri wɔ mó me n kyǎh, me táhkìle n we. Lékám ñgbě sò me ñ sɔkɔ, té Liyel me ñ nɪle n gbe.

*Yesu wúnóle Liyel wòkò ñgbě, ñ ye gbǎmní-ò sɔkɔ*

41 Ye ye pólle, Yesu dúbípú ñkěne ne n kyɪ n pɔ Yerusalemɪ, Pakɪ syáh sɔkɔ.

42 Té Yesu-á pɔ nɔ ye gbõninóle gbí nêne, ñ dúbípú dɔkɔ yuku ñne Yerusalemɪ, Nsyifunɔ-á sò kéle n pɪ sɔ̃.

43 Syáh-á pɔ tye sò nêne, pè pé syɪ sɔkɔ, té pé pídí Yesu me wũ Yerusalemɪ, ñ dúbípú pí-ńkě sɔkɔ.

44 Pè sò me n sò ne, wǎh me ànê pé no wěkɔbɪ yísyóle. Kǎh pɪ sɛ̃, pè gbìyìkì núkú kóló kɔ, té pyě tyah ñne n yah n kɔ pé wòkò tǎn ànê pé népínó wró.

45 Nte, pè náh à we. Pǎh à yah kwɔ sɛ̃, pè pé syɪ à yah kɔ yuku Yerusalemɪ sɔkɔ.

46 Ké sèpìn tɔ-ò sóle, pè pyě kyɪ à we Liyel wòkò ñgbě kéntáhkì sɔkɔ. A me kǔntɛ̃nóle Liyel ñgbò wěkì kwópú wró, me n nohnɪ pé tyí, té me péle n piki n yah tyile.

47 Nónó pól-á sò me n nohnɪ ñ tyí, ñ lékám ànê ñ tyi yah yónó òkù pé gbǎn du.

48 N dúbípú-á à we sɛ̃, kè pépi tɔ gbǎn kah du. N yú me yo ñ tyí ne, pé pídí, sɔ̃ se pɪ, té à pɪ sɛ̃ pé tyí nɪ? A yah, péwɔ ànê ñ sú yáh-ńsah-á tye kègbile ñ yáhnkõnɔ sɔkɔ.



49 Nte, à me yo pé tyí: «Sõ pi, té yé ñne n yah n kã? Yé náh pĩ ne, máh yĩne mé ne n me ní sú tyah soko di?»

50 Nte, pè náh me ñ wey mè tyí yah we.

51 Képah náh, à me yuku péle Nasaretu kwil soko, té me ñ gblõyne n tiki n mo pé tyí. N yú wo mó tyi nópi pól syi sah ñ foko.

52 Té Yesu sò me n kyãh ñ gběnsê ànê ñ lékám me n yuku n mo n yuku. Té wãh to me mo ñ nìgbèkì yõ Liyel ànê névye tyí.

### 3

#### *Wèlnwìlkì-ò Nsyõ Liyel wey yónsàhnóle*

1 Tiberu-á sò me Wromeno yòtène gbí nêne, ñ yòtõri ye gbõnkwló-ò pò Põse Pilatu we Yude kwil yah yétène. Té Yerodu wo mó me Kalile kwil yòtène. N gbě dí Filipi me Yitiri ànê Trakoniti yõ. Té Lisanyasí wo me Abileni yõ.

2 Té An ànê Kayifi ye sò sárká wìlkìpu yòtãm ñgbnole. Légbíne, Nsakarí pídí Nsyõ Liyel yónmõno noh gběnni soko.

3 Kãh pí sê, à kyí Yurdê yo gbòplo tãntãn pól ko kã, me n yo pé tyí ne, pè Liyel wèkì tẽ, pè mó wèlnwìlkinó we. Képah soko, pé tyípêl-á kú yõ mo pè kã.

4 Kãh pí sõ, sê ye ñtyínò sò Liyel tẽntò syínyo-ò Yesayi wãrki sah kéle ne ñkê:

«Ñnì yó yìnpõ ye n dokò gběnni soko ne ñkê:

<Yé Tẽ ñgbě wèkì tõ sah.

Yé ñ sókó-ñtãn pí tómtóm.

5 Ymo wrónò pól kú yĩ.

Kènpni ànê ymo pól kú tirki pí támm.

Syõ-ñtãn knèni kú pí tómtóm,

té wètúkúnì kú tori.

6 Képah soko, no pól kú Liyel ney pwáhnmõno we yíne.»

7 Nékwínkí nónó-á sò n pò n pò Nsyõ tyí à kã à péle n wel n wilki, à sò me n yo pé tyí ne, wáhnmírò dùkù nópi! Nê se kwò péle ne, pãh kú fẽ to pwah Liyel fòkòvyãhnì yah, nê-á n pi ní?

8 Nkê, pè tyípeplole n pí nónó-á n wèkì n pi ne, pãh Liyel wèkì tẽ. Té, pè káh pé gbò sah Abrahami yõ nê-á pé súle. Páh kéle n yo pé tyí, Liyel-á kú fẽ dyèh nópi vi mo pí Abrahami pyele.

9 Té man ñtẽ-á me yáhnshãhtenole sésân fẽ yinne sé sémîn soko. Séswô nê-á n syí-ñkêne pye pèplole, kãh kú ko dah mo nyàh soko.

10 Képah tẽ sɔkɔ, tówú Nsyõne n piki n yah ne nkẽ, sɔ se pé yĩne pé pɪ nɪ?

11 A mó yo pé tyí ne, fwòmɔlɔ nínó-à me nê tyí, tẽ núkúle fwòmò-nkân ney kɔ. Té yòke-à me nê tyí, tẽ yĩ kwéndé kɔ.

12 Móri syípú yísyó tɔ pɔ Nsyõ tyí ne, à pé wel wilki, té à piki yah ne, pé kwò-ò dí, nkẽ sɔ se pépi yĩne pé pɪ nɪ?

13 A mó yo pé tyí ne, pãh yĩn nê yo pé tyí, pé káh ne n dohnɪ n syi ké yõ.

14 Képah sɔkɔ, sràsyíbí tɔ pɔ à piki yah ne nkẽ, té pépi-á dò, sɔ se pé kɪ pɪ nɪ? A me yo pé tyí ne, pé káh ney wore ñ gbò kwâh tẽ syi tãhkì sɔkɔ. Pé káh mó tɔ ney gbò kwâh syi yĩnvì sɔkɔ. Nkẽ, pé ye pé tò pínó wénó pé yĩne n yuku.

15 Képah sɔkɔ, no pól-á sò me pwáhnmo-ò syíkínó sɔkɔ sɛ, pé sò me pé gblɔyne n piki n yah ne, té Nsyõ káh kɪ nê Kristale dé?

16 Képah tẽne, à pé pól syah ne: «Ñmo tẽ wɔ ye yéle n wel n wilki ni sɔkɔ. Té nê-á n pi, ñmo tẽnweno kal ñmo tyíle. Mé náh yĩne ñ lékyêh mo ñtẽ wáhnmonole. Tẽ wɔ kɪ pɔ yé wel wilki Liyel Mírki ànê nyàh sɔkɔ.

17 Ñ sè mukɔ fwo fwo kwâh me ñ gbò. A kɪ ñ táh tɔ sah, ñ sè mukɔ fwo kɪ kwel mɔ ñ dúkúrí sɔkɔ, té sé yésyí wɔle, à kɪ sépi suke ní-ñkẽ nyàh sɔkɔ.»

18 Nsyõ sò me n syõ sɛnkno vɪnmɔ mɔ kwónó duke náhnáh sɔkɔ, à ñvì ñ wey sáñne n yo n kɔ no tyí.

19 A wil képah sɔkɔ, à tɔ lékàhle yòtẽ dí Yerɔdɪ kɔ, ñ yúnpɪ kyɪ Yerɔdyadɪ tẽnsyino, ànê ñ tyítúkúñi náhnáh pínó tyí sɔkɔ.

20 Té Yerɔdɪ náh yĩn sépi tyí, à tɔ Nsyõ tẽ dah mɔ wòkònpèkè sɔkɔ náhle.

### *Yesu wèlnwìlkìnóle*

21 Té Nsyõ-á sò me névyele n wel n wilki gbí nêne, wãh névyé pól wel wilki te, Yesu tɔ pɔ à kɔ, à à wel wilki. Yesu-á wil ni sɔkɔ té me nírilé n pɪ, à me yĩnyõ we kè yɪkɪ mɔ.

22 Té Liyel Mírki pɔ tiki ñ yõ wil gbẽnsé sɔkɔ kèpíkípíkí kètòle. Képah tẽ sɔkɔ, yĩnpɔ yó n wil liyel sɔkɔ ne nkẽ: «Áwo ye ní ñidè Pi núkúnine. A tyí no yíí ní tyí kègbile.»

### *Yesu náh tãñne*

23 Yesu-á ñ tò tyah gbí nêne, à sò me ye yõgbãm kénkɔ sɔkɔ. Té névyé tẽ wɔ sò me n sɔ ne, Yosefu pídí-á ñne, Yosefu nê-á sò Yeli pídíne.

24 Té Yelile, Matata pídí ye. Matatale, Levi pídí ye. Levile, Melki pídí ye. Melkile, Yanayi pídí ye. Yanayile, Yosefu pídí ye.

25 Yosefule, Matatyası pídí ye. Matatyasile, Amosı pídí ye. Amosule, Nawumi pídí ye. Nawumine, Yesli pídí ye. Yeslile, Nakayi pídí ye.

26 Nakayile, Matı pídí ye. Matile, Matatyası pídí ye. Matatyasile, Semeyin pídí ye. Semeyinne, Yosesyı pídí ye. Yosesyule, Yoda pídí ye.

27 Yodale, Nswana pídí ye. Nswanale, Yresa pídí ye. Yresale, Yorobabelı pídí ye. Yorobabelule, Salatyelı pídí ye. Salatyelule, Neri pídí ye.

28 Nerile, Melki pídí ye. Melkile, Adi pídí ye. Adile, Kosamı pídí ye. Kosamıne, Yelemadamı pídí ye. Yelemadamıne, Yerı pídí ye.

29 Yerile, Yesu pídí ye. Yesule, Yeliyeserı pídí ye. Yeliyeseıule, Yorimi pídí ye. Yorimine, Matata pídí ye. Matatale, Levi pídí ye.

30 Levile, Simeyõ pídí ye. Simeyõle, Yuda pídí ye. Yudale, Yosefu pídí ye. Yosefule, Yonamı pídí ye. Yonamıne, Yelyakimi pídí ye.

31 Yelyakimine, Meleya pídí ye. Meleyale, Mena pídí ye. Menale, Matata pídí ye. Matatale, Natãn pídí ye. Natãne, Davidi pídí ye.

32 Davidile, Yese pídí ye. Yesele, Wobedı pídí ye. Wobedule, Bowası pídí ye. Bowasule, Sala pídí ye. Salale, Nasonı pídí ye.

33 Nasonıne, Aminadab pídí ye. Aminadable, Adimini pídí ye. Adiminine, Arnı pídí ye. Arnıne, Yesromı pídí ye. Yesromıne, Faresı pídí ye. Faresule, Yuda pídí ye.

34 Yudale Yakobı pídí ye. Yakobıle, Yisakı pídí ye. Yisakıle, Abrahamı pídí ye. Abrahamıne, Tara pídí ye. Tarale, Nakorı pídí ye.

35 Nakorıle, Seruki pídí ye. Serukile, Wrako pídí ye. Wrakole, Falekı pídí ye. Falekıle, Yeberı pídí ye. Yeberıle, Sala pídí ye.

36 Salale, Kayinamı pídí ye. Kayinamıne, Arfasadı pídí ye. Arfasadıle, Semı pídí ye. Semıne, Nowe pídí ye. Nowele, Lamekı pídí ye.

37 Lamekule, Matisala pídí ye. Matisalale, Yenokú pídí ye. Yenokule, Yarədu pídí ye. Yarədıle, Maleleyel pídí ye. Maleleyelle, Kayinamú pídí ye.

38 Kayinamune, Yenosu pídí ye. Yenosule, Setu pídí ye. Setule, Adama pídí ye. Adama wole, Liyel pídí ye.

## 4

### *Yesu mónyahnole*

1 Yesu-á yuku Liyel Mírki táhkile, à n syi yal Yurdě yo tnô. Té Liyel Mírki à tē yuku gběnnu soko.

2 A sèpìn tikiñini pi nēnpó níkì tēnó soko. Nēnpó soko ye sētān yōtē à mo yah. Té sèpìn nópi-á po tū, kweki me à tē.

3 Káh pi sē, sētān yōtē me yo n tyí ne, ñmo-à ki ne Liyel Pile, à yo dáhkì mē tyí, kè vi n mo n pi yōkele.

4 Yesu mó yo n tyí ne: «Kè me wárkínsàhnóle Liyel wey soko ne níkē: <Névi náh n min pi n pi yōke óle.>»\*

5 Képah náh, sētān yōtē à tē doko léyy, à kyi à wēki kèkōyó tōrí pólle séyy ñsō,

6 té yo n tyí ne, páh ki fē à kō n pi sépi pól yōtōrí, ànê sé tahrile. Sépi pól-á péwo gbò dahbi. Képah-á, nê-à pé dyo, páh ki séle ñmo kō.

7 Nkē, wàh ki fē syi n gbètukunɔ di pé yah à pé gbilki, páh ki sé pólle à kō.

8 Képah soko, à mó yo sētān yōtē tyí ne: «Kè me wárkínsàhnóle Liyel wey soko ne níkē: <Á ki á Tē ñgbē Liyel ó núkúnine n gbilki, té ki n sah ñmo ó tyí yō.>»†

9 Képah náh, sētān yōtē tō yuku ñne Yerusalem, à kyi à sah Liyel wòkò ñgbē yōtah, té me yo n tyí ne, ñmo-à ki ne Liyel pile, à yoko tiki sētáh.

10 Káh me wárkínsàhnóle Liyel wey soko ne níkē, Liyel-á ki n yīnyō tēntōnè kō, sè ki ñne n kyom,

11 ànê tō, sáh ki à swah syi sé gbàn soko. Dáhkì náh n gbáhkì pi yo n pi.‡

12 Képah tē soko, à me yo sētān yōtē tyí ne: «Kè me yónóle Liyel wey soko ne níkē: <Káh á Tē ñgbē Liyelle n mo n yah!>»§

13 Kéne mónyahnɔ nópi pól sókónteno náh, sētān yōtē yal à gbe mo ñne, té me à syiki tē náh ùnne.

\* 4:4 4.4 - Yah n te Yálnó sébéy 8.3 soko. † 4:8 4.8 - Yah n te Tōnyonɔ sébéy 6.13. ‡ 4:11 4.10-11 - Yah n te Gbálnó sébéy 91.11-12 soko. § 4:12 4.12 - Yah n te Tōnyonɔ sébéy 6.16 soko.

14 Képah náh, Yesu n syi yuku Kalile sétáh yõ Liyel Mírkí tǎhkìle n sòkò. Té n yĩn sò me wil nénpó kwlo pól sòkò.

15 A sò me kwónòle n pi pé Liyel ní-ńtân vî sòkò, té no pól me ònne n gbilki.

*Nasaretì tǎn Yesu yáhlenòle*

16 Sò yóle, Yesu pò Nasaretì sòkò. Kéne kwil sòkò ye sò à kyāh. Mí mî yòh sóle, à me de Liyel ní-ńsah wòkò sòkò, wǎh dar té kéle n pi sò, té me yuku ne, pé Liyel wey kar.

17 Képah sòkò, pè Liyel tǎntò syínyo-ò Yesayi sébéy tòkò à kò, à syi yíkì mò fí yó sòkò, nýāh-á kè me wǎrkínmòòle ne níkě:

18 «Tě ògbě Liyel ní yah wilki,

à n Mírkí mò ní sòkò ne,

mé nìvìnì wey sǎn yo yām tǎn tyí.

A ní tǎki mò yòbì yòrì sòkò wìlnó tyí yo yĩnne pé tyí,

à nê yítūbi yí yíkínmòòò tyí yo yĩnne,

à nê yèvyāhrì tǎ yõ yĩnne névye yõ, nónó-á me fóhnó sòkò,

19 à nê òmò pèpòrì pò yi tyí yo yĩnne.»\*

20 Képah náh, Yesu sébéy yah vike, té kéle Liyel wòkò kyòmì-ò kò, té kò tǎ. Té nónó-á sò me Liyel ní-ńsah wòkò, pé pól sò me ònne n yah díkí díkí.

21 Képah tǎ sòkò, à tyah n yo pé tyí ne: «Liyel wey fí nê tyi-á yé noh, sè pi tū kweyne yé tyí.»

22 Kǎh pi sǎ, no pól sò me Yesu yíngbìle n yo. Té n welo pèplo wékínó sò me pé gbǎn du, pè me yo tū ne, òmò kó Yosefu pídíne ní?

23 Képah sòkò, à me yo pé tyí ne, páh pĩ ne, pǎh kí sèmìrkì mî n pi, nê-á n yo ne níkě, sènpitě, à n gblòy de mò kè! Pǎh kí tǎ n yo n pi pé tyí ne, páh tyi nónó pól pi Kapernayumi sòkò, páh sè noh. Té pé tǎ sé dùkù pi pé sú kwil sòkò kè.

24 A tǎ yo pé tyí ne: «Mé kéle n yo n dal n mò yé tyí ne: pè náh Liyel tǎntò syínyo-ò yó ńtǎne n tǎ ple n sú kwil sòkò.

25 Kègbì tǎ yõ, mé kéle n yo yé tyí ne: Liyel tǎntò syínyo-ò Yeli me gbíne, pù-á lésò to pópó, à pò syi ye tǎnó à nê n wòlò kénúkò tyí, té kwénpékè yó me de kwil pól sòkò gbí nêne, pékúsyò náhnáh sò me Yisrayel sòkò.

\* 4:19 4.18-19 - Yah n te Yesayi sébéy 61.1-2 sòkò.

26 Nte, Liyel náh Yeli tekı mo pépi soko ney yó ntě tyí, té pékúsè yó tyí ye à tekı mo ñne, Sarepta kwil, Sidõ sétáh yõ.†

27 Anê Liyel tẽntò syíno-ò Yelise me gbíne, tótám náhnáh to sò me Yisrayel soko, té pé soko ney yó ntě náh dénmono we, à wil Siri sétáh tótě dí Nama tyí soko.»‡

28 Képah soko, nónó pól-á sò me Liyel ní-ńsah wòkò soko, pé foko vyãh welo nópi nóhnó tẽ tyí.

29 Pè me yuku Yesu tẽ yori wil kwil soko, à dokò yuku ñne yõl yõtah, pé kwil-á sò me mónóle nê yõ, té ne, pé à tu wilki mo.

30 Té à núkú wil pé wró, à soko.

*Yesu tẽnwenole sétàn yõ*

31 Képah náh, Yesu kyı Kapernayumi kwil soko, Kalile sétáh yõ, té me névyele n kwò Nsyifunò mi mi yòh sóle.

32 N wey sò me yõtõrí weyne. Képah ye ñ névyele kwò dùkù kò, kè no pól gbàn du.

33 Té lésòle, kè po yĩne, dí yó sò me Liyel ní-ńsah wòkò soko, sétòle ñ soko. Dõ, à de syi firr yínpõ ñgbẽne ne,

34 wéèè, Nasareti Yesu, kwãh nê se à n yah n kò pé tyí ni? A se po pépi tyí yíkí-ńsah ni? Páh ñne n pne, nédúkú nê-á ñne: Nmo-á Liyel tekı mo yályál.

35 Képah tẽ soko, Yesu díri kò sétõ mè yõ ne: «Á vyãh vike, ñ té n wil dí mè soko.» Nénpó swò, sétõ núkú dí mè toko min névyele niyó, té wil ñ soko, à náh dlo yó ntẽne à nò.

36 Káh pi sě, kè pi gbëndùni ñgbẽne no pól tyí, pé me tyah n yo wě tyí ne, wey dùkù nê se à n wěki sě ni? A tẽ we sétãñne n kyĩ n mo tẽnwenò ànê yõtõrí soko, sè n wil névyele soko.

37 Sépinó-á pi sě, Yesu yíngbí tyah n yo nénpó sétáh pól yõ.

*Névyele náhnáh dénmonole*

38 Wãh yal Liyel ní-ńsah wòkò, à soko Simo gbò. Té Simo déy sè sò me n kwlo wílvyãhnìne kèpékèyô. Pè me kè yah kò Yesu tyí ne, à à de mo.

39 Képah soko, Yesu me kò yĩn ñ yõ, té díri kò wílvyãhnì yõ, ké núkú pi fin mo. Nénpó swò, à núkú yuku tyah yõke tẽ-ńsahle n yah pé tyí.

† 4:26 4.26 - Pékúsè mène, Yisrayel ney náh sò ñne. A sò n wil Sarepta kwil, Sidõ sétáh yõ. Yah n te Yõtãm sèbéy ghen 17.9 soko. ‡ 4:27 4.27 - Tótě dí Namale, Yisrayel ney náh sò ñne. A sò n wil Siri sétáh yõ. Yah n te Yõtãm sèbéy ni-ò 5.14 soko.

40 Gbíyí déńó sòkò, nónó pól-á sò me n yò yam duke dukele, pé nétám pò péle Yesu tyí. A mó ò gbàńne n sah n yuku pé nénúkù núkú yò, à péle n de n mọ.

41 Té sétàn tọ sò me n wil névye náhnáh sòkò. Sè sò me n gbo n mọ sé wil gbíne ne nkè, Liyel pi-á òne. Nte, sáh pĩ ne, Liyel ney tékínmọnọ-á òne, à me dírí kò sé yò, té sé vyèy tũ wékínóle.

42 Tyah-á núkú dal, Yesu yuku sòkò gbènni tyah yó sòkò. Káh pi sè, tówù yuku tyah òne n soh n kò. Páh kyí à we gbí nêne, pé sò me ké tyí ne, pé à syi n sah, à káh tó yal pé tń.

43 Nte, à me yo pé tyí ne: «Mé yĩne mè nìvìnì wey sán yo n kò kwlo téló tọ tyí Liyel tórí tyí sòkò. N tékínmọnọ yò ye képahle.»

44 Képah náh, à kyí tyah Liyel weyne n yo n kò Liyel ní-ńtàn vì sòkò Yude kwlo sòkò.

## 5

*Yesu yènkyc tēpú ye pọ pi ò tò sáhpúle*

1 Sọ yóle, Yesu-á sò me Yenesaretí yó-ńgbè gbòpọ, tówù pọ à mọ gbí sah pílpil, Liyel wey noh yinne.

2 Yesu me krótónè nini we yò tń sòkò, té yènkyc tēpú me wil sé sòkò, me pé yènkyc tē tē mọle n wu.

3 A me de krótónè nópi núkú sòkò, nê-á sò Simo tyíle. Té kè yah kò ò tyí ne, à yal kéle yò vyāh tyí, à de yuku yò sòkò kwéyy. Képah-á pi, à kò tē krótókè sòkò, à yò sòkò tówùle n kwọ.

4 Wāh wẹkí te gbí nêne, à yo Simo tyí ne, à de yuku yahle yò tĩ tē-ńsah. Pé mó pé mọ min dah mọ yò sòkò, pé yènkyc tē.

5 Simo me à syah ne, pé yòtè, pépi-á tò pi sò, té pé náh kwāh yó rítè we tē. Nte, òmọ yóré yò, páh kú mọ min dah mọ.

6 Képah sòkò, pé me pé mọ min dah mọ yò sòkò, té yènkyc we tē tńónóle fọ́, pé mọ tyah n kòli.

7 Pé me pi mọ pé no tyí, nónó-á sò me krótókè ní-ò sòkò ne, pé pọ pé yohni mọ. Pé me pọ pé yohni mọ, pé yènkyc wilki mọ krótónè nini nópi yĩne fọ́, sè n tyah tíkíndenole ni sòkò.

8 Simo Pyeri-á képah we sè, à ò gbètukunọ di Yesu yah, té ne, pé Yòtè, tyípekè pí-ò-á péle. Képah yinne, à gbe mọ péwọle.

9 Páh yènkyc nópi we tē pípi sè, tíkí me Simo ànê pé no pól kah tē,

10 à tahlı Sebede dīnpī tyí, Nsyakı ànê Nsyõne, pépi nónó-á sò Simo tò pı múnε. Képah tēne, Yesu me yo Simo tyí: «Káh tíkí pı! Á toko núkúnúkú tyí, á kı pı névye yénpo-óle Liyel tyí.»

11 Képah náh, pé wil po krótónè sah kènkwhàh yõ ànê pé vyó pólle, té me Yesu sò tē.

*Yesu tótē yó de mo*

12 Só yóle, Yesu sò me kwil yó sokó, té dí yó to sò me nénpó, dú nyânne n wil pól sokó. Wäh Yesu we sē, à ko kwĩnkı, n yah di sétáh Yesu yah, té à ni ne, pé Yõtē, wàh me ké tyí, wäh kı fē pé de mo.

13 Wäh yo sē, Yesu núkú n gbò no, à tũ n tyí, té ne: «Mé me ké tyí, á kı de!» Nénpó swó, dí núkú de.

14 Képah sokó, Yesu kè gbah yo n tyí ne, à káh yĩ mè yãh ney tyí pólle. Té à kyı n gblõyne sárká wĩkĩpu yõtē wēkı. Moyisi-á sò sárká nê tyí yo sah tótãm dénmono tyí sokó, à mó kè pı n tũ. Képah-á kı n dénmonole pé wēkı.

15 Képah fyé yõ, wãn sò me n dohnı Yesu yĩn wĩlnó yõ, té nékwĩnkı sò me n tuke n mo n wey noh yĩn, ànê pé yamno mónđenmo yĩnne.

16 Té Yesu wo sò nkēne n gbe n mo n tē n gblõy gbēnnu sokó, n Liyelle n ni.

*Yesu sèkùkù dí yó de mo*

17 Só yóle nıtõ, Yesu sò me kwónóle n pı, té Farisiyēno ànê Liyel ñgbò wēkı kwópú to sò me kōntēnóle nénpó. Pé wil Kalile ànê Yude kwlo pól sokó, ànê Yerusalemı to sokó. Té Tē ñgbē Liyel tãhkı sò me Yesu sokó. Képah ye à kõ, à yámpúle n de n mo.

18 Légbĩne, nósýó sèkùkù dí yó twah po n sē sē kwáh yõ, me n yah n kõ ne, pé de ñne wòkò, pé kyı à tiki sah Yesu yah.

19 Té névye tnónkàhnó tē tyí, pé dé-ńsah yah kwlo. Kãh pı sē, pé dokó gbēntĩn yõ kye, à sèkùkù mè tiki mo ànê n sē sē kwáh tole, névye niyó Yesu yah.

20 Yesu-á we pé sē n yõ sē, à me yo sèkùkù mè tyí: «Dĩ, á típél ye yõ mo n kõ.»

21 Képah tē sokó, Liyel ñgbò wēkı kwópú ànê Farisiyēno tyah n sõ ne, nê tē ó se dí mēne, té à Liyel yĩnne n yıkı sē ni? Nê se kı fē típél yõ mo névi kõ, né Liyel ó náh ni?



22 Nte, Yesu-á pé fókósõno pĩ sě, à pé syah ne: «Kwâh nê pi, té yé n sô sě?»

23 Nê tẽ dòdò kal, à yo sèkùkù mè tyí ne, ò tyípêl-á yõ mo à kõ, képah nâh pi, à yo ò tyí ne, à yuku ne n kò?

24 Nte, mé me ké tyí ne, yé pĩ ne, tẽnwen-á me Névi Pi tyí sétâh yõ, kɪ fẽ névi tyípêl yõ mo à kõ», té ò syi yo sèkùkù mè tyí: «Mé kéle n yo á tyí: yuku, á sě sě kwâh toko, ò ne n yuku á gbô!»

25 Nénpó swò, dí núkú yuku no pól yí yah, à sě sě kwâh toko, à soko ò gbô, me Liyel yinne n gbilki n yuku.

26 Képah tẽ soko, no pól gbân du. Pè Liyel yinne n gbilki tíki tẽ tyí, me yo tú ne, kweyne, páh tyi snó we dé!

### *Yesu Levi ye yah*

27 Képah nâh, Yesu wil nénpó, té mórí syí-ò Levi we kõtẽnóle mórí syí-nsah wòkò soko. A yo ò tyí ne: «N sô tẽ!»

28 Levi núkú ò tò sah, té yuku ò sô tẽ.

29 Képah tẽne, Levi yòke ògbè pi ò gbô Yesu yinne, té mórí syípú náhnâh ànê ékáhbí kwíńkí sò me péle kéne yòke yó-nsah.

30 Képah soko, Farisiyẽno ànê pé Liyel ògbò wèkì kwópú sò me lékâhle Yesule n kò me n yo ò sâhpú tyí ne, kwâh nê se, té pè n yõ té n wò mórí syípú ànê Liyel wèkì kó-ńkèpúle wè tyí ni?

31 Képah tẽne, Yesu yo pé tyí ne: «Névyé nónó-á me lènole, sènpɪ yétò se me pé tyí? Yámpú tyí nâh sènpɪ yétòle di?

32 Névyé nónó-á n sô ne, négló-á péle Liyel yah, mé nâh pò pépi ye yinne. Nte, nónó-á pĩ ne, tyípêl pípú-á péle, pépi yé-nsah ye mé pò ne, pè Liyel wèkì tẽ.»

33 Képah nâh, Farisiyẽno yo ò tyí ne, Nsyõ tò sâhpú ànê pépi tò sâhpú-á ńkẽne níkile n tẽ, ò té nířile n pi. Nte, òmo tyíno tẽ wò nine n wò, té yòkele n yõ kè.

34 Wâh képah noh sě, à me yo pé tyí: «Fúr pí-ò-á nónó ye ò fúr yòke yõ yinne, yépi se kɪ fẽ pè kõ pè kɪ níkí tẽ pé yé-ò yí yah?

35 Nte, só yó me n pi, pe mè kɪ pò n wilki n pi pé wró. Légbíne, pè kɪ pyè níkile n tẽ.»

36 Képah nâh, Yesu me tõ sèmĩrkí yó mɪ pé tyí ne ńkè: «Névi yó ńtẽ nâh fwòsân kãm, à fwòdyâh min n pi. Wâh képah pi, fwòsân kɪ yɪkɪ, ké gbó mè tɔ nâh se tõ fwòdyâh syi n pi.

37 Anê tǒ, névi yó ntě náh ðivě sán mǒ n pi pley ði sǒkǒ. Wáh képah pí, ðivě sán mè-à fũ, kè kǐ pley nópi tǒkǐ, ðivě kǐ kwé, pley kǐ yǐkǐ.

38 Kàh pí ðivě sánne, kè yĩne kè mǒ pley snó.

39 Névi nê-á dar ðivě kónó wónóle, à náh tǒ n fě n syi ké kò-nkěne n wǒ. Tě n ne n yo ne, ðivě kónó-á nǒ kal.»

## 6

*Yesu ànê mi mi yòh só tyile*

1 Képah náh, Nsyifunǒ mi mi yòh só yóle, Yesu sǒ me wěkǐ tě n kǒ n kah sèmukǒ swěy yísyó sǒkǒ. Té n tǒ sáhpú me sèmukǒ ywǒle n kǒlǐ n wǒkǒlǐ pé gbǎn sǒkǒ, à n tah.\*

2 Farisiyěno-á képah we sě, pé tókù me ne, tǒ pínó wěkǐ náh me kǒnóle mi mi yòh sóle. Té kwáh nê se, té pè kéle n pí ni?

3 Képah sǒkǒ, Yesu yo pé tyí: «Kwékǐ-á lésǒ yǒtě Davidi ànê n náh névye tě só nêne, wǎh nê pí, yé náh kè kar yah kè?»

4 A náh sǒ de Liyel wǒkǒ sǒkǒ, à búrn tǒkǒ, nónó-á sǒ me sàhnóle Liyel tyí yǒ, à tah, té n náh névye tǒ kǒ ði? Té ney náh sǒ yĩne búrn nópi táhnóle, né sárká wǐlkǐpu yǒtǎm ó náh.»†

5 Té tǒ yo pé tyí: «Névi Pile, mi mi yòh yǒtě ye nne.»

*Gbǒnkù ðí yó dénmanole Nsyifunǒ mi mi yòh sóle*

6 Képah náh, mi mi yòh só yóle ntǒ, Yesu de Liyel ní-ńsah wǒkǒ sǒkǒ, me tyah névyele n kwǒ. Té ðí yó sǒ me nénpó sǒkǒ, gbǒyǒle kúnóle.

7 Képah těne, Liyel nǐgbò wěkǐ kwópú, ànê Farisiyěno mó me Yesule n kyomǐ n yah, wǎh kǐ ntyínǒ ney de n mǒ n pi mi mi yòh sóle, pè mó lékàh we à kǒ.

8 Nte, nǐmǒ tě wǒ sǒ me pé fókósǒnole n pne. Kǎh pí sě, à me yo gbǒnkù ðí mè tyí: «Yuku n pǒ n yĩn névye niyó ásǒ.» Dí me yuku yĩn.

9 Képah těne, Yesu yo pé tyí: «Nǐmǒ yéle n piki n yah, tir nê pínó wěkǐ me kǒnóle mi mi yòh sóle? Pèporǐ se, tǐ pèkè se? A ney min pwah mǒ, tǐ à tě ko mǒ?»

10 Képah sǒkǒ, wǎh pè yah kore vi, à yo ðí tyí: «Á gbǒ tǒ!» A me n gbǒ tǒ, kè núkú pí ké vile.

\* 6:1 6.1 - Yah n te Tǒnyono sěbéy 23.26 sǒkǒ. † 6:4 6.3-4 - Yah n te Samyeli sěbéy gben 21 sǒkǒ.

11 Képah tēne, pé fəko kah vyāh Yesule, pé tyah wēne n vi n mo, sǎ-á pé ki n pi n pi ñne.

*Yesu tēntōbe népî gbōnimi yáhnwilkînóle*

12 Só yóle, Yesu doko yuku yōli yó yō, à kyi níri le n pi. A lékâh pól pi Liyel ninó soko.

13 Tyah-á pɔ dal, à ñ tò sáhpú ye, té népî gbōnimí yah wilki pé soko, té pépi yīn sah ñ tēntōbele.

14 Wāh nónó yah wilki, pé yni we yò: Simo wole, Yesu ñmo yīn sah Pyerle, té ñ gbēndí Andre sò me, ànê Nsyaki, ànê Nsyō, ànê Filipi, ànê Bartelemi,

15 ànê Matye, ànê Toma. A tahlí Alfe pídí Nsyaki tyí, ànê Simo nê-á sò pé n ye «Sú fǒ vyāh syí-òle»,

16 ànê Nsyaki pídí Yudele, ànê Yisikariyotí Yudastle, nê-á pɔ vi Yesu nâh.

*Yesu tówû kwónó, ànê yámpú dénmonole*

17 Képah nâh, Yesu tiki yōli yō ànê péle, à pɔ yīn kéntáhkí támm yó soko. Té ñ tò sáhpú náhnâh sò me, à tahlí tówû ñgbē yó tɔ tyí, nónó-á wil Yude tantàn pól soko, ànê Yerusalemí, à tahlí pne yɔ gbɔpɔ kwlo tyí, Tiri ànê Sidōne.

18 Pé sò pɔ Yesu welo nóh-nsah, ànê dénmonɔ we yinne pé yamno soko. Sétân-á sò me nónó soko me péle n kwlo, pé tɔ dénmonɔ we.

19 Té táhkí yó sò me n wil ñ soko, à pé pólle n de n mo. Képah ye tówû pól kǔ, pé n yah n kǔ wéntũ-ñsahle ñ tyí.

*Yèviní ànê yèvyāhrí tyíle*

20 Képah soko, Yesu me ñ yah yō ñ tò sáhpú yah, té ne: «Yèviní me yé tyí, yépi nónó-á me yām soko.

Liyel tǔrí me yépi tyí yō.

21 Yèviní me yé tyí, yépi nónó-á me núkúnúkú kwekí soko. Yé ki pɔ n tǔ n pi.

Yèviní me yé tyí, yépi nónó-á me núkúnúkú gbní soko.

Yé ki pɔ yì syɔ n pi.

22 Yèviní me yé tyí, no-à yé dyole n yɔ, té yé milki, té yéle n gbyɔ, té yé yinne n yki Névi Pi yō sēnó yinne.

23 Nte, ké yōre ñgbē ki pɔ yé dyah Liyel fǒ. Képah ye, yé ne n me ñvì soko lésōle, yé ne n yoko n kwāh ñvì tē tyí. Sē ye lésō pé nâh tǎn tɔ n fōh Liyel tēntō syínyopule.

24 Nte, yépi nónó-á tahbule, yèvyāhrí me yé yō.

Yé yé pèpɔrɔ we soko te.

25 Yépi nónó-á me núkúnúkú tēki soko, yèvyāhrí me yé yō.

Kwekɪ kɪ pɔ yé tẽ n pi.

Yépi nónó-á me núkúnúkú yìsyò̀nì sòkò, yèvyãhrɪ me yé yõ.  
Yé kɪ pɔ yèkwɔrɪ gbɪnì gbo n pi.

<sup>26</sup> Pàh yépi nónóne n gbilki, yèvyãhrɪ me yé yõ. Sẽ ye lésõ pé náh tãn tɔ n gbilki Liyel yĩn yõ m̀nyobeɛ.»

### *Sépébi tẽnó pèpeyne*

<sup>27</sup> «Nte, yépi nónó-á me n nohnɪ ní tyí, mé kéle n yo yé tyí ne: yé yé sépébiɛ n tẽ plɛ. Yé pèpɔrɪɛ n pɪ yé dɔɔ yópú tyí.

<sup>28</sup> Nónó-á plɔɛ n ye n mɔ yé yõ, yé sãmne n mɔ pé sòkò.  
Yé mó Liyelle n ni yé fòhpú tyí.

<sup>29</sup> Névi-à á létáh núkú mɪ, ké ní-ò tɔ vi n mɔ à kõ. Névi-à á fwòmò-̀ngbẽ tɔkò, ye tẽ kõ à á fwòmònpir tɔ tɔkò.

<sup>30</sup> Névi nê-à kwâh ni á tyí, kè yĩ tẽ kõ. Anê, névi-à á gbò kwâh tɔkò, káh ne, tẽ n syɪ n pɔ kéle.

<sup>31</sup> Anê tõ, yáh me ké tyí ne, no nêne n pɪ yé tyí, yépi tɔ sɛnkõɛ n pɪ pé tyí.

<sup>32</sup> Yépi tyí-á no nónó tyí, pépi ó tyí-à no yé tyí, yíngbí nê me yé kɪ n we n pi képah sòkò? Liyel wèkì kó-̀nkèpú n̄tẽ tɔ nénónó tyí náh no pé tyí di?

<sup>33</sup> Nónó-á n tõ n sah n pɪ yé tyí, yé tɔ-à n tõ n sah n pɪ pépi ó tyí, yíngbí nê me yé kɪ n we n pi képah sòkò? Liyel wèkì kó-̀nkèpú n̄tẽ tɔ náh sɛnkõɛ n pɪ di?

<sup>34</sup> Anê, yâh n deki névyele n kõ, yáh sã ké yõ ne, nónó ó-á kɪ pɔ sé lédyáhníne yé kõ n pi, yíngbí nê me yé kɪ n we n pi képah sòkò? Liyel wèkì kó-̀nkèpú tɔ náh n deki wẽne n kõ, sé lédyáhní pónwe yinne di?

<sup>35</sup> Pèpɔrɪ pí-̀nkèpú, ànê népèl nìgbèkì me Liyel sòkò. Képah ye, yépi tɔ yé sépébiɛ n tẽ plɛ. Yé pèpɔrɪɛ n pɪ pé tyí. Yé ne n deki n kõ, ké lédyáhní tyí sò-̀nkène. Képah sòkò, yé kɪ kyɪ ké lédyáhní n̄gbẽ we Liyel fò, té kɪ pɪ yòtah Liyel wènpìɛ.

<sup>36</sup> Yé pɪ nìgbèkì névyele, sõ-á yé sú Liyelle nìgbèkì pí-òɛ.»

### *Káh no pìlki-̀ntãn óɛ n yo*

<sup>37</sup> Képah sòkò, Yesu tõ yo pé tyí: «Yé káh noɛ n tuke. Képah sòkò, Liyel náh yé tɔ tuke n pi. Yé káh lékàhle noɛ n kõ. Képah sòkò, Liyel náh lékàhle yé tɔ kõ n pi. Nte, yé ne n yõ n mɔ noɛ n kõ. Képah sòkò, Liyel kɪ n yõ n mɔ yé tɔɛ n kõ.

<sup>38</sup> Yáh no téló tyíɛ n sãh dú nêne, kéne dú núkú ó kɪ yé tɔ tyí sãh n pi. Képah ye, yé ne n yĩ n kõ. Képah sòkò, Liyel kɪ yĩ yé tɔ kõ. A kɪ dú tɔkò, kɪ sãhnó pèpey sãh, kɪ sni, kɪ

yike yike, kè kɪ yuku kwɛ, kɪ vi mɔ yé kɔ̃ yé fwòmɔlo vyɛy tɛ̃nkũnmɔno sɔko.»

39 Té tɔ̃ sèmirkɪ yó mɪ pé tyí ne níkɛ: «Yítú se kɪ fɛ̃ pɪ n ní-ò yítú yah tɛ̃-òlɛ? Pé ní mí náh n sykɪ n de n pi pwàh yó soko di?

40 Tir sáh-ò náh n kal n pne n kwó-òlɛ. Té sáh-ò nê-à kwónó wɛ yí, ñmɔ n pi n kwó-ò tyí kɔ̃lɛ.

41 Á pɪ sɔ̃, té ñdan kyomɪ wɛ á yúnpi yí soko, té dàhnpele áwɔ yí soko, á náh mɛ kɛpah wɔ wɛ?

42 Á kɪ pɪ sɔ̃, té kɪ yo á yúnpi tyí ne, à ye á ñdan wilki à kɔ̃ n yí soko, áwɔ nê-à dàhnpele á yí soko, té á náh mɛ kɛpah wɔ wɛ? Víninì wékí-ò! Á yí soko dàhnpe ñgbò wilki! Kɛpah-à pɪ, á kɪ fɛ̃ n yah palle, kɪ á ní-ò yí soko ñdan wilki.»

### *Séswô ànê ké pyele*

43 «Séswô pèpey yó ñtɛ náh n syi pye túkúnìne. Séswô túkù tɔ náh mó n syi pye pèplɔlɛ.

44 Sésân pól n pne sé pye soko. Sènsóké pye náh fɛ̃ n wɛ kahɪ soko. Yrensɛ náh mó tɔ̃ fɛ̃ n wɛ n gbɛ gbíyɛkì soko.

45 Népépɛy yípeplo n wil n nɪ soko, wáh nónó koh sah. Sɛ̃ ó ye, nétúkù tɔ tyítúkúnì n wil n nɪ soko, wáh nónó koh sah. Névi nɪ-à yuku tir nêne, kɛpah ye n wil n vyàh.»

### *Vì duke nínó tyí yónóle*

46 Kɛpah soko, Yesu tɔ̃ yo pé tyí: «Sɔ̃ pɪ, té yě ñne n ye <Tɛ̃ ñgbɛ, Tɛ̃ ñgbɛne>, té mäh se nê yo, yé náh kɛpahle n pi?

47 Névi nê-à pɔ ñmɔ tyí, té ní welo noh, té mɛ séle n pi, tɛ̃-á mɛ nê kètòlɛ, mé kɪ n tyí yo yé syah:

48 Á mɛ, á kɪ ne wòkò mɔ-ò yó sɔ̃, nê-á swɔ tũ tiki náhnáh, té wòkò sɔ̃ légbí yɔ̃. Té ké sɔ̃ tyàhnó-á sò ple sɛ̃, kɛpah ye, yo-á pɔ yuku, té kwɔ, kè fwo kyɪ syɪ kéné wòkò tyí, té kè náh tɛ̃ wɛ kè fɛ̃.

49 Té, névi nê-à ní welo noh, té à náh séle n pi, tɛ̃ wɔ mɛ, á kɪ ne wòkò mɔ-ò yó sɔ̃, nê-á wòkò yɔ̃ soko mɔ sɛtáh kókó yɔ̃ swɔ tũ-ñkɛne. Yo-á pɔ yuku, à fwo kyɪ syɪ kéné wòkò tyí, nénpó swɔ, ké pól pírki kwɛ, à núkú mukuli pnépné.»

## 7

### *Sràsyíbi lèkwɛ yòtɛ dí Liyel yɔ̃ sɛ̃ dùkùlɛ*

1 Kɛpah soko, Yesu-á welo nòpi pól yo pɔ tyɛ no tyí, à de Kapernayumi.

<sup>2</sup> Té nénpó sɔkɔ, tɔ̀npɪ yó sò me sràsyíbí yòtě dí yó tyí. Á sò me n yó kèpékèyô, me n tyah kúnóle. Té n tyí sò tah yíi n yòtě dí tyí.

<sup>3</sup> Wăh Yesu tyí noh, à me Nsyifunɔ yèwàhnì yísyó tekɪ mɔ ne, pè kyɪ à ni, à pɔ pé tɔ̀npɪ de mɔ.

<sup>4-5</sup> Pâh kyɪ yîni tě Yesu tnô, pè tyah ñne n gbah n ni, me n yo n tyí ne, pépi Nsyifunɔ tyí-á kah nɔ yòtě dí mè tyí. Anê, ñmɔ-á tɔ̀ yîni pé Liyel ní-ńsah wòkò mónóle. Képah-á, wăh yîne yòhnìnmonɔ mè pínóle n tyí.

<sup>6</sup> Képah sɔkɔ, Yesu me sɔkɔ péle. Wăh de n te sràsyíbí yòtě dí mè kétele, kéne dí tɔ̀ n kódíbí yísyó tɔ̀ ne níkě, pè pɔ yo Yesu tyí ne, pé Yòtě, péwɔ náh yîne n dénóle pé kéte sɔkɔ. Képah-á, à káh n gblɔy kwɔ pɔ.

<sup>7</sup> Nkě, képah tɔ̀-á pé kɔ pé kè yah ne, pé náh yîne pónwílńóle n tyí pé gblɔy. Nte, à wey núkú ó yo, pé tɔ̀npɪ-á kɪ de.

<sup>8</sup> Nkě, péwɔ nítě tɔ̀ tyí yòtām-á me, péwɔ tɔ̀ mó me sràsyíbí yísyó yô. Pâh yo nê tyí: «Sɔkɔ!», tě n sɔkɔ. Pâh yo nê tyí: «Pɔ!», tě n pɔ. Anê, pâh yo pé tɔ̀npɪ tyí: «Tir mè pɪ!», à kè pɪ.

<sup>9</sup> Képah sɔkɔ, Yesu-á kéne wɛɔ noh sě, à dí mè sô kègbule. Té n yah vi yo n sò tɛpú tówû tyí ne: «Mé kéle n yo yé tyí ne: Yisrayel nítě sɔkɔ, mé náh sɛnkɔ Liyel yô sɛnó névi wɛ yah.»

<sup>10</sup> Képah sɔkɔ, tɛntò névye-á pé syɪ kyɪ sràsyíbí yòtě kéte, pè kyɪ ne n yah, n tɔ̀npɪ mè de.

### *Yesu pékúsè yó pídí lékó yilki mɔ*

<sup>11</sup> Sô yóle, Yesu me n yuku kwil yó sɔkɔ, nê-á pè n ye Nayinne. Té n tɔ̀ sáhpú, ànê tówû ñgbě sò me n sò tě.

<sup>12</sup> Wăh yîni tě kwil dé-ńsahle yúkey, à nósýó yohni, pè me lékó yó twah n yuku yí-ńsah. Pékúsè yó pídí ye sò, n gblɔy núkúnine n yú tyí. Té, kéne kwil névye sò me wil náhnáh, me pi mè sò tě.

<sup>13</sup> Tě ñgbě Yesu-á pi mè wɛ sě, n yām à kah tě, à me yo n tyí: «Káh n tɔ̀ ne n gbo!»

<sup>14</sup> Té me nɔ de, à tũ lékó twáhkì tyí, ké twáhpú núkú yîni. Yesu me yo ne: «Dĩnpir, mé kéle n yo á tyí: yuku!»

<sup>15</sup> Wăh yo sě, à núkú yuku kɔ tě, té tyah n yāh. Yesu me ñne n yú gbò dahbi.

16 Képah tẽne, tíki no pól tẽ. Pè tyah Liyelle n gbilki, me yo tũ ne, Liyel tẽntò syínyo-ò ñgbẽ yó-á wil mọ pé wró. Anê, Liyel-á yah dah mọ ñ no tyí sọkọ.

17 Képah sọkọ, Yesu tyípinó tyí yónó tã mọ Yude tãntàn pól sọkọ, à kyí sọkọ ké gbòplọ kwlo to sọkọ.

*Wèlnwìlkì-ò Nsyõ-á nê piki yah Yesu tyí sọkọ*

18 Képah sọkọ, Nsyõ tò sáhpú tyi nópi pól yãh Nsyõ tyí. A me pé sọkọ nípí ní mí ye,

19 à tò Tẽ ñgbẽ Yesu tyí. Nkẽ, pé kyí à piki yah ne, ñmọ se Liyel ney tékínmọnọle, nê-á kú sò n pọ n pi, tí pé se yĩne pé ñn̄ne n syíkí nı?

20 Páh pọ yĩni tẽ Yesu tnô, pé yo ñ tyí ne, Wèlnwìlkì-ò Nsyõ-á pépi tekı mọ ñ tyí ne, pé pọ à piki yah ne níkẽ, ñmọ se Liyel ney tékínmọnọle, nê-á kú sò n pọ n pi, tí pé se yĩne pé ñn̄ne n syíkí nı?

21 Légbíne, Yesu me yámpú náhnáhle n de n mọ pé yamno, ànê pé yèvyáhrıno sọkọ. A sétàn yĩni wilki pé sọkọ, té yítũbi náhnáh yí yıkı mọ.

22 Té me yo Nsyõ tẽntò névye tyí: «Yáh nê we, té nê noh, yé kyí kè yãh Nsyõ tyí: Yítũbi yí me n yıkı n mọ, sèkukubi me n kọ tómtóm, tótãm me n de, níkítũbi me n nohnı, lékyı me n yilki n mọ, ànê ñivìni wey sán me n yo n kó yãm tãn tyí.\*

23 Nte, nê-á Liyel yõ sěno yáhle-ńkẽne ñmọ yinne, yèvıni me tẽ tyí.»

24 Képah sọkọ, Nsyõ tẽntò névye-á sọkọ te, Yesu tyah ñ tyíle n yãh tówú tyí me n yo: «Kwáh nê me yé kyí yah gběnnı sọkọ? Fílkı yó se yáhkı me n fi n kó?

25 Tı kwáh nê me yé kyí yah we? Dí yó se, nê-á me fwòpèplọ mọ? Té nónó-á mó tã fwòtáhn̄ne n mọ, té tãrí yéle n yõ, pépi náh me yõtãm fné sọkọ di?

26 Nte, kwáh nê me yé kyí yah we? Liyel tẽntò syínyo-ò yóle nı? Mé kéle n yo yé tyí ne: sě-á. Té ñmọ ntẽ-á kal Liyel tẽntò syínyo-òle.

27 Nkẽ, ñmọ tyí sọkọ-á kè wárkı sah ne níkẽ:

<Yáh, ñmọ Liyel kú ní tẽntò yó-ò tekı mọ á yahle, à kú pọ á wěkì tã sah.>†

\* 7:22 7.22 - Yah n te Yesayi sébéy 35.5 ànê 61.1 sọkọ. † 7:27 7.27 - Yah n te Malakı sébéy 3.1 sọkọ.

28 Mé kéle n yo yé tyí ne: sê fɔkɔ táh pi yó rítě náh me nê-á kal Nsyõne. Nte, nê-á tyí kal Liyel yõtõrí sɔkɔ, ñmɔ rítě gblò kal ñne.

29 Képah sɔkɔ, nónó pól-á sò me n nohni ñ tyí, à tahl mórí syípú tɔle, pé pól ne, Liyel-á me tómm, té Nsyõ kɔ, à pè wel wilki.

30 Nte, Liyel-á nê yah kɔ Farisiyẽno ànê Liyel ñgbò wěkì kwópú tyí, pè pé náh vi kè kɔ, té yahle pé wèlnwìlkinóle Nsyõ tyí.»

31 Té Yesu tɔ ne: «Nê tẽ me mé kɔ tɔkɔ sãh kwey gbí névyele? Nê tẽ me pé tɔ?

32 Pè me, á kɔ ne wěnpì sɔ kɔ tẽ n syah tówú tükè-ñsah sɔkɔ, té me n yo wě tyí ne, pépi-á yɔkɔ fíbɔ pé tyí, té pé náh se yi. Pé tɔ kú yìkì gbɔ mɔ, pè náh se tɔ gbo.

33 Nte, Wèlnwìlki-ò Nsyõ pɔ, à náh me n yõ, à náh me ñvẽne n wɔ, té yé ne, ñ yògbèkè náh me.

34 Névi Pi-á se pɔ, à n yõ té n wɔ, yé tɔ ne, pè yah yèwònpɔ, ànê sètẽ-á ñne, mórí syípú ànê tyípèl pípú kódí-á.

35 Nte, Liyel lékám tyile, gbɔ ye séle sé fěnsyipu tyí.»

### *Yesu pi yó tyípèl yõ mɔ à kɔ*

36 Farisiyẽ dí yó sò me, pè n ye Simɔle. Só yóle, à Yesu ye ne, à pɔ yòke yõ pé tyí. A me kyɔ de kéne dí gbò, à tẽ yòke yah.‡

37 Té kéne kwil sɔkɔ, tyípèl pí-ò pi yó sò me. Wãh noh ne, Yesu-á me yòkele n yõ Farisiyẽ dí gbò, à pɔ nɔrɔ pãn pènèkì yóle, so pèpey yó sɔkɔ.

38 Té me vi Yesu náh tĩnne, à n gbo ñ yéfine n kwe Yesu gbyèh yõ, té séle n kele ñ yòyenne, té sè pɔrɔ tẽ, té nɔrɔ mène n mɔ sé yõ.

39 Farisiyẽ dí nê-á ye Yesule, ñmɔ-á képah we sě, à tyah n sò ñ fɔkɔ sɔkɔ ne, dí mè-à sò me Liyel tẽntò syínyo-òle, pi nê-á n tũ ñ tyí yò, wãh náhkɔ ñ ñùkù pĩ ne ríkě, tyípèl pí-ò ñgbẽ-á ñne.

40 Yesu me wey tɔkɔ, té yo Simɔ tyí ne, tir yó-á me pé tyí yo yo tẽne ñ tyí. Simɔ me ne, à kè yo, kwó-ò dí.

41 Képah sɔkɔ, à me yo ñ tyí: «Kɔmɔ mó-ò yó kɔmɔ sò me nɛpì ní mí yísyó yõ. Núkú sò yĩne à à dyah pó pló kyekwéle, ní-ò me yĩne à à dyah pló tikiníní pó gbãmne.

‡ 7:36 7.36 - Yesu me gbĩne, nɛnpó tãn sò ñkěne pé gbalɔ kěkɔ n tẽ yòke ñgbnɔle n yõ.



42 Nte, pé sɔkɔ ney yó ntě náh sò me fě ò tyí dyah n pi sě, dí pé ními tyí yó mɔ pé kɔ̃. Káh pi sě, ò tyí kɪ nɔ kal nê tě tyí pépi ními sɔkɔ?»

43 Simɔ me à syah ne, péwɔ tě sɔnɔ sɔkɔ, nê kɔ̃lɪ-á kal, òmɔ-á. Yesu me ne, gbi-á à yo.

44 Képah sɔkɔ, té ò yah vi pi fɪnne, té yo Simɔ tyí: «Á pi mè we kè? Òmɔ-á de á gbô, á náh gbyêh wu wu nine ní kɔ̃. Nte òmɔ wɔ ò yéfi kwɛ ní gbyêh yó, té sè kele ò yòyénne.

45 Áwɔ náh ní pɔri tě. Nte, òmɔ tɛne, wáh de pɔ sɔ̃, à náh me yal mɔ ò gbyêh póríntɛnɔle.

46 Á náh mó tɔ niri mɔ ní yó, nte òmɔ tě wɔ niri pán pènèkì mɔ ní gbyêh yó.

47 Mé kéle n yo á tyí ne: pi mè tyípèl náhnáh nópi pól-á yó mɔ à kɔ̃. Képah ye, à tyínɔnɔ òngbɛ tir mè pi. Nte, yɔnmɔnɔ-à pi nê tyí kwéyy, òmɔ tyínɔnɔ n mó ne kwéyy.»

48 Tě tɔ ò syi yo pi mè tyí: «Á tyípèl ye yó mɔ ò kɔ̃.»

49 Képah sɔkɔ, wáh sò me n yó ànê nónónɛ, pé tyah n sò pé fɔkɔnɪ sɔkɔ ne, nédúkú nê se dí mène, té à kɪ pɔ tyípèl tole n yó mɔ ni?

50 Káh pi sě, Yesu me yo pi tyí: «Òmɔ yó sɛnó ye ò pwah mɔ. Ne n yuku yèvinɪ sɔkɔ.»

## 8

### *Tò sáhpú ànê syó yísyó Yesu sò tě*

1 Kéne tyi sókóntɛnɔ náh, Yesu sò me n kɔ n kɔ kwíl-òngbɔ ànê kwílpì, me nìvìnì wey sánne n yo Liyel yòtɔrí tyí sɔkɔ. Tě ò tò sáhpú népì gbɔnimí sò me òne,

2 ànê syó yísyó tole, wáh sétàn yini wilki nónó sɔkɔ, té pé yamɔ tyɛ. Makadala kwil Mari sò me, nê sɔkɔ-á sétàn kwárninɔ wil,

3 ànê Nsyanne, nê-á Yerɔdɪ tahrɪ kyòmì-ò dí Kusa kyile, ànê Susanɪne, ànê syó náhnáh yísyóle, nónó-á sò pé gbàn yile Yesu ànê ò tò sáhpúle n yohnɪ n mɔ.

### *Sèmuɔ mîr-ò sèmîrkîle*

4 Képah sɔkɔ, névyɛ sò me wil kwlo kwlo pól sɔkɔ, à n pɔ n pɔ Yesu tyí. Tówú òngbɛ-á pɔ tuke mɔ sě, à me sèmîrkì yó yáh pé tyí ne:

5 «Só yóle, sètò yó lésò wil ò sèmuɔle n mir. Wáh me mîrnó sɔkɔ, yísyó sykɪlɪ wɛgbalɪ sɔkɔ. Wɛkɔbɪ kɔ sɔkɔ sé yó, kèpye me pɔ sè yo.

<sup>6</sup> Yísyó me syikılı légbí yõ, à fi, té núkú tǒ kòkò vínó kě tẽ tyí.

<sup>7</sup> Yísyó me syikılı de pàn niyó. Sáh fi wẽ tyí pànne, pàn me fyãh sé yõ.

<sup>8</sup> Nte, yísyó me syikılı sétáh pèpèy sòkò, à fi. Sépi wò kyãh, à pò pyenò lèkwèkwe pi.» Sèmìrkì me yáhntenò náh, Yesu tǒ yo pé tyí yínpǒ ògbène ne òkě: «Níkí-à me nê tyí noh noh tẽne, tẽ ò níkí sah noh.»

<sup>9</sup> Képah sòkò, Yesu tǒ sáhpú à piki yah sèmìrkì mè yõle.

*Yesu sèmuکو mîrnó sèmìrkì yõ yo*

<sup>10</sup> A me yo pé tyí: «Liyel tǒrí tyi nónó-á me wǒbìnóle, sé pnènó ye yépi tẽ wò kǒ. Nte, téló tẽ tyí, sèmìrn ó sòkò ye sè kú n yãh.

Képah sòkò, pè kú n yah dikídíkí,  
té pè náh kwâh yó we n pi.

Té kú n nohn,  
té pè náh ké yõ pǐ n pi.»

<sup>11</sup> Té tǒ yo pé tyí: «Sèmìrkì mè yõ-á nêne, kè we yò: Mir mir sèmuکو mènè, Liyel wey ye.

<sup>12</sup> Té névye tókù me wègbalú tyí kǒlú: Pépi-à Liyel wey noh, sétò n pò kè wilki pé nno sòkò ne, pè káh pò sè ké yõ, pè mó pwáhnmonò we.

<sup>13</sup> Tókù me légbí yõ tyí kǒlú: Pépi-à Liyel wey noh, pè kè fẽ n syi nìvùle. Té pè náh n ye kè yáhnìne n mọ pé sòkò. Pè kè fẽ n syi nénpó swò ó sòkò, té mónyahno-à núkú pè yìni tẽ, pè pé náh vi kè kǒ.

<sup>14</sup> Tókù me pàn mé-risah tyí kǒlú: Pépi-à Liyel wey noh, fókósònò, ànê tahrú yáhnó, ànê kèkòyó nìvì tyi n pò kè fyãh. Káh pi sè, pè n wũ niyó, kè náh tirlè n pèkú pé tyí.

<sup>15</sup> Nte, tókù me sétáh pèpèy tyí kǒlú: Pépi-à Liyel wey noh, pè kè syi n sah palle ni pèpèy sòkò, nê-á me tǒnsàhnóle. N té ké tènó ple, yõre n we ké tyí, sèmuکو pékínó tyí kǒle.»

*Yesu-á sèmìrkì nê mi fòtnò tyí sòkò*

<sup>16</sup> Yesu tǒ yo pé tyí: «Névi se kú fòtnò soh, té kú dú kwĩnkì mọ ké yah, képah náh pi, kú kè dah mọ sè sè kwâh sètàhkì sò? Tẽ náh kè sah n pi fòtnò sahki sòkò, kè n pi n pi kyòole wòkò sòkò dépú tyí di?

<sup>17</sup> Tir yó nítẽ náh me wǒbìnóle, té kú n wũ n pi wìlkinmò-òkène kégbó. Sèfin sò tir yó nítẽ náh n wũ n pi pí-òkène, ànê wìlkinmò-òkène kwèyy.

18 Névi nê tyí kwâh-á me, dòhnìnó kɪ n pɪ ñmɔ tyí yõ. Té névi nê tyí kwâh nâh me, kwéy nê ntě-á à me n sõ ne, páh me we, ké tɔ kɪ tẽ syi ñ tyí. Kâh pɪ sě, yé kyòmìnóle n pɪ yé nohnɪ ðùkù sɔkɔ!»

*Yesu yúnpyé ànê ñ yúne*

19 Képah sɔkɔ, Yesu-á sò me fí nê sɔkɔ, ñ yúnpyé, ànê ñ yú pɔ yíni tẽ nénpó. Nte tówú tẽ tyí, pè nâh tẽ we nɔ de ñne.

20 Pè me yo mɔ ñ tyí ne, ñ yú, ànê ñ yúnpyé-á me yínnóle kégbó. Pâh me ké tyí ne, pé à we.

21 Képah tẽne, à me yo pé tyí: «Nónó-á Liyel weyne n nohnɪ té ké tyile n pɪ, pépi ye ñmɔ yú ànê ñ yúnpyéle.»

*Yesu yáhpékè yó yin mɔ yó-ñgbě sɔkɔ*

22 Só yóle, Yesu de krótókè yó sɔkɔ ànê ñ tò sáhpúle, té yo pé tyí ne, pè ye pé yuku yó-ñgbě kahnune.

23 Té pâh me krótókèle n to n yuku gbí nêne, Yesu dɔ. Dõ, yáhpékè yó kò pé yõ yɔ sɔkɔ, à nine n tɔkɔ n mɔ krótókè sɔkɔ, kè syi pɔ n yuku nine, dlo n tyah pé nónóle.

24 Pè me nɔ de Yesu tnô, me ñne n yilki n mɔ ne, pé yòtě, pé yòtě! Yɔ-á me n tyah pé yónóle dé! Képah tẽne, Yesu me yuku, té ðiri kò yáhkí, ànê ni yõ. Yáhkí me yin, yɔ tiki tẽ, tyah pɪ súmm.

25 Kâh pɪ sě, à yo pé tyí: «Yé Liyel yõ sěno nýâh?» Tiki tẽ tyí, pé gbàn du, pè tyah n yo wě tyí ne, nédúkú nê se ðí mène, té à fě n yo yáhkí ànê ni ntě tɔ tyí, sè n sah ñ tyí yõ nɪ?

*Yesu sétân kwĩnki yíni wilki dí yó sɔkɔ*

26 Yesu ànê ñ tò sáhpú kyɪ yíni tẽ yó-ñgbě kahnune, Yerasenɪ sétáh yõ, Kalile yèsreyne.

27 Wâh me n tiki krótókè sɔkɔ gbí nêne, dí yó wil kwil sɔkɔ, à pɔ à yohnɪ, sétanne ñ sɔkɔ. Kwil mè ney ye sò ñne. Té kè pɪ di mónóle, à nâh tɔ sò me flɔle n mɔ, ànê à nâh me n tẽ gbô. Ñ tẽ-nsah ye sò léyâl wró.

28-29 Té, sétõ mè sò n yuku dí mè yõ gbáhyí náhnáhle. Pè sò nkẽne à pukubi kěló, ànê kárnne ne, pé à tẽ sah. Nte, à púkúbí-ntân nópi kòli, té sétõ mè à tɔkɔ n de gběnnɪ tantàn sɔkɔ. Képah sɔkɔ, wâh Yesu we, Yesu me yo ñ tyí ne, à wil dí mè sɔkɔ. Wâh yo sě, dí pɔ kɔ kwĩnki ñ yah, té de syi yínpõ ñgběne ne, kwâh nê se à n yah n kò pé tyí nɪ, yòtah Liyel pi Yesu? Páh ñne n ni, à kâh pé fõh.

30 Yesu me à piki yah ne, n̄ yīn se s̄o n̄? Té kǎh p̄i, sétàn náhnáh s̄o me dénōle n̄ s̄ok̄o, à me ne, pé yīn-á Méfwóbé Kwīnkile.

31 Képah s̄ok̄o, sétàn nópi me Yesu ni ne, à káh sé yīni wilki tek̄i m̄o yèvyāhr̄i t̄ē-nsah.

32 Té nénpó s̄ok̄o, sel kwīnki yísyó s̄o me n yah n yō n kō yōh̄i yō. Sétàn nópi t̄ō Yesu ni ne, à ye sé kō sé kyi de sel nópi s̄ok̄o. A me ké wēkile sè kō.

33 Képah t̄ē s̄ok̄o, sétàn nópi wil dí mè s̄ok̄o té kyi de sel nópi s̄ok̄o. Sel kwīnki nópi núkú kènp̄in to tiki tükütükü, à kyi de yónp̄èk̄i s̄ok̄o, kè kō kè sè yō.

34 Sel nópi f̄ēpu-á képah we s̄ē, pè to kyi kè yāh kwil, ànē yèp̄iyey s̄ok̄o.

35 Képah t̄ēne, tyi nóno-á p̄i, névyé wil ne, pé kyi sé ségblō yah. Pè p̄o yīni t̄ē Yesu tn̄o, té dí n̄e-á s̄o sétàn wil n̄ s̄ok̄o, pè à we k̄ont̄ēnōle Yesu tn̄o. A s̄o me flō m̄o, té me tírr. Kǎh p̄i s̄ē, tíki pè t̄ē.

36 Képah s̄ok̄o, nóno-á s̄o n̄ dénm̄o dùkù we, pè kè yāh téló syah.

37 Kǎh p̄i s̄ē, tíki t̄ē tyí, Yerasen̄i sétáh yō névyé pól kè yah kō Yesu tyí ne, à yal gbe m̄o pépile. Képah s̄ok̄o, Yesu me de krótókè s̄ok̄o, à n tyah sókónóle.

38 Té dí n̄e s̄ok̄o-á s̄o sétàn wil, kéné dí Yesule n ni ne, à ye pé t̄ē n̄ne. Nte, Yesu náh kè f̄ē syi, té yo n̄ tyí:

39 «Liyel-á tyi nóno pól p̄i á tyí, á syi n̄ yuku á gbô, n̄ kyi sè yāh.» Wǎh yo s̄ē, dí me n̄ syi yuku n̄ t̄inne. Té tyi nóno pól-á Yesu p̄i n̄ tyí, à séle n̄ yāh n̄ kō kwil pól s̄ok̄o.

*Yayirusi písê yilkinm̄o, ànē pi n̄e-á t̄ū Yesu fwòm̄o tyi*

40 Tówû s̄o me Yesu syki t̄ē s̄ē, képah ye, wǎh wil yó-ngbē kahn̄ne, à p̄o yīni n̄ t̄ē pé tn̄o gbí n̄ne, pé pól à yohn̄i niv̄i s̄ok̄o.

41 Légbí mè ó s̄ok̄o ye dí yó p̄o yīni t̄ē, pè n̄ ye Yayirusile. Nm̄o ye s̄o nénpó Liyel ní-nsah wòkò yah yét̄ēne. Wǎh yīni t̄ē Yesu tn̄o, à gbètukun̄o di n̄ yah, té à ni ne nk̄ē, kékwe, à p̄o pé yuku péw̄o gbô,

42 nk̄ē, písê n̄e-á pé tyí n̄ gbl̄oy núkúnine, té me ye gbōninó kénkō s̄ok̄o, wǎh me n tyah kúnóle. Képah t̄ē s̄ok̄o, Yesu-á n̄ s̄ok̄o nénpó, tówû à fyāh kámm yey yey pólle.

43 Té, s̄e yó to s̄o me nénpó. A s̄o me n̄ yo tó kwénó r̄yānne pópó, ye gbōninó. N̄ gbò pól syi p̄o tye syey pínóle s̄enp̄ib̄i tyí, té pé s̄ok̄o yó nt̄ē náh t̄ē we à de m̄o.

44 A me no de Yesule n náh tinnε, té tũ n fwòmɔni vyãh tyí. Nénpó swɔ, n nýân núkú tyε.

45 Képah sɔkɔ, Yesu me piki yah ne, nê se tũ péwɔ tyí ni? No pól-á pé vyẽyne n kôli ne, pépi náh sɛ, Pyeri me ne, pé yòtɛ, névye-á fyãh sah nne kámm.

46 Nte, Yesu me ne, nnî yó-á tũ pé tyí. Páh kè pĩ ne, tãhkì yó-á wil pé sɔkɔ.

47 Képah sɔkɔ, pi mè-á pɔ pĩ ne, tir mè náh tɔ fɛ n wɔbi, à pɔ n gbètukunɔ di Yesu yah wilsyahri sɔkɔ. Tir nê yĩn-á à tũ n tyí, té kè yãh no pól yí yah, ànê sɔ-á à dénɔnɔ we nénpó swɔ.

48 Képah tɛ sɔkɔ, Yesu me yo n tyí: «Pi, á Liyel yò sɛnó ye n de mɔ. Ne n yuku yèvinɔ sɔkɔ.»

49 Gbí nê-á Yesu me kéne wey yónó sɔkɔ, dí yó wil yòtɛ dí Yayirusi gbô, à pɔ yo Yayirusi tyí ne, n písê-á yah kwɔ, ríkɛ, à káh fwòtɛ kwó-ò dí kwɔ.

50 Nte, Yesu-á képah noh, à me yo Yayirusi tyí ne ríkɛ: «Káh tíkí pi! Sɛ ó sɛ ké yò, té á písê kɔ n min we.»

51 Té pè me sɔkɔ Yayirusi gbô. Pãh kyɔ yĩni tɛ, à náh fɛ syi ney de nne, à wil Pyeri, ànê Nsyɔ, ànê Nsyakɔ, ànê pípír sú, ànê n yú tyí sɔkɔ.

52 Légbíne, no pól sò me pípír kũ pòle n gbo me yãm yãm tyile n pi. Képah sɔkɔ, Yesu ne: «Yé káh ne n gbo! A náh ku, dɔy sɔkɔ ye nne.»

53 Nte, névye-á sò me n kúntɛnɔ pĩ te sɛ, pè tyah kòle Yesule n ko.

54 Képah tɛ sɔkɔ, Yesu me à tɛ n gbò tyí, té à kah ye: «N pi, yuku!»

55 Nénpó swɔ, n min núkú ké syi de n sɔkɔ à kɔ à yuku. Wãh yuku, Yesu me kè yah kɔ pé tyí ne, pè yãrle à kɔ à yò.

56 Kãh pi sɛ, n dúbípú gbãh du, té Yesu kè yah kɔ pé tyí ne, pè káh tir mè yãh ney tyí.

## 9

*Yesu n tò sáhpú népî gbõnimí tɔ*

1 Sò yóle, Yesu n tò sáhpú népî gbõnimí ye tuke mɔ, té tãhkì ànê tɛnwɛnɔle pè kɔ ne, pè sétãn pólle n yĩni, pè mó yámpúle n de n mɔ.

2 Képah sɔkɔ, té pè tekɔ mɔ ne, pè kyɔ Liyel tɔrí tyíle n yo n kɔ, pè mó yámpúle n de n mɔ.

<sup>3</sup> Té tǝ yo pé tyí ne, pè káh kwâh yó n̄tē tǝkǝ wěkì kǝ yinne. Pè káh n̄sin tǝkǝ, pè káh pilki tǝkǝ, pè káh yǝke tǝkǝ, pè káh pǝ tǝkǝ. Anê ney káh fwòmǝlǝ n̄inó tǝkǝ. Té tǝ ne:

<sup>4</sup> «Yâh kyɪ wɛ twah kéte nê sǝkǝ, yé tē kápah sǝkǝ fǝó, kè pǝ nǝ yé yal gbí tyí nénpó.

<sup>5</sup> Té, nónó-à kyɪ yahle ne, yé káh twah pé tyí, yâh n wil kéne kwil sǝkǝ, yé yé gbyêh nèngbǝ kwer n kwe nénpó. Kápah kɪ pɪ gbáhdyâh d̄insàhnóle pé tyí.»

<sup>6</sup> Kápah tēne, pè me sǝkǝ, à kyɪ n kǝ n kǝ kwlo kwlo sǝkǝ, à n̄v̄n̄i wey s̄anne n yo n kǝ, té me yámpúle n de n mǝ ywǝ ywǝ pól sǝkǝ.

### *Yerǝdɪ fǝkǝ f̄ɛk̄inóle*

<sup>7-8</sup> Légbine, Kalile kwil tām yǝtē n̄gbēne, Yerǝdɪ ye sǝ. Nmǝ-á Yesu tyípínó nópi pól noh gbí nēne, túkù n̄tē me n yo ne, Nsyǝ-á n̄ syɪ min wɛ, à wil lékyî sǝkǝ. Túkù mó ne, n̄gbò Liyel tēntǝ syínyo-ò Yeli-á pǝ wil mǝ. Túkù mó tǝ ne, n̄gbò Liyel tēntǝ syínyo-ò yó-á yuku wil lékyî sǝkǝ. Pâh yo s̄ɛ Yerǝdɪ tyí, n̄ fǝkǝ f̄ɛk̄ɪ.

<sup>9</sup> Kápah sǝkǝ, à ne, té páh se Nsyǝ yǝ kām.\* Nte, nê tē ó tyípínó se tǝ pé n nohnɪ yǝ nɪ? Káh pɪ s̄ɛ, à tyah Yesule n yah n kǝ ne, pé à wɛ.

### *Tǝwú n̄gbē púnóle Yesu tyí*

<sup>10</sup> Yesu tēntǝbe-á pé syɪ pǝ n̄ tn̄, pè pé tyípínó pól yâh à syah. A me pè tē yal pé yahle, à yuku péle kwil yó gbǝpǝ, pè n ye Besayidale.

<sup>11</sup> Nte, tǝwú-á pǝ pé sókónó p̄i s̄ɛ, pè pé nyáh sǝ kyɪ nékwínkile. Kápah sǝkǝ, Yesu pè tē palle, me Liyel tǝrí tyíle n yâh pé tyí, té me yámpúle n de n mǝ, nónó-á sǝ me lènǝle n yah n kǝ.

<sup>12</sup> Nte, gbí-á pǝ n yi, n̄ tǝ sâhpú nǝ de n̄ tn̄, té me yo n̄ tyí ne, n̄gbǝ gbēnnɪ tyah sǝkǝ-á péle ásǝ dé! Nk̄ɛ, wâh náhkɪ tǝwú fin mǝ, pè kyɪ s̄ɛ-n̄tân anê yǝke yah kǝ gbǝplo kwlo anê yèp̄iyey sǝkǝ.

<sup>13</sup> Kápah sǝkǝ, Yesu yo pé tyí: «Yépi yǝke yah pè kǝ pè yǝ yé gblǝy kè!» Pè me à syah ne, búrn pló kwlo, anê yēnk̄yǝ pló n̄inó ó-á me pé tyí dé! T̄i, à se me ké tyí ne, pépi kyɪ yǝke dwe pǝ nékwínkí nópi pu nɪ?

<sup>14</sup> Té díbì sǝ nǝ nép̄i k̄èyǝ n̄inó kyegbām kénkǝle nénpó.

\* 9:9 9.9 - Yah n te Markt sébéy 6.14-29 sǝkǝ.

Képah sɔkɔ, Yesu me yo ñ tò sáhpú tyí ne, pè no kɔ pè kɔ tẽ ùnkínóle népî tikiníní pó gbãm gbãmne.

15 Pè kè pi, wáh yo sɔ, à no pól kɔ pè kɔ tẽ.

16 Képah tẽne, Yesu me búrn pló kwɔ, ànê yẽnkyɔ pló nínɔ nópi tɔkɔ, té ñ yah yɔ yĩnyɔ, à Liyel ni sé yɔ, té sè kwɔki, à ñ tò sáhpú kɔ ne, pè syi tówù kɔ.

17 Képah-á pi, no pól yɔ tɔ. Té pè pé yónkwɔnɔ tuke mɔ, vyó gbõninó yíine.

### *Pyeri kè yo ne, Krista-á Yesule*

18 Sɔ yóle, Yesu sò me ñ gbe kyí tẽ níri le n pi, ñ tò sáhpúle ñ tnô. Képah sɔkɔ, à me pè piki yah ne: «Névyé tẽ tyí, nê me ñmɔle?»

19 Pè me à syah ne, tókù-á ne, Wèlnwìlkì-ò Nsyɔ-á ñne. Tókù me ne, Yeli-á ñne. Tókù mó ne, ñgbò gbì Liyel tẽntò syinyo-ò lékò yílkínmɔnɔ-á.

20 Páh yo sɛ, à pè syah ne: «Té, yépi tẽ tyí, nê me ñmɔle?» Képah tẽne, Pyeri me ne ñkɛ: «Krista yé ále, Liyel-á ne, páh kí nê tɛki mɔ.»

21 Wáh yo sɛ, Yesu pè kah sni ne, pé káh kè yo ney syah,

22 té tɔ yɔ sɔkɔ yo pé tyí: «Névi Pi yĩne à yèvyáhrì pi náhnáh. Yèwàhnì, ànê sárká wìlkìpu yòtám ñgbnɔ, ànê Liyel ñgbò wɛkì kwópú kí à yahle n pi. A kí ko mɔ, té ké sèpìn tɔ-ò sóle, à kí ñ syi min we.»

### *Yesu sò tẽ dùkùle*

23 Képah náh, à yo no pól tyí: «Névi nê-à me ké tyí ne, pé ñmɔ sò tẽ, tẽ ñ gblɔy dyɔ yí tyi ye, sòmésó à mó ne me ñ syi syi dahni twah, í sò tẽ.†

24 Yah, névi nê-à ne ñkɛ, páh n to n pwah kù yah, tẽ náh min we n pi. Nte, nê-à kù fɛ syi ñmɔ yĩnne, tẽ wɔ min kí pwah.

25-26 Névi nê-á ñmɔ, ànê í wey fɛnsyino yah sen ku, ñmɔ Névi Pi tɔ kí sen ku ne, mé náh tẽ pĩ, mäh só nêne pɔ í yòtòrí sɔkɔ, ànê í sú tyí, ànê yĩnyɔ tẽntònè tyí sɔkɔ. Káh pi sɛ, yɔ se me ké tyí, névi-à kèkòyó tahrì pól we, té n tɛki n pi ñ min sɔkɔ, kí ñ gblɔy tyí yíkí?

27 Gbì yɔ, mé kéle n yo yé tyí ne: névyé nónó-á me ásó, pé tókù kí Liyel tórí we yĩne, té kí me min sɔkɔ.»

### *Yesu dùkù vìnɔnɔle*

† 9:23 9.23 - Dahni twáhnó n wɛkì ne, á á vi sah á min kɔ kɔ tẽne Yesu tyí kòle.

28 Kéne welo yónteno náh, sèpìn kwärtõno kénkõ-á soko, Yesu Pyeri, ànê Nsyõ, ànê Nsyaki tẽ soko yõlu yó yõ ne, pé kyí nírí pí.

29 Wãh me nírí soko gbí nêne, n yèpo òkù vi mɔ, té n flo piki préyy.

30 Nénpó swɔ, díbí népí ní mí núkú wil, me yáhkile n yãh ànê Yesule.

31 Moyisi ànê Yeli ye sò pɔ wil mɔ yínyõ tǒrí soko, té me n yãh Yesule, wãh kí n tò pí n tũ n pí sɔ, n kúnó soko Yerusalem.

32 Té légbíne, dɔy sò me Pyeri ànê pé no tyí fẽ. Pãh dɔ yuku, pé Yesu tǒrí òkù we ànê díbí népí ní mí nópile yínnóle ñne.

33 Képah náh, népí ní mí nópi-á n yal Yesu tnô gbí nêne, Pyeri me yo n tyí ne, pé yòtẽ, pé tẽnó-á kí ple ásô dé! Páh kí yèpyeno tónó pí. Nkẽ ñmɔ tyí-á núkúle, Moyisi tyí me núkúle, Yeli tyí me núkúle. Té, à náh sò pí, tir nê-á à me n yo.

34 Wãh me wékínó soko sɛ, nýírkí yó núkú wil fob mɔ pé yõ. Légbíne, tiki de Yesu tò sáhpú soko.

35 Képah soko, yínpɔ yó wil Liyel tyí nýírkí mè soko, me n yo ne nkẽ: «Ñmɔ nê-á yò, ñmɔ ye ní pídíne, máh nê yah wilki. Yé ne n nohnú n tyí!»

36 Pãh wey mè noh nýãh soko, ney náh tǔ we nénpó, né Yesu ó náh. Kãh pí sɛ, n tò sáhpú pé vyey vike tẽ syísyí. Té légbíne, pãh tyi nóno we, pé náh me sé soko yó ñtẽne n yãh ney tyí.

*Yesu sétõ yíni wilki wẽnpir yó soko*

37 Dendalle, pãh tiki yõlu yõ, tówú ñgbẽ yó pɔ Yesu yohnú.

38 Té kéne tówú soko, dí yó sò me, à tyah n de n syi ne, kwó-ò dí, páh ñne n ni, à yah dah mɔ pé pídí tyí soko, ñmɔ núkúni-á pé tyí,

39 té sétõ yó-á me n yuku n pɔ n yõ. Kãh yuku n yõ, à n de n syi nénpó swɔ, ànê kè à kah n yike pélpèl, té gbèfòkòpíkíni n ne n wil n vyãh. Anê kè náh ñne n fin n mɔ súú. Kãh pópó ñne n fin mɔ, kè à fõh n kah n mɔ.

40 Képah-á, pé pɔ n tò sáhpú ni ne, pé sétõ mè yíni, té pé náh tẽ we.

41 Wãh yo sɛ, Yesu me yo pé tyí ne, népèl, ànê Liyel yõ sɛ-ńkẽ névyé nópi! Pé se yíne, pé pé ni tẽ, pé tẽ péle, pé pɔ syi gbí nê tyí ni? Nkẽ, à pɔ n pídíne ásô.



42 Piri-á núkú n nɔ n de Yesu tnô, sétô à kwel min sétáh, té à yike kègbùle. Nte, Yesu me dírí kô sétô yô, té piri de mɔ, té ñne ñ sú gbô dahbi.

43 Képah tēne, no pól gbàn du Liyel tēnpnénó tyíle.

*Yesu me ñ kúnó tyíle n tō n yo*

Nte, no pól-à sò me gbëndùni sɔkɔ sē ñ tyípínó nópi pól yinne, à me yo ñ tò sáhpú tyí:

44 «Nê-á mé n tyah yónóle yé tyí, yé kè noh palle: Névi Pi ki n dahbi n pi névyé gbô.»

45 Nte, pè náh sò me wey mē tyí yah we. Kè sò weki wénpille pé tyí ne, pè káh ké yô pĩ. Té ké dùkù pikinyahno tíkí sò me pè tē Yesu tyí.

*Nê tē kal?*

46 Képah sɔkɔ, tò sáhpú tyah yékâble n pi ne, pé pĩ nê tē-á kal pépi sɔkɔ.

47 Té Yesu-á pé fókósɔnɔ pĩ sē, à piri yó tē sah ñ tnô,

48 té yo pé tyí: «Nê-á tyí kal yépi pól sɔkɔ, ñmɔ kal télóle. Képah ye, névi nê-à piri mē kénkô tēnó ple ñmɔ yinne, ñmɔ ye tē tē ple. Anê névi nê to-à ñmɔ tēnó ple, ní tékínmɔ-ò ye tē tē ple.»

*Névi nê-à me ále n fwó-ńkēne, tē me ále*

49 Képah sɔkɔ, Nsyô me Yesu syah ne, pé yòtē, pépi-á ñnù we, à me sétanne n yini ñ yin yô, té à náh se sò me ñ sò tē pépile wē tyí. Képah-á, pé ne, pé ñne n yini n mɔ ké pínóle.

50 Wáh yo sē, Yesu me yo ñ tyí: «Névi nê-à me yéle n fwó-ńkēne, tē me yéle. Képah ye, yé káh à yini n mɔ ké pínóle.»

*Yesu yáhlenɔle Samari kwil yó tãn tyí*

51 Képah náh, Yesu yôndɔkɔnsɔkɔ gbí-á pɔ nɔ yinyô, à kè yah tɔkɔ yin núkú yô ne ńkē, páh ki kyí Yerusalemi.

52 Káh pi sē, à tēntò névyé tekɔ mɔ ñ yahle. Pépi me wēkì tē, à kyí de Samari kwil yó sɔkɔ ne, pé kyí twáh-ńsah yah sah à kô.

53 Nte, wáh sônpíle ñ yah mɔ n yuku Yerusalemi ñne, káh pi sē, nénpó tãn me yahle ne, à káh twah pé tyí.

54 Yesu tò sáhpú sɔkɔ Nsyaki, ànê Nsyô-á képah noh sē, pè ne, Tē ñgbē, à se me ké tyí ne, pé yinyô nyàh ye mɔ no nópi yô, kè tiki n pɔ pè suke n mukuli nɔ?

55 Páh yo sē, Yesu ñ yah vi pé ñne, à dírí kô pé yô.

56 Képah náh, pè me wēkì tē, à sɔkɔ kwil yó sɔkɔ.

*A tyi pól wε ye, té Yesu sò tē*

<sup>57</sup> Képah sɔkɔ, páh me wěkì yō gbí nêne, dí yó Yesu syah ne nkě, páh kɪ n sò tē n kɔ n kō nne, n kó-ńtàn pól sɔkɔ.

<sup>58</sup> Wáh yo sě, Yesu me yo n tyí: «Gběnpáhlo tyí, pì me. Kèpye tyí, syè me. Nte Névi Pi tē tyí, wénsēnmì-ńsah ńtē náh me.»

<sup>59</sup> Té me pyè yo ńnî tyí: «N sò tē.» Kéne dí me à syah ne, à ye, páh pɔ pé sú lékó ñgbò yī te.

<sup>60</sup> Wáh yo sě, Yesu me à syah ne: «Ye lékyí kō, pé pé lékyíle n yī, té áwɔ mó kyɪ Liyel tǒrí tyíle n yo n kō.»

<sup>61</sup> Képah sɔkɔ, ńnî yó mó yo Yesu tyí ne, pé Tē ñgbě, páh kɪ n sò tē. Té à ye pé kō, pé kyɪ ké wěkì ni pé gbô tǎn tyí.

<sup>62</sup> Wáh yo sě, Yesu me yo n tyí ne: «Névi nê-à nyeh wẹkɪ tē swáhle n wɔ, té n yah náhle, tē náh fě Liyel tǒrí tǒ pɪ n pi.»

## 10

*Tò sáhpú népî tikitǒní pó gbām pó nínó tēntò pínóle*

*Yesu dúbinóle*

<sup>1</sup> Képah náh, Tē ñgbě Yesu me tò sáhpú népî tikitǒní pó gbām pó nínó yísyó yah wah, té pé tekɪ mɔ nímí nímíne n yah ñinne, kwlo ànê wley wley pól sɔkɔ, ñmɔ-á sò me ké tyí ne, pé kyɪ pé gblǒy nónó sɔkɔ,

<sup>2</sup> té yo pé tyí ne: «Sèmuko tɔkɔ tɔkɔ tē me dò, té ké tǒnpɪbɪle kwéyy. Yé sètē ni, à tǒnpɪbɪ nálnáh tekɪ mɔ, ñ sèmuko tɔkɔ yinne.

<sup>3</sup> Yé ne n yuku! Té, yé me á kɪ ne, kópópi sǒ, mé n tekɪ n mɔ gběnpáhlo nyó.

<sup>4</sup> Nte, yé káh pó, ànê pilki, ànê lékyèh tɔkɔ. Yé káh yīn wẹkɪ ney tyí wěkì yah.

<sup>5</sup> Anê, yáh kyɪ n de kéte nê sɔkɔ, yé wey gbenne, yé yo ne nkě: «Yèvinɪ ne n me kéte mē sɔkɔ.»

<sup>6</sup> Káh pɔ yīne ney me yèvinine n yah n kō kéne kéte sɔkɔ, yé yèvinɪ yénmɔnɔ mē kɪ pɪ tē wɔ tyíle, yé mó tē nénpó. Képah-à mó pí-ńkēne, yé yèvinɪ yénmɔnɔ kɪ ké syɪ pɔ yé tyí.

<sup>7</sup> Tǒnpɪ ye yīne n tò pínó yōre wénóle. Képah ye, yáh twah kéte nê sɔkɔ, páh yé kō yōke nêne, yé kè yō, ànê páh yé kō wɔ wɔ kwáh nêne, yé kè wɔ. Té, yé káh ne n vi n mɔ n twah n kō gbéngbèn sɔkɔ.

<sup>8</sup> Yáh kyɪ de kwil nê sɔkɔ, té pé yé tēnó ple, páh kwáh nêne yé kō, yé kè yō.

<sup>9</sup> Yé mó yámpúle n de n mɔ, nónó-á me nénpó. Yé mó ne n yo kéne kwil tãn tyí ne níkě, Liyel tǒrí-á yīni tẽ te pé tyí.

<sup>10</sup> Nte, yáh kyí de kwil nê sɔkɔ, té pè ne, yé káh twah pé tyí, yé wil kyí pé tówù tükè-ntàn sɔkɔ, yé mó yo ne,

<sup>11</sup> pé kwil nèngbõ nê ntě-á tahlı yé gbyèh tyí, yáh kı sè kwer kwe pè kǒ. Nte, pè pı ne, Liyel tǒrí-á yīni tẽ te.

<sup>12</sup> Mé kéle n yo yé tyí ne: Liyel tukey tuke sóle, Sodomu\* kwil fóhnó ntě kı fàhfàh kal kène kwil tyíle.»

### *Kwlo nónó-á yahle sēnóle Liyel yõ*

<sup>13</sup> Yesu tǒ yõ sɔkɔ yo kwlo nópi tyí sɔkɔ ne: «Yèvyährı me yé yõ, Korasini ànê Betisayida tãn! Gbıl tyi nónó-á pı yé tyí, sēnkǒ-à sǒ me pı Tiri ànê Sidõ tãn tyí, pé Liyel wěkì tēnó di náhkı me mo. Pè náhkı me yèkwɔrı flo mɔ, té náhkı me pé piki syıle pé tyípèl nàhnpi gbónó sɔkɔ.

<sup>14</sup> Nte, tukey tuke sóle, Tiri ànê Sidõ fóhnó kı pı fàhfàh kal yépi tyíle.

<sup>15</sup> Té, áwɔ-á, Kapernayumi, á se we ne, wáh kı yõ dɔkɔ yĩnyõ? Pólle! Á kı tiki yuku fókókwıl nyàh tẽ-nsah.»

<sup>16</sup> Té tǒ yo ñ tǒ sáhpú tyí ne: «Névi nê-à n nohnı yé tyí, ñmɔ tyí ye tẽ n nohnı, té nê-à yé yahle, ñmɔ ye tẽ yahle ànê ní tekı mó-ò tole.»

<sup>17</sup> Képah náh, tǒ sáhpú népi tikitónı pó gbãm pó nínó nópi pé syı pɔ de nıvını sɔkɔ, me n yo Yesu tyí ne, pé Yòtě, ñmɔ yın yõ, sétàn ntě-á me n sah pépi yóré yõ!

<sup>18</sup> Képah tēne, à me yo pé tyí: «Mé sǒ sétàn yòtě we, à wil yĩnyõ, à tiki ke nukú, à pɔ syıki pũ sǒ yikiri yǎl.

<sup>19</sup> Nte, yé yah, mé tēnwɛnɔle yé kǒ: Yé kı n kɔ vyeah, ànê mĩntyı yõ. Anê yé kı fě sépe tǎhkıle n ykı, té tir yó ntě náh yé nɔ n pi.

<sup>20</sup> Té yé káh ye yé nı vı sétàn sàhnó ó tyíle yé yóré yõ. Nte, yé yé nı vı ne, yé yni-á me wárkínsàhnóle yĩnyõ.»

### *Yesu nı vínóle*

<sup>21</sup> Légbı-ó sɔkɔ, Yesu nı kah vı Liyel Mirkı gbõ yõ. Képah sɔkɔ, à me ne: «Bǒ, áwɔ nê-á yĩnyõ, ànê sétáh nétēne, mé ále n gbilki, áwɔ nê-á tyi nópi wõbı yı pípú, ànê lékámpu yah, té séle wēnpı wɔ wěkı. Awe, bǒ, áwɔ dyɔ yı tẽ ye ne kè pı sě.

\* **10:12** 10.12 - Sodomu nê tyí-á yo, ké sɔkɔ néve tyípèl pínó sǒ kah tɔɔ, fókó Liyel pɔ pé pól suke nyàhle. Kè yah n te Tyàhnó sébey 19 sɔkɔ.

22 N sú ye sé pólle ní gbò dahbı. Nte, ònî yó òtē náh Liyel pile n pne, né sú ó náh. Sě ó ye, ney to náh súle n pne, né pídí ó náh, ànê wáh me ké tyí ne, pé pé súle nê wēki.»

23 Képah náh, Yesu ò yah vi ò tò sáhpú òinne, té yo pépi ó tyí: «Yèvinı me yé tyí, yépi nónó-á tyi nópi we.

24 Mé kéle n yo yé tyí ne: Liyel tēntōnè náhnáh, ànê yòtām náhnáh sò me ké tyí ne, pé sè we, té pè náh sè we. Té me ké tyí ne, yáh nónó noh, pé sè noh, té pè náh sé to we noh.»

*Samarı kwil négbı yó sèmirkile*

25 Légbıne, Liyel ògbò wēki kwó-ò yó sò ne, pé Yesu mo yah, té yuku yın, à yo ò tyí ne nkē, kwó-ò dí, pé se ki pi sò, té ki tyé-nkē min we ni?

26 Yesu me yo ò tyí ne, tir nê se wárkínsàhnóle Liyel tyi sàhnó sébéy soko ni? Tir nê se à me n kar ké soko ni?

27 Dí me yo ò tyí ne, káh me wárkínsàhnóle ne nkē, á Tē ògbē Liyel tyí-á yıne kè no á tyí á ni pólle, ànê á min pólle, ànê á táhkı pólle, ànê á sōno pólle. Á ní-ò to tyí mó no á tyí á gblōy tyí kōle.†

28 Wáh yo sē, Yesu me yo ò tyí: «Á yo ple. Képahle n pi, á ki tyé-nkē min we.»

29 Nte, dí mè sò me ké tyí ne, pé gbı we. Káh pi sē, à Yesu syah ne, nê se péwo ní-òle ni?

30 Yesu me à syah ne: «Dí yó ye lésò wil Yerusalemı, à me n tiki n yuku Yeriko soko, té kyı wil mo yıpú yō. Pè me à tē ò gbàn yı pól tē syi, té à ko markı sah, té soko.

31 Té, kè po yıne, sárká wilkıpu yòtē yó mó me n tiki n pi kéne wēkile. Wáh po dí mè we, à gbò soko fıı.

32 Képah náh, Levi yikı ney yó to tō po yıni tē nēnpó.‡ Nmo to-á à we sē, à gbò soko fıı.

33 Nte, Samarı ney yó sò me n yuku kóló soko, té kyı dí yō doko. Nmo wo-á à we sē, ò yām à tē.

34 Á me no de ò tnô, té òivē ànê nırı mo ò níy yah, té sè pukubi. Té me à doko mo ò yēngbē òkwēndyíkı yō, à yuku òne nēpân twáh-ńsah yó soko, à kyı yah dah mo ò tyí soko.

35 Ké dendalle, à me pó pló nínó§ wilki nēpân twáh-ńsah yòtē dí kō, té ne, à ne n yah n dah n mo dí mè tyí soko. Nkē, wáh ki sō gbò wilki à kah mo képah yō, páh pé syı po gbı òne, páh ki à dyah kéle.»

† 10:27 10.27 - Yah n te Tōnyono sébéy 6.5 ànê Levibi sébéy 18.5 soko. ‡ 10:32 10.32 - Levi nolē, pépi Liyel wòkò soko tōnptıle ye sò pi. § 10:35 10.35 - Ké légbı pó pló nínó sò no gbıyıkı núkú tò pinó danne.

<sup>36</sup> Képah yóntɛnɔ náh, Yesu dí piki yah ne, ñmɔ tẽ sɔnɔ sɔkɔ, yípú-á dí nê pi yɔ, ñmɔ ní-ò se nê tẽne népí tǒmí nópí sɔkɔ ni?

<sup>37</sup> Liyel ñgbò wěkì kwó-ò me à syah ne, nê-á ñ yãm yah, ñmɔ-á. Képah tẽne, Yesu me yo ñ tyí: «Á tɔ kyí sěnkɔle n pi.»

*Yesu tẽnó pèpeyne Marti ànê Mari tyí*

<sup>38</sup> Té Yesu ànê ñ tǒ sáhpú-á sò me wěkì yǒ sě, à kyí de kwilpír yó sɔkɔ. Té kéne kwil sê yó sò me, pè n ye Martile. Nmɔ me Yesu tẽ ple ñ gbô.

<sup>39</sup> Té gbě sê yó sò me ñ tyí, pè n ye Marile. Nmɔ sò me pɔ tẽ Tẽ ñgbě Yesu tnô, à ñ welɔle n nohnɔ.

<sup>40</sup> Légbíne, Marti yah me n vyãh Yesu fèn pínó sɔkɔ. A me pɔ yo Yesu tyí ne, pé Yǒtě, pé gbě sê-á tǒ pól sah péwɔ ó kǒ, té pɔ tẽ ñ tnô, kè kó me tirlé ñ yah ni? Á kó n yo ñ tyí, à péle n yohnɔ n mɔ ni?

<sup>41</sup> Nte, à me yo ñ tyí ne: «Marti, áwɔ me á gblǒyne n kwɔ, me á fɔkɔle n sǒ tyí náhnáh tyíle.

<sup>42</sup> Nte, tir núkú ó tyí ye yǒrele. Mari ye ké pèpey yah tɔkɔ, nê-á kè náh n tẽ n syi n yah n pi ñ tyí.»

## 11

*Yesu-á kwónó nê kǒ níri pi òkù yǒ*

<sup>1</sup> Só yóle, Yesu sò me Liyelle n ni fí yó sɔkɔ. Wãh ni te, ñ tǒ sáhpú sɔkɔ yó à syah ne, pé Yǒtě, à pépi kwɔ Liyel ni òkùle, sǒ-á Welnwilkì-ò Nsyǒ sò kéle ñ tǒ sáhpú kwɔ.

<sup>2</sup> Képah sɔkɔ, à yo pé tyí: «Yãh Liyelle n ni, yé ne n yo ne níkě:

<Sú Liyel,

no pól kǒ pè ñ pi Liyelle.

Á tǒrí kǒ kè pɔ.

<sup>3</sup> Á sǒmesó gbìyìkì yǒkele ále n kǒ, nê-á kɔ n yĩne n pi ále.

<sup>4</sup> Nónó-á n pi n de ápi tyí, á ye me séle n yǒ n mɔ pé tyí.

Képah ye, ápi tɔ tyípèl yǒ mɔ á kǒ.

Anê, káh n ye à sétò tǒnmɔnɔ fě n syi.»

<sup>5-6</sup> Képah náh, Yesu tǒ yǒ sɔkɔ yo pé tyí ne: «Yépi sɔkɔ yó tyí kódí-à me, té à pɔ wil ñ tyí lénile ne níkě, pé kódí yó-á me wil kóló sɔkɔ, à pɔ pé tyí, té yǒ yǒ kwáh náh me pé tyí kɔ à kǒ. Nkě, à deki pé kǒ búrn pló tǒnóle.

<sup>7</sup> Nte, ní-ò mè-à nítyínɔ tẽ wòkò sɔkɔ táh, té yo mɔ ñ tyí ne, à káh péle n kwɔ, wòkò yah-á vike te núkúnúkú, péwɔ ànê pé wěnpì-á sě, pé náh fě yuku búrnne à kǒ n pi.

<sup>8</sup> Mé kéle n yo yé tyí ne: dí mè-à sǒ yuku séle à kǒ-ńkêne pé kódirí yinne, à kɪ yuku n yétô yí pólle à kǒ n nínó gblóvyáhrí tẽ wɔ yinne.

<sup>9</sup> Nte, nmo tẽ wɔ kéle n yo yé tyí ne: yé ne n ni Liyel tyí, à kɪ yéle n kǒ. Yé yáhnkǒnole n pɪ, yé kɪ n we. Yé wòkò yah mɪ, kè kɪ yɪkɪ mɔ yé kǒ.

<sup>10</sup> Sě ó ye, nê-à ni Liyel tyí, tẽ n we n syi. Nê-à yah kǒ, tẽ n we. Anê nê-à wòkò yah mɪ, kè n yɪkɪ n mɔ tẽ kǒ.

<sup>11</sup> Sú nê tẽ me yépi sɔkɔ, n pi-à yěnkô ni n tyí, à kɪ wahyne à kǒ?

<sup>12</sup> Képah náh pɪ, wàh séngbí ni n tyí, à kɪ mǐnkǒne à kǒ?

<sup>13</sup> Nte, yépi nónó-á népelle, yáh yé wěnpɪ kǒnó yah we yípéplɔle, sú Liyel nê-á yinyô, nmo náh n pɪ ple n kal, à n Mirkíle ké yáhnkǒpu kǒ n pi di?»

*Túkù ne, Yesu tẽnwenɔ-á wil sétàn yòtẽ Belsebuli tyí*

<sup>14</sup> Só yóle, Yesu sò me sétõ yóle n yini n wilki dí yó sɔkɔ, nê-á à kǒ à wekɪ kwɔ. Sétõ-á fyò wil dí mè sɔkɔ, dí tyah n wekɪ, kè pɪ gběndùnìne tówù tyí.

<sup>15</sup> Té túkù mó sò me n yo ne ńkě, sétàn yòtẽ Belsebuli gbò yõ-á à n yini sétanne.

<sup>16</sup> Túkù mó n mónyah yinne, me n yo n tyí ne, à gbɪl yó pɪ pé yah, nê-á n wil yinyô.

<sup>17</sup> Nte, Yesu-á pé fókósõnɔ pĩ sě, à yo pé tyí: «Kwil nê névyè-à gbekɪ tyah wěne n fwo, kéne kwil kɪ pɔ yɪkɪ, ké vɪ kɪ syɪkɪlɪ dohnɪ wě yõ.

<sup>18</sup> Nte, yáh ne ńkě, sétàn yòtẽ gbò yõ-á nmo sétanne n yini-à; sétõ-à tyah n gblǒyne n fwo, n yòtõrí se kɪ n wũ n pi?

<sup>19</sup> Nte, nmo-à me séle n yini Belsebuli gbò yõ, té yépi pye wɔ-á dò, nê gbò yõ me pépi n yini séle wé? Pépi nítẽ ye kɪ lékàhle yé kǒ.

<sup>20</sup> Nte, Liyel gbò yõ-à mé n yini sétanne, képah n wěkɪ ne ńkě, Liyel tǒrí-á yini tẽ yé tyí.

<sup>21</sup> Tǎhkì-á me dí nê sɔkɔ, ànê méfwóyile n tyí, wàh n kétele n sykɪ, tir yó nítẽ náh fě n gbàn yí nɔ n pi.

<sup>22</sup> Nte, nê tǎhkì-á kal n tyíle, nmo-à pɔ, té tẽ we n tyí, à kɪ n méfwó yí tẽ syi, wáh sò me n gbò sah nónó yõ, té kɪ n wòkò yí kwel dibi.

<sup>23</sup> Képah ye, névi nê náh me ní pèpey neyne, ní pèlney ye tẽne. Névi nê náh ńne n yohnɪ n mɔ tükènmɔnɔ sɔkɔ, tẽ me kárkínóle n pɪ.»

*Sétõ-à wil névi soko, à n fẽ ò syi n po*

<sup>24</sup> «Sétõ-à wil névi soko, à n kyì gběnni ko n kō, ò m̀-̀nsah yah n kō. Wàh wé-̀ríkēne, à n yo ò gbl̄oy tyí ne, páh sò wil nyàh soko, páh kɪ pé syi yuku nénpò.

<sup>25</sup> Wàh ò syi, à n kyì ò tẽ-̀nsah dyàh we yàlntõnsàhnòle, pléntnò.

<sup>26</sup> Képah tēne, sétõ m̀è n kyì sé no sétànnó kwǎrninò syah, nónó-á peke kal òmòle. Sè n kyì n de n tẽ tẽ soko. Kàh pɪ sɛ, tẽ m̀è d̀ukù ké syi n peke n kal ò ghen tēne.»

*Yèvinì kègbìle*

<sup>27</sup> Képah tēne, Yesu-á me képah yónó soko, pi yó tẽ tówù niyó soko, té yo m̀ò ò tyí yínpò ògbēne ne, sè nê foko soko-á à wil, té ò yínó yì, yèvinì-á me ò tyí.

<sup>28</sup> Nte, Yesu me yo pi tyí: «Yèvinì ye pyè me névye tyí, nónó-á Liyel weyne n nohnì, té ké tyile n pɪ ké wèkì yò.»

*No gbìl yó yah kō Yesu tyí*

<sup>29</sup> Képah soko, névye-á po n tuke n m̀ò Yesu tnô, à tyah n yo ne: «Kwey gbì névyele, népèl ye péle, pè me gbìl yóle n yah n kō. Nte, kèyàh rítè nàh n pɪ pè wèkì n pi, à wil Liyel tẽntò syinyo-ò Yonasì tyí soko.

<sup>30</sup> Sõ-á Yonasì lésò pɪ kwní yónm̀onòle Ninivi tãn tyí, sɛ ó ye, Névi Pi to kɪ pɪ kwní yónm̀onòle kwey gbì névye tyí.

<sup>31</sup> Pi nê-á lésò yòtēne Saba sétáh yò, à lésò wil fíí sétáh yìn tyí, à po yòtè dí Salomo lékám welo noh. Nte gbì yò, ney me ásò, nê-á kal Salomole. Kàh pɪ sɛ, Liyel fó tukey tuke sóle, kéné yòtè pi kɪ yuku kwey gbì névye tyí, kɪ lékàhle pè kō.\*

<sup>32</sup> Anê tõ, Ninivi kwil tãn lésò fẽ syi Liyel wèkì tẽ, Yonasì-á Liyel tẽntò yo pé tyí. Nte, ney me ásò, nê-á kal Yonasile. Kàh pɪ sɛ, Liyel fó tukey tuke sóle, Ninivi kwil tãn kɪ yuku kwey gbì névye tyí, kɪ lékàhle pè kō.»†

*Liyel yò sɛnó kyòole*

<sup>33</sup> «Névi se kɪ fòtnò soh wõbì, képah nàh pɪ, kɪ dú kwĩnki m̀ò ké yah? A nàh kè sah n pi fòtnò sahki soko, kyòò we yinne wòkò soko dépú tyí di?

<sup>34</sup> Sɛ ó ye, á yí ye á wil kyòole. Á yí-à me ple, à wil to pól n ne me kyòò soko. Té, á yí-à me plé-̀ríkēne, á wil pól n ne me fèntù soko.

\* **11:31** 11.31 - Yah n te Yòtām sébéy ghen 10 soko. † **11:32** 11.29-32 - Yonasì tyíle, yah n te Yonasì sébéy 3 soko.

35 A gblɔy kyɔmɩ yĩ, kyòò nê-á á sɔkɔ, kè káh ne me fěntũne.

36 Té á wil pól-à me kyòole, fěntũ tyah kěne ké sɔkɔ, á kɩ me kyòole, sɔ-á fòtnòle kyòò á tyí.»

*Yesu náh kè yo nekɩ Farisiyẽnɔ ànê Liyel ñgbò wěkɩ kwópú sɔkɔ*

37 Yesu-á wɛkɩ te, Farisiyẽ dí yó à ye yòke yõ yinne ñ gbò. Képah tẽne, pè de à tẽ yòke yah.

38 Farisiyẽ mè-á Yesu wɛ, à tyah n yõ té à náh ñ gbàn wu Nsyifunɔ wu dùkùle, kè ñ gbàn du.

39 Képah tẽ sɔkɔ, Yesu me yo ñ tyí: «Sě ó ye, yépi Farisiyẽnɔle, yě wóhló ànê yěyóvyɔ náhló wu n tǒ n sah, té yé fɔkɔ táhló n ne n me yúkúnóle pèkè, ànê yĩbe dékè tyile.

40 Lékám kě névyè nópi, nê-á mɔ vyó náhlóle, à náh sé sɔkɔ táhló tɔ mɔ di?

41 Yé sé sɔkɔ táhló yí yĩ yãm tãn kǒ! Képah-à pɩ, sé pól kɩ pɩ palle yé tyí.

42 Yépi Farisiyẽnɔle, pèkè me yé yõ! Yě yímî ànê swāh sɔkɔ pěnfènè pól gbām-ònole Liyelle n kǒ. Nte, yě n yahle tǒnsàhnɩnɔle névyè tyí, ànê Liyel tyí náh nɔ yé tyí. Képah nê tɔ-á sǒ yé yĩne yè ne n pɩ gbònwòkò kěne.

43 Yépi Farisiyẽnɔle, pèkè me yé yõ! Yě tẽ-ntàn gbɔle n yah n kǒ Liyel ní-ntàn vì sɔkɔ, ñ té ne me ké tyí ne, névyè ne n tǒ n sah n wɛkɩ n pɔ yé tyí tówú tẽ-ntàn sɔkɔ.

44 Pèkè me yé yõ, yépi nónó-á me á kɩ ne, léyâl nírinó sǒ, névyè n ne n kɔ sé yõ, pí-ńkěne.»‡

45 Yesu-á yo sě, Liyel ñgbò wěkɩ kwó-ò yó à syah ne, kwó-ò dí, wāh me n wɛkɩ sǒ, pépi tɔ-á à n gbyɔ dé!

46 A me yo ñ tyí: «Yépi Liyel ñgbò wěkɩ kwópú tɔle, pèkè me yé yõ! Yépi nónó-á ńkěne no twah n mɔ tókópèlle, té yé náh n fě n syi n so n mɔ pé tyí kèngbɔ núkú fyéle.

47 Pèkè me yé yõ, yépi nónó-á Liyel těntò syínyopu léyâlɛ n tǒ n sah n mɔ, té yépi náh tãn ye mó tǒ ko mɔ péle.

48 Képah n wěkɩ ne, yáh yé súbí tyípinó fě syi. Pépi-á Liyel těntò syínyopu ko mɔ, té yépi sǒnpí pé léyâlɛ n tǒ n sah n mɔ.

49 Képah ye sǒ Liyel yo lékám sɔkɔ ne ńkě: «Mé kɩ těntò syínyopu tekɩ mɔ pè kǒ, ànê těntòbele. Pè kɩ pé tókù ko mɔ, té kɩ tókù fǒh.»

‡ 11:44 11.44 - Nsyifunɔ tyí, léyèkɩ yõ kónsɔkɔnɔle, Liyel dél ye.



<sup>50</sup> Kǎh pɪ sɛ̃, Liyel kɪ kwɛy gbĩ névye fõh n pi Liyel tɛ̃ntò syínyopu nópi yĩnnɛ, nónó-á ko mo kèkõyó mo gbí dukule,  
<sup>51</sup> à tɔko Abeli kònmɔno tyí, à pɔ syi Nsakarɪ kúnó tyí, nê-á ko mo sárká wĩlkĩ-nsah, ànê Liyel ní-nsah wòkò ñgbɛ wró. Gbɪ yõ, mé kéle n yo yé tyí nɛ: kwɛy gbĩ névye kɪ n fõh n pi képah yĩnnɛ.

<sup>52</sup> Pèkè me yépi Liyel ñgbò wèkì kwópú yõ, yépi nónó-á Liyel wèkì wénpĩno yah kõ névye tyí. Yépi náh me n ko kéle, té nónó-á se nɛ, pé nɛ n ko kéle, yé pépi yĩni mo.»

<sup>53</sup> Képah sɔko, Yesu wĩlntɛno náh nɛnpó, Liyel ñgbò wèkì kwópú, ànê Farisiyɛno pé fɔko vyãh ñnɛ kègbɪle, té tyah ñnɛ n piki n yah tyi duke duke pól yõ.

<sup>54</sup> Pè sò me ñnɛ n mo n yah nɛ, à pilki ñ vyãh welo sɔko pé kõ pé à wɛ tɛ̃.

## 12

### *Gblõy kyòmìnóle vyɛnnĩnĩ wékínóle*

<sup>1</sup> Képah sɔko, nékwĩnkí-á tuke mo tnónóle gbí nɛnɛ fóó, me wɛ gbyɛhne n suki, Yesu tyah n yo ñ tò sáhpú ñgbò tyí: «Yé yé gblõy tɛ̃ Farisiyɛno vyɛnnĩnĩ wékínóle, képah nê-á n tɔ n mo kókónó tyí kõle mífáhkì sɔko.

<sup>2-3</sup> Tyi nónó pól-á yé n yo fɛ̃ntú sɔko, sè kɪ pɔ noh gbìntõle kyòo yah. Anê nónó pól-á yé n plɔ n yo wɛ níkiló yey, wòkò sɔko táh, sé pól kwní kɪ pɔ kõ gbɛ̃ntĩn yõ. Képah ye, tyípil yó ntɛ náh me, nê-á kɪ n wũ n pi wĩlkinmo-ńkɛnɛ. Sètĩn sò tir yó ntɛ náh me, nê-á kɪ n wũ n pi pí-ńkɛnɛ.»

### *Nê tíkí-á yĩne pínóle*

<sup>4</sup> «Mé kéle n yo yé tyí nɛ, yépi nónó-á ní kódíbilɛ: yé káh névye yah tíkile n pɪ, nónó-á wil kò óle n ko n mo n pne, té pè náh tɔ tir yóle n pɪ n kah n mo n pne képah yõ.

<sup>5</sup> Nê yah tíkí-á yĩne pínóle, mé kɪ ñnɛ yé wèkɪ: Liyel nê-á kɪ fɛ̃ névi wil kò kònmɔntɛno náh, kɪ ñ min dah mo tyé-ńkɛ nyàh sɔko, yé ñmo tíkile n pɪ. Mé kéle n yo yé tyí nɛ ńkɛ: yé tɛ̃ wo tíkile n pɪ.

<sup>6</sup> Ntɛ̃npĩnó kwɔ náh n yãm pópikí pló nínóle di? Nte, Liyel dyo náh n fwɔ sépi núkú yó ntɛ̃ tyíle.

<sup>7</sup> A wil képah sɔko, yé yõyén ntɛ̃ pól dan me pínóle Liyel tyí. Kǎh pɪ sɛ̃, yé káh tíkí pɪ. Yépi tyí náh tah kal ñtɛ̃npĩ kwĩnkile di?»

*A Yesu fɛ̃ syi, képah náh pɪ, à à yahle*

8 Képah náh, Yesu tǒ yo pé tyí: «Mé kéle n yo yé tyí ne: nê-à kè yo dal mǒ névye yí yah ne níkě, páh me nmo tyí yǒ, Névi Pi tǒ kǐ kè yo Liyel yinyǒ tǐntǒnè yí yah ne níkě, wǎh me pé tyí yǒ.

9 Nte, nê-à ní yahle névye yí yah, Névi Pi tǒ kǐ à yahle Liyel yinyǒ tǐntǒnè yí yah.

10 Névi nê-à Névi Pi yǐnpo yo, kè kǐ yǒ mǒ tǐ kǒ. Té nê tǐ wǒ-à Liyel Mírki gbyǒ, kè náh n yǒ n mǒ n pi n tyí.

11-12 Pàh yé tǐ kyǐ tükè-nsah Liyel ní-ńtǎn vǐ sǒkǒ, képah náh pǐ, yah tǎm tyí, képah náh pǐ, yǒtǎm tyí, Liyel Mírki kǐ yé kwǒ nǐnpó swǒ, yáh ne nê yo n pi. Képah ye, yé káh ye yé yáh-ńsah tyε, yáh ne n yo n wil n pi sǒ.»

### *Lékám kě tǎh dí sèmǐrkǐle*

13 Tǒwǔ nǐyǒ sǒkǒ, ńńî Yesu syah ne, pé kwó-ò dí, à yo pé nénkyí dí tyí ne, à ye pé pé sú gběkǐ dibi.

14 Képah tǐne, Yesu me yo n tyí: «Ní dí, nê sah níne ne, mé yéle n tuke, tǐ ne, mé yé gbǎn yǐle n dibi?»

15 Képah sǒkǒ, té yo pé tyí: «Yé yé kyomǐ tahrǐ déké kérékèle! Tahrǐ-à sǒ me sǒ névi tyí, képah náh fě minne à kǒ n pi.»

16 Képah sǒkǒ, à tǒ sèmǐrkǐ yó yǎh pé tyí ne: «Tǎh dí yó lésǒ me, n swǎh pekǐ yǐ n tyí.

17 Képah tǐne, à tyah n sǒ n fǒkǒ sǒkǒ ne, nte, sèmuko mó-ńsah náh se me fwǒǒ pé tyí, sǒ se pé kǐ pǐ nǐ?

18 Dǒ, à ne, páh kǐ nê pǐ n pi, képah á yò: Páh kǐ pé díké sǒkǐ, té kǐ sè tǒ mǒ gblò gblò, kǐ pé gbǎn yǐ pól mǒ sé sǒkǒ,

19 té kǐ yo pé gblǒy tyí ne, páh yò, yòke dò-á me pé tyí pé gbò sò ye náhnáh yǐnne. Núkúnúkú, páh kǐ n mǐ, té kǐ n yǒ, té kǐ n wǒ, té kǐ nǐvǐle n pǐ pé dyǒle.

20 Nte, Liyel me yo n tyí: «Lékám kě névi! Kwey lékǎh nǐtǐ sǒkǒ á min kǐ n syǐ n pi á tyí. Té yǐ nónó-á á tuke mǒ sah, sè kǐ pǐ nê tyíle?»

21 Képah sǒkǒ, Yesu ne: «Névi nê-à tahrǐle n yah n koh n sah n gblǒy tyíle, té Liyel fǒ tyí yáhnó yahle, sǐntǐ ye n no tǐne!»

### *Sǒnǒ sǎhnóle Liyel ó yǒ*

22-23 Képah náh, Yesu yo n tǒ sǎhpú tyí: «Névi min tyí náh tah kal yǒkele, wil tyí me tah kal flǒle dí? Képah ye, mé kéle n yo yé tyí ne: yé káh yé fǒkǒle n sǒ, yáh ne we n yǒ n pi sǒ, ànê yáh ne yé wil flǒ we n mǒ n pi sǒ.

24 Yé yah ñgbòlòle kè: Sè náh sè mukòle n duku, sè náh sè mukòle n tòkò. Díké ànê sè mukò kóhnsàh-ntàn tò náh me sé tyí, té Liyel séle n pu. Nte, yépi tyí náh tah kal kèpyele di?

25 Yépi sòkò, nê tẽ kú fẽ kwéyy íntẽ fyé dohnú ò min wénó yò ò fókòsòno gbò yò?

26 Tẽnwenò-à mé-ńkẽne yé tyí, à fẽ sěntě tir tyí ńtẽ fyé pú n pi, sò pú, té yé yé fòkòle n sò yí téló tyí sòkò?

27 Yé filfi pú òkùle n yah kè: Sè náh tòle n pú, sè náh flòle n tí. Nte, mé kéle n yo yé tyí ne: yòtẽ Salomo ńtẽne ò tahrú pól sòkò, à náh flò pèplo we mò yah filfi nópi sòkò yó ńtẽ kètòle.

28 Fílkí nê wò-á gběnnú sòkò kweyne, té kú pò n suke n pi ńsòne, Liyel-á képah fi pú palle sě, à náh n yah n dah n mò n pi yépi flò tyí sòkò à kal sèpile di, Liyel yò sěnyí-ńkěpú nópi?

29 Kǎh pú sě, yé káh yé gblòyne n kwò yé yòke, ànê yé wò wò yí yáhnkòno tyí sòkò.

30 Kèkòyó mè sòkò, Liyel pí-ńkě nénye ye ńkẽne ne n yah n kò sépi pólle tyé-ńkẽne. Nte, yépi tẽ wòle, yé sú Liyel pĩ ne, sé yétò-á me yé tẽ.

31 Kǎh pú sě, yé Liyel tǒrí ñgbò yah n kò! Képah sòkò, à kú yí téló dohnú yé kò.

32 Kè ye no yé sú tyí, à ò tǒríle yé kò. Képah ye, yé káh tíkí pú, tũnpir yípêy!

33 Yé yé gbàn yí yám, yé mó sé yí yám tǎn kò. Yé tahrúle n yah n sah Liyel fò, képah nê-á kè náh n yíkí, kè náh se n tyé. Yípú náh fẽ n kyú nénpó, sóhrí tò náh fẽ sè yò.

34 Sě ó ye, á tahrú-à me ńyáh, á sòno tò n ne n me nénpó.»

### *Gblòy v̀nsàhnó tyí sèmirkùle*

35 «Yé ne me yé vi sah tò pú pú tẽne, yé mó yé knò fí mò, yé fòtnòno mó ne me kòntěnole.

36 Yé ne me á kú ne tònpubí sò, nónó-á ńkẽne me pé yòtẽ syíkíntěno sòkò ne, wáh kú wil fúr pí-ńsah, à pò n de, té kú fyò wòkò yah mú, pé núkú kè yíkí mò à kò.

37 Yèvinú me pé yò, tònpubí nónó yòtẽ-à ò syí pò pè we, pè me yáhnó sòkò. Kègbí yò, mé kéle n yo yé tyí ne: yòtẽ mè kú ò tò pú pú flò mò, té kú yòkele pè kò pè kú yò.

38 Té wáh se me n syí pò lénule, képah náh pú, tyah dal gbíne, té pè me ò syíkínó sòkò, yèvinú me pé yò!

39 Yépi ntě pĩ ne, gbóntě dí-à pĩ gbí nê-á yěnwó kɪ n pɔ n pi n tyí, à náh n ye à kɔ̃ à n we n de n pi n gbô.

40 Névi Pi kɪ n pɔ n pi gbí nê-á yé náh me n pónó tyíle n sô. Képah ye, yépi tɔ yé gblɔy vi sah.»

*Tõnpɪ sɔré ney ànê yípíkí neyne*

41 Képah sɔkɔ, Pyerɪ Yesu syah ne, pé Yõtě, pépi ó yĩn se à n yãh sèmirkí mène, tĩ no pól yĩn se ni?

42 A me yo n tyí: «Gbô tahrɪ kyòmì-ò négbí lékám névile, nê me? Nmɔ pi névile, nê-á n yõtě dí kɪ à pi n kéte kyòmì-òle. Té à kɪ tɔnpɪbɪ téló yòkele péle n kɔ ké kɔ gbíne.

43 Yèvinɪ me n tɔnpɪ mè tyí, yõtě dí-à n syɪ pɔ à we à me kéne tòle n pi.

44 Kègbɪ yô, mé kéle n yo yé tyí ne: wãh kɪ à pi n gbãh yĩ pól kyòmì-òle.

45 Nte, tɔnpɪ mè-à tyah n sô n fɔkɔ sɔkɔ ne níkě, pé yõtě dí-á kɪ mo pó-ńsah, té tyah pé no tɔnpɪbɪle n ko, pé syó, pé díbɪ, té me n yô, me wɔ wɔ yíle n wɔ, à sètɛnɛne n pi,

46 yõtě dí kɪ pɔ n yô dɔkɔ sɔ yóle, à náh me nê sô sah, ànê gbí yó sɔkɔ, à náh nêne n pne. A kɪ pɔ à fõh kèpékèyô, té kɪ à dyah Liyel tyí yáhlepu dyah dùkùle.

47 Nmɔ nê-á n yõtě dyɔ yíine n pne, té à náh n gblɔy vi à kèpahle n pi, à kɪ ko náhnáh we.

48 Nte, névi nê-á sò me kè pi ñpí-ńkě sɔkɔ, té yíne ko syínóle, ñmɔ kɪ ko kwéyy we. Pãh névi nê kɔ náhnáh, náhnáh kɪ yah kɔ tẽ tyí. Anê náhnáh-à névi nê gbò dahbɪ, náhnáh tyí kɪ piki yah kal tẽ tyí.»

*Gbékínó nê-á kɪ pi Yesu yinne*

49 Képah náh, Yesu tɔ ne: «Nyàh ye mé pɔ sétáh yô. Té mé sò me ké tyí ne, kè ne me kɔ te!

50 Nmɔ yíne mè n de n wil yèvyãhrɪ yó sɔkɔ, té kè náh se me n pi!

51 Yé se me n sô ne, yèvinɪ-á mé pɔ mó-ńsah sétáh yô? Óó dé! Mé kéle n yo yé tyí ne: gbékínó wɔ-á pyě.

52 Képah ye, à tɔkɔ núkúnúkú tyí, népĩ kwâl-à me kéte núkú sɔkɔ, pé kɪ gbekɪ: Tõmí kɪ tyah nímine n fwo, ními kɪ tyah tõmíne n fwo.

53 Sú yó kɪ tyah n pídíne n fwo, pídí yó kɪ tyah n súle n fwo. Yú yó kɪ tyah n písèle n fwo, písé yó kɪ tyah n yúne n

fwo. Yú yó kɪ tyah n̄ pídí kyɪlɛ n̄ fwo, pídí kyɪ yó kɪ tyah n̄ pɛ yúne n̄ fwo.»

*Tyi yáhnpiñɔlɛ, té kɪ á pɪ ðúkù pĩ*

<sup>54</sup> Yesu t̄sò mè n̄ yo tówú tyí: «Yĩnyõ yah yó mè, yâh ñyírki wɛ ké nénpólɛ, yé n̄ yo nénpó swɔ nɛ, pũ-á kɪ pɪ. Té, kè n̄ mó n̄ pɔ n̄ pɪ s̄ẽ.

<sup>55</sup> Anê yah yó mè, yâh fyò yáhkí wɛ kè kō wil nénpólɛ, yé n̄ nɛ, tyah vyáhnó kèpèkè-á kɪ tyah. Té, kè n̄ mó n̄ pɔ n̄ pɪ s̄ẽ.

<sup>56</sup> Yĩnvĩ névyɛ nópi! Yé f̄ẽ sétáh ànê yĩnyõ ðúkù wɔlɛ n̄ pnɛ. Té s̄õ pɪ, tyi nónó-á n̄ pɪ kwey gbĩnɛ, yé náh f̄ẽ sépi pĩ?»

*A tukey dyàh t̄ẽ yé wró t̄sò sah á ñi-òlɛ*

<sup>57</sup> «Kwâh nê pɪ, té yé náh pɪ ðúkù pèpɛyɛ n̄ s̄õ n̄ t̄ẽ n̄ pnɛ yé gbl̄õy?

<sup>58</sup> S̄õ-á, tir-à mè yé wró ànê á ñi-òlɛ, té à n̄ t̄ẽ n̄ yuku tükè-ñsah tukey tükè-ò tyí, gbah n̄ t̄ẽ tir mè yah wah w̄èkì yah. Kèpah-à pí-ñk̄ɛnɛ, té à kyɪ álɛ tukey tükè-ò gb̄õ dahbi, tukey tükè-ò mè kyɪ álɛ sràsýíbí tyí, té pépi mè ñ dah m̄ wòkònpèkè sòkɔ.

<sup>59</sup> Mé kɪ kè yo dal m̄ á tyí nɛ, á náh n̄ wil n̄ pi nénpó, né á náh k̄òl̄i mè pól dyah tɛ pnépné.»

## 13

*Liyel w̄èkì t̄ẽ, kèpah náh pɪ, á tyí kɪ yɪkɪ*

<sup>1</sup> Légbí mè-ó sòkɔ, nósýó pɔ yo Yesu tyí nɛ, yòt̄ẽ Pilatɪ-á lésõ Kalile t̄ãn yísyó ko m̄, té pè sah sárká wìlkínó sòkɔ, pé t̄ó kwɛ f̄èkɪ sárká t̄ó sòkɔ.

<sup>2</sup> Kèpah sòkɔ, à mè pè syah nɛ: «Yé se mè n̄ s̄õ nɛ ñk̄ẽ, Kalile t̄ãn nópi-á tyípèl pɪ kal pé kwil t̄ãn pólle, té yĩ mè pè n̄?»

<sup>3</sup> J̄õ dé! Mé kéle n̄ yo yé tyí nɛ: yâh Liyel w̄èkì t̄ẽ-ñk̄ɛnɛ, yé pól tyí kɪ n̄ yɪkɪ n̄ pɪ s̄ẽ.

<sup>4</sup> Anê, Silowe wòkò kèyy-á syɪkɪ tũ nép̄i gbõnkwardõmɪ nónó yõ, à pè ko, yé se mè n̄ s̄õ nɛ ñk̄ẽ, pépi pèkè pínó-á kal Yerusalemɪ kwil t̄ãn pól tyíle?

<sup>5</sup> J̄õ dé! Mé kéle n̄ yo yé tyí nɛ: yâh Liyel w̄èkì t̄ẽ-ñk̄ɛnɛ, yé pól tyí kɪ n̄ yɪkɪ n̄ pɪ s̄ẽ.»

*Syí-ñk̄ẽ sènsóké séswô sèmirkìlɛ*

<sup>6</sup> Képah náh, Yesu tǝ sèmĩrkĩ yó yãh nε: «Dĩ yó tyí sènsóké sésow sò me n òwǝ sésân swãh sokɔ. Wãh pɔ ké pye yáhnkǝ-ńsah, à náh kwãh yó wε ké sokɔ.

<sup>7</sup> A me yo n swãh tǝ-ò dí tyí nε, à yah, ké ye tǝ-ò-á yò, pé me pyele n yah n kǝ n pɔ sènsóké mè sokɔ, té pé náh me kwãh yó ńtǝnε n wε ké sokɔ. Nkǝ, à kè kǝ fǝ! Yǝ se tǝ me ké tyí kè tǝ sétáhle n wal nɪ?

<sup>8</sup> Wãh yo sǝ, dí mè à syah nε, pé yǝtǝ dí, à ye ké yǝ ńtǝ, kè kwetyí pɪ. Páh kɪ swɔ gbɔ kè kore vi, té kɪ tǝ mɔ ké sǝ.

<sup>9</sup> Káh pɪ sǝ, gbòkénpɪ gbí yóle, káh kɪ syi. Képah-à pí-ńkǝnε, à kè fǝ.»

*Yesu sê nédô yó de mɔ mɪ mɪ yòh sǝle*

<sup>10</sup> Mɪ mɪ yòh sǝ yóle, Yesu sǝ me névyele n kwɔ Liyel ní-ńsah wòkò sokɔ.

<sup>11</sup> Té, pi yó sǝ me ńénpó sétǝle n sokɔ, me à pɪ nádǝle fǝfǝ, ye gbònkwardǝnɔ. A sǝ me kǝntǝnǝle, té à náh fǝ n tǝrɪ n te n pɪ.

<sup>12</sup> Yesu-á pi mè wε sǝ, à à ye té yo n tyí: «Pi, á ye dénmonɔ wε á dónó yam sokɔ.»

<sup>13</sup> Té me n gbǝn sah n yǝ. ńénpó swɔ, à núkú n tǝrɪ tómm té tyah Liyelle n gbilki.

<sup>14</sup> Képah sokɔ, pi mè-á dénmonɔ wε sǝ mɪ mɪ yòh sǝle, kè Liyel ní-ńsah wòkò yǝtǝ fǝkɔ vyãh. A me yo tówũ tyí nε, sèpɪn kénúkò-á tǝ pɪ pɪ sèpɪnnε. Páh sǝ yǝnε pè pɔ à kǝ à pè de mɔ kéne sèpɪn ó sokɔ. Nkǝ, pè náh yǝnε pè pɔ mɪ mɪ yòh sǝ tǝle.

<sup>15</sup> Wãh yo sǝ, Tǝ ngbǝ yo n tyí: «Yǝnvĩ névye nópi! Mɪ mɪ yòh sǝle, yé ńénúkú núkú pól náh ńkǝnε yé nyeh, képah náh pɪ, yé ńkwǝndyínì de sé yǝke krótónè tǝn, n kyɪ sè kǝ sǝ nɪ wɔ di?

<sup>16</sup> Té pi mènε, nê-á Abrahmɪ náh neyne, sétǝ pukubi sah pópó, ye gbònkwardǝnɔ, ñmɔ náh sǝ yǝnε dénmonɔle kéne púkúbínó sokɔ mɪ mɪ yòh sǝle kè!»

<sup>17</sup> Képah tǝnε, Yesu wey mè senne n fwópú pól tǝ, té tówũ pól sǝ me nɪvì sokɔ Yesu tyísnó nópi pól pínó yǝnε.

*Liyel tǝrí me kwãh nê tɔ?*

<sup>18</sup> Képah náh, Yesu tǝ nε: «Liyel tǝríle, kè me kwãh nê tɔ? Mé kɪ kè tǝkɔ sãh kwãh n̄nε?

19 Kè me tyĩ, á kɪ ne séswô yó pi sɔ̃, nê-á pè n ye mútárdìle: Dí yó tɔkɔ, à duku ò swāh. Kè fi pi séswôle, té kèpye pɔ sé syè pi ké yìngbàn tyí.»

20 Té, tɔ ne: «Mé kɪ Liyel tɔrí tɔkɔ sãh kwáh nêne?

21 Kè me á kɪ ne kókónó sɔ̃, sê yó tɔkɔ mɔ fãh dú yí tɔnó mi sɔkɔ ké pól kɔ kè dɔkɔ.»

### *Dé-nsah fĩle*

22 Képah náh, Yesu me yɔ̃ sɔkɔ n yuku Yerusalemi, té névyele n kwɔ n yuku, wáh n kah kwlo ñgbnɔ ànê kwlo pĩ nónó sɔkɔ.

23 Képah sɔkɔ, ñnî yó me à piki yah ne, pé Yòtẽ, névye kwéy ó se kɪ de Liyel tɔrí sɔkɔ ni? Á me pè syah ne:

24 «Mé kéle n yo yé tyí ne: névye náhnáh kɪ syɔ̃-nsah yah kɔ ne, pé we n de Liyel tɔrí tyah sɔkɔ nê dé-nsah-á me fĩ, té pè náh fẽ n tẽ. Képah ye, yé gbah n tẽ n we n de ké sɔkɔ!

25 Gbóntẽ dí-à pópó pɔ yuku wòkò yah tẽ mɔ, té yé me kégbó, yé kɪ tyah wòkò yahle n mi, té kɪ me yo tũ ne, yé Yòtẽ, à yikɪ mɔ yé kɔ. Nte, à kɪ yo yé tyí ne, pé náh yéle n pne.

26 Képah sɔkɔ, yé kɪ tyah n yo ò tyí ne ríkẽ, yáh yòke yò, té ni wɔ wẽ tyí ñne, ànê yépi tówù tükè-ntàn sɔkɔ-á à kwónó pi.

27 Képah sɔkɔ, à kɪ yo yé tyí ne, pé náh yéle n pne. Nkẽ, yé gbɛ mɔ péle, yépi nónó pól-á tyípèlle n pi.

28 Képah tẽ sɔkɔ, yáh pópó Abrahami, ànê Yisaki, ànê tɔ Liyel tẽntò syínyopu pól we, pè me Liyel tɔrí sɔkɔ, té yépi me yĩni mɔ dénóle, légbĩne, gbní ànê yní táhnó ye kɪ pi yé tyíle.

29 Té névye kɪ wil kèkòyó ywɔ ywɔ pól sɔkɔ, kɪ pɔ yòke ñgbẽ yò Liyel tɔrí sɔkɔ.

30 Kãh pi sɛ, nétéló tókù kɪ pi négbrole, té négbro tókù kɪ pi nétélóle.»

### *Yesu ne, páh kɪ ku Yerusalemi*

31 Légbĩne, Farisiyẽno yísyó nɔ de, té yo Yesu tyí ne, yòtẽ Yerɔdɪ-á me n yah n kɔ ò kònmɔ-nsahle. Képah-á, à yal n to ásò.

32 Képah sɔkɔ, à me yo pé tyí: «Yé kyɪ yo kene áswɔ pléy mè tyí ne, máh kɪ sétàn yĩni, té kɪ dénmonɔ pi kweyne, ànê nsòne, té nsò náhle, kãh kɪ tyɛ.

<sup>33</sup> Nte, Liyel tēntò syinyo-ò náh yĩne kúnóle tyah yó, né Yerusalemı soko náh. Képah ye, mé yĩne mè n yõ n soko ñ wěkì kólóle, kwey, ànê nsô, ànê tō nsô nahlé.

<sup>34</sup> Yerusalemı tãn, Yerusalemı tãn, yépi nónó-á Liyel tēntò syinyopule n ko n mɔ, té Liyel-á nónó tekı mɔ yé kō, yé pépile n minki n ko dyêhle. Gbáhyí sǒ pól me mé kè yah kō ne, mé yé tuke mɔ, sǒ-á sǐn n tuke n mɔ ñ pyele ñ kâm sò soko, té yé náh fě syi.

<sup>35</sup> Kǎh pi sě, Liyel kı ñ náh vi yé kwil kō. Té mé kéle n yo yé tyí: yé náh tō nımɔ we n yah n pi fǒó, kı pɔ syı gbí nê-á yé kı n yo ne nkě: «Nê-á n pi Tě ñgbě Liyel yĩn yõ, sām me ñ soko.»

## 14

*Wilsēni yónwó yó dénmɔnɔle mi mi yòh sóle*

<sup>1</sup> Mı mi yòh só yóle, Yesu kyı yòke yó-ńsah Farisiyēnɔ yòtě dí yó gbô. Té nónó-á sò me nénpó, pè me Yesule n kyomı.

<sup>2</sup> Té kè pɔ yĩne, wilsēni yónwó yó sò me ñ tnò.

<sup>3</sup> Képah soko, Yesu me pikinyahnɔ pi Liyel ñgbò wěkì kwópú ànê Farisiyēnɔ tyí: «À yónwó de mɔ mı mı yòh sóle, ké wěkì se me kónóle, tı kè se me yáhlenɔle?»

<sup>4</sup> Nte, pè náh vi mɔ ñ tyí. Képah soko, Yesu me yónwó mè tě, à à de mɔ, té à kō à soko,

<sup>5</sup> té me yo pé tyí: «Yépi soko, nê tě pi, képah náh pi, ñ nahy kı soko de kwlèy soko mı mı yòh sóle, té à náh à wilki n pi súú?»

<sup>6</sup> Nte, pè náh tě we tir yo ké tyí soko.

*Nê-à ñ gblǒy dɔkɔ sah, tě kı tiki mɔ*

<sup>7</sup> Képah yóntenɔ náh, Yesu-á néyénó kyomı we, pè me tē-ntàn ñgbnɔle n yah n kō, à vɛnmɔnɔle pè kō ne:

<sup>8</sup> «Pàh ñ ye fúr yòke yó-ńsah, káh n kyı n tě tē-ńsah ñgbě soko. Wáh képah pi, té pè me ñnı ye, nê-á kal áwɔle,

<sup>9</sup> yé yé-ò káh pɔ ñ syah ne nkě, á yuku, á mó tē-ńsahle tě kō. Légbíne, á kı yuku sen soko, kı kyı tě tē-ńsah tyí soko.

<sup>10</sup> Nte, pàh ñ ye, kyı n tě tē-ńsah tyí soko. Á yé-ò-à pɔ ñ we sě, à kı yo á tyí ne, pé kódí, á nɔ pɔ tē-ńsah ñgbě soko. Képah soko, kè kı pi gbílkinóle á tyí yòke yópú pól yí yah.

<sup>11</sup> Nkě, névi nê-à ñ gblǒy dɔkɔ sah, tě kı tiki mɔ, té nê-à ñ gblǒy tiki mɔ, tě kı dɔkɔ mɔ.»



12 Tɛ̀ n̄ syɪ yo n̄ yé-ò dí tyí: «Wáh névyele n ye yōkele gb̄intōle, kɛ́pah náh pɪ, lékâhne, káh á kódibí ye, káh á yúnpyé ye, káh á tyí névye ye, káh á tnô tɛ̀pu tahbɪ ye. Pépi tɔ kɪ fɛ̀ pɔ n̄ ye yōke ñgbɛ̀ yónóle, kè kō kè kɪ pɪ á yénó mè lédyáhníne.

13 Nte, wáh névyele n ye yōkele, yām tãn, ànê nédónè, ànê gbáhkì núkú névye, ànê yítūbi ye.

14 Pépi náh tɛ̀ wɛ n̄ dyah n pi ké sōne. Káh pɪ sɛ̀, á kɪ yèvinɪ wɛ Liyel tyí, tyípéplɔ pípú lékyî-à yilki n mɔ só nêne.»

*Névye yénó sèmirkile yōke ñgbɛ̀ yó-nsah*

15 Kɛ́pah sɔkɔ, kéné yōke yópú sɔkɔ nénúkú yó-á kéné welɔ noh sɛ̀, à mɛ Yesu syah ne, névi nê-á kɪ yōke yó n pi Liyel tōrí sɔkɔ, yèvinɪ-á kéle tɛ̀ tyí dé!

16 Yesu mó yo n̄ tyí: «Dí yó lésó yōke ñgbɛ̀ pɪ, té névye náhnáh ye.

17 Yōke yó gbí-á pɔ nɔ, à n̄ tɔnpɪ dí tekɪ mɔ ne, à kyɪ yo néyénó tyí, pé pɔ, páh tyɛ núkúnúkú.

18 Nte, pé pól tyah gblɔy yele n yah n kō dùkù núkúle. Négben à syah ne, páh swāh yó dwe núkúnúkú, nkɛ̀ páh yĩne pé kyɪ kè yah. Páh ñne n ni, à n̄ gblɔy ye pé tyí.

19 Nn̄i mɛ ne, páh sètònyehno gbām dwe núkúnúkú, té páh n yuku sé pinyah-nsah. Páh ñne n ni, à n̄ gblɔy ye pé tyí.

20 Nn̄i mɛ ne, páh sê tɔkɔ núkúnúkú, kɛ́pah-á pé kō pé náh n wɛ n pɔ n pi.

21 Tɔnpɪ-á n̄ syɪ pɔ, à pɔ tyi nópi pól yāh n̄ yòtɛ̀ dí syah. Kɛ́pah sɔkɔ, kɛ́tɛ̀tɛ̀ dí fɔkɔ vyāh, à mɛ yo n̄ tɔnpɪ tyí ne, à kyɪ súú kwil tówú tükè-ñtãn ànê wāl yey sɔkɔ. A kyɪ yām tãn, ànê nédónè, ànê yítūbi, ànê gbáhkì núkú névyɛ tɛ̀ pɔ ásò.

22 Kɛ́pah náh, tɔnpɪ n̄ syɪ pɔ yo n̄ tyí ne, pé yòtɛ̀, wāh nê yo, páh kè pɪ, té tɛ̀-ñtãn túkú-á tɔ mɛ.

23 Káh pɪ sɛ̀, yòtɛ̀ dí mɛ yo n̄ tyí ne, à kyɪ wɛ-ñgbno yey, ànê névyɛ fwórínkō-ñtãn sɔkɔ, à kyɪ névyɛ káhlɪ tɛ̀ pɔ, pé wòkò kō kè yuku.

24 Páh kéle n yo pé tyí ne: nóno-á sò yénóle, pé sɔkɔ yó ñtɛ̀ náh pé yōke do n yah n pi.»

*A tyi pól wɛ ye, té Yesu sò tɛ̀*

25 Kɛ́pah náh, Yesu-á n sɔkɔ, tówú ñgbɛ̀ sò mɛ n̄ sò tɛ̀. A mɛ n̄ yah vi, té yo pé tyí:

26 «Nê-à pɔ nɔmɔ tyí, té ní tyí náh nɔ kal ñ tyí ñ súle, ànê ñ yúne, ànê ñ kyile, ànê ñ wěnpile ànê ñ yúnpyle, à tahl ñ gblɔy tɔ tyí, tẽ náh fẽ n pɪ n pi nɔmɔ tò sáh-òle.

27 Névi nê náh ñ syi syi dahnɪ twah, à nɔmɔ sò tẽ, tẽ náh fẽ n pɪ n pi nɔmɔ tò sáh-òle. \*

28 Nte, yépi sɔkɔ nê tẽ kɪ n yah n kɔ wòkò ñgbě mó-ńsahle, né à náh tẽ, à ké gbò wilki kɔ yah, té kè yah n pi, ñ pɔ-à kɪ n yĩne n pi ké mónsyĩnóle?

29 Né tẽ náh képah pɪ, té wòkò sètyah wilki, té tẽ kwɔ ké mónsyĩnó tyí, no-à kè we, pè kɪ tyah kóle ñne n ko,

30 té kɪ n yo ne, pè yah dí yóle, à wòkò mɔ tyah mɔ, té à náh tẽ we kè syi.

31 Sẽ ó ye tɔ, yòtẽ nê tẽ kɪ n yuku mékì fwó-ńsah ñ ní-ò yòtẽne, né à náh tẽ ñ fɔkɔ mɔ n yah n pi, wàh kɪ fẽ kyɪ méfwóbé nɛpɪ kèyò kwɔlé ñ fwó-ò swah n pi, nê-á me ñne n yohnɪ méfwóbé kèyò gbãmnɛ?

32 Wàh pɪ ne, pé náh fẽ n tẽ n pi, à kɪ ñ ní-ò sah fíí, té kɪ níri pí-ò tekɪ mɔ kɪ mékì yálnmɔnɔ yah kɔ ñ tyí.

33 Sẽ ó ye, nê-à ñ gbãn yí pól wényè-ńkɛne, tẽ náh fẽ n pɪ n pi nɔmɔ tò sáh-òle.»

### *Káh n pɪ yõre kɛne*

34 «Pnɛne, kwáh pèpɛy ye kéle. Nte, ké dèndèn-à wal, sɔ me kè kɪ tɔ fẽ pɪ dèndèn?

35 Kàh pɪ sɛ, kè náh fẽ sétáh tyí pekɪ, ké náh se tɔ fẽ n pɪ pile. Képah ye, kè n milki kégbó. Níkí-à me nê tyí noh noh tẽne, tẽ ñ níkí sah noh.»

## 15

### *Képo mónpunwɛnɔ sèmìrkìle*

1 Móri syípu ànê Liyel wèkì kó-ńkèpú pól sò n pɔ n pɔ Yesu tnò ñ wey noh yĩne.

2 Képah tẽne, Farisiyèno, ànê Liyel ñgbò wèkì kwópú Yesu tyíle n plo n yãh ne, dí mè-á me tyípèl pípúle n tẽ ple, té me n yò péle ñtẽne.

3 Képah sɔkɔ, Yesu me sèmìrkì yó yãh pé tyí:

4 «Képyèni lèkwè-à me yépi sɔkɔ yó tyí, té núkú mɔ pu sé sɔkɔ, tẽ náh sé tíkíyèh pó gbãm pó kwãryãh nópi sah n pi gbãn sɔkɔ, té kyɪ mónpunɔ mè soh kɔ, à syi kyɪ à we n pi di?

\* 14:27 14.27 - Dahnɪ twáhnó n wèkɪ ne, á á vi sah á min kɔ kɔ tẽne Yesu tyí kòle.

<sup>5</sup> Tě, wàh à we, nìvì tě tyí, ǎ à twah n gběnkàl yǒ n syi.

<sup>6</sup> Wàh n syi pɔ gbô, ǎ n kódíbí, ànê n tnô tǝpu ye n tuke, n té n yo pé tyí ne nkě, pé kérépó nê-á sò mɔ pu, páh à we tǝ. Képah-á, pè pɔ pé nìvì pɪ.»

<sup>7</sup> Képah yóntenɔ náh, Yesu tǝ pè syah ne: «Mé kéle n yo yé tyí: sǝ ó ye, tyípèl pí-ò nénúkù fyé-à Liyel wěkì tǝ, nìvì kɪ pɪ Liyel fók kɪ kal népì tikiyéh pó gbām pó kwaryāh nópì tyíle, pépi nónó-á ne nkě, páh me néglóle Liyel yah, Liyel wěkì tǝnó yétò náh tǝ me pé tyí.»

### *Pó mɔnpunwenɔ sɛmirkìle*

<sup>8</sup> Yesu tǝ yo pé tyí: «Pó pló gbām-à me sê yó tyí, té sé soko núkù mɔ pu, à náh fòtnò soh, té wòkò yal, à kè gbah soh kǝ, à syi kyɪ kè we n pì dí?

<sup>9</sup> Tě wàh kè we, ǎ n kósýó, ànê n tnô tǝpu ye n tuke, n té n yo pé tyí ne nkě, pé pó nê-á sò mɔ pu, páh kè we. Képah-á, pè pɔ pé nìvì pɪ.»

<sup>10</sup> Képah yóntenɔ náh, Yesu tǝ pè syah ne: «Mé kéle n yo yé tyí: sǝ ó ye, tyípèl pí-ò nénúkù fyé-à Liyel wěkì tǝ, yinyò tǝntǝnè kɪ nìvìle n pɪ.»

### *Pídì mɔnpunwenɔ sɛmirkìle*

<sup>11</sup> Képah náh, Yesu tǝ yo pé tyí: «Dĩnpì népì ními lésò me dí yó tyí.

<sup>12</sup> Sǝ yóle, gbě tǝ yo n sú tyí ne, pé bǝ, n gběkɪ sɔkɔ, nê-á pé we we tǝne, à kéle pé kǝ. Wǎh yo sǝ, n sú me n tahrɪ dibi pè kǝ.

<sup>13</sup> Sèpìn yísýó sókóntenɔ náh, gbě tǝ n tyí yām, té n pó tokɔ sɔkɔ kwil fíí yó sɔkɔ. A kyɪ sè pɪ karkɪ tyíwǎn yǝ.

<sup>14</sup> Wǎh n pó pól pɪ karkɪ te gbí nēne, kwénpékè yó de kéne kwil. Képah sɔkɔ, yām à tǝ.

<sup>15</sup> Kǎh pɪ sǝ, à kyɪ tò yah kǝ kéne kwil ney yó tyí. Tǝ mè à tekɪ mɔ n swāh, n sel syikɪ yinne.

<sup>16</sup> A sel yòkele n yah yèwane, nte ney náh nne n kǝ kéle.

<sup>17</sup> Képah sɔkɔ, n yí-á pɔ yɪkɪ, à tyah n sǝ ne, pé bǝ tyí yòke-á me dò, n tǝnpɪbɪ pól me n yǝ n kwlɔ n sah. Nte, péwɔ-á ásò kwekɪ n ko.

<sup>18</sup> Nkě, páh kɪ sɔkɔ pé bǝ tyí, té kɪ yo n tyí ne, pé bǝ, páh pɪ de Liyel tyí, té pɪ de n tɔ tyí.

<sup>19</sup> Pé náh tǝ yīne yénóle n pile. Nkě, à péle n tǝ n tǝnpɪ sǝ.

20 Képah tɛnɛ, à sɔkɔ n̄ sú tyí. Wǎh me fíí n̄ sú gbôle, n̄ sú à wɛ. Wǎh à wɛ sɛ, n̄ yǎm à kah tɛ, à me to kyɪ à yohnu pɔɪ tɛ.

21 N pídí me yo n̄ tyí ne níkɛ, pé bǒ, páh pɪ de Liyel tyí, té pɪ de n̄ tɔ tyí, pé náh tǒ yĩne yénóle n̄ pile.

22 Nte, n̄ sú me yo n̄ tǒnpɪbɪ tyí: «Fwòmò-̀ngbɛ nê-á ple kal, yé kyɪ ké tɔkɔ súú, yé pɔ mɔ à kǒ. Yé gbǒngbɔ táhní dyɪ à kǒ, yé mó lékyêh dyɪ à kǒ.

23-24 N pídí nê-á yò, kè pɪ ne, à sǒ sò ku, té tǒ n̄ syɪ min wɛ. A lésò mɔ pu, té à ye wɛ. Képah ye, nɪɪ-á me náhpíkí nê sɔkɔ, yé ñmɔ tɛ n̄ pɔ n̄ ko á ne n̄ yǒ, á mó ne n̄ syah nìvìle.» Képah tɛ sɔkɔ, pé tyah syáh syáhnóle nìvì sɔkɔ.

25 Légbíne, n̄ pídí lékǒní sò me swǎh sɔkɔ. Wǎh n̄ syɪ n̄ pɪ, té nɔ de gbôle, à yímónì, ànê yínó yǐnpǒ noh.

26 A tǒnpɪ yó ye piki yah, tir nê-á n̄ pɪ.

27 Ñmɔ me yo n̄ tyí ne, n̄ gbɛndí-á pɔ de n̄ lènɔle, képah-á nɪɪ-á me náhpíkí nê sɔkɔ, n̄ sú me à tɛ ko.

28 Képah tɛnɛ, nénkyí mè fɔkɔ vyǎh, à yahle dénóle gbô. N̄ sú me wil ne, pé à ni à de.

29 Képah sɔkɔ, à yo n̄ sú tyí ne, à yah, ké ye náhnáh-á yò, té pé me n̄ tǒle n̄ pɪ. Pé náh n̄ yóré yahle yah. Nte, à náh pùképir n̄tɛ fyé tɛ pé kǒ yah, pé syɪ ko syáh syah pé kódíbilé.

30 Té n̄ pídí mè wɔ-á pɔ, ñmɔ nê-á n̄ tahrɪ pɪ karkɪ syó fǒfǒnì yǒ, à náhpíkí ko ñmɔ kǒ.

31 Képah sɔkɔ, n̄ sú yo n̄ tyí: «N̄ pídí, áwɔ me kúmm ní tnô, n̄ gbǎn yí pólle, áwɔ tyí ye.

32 A gbɛndí nê-á yò, kè pɪ ne à sǒ sò ku, té tǒ n̄ syɪ min wɛ. A lésò mɔ pu, té à ye wɛ. Képah ye, mé yĩne mè syáh syah, mé nìvì pɪ.»

## 16

### *Liyelle ànê póle*

1 Képah náh, Yesu yo n̄ tò sáhpú tyí: «Tàh dí yó ye lésò, à ñnì tɔkɔ sah n̄ tahrɪ yǒ, té pé pɔ yo n̄ tyí ne, tɛ-á me séle n̄ pɪ n̄ karkɪ.

2 N yǒtɛ dí me à ye, té yo n̄ tyí ne, pé náh me tyípeplɔle n̄ nohnɪ n̄ tyí sɔkɔ. Kǎh pɪ sɛ, à náh tǒ fɛ n̄ tɛ n̄ pɪ pé tahrɪ yǒ. Képah-á, à n̄ tò pɪ òkù yah yo pé syah.

3 Képah sɔkɔ, tahrɪ yǒ tɛ-ò dí mè me yo n̄ gblǒy tyí ne, pé yǒtɛ dí-á kɪ pé yal n̄ pɪ n̄ tahrɪ yǒ. Sǒ se pé kɪ pɪ nɪ? Swǎh

tõ tõ tãhkì nãh se me pé sɔkɔ. Té, ninsyino tẽne, ké sen-á me pé sɔkɔ.

<sup>4</sup> Nte, páh pĩ, páh ne nê pi n pi, té névye ki pé tẽnó ple pé gbên sɔkɔ, páh pɔ pé fin mɔ pé tò.

<sup>5</sup> Képah tẽne, à ò yõtẽ dí kmɔ nétãnne n ye núkú núkúle, té négben piki yah ne, dan nê se pé yõtẽ dí kòhle ò yò ni?

<sup>6</sup> A me ne, niri pní yí lèkwě-á. Tahrí yò tẽ-ò dí me à syah ne, ò kòli sébéy-á yò, à kò n tẽ súú, à wãrki mɔ ké sɔkɔ ne nkẽ, niri pní tikiníní pó gbãm-á.

<sup>7</sup> Képah nãh, à yo kèyãh tyí ne, té òmɔ-á dò, dan nê se à yĩne à kò ni? Nmɔ me à syah ne, sèmuko gbòtóni yí lèkwě-á. A me yo òmɔ tyí ne, ò sébéy-á yò, à wãrki mɔ ké sɔkɔ ne nkẽ, sèmuko gbòtóni yí tikiyéh-á.

<sup>8</sup> Képah tẽ sɔkɔ, ò yõtẽ dí à sò ké yah wénpinɔ yĩnne. Kègbi yò, kèkõyó névye tyi yahle n we n pi pé wẽ wró lèkãmãmne, à kal kyòò sɔkɔ névyele.»

<sup>9</sup> Képah nãh, Yesu tõ yo pé tyí: «Nmɔ wɔ kéle n yo yé tyí ne: póle, gbëntẽnáh kwáh tẽ wɔ ye kéle. Nte, yé kéle kódíbi yah kò. Kàh pópó pɔ n kne, yé ki tẽ ple tyé-nkẽ tyah sɔkɔ.

<sup>10</sup> Nkẽ, névi nê-à pi négbíle tir tyí sɔkɔ, à ki pi négbíle tir gbò tɔ sɔkɔ. Té nê-à yínvi pi tir tyí sɔkɔ, à ki yínvi pi tir gbò tɔ sɔkɔ.

<sup>11</sup> Képah ye, pó nê-á gbëntẽnáh kwáhle, yãh pí-nkêne négbíle képah tyí sɔkɔ, nê ki dahbi yé gbò yínyò tahrí kègbile?

<sup>12</sup> Té, yãh pí-nkêne négbíle nékáhbí gbàn yí tyí sɔkɔ, nê ki yé yèngbẽ tyínle yé kò?

<sup>13</sup> Tõnpi yó ntẽ nãh fẽ tò kwɔ n pi yõtãm népí ními tyí. A ki núkú dyɔ yɔ, té ki nɔ ò ní-òle, képah nãh pi, à ki mɔ núkúle, té ki ò ní-ò we mɔ. Sẽ ó ye, yé nãh fẽ tò kwɔ n mɔ n pi n pi, Liyel ànê pó tyí.»

### *Nìvìnì wey sãn ànê Moyisi tyi kònsàhnóle*

<sup>14</sup> Képah sɔkɔ, pó tyí-á nɔ Farisiyẽnɔ tyí sɛ, pépi-á welo nópi pól noh, pé tyah kóle Yesule n ko.

<sup>15</sup> Képah tẽne, à me yo pé tyí: «Yépile, yé yé gblõyne n wẽki négbíle névye yah sɔkɔ. Nte, Liyel yé nnole n pne. Ngbõ névye-á tir nêne n gbilki, Liyel dël ye képahle dé.

<sup>16</sup> Moyisi tyi kònsàhnó ànê Liyel tẽntò syínyopu sébéynó sò me n mɔ n kò n yí fóó, à pɔ syi Wèlnwìlkì-ò Nsyò me gbí

tyí. Té à tɔkɔ légbí tyí, nìv̀ǹǹ wey sán me n yo Liyel tǔrí tyí sɔkɔ, té táhnsàhnó ó sɔkɔ ye no pól kɪ n de n pi ké sɔkɔ.

17 Nte, ỳinyõ ànê sétáh kɪ yal sé slɔ sɔkɔ sérɔɔ kal tir kyĩrí wìlkinóle Liyel tyi k̀nsàhnó sɔkɔ.

18 Sǔ-á kè yo ne, dí nê-à n kyi wilki, té n syi kèyǎh tɔkɔ, fòfɪnpi-á ònne. Anê, sê nê pe-à à wilki, té névi nê à tɔkɔ, fòfɪnpi-á tẽne.»

### *Tàh dí ànê Lasari tyipínine*

19 «Tàh dí yó lésõ me, à fwòtǎhnì dénkókónine n mɔ, té kwǎnkwǎn yéle n yõ sòmésó, me nìv̀le n pi.

20 Té yǎm ney yó tɔ sò me, pè n ye Lasarile. A sò me sèntènóle tàh dí mè gbô yah. N wil pól sò me níyne.

21 A sò òkène ne me ké tyí ne, pé yènmírnnne n tǔ n yõ, tàh dí-á nónóne n yõ n kwe. Nte, pǎhlɔ ye sò n dɔ n níyne.

22 Só yóle, yǎm ney mè ku, ỳinyõ tẽntõnè me yuku ònne Abrahami tǔ. Tàh dí tɔ me ku, pè kǔ pè yí.

23 Nte, wǎh kyi lékókwil sɔkɔ, à kyi fòhnóle n we. Wǎh n yah yõ yah, à Abrahami we fíí sɔkɔ, Lasarile n gbɔpɔ.

24 Képah sɔkɔ, à ye yah fléyy ne, pé sú Abrahami, òkè páh me n kwɔ képékèyô nyàh mè sɔkɔ. Képah-á, à pé yǎm yah, à mó Lasari tekɪ mɔ, à pɔ n kèngbɔ vyǎh dahbi wilki ni sɔkɔ, à sah pé nénporí yõ kè kǔ kè vɪ.

25 Nte, Abrahami me yo n tyí: «Nmɔ pi, á dyɔ to n kǔ ne, wǎh yèvini we sɔkɔ, wǎh sò me min sɔkɔ gbí nêne, té Lasari wɔ me yèvyǎhri we. Nte núkúnúkú, òmɔ me yèvini sɔkɔ, té áwɔ me yèvyǎhri sɔkɔ.

26 A wil képah sɔkɔ, pwǎh òngbè me yépi ànê ápi wró. Képah yinne, ásò névyè nónó-á me ké tyí ne, pé kyi yé tyí, pè káh tẽ we, ànê nénpó névyè nónó-á me ké tyí ne, pé pɔ ápi tyí, pé tɔ káh fẽ tẽ.»

27-28 Képah sɔkɔ, tàh dí me à syah ne, pé sú Abrahami, kǎh pi sɛ, ỳinpyé népí kwál-á me pé tyí, páh ònne n ni, à Lasari tekɪ mɔ pé sú kéte sɔkɔ, à kyi kè yo sah pé tyí, pé tɔ káh pɔ de yèvyǎhri tẽ-nsah mè sɔkɔ.

29 Abrahami mó yo n tyí: «Moyisi tyi sàhnó, ànê Liyel tẽntò syinyopu welɔ me pé tyí. Pè sépi tyiyónóle n pi!»

30 Wǎh yo sɛ, dí mè tǔ à syah ne, képah nǎh n yĩne n pi, pé sú Abrahami. Nte, névi-à kɪ wil lékyí sɔkɔ, à kyi yo pé tyí, pǎh kɪ Liyel wèkì tẽ.

<sup>31</sup> Képah tēne, Abrahamu me tō yo n tyí: «Pàh kɪ yahle Moyisi ànê Liyel tēntō syínyopu welo nóhnóle, névi-à sō wil lékókwił à pɔ kèkōyó, à kyɪ yo pé tyí, pè náh n sē n pi ké yō tō ntō.»

## 17

### *Tyípekèle ànê ké yōnmɔnɔle*

<sup>1</sup> Képah náh, Yesu yo n tō sáhpú tyí: «Tyi nónó-á névile n mɔ tyípekè pínó sɔkɔ, sépi náh fē n ye wénóle. Nte, névi nē tyí-á ké yō wil, yèvyáhrɪ me tē yō.

<sup>2</sup> Kè kɪ sò fónfó kal, pàh yínónan toh tē yègbɪ, té à min dah mɔ pne yɔ sɔkɔ à kō à káh pɔ nímɔ yō sē-ò tyí yó ntē dah mɔ tyípekè sɔkɔ.

<sup>3</sup> Yé yé gblōy tē dé!

Á yúnpɪ-à pɪ de á tyí, wɛkɪ n yō! Wàh ké nàhnpi gbo, kè yō mɔ à kō.

<sup>4</sup> Anê wàh pɪ de á tyí gbáhyí kwárninɔ gbìyìkì núkú sɔkɔ, té ònne n syɪ n yo n pɔ á tyí fós gbáhyí kwárninɔ ne, páh me ké nàhnpi ne n gbo, séle n yō n mɔ n tyí.»

### *Liyel yō sēnóle*

<sup>5</sup> Képah sɔkɔ, Yesu tēntōbe à syah ne, pé Yòtē, à wán mɔ pépi Liyel yō sēnó yō.

<sup>6</sup> Tē òngbē me yo pé tyí: «Gbɪ tē yō, yé Liyel yō sēnó-à sò me tyí òsò, mútárdì pi fyé sò, yé náhki sò fē yo sènsóké mē tyí ne òkē, kè ké gblōy viki kyɪ sō pne yɔ sɔkɔ, té kè náhki kè pɪ yé yóré yō.»

### *Tònpɪ tò-á nēne*

<sup>7</sup> Képah náh, Yesu yo pé tyí: «Tònpɪ yó-à me á tyí, me á swáhle n wɔ, képah náh pɪ, á yípēyne n fē... wàh wil swàh, à pɔ n de á wɛ, á se kɪ yo n tyí ne, à sal n pɔ yōke yō?

<sup>8</sup> Á náh pyē tō n yo n pi n tyí ne, à áwɔ yōke ògbò pɪ, képah náh, à mó flo yísyó mɔ pɔ, á ònne n tō á yōke yō gbíne, té képah náh, à mó pyē pɔ yō, à mó wɔ di?

<sup>9</sup> Té tònpɪ mè-á n tò pɪ ké wèkì yō, á se kɪ n yíngbí yo? N pɪ pɪ tò ó náh à pɪ di?

<sup>10</sup> Képah núkú ó ye yépi tɔ tyí: Tyi nónó-á yah kō yé tyí, yáh sè pɪ te, yé yo ne, tònpɪbí ó-á yéle. Yáh sò yíne yè nē pɪ, képah ó-á yé pɪ.»

*Yesu tótām népî gbām de mɔ*

11 Yesu-á sò me n yuku Yerusalem, à syõ soko Samaru ànê Kalile gbàh yõ.

12 Wǎh kyɪ n de kwílpir yó soko, díbí tótām népí gbām yísyó pɔ à yohnu. Pè sò me yīn fíí,

13 té tyah n yo n mɔ̀ n tyí yínpɔ̀ òngbēne ne níkě, pé yòtě Yesu, à pé yām yah.

14 Wǎh pè we sě, à yo pé tyí ne, pè kyɪ pé gblǒyne sárká wìkìpu yòtām wěki. Pǎh képah noh sě, té wěkì tē n yuku, pè de.

15 Pé soko nénúkù yó-á kè we à de sě, à n syɪ Liyel yīn gbilki pɔ Yesu tnô yínpɔ̀ òngbēne.

16 A pɔ̀ kɔ kwīnki n yah di sètáh Yesu yah, à weki n tyí. Té kéne díne, Samaru ney ye sò ònne.

17 Yesu-á à we sě, à ne: «Népí gbām nópi pól náh de di? Nte, kwǎryǎh nópi téló-á dò, pépi nyǎh?»

18 Ney náh we pépi soko à n syɪ pɔ̀ weki Liyel tyí, à wil nékâh mē tyí soko kè?»

19 Té me n syɪ yo kéne dí tyí: «Yuku n ne n yuku! Á Liyel yõ sěnò n pwah mɔ̀.»

### *Liyel tǒrí pónó tyíle*

20 Képah náh, Farisiyēno Yesu piki yah ne, gbí nê se Liyel tǒrí kɪ n pɔ̀ n pi nɪ? Á me yo pé tyí: «Liyel tǒrí náh n pɔ̀ n pi kwáh yó sò nê-á n we yīne.

21 Anê tǒ, ney náh n yo n pi ne, kè we yò, képah náh pɪ, kè we yàhàh. Nte, yé pǐ ne níkě, Liyel tǒrí-á me yé wró.»

22 Képah náh, Yesu tǒ yo n tǒ sáhpú tyí: «Só yó me n pi, Névi Pi we dékè kɪ me yé tē, té yé náh à we n pi.

23 Pè kɪ yé syah ne, wǎh yò, képah náh pɪ, wǎh yàhàh. Nte, yé káh n kyɪ, yé káh ne n sal.

24 Sǒ-á pù n yíkiri yǎl, à tɔ̀kɔ̀ yīnyò yah yó tyí, à kyɪ syɪ ké yah yó tyí, sěntě ye Névi Pi pónó kɪ pɪ.

25 Nte, Névi Pi òngbò yīne à yèvyǎhrɪ pɪ náhnáh, ànê kwey gbí névyé mó à yahle.

26 Kǎh pɪ sǒ òngbòle Nowe gbí soko, sě tɔ̀ ye kɪ pɪ Névi Pi syínpo gbíne.

27 Névyé lésò me n yõ, té me n wɔ̀, té me syóle n tɔ̀kɔ̀, té me n de pɛbɪ tyí fóó, à pɔ̀ syɪ sǒ nê-á Nowe de krótó-òngbē soko. Képah tē soko, púnphákì pɪ, ni pé pól yõ.\*

\* 17:27 17.26-27 Yah n te Tyàhnó sébéy 6.9 - 7.24 soko.



28 Anê, kè kɪ pɪ, kǎh pɪ sǒ ñgbòle Lotɪ gbĩ to sɔkɔ: Névyè lésò me n yǒ, té me n wɔ, té me yídwénène n dwe, té me yíyǎmne n yǎm, té me swǎhle n tǒ, té me vùle n mɔ.

29 Nte, Lotɪ-á wil sǒ nêne Sodomɪ sɔkɔ, Liyel nyàh lépǒ ànê nyàh lépúkú tiki mɔ pé yǒ pǔ sǒ n pɪ, à pé suke ko.

30 Sǎntǎ ó ye kè kɪ pɪ n sɔkɔ n pi Névi Pi syínpo sǒle.

31 Ké lésò-à pɔ, névi nê we gběntɪn yǒ, té vyó me tǎ tyí wòkò sɔkɔ, à kǎh ne, páh n tiki n yuku sé tókó-ńsah. Té nê to-à me swǎh sɔkɔ, tǎ kǎh ne, páh péle n syi n yuku gbô.

32 Yé yé dyo to kǒ Lotɪ kyɪ tyíle kè!†

33 Sǎ ye, nê-à ne, páh pé minne n koh n sah, tǎ kɪ teki ké sɔkɔ, ñte nê-à teki ñ min sɔkɔ, tǎ wɔ min kɪ pwah.

34 Mé kéle n yo yé tyí ne: kéne lékǎhne, népɪ ními kɪ me sǎ sǎ kwǎh núkú yǒ, núkú kɪ tǎ sɔkɔ, té ñ ní-ò kɪ wǔ.

35 Syó népɪ ními kɪ me yíle n nɔ wǎ tyí, núkú kɪ tǎ sɔkɔ, té ñ ní-ò kɪ wǔ. [

36 Díbí népɪ ními kɪ me swǎh núkú sɔkɔ, núkú kɪ tǎ sɔkɔ, té ñ ní-ò kɪ wǔ.]»

37 Képah sɔkɔ, Yesu tǒ sǎhpú à piki yah ne, pé Yǒtǎ, nýǎh sɔkɔ se képah kɪ n pɪ n pi ni? A me yo pé tyí: «Kókè-à me nýǎh, nénpo sɔkɔ nǎh ñkyònkýòni wǎ tuke n mɔ di?»

## 18

### *Niri sɔkɔ gbáhntǎnɔle*

1 Képah nǎh, Yesu sémirkɪ yó yǎh ñ tǒ sǎhpú tyí, à pé wǎkɪ ne, pǎh yǐne pé níriile n pɪ kúmm wílkúni kéne ké sɔkɔ.

2 A ne: «Tukey tükè-ò dí yó lésò me kwil yó sɔkɔ, à nǎh Liyel yah tíkile n pɪ, à nǎh yǒyénne n sah névyè yǒ.

3 Té pékúsè yó to sǒ me kéne kwil sɔkɔ. Nmɔ sǒ me n yo n pɔ ñ tyí gbímegbí ne, nê-á me péwɔ ànê pé fwó-ò wró, à kè tǎ sah pé kǒ.

4 Nte, kè pɪ di mónóle, té dí nǎh sǒ me fǎ syi. Képah nǎh, à pɔ yo n gblǒy tyí ne, gbɪ tǎ wɔ-á, pé nǎh Liyel yah tíkile n pɪ, pé nǎh yǒyénne n sah névyè yǒ.

5 Nte, pékúsè mè-á me pé gblóle n vyǎh n pɔ, páh kɪ ñ tir mè yah wah à kǒ, pé yah mó vi.»

6 Tǎ ñgbě Yesu-á képah yǎh te, à tǎ yo pé tyí: «Yé tukey tükè-ò dí mè wey noh kè, ñmɔ nê-á fin yó-òle.

† 17:32 17.32 - Liyel-á Sodomɪ ànê Gbomòrle n suke gbí nêne, à Lotɪpi wilki ké sɔkɔ, té ne, pé ne n to, pé kǎh vi yah. Té Lotɪ kyɪ-á vi yah, à pɪ pne kènpinne. Yah n te Tyàhnó 19.26 sɔkɔ.

7 Nte Liyel wɔ-á nónó yah tɔkɔ, té pè me ònne n ye n gbo lékâh ké gb̃intɔ̃, à nâh pé tyi yah wah pè kɔ̃ n pi di? A se ki mo pé yòhññmɔ-nsah?

8 Mé kéle n yo yé tyí ne: wăh ki pé tyi yah wah pè kɔ̃ súú. Nte, Névi Pi-à só nêne pɔ sétáh yô, à se ki pɔ Liyel yô sênó we?»

*Sèmîrkî nê-á yăh Farisiyě ànê mórí syî-ò tyí sɔkɔ*

9 Névyé nónó-á sò me pé gblɔ̃yne n yah ne nkê, páh me négbóle Liyel yah, té me télóle n yilɔ, Yesu sèmîrkî yó yăh pépi tyí sɔkɔ ne:

10 «Díbí népî ními yísyó sò kyí Liyel wòkò òngbê kéntáhkì sɔkɔ, à kyí Liyel ni. Nénúkùle, Farisiyě ye sò ònne, té ní-òle, mórí syí-òle.

11 Képah sɔkɔ, Farisiyě mē me yuku yīn, à Liyelle n ni ò fɔkɔ táh, me n yo ne, èè Liyel, páh n weki ò tyí, wăh sɔnpí péwɔ pi pé gblɔ̃y. Pé nâh me no téló tyí kòle, nónó-á yípúle, ànê tyítúkúñ pípúle, ànê fòfíkì pípúle. Páh n weki ò tyí, pé nâh sɔnpúle me mórí syí-ò mē sɔ̃.

12 Péwɔ-á níkìle n tē sèp̃iñ ñiñ yòh núkú wró. Páh pé gb̃àn yî wénó gbām-ònéle ònne n kɔ̃.

13 Nte mórí syí-ò wɔ mó sò me yīn tē fíí, à nâh fē syi ò yah ñtē yô yīnyô. Té me ò gbòle n sah ò ñvɔ sɔkɔ me n yo ne: «Liyel, ní yām yah, ñmɔ nê-á tyípekè pí-òle.»

14 Képah tēne, Yesu me ne: «Mé kéle n yo yé tyí ne: dí mē pi négbúle Liyel yah, wăh ò syi n yuku ò finne gbí nêne. Té Farisiyě wɔ nâh sênkò we. Gb̃i yô, névi nê-à ò gblɔ̃yne n gbilki, à ki tiki mɔ. Té nê-à ò gblɔ̃yne n tiki n mɔ, tē wɔ ki mó dɔkɔ mɔ.»

*Yesu sām mɔ wēnp̃i yrɔ̃ sɔkɔ*

15 Névyé sò me n pɔ n pɔ wēnp̃i yrɔ̃ tɔle Yesu tyí ne, à tū pé tyí. Ñ tò sáhpú-á képah we, pè tyah díri le n kɔ̃ pé yô.

16 Nte, Yesu me wēnp̃i kɔ̃ pè no de ò tnô, té ne: «Nónó òkù-á me wēnp̃i nópi sɔ̃, Liyel tɔr̃íle, pépi tyí ye. Képah ye, yé ye wēnp̃i kɔ̃ pè ne n pɔ n pɔ ñmɔ tyí. Yé káh pé yahle n kɔ̃.

17 Gb̃i yô, mé kéle n yo n dal n mɔ yé tyí ne: névi nê-à Liyel tɔr̃í fēnsyi-ńkēne wēnp̃ir tyí kòle, à nâh n we n de n pi ké sɔkɔ pólle.»

*Kèkôyó tahr̃i yahle, ò té n we n de yīnyô tɔr̃í sɔkɔ*

18 Képah nâh, Nsyifunɔ yòtē yó Yesu piki yah ne, kwó-ò pèpey, pé se yīne pé pi sɔ̃, pé mó tyé-ńkê min we ni?

19 Yesu me yo ò tyí: «Kwâh nê pi, té á ñne n ye <pèpeyne>? Pèpey yó ntě nâh me, né Liyel ó nâh.

20 A Liyel tyi kònsàhnó pĩ kè, nê-á n yo ne ñkê: «Káh fòfikì pi, káh nékókè mɔ, káh yĩbe yĩ, káh mìnì sah á ní-ò yò, á sú ànê á yúne n tẽ ple.»

21 Wăh yo sě, dí me à syah ne, páh me sépinó pólle n pi fók, pé wěnpir gbí dukùle.

22 Yesu-á képah noh sě, à yo ò tyí: «Tyínúkú ó tō yah kwlo á tyí: Gbăn yĩ nónó pól-á me á tyí, kyi sè yãm, ò té sé pò dibi yãm tăn kō, ò té n pɔ ñmɔ sò tẽ. Képah sɔkɔ, á kɪ Liyel fók tahrɪ we.»

23 Té dí tahrɪ-á sò kah tɔɔ sě, képah ye, wăh wey mē noh, ò yah kwɔ yikɪ.

24 Képah sɔkɔ, Yesu-á ò yah we kè kwɔ sě, à ne, tahbɪ déno-á me tah Liyel tǒrí sɔkɔ dé!

25 Nkê, yăhmíkì dénwîlnóle sèndi pwăh sɔkɔ, képah ntě-á kɪ fâhfâh kal tãh dénole Liyel tǒrí sɔkɔ.

26 Képah sɔkɔ, nónó-á sò me ò weyne n nohnɪ, pé ne, ñte, nê wɔ se kɪ mó fě pwah nɪ?

27 A me yo pé tyí: «Névi nâh fě tir nê pi n pi, Liyel kɪ fě képah pi.»

28 Képah sɔkɔ, Pyerɪ me ne, pépi tẽ wɔle, páh pé yěngbě yĩ sah, té ñmɔ sò tẽ.

29 Yesu me yo pé tyí: «Gbɪ yò, mé kéle n yo n dal mɔ yé tyí ne: névi nê-à Liyel tǒrí yinne ò kéte sah, képah nâh pi, ò kyile, képah nâh pi, ò yúnpyéle, képah nâh pi, ò tyí névyele, képah nâh pi, ò wěnpille,

30 tẽ kɪ pé lékan we kèkõyó mē sɔkɔ, té kɪ tyé-ñkê min we Liyel fók sɔkɔ ñsõne.»

*Yesu tō ò kúnó ànê ò min syínwewɔ tyí yo ke tǒ-òle*

31 Képah nâh, Yesu ò tò sâhpú népĩ gbõnimí ye pé yahle, té yo pé tyí: «Á we n yuku Yerusalemɪ sɔkɔ yò. Té Liyel tẽntò syínyopu-á lésò tyi nónó pól wãrkɪ sah Névi Pi tyí sɔkɔ, sè kɪ n pi n tú n pi.

32 Pè kɪ à dahbɪ Liyel pí-ñkêpú gbò. Pè kɪ kóle ñne n ko, kɪ ñne gbyɔ, té kɪ n sɪn n mɔ ò yò.

33 Pè kɪ à ko yèfõhle, té kɪ à ko mɔ. Nte, ké sèpìn tǒ-ò sóle, à kɪ ò syɪ min sãn we.»

34 Nte, Yesu wey mē sò me wénpille pé tyí. Képah ye pé nâh ké syíkí-ñsah pĩ.

*Yesu yítú yó yí yíkí mɔ*

<sup>35</sup> Képah sɔkɔ, Yesu-á de n tɛ Yeriko kwille yúkey, yítú yó sò me kòntɛnóle wɛgbalı sɔkɔ, me n ni n syi.

<sup>36</sup> Wǎh tówú sókónó yí noh, à piki yah nɛ, tir nê se nɪ?

<sup>37</sup> Pè me à syah nɛ, Nasaretɪ Yesu-á pɔ n sɔkɔ.

<sup>38</sup> Képah tɛnɛ, à tyah n yo n mɔ léyy nɛ, Yesu, Davidi Pídí, à pé yām yah.

<sup>39</sup> Tɛ nónó-á me n kɔ yah tɪnnɛ, pépi sò me diríle n kò n yó nɛ, à n vyāh vike. Ntɛ, n̄mɔ tɛ sò me n tɔ n gbah n yo n mɔ nɛ n̄kɛ, Davidi Pídí, à pé yām yah.

<sup>40</sup> Képah sɔkɔ, Yesu me yīn, tɛ nɛ, pè pɔ n̄nɛ. Wǎh nɔ de, Yesu me à piki yah:

<sup>41</sup> «Tir nê me á me ké tyí nɛ, mé pɪ á tyí?» Dí me à syah nɛ, pé Yòtɛ, à kè pɪ, pé fɛ nɛ n yah n̄tɔ.

<sup>42</sup> Yesu me yo n̄ tyí: «Á yí ye yíkí mɔ! Á Liyel yó sɛnó ye n̄ de mɔ.»

<sup>43</sup> Nénpó swɔ, n̄ yí núkú yíkí mɔ, tɛ à me Yesu sò tɛ, à Liyelle n gbilki. No pól-á képah wɛ sɛ, pé to tyah Liyelle n gbilki.

## 19

*Yesu ànê Nsasyile*

<sup>1</sup> Yesu-á de Yeriko kwil, à sò me n kah ké sɔkɔ,

<sup>2</sup> tɛ dí yó sò me kéne kwil, pè n ye Nsasyile. Móri syípu yòtām sɔkɔ yó ye sò n̄nɛ, tɛ à pɪ tǎhle.

<sup>3</sup> A sò me n yah n kɔ nɛ, pé Yesu wɛ, nédúkú nê-á n̄nɛ. Tɛ n̄mɔ-á pɪ nétúkúrí neyne, tówú tnónkàhnó tɛ tyí, à náh sò fɛ à wɛ n pi.

<sup>4</sup> Kǎh pɪ sɛ, à to yuku yah tɪnnɛ, à kyɪ dɔkɔ séswô yó sɔkɔ Yesu wɛ yīnnɛ. Tɛ à kɪ sò pɔ n sɔkɔ n pi n̄n̄pó.

<sup>5</sup> Yesu-á yīni tɛ n̄n̄pó, à n̄ yah yó tɛ yo Nsasyɪ tyí nɛ n̄kɛ, à tiki súú Nsasyɪ, páh yīnɛ pé twah n̄ kéte sɔkɔ kweyne.

<sup>6</sup> Képah tɛnɛ, Nsasyɪ núkú tiki súú, à kyɪ Yesu tɔ sah tɛ n̄ tɪnnɛ n̄ivì sɔkɔ.

<sup>7</sup> Névyɛ-á képah wɛ sɛ, pé pól tyah n̄ tyíle n plɔ n yāh nɛ, tyípɛl pí-ò tyí-á à kyɪ twah yò dé!

<sup>8</sup> Ntɛ, Nsasyɪ me nɔ de Tɛ n̄gbɛ Yesule, tɛ yo n̄ tyí nɛ, à noh pé tyí, pé yòtɛ. Páh kɪ pé gbǎn yí tóní núkú yī yām tǎn kɔ. Anê, páh me syíkɪ nê yó, páh kɪ sɛnknɔnɔ n̄yǎhle tɛ dyah.

<sup>9</sup> Képah sɔkɔ, Yesu me yo n̄ tyí: «Áwɔ tɔ-á pɪ Abrahamɪ náh neyne, képah ye, pwáhn̄mɔnɔ de kéte m̄ sɔkɔ kweyne.

10 Yah, nónó-á sò me mónpunole, pépi yáhnkõ-ńsah ye Névi Pi pɔ kɪ pè pwah mɔ.»

*Yõtē nê-á pɔ dahbi tɔnpɪbi gbò*

11 Képah tēne, Yesu-á de n te Yerusalemɪ sɔkɔ, n welo nóhpú sò me n sɔ ne, Liyel tǔrí-á kɪ n pɔ n pi nénpó swɔ. Képah sɔkɔ, Yesu me sèmirkɪ yó yāh pé tyí ne:

12 «Yõtē yó pídí ye lésɔ. Só yóle, à yuku sɔkɔ kwil fíí yó sɔkɔ ne, pé kyɪ yòtǔrí yah n kɔ, képah náh, pé mó pé syɪ pɔ.

13 Wāh n sɔkɔ, à n tɔnpɪbi népí gbām ye pɔ, pɔ dan núkúle pé nénúkù núkú pól kɔ, té yo pé tyí ne, pé gbòle n yí sɛpile fɔ́ó, kè pɔ syɪ pé syínɔnɔ tyí.

14 Té, n kwil névye sò me n dyole n yo. Pè me tēntò tekɪ mɔ n náh, à kyɪ yo ne níkē, pépi náh me ké tyí ne, dí mè tē pɔ pɪ pépi yòtēne.

15 Nte, à mó tǔ yòtǔrí mè we, té n syɪ pɔ. Wāh pɔ, à n tɔnpɪbi nópi ye, wāh sò pɔ dibi nónó kɔ. Pāh gbò yí, té pɔ dòhnò nê we, à sò me ké tyí ne, pé kè pɪ.

16 Képah sɔkɔ, négben pɔ yo n tyí ne níkē, pé yòtē, wāh pɔ dan nēne pé kɔ, pāh ké kénknɔnɔ gbām yah dohnɪ.

17 Yòtē dí me yo n tyí ne, kǎh ple, tɔnpɪ pèpɛy-á nne. Wāh fyò pɪ négbíle tir tyíí sɔkɔ, wāh kɪ pɪ kwlonɔ gbām yah tē-òle.

18 Ní-ò me pɔ yo n tyí ne níkē, pé yòtē, wāh pɔ dan nēne pé kɔ, pāh ké kénknɔnɔ kwlo yah dohnɪ.

19 Yòtē dí me képah núkú ó yo n tɔ tyí ne, n mɔ pɪ kwlonɔ kwlo yah tē-òle.

20 Kèyāh me pɔ yo n tyí ne níkē, pé yòtē, n pɔ-á yò. Pāh sò me kè dah mɔ sah fwɔ yó sɔkɔ ké tyíle.

21 Nkē, n tò-á kah tah. Képah-á, n tíkí me pé tē. Nmɔ náh sah kwāh nēne, ǎ kè tɔkɔ. A náh sèmukɔ nê duku mɔ, ǎ képah tɔkɔ.

22 Képah tēne, yòtē dí me à syah ne, tɔnpɪ túkù, n vyāh wey mè sɔkɔ-á pé kɪ tuke nne. Nmɔ-á sò pɪ ne níkē, pé tò-á tah, pé náh kwāh nê sah, pé kè tɔkɔ, ànê pé náh sèmukɔ nê duku, pé kɪ tɔkɔ.

23 Nte, kwāh nê se pɪ, té à náh pé pɔ dah mɔ sah pɔ dáhnmɔ-ńsah wòkò sɔkɔ nɪ? Pāh pé syɪ pɔ, pāh náhki sè we wilki dòhnìnóle sé yó.

24 Képah sɔkɔ, nónó-á sò me nénpó, à n syɪ yo pé tyí ne, pé pɔ mè syɪ n tyí, pé kéle ké kénknɔnɔ gbām nétē kɔ.

<sup>25</sup> Pè me yo n tyí ne, pé yòtě, sé gbã-m-á me te ñmɔ tyí dò!

<sup>26</sup> Nte, à me pé syah ne: «Mé kéle n yo yé tyí ne: névi nê tyí kwâh-á me, pé ki tɔ ñmɔ kɔ̃. Té névi nê tyí kwâh nâh me, kwéyy nê ntě-á me n gbô, ké tɔ ki tě syi n tyí.

<sup>27</sup> Nte, í sèpébi tě wɔle, pépi nónó nâh sò me ké tyí ne, mé pi pé yòtěne, yé pɔ péle ásò, yé pɔ pé yèsò kɔ̃ í yí yah.»

*Yesu dénóle Yerusalemi sɔko*

<sup>28</sup> Képah yóntenɔ nâh, Yesu yĩn pé yah, pé n dɔkɔ n yuku Yerusalemi.

<sup>29</sup> Té wâh yĩni tě n te gbí nêne Betefasyi ànê Betaniye yõli yó tnô, pé n ye Wólívi yèh yõlile, à n tò sâhpú népi ními tɔ ne:

<sup>30</sup> «Kwil nê-á yé yahle, yé kyi ké sɔko. Yáh ki n de, yé ki ñkwěndyípi kɔ̃ yó we tóhnmɔnɔle nê-á ney nâh dɔkɔ yah n yó pólle. Yé à de n pɔ ásò.

<sup>31</sup> Té nê-à yé piki yah ne ñkě, sɔ se, té yé ñne n de ni, yé yo tě tyí ne, n yétô-á me Tě ñgbě tyí, képah-á.

<sup>32</sup> Wâh yo sě, těntò névyé nópi sɔko. Pé ntyĩnɔ kyi tyi nópi we, sɔ-á sò à yo kéle pé tyí.

<sup>33</sup> Pâh me n dénó sɔko gbí nêne, n nétãm pé piki yah ne, sɔ se, té pé ñkwěndyípi kɔ̃ mène n de ni?

<sup>34</sup> Pè me yo pé tyí ne ñkě, n yétô-á me Tě ñgbě tyí, képah-á.

<sup>35</sup> Té me yuku ñne Yesu tyí. Pé pé flo mɔ n yô, à Yesu kɔ̃ à dɔkɔ.

<sup>36</sup> Képah těne, wâh me n yuku sɔ, névyé me pé flole n mɔ n yuku sě wěkì yô.

<sup>37</sup> Pâh n tyah Wólívi yèh yõli tikíntenɔle, nivì de n tò sâhpú kwĩnki pól sɔko. Pâh gbil tyi nónó pól we, sépi yĩnne, pé tyah Liyel yĩnne n gbilki yĩnpɔ ñgběne,

<sup>38</sup> me yo tũ ne ñkě:

«Yòtě nê-á n pi Liyel yĩn yô,

Liyel sãm mɔ n sɔko!

Yèvinu ne me yĩnyô,

gbilkinó mó ne n sah Liyel yô,

ñmɔ nê-á yĩnyô fléyy tě-ñsah.»\*

<sup>39</sup> Képah sɔko, tówù niyó sɔko Farisiyēnɔ yísyó Yesu syah ne, pé kwó-ò dí, à n tò sâhpú vyěy tũ kè!

<sup>40</sup> Képah těne, Yesu pé syah ne: «Mé kéle n yo yé tyí ne: pàh ki sɔ pé vyěy vike ò, dyèh ye ki n gbo n mɔ pé swɔ.»

*Yesu yah kwɔ Yerusalemi tyíle*

\* 19:38 19.38 - Yah n te Gbálnó sèbéy 118.26 sɔko.

41 Yesu-á de n te Yerusalemı, té kè we gbí nêne, à n gbo ké yinne ne:

42 «É, Yerusalemı, wáh náhkı sò me fẽ syi yèvinı we dükù pĩ kwey mènè! Nte wéèè, kè ye wõbı á yah!

43 Yah, sèpìn yısyó me n pi, á sépébí kı wõbı-ntàn pı á kēkı kore vi, té kı ñ fyāh sah yey yey pólle.

44 Liyel-á pɔ á yòhnìnmo-ńsah gbí nêne, á náh fẽ syi kè pĩ. Képah ye, pè kı á sɔkɔ névyè pól ko mo, té kı ñ mukuli. Á dáhkı yó ntē náh n wũ n pi ké ní-ò yõ.»

*Yesu gbòyĩbi yĩni wilki Liyel wòkò ñgbě kéntáhkı sɔkɔ*

45 Yesu-á kyı de Liyel wòkò ñgbě kéntáhkı, té yíyãm yàmpu we ké sɔkɔ, à tyah péle n yĩni n wilki.

46 Té me n yo pé tyí: «Kè me wárkínsàhnóle Liyel wey sɔkɔ ne níkē: «N wòkò kı pı nírí pí-ńsah wòkòle». Té yépile, yé kè tɔkɔ pı névyè yõ syíkípú tē-ńsahle.»

47 Té à sò me névyèle n kwɔ sòmésó Liyel wòkò ñgbě kéntáhkı sɔkɔ. Képah sɔkɔ, sárká wĩkĩpu yõtām, ànê Liyel ñgbò wēkĩ kwópú sò me ñ kònmɔ-ńsahle n yah n kō, kwil yah tām tɔle péle.

48 Té no pól-á sò me pé ní kwɔ n tō n sah n nohnı n yíi ñ tyí sē, képah ye, pè náh pĩ páh kı n pı n pi sō.

## 20

1 Yesu-á sò me névyèle n kwɔ Liyel wòkò ñgbě kéntáhkı sɔkɔ, me nìvìnì wey sáñne n yo sē, só yóle, sárká wĩkĩpu yõtām, ànê Liyel ñgbò wēkĩ kwópú, ànê yèwàhnì pɔ wil ñ tyí,

2 té à syah ne, à yo pé syah, nê gbò yõ sɔkɔ se, à n pı tyi nópile, nê se à kō tēnweno mènè nı?

3 A me yo pé tyí: «Nmo tɔ kı píkinyahno núkú pı yé tyí: Yé yo ní syah,

4 nê-á tō Nsyõne, à pɔ nolè n wel n wilki? Liyel se, fĩ névyè se?»

5 Pè me yo wē tyí ne, páh kı ne níkē, Liyel-á tō ñne, wáh kı pé syah ne, té kwáh nê se pı, té pé náh sē ñ yõ nı?

6 Nte, névyè sēnyĩno-á me te ké yõ ne, Liyel tēntò syinyo-ò-á Nsyõne, páh kı mó tō ne níkē, névyè-á tō ñne, no pól-á kı dyèhle pé minki ko.

7 Káh pı sē, pè à syah ne, pé náh pĩ nê-á tō ñne.

8 Páh yo sē, Yesu tɔ mó pè syah ne, káh pı sē, tēnweno nê-á pé kō pé tyi nópile n pı, pé náh mó kè yo pè syah n pi.

*Divě sésân swāh tǒpú nǎpêl sēmirkìle*

9 Képah náh, Yesu tyah sēmirkì yóle n yāh névye tyí ne: «Dí yó ye lésǒ divě sésân swāh kǒ, té kéle tǎntǒbe gbǒ dahbì, té soko kóló soko à kyí mo.

10 Sé pye gbe gbí-á pɔ nɔ, à tǒnpi yó tekɪ mo divě sésân swah tǎntǒbe nǒpi tyí ne, pè pé tyí divě sésân pyele à kǒ. Nte, tǎntǒbe nǒpi me tǒnpi mè ko, té pé syí à tekɪ mo n gbǒ kókóle.

11 Képah soko, sètě dí tǒ n syí tǒnpi yó tekɪ mo. Pè tǒ ñmɔ to ko, té à gbyɔ, té pé syí à tekɪ mo n gbǒ kókóle.

12 A tǒ n syí tǒnpi tǒ-ò tekɪ mo. Pè tǒ ñmɔ to pi yɔ, té à yīni.

13 Kǎh pi sě, sètě dí ne, sǒ se pé kɪ pi nɪ? Páh kɪ pé nìdè pídí wɔ tekɪ mo. Nmɔ wɔle, gbòkénpi, pǎh kɪ yòyén sah n yǒ.

14 Nte, divě sésân swāh tǎntǒbe nǒpi-á fyò n pídí wɛ, pè núkú yo wě tyí ne níkě, n gběyǒ-á yò. Pé ye à ko mo, gběkɪ mó pi pépi tyíle.

15 Képah tǎne, pè à yɔrɪ wilki mo divě sésân swāh kahnɛ, té à ko mo. Núkúnúkú tǎne, sǒ me sètě dí kɪ pɔ pi péle wé?

16 A náh pɔ divě sésân swāh tǎntǒbe nǒpi ko mo, té kɪ kè dahbì n pi yísyó gbǒ di?» No-á kéne wɛlɔ noh sě, pè ne, pólle, képah wɔ náh n pi n pi!

17 Nte, Yesu me pè yah, té yo pé tyí: «Liyel wey-á nê yo ne níkě:

«Wòkò mópú-á dáhkì nê milki,  
képah ye pɔ pi wòkò kyí yǒ dáhgbíle»,  
képah yǒ nêne yépi tǎ tyí?

18 Névi nê-à wil syikɪ kéne dáhkì yǒ, tǎ kɪ kwɔkɪ. Té, kǎh se mó tǒ syikɪ nê yǒ, kè kɪ tǎ pyǎhrɪ.»

19 Képah soko, Liyel ñgbò wěkì kwópú, ànê sárká wìlkɪpu yòtām ñgbɔ sǒ pī yīi te ne, pépi yǒ-á Yesu mɪ sēmirkì mène. Képah ye, pè sǒ me n tǎ-ńsahle n yah n kǒ nénpó swɔ, té névye tíkí pè tǎ.

*Nê-á yīne Sesarɪ kǒnóle, ànê nê-á yīne Liyel kǒnóle*

20 Képah soko, pè tyah Yesu kyòmìnóle. Pè yínvínpiɪ yísyó tekɪ mo n tyí. Pè pɔ pé gblǒy pi négbólóle. Pè sǒ me ké tyí ne, à pilki n vyāh wey soko, pé kǒ pé à wɛ tǎ kyí dahbì kwil yah tǎ-ò gbǒ, tǒrí ànê tǎnwɛnɔ-á me nê tyí.



21 Képah tēne, pè píkinyahno yó pi Yesu tyí ne, kwó-ò dí, páh pĩ ne, wãh tyi nónóné n yo, té kwónó nónóné n pi, gblo kókó-á séle. Á náh névyele n wah, ànê wãh Liyel wèkìle névyele n kwó ké gbi yó.

22 Nte, à yo pé syah, ñkě, ké wèkì se me kǒnóle ne, pé mórìle n mo Wromeno yòtē ñgbě Sesarı tyí, fĩ ké wèkì náh me kǒnóle?

23 Té Yesu-á pé yínvĩ pĩ sě, à yo pé tyí:

24 «Yé pɔ pó pó núkúle, mé yah átre. Nê yah mírki, ànê ñ yĩn me wárkínmɔnole ké yó yò?» Pè me yo ñ tyí ne, Sesarı tyí-á.

25 Yesu me yo pé tyí: «Kàh pi sě, yé Sesarı tyíle Sesarıle n kǒ, yé mó Liyel tyíle Liyel kǒ.»

26 Kãh pi sě, pè náh pílki-ńsah we ñ wey sɔko, à à tē névyé yí yah. Té ñ tyi yah yónó pyě me pé gbǎn du, pè me tē syísyí.

*Sadusēno Yesu piki yah lékyî yílkinmɔno tyí sɔko*

27 Sadusēnole, nósyó ye, nónó-á ne, lékyî náh min sǎn we n pi. Pé no de Yesule, té à piki yah ne,

28 pé kwó-ò dí, Moyisi-á kɪ wárkɪ sah pé kǒ ne ñkě, sétē nê-à ku pi wé-ńkēne, té gbě me tē tyí, gbě mè-á yĩne à pékúse mè tɔko, à mó wēnpĩ dubi à kǒ ñ nénkyí náhne.

29 Nte, kèkùrkì núkú ñnpĩ népĩ kwǎrnino yísyó-á lésò me. Nénkyí tē me sê tɔko, té ku, té à sah píkǎnne.

30 N sò syi me pi mè tɔko.

31 Képah náh, tǒ-ò me à tɔko. Kè n pi n yuku sě fóó, pé népĩ kwǎrnímí pól à tɔko. Té, pé pól pɔ ku, té à sah píkǎnne.

32 Képah náh, pi mè tɔ pɔ ku.

33 Nte, pi mè-á de yah sě népĩ kwǎrnímí nópi tyí-à, lékyî min sǎn pónwe sóle, à kɪ n pi n pi pé sɔko ney nê tyíle?

34 Pãh yo sě, Yesu yo pé tyí: «Kèkōyó mè tē wɔ sɔko, sétókókì me, ànê, pédekè me.

35 Nte, Liyel-á nónó kyɔmɪ we ne, pãh yĩne dénóle kèkōyó sǎn sɔko, té kɪ min sǎnne pè kǒ n pi lékyî min sǎn pónwe sóle, pépi náh syó tɔko n pi, pè náh n de n pi pɛbɪ tyí pólle.

36 A kɪ pè wilki kũ sɔko, kɪ min sǎnne pè kǒ. Pè kɪ pi yĩnyò tētōnè tyí kǒle: Pè náh tǒ n ku n yah n pi. Pè ye pi Liyel pyele.

37 Moyisi tɔ ye kè yo wah yíi ne ñkě, lékyî-á kɪ pɔ pé syi min sǎn we. Ñ sébéy fí nê-á dukuni tyíle n yo nê-á sò nyàh lépõle ké sɔko, képah sɔko ye à Tē ñgbě Liyel ye «Abrahmı Liyelle, ànê Yisakı Liyelle, ànê tǒ Yakobı Liyelle».

38 Liyel tyí, no pól me vyele. Képah ye, lékyî Liyel náh ñne, vye Liyel ye.»\*

39-40 Wǎh yo sě, ñisǎh náh tǒ sǒ me pé tyí, kɪ à piki yah. Képah ye, Liyel ñgbò wěkì kwópú yísyó yo ñ tyí ne, kwó-ò dí, wǎh wekɪ ple.

*Kristale, Davidi yǒtě ye*

41 Képah sɔkɔ, à me yo pé tyí: «Á kɪ yo sǒ ne, Davidi náh ney ó-á Kristale nê-á Liyel ne, páh kɪ tekɪ mɔ?»

42 Té ñmɔ Davidi nítě mó tǒ kè yo ñ yìgbìnì sébéy sɔkɔ ne nǐkě:

«Tě ñgbě Liyel ye kè yo ñmɔ Tě ñgbě tyí ne nǐkě:

«Pɔ n kǒ n tě n gbòyò sǒle,

43 fóó kè pɔ no gbí nê-á

mé kɪ á sɛpébí pɪ á gbáhsúkíle.»»

44 Nte, Davidi nítě we à ye ñ TĚ NGBĚNE à kɪ tǒ pɪ sǒ, té kɪ pɔ n pɪ ñ náh ney óle?»

*Yesu ne, pé tǒ sǎhpú pé gblǒyne n kyɔmɪ Liyel ñgbò wěkì kwópúle*

45 Képah náh, à yo ñ tǒ sǎhpú tyí ñ wey nóhpú pól yí yah ne:

46 «Liyel ñgbò wěkì kwópúle, fwòmòngbno mónkɔnkɔno tyí no pé tyí. Pè n ne n me ké tyí ne, no ne n tǒ n sah n wekɪ pé tyí tówú tükè-ntǎn sɔkɔ. Tě-ntǎn gbroy tyí no pé tyí Liyel ní-ńtǎn vɪ sɔkɔ, ànê yé yó-ńtǎn sɔkɔ. Yé yé gblǒyne n kyɔmɪ péle!

47 Té pépi ó ye tǒ n vi n tě pékúsyɔle, à pé gbǎn yíle n syi, ñ té níriile n pɪ yǒšékíle, ñ névye yahle n pil ne, páh me tómm. Nte, pé tukey kɪ n pɪ n pi kápékèyô, à kal no téló tyíle.»

## 21

*Yínkɔno nê-á pékúsè pɪ*

1 Sǒ yóle, Yesu sǒ me Liyel wòkò ñgbě kéntáhkì sɔkɔ, té wǎh ñ yah yǒ, à tahbɪ we, pé me pé yínkǒ kǒ póle n dah n mɔ n pɔ pó dáhnmɔ-ńsah kwâh sɔkɔ.

2 Á pékúsè yǎm ney yó tɔ we, à pɔ pópɪ pló nínó dah mɔ.

3-4 Képah sɔkɔ, à ne: «No pólle, pó nónó yétô náh me pé tě, sépi ye pé tɔkɔ pɔ dah mɔ. Nte, pékúsè yǎm ney mène, ñmɔ ye ñ yǎm fǒh, té ñ yǒ yǒ pól tɔkɔ pɔ dah mɔ. Képah

\* 20:38 20.38 - Nónó-á ku sɔkɔ di mónóle, kàh yo ne, Liyel-á pɪ pépi Liyelle, képah n wěkɪ ne, páh me min sɔkɔ.

ye, mé kéle n yo n dal n mo yé tyí kègbí yõ ne: ñmo-á dah mo kal no pólle.»

*Yesu me Liyel wòkò ñgbě sónó tyíle n yo n sah*

<sup>5</sup> Képah náh, névye túkù sò me n yo ne, Liyel wòkò ñgbě-á me ple: Nkě, ké mo mo dyêh, ànê ké vyó nónó-á névye yĩ Liyel kō, sǎh me kè syi yĩ. Nte, Yesu me yo pé tyí:

<sup>6</sup> «Nê-á yé n yah yò kè, sèpìn yísyó me n pi, dáhkì yó rítě náh n wũ n pi ké ní-ò yõ. Sé pól kɪ pirki.»

*Yevyǎhrɪ tyi nónó-á kɪ n pi n pi, kèkõyó-à pópó n tye*

<sup>7</sup> Képah sɔkɔ, pè me Yesu piki yah ne nkě, kwó-ò dí, gbí nê se képah kɪ pi ni? Anê, kwní yónmɔnɔ nê se kɪ wèkɪ kéle ne, kǎh kɪ n pi n pi ni?

<sup>8</sup> A me yo pé tyí: «Névye náhnáh kɪ pɔ nímo yĩn toko n pi pé yah yĩne, té kɪ n yo ne nkě, pépi-á Nmɔle. Nkě, ké gbí-á no te! Nte, yé káh pé sò tẽ! Yé yé gblõyne n kyomɪ, yé káh ye ney pɔ yé pilki.

<sup>9</sup> Yáh pɔ mál, ànê névye yúkúnyahlenɔ tyí yónóle n nohnɪ, yé káh ye tíkí yé tẽ! Képah ñgbò ye yĩne kè pi. Nte, képah náh núkú n pi n pi kèkõyó mè tyénóle.»

<sup>10</sup> Képah náh, à tõ ñ syɪ yo pé tyí: «Kwil yó kɪ yuku kwil yóle n fwo. Tõrí yó kɪ yuku tõrí yóle n fwo.

<sup>11</sup> Sétáh syahrɪ ñgbnɔ kɪ me n pi, té tàntàn náhnáh sɔkɔ, rýân pèl ànê kwèkɪ kɪ me de. Tíkítíkí tyi, ànê kwní yónmɔnɔ ñgbnɔ kɪ n we yĩnyõ.

<sup>12</sup> Nte, kéne tyi-à pópó n pi, pè kɪ yé tẽ fõh, té kɪ yé gbàh de mo pè kō pè kɪ tuke Liyel ní-ńtân vɪ sɔkɔ. Pè kɪ yé dah mo wòkònpèkè sɔkɔ. Pé kɪ yé tẽ kyɪ yõtām ànê kwlo yah tẽpú tyí nímo yĩnne.

<sup>13</sup> Képah gbò yõ yé kɪ nímo tyí we yo pé tyí.

<sup>14-15</sup> Nte, yé ye, yé dyɔ ne me n kwne ne, nímo-á kɪ wey wèkɪ dùkú ànê lékámne yé kō, nê-á kɪ yé fõhpú kō, pè náh fẽ n wèkɪ yéle, ànê pè náh fẽ yé kōli. Képah ye, yépi tyí náh yé gblõy vɪnóle, yé vyẽy syi yĩnne.

<sup>16</sup> Nte, nónó rítě-á kɪ yé mo kũ kō n pi, yé dúbípú ye, ànê yé yúnpyele, ànê yé tyí névyele, à tahl yé kódibí tyí. Képah sɔkɔ, yé náhnáh kɪ ko mo.

<sup>17</sup> No pól kɪ yé dyɔle n yo nímo yĩnne.

<sup>18</sup> Nte, yé yòyén sɔkɔ yó rítě náh n yah n kwlo n pi.

<sup>19</sup> Gbáhntẽnɔ sɔkɔ ye yé kɪ tyé-ńkě min we.»

*Yesu Yerusalemɪ yíkínó tyí yo sah*

20 «Yâh mégbân we sè Yerusalemı mo gbı gbı nêne, yé pĩ ne, ké so gbı-á no.

21-22 Kéne sèpìn kɪ pɪ pèkè wɔ dɛnɔ́lɛ, Liyel sébéy sɔkɔ tyi wárkínsàhnó pól kɔ́ sè kɪ pɪ tũ. Képah ye, nónó-à me Yude kwil sɔkɔ, pépi to de ymɔ sɔkɔ. Nónó-à me Yerusalemı kwil táh sɔkɔ, pépi wil. Nónó-à me gbno sɔkɔ, pépi káh de kwil táh.

23-24 Kè kɪ pɪ kéne sèpìn sɔkɔ yèvyährı ñgbēne kwil sɔkɔ. Té Liyel kɪ yuku kwil mè névye yō fòkònyährıne. Pè kɪ ko mo kèkırne, kɪ tē yuku yōbıle kèkōyó kwlo pól sɔkɔ. Té Liyel pí-ńkē névye kɪ Yerusalemı yıkı pól tēne fóó, kɪ pɔ syı pé gbı tyénó tyı. Képah ye, kéne sèpìn sɔkɔ, kè kɪ pɪ yĩ yèvyährıle syó kurn nétān, ànê yókı nétān tyı.

### *Névi Pi syınpɔnɔle*

25 Képah sɔkɔ, kwnı yónmɔnɔ kɪ we gbı sɔkɔ, ànê ńwɔ sɔkɔ, ànê ńwɔ kèpye sɔkɔ. Té kèkōyó névye pól yáh-ńsah kɪ me tye kèpékèyō. Pne yo gbnı kèpékè ànê ké fúndokɔnɔ tıki kɪ me pè kah tē.

26 Yınyō táhkınó kɪ yike. Képah ye, tyi nónó-á kɪ pɔ n pɪ n pɪ kèkōyó, sépi tyı sōnɔ tıki kɪ névye ko.

27 Képah sɔkɔ, pè kɪ Névi Pi we à kɪ me n pı nıyırkı sɔkɔ ñ táhkı pólle, ànê ñ gblò sɔkɔ.

28 Kéne tyi-à pópó tyah n pı gbı nêne, yé pwáhnmɔnɔ me nɔ n tɛ. Káh pı sē, yé yuku yın, yé mó sóré mo yé gblöy sɔkɔ.»

### *Kwónó nê-á pı sènsóké séswô tyı yō*

29 Képah náh, Yesu tō sèmırkı yó yāh pé tyı ne: «Yé yah sènsóké séswô, ànê sésân téló pólle kè:

30 Yâh sè we sè tyah n tye mısınɔle, yé n pĩ ne, kɪ de gbı-á me yúkey.

31 Sē ó ye, yâh pópó kéne tyi we sè tyah n pı gbı nêne: Yé pĩ ne ńkē, Liyel tōrí-á me yúkey.

32 Kègbı yō, mé kéle n yo n dal n mo yé tyı ne: kwey gbı névye pól náh n ku n tɛ n pı, té kéne tyi pól kɪ yını tē.

33 Yınyō ànê sétáh kɪ pɔ tye, ñte, ńmɔ welɔ náh n tye n yah n pı pólle.»

### *Yé káh yé dyɔ mo n fwɔ Yesu syınpɔnɔ tyıle*

34 Yesu tō yo pé tyı: «Yé yé gblöy kyɔmı syáh syáhnóle, ànê sètèni pınóle, ànê kèkōyó mè tyi sōnɔle. Sé káh n pɔ yé lékám pı tıntı. Képah-à pı, kèkōyó tye só kɪ yé kwɔkɪ tē.

<sup>35</sup> Sě to ye, ké lésõ kɪ kwɔkɪ tẽ sètáh yõ névye pólle, sǎ-á yẽnkyɔ tẽ tẽ mno n tẽ yẽnkyɔle.

<sup>36</sup> Nte, yé káh yé dyɔ mo n fwɔ, yé nírile n pi gbímegbí. Képah sɔkɔ, tyi nónó pól-á n pi yò, yé kɪ tẽnwenɔ we sé yõ, té kɪ fẽ pɔ yuku yĩn Névi Pi yah tukey sɔkɔ.»

*Yesu sèp̄in téló pínóle Liyel wòkò ñgbě kéntáhkì sɔkɔ*

<sup>37</sup> Ké légbíne, tyah kyòo yah sɔkɔ, Yesu níkẽne n kyɪ kwónó pi Liyel wòkò ñgbě kéntáhkì sɔkɔ, ñ té n kyɪ lékâh pi yõle yó yõ nê-á pè n ye Wólívi yèh yõlile.

<sup>38</sup> Té à tɔkɔ séngbǔ púsó tyí, no pól n pɔ nóhnó pi ñ tyí Liyel wòkò ñgbě kéntáhkì sɔkɔ.

## 22

*Nsyifunɔ yòtām Yesu tyí yo syi*

<sup>1</sup> Búrn sě-ñkẽ syáh nê-á pè n ye Pakile, képah dénteno sɔkɔ,

<sup>2</sup> sárká wĩlkɪpu yòtām ñgbnɔ, ànê Liyel ñgbò wěkì kwópú sò me syõ-ñsahle n yah n kǔ, páh kɪ pi sǔ, té Yesu ko mo n pi. Té névye yah tíkì sò me pè tẽ.

*Yudası vìnóle Yesu náh*

<sup>3</sup> Té légbíne, sétàn yòtẽ de Yudası sɔkɔ nê-á pè n ye Yisikariyɔtɪle. Yesu tǔ sáhpú nép̄i gbõnimí sɔkɔ ney yó ye sò ñne.

<sup>4</sup> A me sɔkɔ, à kyɪ yo sárká wĩlkɪpu yòtām ñgbnɔ, ànê Liyel wòkò ñgbě kyòmìpu yòtām tyí, wáh ne Yesu tẽ pè kǔ n pi òkù nêne.

<sup>5</sup> Képah sɔkɔ, kè no pé tyí. Pè me yo sah núkú yõ ne níkẽ, páh kɪ póle à kǔ.

<sup>6</sup> Yudası me fẽ syi, té tyah ké wénpi-ñsahle n yah n kǔ, wáh pi sǔ, té Yesu dahbi n pi pé gbò, névye pí-ñkẽ sɔkɔ.

*Yesu pè kǔ pè Paki yòke tẽ-ñsah yah*

<sup>7</sup> Búrn sě-ñkẽ syáh sǔ-á pɔ nɔ, nê sɔkɔ-á sò Paki képyénì kɪ n ko n pi,

<sup>8</sup> Yesu me Pyeri ànê Nsyõ tekɪ mo ne, pè kyɪ Paki syáh yòke tẽ-ñsah yah sah yõ yõ tẽne.

<sup>9</sup> Pè me à piki yah ne, nýāh sɔkɔ se à me ké tyí ne, pé kyɪ kè pi ni?

<sup>10</sup> A me yo pé tyí: «Yé yah, yáh kɪ n de kwil sɔkɔ gbí nêne, yé kɪ dí yó yohni, à kɪ me ni pín twah. Yé ñ sò tẽ. Wáh kɪ kyɪ de kéte nê sɔkɔ, yé de nénpó.

11 Yé mó yo kétéťě tyí ne, kwó-ò-á yo ne níkě, wòkò nê sòko se pé kɪ pɔ yòke yõ n pi ànê pé tò sáhúle nɪ?

12 Képah sòko, à kɪ yínyõ wòkò sòko táh ñgbě yóle yé wěki, gbò vi vyó pólle kɪ sòko. Nénpó sòko ye, yé kɪ pɪ Pakɪ syáh yòkele.»

13 Képah těne, pè me sòko. Yesu-á kè yo sǒ pé tyí, pè mó ñtyínɔ kyɪ ké pól we sě. Pè me Pakɪ syáh yòke pɪ nénpó.

### *Yesu yòke yónó téyne*

14 Yòke yõ gbí-á pɔ nɔ, Yesu ànê ñ těntõbe-á pɔ tě yòke yah sòko gbí nêne,

15 à me yo pé tyí: «Mé sò me ké tyí náhnáh ne, mé Pakɪ yòke mè yõ yéle, mé mó pyě de yèvyährɪ sòko.

16 Nkě, mé kéle n yo yé tyí ne: mé náh tǒ Pakɪ yòke mè yõ n yah n pi fóó, kɪ kyɪ syɪ ké tyi pínútũɔ tyí Liyel yõtǒrí sòko.»

17-18 Képah sòko, à me ñwě wɔ wɔ kwâh tɔko ñwěne ké sòko, à wěki Liyel tyí, té yo pé tyí: «Mé kéle n yo yé tyí ne: à tɔko núkúnúkú tyí, mé náh tǒ ñwě wɔ n yah n pi fóó, kɪ pɔ syɪ Liyel tǒrí pónó tyí. Képah ye, yé syɪ kéle, yé wɔ dibi wě tyí.»

19 Képah náh, à me búrn tɔko, té wěki Liyel tyí, té kè kwɔkɪ dibi pè kǒ, té yo pé tyí: «Ñyɔle, ñmɔ wil ye, nê-á kɪ kǒ yépi yinne. Yé sěntěne n pɪ, sǒ-á mé n pɪ kéle. Képah sòko, yé dyɔ kɪ n kwne ñmɔ tyíle.»

20 Yòke yóntenɔ náh, à tǒ ñwě tɔko, à pè kǒ sěntě óle, té yo pé tyí: «Ñyɔle, ñmɔ tǒ ye, nê-á kɪ kwe yépi yinne, kɪ pɪ yégbèkè kwrónmɔnɔ késáñne Liyel ànê névye wró.

21 Nte, yé yah, névi nê-á kɪ n vi n pi ñmɔ náh, ñmɔ tɔ me n yõ ñne fí núkú.

22 Névi Pi kɪ ku, sǒ-á Liyel yah tɔko kéle. Nte, névi nê-á kɪ n vi n pi ñ náh, pèkè kɪ pɪ ñmɔ tyíle.»

23 Képah tě sòko, pè tyah wěne n piki n yah ne, pépi tě sòko nê se kɪ n pɪ n pi képahle nɪ?

### *Nê tě kal?*

24 Képah náh, pè me tyah, à yékâble n pɪ. Pè sò me ké tyí ne, pé pĩ nê tě-á kal pépi sòko.

25 Képah sòko, Yesu me yo pé tyí: «Kèkõyó kwlo yõtám ñkěne pé tǒríle n sah sé yõ, ànê tǒrí-á me nónó gbò, pépi n ne me ké tyí ne, no pé yíngbúle n yo.

<sup>26</sup> Nte, yépi tẽ tyí náh yĩne kè pi sě. Nê-á yah tẽne yépi soko, ñmɔ pyẽ yĩne à pi yé pól gbě sǒ. Yòtǒrí-á me nê gbò, ñmɔ pi yé pól tǒnpi sǒ.

<sup>27</sup> Yépi tẽ tyí, névi nê-á tẽ yòke yah, ànê nê-á n tɔko n kǒ kéle, nê tẽ kal pépi soko? Nê-á tẽ yòke yah, ñmɔ náh di? Nte, képah fyé yò, ñmɔ me yépi wró soko tǒnpi sǒ.

<sup>28</sup> Yépi tẽ wɔle, yépi ye sò me ñmɔle ní yèvyährí pí-ńtàn soko.

<sup>29</sup> Képah ye, ñmɔ sú-á tǒríle ní kǒ sǒ, ñmɔ tɔ kɪ kéle yé kǒ sě.

<sup>30</sup> Képah soko, yé kɪ pɔ n yò, té kɪ n wɔ ñmɔle fí núkú ní yòtǒrí soko. Anê yé kɪ pɔ kǒ tẽ yòtǒrí klǒ yò, kɪ tukey tuke Yisrayel névye ònnɔ gbǒninó yò.»

*Yesu ne, Pyeri-á kɪ pɔ ñ vyāh kǒli ne, pé náh pé pĩ*

<sup>31</sup> Képah náh, Yesu yo Simɔ Pyeri tyí: «Simɔ, Simɔ! Sétàn yòtẽ ye ké wěkì yah kǒ ne, pé yé fe, sǒ-á sèmukɔle pè n fe gbéy soko.

<sup>32</sup> Té mé me Liyel ni á tyí ne, á Liyel yò sěno káh tẽ syi á tyí. Té, wáh á syi pɔ ñmɔ tyí gbí nêne, sǒréle n mɔ yé no soko.»

<sup>33</sup> Wáh yo sě, Pyeri me yo ñ tyí ne, péwɔ tẽ wɔle, káh kɪ sǒ n pi wòkònpèkè soko dénóle, képah náh pi, kũne, péwɔ-á me pé vi sah kɪ de ñne sépi pól soko.

<sup>34</sup> Nte, Yesu me yo ñ tyí: «Pyeri, mé kéle n yo á tyí ne: kwey lékáh soko, sɛnpe náh tǒnì me n gbo n pi, té á kɪ me á vyāh kǒli te gbáhyí tǒnó ne níkě, á náh ñmɔ pĩ.»

*Méfwókwāh tyíle*

<sup>35</sup> Képah náh, Yesu me yo pé tyí: «Ñmɔ-á sò yé tǒ gbí nêne, té yo yé tyí ne, yé soko pó, ànê pilki, ànê lékyèh kěne, kwāh yó se kyi tekɪ yé tyí?» Pè me yo ñ tyí ne, kwāh yó náh tekɪ.

<sup>36-37</sup> Képah soko, à me yo pé tyí: «Mé kéle n yo yé tyí ne: wey nê-á wārki ñmɔ tyí soko ne níkě, pè à mɔ kǒ tyípèl pípú wró, képah kɪ n pi n tũ n pi. Tyi nónó-á yo sah ñmɔ tyí soko, sé pi gbí me nɔ n te. Képah ye núkúnúkú tẽ wɔle, pó-à kɪ me nê tyí, tẽ kè tɔko. Anê képah núkú-ó ye: Pilki-à kɪ me nê tyí, tẽ kè tɔko. Té kèkírki-à kɪ n kne nê tyí, tẽ ñ fwòmò-ngbè yām kèyāh dwe.»

<sup>38</sup> Képah soko, tǒ sáhpu ne, à yah, kèkírnnɔ nínó-á yò. A me ne, kǎh yĩne.

*Yesu níri pínóle Wólívi yèh yǒli yò*

39 Képah náh, Yesu me wil sɔkɔ Wólíwí yèh yǒh yǒ, wǎh dar te n kyɪ n pɔ sɔ. Té n tò sáhpú me n sò tɛ.

40 Wǎh yīni tɛ nénpó gbí nêne, à yo pé tyí ne, pè Liyelle n ni, mónyahno káh pɔ tɛ we pé tyí.

41 Képah náh, à gbe mo tɛ péle fíí kwéy, dáhkì mínnó ke núkú yínintɛ-ńsah kénkòle. Té gbètukunɔ di, à nírile n pi,  
42 me n yo ne: «Bɔ, wáh kɪ me ké tyí, yèvyǎhrɪ mè wrɔ gbe mo ńmɔle. Nte, kè káh pi ńmɔ dyo dyo tɛne. Áwɔ dyo dyo tɛ ó pi.» [

43 Légbíne, yīnyǒ tɛntò yó wil n yah, à pɔ tǎhkìle à kɔ.

44 Té Yesu min sò me yèvyǎhnpèkè sɔkɔ. A tɔ wǎn mo Liyel nínó yǒ. N wil myèh pɔ pi tǔkwíl sɔ, à n kwe sétáh.]

45 Wǎh níri pi te gbí nêne, à yuku kyɪ n tò sáhpú tnɔ. A kyɪ ne yah, pè me n do yèkwɔri kwlónó tɛ tyí.

46 A yo pé tyí: «Kwáh nê pi, té yé n do sɛ? Yé yuku Liyelle n ni, mónyahno káh pɔ tɛ we yé tyí.»

### Yesu tɛnóle

47 Yesu me wékínó sɔkɔ sɛ, té Yudasɪ nê-á n tò sáhpú népí gbɔnimí sɔkɔ yóle, ńmɔ tówú yó yah tɛ pɔ wil mo n yǒ. Té no de ńne ne, pé à pɔri tɛ, pé wekɪ n tyí.

48 Nte, Yesu me yo n tyí: «Yudasɪ, póríntɛno sɔkɔ se á kɪ de mo Névi Pi gbàhle?»

49 Nónó-á sò me Yesule, pǎh pɔ kè kyɔmɪ à pǐ tir nê-á kɪ pɔ n pi n pi, pè yo Yesu tyí ne, pépi Tɛ ńgbɛ, pé se kèkírne n de no tyí nɪ?

50 Té sárká wílkipu yòtɛ tǔnpɪbɪ nónó-á sò me, Yesu tò sáhpú sɔkɔ ney yó núkú n kèkírìle pépi sɔkɔ yó gbòyò sò níki we kò kām.

51 Képah sɔkɔ, Yesu me yo pé tyí: «Yé yīn sɛ.» Té tǔ dí mè níki tyí, kè me tye.

52 Képah sɔkɔ, sárká wílkipu yòtām, ànê Liyel wòkò ńgbɛ kyòmìpu yòtām, ànê yèwàhnì nónó-á sò pɔ Yesu tɛ-ńsah, à yo pé tyí: «Yé pɔ ńmɔ tyí kèkírɪn ànê léplóle kèlékɛ névi sɔ ńne nɪ?»

53 Nte, swɔ swɔ pólle, mé sò ńkɛne n ne n me yéle Liyel wòkò ńgbɛ kéntáhkì sɔkɔ, yé náh n tɛ. Té yépi gbí ye se núkúnúkú, ànê sétò tǎhkì pi gbíne fɛntú sɔkɔ.»

### Pyeri n vyǎh kǔli ne, pé náh Yesu pǐ

54 Képah náh, pè Yesu tɛ, à sɔkɔ ńne sárká wílkipu yòtɛ ńgbɛ kéte. Pyeri sò me pé sò tɛ n kɔ péle fíí.



55 Pè sò me nyàh mɔ kéte nyó, me kɔ tẽ wẽ tyí, té Pyeri to sò me péle nyàh yah sɔko.

56 Képah sɔko, tɔnpi pi yó à we kɔntɛnóle nyàh yah, té à gbah yah díkidíki, té ne, dí mè to-á sò me Yesule.

57 Wǎh yo sɛ, Pyeri me ñ vyǎh kɔlɩ pi tyí ne, pé náh à pĩ dé.

58 Dǒ kwéy, dí yó tɔ à we, té ne, ñmɔ tole, kéne no sɔko ney yó-á ñne. Képah tɛne, Pyeri me yo ñ tyí ne ñkɛ, pé sɔko ney náh péwɔle.

59 Képah náh, lérí núkú kénkɔ sókɔntɛno náh, dí yó tɔ kè gbah yo ne ñkɛ, yékâb náh me ké sɔko, dí mè to-á sò me ñne, Kalile ney-á ñne dò.

60 Képah sɔko, Pyeri me ñ syɩ yo ñ tyí ne ñkɛ, péwɔ náh me ñ wey mè syíkí-ńsah we dé dí. Nénpó swɔ, Pyeri me képah yónó sɔko sɛ, té sénpe gbo.

61 Tẽ ñgbɛ Yesu me ñ yah vi Pyeri yah díkidíki. Képah sɔko, Pyeri dyɔ núkú to kɔ ñ wey mène, wǎh sò nê yo ñ tyí ne, sénpe-à kɩ pópó n gbo kweyne, wǎh kɩ me ñ vyǎh kɔlɩ te ke tɔnó ne ñkɛ, pé náh péwɔ pĩ.

62 Kǎh pi sɛ, à me wil kégbó, à kyɩ nàhnpi gbní kah gbo.

*Yesu gbyɔnɔ ànê ñ kɔnɔle*

63 Képah sɔko, Yesu-á sò me díbí nónó gbò, pé sò me kóle ñne n ko, té me ñne n syíkɩ gbɔnkukele.

64 Pè sò me ñ yah pukubi, té me n yo ñ tyí ne, à sǎh pĩ, névi nê-á mɩ ñne.

65 Té tɔ me ñne n gbyɔ wɛntúkùnĩ náhnáhle.

*Yesule Nsyifunɔ tukey tükèpu yah sɔko*

66 Képah náh, tyah-á dal, Nsyifunɔ yèwàhnì, ànê sárká wǐkɩpu yɔtām ñgbɔ, ànê ñgbò wɛkì kwópú wẽ tuke mɔ. Pè me pɔ Yesule pé tukey tükè-ńsah ñgbɛ sɔko,

67 té yo ñ tyí ne, ñmɔ-à kɩ ne Kristale, Liyel ney tékɩnmɔnɔle, à kè yo pé syah. À me yo pé tyí: «Máh kɩ kè yo yé syah, yé náh n sɛ n pi ké yǒ.

68 Anê máh kɩ se yéle n piki n yah, yé náh vi mɔ n pi ñ tyí.

69 Nte, à toko núkúnúkú tyí, Névi Pi kɩ kɔ tẽ tyi pól Tẽ ñgbɛ Liyel gbòyò sòle.»

70 Képah sɔko, pé pól núkú yo ne, ñmɔ tẽ tyí, ñmɔ-á Liyel pile kè? Yesu me yo pé tyí: «Yépi ñtɛ ye kè yo te ne ñkɛ, ñmɔ-á dò.»

71 Képah tɛne, pé ne, tàrfyò nê tẽ se tɔ pé kɩ n yah n kɔ nɩ? Pépi ñtɛ-á kɩ noh, à kè yo ñ vyǎhle.

## 23

### *Pè kyi Yesule Pilati tyí*

1 Képah náh, pé pól me yuku, à Yesu tẽ kyi Pilati tyí.

2 Nénpó sɔkɔ, pé tyah lékàhle ònne n kɔ̃ ne, páh dí mè kyomɪ we, à me pé kwil névye yòle n ykɪ, me péle n yini n mɔ mórí mónóle yòtẽ ògbẽ Sesarɪ tyí. Té òmɔ òtẽ-á me n yo ne òkẽ, péwɔ-á yòtẽne, nê-á sò Liyel ne, páh kɪ tekɪ mɔ.

3 Képah sɔkɔ, Pilati me à piki yah ne, òmɔ se Nsyifuno yòtẽne ni? A me yo ò tyí: «Áwɔ ye yo kéle.»

4 Pilati me yo sárká wìlkɪpu yòtãm ànê no pól tyí ne, péwɔ náh tir yó we dí mè tyí pólle, nê-á yĩne lékàhle ò kɔ̃nóle.

5 Nte, pé tɔ me kè gbah yo tũ ne òkẽ, wáh me névyele n kwɔ nòhnì-òkẽne, Yude tãntãntã pól sɔkɔ. Kalile kwil sɔkɔ-á à tyah kéle fɔ́, à pɔ de ásõ.

### *Pè kyi Yesule Yerɔdɪ tyí*

6 Pilati-á képah noh òyãh sɔkɔ, à píkinyahno pɪ ne, Kalile ney se dí mène ni?

7 Wáh fyò ò wìl-òsah tyí noh, té pĩ ne, Yerɔdɪ-á nénpó yòtẽne, à núkú à tekɪ mɔ òmɔ kɔ̃. Té kè mó pɔ yĩne Yerɔdɪ sò me Yerusalemɪ kéne sèpìn sɔkɔ.

8 Kè pɪ di mónóle, Yerɔdɪ sò me Yesu tyí yónóle n nohni, té me ké tyí ne, pé à we à ne n me gbìl yóle n pɪ. Képah ye, wáh à we, kè pɪ ònì ògbẽne ò tyí.

9 A me à gbah piki yah nahnáh, té Yesu náh dahbɪ wilki ò tyí.

10 Képah sɔkɔ, sárká wìlkɪpu yòtãm ògbno ànê Liyel ògbò wèkì kwópú sò me nénpó, té me lékàhle ònne n kɔ̃ fɔ́ kèpékèyò.

11 Yerɔdɪ ànê ò sràsyíbì-á kóle à ko, té me à yilo te gbì nêne, pé me yòtɔ́rí fwɔ yó mɔ à kɔ̃, té pé syɪ à tekɪ mɔ Pilati kɔ̃.

12 Pilati ànê Yerɔdɪ sò me wẽ sèpébìle ògbòle, té lésòle, pé kódírì toh.

### *Pè Yesu gbàh de mɔ kũ kɔ̃*

13 Képah sɔkɔ, Pilati sárká wìlkɪpu yòtãm ògbno, ànê kwil yahtãm, ànê névye ye tuke,

14 té yo pé tyí: «Yé dí mè tẽ pɔ, té ne, wáh me névye yòle n ykɪ. Nte yah, yépi tɔ yí yah ye mé piki yah ònne. Mé náh tir yó òtẽ we ò tyí, yáh nónóne n yo n sah ò yò, nê-á yĩne lékàhle ò kɔ̃nóle.

15 Yerɔɔɔ n̄tɛ tɔ náh tir yó we n̄ sɔkɔ, wáh s̄ɔnp̄í n̄ syɔ à tekɔ mɔ ápi k̄ɔ. Káh pi s̄ɛ, dí mè náh tir yó n̄tɛ pi n̄ê-á ȳine k̄ũne.

16 Képah ye, mé kɔ à ko yèf̄õhle, té kɔ à fin mɔ.»

[

17 Té Pakɔ syáhnó pól sɔkɔ, Pilatɔ s̄ɔ ȳine à wòkònpèkè sɔkɔ névi yó fin mɔ pè k̄ɔ.]

18 Képah t̄ɛne, pé pól tyah n kwɔɔ n gbo n mɔ ne, à dí mè ko mɔ, à mó Barabasɔ fin mɔ.

19 Té Barabasɔ s̄ɔ me dáhn̄m̄ɔnɔle wòkònpèkè sɔkɔ kèlék̄ɛ tir yó ȳõ, n̄ê-á pi kwil sɔkɔ, àn̄ê nékókè m̄ónóle.

20 Té Yesu f̄inn̄mɔ dékè-á s̄ɔ me Pilatɔ t̄ɛ, à t̄ɔ n̄ syɔ kè t̄ɔ yo pé tyí.

21 Nte, pè t̄ɔ gbo mɔ ne r̄ík̄ɛ: «À syɔ dahni ȳõ! A syɔ dahni ȳõ!»

22 Pilatɔ me t̄ɔ wey tɔkɔ ke t̄ɔ-òle, à yo pé tyí ne, tyítúkù n̄ê se à pi ni? Péwɔ náh tir yó n̄tɛ we n̄ sɔkɔ, n̄ê-á ȳine k̄ũne. Képah-á, páh kɔ à ko yèf̄õhle, té kɔ à fin mɔ.

23 Nte, pè me ȳõ sɔkɔ kéle n kah n yo náhnáh ne r̄ík̄ɛ: «À syɔ dahni ȳõ.» Képah t̄ɛne, pé kàhngbonm̄ɔnɔ pɔ t̄ɛ we Pilatɔ tyí.

24 Képah sɔkɔ, à me kè yah tɔkɔ ne, n̄ê-á pè n yah n k̄ɔ, képah-á kɔ pi pé tyí.

25 Dí n̄ê-á s̄ɔ pè dah mɔ wòkònpèkè sɔkɔ, kèlék̄ɛ yó àn̄ê nékókè m̄ónó ȳinne, ñmɔ n̄ê-á s̄ɔ pè n yah n k̄ɔ n̄ tyí, à ñmɔ fin mɔ, té Yesu pi pépi dyɔ ȳí t̄ɛne.

### *Pè Yesu syɔ dahni ȳõ*

26 Képah sɔkɔ, páh Yesu t̄ɛ n sɔkɔ syí-r̄isah gb̄í n̄ene, pè Sireni kwil dí yó yohni, pè n ye Simɔle. A me wil swáh, me n de Yerusalemi. Pè me ñmɔ t̄ɛ Yesu dahni ne, à twah mɔ ne, à ñ s̄ɔ t̄ɛ.

27 Té tówù ñgb̄ɛ s̄ɔ me n yuku n̄ náh, à tahlɔ syó tyí nónó-á s̄ɔ me n gbo pé gb̄anne n kòhlɔ pé ni ȳõ yèkwɔrɔ t̄ɛ tyí Yesu ȳinne.

28-29 Képah sɔkɔ, Yesu me n yah vi pé t̄inne, té yo pé tyí: «Sèp̄in̄ yísyó me n pi, névyè kɔ pɔ tyah n yo ne, yòbènɔrɔ-á me píkán syó tyí, àn̄ê nónó-á pè náh pi dubi yah, àn̄ê pè náh ȳanne piri k̄ɔ yah. Képah ye Yerusalemi syó, yé káh ne n gbo ñmɔ ȳinne. Yé ne n gbo yé gbl̄oy, àn̄ê yé w̄ɛnp̄i ȳinne.

30 Ké légb̄ine, névyè kɔ pɔ tyah n yo t̄ley tyí ne, sè syikɔlɔ pé ȳõ. Té kɔ yo ymɔ tyí ne, sè vike t̄ú pé yah.

31 Nte, pàh séswónpòle n pi sě, séswónkòkò wò tyí kɩ pɔ n pi n pi sǔ?»

32 Té pè sò me tyípêl pípú népî ními tɔ tē kyɩ, nónó-á kɩ kyɩ n kò n mɔ n pi ànê Yesule wě tyí.

33 Pàh kyɩ yini tē fí yó, nýāh-á pè n ye «Yōgbèkè tyahle», pè à syɩ dahɩ yō nénpó ànê tyípêl pípú népî ními nópilè pé tyí tyí dahɩ yō. Núkú sò me syínóle n gbòyò sò, ní-ò me syínóle n gběyìnè sò.

34 Légbíne, Yesu me ne: «Bǔ, pàh nêne n pi, pè nàh kè pî. Képah ye, á gblǔy ye pé tyí.» Képah nàh, sràsyíbi me ndan mɔ, à n flo dibi wě wró.

35 Névyè sò me yíntténóle nénpó me n yah. Té Nsyifuno yòtām wò sò me kóle nne n ko, me yo tū ne, wāh névyè túkú pwah mɔ, nte à n gblǔy pwah mɔ mó kè, ñmɔ-à kɩ nê Kristale, Liyel yáhtókɔnole.

36 Sràsyíbi tɔ sò me kóle nne n ko, té nɔ de n tnô, à ñvè yórenóle à kǔ, té ne,

37 ñmɔ-à kɩ nê Nsyifuno yòtēne, à n gblǔy pwah mɔ kè!

38 Té kè sò me wárkínsyúnole Yesu yòtah ne: «Nýole, Nsyifuno yòtē ye.»

39 Képah sɔkɔ, tyípêl pípú nónó-á syɩ dahɩ yō, pé sɔkɔ núkú sò me Yesule n gbyɔ ne, ñmɔ kó Kristale ni? A n gblǔy pwah mɔ, à mó pépi tɔ pwah mɔ!

40 Nte, n ní-ò me wɛkɩ n yō, té yo n tyí ne, à kó Liyel yah tikile n pi ni, ñmɔ nê-á me kéne yèvyāhrɩ núkú mè sɔkɔ?

41 Pépi tē wò tyíle, pé yèvyāhrɩ pínó yah-á. Pé tyípinó kǔlɩ-á n dyah péle. Nte, ñmɔ tē nàh tir yó n tē pi pèkèle.

42 Té tǔ n syɩ yo Yesu tyí: «Yesu, á dyɔ to n kǔ ñmɔ tyíle, wāh pɔ á yòtǔrí sɔkɔ gbí nêne.»

43 Yesu me yo n tyí: «Kègbɩ yō, mé kéle n yo n dal n mɔ á tyí ne: kwey mè n tē sɔkɔ, á kɩ me ñmɔle Liyel fǔ sɔkɔ pal tē-ñsah.»

### *Yesu kúnóle*

44 Gbǐntǔ pǔle, gbí yah kwɩɔ, fěntú mɔ kèkōyó pól sɔkɔ pópó, à pɔ syɩ gbèkām gbí tyí.

45 Nénpó swɔ, fwògbròkè nê-á Liyel wòkò ñgbě fɔkɔ táh kǔ kah, kè tɔ ké nɔyó. \*

46 Yesu me kah de syɩ ne níkě: «Bǔ, mé ní minne n dahɩ á gbò.» Képah yóntenɔ nàh, à ku.

\* 23:45 23.45 - Yah n te Yebre sébéy 6.19 ; 9.1-8 ; 10.19-20 sɔkɔ.

47 Sràsyíbí lèkwě yòtě dí-á kápah wε nýāh sɔkɔ, à tyah Liyel yīnne n gbilki me n yo ne, kègbɪ yō, négbí-á sò dí mènε.

48 Tέ νόνό πόλ-ά sò me pɔ yīn tē kéle n yah, pāh kéne tyírínó wε sē, pé pól sò me pé gbān kōhlɪ pé nɪ yō me n sɔkɔ.

49 Anê νόνό πόλ-ά sò Yesule n pne, à tahlɪ syó νόνό πόλ-ά sò wil Kalile kwil sɔkɔ, à pɔ ñne wē tyí, pé pól sò me yīn tē fíí, té me n yah.

### *Yesu yīnóle diki sɔkɔ*

50-51 Tέ dí yó sò me, pè n ye Yosefulε. A sò n wil Nsyifunɔ kwil yó sɔkɔ, nê yīn-á Arimatule. Nsyifunɔ tukey tükèpu sɔkɔ ney yó ye sò. Tέ pèpɔrɪ pí-ò négbí ye sò ñne. A nāh sò n de pé no téló tyi yáhntɔkɔnɔ, ànê sé pínó sɔkɔ. Anê, à sò me Liyel tǔrɪ pónóle n sykɪ.

52 Nmɔ me kyɪ wil Pilatɪ tyí, à Yesu lékó ni ñ tyí.

53 Tέ me kyɪ à tiki mɔ dahnɪ yō, té fwɔle à plo, à kyɪ dah mɔ diki yó sɔkɔ. Kéne diki sò tū tekɪ sɔkɔ, té lékó yó ntē nāh tǔnì sò dah mɔ yah ké sɔkɔ.

54 Tέ lésòle, gblɔy vīnsàhnó yòh ye sò Nsyifunɔ tyí, dendal mɪ mɪ yòh yīnne.

55 Syó νόνό-ά sò wil Yesule, Kalile kwil sɔkɔ, pè Yosefu sò tē kyɪ diki yō. Pè kyɪ diki yah mɔ, ànê Yesu dáhnmɔ dùkùle ké sɔkɔ.

56 Kápah nāh, pé pé syɪ to yuku kwil sɔkɔ, à kyɪ nɪrɪnó, ànê lāsèkwél pèplo yah sah lékó yīnne.

Tέ me mɪ, pé mɪ mɪ yòh sòle, sǔ-á kéle Liyel tyi kōnsàhnó sɔkɔ.

## 24

### *Yesu yúkúnwīlnóle diki sɔkɔ*

1 Nsyifunɔ mɪ mɪ yòh-á sɔkɔ, ké dendal séngbɔ pú púle, syó nópi yuku sɔkɔ diki yō, pé nɪrɪ pèplo nópile, pāh sò νόνό pɪ sah.

2 Pè kyɪ ne n yah diki yah dáhkì me pílntonole.

3 Pāh de diki sɔkɔ, pé nāh kyɪ Tē ñgbē Yesu lékó wε.

4 Kāh pɪ sē, pé fɔkɔ fil. Pāh me kápah sɔkɔ, díbí népí ní mí yísyó wil pé yah, νόνό wil flɔ-á sò me n tē pèrr.

5 Tíkí tē tyí, syó nópi pé yey sīnki sétáh. Díbí nópi me yo pé tyí: «Kwāh nê pɪ, té nê-á min sɔkɔ, yé pɔ ñne n yah n kō diki sɔkɔ?»

<sup>6</sup> A náh me ásô. A ye ñ syi min we. Wǎh lésô me Kalile soko, té nê yo sah yé tyí, yé yé dyo to kô képahle.

<sup>7</sup> A náh lésô ne nkê, Névi Pi-á yíne à dahbi tyípêl pípú gbò, wǎh yíne à syi dahn yô, té ñ kúnó sèpìn tǒ-ò sóle, à mó ñ syi min sán we di?»

<sup>8</sup> Légbíne, syó nópi dyo núkú to kô Yesu weyne.

<sup>9</sup> Pè me yal diki yô, à kyi tyi nópi pól yǎh tǒ sǎhpú népî gbônúkú syah ànê no téló pólle.

<sup>10</sup> Makadala kwil Mari, ànê Nsyah, ànê Nsyaku yú Mari, ànê syó nónó-á sò me péle, pépi ye yǎh tyi nópile Yesu tǔntǔbe tyí.

<sup>11</sup> Nte, kéne welo sò me pi tǔ pé tyí sèmírn sǒ. Pé náh sǔ sé yô.

<sup>12</sup> Kǎh pi sǔ, Pyeri wǒ mó yuku to kyi diki yô. Wǎh kǒ yah, à lékó flo ó we. N gbǎn du tir mè pínó dùkùle, à me ñ syi to yuku ñ tǔnne.

*Yesu ànê tǒ sǎhpú népî nímíne Yemayusi kwil wǔkì yô*

<sup>13</sup> Ké lésô me óle, Yesu tǒ sǎhpú népî nímí sò me n yuku kwil yó soko pé n ye Yemayusile. Kéne kwil ànê Yerusalemi wró sò me lérínó nínó kó-nsahle.

<sup>14</sup> Tyi nónó-á pi, pé sò me sépi yáhnó soko wǔ tyí.

<sup>15</sup> Pǎh me yáhkì ànê wǔ vǔnmǔno soko gbí nêne, Yesu me pǒ kwǔ mǒ pé soko, à wǔkì pi núkùle péle.

<sup>16</sup> Nte, kè sò pi á ki ne pé yah sǒ me syí, pé náh sò me tǔ we à yah pí yíne.

<sup>17</sup> Képah soko, à me pé piki yah ne, tir nê se pé n yǎh, té n kǒ ni? Pè me yín, té me yèkwǔri soko sǔ.

<sup>18</sup> Té pé soko ney núkú yó sò me, pé n ye Klewopasile. Nmǒ me yo Yesu tyí ne, ñmǒ gblǔy ó se me Yerusalemi soko, tyi nópi pí-ńkǔne, nónó-á pi ké soko sèpìn nópi soko ni?

<sup>19</sup> A me pé piki yah ne, sépi se pi tyi nónóné ni? Pè me yo ñ tyí ne, tir nê-á pi Nasareti Yesu tyí soko kè: Nmǒ nê-á sò pi Liyel tǔntǔ syíno-ò nétáhkile ñ tyípínì ànê ñ wey soko, Liyel yah ànê névyé pól yah soko.

<sup>20</sup> Nte, pé sárká wǔkǔpu yǔtǎm, ànê pé kwil yahtǎm pǒ à tǔ kǒ ne, pé ko mǒ. Pè me à syi dahn yô.

<sup>21</sup> Té pépi tǔ wǔ-á sò me n sǒ ne, ñmǒ-á ki pǒ Yisrayel tǎn wilki n pi yǔri soko. Nte, sépi pól soko, kéne tyi pínsokono sèpìn tǔnì-á kweyne yò.

22 Gbı-á pépi mú sɔkɔ, syó yısyó-á pɔ pé fɔkɔ fil tẽ wɔle. Pépi-á sò yuku sɔkɔ séngbɔ́ pú púle diki yõ,

23 pãh kyı lékó yah kwɔlɔ sɛ́, pè pé syı pɔ yo pé tyı ne, yĩnyõ tẽntõnè yısyó rıtẽ-á wil pépi yah, té yo pé tyı ne, wãh me min sɔkɔ.

24 Pépi sɔkɔ névye tókù me kyı diki yõ sɔkɔ, té ntyĩnɔ kyı tyi nópi pól wɛ, sɔ́-á sò syó yo séle, té pè náh Yesu wɔ wɛ.

25 Pãh yo sɛ́, Yesu me yo pé tyı: «Lékám kɛ́ névye, yépi náh n kwãh n sɛ́ Liyel tẽntò syínyopu welɔ pól yónó yõ!

26 Krista náh sò yĩne à yèvyãhrı pı sɛ́, à mó pyè de n tɔ́rí sɔkɔ di?»

27 Tẽ n syı, à tyi pól dùkù yo wah pè syah, Liyel wey sébéynó-á nónó yo ñ tyı sɔkɔ, à tyah Moyisi tyıyónsahnı tyı pópó, à kyı syı Liyel tẽntò syínyopu tyínó tyı.

28 Képah tẽne, pãh pɔ yĩni tẽ pé yúkú-ńsah kwille yúkey, Yesu pı á kı ne à sɔ́ yõ n sɔkɔ yahle.

29 Nte, pè me à fal ne, à wũ pépile, nkɛ́ gbı-á me tiki mɔ, lékãh-á me n tyah mónóle. Pãh yo sɛ́, à me de gbô sɔkɔ, à wũ péle.

30 Té wãh pɔ tẽ, à n tyah yòke yónóle péle gbı nêne, à me búrn tɔkɔ, té wekı Liyel tyı, té kè kwɔkı pè kɔ́.

31 Képah sɔkɔ, pé yah pı kyòò, pè à yah pĩ. Nte, pè núkú à yah kwɔlɔ pé tnô.

32 Pè me tyah n yo wẽ tyı ne, wãh sò n yãh péle wɛkì yah gbı nêne, à Liyel wey sébéynó sɔkɔ tyi dùkùle n yo n wah péle n syah, pé nı kó sò me kãhnvınɔle nı?

33 Nénpó swɔ, pè núkú yuku, à pé syı sɔkɔ Yerusalemı, à kyı tò sãhpú népı́ gbõnúkú ànê pé kɔ mú wɛ tükènmontẽnóle.

34 Pépi me yo nímı nópi tyı: «Gbı yõ, Tẽ ñgbẽ Yesu yuku wil diki sɔkɔ. A ñ gblõyne Simɔ wɛkı.»

35 Pãh yo sɛ́, tyi nónó-á mó pı népı́ nímı nópi tɔ tyı wɛkì yah, ànê pãh Yesu yah pĩ sɔ́, ñ búrn dibi dùkù sɔkɔ, pè mó sè yãh pè syah.

*Yesu ñ gblõyne ñ tò sãhpú wɛkı*

36 Képah tẽne, pãh me képah yónó sɔkɔ sɛ́, Yesu núkú wil mɔ pé nyó, té yo pé tyı: «Yèvını ne me yéle.»

37 Tíkı tẽ tyı, pé lékám vye fɛkı. Pè sò me n sò ne, némírki yó-á pé wɛ.

38 Képah sɔkɔ, Yesu me yo pé tyı: «Kwãh nê pı, té yé lékám vye fɛkı? Kwãh nê pı, té yéle tòtò sɔkɔ sɛ́?

39 Yé yah ní gbàñne ànê ní gbyêhne: Nmɔ ye gbɪ yõ! Yé tũ yah ní tyí, yé kɪ wil gběnsê ànê gbèl wɛ ní tyí. Sé kénkõ se me némírki tyí?»

40 A me képah yónó sɔkɔ, té n̄ gbàn ànê n̄ gbyêhne pè wěki.

41 Nte, nìvìnì ànê gběndùnì tẽ tyí, pãh tẽ sê kwlo ké yõ sê, à me pè piki yah ne, yõ yõ kwãh se me pé tyí ásô nɪ?

42 Pè me yěnkô fyénó yen yóle à kō.

43 A me kè syi, té kè kɔ pé yí yah.

44 Képah nãh, à yo pé tyí: «Képah ye lésô mé yo yé tyí, máh lésô me ànê yéle gbí nêne ne níkě, tyi nónó pól-á wãrkɪ sah nímo tyí sɔkɔ Moyisi tyi sàhnó sébéy sɔkɔ, ànê Liyel tẽntò syínyopu sébéynó sɔkɔ, ànê yìgbìnì sébéy sɔkɔ, sé pól-á kɪ pɪ tũ.»

45 Képah sɔkɔ, à pé lékám yɪkɪ mɔ Liyel wɛy sébéynó sɔkɔ tyi dùkù pĩ yinne,

46 té yo pé tyí: «Kè pɪ, sã-á sò kéle wãrkínsàhnóle ne níkě, Krista-á kɪ yèvyãhrɪ pɪ ku, té kɪ n̄ syɪ yuku n̄ kúnó sèpìn tã-ò sóle.

47 Nmɔ yin yõ, Liyel wɛy-á kɪ yo kō, à tyah Yerusalemɪ fóó, à kyɪ syɪ kèkõyó kwlo kwlo pól tyí ne níkě, névye Liyel wěkì tẽ, pè mó tyípél yõnmɔnɔ wɛ.

48 Yépi ye pɪ kéné tyi tàrfyònóle.

49 Té nímo sú-á n̄ vyãh kō ne, pãh kɪ nêne yé kō, mé kɪ à tekɪ mɔ yé kō. Nte, yépi tẽ wɔ tẽ kwil mè sɔkɔ fóó, yé pɔ tãhkì wɛ nê-á kɪ wil yinyõ.»

### *Yesu yõndokɔnɔle yinyõ*

50 Képah nãh, só yóle, Yesu pè tẽ, à yuku péle Betanɪ kwil òinne. Pãh yini tẽ nénpó, à n̄ gbàn yõ yinyõ, à sãm mɔ pé sɔkɔ.

51 Té, wãh me sãmne n mɔ pé sɔkɔ gbí nêne, à gbɛ wil pé sɔkɔ, à yõ dokɔ sɔkɔ yinyõ.

52 Tò sãhpú tẽ wɔle, pépi-á à gbilki te, pè pé syɪ sɔkɔ Yerusalemɪ, nìvìnì ñgběne pé sɔkɔ.

53 Té gbímegbí, pè nãh sò me n yah n kwlo Liyel wòkò ñgbě kéntáhkì sɔkɔ, n ne n me Liyel yinne n gbilki.



## Nsyõ-á Nìvìnì tir nê wãrkı Yesu tyí soko

*Yesu nê-á Liyel Pi núkúníne, ñmɔ ye weyne nê-á min nētēne*

<sup>1</sup> Tyi pól tyah gbíne, nê-á weyne,\* à lesõ me. A lesõ me ànê Liyelle. Liyel ye ñne.

<sup>2</sup> Nmɔ ye lesõ me ànê Liyelle tyah gbíne.

<sup>3</sup> Yiyìn pól mɔ ñmɔ gbõ yõ soko. Yí nónó pól-á mɔ, sé kèyãh rítē nãh mɔ né ñmɔ nãh.

<sup>4</sup> Nmɔ soko ye min n we. Kéne min ye kyòole névyé tyí.

<sup>5</sup> Kè me kō tē kyòo fēntú soko, té fēntú nãh tē we ké yah kō.

<sup>6</sup> Képah soko, Liyel pɔ dí yó tō, nê yīn-á Nsyõne.†

<sup>7</sup> Nmɔ ye pɔ kyòo mē tyí yo wah névyé tyí, ne pé pól we sē ké yõ soko ñmɔ gbõ yõ.

<sup>8</sup> Nmɔ nãh sò kyòo mēne, ñte ké tyí yónwàh-ñsah ye sò à pɔ.

<sup>9</sup> Wey mēne, kyòo kègbı ye sò kéle, nê-á pɔ kèkõyó soko, à pɔ pı kyòole no pól tyí.

<sup>10</sup> Té nê-á wey mēne, à sò me kèkõyó soko. Kèkõyó mɔ ñmɔ gbõ yõ soko, ñte képah fyé yõ, kèkõyó névyé nãh tē we à yah pĩ.

<sup>11</sup> N yēngbē tyah soko ye à pɔ, té ñ no nãh à tē ple.

<sup>12</sup> Nte nónó tē wɔ-á à tē ple té sē ñ yõ, à tēnwenole pépi kō pè pı Liyel wēnpìle.

<sup>13</sup> Nte tó soko dubi dükù, képah nãh pı wil gbēnsé dékè, képah nãh pı névi dyo yí tē soko nãh pè pı Liyel wēnpìle dé! Liyel gbõ yõ soko ye pè we.

<sup>14</sup> Wey ye vi mɔ pı névile à pɔ twah tē á wró. Yòbènrı pí-ò ye ñne, ànê à me gbı ó ñ tóó. Nmɔ nê-á Liyel Pi núkúníne, á ye ñ tórí we, tórí nê-á à we syi ñ Sú tyí.

<sup>15</sup> Nmɔ tyí ye lesõ Nsyõ yo tū léyy ne ñkē: «Nmɔ tyí soko ye mé lesõ kè yo ne ñkē: <Nnı kı n pɔ n pi ñmɔ tyí nãh, té à me te té ñmɔ dubi, képah ye à kal ñne.>»

\* 1:1 1.1 - Wey nê tyí-á n yo ásô soko yò, Liyel Pídı Yesu ye. Légbíne à nãh tōnı sò me pı névile. Yah n te Nsyõ 1.14. † 1:6 1.6 - A wil Nsyõ 1.42 ànê Nsyõ 21 tyí soko, Nsyõ sébéy mē pól soko, yãh fyò Nsyõ yīn we wãrkınsãhnóle rýãh soko, wèlnwìkì-ò Nsyõ ye pè n ye.

16 Api me yòbènɔrɩle n tɔ̃ n we n yuku n nìgbèkì tnónkàhnmonɔ gbò yõ, ñmɔ nê-á Yesule.

17 Moyisi gbò yõ ye Liyel n tyi kònsàhnóle á kɔ̃. Nte Yesu nê-á Liyel ney yáhtɔkɔnɔle, ñmɔ wɔ gbò yõ sɔkɔ ye yòbènɔrɩ ànê gbi wɔ we.

18 Nnì yó ñtẽ yí náh tẽ yah Liyel yõ. Nte n Pi núkúní nê tyí-á yo sɔkɔ, ñmɔ nê-á Liyelle, té me Sú Liyel tnô, ñmɔ ye Liyel dùkùle á wěkɩ.

*Wèlnwìlkì-ò Nsyõ-á n gblɔy tyí dùkù yo wah sɔ̃*

19-20 Nsyifuno yòtã̃m lésõ Yerusalemɩ kwil sárká syínwìlkɩpu, ànê Levi yìkì névye yísyó tɔ̃ Nsyõ tyí, pè kyɩ à piki yah ne, ñmɔ tẽ se ne nê ó-á péwɔle nɩ? Nsyõ náh yahle ké yónóle pé tyí dé! A kè yo dal mɔ pé tyí pnéyy pé pól yí yah ne, péwɔ náh Liyel ney yáhtɔkɔnɔle.

21 Képah sɔkɔ, pè me ne, ñte nê se ñmɔle nɩ? Nkě ñmɔ se Yelile‡ nɩ? Nsyõ me pè syah ne, ñmɔ náh péwɔle. Pè ne, ñte Liyel tẽntò syínyo-òṢ nê-á kɩ n pɔ n pi, ñmɔ se ñne nɩ? A me ne ð̃-á.

22 Képah tẽne, pè ne, ñte ñmɔ tẽ se ne nê ó-á péle nɩ? A kè yo pé syah pé kɔ̃ pé kyɩ we yo pé tópu tyí kè. Nkě sɔ̃ se à kɩ yo n gblɔy tyí sɔkɔ nɩ?

23 Képah sɔkɔ, Nsyõ me ne: «Ñmɔ tyí ye lésõ Liyel tẽntò syínyo-ò Yesayi yo sah n wey sɔkɔ ne, ñnì yínp̃-á me n dɔkɔ gběnnɩ sɔkɔ ne ñkě: <Yé wěkì tɔ̃ sah Tẽ ñgbě yinne!>»\*

24 Nte nónó-á sò pè tɔ̃ Nsyõ tyí, Farisi wěkì kópú ye sò péle.

25 Pè tɔ̃ à piki yah ne, ñmɔ-à ñkěne Liyel ney yáhtɔkɔnɔle, képah náh pi Yelile, képah náh pi Liyel tẽntò syínyo-òle, ñte kwâh nê se pi té à névyele n wel n wilki ni sɔkɔ nɩ?

26 Képah sɔkɔ, à yo pé tyí ne: «Ñmɔ tẽ wɔ me nole n wel n wilki ni sɔkɔ, ñte ñnì me yépi wró, nê-á yé náh ñne n pne.

27 Ñmɔ kɩ n pɔ n pi ñmɔ tyí náh. Té ñmɔ ñtẽ fórcɔ kah n lékyêh mɔ fyé dénmonɔle.»

‡ 1:21 1.21 - Yelile, Liyel tẽntò syínyo-ò ye lésõ ñne, té à pɔ à yõ dɔkɔ sɔkɔ yínyõ. Kè me yónóle Malaki 3.23 sɔkɔ ne, wâh kɩ n syɩ pɔ Liyel ney yáhtɔkɔnɔ pónó tyi tɔ̃ sah. Képah ye Nsyifuno kɔ̃ pè Nsyõne n piki n yah ne Yeli se ñmɔle nɩ?

Ṣ 1:21 1.21 - Nsyifuno gbò sàhnó sò me Tõnyonɔ sébéy 18.15-22 wey yõ sɔkɔ ne, Liyel-á kɩ n tẽntò syínyo-ò tekɩ mɔ n pi Moyisi tyí kòle. \* 1:23 1.23 - Yah n te Yesayi 40.3.

28 Kéne tyi pól sò pɪ Betani kwil sɔkɔ, Nsyurdě yónkahnɛ. Nénpó sɔkɔ ye sò Nsyõ n wel n wilki nole ni sɔkɔ.

### *Tyípêl tēnyò-òlɛ*

29 Ké dīndalle, Nsyõ-á Yesu we à me n pi n tñò, à ne ñkě: «Yé yah, Liyel-á kópíkí† nê tekɪ mɔ kékõyó névye tyípêl tē yõ yinne, ñmɔ ye yò.

30 Ñmɔ tyí sɔkɔ ye mé lésò kè yo ne ñkě: «Ñnî kɪ n pɔ n pi ñmɔ tyí náh, té à me te té ñmɔ dubi, kápah ye à kal ñne.»»

31 Ñmɔ ñtē tɔ náh lésò ñne n pne. Nte yáh we mé pɔ wèlnwìlkínóle n pɪ ni sɔkɔ, n dukù ye mé Yisrayel tãne n wēkɪ.»

32-33 Nsyõ tyíyókè mè yo Yesu tyí sɔkɔ ne ñkě: «Liyel nê-á tekɪ mɔ ñne ne mé wèlnwìlkínóle n pɪ ni sɔkɔ, à lésò yo ní tyí ne ñkě: «Wáh kɪ Liyel Mirki we kè tiki pɔ tē nê yõ, ñmɔ ye kɪ névyele n wel n wilki Liyel Mirki sɔkɔ.» Ñmɔ ñtē náh lésò ñne n pne. Nte mé pɔ Liyel Mirki we kè wil yínyò à n tiki n pi kèpíkíkí tyí kòlɛ, à pɔ tē n yò.

34 Mé ye kè we yíne. Kápah ye mé kéle n yo n dal mɔ ne, Liyel Pídí-á dí mène.»

### *Yesu tò sáhpú négbrole*

35 Té dīndalle, Nsyõ tō sò me nénpó ànê n tò sáhpú sɔkɔ népí ní mí yísyóle.

36 Wáh Yesu we à pɔ n sɔkɔ à ne ñkě: «Yé yah kópíkíle, nê-á Liyel tekɪ mɔ.»

37 Kápah tēne, Nsyõ tò sáhpú népí ní mí nópi-á n wey mè noh sě, pè kō Yesu náh.

38 Yesu-á vi yah té pé we pè me n sò tē, à pè piki yah ne, kwâh nê se pè n yah n kō nɪ? Pè me à ye Wrabile, nê kór-á kwò-ò dīne. Té à piki yah ne, n twáhntě-ñsah se me nyãh sɔkɔ nɪ?

39 A me yo pé tyí ne, pè pɔ, pãh kɪ kyɪ kè we. Pè me n sò tē kyɪ n twáhntě-ñsah we lérínó gbãm-ò kénkō sɔkɔ.‡ Kápah sɔkɔ, pè me wũ n tyí, à lésò gbìyìkí téy pɪ.

40 Nsyõ tò sáhpú népí ní mí nóno-á sò n wey noh té Yesu sò tē, pé sɔkɔ núkú yó yin ye Andrele. Simo-Pyerɪ yúnpi ye sò ñne.

† 1:29 1.29 - Yah n te Yálnó 12.3. ‡ 1:39 1.39 - Gbí nê tyí-á n yo ásò sɔkɔ yò, Nsyifunò lérí yãh dukù sɔkɔ, méndwõ gbí (16 h) kénkō tyí ye pè n yo. Té Wrome tãn wɔ lérí yãh dukù sɔkɔ, pōy tō gbí tyí ye pè n yo.

41 Andre-á yal nénpó, kéne Simo-Pyeri tyí ye à kyí wil gbenne, òmò nê-á ò nénkyíðíne, té yo ò tyí ne òkè: «Ápi Krista we.» Krista kór ye Liyel ney yáhntòkònlè.

42 Képah sòkò, à Simo tẽ yuku Yesu tyí. Yesu-á Simo we, à à yah, té yo ò tyí ne, Nsyõ<sup>S</sup> pídí Simo-á òne, té páh kí yĩn yó dyí à kò Sefasile. Wáh noh ne Sefasí-á, ké kór ye légbúle. Kéne yĩn ye tã pè n ye Pyerile.

43 Ké dindalle, Yesu kè yah tokò ne, páh kí yuku Kalile gběnyah sòkò. Wáh Filipi we, à yo ò tyí ne, à pé sò tẽ.

44 Betisayida kwil ney ye sò Filipile. Kéne kwil tãn ye sò Andre ànê Pyeri tolè.

45 Képah náh, Filipi kyí wil Natanayeli tyí, té yo ò tyí ne òkè: «Moyisi tyi kònsàhnó ànê Liyel tẽntò syínyopu-á nê tyí yo sah, á ye à we. Nsyosefu pídí Yesu ye. A n wil Nasareti kwil.»

46 Wáh yo sã, Natanayeli à syah ne, kwáhgbí se kí fẽ wil Nasareti kwil sòkò ní? Filipi me yo ò tyí ne, à pò n yah.

47 Képah sòkò, Yesu-á Natanayeli we à n pí ò tnò, à ne òkè, Yisrayel ney tótó-á yò, nê-á yĩnví náh me ò sòkò pólle.

48 Natanayeli me ne, ríyáh sòkò se à pí péle ní? Yesu me yo ò tyí ne, Filipi-á pópó òne n ye, gbí nê-á sò à me sènsóké séswò sò sòkò, páh sò me òne yah.

49 Képah sòkò, Natanayeli me ne: «Kwó-ò dí, Liyel Pídí ye ále. Áwò ye Yisrayel tãn yòtẽne.»

50 Wáh yo sã, Yesu me à syah ne, páh yo ò tyí ne páh sò me òne n yah, gbí nê-á à me sènsóké séswò sò sòkò, képah kó à kò à sã pé yò ní? Nte ò yí-á kí tã n tẽ n pí tyí-ògbnò yò kí kal nópilè.

51 Té tã ò syí yo pé tyí ne: «Kègbıgbı tẽ yò, mé kéle n yo yé tyí, yé kí yĩnyò we yíkínmònlè, té yĩnyò tònpibí kí me n dokò, té kí n tiki Névi Pídí\* yòtah sòkò.»

## 2

### *Fúr syáh nê-á syah Kana kwil sòkò*

1 Képah náh, ké sèpìn tã-ò sòle, fúr syáh yó sò me n syah Kana kwil, Kalile gběnyah sòkò. Yesu yú sò me ké sòkò.

2 Té pé sò me Yesu tó ye ké sòkò, ànê ò tò sáhpule.

3 Páh me fúr syáh mè sòkò, ònvè pò tekı. Káh pí sã, Yesu yú me yo ò tyí ne, ònvè-á me tekı no tyí dé!

§ 1:42 1.42 - Nsyõ nê tyí-á n yo ásò sòkò yò, túkú òne n ye Nsyonastle. \* 1:51 1.51 - Yesu-à Névi Pídí tyíle n yo, ò gblõy ye à n ye.

4 Yesu me yo n tyí ne, kwâh nê se à n yah n kã pé tyí n? Pé gbí náh tǝnì se.

5 Képah soko, n yú me yo ðivē díbípú tyí ne, wàh kɪ fyò pɔ tyi nónó yo pé tyí, pè sé pól pɪ.

6 Té dyèh yàhnɸní kénúkò sò me Nsyifunɔ gblǝy tǝnsàhnó\* yinne à yñe pé tyi kǝnsàhnóle. Sé núkú núkú pól sò me lítírnó lèkwèkwe kénkǝle.

7 Dǝ Yesu me yo pé tyí ne, pè ni mɔ pñí nópí yíyíle. Pè me ni mɔ sé yíyíle.

8 A me ne, núkúnúkú pè tãh kyɪ tyi yah wàh-ò dí kǝ. Pè me tãh kyɪ à kǝ.

9 Képah soko, tyi yah wàh-ò dí-á kè wɔ yah, kè sò me vi mɔ pɪ ðivēne, té à náh sò me kéne ðivē wíl-nsah pĩ. Nte ðivē díbípú nónó-á sò di mɔ yɔle, pépi wɔ sò ké wíl-nsah pĩ. Képah soko, dí me fúr pí-ò dí ye,

10 té yo n tyí ne, no pól-á nkēne ðivē pènèkì nǵbò dibi. Névyè-à wɔ kè syõ pé soko gbí nēne, nê-à me nónýí-nkēne, pè n pyè képah dibi. Nte ñmɔ pyè ðivē pènèkì tē wɔ koh sah à pɔ no yñkǝ gbí tyí n?

11 Képah ye pɪ Yesu gbíl tyípíní gbenne, à n tǝrí wēkɪ. Kãh pɪ sē, n tǝ sáhpú me gbah sē n yǝ. A gbíl mè pɪ Kana kwil, Kalile gbēnyah soko.

12 Képah náh, ñmɔ ànê n yú, ànê n yúnpyé, ànê n tǝ sáhpú tiki yuku Kapernayumi kwil soko. Té sèpìn kwéy ó ye pè pɪ nénpó.

### *Gbòyĩbi yíninwilkínóle Liyel ní-nsah gbô soko*

13 Té Nsyifunɔ yǝri tyénó syáh-á sò me de n te sē, Yesu me ðoko yuku Yerusalemi kwil soko.

14 Wãh kyɪ Liyel ní-nsah gbô soko, à kyɪ ne n yah gbòyĩbi me gbòle n yí ké soko. Túkú me nyehle n yãm, túkú me képyénìne n yãm, túkú me kèpíkípkínòle n yãm, té túkú tɔ mó me pɔ pé pó duke dukenɔ mɔ sah tàbálnó yǝ, me séle n sah n tũ.

15 Képah tēne, Yesu mɔ yísý pɪ yèfòhle, té gbòyĩbi nópí pól yini wilki kéle Liyel ní-nsah gbô soko, à tahlɪ pé képyénì ànê pé nyeh tyí. Té pó sàhntǝpu tàbálnó tu wilki mɔ, pé pónó kǝ sè kwe.

\* 2:6 2.6 - Dyèh yàhnɸní ànê gblǝy tǝnsàhnó nê tyí-á n yo Liyel yah soko yò, Nsyifunɔ nkēne ni mɔ n sah kéne yàhnɸní soko, té pàh wíl kóló soko, képah náh pɪ, pàh n tyah yòke yónóle, pé pé gblǝy kãm n wel sépi nine, n pé gblǝy tǝ n sah Liyel yah.

16 Képah sɔkɔ, té yo kèpikííkínɔ yǎmpu tyí ne, pè sè pól tɔkɔ n yal ásô. Pè káh pé Sú Liyel gbôle n pi gbò yí-ńsah gbôle.

17 Wǎh fyò képah yo, n tò sáhpú dyo núkú to kô Liyel wey sébéy fí yó tyíle, ńyǎh sɔkɔ-á kè me wǎrkínsàhnóle ne ńkě: «Liyel, á wòkò tyí no yíí n tyí, fóó ké tyí sɔno n pi n ko ko tǎne.»†

18 Képah sɔkɔ, Nsyifuno yòtām Yesu syah ne, gbíl tir nê se à kɪ fě pi, nê-á n wěkɪ ne, yí mè pínó wěkì-á me n tyí ni?

19 Képah tǎne, Yesu me pè syah ne ńkě, pè Liyel ní-ńsah gbô mè sɔ, páh kɪ kè tǔ mɔ sèpìn tǔnì sɔkɔ.

20 Wǎh képah yo sě, Nsyifuno yòtām à syah ne, è, gbô nêne mɔ ye tikinini pó kénúkò sɔkɔ, ñmɔ kɪ pɔ képah tǔ mɔ sèpìn tǔnì ó sɔkɔ ni?

21 Nte Liyel ní-ńsah gbô nê tyí-á sò Yesu n yo, képah ye kɪ sò n pi n pi n wil gběnsêle.

22 Képah náh, Yesu-á pɔ ku té yilki mɔ gbí nêne, n tò sáhpú dyo to kô ne wǎh lésò kè yo sah. Képah sɔkɔ, pè sě Liyel wey sébéy yò sɔkɔ, té sě Yesu welo yónsàhnó to yò.

*Yesu névyé pól fɔkɔ sɔnɔle n pne*

23 Té Yesu-á sò me Yerusalemɪ sɔkɔ, Nsyifuno yõri tyénó syáh mè syáh-ńsah, à sò me gbíl tyile n pi névyé me n yah. Káh pi sě, névyé náhnáh sě n yò.

24 Nte Yesu sò me pé pól fɔkɔ sɔnɔle n pne. Képah ye, ñmɔ tǔ wɔ náh sò me sě pé yò.

25 A névi ni kèdúkùle n pne. Képah ye, à pɔ névi kèdúkù tǔ yo n tyí, ké yétô náh sò me n tyí.

### 3

*Yesu ànê Nikodemɪ wě wénóle*

1 Nsyifuno sɔkɔ, yǎntě yó lésò me pè n ye Nikodemune. A sò me Farisi wěkì kópú sɔkɔ.

2 Sò yó lékâhne, à kyɪ wil Yesu tyí, té yo n tyí ne kwó-ò dí, gbíl tyi nónó-á ñmɔ n pi yò, ñnî yó ńtě náh fě sǎnknɔle ne n pi n pi, né Liyel náh me tǎne. Képah-á, páh pǐ ne ñmɔ-á kwó-òle, nê-á Liyel tekɪ mɔ.

3 Yesu me yo n tyí ne: «Kègbɪgbɪ tǔ yò, mé kéle n yo á tyí, ñnî yó ńtě náh fě Liyel tǔrí we n pi, né tǔ náh tǔ dubi késánnne.»

† 2:17 2.17 - Yah n te Gbálnó 69.10.

4 Képah sɔkɔ, Nikodemɩ ne, ñte névi wàhnmɔntenɔ náh, sɔ se képah kɩ fẽ pɩ nɩ? A se kɩ fẽ ñ syɩ de ñ yú fɔkɔ sɔkɔ, kɩ tɔ dubi ke ní-òlɛ nɩ?

5 Yesu me tɔ yo ñ tyí ne: «Kègbɔgbɩ tẽ yõ, mé kéle n yo á tyí, ñnî yó ñtẽ náh fẽ n de n pi Liyel tɔrɩ sɔkɔ, né tẽ náh tɔ dubi ni, ànê Liyel Mirki gbò yõ.

6 Névi nê-à dubi névi tyí, névi ye tẽne. Té névi nê-à dubi Liyel Mirki gbò yõ, Liyel Mirki n ne n me tẽ sɔkɔ.

7 Káh n ye kè á gbàn du, máh sɔnpɩle yo á tyí ne, yáh yĩne yé tɔ n dubi késánnɛ.

8 Nyãh-à yáhkí dyɔ, nénpó ye kè n ne n pɩ n yuku. A kɩ ké pínó yĩne n nohnɩ, té á náh n pĩ n pi nýãh sɔkɔ-á kè wil, ànê káh n yuku nýãh. Névi nê-à dubi Liyel Mirki gbò yõ, tẽ to tyí n ne n me sɛntẽne.»

9 Wáh yo sɛ, Nikodemɩ tɔ ne, sɔ se képah kɩ fẽ pɩ nɩ?

10 Yesu me yo ñ tyí ne: «Áwɔle tyi kònsáhnó kwó-ò ñgbɛne Yisrayel sɔkɔ, té á náh képahle n pne nɩ?

11 Kègbɔgbɩ tẽ yõ, mé kéle n yo á tyí ne, áyáh nêne n pne, képah tyí-á à n ne n yo. Áyáh nê we, à n pi képah tyí yónwàhpule. Ñte yé náh me séle n fẽ n syi.

12 Mâh sétáh yõ tyile n yo yé tyí té yé náh me sɛ sé yõ, mâh pɔ yĩnyõ tyile n yo yé tyí, yé kɩ pyè fẽ sɛ sépi yõ sɔ?

13 Ñnî yó ñtẽ náh dɔkɔ kyɩ yah yĩnyõ sɔkɔ, à wil Névi Pídí tyí sɔkɔ, ñmɔ nê-á wil yĩnyõ à tiki pɔ.

14 Sɔ-á lésɔ Moyisi wahy kètò pɩ yésáhrɩle gbɛnnɩ sɔkɔ,\* à dɔkɔ mɔ sah dahɩ yõ, Névi Pídí to yĩne à dɔkɔ mɔ sɛntẽne.

15 Képah sɔkɔ, névi nê-à sɛ ñ yõ, tẽ kɩ tyé-ńkê min we.

16 Yah, kèkõyó névyɛ tyí ye kah nɔ Liyel tyí, képah ye à ñ Pi núkúní tekɩ mɔ, ne névi nê-à sɛ ñmɔ yõ, tẽ tyí káh yɩkɩ, ñte tẽ tyé-ńkê min we.

17 Liyel tẽ wɔ náh ñ Pídí tekɩ mɔ kèkõyó sɔkɔ ne, à pɔ lékàhle névyɛ kɔ pé tyípêl yĩnne dé! A ye à tekɩ mɔ ne, kèkõyó névyɛ pwáhnmɔnɔ we ñmɔ gbò yõ.

18 Névi nê-à sɛ ñmɔ yõ, tẽ wɔ náh tɔ n tuke n pi. Ñte nê-à yahle sɛnóle ñmɔ yõ, tukey syɩkɩ te tẽ yõ, wáh sɔnpí yahle sɛnóle Liyel Pi núkúní yõ.

19 Tukey mè we yò: Kyòo ye pɔ kèkõyó, té névyɛ tyípínó-á pɩ tyítúkúnĩne sɛ, fɛntú tyí nɔ kal pé tyí kyòole.

20 Névi nê-à tyítúkúnĩne n pɩ, kyòo tyí náh n nɔ tẽ tyí gbógbó. Tẽ n pĩ ne páh kɩ pɔ kyòo yah, pé tyítúkúní pínó-á

\* 3:14 3.14 - Yah n te Yáhnó 21.4-9.

kɪ wil mɔ kwèyy. Képah ye, à náh n pɔ kyòo yah sɔkɔ.

<sup>21</sup> Nte névi nê-à gbi wêkile n kɔ, òmɔ n pɔ kyòo yah sɔkɔ. A n ne n me ké tyí ne, no pé tyípinó we pnéyy sépi nónó-á me n pɪ Liyel dyɔ dyɔ tẽne.»

*Nsyõ-á nê yo Yesu tyí sɔkɔ*

<sup>22</sup> Képah náh, Yesu ànê ò tò sáhpú pɔ tẽ yah Nsyude gběnyah sɔkɔ. A sò me névyele n wel n wilki ni sɔkɔ.

<sup>23</sup> Té ni-á sò me dò Yeno kwil sɔkɔ sɛ, képah ye Nsyõ tò mó me wèlwlkínóle n pɪ nénpó. Névyele sò me n pɔ n pɔ ò tyí, à kɔ à péle n wel n wilki ni sɔkɔ. Nénpó sò me yúkey Salimi kwille.

<sup>24</sup> Légbíne, pé náh sò tǎnì Nsyõ dah mɔ wòkònpèkè sɔkɔ.

<sup>25</sup> Képah sɔkɔ sò yóle, yékáb yó de Nsyõ tò sáhpú ànê Nsyifu yó wró, pé gblǒy tǔ n sah dùkù tyí yó, à yĩne pé tyi kònsàhnóle.

<sup>26</sup> Kǎh pɪ sɛ, Nsyõ tò sáhpú me Nsyõ nyáh sò kyɪ yo ò tyí ne òkɛ, pé kwó-ò dí, dí nê-á lésò òne Nsyurdɛ yónkahnine, té à ò tyíle n yo pé tyí kè; à yah, ò tɔ-á me yuku névyele n wel n wilki ni sɔkɔ. Té no pól-á me pé yah mɔ òmɔ tĩnne.

<sup>27</sup> Nte Nsyõ me yo pé tyí ne òkɛ: «Né Liyel náh yĩn-ńsah nêne névi kɔ, tẽ se kɪ fɛ kè we?»

<sup>28</sup> Yépi nítɛ ye òmɔ tǎrfyòle ne máh lésò kè yo dal mɔ yé tyí ne òmɔ náh Liyel ney yáhntòkònole. N tẽntò ó-á mé pɔ pí-ńsah ò yahle.†

<sup>29</sup> Yé yah, nê tyí-á sépille, ò pe ye. Té pe mè kódí n mó ne n me pe mè tǎ. Kódí mè-à pe mè we nìvìnì sɔkɔ, kè n pɪ nìvìnì ògbène ò tyí. Sǎnkɔ nìvìnì ye òmɔ sɔkɔ. N ni me vi syi ké yĩn tyí.

<sup>30</sup> Wǎn yĩne kè ne n mɔ òmɔ yĩn wílno yó, kwáh mó ne n wilki òmɔ tyí sɔkɔ.

<sup>31</sup> Névi nê-á n wil yĩnyó, òmɔ ye no pól yó. Té névi nê-á me sétáh mè yó, sétáh mè névi ye òne. Sétaáh mè yó tyi ó ye òmɔ kɪ fɛ n yǎh dò. Nte, nê-á n wil yĩnyó, òmɔ me no pól yó.

<sup>32</sup> Wǎh tyi nónó we, té tyi nónó noh, sépi tyí ye à n yo n wah, té ney náh me ò wey fɛ syi.

<sup>33</sup> Nte nê-à ò wey fɛ syi, tẽ me kéle n wêkɪ tótó ne gbi-á Liyel weyne.

<sup>34</sup> Nmɔ nê-á Liyel tekɪ mɔ, à ò Mirkile à kɔ yíí. Liyel wey ye à n ne n yo.

† 3:28 3.28 - Yah n te Malaki 3.1.



35 Sú Liyelle, ò Pídí tyí nò ò tyí. Képah ye à tyi pól dahbu òmò gbò.

36 Névi nê-à sê Liyel Pídí yõ, tẽ kɪ tyé-ńkê min wε. Té névi nê-à yahle sɛnóle ò yõ, tẽ náh kéne min wε n pi. Liyel pèkè kɪ mε tẽ yõ gbímegbí.»

## 4

### *Yesu ànê Samari pi yóle*

1-3 Képah sɔkɔ, Farisi wêkì kópú sò noh ne Yesu-á mε tò sáhpúle n wε, mε péle n wel n wilki ni sɔkɔ à kal Nsyõne. Té Yesu ńtẽ náh sò n wel n wilki névyele ni sɔkɔ ò gblõy dé, ò tò sáhpú ye sò n pɪ ké tòle. Képah sɔkɔ, Yesu-á pɔ képah yónó noh gbí nêne, à yal Nsyude gběnyah sɔkɔ ànê ò tò sáhpúle, à ò syɪ n yuku Kalile gběnyah sɔkɔ.

4 Té képah wɔ sɔkɔ, à sò yĩne à Samari gběnyah kɔ kah.

5 Wáh n yuku, à kyɪ yĩni tẽ Samari kwil yó sɔkɔ, pè n ye Sikarle. Kéne kwil mε Nsyosefu swáh tnô, nê-á lésò ò sú Nsyakɔbɪ à kɔ.

6 Té Nsyakɔbɪ kwlèy sò mε nénpó. Yesu-á wil kóló sɔkɔ té kwlɔ, à sò mε kyɪ kɔ tẽ kéne kwlèy yõ. Té gbí sò mε yõtah sírr kénkò sɔkɔ.

7 Képah sɔkɔ, Samari pi yó-á pɔ yɔ dí-ńsah, Yesu mε à syah ne à nine pé kɔ pé wɔ.

8 Té légbíne, Yesu tò sáhpú sò mε sɔkɔ yõke yáhndwe-ńsah kwil nyó.

9 Képah sɔkɔ, Samari pi mε à syah ne, kè se pɪ sɔ té òmò nê-á Nsyifule, à kɪ pɔ wɔ wɔ nine n ni péwɔ Samari ney tyí nɪ? Kègbɪ tẽ yõ Nsyifunɔ náh ńtyínɔ sò n pɪ n soh wẽ tyí ànê Samari tãne.

10 Wáh yo sê, Yesu mε yo ò tyí ne: «Liyel-á nêne névile n kɔ, wáh sò mε kéle n pne, té pĩ nédúkú nê-á n yo n mɔ á tyí yò, áwɔ ye náhkɪ sò ni wɔ wɔ nine ò tyí, té à náhkɪ nine ò kɔ nê-á minne névile n kɔ.»

11 Képah sɔkɔ, pi ne pé yõtẽ, kwlèndikì náh mε òmò tyí, té kwlèy-á mó tɔ mε súkúlínóle, à se náhkɪ sò wε nyáh kéne nine nɪ?

12 Nkê pépi náh ney Nsyakɔbɪ nê-á pé kɔ kwlèy mène, té ké ni wɔ sɔkɔ ànê ò wěnpile, à tahlɪ ò yípèy tyí, òmò se kal Nsyakɔbɪ mène nɪ?

13 Yesu mε ne: «Névi nê-à kwlèy mè ni wɔ, níkì kɪ tɔ pɔ tẽ tẽ.

14 Nte ñmò-à nine névi nê kō, tē-à kè wò, níkì náh tō tē tē n yah n pi pólle. Kè kɪ n pò n mò lègbèr tyí kōle tē sòkò, kɪ tyé-ńkē minne n kō.»\*

15 Képah sòkò, pi à syah ne pé yòtē, à pé kō kéne nine, níkì kō kè káh tō péle n tē, ànê pé káh tō pò ásò yò tē di yinne.

16 Wǎh yo sē, Yesu me ne, à kyɪ n pe ye pè pò ásò.

17 Képah sòkò, pi ne pe náh me pé tyí. Yesu me ne, gbɪ-á à yo ne pe náh me pé tyí.

18 Pɛbɪ nɛpɪ kwál tyí-á à tē yah sòkò, té nê tyí-á tō ñne núkúnúkú yò, gbɪ-á à yo, n pe náh ñne.

19 Képah tēne, pi me yo Yesu tyí ne pé yòtē, páh kè kyomɪ we ne, Liyel tēntò syinyo-ò-á ñne.

20 Nkē pépi náh tǎn-á Liyelle n gbilki ńyǎh sòkò, nɛnpó-á me yǒlɪ mè yǒ yǎhàh.† Nte pépi Nsyifunò wòle, pépi n ne n yo ne, Liyel-á yīne à ne n gbilki ńyǎh sòkò, nɛnpó-á me Yerusalemɪ sòkò.

21 Képah sòkò, Yesu me yo pi tyí ne: «Sē ní yǒ. Sǒ yó me n pi, ney náh tō pò Sú Liyel gbilki n pi yǒlɪ mè yǒ, képah náh pɪ, Yerusalemɪ ńtē sòkò.

22 Yépi Samari tǎnne, yē Liyelle n gbilki té yé náh ñne n pne. Nte ápi Nsyifunò tyí ye Liyel syò à pwáhnmonòle n kō. Képah ye á ñne n pne, té ñne gbilki.

23 Nte gbɪ yó me n pi, nê-á me te núkúnúkú ńtēne yò. Képah sòkò ye Sú Liyel gbilkípú kègblo kɪ ñne n gbilki n Mirki gbò yò sòkò ànê gbɪ wèkì yò. Gbílkinó mè dùkù pípú névyè ye Sú Liyel n ne n yah n kō.

24 Liyelle, Mirki ye ñne. Képah ye, nónó-á ñne n gbilki, pè yīne pè ñne n gbilki n Mirki gbò yò, ànê gbɪ wèkì yò.»

25 Képah sòkò, pi à syah ne, páh pɪ ne Liyel ney yáhntòkòno-á kɪ n pò n pi, nê-á pè n ye Kristale. Nmò-à pò gbí nēne, wǎh kɪ pò tyí pól dùkù yo wah pé tyí.

26 Yesu me ne: «Ñmò ye ńmòle, nê-á n yo n mò á tyí yò.»

27 Wǎh me képah yónó sòkò, n tǒ sáhpú me pé syɪ pò de. Té pǎh pò à we à me n yǎh ànê pile sē, kè pé gbǎn du.‡ Nte pé sòkò yó ńtē náh fē syi à piki yah ne, kwáh nê se à n yah n kō pi mè tyí, képah náh pɪ, tir nê se à n yo n tyí nɪ?

28 Képah tēne, pi n ni pín sah nɛnpó, té to kyɪ kwil nɪyó, à kyɪ tyah n yo no tyí ne,

\* **4:14** 4.14 - Yah n te Nsyeremi 2.13. † **4:20** 4.20 - Nsyifunò-á sò yahle pínsòhnòle Samari tǎnne, képah ye Samari tǎn kō pè me kyɪ pé Liyel ní-ńsah gbò mò sah gbòpòle yǒlɪ yó yò, nê-á pè n ye Karisimne. ‡ **4:27** 4.27 - Nsyifunò nónó-á sò pɪ kwópùle, pè náh sèle n tɪnki wǎh me n gblɔy; ké dú dɔkò kǎh pɪ Samari neyne.

29 pè pɔ nɛ n yah dí yóle, à péwɔ tyípínì pól yo pé tyí lé!  
Nmɔ káh kɪ nê Liyel nɛy yáhntɔkɔnɔle dé?

30 Képah sɔkɔ, névye mɛ wil kwil nɪyó mɛ n yuku Yesu tnô.

31 Té légbíne, Yesu tò sáhpú sò mɛ Yesule n ni nɛ, kwó-ò dí, à yòke yò kè!

32 Nte Yesu mɛ pè syah nɛ, yòke yó-á mɛ péwɔ tyí yò yò tɛne, nê-à pépi náh kéle n pne.

33 Képah sɔkɔ, n tò sáhpú sò mɛ wɛne n piki n yah nɛ, nnî se kɪ mɛ pɔ yòkele à kɔ nɪ?

34 A mɛ yo pé tyí nɛ: «Liyel nê-á tekɪ mɔ ímɔle, wáh mɛ nê tyí, képah pínó ànê n tò pínɛno ye pɪ ímɔ yòkele.

35 Yépi náh ríkɛne nɛ n yo nɛ, íwɔlɔ nýáh-á tɔ wũ té sɛmukɔ tɔkɔ gbí kɪ nɔ dí? Nte ímɔ wɔ kɪ yo yé tyí nɛ, yé yé yey yò n yah sɛmukɔle kòntɛnóle swáh sɔkɔ, tɔkɔ tɔkɔ tɛne.

36 Névi nê-à mɛ sɛmukɔle n tɔkɔ, n tò pínó lédyáhní mɛ te n tyí; sɛmukɔ pórí nê-á à n tuke n mɔ, névye ye nónó-á kɪ tyé-ńkɛ min wɛ n pi. Képah sɔkɔ, névi nê-á mɔ séle, ànê névi nê-á sè tɔkɔ, pé pól kɪ nìvìnì pɪ wɛ tyí.

37 Képah n wɛkɪ nɛ, gbɪ-á sɛmirkɪ mɛne, nê-á n yo nɛ ríkɛ: «Nnî kɪ sɛmukɔ mɔ, té nnî kɪ sè tɔkɔ.»

38 Yépi náh swáh nê tɔ, ímɔ yé tekɪ mɔ nɛ, yé kyɪ képah sɛmukɔ tɔkɔ. Nósýó ye tò pɪ ké sɔkɔ, yépi kɔ yé pɔ wɛ de pé tò pínó yén sò.»

39 Té pi mɛ-á sò wey nê yo nɛ, dí mɛ-á péwɔ tyípínì pól yo pé tyí, képah yinne Samari tân náhnáh sò sɛ Yesu yò kwil mɛ sɔkɔ.

40 Képah ye Samari tân nópi-á kyɪ Yesu tyí, pè à ni nɛ à wũ pé tyí. Yesu mɛ wũ nɛnpó à sèpìn nínì pɪ.

41 Képah tɛne, névye náhnáh tɔ sɛ Yesu yò wáh wɛlɔ nónó yo pè noh sépi yinne.

42 Té mɛ tyah n yo pi mɛ tyí nɛ, ñmɔ yóré ó yin náh tɔ pépi sɛ Yesu yò dé! Nkɛ pépi ntɛ tɔ-á n wey wɛ noh níkile, té pɪ nɛ kègbɪ tɛ yò, ñmɔ-á ntyínɔ kèkoyó pwáhnmɔ-òle.

### *Né-ńgbɛ yó pídí dénɛmɔnɔle*

43 Yesu-á sèpìn nínì nópi pɪ te, à yal nɛnpó à yuku Kalile gbɛnyah sɔkɔ.

44 Té à mó tɔ lésò kè yo nɛ, Liyel tɛntò syínyo-ò náh n tɛ ple n sú kwil sɔkɔ.

45 Nte Kalile tãn tɔ-á lésõ kyɪ Nsyifunɔ yõru tyénó syáh sɔkɔ Yerusalemɪ sɔkɔ, té Yesu tyípínó we sě, képah ye wãh pɔ pɔ pé gběnyah sɔkɔ, pè me à tã sah tẽ.

46 Képah sɔkɔ, Yesu sɔkɔ kéné gběnyah kwil mè sɔkɔ, nê-á pè n ye Kanale. Nénpó sɔkɔ ye lésõ à ni vi mɔ pɪ ðivěne. Té né-ngbě yó lésõ me yõtě ðí yó tyí Kapernayumi kwil sɔkɔ. N pídí nãh lésõ me lènɔle.

47 Wãh pɔ noh ne, Yesu-á me wil Nsyude gběnyah sɔkɔ à pɔ Kalile sɔkɔ, à me n nyáh sõ kyɪ à ni ne, à tiki pɔ Kapernayumi sɔkɔ, à pɔ pé pídí de mɔ pé kɔ; wãh me n tyah kúnóle.

48 Yesu me yo n tyí ne, pè se yó kɪ fě sě yah péwɔ yõ; né gbil ànê gběndùnì tyi nãh pɪ pè we nɪ?

49 Nte ðí me tã yo n tyí ne, pé yõtě, à tiki pɔ súú péwɔ ðinne pé dípir káh pɔ ku.

50 Képah sɔkɔ, Yesu me yo n tyí ne, à n syɪ sɔkɔ n ðinne, n pídí-á de. Dí me sě n wey mè yõ, té n syɪ.

51 Wãh me wěkì yõ, n tɔnpɪbɪ pɔ à yohnɪ, té yo n tyí ne, n pídí-á de.

52 A me pè piki yah ne, gbí nê se fãhfãh de n tyí nɪ? Pè me yo n tyí ne, níní gbìntɔ pɔ sɔkɔ-á wílvýáhnì à fin mɔ.

53 Képah sɔkɔ, dípir sú kè kyɔmɪ we ne légbí mè-ó sɔkɔ-á Yesu yo pé tyí ne, pé ne n yuku, pé pídí-á de. A tɔkɔ légbí tyí, n̄mɔ ànê n gbô tãn pól sě Yesu yõ.

54 Té Yesu-á wil Nsyude gběnyah sɔkɔ, à pɔ Kalile gběnyah sɔkɔ, képah ye à pɪ gbil ní-òle.

## 5

### *Sèkùkù ðí yó dénmɔnɔle Yerusalemɪ kwil*

1 Tyi nópi sókóntenɔ nãh, Nsyifunɔ syáh yó-á pɔ n syah Yerusalemɪ kwil sɔkɔ, Yesu ðɔkɔ yuku nénpó.

2 Té Yerusalemɪ kwil sɔkɔ, pékì yó sò me tũnsàhnóle nine ké sɔkɔ ké kwil dé-nsah yó tnô, nê-á pè n ye Képyénì dé-nsahle. Pè kéné pékìle n ye Betisatale Yebre wey sɔkɔ. Kènkàlnó kwló sò me pínóle ké gbòpɔ sɔkɔ.

3 Yámpú nãhnãh sò me sěntěnéle kènkàl nópi sò. Yítūbì sò me, ànê gbáhkì núkú névyele, à tahlì sèkukubi tyí. [Pè sò níkěne ne me ni dúkúrínmɔnɔ syɪkɪ n tẽ.

4 Yé nãh we di, yĩnyõ tɔnpɪ yó sò níkěne ne n de n pɔ ni mè sɔkɔ, n kéle n dukuri n mɔ, té yónwó nê ñgbò-à de ni mè sɔkɔ, n yam-à sò me ðùkù nêne, à n de.]

<sup>5</sup> Té nénpó sɔkɔ, dí yó lésõ me sèkùkùle pópó ye yõgbãm pó kwärtõno.

<sup>6</sup> Yesu-á à we sě, té pĩ ne ñ sěntěno di-á mo nénpó, à à piki yah ne, à se me ké tyí ne pé de ni?

<sup>7</sup> Sèkùkù dí me ne, pé yõtě, ni-à tyah n dukuri n mo gbí nêne, ney náh n we à péle n yohni n mo pé n we n de ké sɔkɔ. Péwɔ tě-à pópó ne pé we n de, ñnî pé dyah tě n de.

<sup>8</sup> Wáh yo sě, Yesu me yo ñ tyí ne, à yuku ñ sě sě kwâh tɔkɔ ne n kɔ.

<sup>9</sup> Nénpó swɔ, dí núkú de. A me yuku ñ sě sě kwâh tɔkɔ à n kɔ.

Té lésõ pɔ yĩne Nsyifunɔ mi mi yòhle.

<sup>10</sup> Képah sɔkɔ, dí nê-á dénmonɔ we, Nsyifunɔ yõtãm à syah ne ñkě, mi mi yòh-á kweyne. A náh yĩne à ñ sě sě kwâh tɔkɔ ne n kɔ.

<sup>11</sup> Nte dí me pé syah ne, nê-á de mo péle, ñmɔ-á yo pé tyí ne, pé pé sě sě kwâh tɔkɔ ne n kɔ.

<sup>12</sup> Pè me à piki yah ne, nê se yo ñ tyí ne, à ñ sě sě kwâh tɔkɔ ne n kɔ ni?

<sup>13</sup> Légbĩne, Yesu mó tõ sò yal te dí mè tnô, à de tówû sɔkɔ nénpó. Té dí nê-á sò Yesu de mo, kéne dí náh sò ñne n pne.

<sup>14</sup> Képah náh, Yesu pɔ à we Liyel ní-ńsah gbô sɔkɔ té ne, à yah, wáh dénmonɔ we yò, à káh tõ tyípèlle n pi, tir yó kò kè pɔ à nɔ nê-á kal ńyɔle dé!

<sup>15</sup> Képah tẽne, dí kyi ké yah yo Nsyifunɔ yõtãm syah ne, Yesu-á sò de mo péle.

<sup>16</sup> Képah sɔkɔ, Nsyifunɔ yõtãm tyah lékàhle Yesule n kɔ, wáh sɔnpíle dénmonɔ pi mi mi yòh sòle.\*

<sup>17</sup> Yesu me ne, péwɔ Sú Liyel-á me tò sɔkɔ kúmm, péwɔ tó-á me sěntěne n pi.

<sup>18</sup> Yesu-á képah yo sě, Nsyifunɔ yõtãm tõ lékàhle ñne n gbah n kɔ, à ñ kònmɔ-ńsahle n yah n kɔ, té ne wáh me mi mi yòh dèlle n pi. A wil képah sɔkɔ, wáh tõ me n yo ne ñkě, pé Sú tótó-á Liyelle, à ñ gblõyne n pi núkúle ñne.

### *Tyi nóno-á yo Liyel Pídí tyí sɔkɔ*

<sup>19</sup> Képah sɔkɔ, Yesu me tõ yo pé tyí ne ñkě: «Kègbıgbı tẽ yõ, mé kéle n yo yé tyí, Pídí náh fě tir yó ńtẽ pi n pi ñ yah yĩne, né à náh ké pínó we yah Sú Liyel tyí. Sú Liyel-á nêne n pi, sěnkò ye Pídí tɔ n ne n pi.

\* 5:16 5.16 - Yáh we Nsyifunɔ yõtãm lékàhle Yesule n kɔ, pépi tẽ sòno sɔkɔ, wáh névi de mo mi mi yòh sòle, tò ye á pi.

20 Pídí tyí nɔ Sú Liyel tyí. Képah ye, wàh tyi nónó pólle n pi, ǎ sé pínóle ònne n wěki. Té wǎh tyi nónóne à wěki, à ki tǔ pɔ sé lékan pínóle à wěki n pi, nónó-á ki yé gbǎn du.

21 Sǔ-á Sú Liyel lékyíle n yilki n mɔ, à minne péle n kǔ, sěntě ó ye névi nê-à Pídí dyɔ, ǎ minne tě kǔ.

22-23 Sú Liyel me ké tyí ne, no pól gbilkínóle n sah Pídí yǔ, sǔ-á pè kéle n sah òmɔ yǔ. Képah ye, à nǎh ònî yó òtěne n tuke. A ye no pól tukey tyí dahbi ò gbǔ. Té névi nê-à gbilkínóle n sǎh-òkěne òmɔ yǔ, ò tékínmɔ-ò Liyel ye tě yahle gbilkínóle.

24 Kègbɔgbɔ tě yǔ, mé kéle n yo yé tyí ne, névi nê-à ní wey noh, té sě ní tékínmɔ-ò yǔ, tě-á ki tyé-òkě min we. A nǎh n tuke n pi. Wǎh wil te kǔ sɔkɔ, té min we.†

25 Kègbɔgbɔ tě yǔ, mé kéle n yo yé tyí, gbí yó me n pi, nê-á me te núkúnúkú òtěne yǔ. Képah sɔkɔ ye névyé nónó-á me kúnóle Liyel tyí ònne, pè ki òmɔ yǐnpǔ noh, òmɔ nê-á Liyel Pídíne. Té nónó-à kè noh, pè ki min we.

26 Sǔ-á Sú Liyelle min nètěne, sě ye òmɔ nê-á ò Pídíne, à òmɔ tɔ kǔ mé pi min nètěne.

27 Té mǎh pi Névi Pídíne sě, à tukey tükèno tǐnwenɔle ní kǔ.

28 Nte yé kǎh n ye tyi nópi yé gbǎn du. Gbí yó me n pi, lékyí pól ki ní yǐnpǔ noh,

29 té ki yuku. Képah sɔkɔ, nónó-á tyípéplɔ pi, pépi ki yuku tyé-òkě min we yǐnne. Té nónó-á mó tyípél pi, pépi wɔ ki yuku fǔh yǐnne.

30 Òmɔ nǎh fě tir yó òtě pi n pi ní yah yǐine. N Sú Liyel-à yo sǔ ní tyí, sě ye mè n ne n kǎm weyne tukey sɔkɔ. Mé nǎh me ní gblǔy òvìvì tyi pí-òsahle n yah n kǔ. Sú Liyel nê-á tekɔ mɔ òne, òmɔ-á me nê tyí, képah ye mè n ne n pi. Képah ye, ní wey kǎmnó n pi gbɔ wěkì yǔ.

31 Òmɔ-à ki nê n yo ní gblǔy tyíle, nê ki sě ní tyíyónó yǔ?

32 Nte nékǎhkí ye n yo n wah ní tyíle, té mé pǐ ne tyi nónó-á à n yo òmɔ tyí sɔkɔ, gblo-á séle.

33 Yáh névyé nónó tǔ Nsyõ tyí òmɔ tyí sɔkɔ, té à tyi nónó yo, gblo ye séle.

34 Nte mé se yó me n yah n kǔ ne, névi tě wɔ ní dùkùle n yo? Yé pwǎhnmɔnɔ we yǐn ye mé tyi nópile n yo yé tyí.

† 5:24 5.24 - Wey nê-á Yesu yo ásò sɔkɔ yǔ ne òkě: «Wǎh wil te kǔ sɔkɔ, té min we.» Képah ále n wěki ne, tyípél-á yíkínó nê pi Liyel ànê névyé wró, kǔ-á kéle Liyel tyí ònne. Nte Yesu yǔ sǎnóle, tyé-òkě min tyàhnó-á kéle Liyel tyí ònne.

35 Nsyõ lésõ pi kyòole fòtnò tũnsàhnó tyí kǎle. Té kè yé dya, yé nìvìnì pi ò kyòo sòko wró kwéy yó ó sòko.

36 Nte ímo wòle, Sú Liyel-á tǎn nónó dahbi ní gbò ní kǎ mé n pi, sépi ntě me ní dùkùle n wěki n wah n kal Nsyõ-á nê yo ní tyí sòko. Kéne tǎn nópi pínó ye n wěki ne, Sú Liyel-á tekú mǎ íne.

37 Té à wil képah tyí sòko, Sú Liyel nê-á tekú mǎ íne, ò to ní tyí yo wah. Nte yé náh ò welo noh yah pólle, yé náh se tǎ à we yah yíne.

38 N wey náh me n tǎ yé nno sòko. Yé náh we wǎh ímo tekú mǎ, yé yahle sǎnóle ní yǎ di?

39 Yè n ne me n sǎ ne, yáh ki tyé-ńkě min we Liyel wey sébéy kǎrnó sòko, ò té kéle n kar firfir. Nte képah ye mó tǎ yo wah tótó ímo tyíle.

40 Té yé náh mó tǎ me ké tyí ne, yé po ímo tyí, yé po tyé-ńkě min we.

41 Mé náh me n yah n kǎ ne névye íne n gbilki.

42 Mé yé dùkùle n pne. Liyel tyí náh no yé tyí.

43 N Sú Liyel yín yǎ ye mé po, té yé náh ní tǎ ple. Nte nní yó-à núkú po ò yah yíne yò, yé ki òmo tǎ ple.

44 Yé ki fě sě ní yǎ sǎ, yépi nónó-á me ké tyí ne yé wěne n gbilki, té yahle gbilkínó yáhnkǎnole, nê-á n we Liyel núkúní ó tyí?

45 Yé káh ne me n sǎ ne, ímo-á ki kyí yé kǎ n pi lékǎhle Sú Liyel yah sòko dé! Yé gbò sàhnó-á me Moyisi nê yǎ, òmo ye ki kyí lékǎhle yé kǎ.

46 Nmo tyí me Moyisi wǎrki sah ò sébéynó sòko. Gbi-à yé sò me sě òmo yǎ, yé náhki me sě ímo to yǎ.

47 Nte yé náh fyò me sě òmo tyi wǎrkínsàhnó yǎ, sǎ me yé ki fě sě ímo welo yǎ wé?»

## 6

### *Tówù ògbě púnóle*

1 Képah náh, Yesu sòko Kalile yó-ògbě kahnune. Pè tǎ sǎ kéle n ye Tiberiyadi yó-ògběne.

2 Té Yesu-á gbíl nónó pi sòko à yámpú nónó de mǎ tówù we, sépi yinne, tówù ògbě sǎ me ò sǎ tǎ.

3 Képah sòko, Yesu me doko kyí kǎ tǎ yǎli yó yǎ ànê ò tǎ sǎhpúle.

4 Légbíne, Nsyifuno yǎri tyénó syáh sǎ me de n te.

5 Té Yesu-á n̄ yah yõ yah, à tówû ñgbě we pè me n pi n̄ tnô. Képah tẽne, à Filipi piki yah ne, pé se ki we nyãh yõke dwe dwe tẽne ki tówû mè kõ pè ki yõ ni?

6 Nte fyãhnyahnó ye sò Yesu n fyãh n yah Filipi fòkòle. Nkě, wãh sò nê pi n pi, à sò kè pĩ te.

7 Wãh yo sě, Filipi me à syah ne, deniye pó pló\* lègbãm (200) fyé búrn dwénòle, kàh sõ yiki tyĩ tyĩ, kè nãh n yĩne n pi péle.

8 Képah sòkò, Yesu tò sãhpú sòkò nê-á Simo-Pyeri gběndí Andrele, ñmò me yo Yesu tyí ne,

9 búrn† pló kwló ànê yěnkya pló nínó-á me dínpir yó tyí ásô. Nte sépi se ki tir nê pèki nékwínkí nópi dùkù tyí ni?

10 Légbíne filli sò me dò nénpó. Képah sòkò, Yesu me yo pé tyí ne pè no pól kõ pè kõ tẽ sétáh. Díbí népí kèyõ nínó kyegbãm (5 000) kénkõ ye sò me pé sòkò nénpó.

11 Képah sòkò, Yesu me búrn nópi tòkò, té wèki Liyel tyí, té sè dibi névyè tyí, nónó-á sò me nénpó. Wãh yěnkya tò tòkò, sěntě ó ye tõ à pi, té sè dibi no kõ, pé pól we pãh sò me ké tyí sõ.

12 Pãh yõ tõ gbí nêne, Yesu me yo n̄ tò sãhpú tyí ne, pè sé téló tuke n mò, pè káh n ye kèyãh ní tẽ pò n yiki.

13 Búrn pló kwló táhnkwlònsàhnó nê tókù-á sò me wũ tẽ, pè me sè kwel mò, tòkòni gbõninó yĩne.

14 Névyè-á Yesu gbíl pínó we sě, pè ne: «Liyel tẽntò syínyo-ò nê-á sò yĩne à pò kèkõyó, ñmò ye dí mènè tótó.»

15 Képah sòkò, Yesu pĩ ne pãh ki pò ne, pãh péwòle n tẽ n kãhl̄ n pi yòtẽne. Kãh pi sě, à tõ yal pé tnô à sòkò yõh yõ n̄ gblõy núkúnine.

### *Yesu kólóle yó-ñgbě yõtah*

16 Té n̄ví lísyi-á pò nò, Yesu tò sãhpú tiki yuku yó-ñgbě vyãh yah,

17 à kyi de krótókè yó sòkò, à tyah n yuku yónkahnine, Kapernayumi kwil ùnne. Lékãh sò me mò te, té Yesu nãh tõn̄ sò me pò pé tnô.

18 Nte yãhpékè yó sò me kõ me nine n fũ n dòkò.

\* 6:7 6.7 - Deniyele, pó yó ye sò kéle. Képah pó núkú ki sò fẽ no nénúkù gbìyìkì núkú tò pínó danne. † 6:9 6.9 - Sèmuko yó sò me dènpéfãhkile pè n ye wòrsile, képah mi ye sò pè m̄ búrn mènè.



19 Képah sɔkɔ, pãh krótókè to kyɪ yĩni tẽ kílónó kwló kénkõ tyí, pè Yesu wɛ à mɛ n kɔ n pi yɔ yõtah pé krótókè tĩnne. Kãh pɪ sɛ, tíkí pè tẽ.

20 Nte Yesu mɛ yo mɔ pé tyí nɛ: «N̄mɔ ye, yé káh tíkí pɪ.»

21 Képah sɔkɔ, pè sò mɛ ké tyí nɛ pé à twah krótókè sɔkɔ, té kè núkú yĩni tẽ yóngbalɪ tyí, n̄yãh-á sò pè n yuku.

*Yesu ye yõkele, nê-á minne n kõ*

22 Képah sɔkɔ, d̄indalle tówû nê-á sò wũ pé n̄níní mé-ńsah, pè kè kyɔmɪ wɛ nɛ krótókè núkú ó-á n̄níníne mɛ. Nte Yesu tò sãhpú ó-á sò de ké sɔkɔ à sɔkɔ, Yesu tɔ nãh sɔkɔ péle.

23 Té krótónè yísyó mó mɛ wil Tiberiyadɪ kwil sɔkɔ, mɛ pɔ n de n̄yãh sɔkɔ-á sò Tẽ n̄gbẽ Yesu yõke tɔkɔ té wɛkɪ Liyel tyí, té kéle tówû mè kõ pè yõ.

24 Nte tówû-á pɔ pĩ gbí n̄ene nɛ Yesu nãh mɛ, ñ tò sãhpú tɔ nãh mɛ n̄énpó sɔkɔ, pè núkú de krótónè sɔkɔ, à sɔkɔ Yesu yãhnkõ-ńsah Kapernayumi kwil sɔkɔ.

25 Képah sɔkɔ, pãh kyɪ à wɛ yó-n̄gbẽ kahnɪnɛ, pè à syah nɛ, kwó-ò dí, gbí nê se à pɔ ásô nɪ?

26 Nte Yesu mɛ pè syah nɛ: «Kègbɪgbɪ tẽ yõ, mé kéle n yo yé tyí nɛ, yáh gbɪl tyí nónó wɛ, sépi-á n̄ene n wɛkɪ, kɛpah yĩn nãh yé n yah n kõ n̄ne dé! Yõke nê-á yé wɛ yõ tõ, kɛpah yĩn ye yé n yah n kõ n̄mɔle.»

27 Yé káh tõle n pɪ yõke yĩnne, nê-á kɪ n yɪkɪ n pi. Yé tõle n pɪ yõke yĩnne nê-á kɪ n tẽ n pi kúmm, té tyé-n̄kẽ minne n kõ. Névi Pídí ye kɪ yé kõ n pi kéné yõkele, ñmɔ nê-á Sú Liyel kè wɛkɪ nɛ páh pé t̄órúle à kõ.»

28 Képah t̄ene, pè à piki yah nɛ, tyi nónó se pé yĩne pé pɪ, pé mó Liyel tò wɛ pɪ nɪ?

29 Yesu mɛ yo pé tyí nɛ: «Liyel-á nê tekɪ mɔ,‡ yáh kɪ s̄ẽ ñmɔ yõ, kɛpah ye Liyel t̄õle.»

30 Pè mɛ yo ñ tyí nɛ, gbɪl tir nê se ñmɔ kɪ pɪ pé wɛkɪ, pé kõ pé s̄ẽ ñ yõ nɪ? Tir nê se à kɪ pɪ nɪ?

31 Pépi nãh tãn-á yõke yõ gb̄ennɪ sɔkɔ, nê-á pè n ye m̄anne,§ à yĩne s̄õ-á kè wãrkɪ sah nɛ:

«À ye yõkele pè kõ pè yõ nê-á wil ȳinyõ.»\*

‡ 6:29 6.29 - Yesu-á nɛ Liyel-á nɛ páh kɪ nê tekɪ mɔ, ñ gbl̄oy ye à n ye. § 6:31 6.31 - M̄anne, yípórí pépér yó ye kéle lésõ Liyel n tiki n mɔ Yisrayel tãnne n kõ pè n pɪ yõkele, gbí nê-á lésõ pè mɛ gb̄ennɪ sɔkɔ. Yah n tɛ Yálnó s̄ébéy 16.

\* 6:31 6.31 - Yah n tɛ Gbálnó 78.24.

32 Nte Yesu me ne: «Kègbıgbı tẽ yõ, mé kéle n yo yé tyí ne, Moyisi náh kõ yéle yõke mène nê-á wil yinyõ dé, ní Sú Liyel ye n kõ yéle yõke gbıle, nê-á n wil yinyõ.

33 Kéne yõke nê-á Liyel n kõ nê-á wil yinyõ à tiki pɔ, képah ye minne kèkõyó névyele n kõ.»

34 Képah sɔkɔ, pè ne pé yõtẽ, à yõke† mène péle n kõ gbıme gbı kè.

35 Képah tẽne, Yesu me yo pé tyí ne: «Nmo ye yõke mène, nê-á minne n kõ. Névi nê-à pɔ nmo tyí té sê ní yõ, kweki ànè níki náh tõ tẽ tẽ n yah n pi.

36 Té mé ye kè yo te yé tyí ne yáh ní we. Nte yé náh me sê ní yõ.

37-38 Nmo náh wil yinyõ à tiki pɔ ní dyɔ yíi tyi pi yinne dé! Nê-á teki mɔ íne, nmo-á me nê tyí, képah pí-ńsah ye mé pɔ. Képah ye, Sú Liyel-à nónó pólle ní kõ, pè ki pɔ ní tyí. Té nê-à pɔ nmo tyí, mé náh à milki n pi pólle.

39 Té nê-á teki mɔ íne, nmo-á me nê tyí, képah ye yò ne nkẽ, páh nónóne ní kõ mé káh n ye pé sɔkɔ yó ítẽ tyí yiki. Nte mé mó n pɔ pé lékyi yilki mɔ gbıyiki téy sòle.‡

40 Té yah, nmo Sú-á me nê tyí, képah ye yò ne, névi nê-à n yah mɔ nmo íinne, nmo nê-á Pídine, té sê ní yõ, tẽ tyé-ńkẽ min we, té nmo mó tẽ lékó yilki mɔ gbıyiki téy sòle.»

41 Képah sɔkɔ, Nsyifunɔ tyah Yesu sèyòkèle n yo wẽ tyí, wáh sɔnpıle sò yo ne péwɔ-á yòkele, nê-á wil yinyõ à tiki pɔ.

42 Pè sò me yo tũ ne, Nsyosefu pídí Yesu kó ñne ni? Nmo nê-á pé n sú ànè yúne n pne, à se pi sò té pɔ n yo núkúnúkú ne, páh wil yinyõ à tiki pɔ ni?

43 Képah sɔkɔ, Yesu yo pé tyí ne: «Yé káh ní sèyòkèle n yo yé wẽ wró.

44 Nnı yó ítẽ náh fẽ n pɔ n pi nmo tyí, né Sú Liyel nê-á teki mɔ íne, nmo náh tẽ yah tẽ. Té nmo ki mó tẽ lékó yilki mɔ gbıyiki téy sòle.

45 Kè me wárkínsàhnóle Liyel tẽntò syinyopu sébéynó sɔkɔ ne: «Liyel ki pé pól kwɔ.»§ Nte névi nê-à Sú Liyel wey noh té n kwónó fẽ syi, tẽ n pɔ nmo tyí.

46 Nte nnı yó ítẽ yí náh tẽ yah Sú Liyel yõ, à wil nmo tyí sɔkɔ, nmo nê-á wil n tnô. Nmo ó we ñne.

† 6:34 6.34 - Yõke nê tyí-á Yesu n yo ásô sɔkɔ yò, min yõke ye. Té nónó-á n piki n yah ñne, pépi sò me n sò ne kèkürki yíi yõke tyí-á à n yo. ‡ 6:39 6.39 - Gbıyiki téy nê tyí-á n yo ásô sɔkɔ yò, Liyel tukey tuke sò tyí ye kè n yo. § 6:45 6.45 - Yah n te Yesayi 54.13.

47 Kègbıgbı tẽ yõ, mé kéle n yo yé tyí, névi nê-à sã ní yõ, tẽ kɪ tyé-ńkẽ min wɛ.

48 Nmɔ ye yõkele nê-á minne n kõ.

49 Yé náh tãn ye yõke yõ gbẽnnı sɔkɔ, yõke nê-á pè n ye mǎnne.\* Nte képah fyé yõ, pé pól náh pɔ ku di?

50 Té yõke nê tẽ wɔ-á n wil yĩnyõ à tiki pɔ, névi nê-à képah yõ, tẽ náh tõ ku n yah n pi.

51 Nmɔ ye yõkele, nê-á wil yĩnyõ à tiki pɔ, té minne n kõ. Névi nê-à kéne yõke yõ, tẽ kɪ tyé-ńkẽ min wɛ. Yõke nê-á mé kɪ n kõ n pi, ní wil gbẽnsê ye. Mé ye kéle n kõ ne, kèkõyó névyé min wɛ.»

52 Képah tẽ sɔkɔ, yékáb ñgbẽ de Nsyifunɔ wró. Pè sò me n yo ne, dí mè se kɪ fẽ ñ wil gbẽnsêlé pépi kõ sõ yõkele nı?

53 Képah sɔkɔ, Yesu yo pé tyí ne: «Kègbıgbı tẽ yõ, mé kéle n yo yé tyí, yáh kɪ Névi Pídí wil gbẽnsê pí-ńkẽne yé yõkele, té ñ tó pí-ńkẽne yé wɔ wɔ kwáhle, yé náh min wɛ n pi dé!†

54-55 Yõke kègbı ye nımo wil gbẽnsêlé, wɔ wɔ kwáh kègbı me ní tónɛ. Képah ye névi nê-à nımo wil gbẽnsê pı ñ yõkele, té ní tó pı ñ wɔ wɔ kwáhle, tẽ ye tyé-ńkẽ min wɛ. Té nımo kɪ mó tẽ lékó yilki mɔ gbıyíkí téy sòle.

56 Névi nê-à nımo wil gbẽnsê pı ñ yõkele, té ní tó pı ñ wɔ wɔ kwáhle, tẽ kɪ me nımo, té nımo tɔ kɪ me tẽne.

57 Sú Liyel nê-á tekı mɔ nne, nımo ye min nétẽne. Nmɔ me min sɔkɔ nımo gbò yõ. Sã ye névi nê-à ní wil gbẽnsê pı ñ yõkele, tẽ kɪ me min sɔkɔ nımo gbò yõ.

58 Kéne yõke nê-á wil yĩnyõ à tiki pɔ yò, kè náh me núkúle ànê yé náh tãn-á nê yõ gbẽnnı sɔkɔ, pépi nónó-á ku sɔkɔ. Nte névi nê-à képah yõ, tẽ kɪ tyé-ńkẽ min wɛ.»

59 Yesu kéne tyi yo gbí nê-á lésò à me névyéle n kwɔ Kapernayumi kwil, Nsyifunɔ Liyel ní-ńsah wòkò sɔkɔ.

60 Té Yesu-á welɔ nópi yo sã, ñ tò sáhpú náhnáh tyah n yo wẽ tyí ne ńkẽ, ñ tyi yónó nópi-á me tah dé! Nê se kɪ fẽ sè fẽ syi nı?

61 Nte Yesu-á pĩ ne pé tò sáhpú-á me pé sèyòkèle n yo wey mè tyí sɔkɔ, à pè syah ne: «Kè se kǎn pı yépi tole?

62 Té yáh pyẽ pɔ Névi Pídí wɛ à yõ dɔkɔ n sɔkɔ wáh wil nıyáh sɔkɔ wé?

\* 6:49 6.49 - Yah n te Nsyõ 6.31. † 6:53 6.53 - Névi Pídí wil gbẽnsê ànê ñ tó nê tyí-á n yo ásó sɔkɔ yò ne sáh kɪ pı yõke ànê wɔ wɔ kwáhle, sèmırkí ye Yesu mı pé tyí kéle, nê-á n wẽkɪ ne nımo-á sárká kèpópikíle.

<sup>63</sup> Liyel Mirki ye min nétēne, nõte tir nê me névi kɪ fě pekɪ ñ gblõy? Nmɔ-á welo nóno yo yé tyí, sè n wil Liyel Mirki tyí, té minne n kõ.

<sup>64</sup> Nte tükù me yé sɔkɔ, pè náh me sē ní yõ.» Té yah, à tokɔ ké tyah gbí dükù tyí, Yesu sò ñ yõ sē-ńkēpúle n pne, à tahl nê tɔ-á ne pɔ à dahɪ n pi gbò sɔkɔ.

<sup>65</sup> Képah sɔkɔ, Yesu tō ne: «Képah ye ní kõ mé kè yo ne ńkē, ñnî yó ntē náh fě n pɔ n pi ñmɔ tyí, né Sú Liyel náh ké wēkile à kõ.»

<sup>66</sup> A tokɔ légbí tyí, ñ sò tēpú nahnáh núkú pé syi ñ náh, pè náh tō me ñ sòle n tē.

<sup>67</sup> Képah sɔkɔ, Yesu me yo ñ tò sáhpú népí gbõnimí† tyí ne ńkē, té pépi-á dò, pé tɔ kó pé syi n pi nɪ?

<sup>68</sup> Nte Simo-Pyeri me ne ńkē: «Tyé-ńkē min welo nétē ye áwɔle, nê tyí me ápi kɪ tō yuku wé, Tē ñgbē?

<sup>69</sup> Api tē wɔ sēnó me á yõ, ànê á pī ne áwɔ-á Liyel wilki sah ñ tyí yõ.»

<sup>70</sup> Képah tēne, Yesu tō yo pé tyí ne, péwɔ kó yah wilki péle népí gbõnimíne nɪ? Nte sétõ-á pé sɔkɔ nénúkú yóle.

<sup>71</sup> Té Nsyudasɪ ye sò Yesu n ye, ñmɔ nê-á Simo Yisikariyɔtɪ pídine. Yesu tò sáhpú népí gbõnimí sɔkɔ yó ye sò ñne. Té ñmɔ ye kɪ sò pɔ Yesu dahɪ n pi gbò sɔkɔ.

## 7

### *Yesu yúnpyé náh sē ñ yõ*

<sup>1</sup> Képah náh, Yesu sò me yõ sɔkɔ n kɔ n kõ Kalile gběnyah sɔkɔ. Té Nsyifunɔ yõtām-á sò me n yah n kõ ñ kòmɔ-ńsahle Nsyude gběnyah sɔkɔ sē, képah ye à náh tō sò me ké tyí ne, pé kɔ kõ nēnpó.

<sup>2</sup> Té Nsyifunɔ kènkàl sò syáh\* sò me de n te.

<sup>3</sup> Yesu yúnpyé† me yo ñ tyí ne ńkē, à yal ásò, à mó yuku Nsyude gběnyah sɔkɔ, ñ sò tēpú tɔ kõ pè ñ tyípínó we.

<sup>4</sup> Nkē névi nê-à me ké tyí ne no pé dükù pī, tē náh ñ tyile n pi sètɪn sò sɔkɔ. Té ñmɔ-á tyi nóno ne n pi yò, wáh yīne à séle n pi n wilki n mɔ, no kõ pè à we.

<sup>5</sup> Nte Yesu yúnpyé ntē náh sò me sē ñ yõ.

‡ 6:67 6.67 - Yah n te Likyi 6.13-16. \* 7:2 7.2 - Nsyifunɔ kènkàl sò syáh mène, pè sò ńkēne kè syah sèpɪn kwártõnɔ, ñ té ne n sē kènkàl sò. Képah sò pé dyole n to n kõ pé yèvyàhrɪ pínóle gběnnɪ sɔkɔ, ànê Liyel-á pè yohɪn mɔ dükù nēne. Yah n te Levitiki 23.34. † 7:3 7.3 - Yesu yúnpyé nóno tyí-á n yo ásò sɔkɔ yò, tükù sòno sɔkɔ, ñ kèkürkí núkú gbām ye à n ye. Té tükù sòno sɔkɔ mó, ñ kèkürkí núkú gbām náh à n ye.

6 Képah sɔkɔ, Yesu me ne ké gbī náh tǒnì se péwɔ tyí. Gbímegbí-á se me yínénóle pépi tyí té.

7 Kèkōyó névyé náh fě pépi dyɔ yɔ n pi. Nte pǎh me péwɔ wɔ dyɔle n yɔ, páh sǒnpíle kéle n yo n wah ne pé tyípínì náh me plɛ.

8 Pépi dɔkɔ n yuku kéne syáh sɔkɔ. Péwɔ tǔ wɔ tyí, ké gbī náh tǒnì se. Képah-á, pé náh n kyɪ n pi.

9 Wǎh képah yo tɛ, à wǔ Kalile sɔkɔ.

*Yesu ménóle Nsyifunɔ kènkǎl sǒ syáh sɔkɔ, Yerusalemi kwíl*

10 Té ñ yúnpyé-á sɔkɔ tɛ syáh mè sɔkɔ, ñmɔ tɔ yuku nénpó nyáh sǒ. Té à náh sǒ ye névyé kǒ pé à wɛ. A kè pɪ wǒbìnsɔkɔnɔle kannɛ.

11 Té Nsyifunɔ yǒtǎm mó me ñne n yah n kǒ syáh mè sɔkɔ, té me n piki n yah nɛ, nýǎh se ñne nɪ?

12 Képah sɔkɔ, tówú mè névyé tyah Yesu tyíle n yǎh tǒtò. Pé túkù sǒ me n yo ne négbí-á ñne, túkù mó me n yo ne sǔ náh, ñmɔ-á pyě n pilki névyele ñkě.

13 Nte Nsyifunɔ yǒtǎm tíkí sǒ me pé tǔ. Kǎh pɪ sǔ, pé sɔkɔ yó ñtǔ náh tǔ wɛ ñ yǒ wilki mɔ à yo Yesu tyí sɔkɔ.

14 Syáh mè sǒ me ké nuyó sɔkɔ,‡ té Yesu dɔkɔ pɔ Liyel ní-ńsah gbô sɔkɔ, à pɔ kwónóle n pɪ.

15 Té wǎh kwónó nêne n pɪ, kè Nsyifunɔ yǒtǎm gbǎn du. Pé me tyah n yo wǔ tyí nɛ, dí mè se wɛ nýǎh pnèno mè dùkùle nɪ? Té à náh se mó tǒ kǎrn ñgbě pɪ.

16 Képah sɔkɔ, Yesu me yo pé tyí nɛ ñkě: «Máh kwónóle n pɪ tyi nóno yǒ yò, ñmɔ náh sǒ tǔ séle dé, Liyel nê-à tekɪ mɔ ñne, ñmɔ ye n wǔkɪ séle.

17 Névi nê-à kè yah tokɔ ne pé Liyel dyɔ dyɔ tǔne n pɪ, tǔ wɔ ye kɪ fě ké gbɪ pǐ, Liyel-à kɪ nê wǔkɪ ñne séle, képah náh pɪ, ní yah yǐ kwónó-à kɪ nɛ mé n pɪ.

18 Névi nê-à ñ yah yǐ tyile n yo, ñ gblǒy yǐn gbílki-ńsah ye à n yah n kǒ. Nte névi nê-à me ké tyí nɛ pé tyí pól pɪ, pé tǒ-ò yǐn mó gbilki, négbí ye tǔne. Pílkí-ńsah náh me tǔ tyí pólle.

19 Moyisi náh Liyel tyi kǒnsàhnóle yé kǒ di? Nte yé sɔkɔ yó ñtǔ náh se me n kɔ ké wǔkɪ yǒ nɪ? Sǒ pɪ té yé n yah n kǒ ñmɔ kònmɔ-ńsahle wé?»§

‡ 7:14 7.14 - Syáh nê tyí-á n yo ásò sɔkɔ yò, sèpìn kwártɔnɔ ye sǒ kè n syah.

§ 7:19 7.19 - Yáh wɛ Yesu képahle n yo, kè me yónóle Moyisi tyi kǒnsàhnó sɔkɔ ne ñkě: «Káh nékókè mɔ.» Yah n tɛ Yálnó sébéy 20.13, ànê Nsyõ 5.18.

20 Képah tẽne, tówû à syah ne sétõ-á me ò soko, à kõ à képahle n yo, nõte nê se ne páh òne n ko n mo ni?

21 Yesu me tõi yo pé tyí ne: «Tyi núkú yó ó\* náh mé pi, té yé pól gbàn du yò di?

22 Moyisi náh mo yéle kòkè kònó soko di? Nte òmo òtẽ náh tyah ké gbenne dò, ò náh tãn ye tyah kéle. Té yé náh me piyíle n kõi mi mi yòh sòle di?†

23 Nte yépi-à kòkèle n kõi mi mi yòh sòle, ne yé káh pò Moyisi tyi kònsahnó dèl pi, sõi pi té òmo-á névi yòtàhsyi pól de mo mi mi yòh sòle, yé ò dyole n yo wé?

24 Yé káh tyile n wah à yĩne yí yáhnóle. Yé séle n wah gbi wèkì yõ.»

*Yesu se Liyel ney yáhtokonole?*

25 Képah soko, Yerusalemi tãn tókù sò me n yo ne òkè, dí nê-á sò pé n yah n kõi ne pé ko mo, òmo kó yò ni?

26 Nte pé yah à n wèki tówû niyó, té pé náh me n vi n mo ò tyí lé! Yòtãm se ki pyè me kè fẽ syi ne, òmo-á Liyel ney yáhtokonole ni?

27 Té Liyel ney yáhtokonon-à sò nène pò, névi náh ò wìl-nsah pĩ n pi, òte pépi-á dí mè wìl-nsah pĩ dò.

28 Képah ye, Yesu-á me névyele n kwò Liyel ní-nsah gbò soko, à yo pé tyí yínpõ ògbène ne: «Yé òne n pne, té ò wìl-nsah pĩ yé yo kè? Nte òmo náh pò ò gblõy yõ sè dé! Liyel nê-á teki mo òmole, à me gbi ó ò tòó, òmo nê-á yé náh òne n pne.

29 Nte òmo wò wil ò tñò. Mé òne n pne, ànê òmo ye teki mo òne.»

30 Képah tẽ soko, pé tyah Yesu tẽ-nsahle n yah n kõi. Té káh pi ò gbì náh tònì sò me se sè, ònì yó òtẽ náh tẽ we gbò tũ ò tyí.

31 Nte tówû mè soko névyé náhnáh sò me sè ò yõ, té me n yo ne, té Liyel ney yáhtokonon-à sò nène pò, à se ki pò gbìl tyi pi ki kal dí mè tyíle yò ni?

*Liyel ní-nsah gbò syíkípú tékinmonole ne pé kyi Yesu tẽ*

32 Té tówû-á sò me tyi nónonè n yãh tòtò Yesu tyí soko, sè pò we de Farisi wèkì kópú níki soko. Képah soko, pépi ànê

\* 7:21 7.21 - Yah n te Nsyõ 5.1-16. † 7:22 7.22 - Liyel lésò yégbékè kwò mo Abrahmune té yo ò tyí ne, pé ònpi pólle n kõi pé dúbinó sèpìn kwártò-ò sònóle. Képah-á ki pi yégbékè kwónmonon mè pókónmonole. Képah ye, lésò-à sõi pò yĩne mi mi yòh sòle, Nsyifunò kéle n pi. Yah n te Yenesi 17.10-12.

sárká syínwìlkìpu yõtãm me Liyel ní-ńsah gbô syíkípú tekú mɔ ne, pè kyí Yesu tẽ.

33 Pãh pɔ, Yesu me ne: «N̄mɔ kɪ me yéle kɪ wró kwéy ó pɪ n̄tõ,‡ té kɪ sɔkɔ n̄ tékínmɔ-ò tñô.

34 N̄mɔ-á kɪ n me n pi n̄yãh sɔkɔ, yépi náh fẽ n kyí nénpó. Képah ye, yé kɪ n̄ yah kɔ́ té yé náh n̄ we n pi.»

35 Wãh yo sẽ, Nsyifunɔ núkú tyah n yo wẽ tyí ne, n̄yãh se n̄mɔ kɪ n yuku n pi, té pépi kɪ à yah kwlo nɪ? Nkẽ pé no Nsyifunɔ nónó-á me karkɪ tẽ tẽ kɔ́ nékáhbí wró, pépi tyí se pyè à kɪ yuku, kɪ kyí nékáhbíle n kwɔ nɪ?

36 Nkẽ welo nónó-á à yo yò ne nkẽ: «N̄mɔ-á kɪ n me n pi n̄yãh sɔkɔ, yépi náh fẽ n kyí nénpó, képah ye, yé kɪ n̄ yah kɔ́, té yé náh n̄ we n pi.» Sépi kór se n̄ne nɪ?

### *Ni nê-á minne n kɔ́*

37 Syáh gb̄ȳìkì téy sòle, nê-á pɪ ké gb̄ȳìkì ñgb̄ene, Yesu yuku yīn tówú sɔkɔ, té yo yīnpɔ́ ñgb̄ene ne: «Níkì-à me nê tẽ, tẽ pɔ́ n̄mɔ tyí, à pɔ́ wɔ.‡

38 Névi nê-à sẽ n̄mɔ yõ, min yrey kɪ n fwo n wil tẽ sɔkɔ, sɔ́-á Liyel wey sébéy yo kéle.»

39 Liyel Mirki nê-á sò Yesu yõ sěpú kɪ pɔ́ n we n pi, képah tyí ye sò Yesu n yo. Té légb̄ine, Yesu náh tñn̄i sò me dɔkɔ ñ tñr̄i yõ, képah ye Liyel náh tñn̄i sò me ñ Mirkile pè kɔ́.

### *Yesu tyí-á gbékínó nê dahbí tówú wró*

40 Tówú-á Yesu wey m̄e noh te, tókú tyah n yo ne nkẽ, Liyel t̄entò syínyo-ò\* nê-á pé syíkú tẽ, n̄mɔ-á dí m̄ene tótó.

41 Tókú mó ne, Liyel-á nê yah tɔkɔ, n̄mɔ-á. Té tókú tẽ wɔ mó ne, Liyel ney yáhntokɔnɔ† se kɪ fẽ wil Kalile gb̄enyah sɔkɔ nɪ?

42 Kè kó me yónóle Liyel wey sébéy sɔkɔ ne nkẽ, wãh kɪ pɪ yõtẽ dí Davidi pétóbé sɔkɔ yóle, té kɪ n dubi n pi Betlemú kwil,‡ képah nê sɔkɔ-á Davidi dubi dí?

43 Képah sɔkɔ, névyé sōnɔ pɪ sé tyí tyíle Yesu tyí sɔkɔ.

44 Tókú sò me n yah n kɔ́ ñ tẽ-ńsahle, ñte ñn̄i yó n̄tẽ náh tẽ we gb̄ò tũ ñ tyí.

‡ 7:33 7.33 - Wey m̄e yónteno náh, Yesu n̄wóló kénúkò kénkò pɪ, té pè à syi dahni yõ, à à ko mɔ. § 7:37 7.37 - Syáh m̄e sɔkɔ, pè sò nk̄ene pé dyole n to n kō ni tyíle, Liyel-á lésò n̄ne péle n kō gb̄enni sɔkɔ. Képah ye Yesu kō à ne níkì-à nê tẽ, tẽ pɔ́ wɔ péwɔ tyí. \* 7:40 7.40 - Yah n te Nsyõ 1.21 ; 6.14. † 7:41 7.41 - Yah n te Krista tyí yah yónó sɔkɔ. Kè kɪ we welo yah yónó sɔkɔ. ‡ 7:42 7.42 - Yah n te Mise 5.1.

45 Képah sɔkɔ, Liyel ní-ńsah gbô syíkípu pé syɪ sɔkɔ sárká syínwìkípu yòtām ànê Farisi wěkì kópú tnô. Pèpi me pè piki yah ne, sɔ se pi té pè náh Yesu tẽ po ni?

46 Pè me pè syah ne, dí mè wey kénkɔ náh me pólle.

47 Képah tẽne, Farisi wěkì kópú ne, è, pè se pyé ye à kɔ à pé tɔ yò yiki ni?

48 Pè se yòtẽ yó, képah náh pi, Farisi wěkì kó-ò yó we yah à sê Yesu yó ni?

49 Té kàh tówù mè névye tẽ wɔ léysi, pè náh Moyisi tyi kònsàhnóle n pne dò. Pé pól tyí-á yiki.

50 Té Farisi wěkì kópú nópi sɔkɔ yó sɔ me pè n ye Nikodemine, nê-á kyɪ wil yah Yesu tyí sɔ yóle. § Nmɔ me yo pé no tyí ne:

51 «À yĩne ápi tyi kònsàhnóle, á se yĩne à lékàhle névi kɔ, né á náh ñ vyàh wey noh, té pĩ tyi nónó-á à pi?»

52 Képah sɔkɔ, pé no à syah ne, è, Kalile gběnyah ney se ñ tɔle té à n wɛkì sê ni? Nkě, à Liyel wey sébéy tɔkɔ n sohlɪ n yah, wàh kɪ kè we ne, Liyel tẽntò syinyo-ò yó ñtẽ náh n wil Kalile gběnyah sɔkɔ.

53 [Képah náh, pé pól karkɪ sɔkɔ pé fné sɔkɔ.

## 8

1 Nte, Yesu wɔ mó sɔkɔ Wolivi yèh yòli yó.

*Fòfínpi pi yó tẽnponole Yesu tyí*

2 Té dındal séngbɔ púpúle, Yesu tɔ ñ syɪ po Liyel ní-ńsah gbô sɔkɔ, té no pól me po ñ tnô. A me kɔ tẽ à tyah péle n kwɔ.

3 Wàh me kwónó sɔkɔ, Liyel tyi kònsàhnó kwópú ànê Farisi wěkì kópú me po sê fòfínpi yóle ñ tyí. Pè po pi mè sah tówù niyó Yesu yah,

4 té Yesu syah ne, kwó-ò dí, páh pi mè we tẽ fòfíkì pínó sɔkɔ tótó.

5 Té Moyisi-á kè yo sah ñ tyi kònsàhnó sɔkɔ ne, sěnkɔ sê-á yĩne mínkònóle dyèhle.\* Té ñmɔ-á dò, ñmɔ se ne sɔ-á ni?

6 Pè sɔ me képah tẽne n yo sê, ne wàh kɪ pilki pé lékàh we à kɔ.† Nte Yesu me ñ yó sɪnki, té tyah n wárkɪ sétáh sɔkɔ ñ kěngbɔle.

7 Kàh pi sê, pè tɔ me yó sɔkɔ ñne n gbah n piki n yah. Képah tẽne, à me ñ yó yó té yo pé tyí ne: «Yé sɔkɔ ney nê-à

§ 7:50 7.50 - Yah n te Nsyõ 3.1-21. \* 8:5 8.5 - Yah n te Tõnyonɔ 22.22. † 8:6 8.6 - Pìlkintê-ńsah ye sɔ pè n yah n kɔ Yesule. Wàh kɪ ne pè à min kɔ dyèhle, Wrome tân dèl ye à pi. Wàh kɪ mó tɔ yo ne pè à fin mɔ, à Moyisi tyi kònsàhnó dèl pi.



κὶ με à náh tyípékè pɪ yah pólle, tẽ wɔ dáhkìle pi mè min gbenne.»

<sup>8</sup> Képah yóntenɔ náh, à tõ ò yõ sɪnki à tyah n wãrkɪ sétáh sɔkɔ.

<sup>9</sup> Pãh képah tẽ noh sɛ, pè tyah n sɔkɔ núkú núkúle, à tɔkɔ lékõlɔ ògbò tyí, pópó à pɔ gbàh sah Yesu ànê pi mè ó tyí nénpó.

<sup>10</sup> Képah sɔkɔ, Yesu me ò yõ yõ té yo pi tyí ne, nónó-á pɔ tɔkɔ à kɔ, òyãh se péle nɪ? Pé sɔkɔ yó òtẽ kó à mɔ kũ kɔ nɪ?

<sup>11</sup> Pi me ne, pé yòtẽ, ney náh pé mɔ kũ kɔ. Képah sɔkɔ, Yesu me ne: «Ñmɔ tɔ náh ò mɔ kũ kɔ n pi. Ne n yuku; té à tɔkɔ núkúnúkú tyí, káh n tõ tyípékè pɪ n yah.»]

### *Yesu ye kèkõyó kyòole*

<sup>12</sup> Képah náh, Yesu tõ yo névye tyí ne: «Ñmɔ ye kèkõyó kyòole. Névi nê-à òmɔ sò tẽ, tẽ náh tõ n kɔ n pi fɛntũ sɔkɔ. A kɪ kyòo we, nê-á kɪ minne à kɔ.

<sup>13</sup> Képah sɔkɔ, Farisi wɛkì kópú à syah ne, nê se kɪ sɛ ò tyíyónó yõ nɪ? Ñmɔ ó kó ò gblõy tàrfyòle yò nɪ?‡

<sup>14</sup> Yesu me yo pé tyí ne òkɛ: «Gbɪ tẽ wɔ ye òmɔ ye ò gblõy tàrfyòle ó, ònte òmɔ ò wìl-òsahle n pne, té ò yúkú-òsahle n pne. Képah ye, máh tyi nónó yo ò gblõy dùkú tyí sɔkɔ, gblɔ ye séle. Té yépi náh ò wìl-òsah pĩ, yé náh se mó tõ ò yúkú-òsah pĩ.

<sup>15</sup> Yépi tẽ wɔ lékàhle névyele n kɔ à yĩne névi yòtàhsyi sònole. Nte òmɔ wɔ náh lékàhle ònì yó òtẽne n kɔ.

<sup>16</sup> Té kàh se pɔ pɪ mé yĩne mè lékàhle ònì kɔ, mé náh kéle à kɔ n pi ò gblõy. Sú Liyel nê-á tekɪ mɔ òne, á kɪ kéle à kɔ wẽ tyí òmɔle. Képah ye, ò lékàh kónó kɪ pɪ gbɪ wɛkì yõ.

<sup>17</sup> Kè náh me wãrkìnsàhnóle yé tyi kònsàhnó sɔkɔ ne, népì ními-à pɪ tàrfyòle tir nê sɔkɔ, gbɪ-á kéle di?§

<sup>18</sup> Ñmɔ me ò gblõy tyíle n yo, té Sú Liyel nê-á tekɪ mɔ òne, òmɔ tɔ me ò tyíle n yo.»

<sup>19</sup> Képah sɔkɔ, pè Yesu syah ne, òyãh se ò súle nɪ? Yesu me ne: «Yé náh òmɔle n pne, yé náh ò Sú tɔle n pne. Yãh sò me òne pne, yé náhkɪ ò Sú tɔ pĩ.»

<sup>20</sup> Yesu sò me kwónóle n pɪ Liyel ní-òsah gbô fí yó sɔkɔ, òyãh-á ké pó kyésúkúle, té tyi nópi yo. Nte ò gbɪ náh tònì sò me se, képah ye ònì yó òtẽ náh tẽ we à tẽ.

### *Gbáhdyãh ònóle Yesu yõ sɛ-òkɛpú tyí*

‡ **8:13** 8.13 - Nsyifunɔ tyi kònsàhnó sɔkɔ, né tàrfyò névye náh ò nímine tir nê tyí, kéne tir náh n mɔ n kɔ. Yah n te Tõnyonɔ 17.6; Matye 18.16. § **8:17** 8.17 - Yah n te Tõnyonɔ 17.6.

21 Képah náh, Yesu tã yo tówû tyí ne: «Ñmɔ ye n sɔkɔ yò. Yé kɪ n yah n kɔ n pi, nte yé kɪ ku yé tyípékè sɔkɔ. Nmɔ-á n yuku nýãh, yépi náh fẽ n kyɪ n pi nénpó.»

22 Képah sɔkɔ, Nsyifunɔ ne, nte n̄ gblɔy ko mɔ dékè se kɪ pyè me à tẽ ni? A kɔ à n yo ne, pépi náh fẽ n kyɪ n pi péwɔ yúku-nsah sɔkɔ.

23 Yesu me yo pé tyí ne: «Yépile, sétáh yò névye ye yéle, té n̄mɔ wɔle, n̄mɔ wil ȳinyõ. Kèkõyó mè névye ye yépile, nte ké névi náh n̄mɔ wɔle.

24 Yáh we mé kéle n yo yé tyí ne yáh kɪ ku yé tyípêl sɔkɔ, yé náh me s̄é ké yò ne, Nmɔ-á, \* képah ye n̄ kɔ mé ne yáh kɪ ku yé tyípêl sɔkɔ.»†

25 Képah sɔkɔ, pé à piki yah ne, nê tẽ ó se n̄mɔle ni? Yesu me yo pé tyí ne: «Mé s̄ò kè yo te yé tyí ké tyah gbí dùkùle.

26 Tyi náhnáh me n̄ tyí yo yo tẽne yé tyí sɔkɔ ànê kɪ lékàhle yé kɔ. Nte máh nê noh n̄ tékínmɔ-ò tyí, képah ó ye mé n yo yé tyí. Ñmɔ ye gbɪ nètẽne.»

27 Nte pépi náh s̄ò me p̄i ne, Sú Liyel tyí-á Yesu n yo pé tyí.

28 Képah sɔkɔ, Yesu yo pé tyí ne: «Yáh pɔ Névi Pídí yò dɔkɔ gbí n̄ne, yé kɪ p̄i ne Nmɔ-á. Té kɪ tã p̄i ne mé náh tir yó n̄tẽne n pɪ n̄ yah ȳĩne. Sú Liyel-á tyi nónóné n̄ kwɔ, sépi ó ye mè n ne n yo.

29 Nê-á tekɪ mɔ n̄mɔle, mé me n̄ dyo ȳĩ tyile n pɪ gbímegbí, képah ye à me n̄ne, à náh n̄ sah n pɪ n̄ gblɔy.»

30 Yesu-á me képah yónó sɔkɔ gbí n̄ne, névye náhnáh s̄é n yò.

### *Nónó me Abrahami pétóbéle tótó?*

31 Képah tẽne, Nsyifunɔ nónó-á s̄ò s̄é Yesu yò, à me yo pé tyí ne: «Yáh kɪ me n̄mɔ tyíyónó w̄èkùle n kɔ, n̄ tò sáhpú kègblo ye yéle.

32 Yé kɪ gbule n pne, té kéne gbɪ kɪ yé wilki yõri sɔkɔ.»

33 Képah sɔkɔ, pé me Yesu syah ne, Abrahami pétóbé-á pépile. Pépi náh pɪ yah n̄n̄i yó n̄tẽ yõbule pólle. Nte à se s̄õnpúle n yo ne, pépi-á kɪ wil yõri sɔkɔ ni?

34 Yesu me yo pé tyí ne: «Kègbɪgbɪ tẽ yò, mé kéle n yo yé tyí, névi nê-à tyípékèle n pɪ, tyípékè yò ye tẽne.

\* 8:24 8.24 - Nmɔ-á nê tyí-á n yo ásò sɔkɔ yò, Liyel n̄gbò ye lésò n̄ gblɔy ye Nmɔ ye N̄mɔle. Té Yesu to-á pɔ n̄ gblɔy ye Nmɔ yele, képah kéle n w̄èkɪ ne Liyel-á n̄ne. Yah n te Yálnó 3.14. † 8:24 8.24 - Kũ nê tyí-á Yesu yo ásò sɔkɔ yò, kũ gbɔy tyí náh à n yo, Liyel tyí t̄n̄ kũ tyí ye à n yo.

35 Yõle, n yõtẽ dí gbô sɔkɔ tẽ-ò kúmm náh ònne. Nte yõtẽ dí pídí tẽ wɔle, n sù gbô sɔkɔ tẽ-ò kúmm ye òmɔle.

36 Képah ye, Liyel Pídí-à yé wilki yõrɔ sɔkɔ, yé kɪ me yé gblõy yõ kègbɪ tẽ yõ.

37 Mé pĩ ne Abrahmɪ pétóbé-á yéle. Nte yáh òmɔ welo yahle, képah ye yé kõ yé n yah n kõ ní kònmɔ-òsahle.

38 Nmɔ-á nê we ní Sù Liyel tyí, képah ye mé n yo. Yépi tɔ-á mó tyi nónó noh yé sù tyí, sépi ye yé n pɪ.»

39 Páh Yesu wey noh sɛ, pè à syah ne, Abrahmɪ-á pépi súle. Képah sɔkɔ, Yesu ne: «Yáh sò me Abrahmɪ pétóbéle, yé náhkɪ me Abrahmɪ tyípínìne n pɪ.

40 Nte núkúnúkú, òmɔ nê-á gbɪ noh ní Sù Liyel tyí à yo yé tyí, yé n yah n kõ òmɔ kònmɔ-òsahle. Abrahmɪ náh sɛnkõ pɪ dò.

41 Yépile, yé sù tyípínó ye yé n pɪ.» Képah tẽne, pè à syah ne, fòfíkì‡ pínó sɔkɔ náh pépi dubi dé! Nkɛ Sù núkú ó-á pépi tyí, nê-á Liyelle.

42 Yesu me yo pé tyí ne: «Liyel tyí ye òmɔ wil à pɔ. Nmɔ náh pɔ ní gblõy yĩn yõ dé! Nmɔ ye tekɪ mɔ òne. Nte Liyel-à sò me pɪ yé Súle kègbɪ yõ sɔkɔ, òmɔ tyí náhkɪ me nɔ yé tyí.

43 Yé yahle ní welo nóhnóle, képah ye yé náh ní welo syíkí-ntàn pĩ.

44 Yépi súle, sétàn yõtẽ ye ònne. Nmɔ dyɔ yíi tyi ye yé me ké tyí ne yé ne n pɪ. Nékokè mɔ-ò ye òne ògbò dùkùle. Wáh pɪ gbɪ náh me ò sɔkɔ, à náh mó gbɪ wɛkìle n kɔ pólle. Wáh pɪ mìnì yó-òle, wáh mìnìne n yo, á kéle n yo à yĩne ò gblõy kèdùkùle. Mìnì yónó yõ wil òmɔ tyí.

45 Nte òmɔ tẽ wɔle, òmɔ gbɪle n yo, képah ye yé náh me sɛ ní yõ.

46 Yépi sɔkɔ nê tẽ kɪ fɛ kè wɛkɪ ne máh tyí pékè pɪ? Nte máh gbɪle n yo, kwáh nê pɪ té yé náh sɛ ní yõ?

47 Liyel tyí névi-à névi nêne, òmɔ Liyel weyne n noh n tẽ n yĩn. Nte Liyel tyí névyé náh yépile, képah ye yé kõ yé yahle sé nóhnóle.»

### *Yesu me Abrahmɪ yah*

48 Képah sɔkɔ, Nsyifunɔ Yesu syah ne, gbɪ kó me pé tyí pé yo ne, Samari ney-á òne, ànê sétõ-á me ò sɔkɔ nɪ?

49 Á me yo pé tyí ne: «Sétõ náh me òmɔ sɔkɔ. N Sù Liyel ye mé n gbilki, té yépi me òmɔle n yilo.

‡ 8:41 8.41 - Liyel wɛkì kó-òkɛ pèpeyne, Liyel wey kéle n tɔkɔ n sáh fòfíkì pínóle.

50 Nmɔ náh me n yah n kɔ́ n gblɔ́y gbílki-ńsahle dé. N gbílki-ò n gblɔ́y ńmɔle. Nmɔ ye gbɪ syínkɔ-òle.†

51 Kègbɪgbɪ tẽ yõ, mé kéle n yo yé tyí, névi nê-à n sah ńmɔ yóré yõ, tẽ náh kũ do n yah n pi pólle.»\*

52 Képah sɔkɔ, Nsyifunɔ à syah ne, páh pyẽ kè pĩ yíi núkúnúkú tẽne ne sétò-á me n sɔkɔ. Abraham-á ku, Liyel tẽntò syínyopu tɔ me ku. Nte ńmɔ pɔ n yo ne, névi nê-à n sah péwɔ yóré yõ, tẽ náh kũ do n yah n pi nɪ?

53 Pépi sú Abraham-á ku. Nte ńmɔ se me n sɔ ne páh kal Abrahamne nɪ? Liyel tẽntò syínyopu tɔ me ku. Té ńmɔ tẽ se me n gblɔ́yne n yah nédúkú nêne nɪ?

54 Képah sɔkɔ, Yesu yo pé tyí ne: «Mâh náhki sò me n gblɔ́yne n gbilki, yõ náh me gbílkinó mè tyí. Nte n Sú Liyel ye n gbilki ńne, ńmɔ nê-á yé ne, yé Liyel-á ńne,

55 té yé náh se mó tɔ me ńne n pne. Nte ńmɔ wɔ ńne n pne. Mâh sò me yo ne, mé náh ńne pne, mé náhki pi mìnnyole yé tyí kòle. Nte ńmɔ ńne n pne, té me n sah n yóré yõ.

56 Yé sú Abraham sò me nìvìnì sɔkɔ ne, pé ńmɔ pɔ sɔ gbìyìkì we. A me pɔ kè we, kè pi nìvìnìne n tyí.»

57 Képah sɔkɔ, Nsyifunɔ me à syah ne, ńmɔ náh tɔnì ye tikinini pò gbãm we, té ne páh Abraham we nɪ?

58 A me yo pé tyí ne: «Kègbɪgbɪ tẽ yõ, mé kéle n yo yé tyí, Abraham-á pópó n dubi, Nmɔ me.»

59 Wãh képah yo sɛ, pè núkú dyéh kwel n tyí ne páh ńne n minki.† Nte à me wõbɪ à wil Liyel ní-ńsah gbô sɔkɔ à sɔkɔ.

## 9

### *Yítú dí yó yí yíkínmɔnɔle*

1 Sò yóle, Yesu sò me n kɔ n sɔkɔ té dí yó we, nê-á sò me yítúne n dubi gbí òkùle.

2 Képah sɔkɔ, Yesu tò sáhpú à piki yah ne, pé kwó-ò dí, sɔ se pi té dí mè dubi yítúne nɪ? Nmɔ tyípekè pínó se, tĩ n dúbípú tyí se?

3 A me yo pé tyí ne: «Nmɔ, képah náh pi n dúbípú tyípekè pínó náh à kɔ́ à dubi yítúne dé! Kè ye pi Liyel tyípinì wèkú yinne n sɔkɔ.

4 Nê-á tekɪ mɔ ńmɔle, tyah kyòo sɔkɔ ye á yĩne à tòle n pi n tyí. Nkẽ lékãh me n pi, nê sɔkɔ-á ney náh fẽ tò pi n pi.

§ 8:50 8.50 - Gbɪ syínkɔ-ò nê tyí-á n yo ásò sɔkɔ yò, Liyel ye. \* 8:51 8.51 - Kũ nê tyí-á n yo ásò sɔkɔ yò, yah n te 8.24. † 8:59 8.59 - Liyel tyi kònsàhnó wèkú sɔkɔ, névi nê-à yo de Liyel tyí, pè yĩne pè tẽ min ko dyèhle.

<sup>5</sup> Máh fyò me kèkõyó soko, ñmo ye kèkõyó kyòole\* ní me gbí pól soko.»

<sup>6</sup> Wǎh képah yo te, à sìn mo sétáh té kè fǎh à kele yítú dí yí yah.

<sup>7</sup> Té me yo ò tyí ne à kyí ò yah wu pékì tũnsàhnó yó ni soko, nê-á pè n ye Silowele. Silowe kór ye Těntò névile. Yítú dí me soko à kyí ò yah wu nénpó. Wǎh ò syí n pi gbí nêne, à sò me n yah.

<sup>8</sup> Képah soko, ò tnô tǝpu ànê nónó-á ñkǝne ñne n we à n ne me n ni n syí, pǎh à we pè me yo tũ ne, dí mè kó ñkǝne n kǝ n tǝ ne n ni n syí yò ni?

<sup>9</sup> Túkù ne ñmo-á, túkù mó ne ñmo náh, yǎhnkõ-á à to. Pǎh me képah soko, dí me yo pé tyí ne péwo-á tótó.

<sup>10</sup> Wǎh yo sǝ, pè me à piki yah ne, ò yí se pi sǝ té yiki mo ni?

<sup>11</sup> A me yo pé tyí ne, dí nê-á pè n ye Yesule, ñmo-á fǎhkì pi, té kè kele pé yí yah, té ne pé kyí pé yah wu Silowe yo soko. Pé me soko kyí pé yah wu nénpó, pé me fǝ n yah.

<sup>12</sup> Pè me à syah ne, kéné dí se me ñyǎh ni? A me ne pé náh pĩ.

*Farisi wǝkì kópú-á sóhlinyahnò nê pi yítú dí yí yíkínmòno tyí soko*

<sup>13</sup> Képah soko, yítú dí nê yí-á yiki mo, pè à tǝ po Farisi wǝkì kópú tyí.

<sup>14</sup> Té mi mi yòh sò ye mó tǝ lésò Yesu fǎhkì pi à dí yí yiki mo.

<sup>15</sup> Képah soko, Farisi wǝkì kópú dí piki yah ne, sǝ se kè pi té à fǝ n yah núkúnúkú ni? A me yo pé tyí ne, fǎhkì-á à pi kele pé yí yah, té pé me kyí pé yah wu, pé me fǝ n yah.

<sup>16</sup> Képah tǝne, Farisi wǝkì kópú túkù sò me n yo ne ñkǝ, dí mè náh fyò me mi mi yòh tǝ dǝlle n tǝ, képah-á n wǝki ne à náh wil Liyel tyí.† Nte pé túkù mó me n yo ne, tyípél pí-ò se ki fǝ gbíl nópi òkù pi sǝ ni? Kǎh pi sǝ, pé sǝno pi sé tyí tyíle.

<sup>17</sup> Pè me tǝ pé syí dí mè syah ne, nê-á yiki mo ò yíle, ñmo se ki yo sǝ tǝ tyí soko ni? Dí me ne, Liyel tǝntò syínyo-ò-á ñne.

\* 9:5 9.5 - Yah n te Nsyõ 8.12. † 9:16 9.16 - Yáh we Farisi wǝkì kópú túkù ne Yesu-á me mi mi yòh dǝlle n pi, pépi tǝ sǝno soko, wáh névi de mo mi mi yòh sǝle, tò ye á pi.

18 Nte Nsyifunɔ yõtãm náh sò me ké tyí ne pé sě ké yõ ne, yítũ-á sò òne, té núkúnúkú à me n yah. Kãh pi sě, pè òn dúbípú ye pɔ,

19 à pɔ pè piki yah ne, pépi pídí se dí mène ni? A se dubi yítũne ni? Nte à se pi sò té fě n yah núkúnúkú ni?

20 N dúbípú me yo pé tyí ne, páh pĩ ne pépi pídí-á òne; wãh dubi yítũne.

21 Nte tir nê tẽ wɔ-á pi té à fě n yah núkúnúkú, pépi náh képah wɔ pĩ, pé náh se mó tõ pĩ nê-á yiki mɔ òn yíle. Nkě pè à piki yah, wẽnpir náh tõ òne; wãh ki fě ké yah yo òn gblɔy.

22 Nsyifunɔ yõtãm tiki sò me pè tẽ, képah ye pè kɔ pè n weki sě. Nsyifunɔ yõtãm sò me ké yo sah te ne, névi nê-á ki ne Liyel ney yáhtɔkɔnɔ-á Yesule, tẽ-á ki yĩni wilki pépi wěkì sɔkɔ.

23 Képah ye, òn dúbípú kɔ pè ne, wẽnpir náh tõ òne, pè à piki yah.

24 Képah sɔkɔ, Farisi wěkì kópú tõ dí mè ye yah ke ní-òle nê-á lésò yítũne, té yo òn tyí ne, ké Liyel wěkì tẽ yõ, à gbi yo pé syah. Pépi-á pĩ ne òn yí yíkínmɔ-ò dí mène, tyípèl pí-ò-á òne.

25 Dí me ne, pé náh pĩ tyípèl pí-ò-á ki nê òne dé! Tyínúkú ó-á péwɔ n pne: Yítũ-á sò péle, òne núkúnúkú páh me n yah.

26 Pè me à piki yah ne, tir nê se Yesu pi òn tyí ni? Dùkù nê se à yiki mɔ òn yíle ni?

27 Dí me ne, páh sò kè yo te pé tyí, té pè náh pé níki sah kè noh. Nte sò se té pè tõ me ké tyí ne, pé kè yo pé noh ke ní-òle ni? Pépi tó se pyě me n yah n kɔ ne, pé pi òn tò sáhpúle ni?

28 Képah tẽ sɔkɔ, pè tyah òne n gbyɔ, té ne níké, òmɔ-á kéne dí tò sáh-òle dé! Pépi tẽ wɔle, Moyisi tò sáhpú-á pépile.

29 Páh pĩ ne Liyel-á yo mɔ Moyisi tyí.‡ Nte dí mène, pé se òn wĩl-nsah nítẽne n pne ni?

30 Páh yo sě, dí me yo pé tyí ne, é! Té képah-á pyě pi gbẽndùnĩne yò sò. Pépi náh òn wĩl-nsah pĩ pè yo. Nte wãh péwɔ yí yiki mɔ dé!§

‡ 9:29 9.29 - Liyel yáhkì yãh Moyisile, wãh òn tyi kònsàhnòle òne n kɔ gbí nêne. Yah n te Yálnó 33.11; Yáhnó 12.8. § 9:30 9.30 - No nópi me n yo ásô sɔkɔ ne, pépi náh Yesu wĩl-nsahle n pne. Nte kè mó tõ me yónòle Yesayi 35.5 ; 42.7 sɔkɔ ne níké, Liyel ney yáhtɔkɔnɔ-á ki yiki mɔ yítũbi yíle. Nénpò sɔkɔ, pè sò yĩne pè pĩ ne Yesu-á Liyel ney yáhtɔkɔnòle.

31 Pé pól-á pĩ ne, Liyel náh tyípêl pí-ò nírile n tẽ. Nte névi nê-à pi négbíle, té Liyel dyo yíi tyile n pi, ă tẽ wɔ nírile n tẽ.\*

32 Nte kèkõyó-á me sɔ̃, pépi náh kè noh yah ne, ñnî-á yítû yó yí yiki mɔ, nê-á dubi yítûne dé!

33 Dí mè-à sò me wìl-ñkēne Liyel tyí, à náh náhki fẽ tir yó ñtẽ pi n pi dò!

34 Képah tēne, pè à syah ne, ñmɔle dubi ñ tóo tyípékè ó sɔkɔ, té ñmɔ ki pɔ ne páh pépile n kwɔ ni? Té núkú à yīni wilki kégbó.

### *Nónó-á yítûbile Liyel tyí ñinne*

35 Képah sɔkɔ, Yesu-á kè noh ne páh dí yīni, à kyi à yohnu té à piki yah ne: «Á se sē Névi Pídí yō?»

36 Dí me ne, pé yõtẽ, nê se Névi Pídí mēne ni? A ñ tyí yo pé syah, pé kɔ pé we sē ñ yō.

37 Képah tēne, Yesu me yo ñ tyí ne: «Á ye à we te. Nmɔ ye n yāh ále núkúnúkú yò.»

38 Dí-á képah noh sē, à ne páh sē ké yō, Tẽ ñgbẽ. Té me gbètukunɔ di Yesu yah, à à gbilki.

39 Képah sɔkɔ, Yesu ne: «Gbɪ wah yīn ye ñmɔ pɔ kèkõyó mè sɔkɔ; ne yítûbi yí yiki mɔ, té nónó-á me n yah pépi pi yítûbile.»

40 Képah sɔkɔ, Farisi wěkì kópú nónó-á sò me ànê Yesule, pépi-á welɔ nópi noh, pè Yesu piki yah ne, ñte yítûbi se pyé pépi tɔle ni?

41 Yesu me yo pé tyí ne: «Yāh sò me yítûbile, tyípékè náh náhki n me n pi yé yō. Nte núkúnúkú yé ne yáh me n yah, képah ye yé tyípékè me yé yō.»

## 10

### *Képyénfẽ pèpeyne*

1 Képah náh, Yesu tɔ yo pé tyí ne: «Kègbɪgbɪ tẽ yō, mé kéle n yo yé tyí, névi nê-à n dé-ñkēne képyénì tũ yahle, té n dɔkɔ n de ké sɔkɔ ké gbòpɔ yóle, yēnwó ye tēne, névi yō syíkí-ò tɔ ñne.

2 Nte nê-à n de ké yahle, képyénfẽ ye tẽ wɔle.

\* 9:31 9.31 - Yah n te Sèmirn 15.29.

<sup>3</sup> Tũ syíkí-ò dí ké yah yíkí n mọ̀ òmọ̀ kǎ. N képyénì n yíne n pne.\* Wàh de, n tyí-á képyénì nónónè, ǎ sé ye n wil sé ynine kégbó.

<sup>4</sup> N képyénì-á n yíne n pne sě, képah ye wàh sé pól wilki mọ̀ te, à n yín sé yah, té sě n sò tě.

<sup>5</sup> Nte sàh névi nê yíne n pnè-ńkēne, sè nàh tě sòle n tě pólle. Sè n to n gbe n mọ̀ fí ńne ńtēne.»

<sup>6</sup> Yesu kéné sèmĩrkĩ yǎh tówũ tyí, nte pè nàh ké kór pĩ.

<sup>7</sup> Képah sọkọ, Yesu tǔ yo pé tyí ne: «Kègbıgbı tě yǔ, mé kéle n yo yé tyí, ńmọ̀ ye képyénì tũ yahle.

<sup>8</sup> Nónó pól-á ní dyàh tě pọ̀ sọkọ te, yěnwóbé ànê névyè yǔ syíkípú ye péle.† Nte, képyénì nàh mó fě syi noh pé tyí.

<sup>9</sup> Nmọ̀ ye dénsahle. Névi nê-à de képahle, tě kɪ pwah. Tě kɪ fě n de, té kɪ ńne n syi n wil kɪ n yǔkele n we.

<sup>10</sup> Té yěnwó wọ̀-à n pi, yĩbe, ànê nékókè mónó, ànê yényèh pi yín ó ye à n pọ̀. Nte ńmọ̀ pọ̀ ne névyè min we, nê-á ple yíi.

<sup>11</sup> Képyénfě pèpèy ye ńmọ̀le. Kàh sǔ n nọ̀ kũ tyí, képyénfě pèpèy n fě n syi n min kǎ n képyénì yinne.

<sup>12</sup> Nte pọ̀ yáhnkǎ-ò képyénfě tě wọ̀le, képyénfě kègbı nàh ńmọ̀le dé! Nmọ̀ yěngbé tyí nàh képyénì nópìle. Képah ye, wàh fyò gběnpàh we à n pi, à n to n té képyénì milki, à kǎ à n pọ̀ n tě sé sọkọ, sé téló n mó n to n karkı.

<sup>13</sup> Pó ó kókó ye ńmọ̀ n yah n kǎ dò. Yíkínó-à sǔ n pi képyénì sọkọ, kè nàh n pi tirlè ńmọ̀ yah.

<sup>14-15</sup> Képyénfě pèpèy ye ńmọ̀le. Sǔ-á Sù Liyel ńne n pne, té ní to ńne n pne, sě ó ye, mé ní képyénìne n pne, sé to mó ńne n pne. Nmọ̀ kɪ ní min kǎ ní képyénì yinne.

<sup>16</sup> Képyénì túkù me ní tyí, nónó-á sè nàh me tũ mè sọkọ. Sè kɪ n noh n pi ní tyí. Mé yíne mè n kyi sè yah n fě fě n pọ̀ n kwro n mọ̀ sè pi tũ núkùle, képyénfě‡ núkú ó mó séle n fě.

<sup>17</sup> Nmọ̀ kɪ ní min kǎ kũ sọkọ, té kɪ tǔ pọ̀ kè syi n pi. Képah ye, ní tyí nọ̀ Sù Liyel tyí.

<sup>18</sup> Ney nàh fě ní ko n mọ̀ n pi dé! Nmọ̀ ye n kǎ ní minne ní gblǔy. Těnweno me ní tyí kɪ fě kè kǎ, těnweno tǔ me ní tyí kɪ fě kè syi ńtǔ. Sě ye ní Sù Liyel ne mé pi.»

\* **10:3** 10.3 - Nsyifunọ̀ tyí sǔ, képyénfěbı nàhnàh sǔ ńkēne pé képyénìne n kwro n mọ̀ n dah n mọ̀ n pọ̀ tũ núkú sọkọ, n té ńńí yó tǔkọ n sah, ǎ séle n syíkí lékǎhne yípú ànê gběnképèl yinne. Pé pól ńkēne yni sah pé képyénì kǎ. Pé képyénì pé yínole n pne. Tyah-à fyò dal, pè pé képyénìne n ye n wilki n pọ̀ sé ynine. † **10:8** 10.8 - Yah n te Nsyeremi 23.1-2; Yesekyelh 34.2-10. ‡ **10:16** 10.16 - Képyénfě nê tyí-á Yesu n yo ásò sọkọ yò, n gblǔy ye à n ye.



19 Képah tẽne, Nsyifunɔ-á welo nópi noh sɛ, pé sɔnɔ tɔ kah pi sé tyí tyíle.

20 Pé náhnáh tyah n yo ne níkɛ, sétɔ yó-á me n sɔkɔ, n yògbèkè kɔ kè yuku. Yó se tɔ me ké tyí, pè n welole n nohni ni?

21 Nte tókù mó ne níkɛ, yògbèkè yúkú-ò welo náh welo nópile dé! Yògbèkè yúkú-ò se ki fɛ yítù yí yiki mo ni?

*Nsyifunɔ tókù-á Yesu yahle dùkù nêne*

22 Képah sɔkɔ, kwòviri gbíne, syáh yó sò me n syah Yerusalemi sɔkɔ, nê-á Nsyifunɔ dyole n to n kɔ Liyel ní-ńsah gbô tɔnsàhnsɔkɔnɔ tyíle.

23 Képah sɔkɔ, Yesu sò me n kɔ n kɔ Liyel ní-ńsah gbô párn yó sò, nê-á pè n ye Salomo párnne.

24 Nsyifunɔ yísyó me pɔ à mo gbí té yo n tyí ne, à se ki pépi mo sah tótò sɔkɔ, pópó ki pɔ nɔ gbí nê tyí ni? Nmo-à ki nê Liyel ney yáhtɔkɔnɔle, à kè yo n dal n mo pé syah kè!

25 A me yo pé tyí ne: «Mé kè yo te yé tyí, nte yé náh sɛ ké yó. Tyi nóno-á mé me n pi ní Sú Liyel yín yó, sépi ye me ní tyíle n yo n wah.

26 Nte yé náh pi nmo képyénine sɛ, képah ye yé kɔ yé náh sɛ ké yó.

27 Nmo képyénì tɛ wo ní weyne n nohni, mé séle n pne, ànê sɛ ní sò tɛ.

28 Mé ki tyé-ńíkɛ minne sè kɔ. Sé tyí náh n yiki n yah n pi, ànê nnì yó ńtɛ náh fɛ sè tɛ n syi ní gbò.

29 Nmo Sú nê-á séle ní gbò dahbi, nmo kal yíyín pólle. Képah ye, nnì yó ńtɛ náh fɛ sè tɛ n syi nmo gbò sɔkɔ.

30 Nmo ànê Sú Liyel me nukúle.»

31 Képah tẽne, Nsyifunɔ tɔ dyèh tɔ ne páh Yesule n min n ko.

32 Nte à me yo pé tyí ne, Sú Liyel gbò yó, páh tyípéplɔ náhnáh pi pè we. Sépi sɔkɔ nê tɛ yín se pè n yah n kɔ pé mínkò-ńsahle ni?

33 Nsyifunɔ me à syah ne, tyípépɛy pínó yín náh pé ne páh nne n min n ko dé! Nte wáh yo de Liyel tyí képah yín-á. Nmo névi gbɔy ki pɔ n gblɔyne n pi Liyelle ni?

34 Képah sɔkɔ, à yo pé tyí ne: «Kè náh me wárkínsàhnóle Liyel wey sébéy sɔkɔ ne, Liyel-á ne líyelno-á yéle di?»

<sup>35</sup> Liyel-á yo mo névyé nónó tyí, à pè ye liyel-nóle. Nte yé se pĩ ne Liyel wey sébéynó-á nê yo, kè náh fẽ n milki n pi té!

<sup>36</sup> Té Sú Liyel-á nmo nê wilki sah n tyí yõ, té ní tekı mo kèkõyó, yé ne máh yo de Liyel tyí, máh sõnpıle yo ne Liyel Pídı́-á nne ni?

<sup>37</sup> Máh ki me ní Sú Liyel tyípınne n pí-nkêne, yé káh sê ní yõ.

<sup>38</sup> Nte máh ki me séle n pi, yáh ki sõ me n sê n pi nkêne nmo yõ, yé sê sépi tẽ wo yõ; képah soko yé ki pĩ yĩ ne, máh me núkúle Sú Liyelle, ànê Sú Liyel-á me núkúle nne.»

<sup>39</sup> Képah tẽne, pè tõ ne páh Yesule n tẽ. Nte à pwah pé tyí.

<sup>40</sup> Képah náh, Yesu tõ n syı yuku Nsyurdẽ yónkahnne, à kyı tẽ nyáh soko-á Nsyõ ngbò tyah névyé wèlnwılkinóle.\*

<sup>41</sup> Névyé náhnáh me kyı n tnô, té me yo tũ ne, Nsyõ náh gbıl tir yó nte pi. Nte wáh tyi nónó pól yo dí mè tyí soko, gblo-á séle.

<sup>42</sup> Képah soko, névyé náhnáh me sê Yesu yõ nénpó.

## 11

### *Lasarı kúnó ànê n yılkinmonole*

<sup>1</sup> Dí yó lésõ me nyân syıki, pè n ye Lasarıle. A sò me Betani kwıl soko, képah nê soko-á sò n dósyo, pè n ye Mari ànê Martıle.

<sup>2</sup> Kéne Mari mè wo ye lésõ làsèkwèl yó kwe mo Yesu gbyêh yõ, té sè kele n yõyenne.\* Nmo dódı́ Lasarı ye sò n yo.

<sup>3</sup> Képah soko, n dósyo me tẽntõ mo Yesu tyı ne, pé yõtẽ, n kódí Lasarı náh me lenole.

<sup>4</sup> Yesu-á képah noh, à ne nkẽ, Lasarı nyân mè náh pi n ko ko nyanne. Nte káh ki Liyel yõtõrı wëki, té ki tõ n Pídı́ yõtõrı wëki.

<sup>5</sup> Té Martı, ànê Mari, ànê pé dódı́ Lasarı tyı sò no yĩ Yesu tyı.

<sup>6</sup> Nte nyáh soko-á sò Yesule té pè po Lasarı nyân tyı yo n tyı, à tõ wũ nénpó à sèpın nını pi.

<sup>7</sup> Képah náh, à yo n tõ sáhpú tyı ne, pè ye pé pé syı n yuku Nsyude gbënyah soko.

<sup>8</sup> Wáh yo sê, pè me ne, kwó-ò dí, nénpó soko kó lésõ pè n yah n kõ n minkò-nisahle dyêhle sê yò sê yò, té à tõ n yah n kõ n syınyuku-nisahle nénpó soko ni?

\* 10:40 10.40 - Yah n te Nsyõ 1.28.

\* 11:2 11.2 - Yah n te Nsyõ 12.1-3.

9 A me yo pé tyí ne, lérínó gbõninó kó gbìyìkì sòkò nɔ? Névi nê-à n kɔ tyah kyòole, kèkõyó kyòo-á à n ne n yah. Képah-á, tẽ gbáhkì mínó náh nɔ.

10 Nte névi nê-à n kɔ lékâhne kyòo kěne, tẽ ò gbáhkìle n mɔ.

11 Welò nópi yóntenò náh, Yesu tõ yo pé tyí ne, pépi kódí-á me dɔy sòkò, òte páh kɔ kyɔ à yilki mɔ.

12 Képah sòkò, ò tò sáhpú mó ne Tẽ ògbě, dɔy sòkò-à kɔ nê Lasari, wáh kɔ de.

13 Nte Yesu wey sòkò, Lasari kúnó tyí ye à yo, té ò tò sáhpú wò mó we ne dɔy gbɔy tyí-á à yo.

14 Káh pi sě, Yesu kè yo yikɔ mɔ pé tyí ne Lasari-á ku.

15 Nte péwò mé-ńkěne sò nénpó, képah-á me nɔ yíi péwò tyí pépi yinne. Káh pi sě, páh kɔ sě yíi péwò yõ. Té nukúnúkú, pé ye pé sòkò ò tnó.

16 Képah sòkò, Toma nê-á pé n ye Didimine,† òmɔ pé no syah ne, pé ye pépi tɔ kyɔ ku òne wě tyí.

17 Yesu-á yini tẽ nénpó gbí nêne, à kyɔ ne yah Lasari lékó sò sèpìn òyèh pi te diki sòkò.

18 Yé yah, Betani ànê Yerusalemɔ wró náh sò me kah gbe mɔ. Kè sò me kilónó tónó kénkòle.

19 Képah ye, Yerusalemɔ tãn náhnáh sò me pɔ Marti ànê Mari yéfi kélé-ńsah pé dódí yáhnkwlonò sòkò.

20 Marti-á fyò noh ne Yesu-á me n pi, à kyɔ à yohnɔ. Té Mari wò sò me kóntěnlé gbô sòkò.

21 Képah sòkò, Marti me yo Yesu tyí ne, pé yòtẽ, wáh sò me ásô sòkò, pé dódí náh náhkɔ n ku n pi.

22 Nte nukúnúkú ńtẽ fyé sòkò, páh pĩ ne wáh kɔ sɔ tir dukù nê yah kɔ Liyel tyí, wáh kɔ kè pi ò tyí.

23 Képah sòkò, Yesu me yo ò tyí ne: «Á dódí lékó kɔ yilki mɔ.»

24 Wáh yo sě, Marti ne, páh pĩ ne lékyî-à kɔ pɔ n yilki n mɔ gbìyìkì téy sòle, ò tò lékó-á kɔ yilki mɔ.

25 Képah tẽne, Yesu yo ò tyí ne: «Ñmɔ ye lékyî yílkínmò-ò ànê minne. Névi nê-à sě òmɔ yõ, tẽ-à sɔ ku, à kɔ tyé-ńkě min we;

26 ànê névi nê-à me min sòkò té sě òmɔ yõ, tẽ náh tõ n ku n yah n pi Liyel tyí òinne. Á se sě képah yõ, Marti?»

27 Marti me ne, àwe-á Tẽ ògbě, páh sě ké yõ ne òmò-á Liyel ney yáhtòkonòle, nê-á ò Pídíne, òmò nê-á sò yĩne à pɔ kèkõyó.

† 11:16 11.16 - Didimi kór ye kèninine.

28 Képah yóntɛnɔ náh, à n̄ syɪ kyɪ plɔ yo n̄ gběnsê Mari tyí nɛ, kwó-ò dí-á me de n tɛ. Té wáh me n̄ne n ye.

29 Mari-á fyò képah noh, à núkú yuku à sɔkɔ Yesu tnô.

30 Yesu náh tǒnì sò me de kwil sɔkɔ. A sò me fí nê sɔkɔ-á sò Martɪ pɔ à yohnɪ.

31 Té Yerusalemɪ tǎn nónó-á sò me Mari tnô gbô sɔkɔ, me n̄ yéfine n kele, pépi-á à we à yuku wil súú sɛ, pè n̄ sò tɛ. Pè sò me n sò nɛ, pò gbó-ńsah-á à n̄ yuku diki yõ.

32 Nte Mari-á kyɪ yīni tɛ Yesu mé-ńsah sɔkɔ, té à we, à gbètukunɔ di Yesu yah sɔkɔ té yo n̄ tyí nɛ, pé yòtɛ, wáh sò me ásô sɔkɔ, pé dódí náh náhkɪ n̄ ku n̄ pi.

33 Képah sɔkɔ, Yesu-á à we à me n̄ gbo à tahlɪ n̄ tékínmɔpu tyí, kè n̄ nɪ kah tɛ kèpékèyô, n̄ yah kwɔ.

34 A me nɛ, ńyǎh sɔkɔ se pè yī n̄ lékóle nɪ? Pè me yo n̄ tyí nɛ, pé yòtɛ, à pɔ kyɪ yah.

35 Képah sɔkɔ, Yesu yéfi kwɛ.

36 Képah tɛne, n̄ tékínmɔpu nɛ, pè yah, n̄ tyí-á sò me no yī n̄ tyí dé!

37 Té tǒ me n̄ yo nɛ, n̄mɔ nê-á yítú dí yí yɪkɪ, à kó sò fɛ kũ yah kǒ n̄ pi Lasari tyí nɪ?

38 Képah sɔkɔ, kè tǒ Yesu nɪ kah tɛ kèpékèyô, à me sɔkɔ diki yõ. Tekɪ diki ye sò kéle, té ké yah me víkénóle dáh-ńgbě yóle.

39 Yesu me yo no tyí nɛ, pè dáhki mè tɔkɔ tɛ yõ. Lékokè dósê Martɪ me à syah nɛ, Tɛ ńgbě, n̄ yínó sèpìn n̄yêh-á yò. Wáh kɪ me n̄ pǒ dò.

40 Képah sɔkɔ, Yesu yo n̄ tyí nɛ: «Mé náh kè yo á tyí nɛ, wáh kɪ sɛ ń yõ, á yí-á kɪ tɛ Liyel yòtǒri yõ di?»

41 Képah tɛne, no me dáhki tɛ yõ. Yesu me n̄ yah yõ yīnyõ té nɛ: «Bǒ, mé n̄ wekɪ á tyí wáh sǒnpɪ ń níri tɛ.

42 Mé pī nɛ wáh me ń níri le n̄ tɛ gbímegbí. Nte mé kéle n̄ yo tówú mè yīnne nê-á ń mɔ gbĩ sah yò, nɛ pè sɛ ké yõ nɛ, áwɔ-á tekɪ mɔ ríne.»

43 Képah yóntɛnɔ náh, à kah yo mɔ nɛ ńkɛ: «Lasari, wil nénpó!»

44 Képah sɔkɔ, Lasari nê-á sò ku, à yuku wil n̄ gbyêh ànê n̄ gbǎnne púkúbínóle fwɔ gbróle; té n̄ yèpɔ me fókónóle fwɔle. Yesu me yo pé tyí nɛ, pè à wah mɔ, pè mó ye à kǒ à nɛ n̄ yuku.

*Nsyifunɔ yòtǎm me n̄ yah n̄ kǒ Yesu kònmɔ-ńsahle*

45 Névyé nónó-á sò me pɔ Mari tnô, té pɔ Yesu tyípiní mè we sɛ, pé náhnáh sɛ Yesu yõ.

46 Nte pé tókù wɔ mó kyɪ n̄ tyípiní mè sèsahrɪ yah sah Farisi wɛ̀kì kópú tyí.

47 Kǎh mó pɪ sɛ, Farisi wɛ̀kì kópú ànê sárká syínwìlkɪpu yòtǎm me pé no tukey tükèpu ùnkì ye, pé kɔ tɛ ké tyí sɔkɔ. Pè wɛ syah ne, dí mè-á me gbìl tyile n kah n pɪ dé, sɔ se pé kɪ pɪ nɪ?

48 Páh kɪ à sah à yõ sɔkɔ séle n pɪ sɛ yò, no pól-á kɪ sɛ n̄ yõ. Nte képah-à pɪ, Wrome tǎn-á‡ kɪ yuku pépi Liyel ní-ńsah gbô sɔ, té kɪ pépi yìkì tyí yɪkɪ.

49 Nte pé sɔkɔ yó lésò me, pé n ye Kayifile. Léyile, ñmɔ ye lésò sárká syínwìlkɪpu yòtɛ ñgbɛne. Nmɔ me pé no syah ne: «Yé náh kwáh yóle n pne dé!

50 Yé náh pɪ ne, dí nénúkù-à kɪ ko mɔ ápi yìkì swɔ kè kɔ kè we pwah, képah-á kɪ nekɪ kal ápile n̄ ténóle min sɔkɔ, té á yìkì pól tyí mó pɔ yɪkɪ di?»

51 Nte ñmɔ yah yíí náh sò à yo tyi nópile dé! Wǎh sò me sárká syínwìlkɪpu yòtɛ ñgbɛne léyile sɛ, képah ye Liyel me tɛntòle à kɔ à syi yo sah ne, Yesu-á yíne à ku n̄ yìkì névyé yíne.

52 Té n̄ yìkì névyé ó yín náh à kɪ n ku n pi dé, n̄ kúnó kɪ Liyel wɛ̀npɪ pól tɔ tuke mɔ pɪ núkúle, pépi nónó-á me karkɪ tɛ tɛ kɔ.

53 Kayifi-á fyò képah yo, à tɔkɔ lésò tyí, pé núkú Yesu kònmɔnɔ sah gbáhkì yõ.

54 Kǎh pɪ sɛ, Yesu náh tɔ me n gblɔyne n wilki n mɔ kwèyy Nsyifunɔ yah. A yal ànê n̄ tò sáhpúle, pé kyɪ tɛ kwil yó sɔkɔ, pé n ye Yefrayimine. Képah sò me gbɛnyah yó sɔkɔ, nê-á me gbɛnnɪ tnô.

55 Nte Nsyifunɔ yòrɪ tyénó syáh-á sò me de n te sɛ, névyé náhnáh sò me n wil gbɔnɔ sɔkɔ, té me n dɔkɔ n yuku Yerusalemɪ kwil sɔkɔ. Pè sò me syáh mè dyàh tɛ, ne pé kyɪ pé gblɔy tɔ n sah, à yíne pé tyi kònsáhnó wǎlle.

56 Páh sò me Liyel ní-ńsah gbô sɔkɔ gbí nêne, pé sò me Yesule n yah n kɔ, té me wɛ̀ne n piki n yah ne níkɛ, kè se me sɔ nɪ? A se kɪ pyɛ ye wũ syáh mè sɔkɔ pónóle nɪ?

57 Té sárká syínwìlkɪpu yòtǎm ànê Farisi wɛ̀kì kópú lésò me ké gbah yo sah te névyé tyí ne, nê-à fyò Yesu mé-ńsah pɪ, tɛ pɔ kè yo pé syah, pé kɔ pé à we tɛ.

‡ 11:48 11.48 - Wrome tǎn nónó tyí-á n yo ásò sɔkɔ yò, yòtǎm ye sò péle Nsyifunɔ yõ.

## 12

*Mari làsèkwèl mónóle Yesu gbyèh yõ*

1 Nsyifuno yõru tyénó syáh sò me wũ sèpìn kénúkòle, té Yesu me kyɪ Betani kwil sòkò, nýāh sòkò-á sò Lasaru le tēnóle, wāh nê lékó yilki mɔ.

2 Pè me yòke yah Yesu kō nénpó. Marti sò me yòkele n dibi, té yòke mè yópú sòkò yó ye sò Lasaru le.

3 Képah sòkò, Mari me làsèkwèl dénkókò yó lítir tóní tòkò, nê-á pè nardɪ kókóle kè pɪ. Té pɔ kè kwe mɔ Yesu gbēnáhló yõ, té kè kele n yòyenne.\* Làsèkwèl mè pān me wòkò pól tòkò.

4 Képah tēne, Nsyudasɪ Yisikariyotɪ nê-á Yesu tò sáhpú sòkò yóle, té kɪ sò pɔ n vi n pi Yesu nāh, ñmɔ ne,

5 kwāh nê se pɪ té làsèkwèl mè nāh yām deniye pó pló† kyetónine, à ké pó dibi yām tǎn kō nɪ?

6 Nte yām tǎn yām nāh sò tē ñne dé, yēnwó ye sò ñne képah ye à kō à képahle n yo. Pó dú sò me ñmɔ tyí. Té pāh nónóne n dah n mɔ n pɔ, á séle n yí.

7 Képah sòkò, Yesu ne: «Pi yah vínó sah kénòh! A ye képah pɪ sah ñmɔ lékó yí sò yinne.

8 Yām tǎn kɪ me ànê yéle sétáh yõ sòmésó. Nte ñmɔ wòle, ñmɔ nāh n me n pi yéle sétáh yõ sòmésó.»

9 Té tówú ñgbē-á pɔ noh ne Yesu-á me Betani kwil sòkò gbí nēne, pè kyɪ nénpó. Nte Yesu ó yīn nāh sò pè kyɪ dé, Lasaru nê lékó-á Yesu yilki mɔ, ñmɔ tɔ we yīn ye sò pè kyɪ.

10-11 Nte Lasaru mè yinne, névyé náhnāh sò me péle n syɪ sárká syínwilkipu yõtām nāh à n vi n mɔ n pɪ Yesu yõ sēpúle. Képah ye, sárká syínwilkipu yõtām me Lasaru tyí yo syɪ ne, páh kɪ n tɔ ko mɔ.

*Yesu dénóle Yerusalemɪ sòkò*

12 Ké dīndalle, tówú ñgbē nê-á sò me pɔ Nsyifuno yõru tyénó syáh sòkò, pè kè noh ne Yesu-á me n pi Yerusalemɪ sòkò.

13 Pè me sām yǐngbǎn kōlh tē yīn,‡ té wil kwil sòkò à kyɪ à yohnɪ. Pè sò me gbo mɔ tū ne: «Wosana!§ Nê-á n pi Tē

\* 12:3 12.3 - Yesu me gbíne, nénpó tǎn sò ñkēne pé gbalɪ kēkɪ n tē yòkele n yõ.

† 12:5 12.5 - Léghíne, deniye pó pó núkú kɪ sò fē nɔ nénúkú gbìyíkí núkú tò pínó danne. ‡ 12:13 12.13 - Sām yǐngbǎn kōlɪntēnyīnno mēne ásò sòkò, Yesu

ye pè n gbilki. § 12:13 12.13 - Pàh ne Wosana, ñgbòle sò, ké kór ye á pwah n mɔ núkúnúkú! Nte ásò sòkò, gbilkinó ye sò pè n gbilki Yesule.

ngbẽ Liyel yĩn yõ, Liyel sãm mo ñ soko,\* ñmo nê-á Yisrayel yõtẽ dínε.»

14 Képah soko, Yesu me ñkwëndyípiķi yó wε, té doko kō tẽ ñ yõ, à yĩne sã-á kéle wárķinsàhnóle Liyel wey sébéy soko ne ñkẽ:

15 «Yerusalem† tãn, yé káh tíki pi.

Yé yah, yé yõtẽ me n pi.

A me dókóntẽnóle ñkwëndyípiķi yó yõ soko.»‡

16 Té légbĩne, Yesu tò sáhpú náh sò me tyi nópi pínó yõ pĩ. Nte wáħ pɔ doko ñ tǔrí yõ gbí nêne, pé dyo to kō ne, káħ lésõ wárķi sah sò ñ tyí soko Liyel wey sébéy soko, sã-á kè pi ñ tyí.

17 Képah tẽne, Yesu-á lésõ Lasarı lékó ye yah, à à yilki mo wilki diki soko nóno yí yah, pépi me tyah kéle n yah n yáħ n kō.

18 Névyε-á kéne gbĩl tir pínó noh sã, pé wil pɔ Yesu yohni.

19 Képah soko, Farisi wěķi kópú tyah n yo wě tyí ne, pé kó kè we ni, pépi náħ tǔ fẽ n tẽ n pi dò. No pól-á me ñ sò tẽ.

*Yesu me ñ tǔrí ànê ñ kũ tyíle n yo*

20 Névyε nóno-á sò me pɔ syáħ mè soko Yerusalem, ne pé pɔ Liyel yĩn gbilki, Nsyifuno náħ sò pé tükùle.

21 Kéne névyε nóno-á Nsyifuno náħ péle, pépi me no de Filipi tnô ñmo nê-á n wil Betisayida kwil, Kalile gběnyah soko. Té kè yah kō ñ tyí ne, pé yõtẽ, páħ me ké tyí ne pé Yesu wε.

22 Káħ pi sã, Filipi me kè yo Andre tyí. Andre me tahlı ñ tyí pé kyı kè yo Yesu tyí.

23 Képah tẽne, Yesu me yo pé tyí ne: «Gbĩ nê soko-á Névi PídĩS ki n doko n pi ñ tǔrí yõ, képah ye se núkúnúkú yò.

24 Kègbıgbı tẽ yõ, mé kéle n yo yé tyí, né sèmuķo pi náħ duku mo sétáħ soko kè fi té ké pi ku, kè n tẽ ké gblõy. Nte kàħ duku mo à fi té ké pi ku, kè n kwel.

25 Névi nê-à ñ gblõy ó minne n mo n kō, tẽ min tyí ki yıki. Nte nê-à ñ minne n mónkò-ñkẽne kèkõyó mè soko Liyel tǔrí yĩnne, tẽ wɔ ki tyé-ñkẽ min wε.

26 Névi nê-à me ké tyí ne, pé tǔle n pi ñmo tyí, tẽ ní sò tẽ. Képah soko, máħ me ñyáħ soko, nê-á tǔle n pi ní tyí, ñ to ki me nénpó. Névi nê-à tǔle n pi ñmo tyí, ní Sú Liyel ki ñ yõ yõ.

\* 12:13 12.13 - Yah n te Gbálnó 118.25-26. † 12:15 12.15 - Yerusalemı yĩn yó ye sò Siyõne. ‡ 12:15 12.15 - Yah n te Nsakari 9.9. § 12:23 12.23 - Yesu-à Névi Pídĩ tyíle n yo, ñ gblõy tyí ye ñkẽne à n ne n yo.

27 Té nùkúnúkú, ní fòkò me fěkí. Nte mè yo sǝ? Mé se n yo Sú Liyel tyí ne, à káh n ye yèvyǎhrí mè ní we? Nte ðǝ dé, yèvyǎhrí mè yīn ye mé pò tótó.»

28 Képah tēne, à ne: «Bǝ, gbílkinó sah á yīn yǝ.» Wǎh yo sǝ, yīnpǝ yó wil yīnyǝ sòkò ne nkě: «Mé ní yīn gbilki te, té mé kí kè gbilki n pi rítǝ.»

29 Tówú nê-á sǝ me nénpó, té yīnpǝ mè noh, pè ne gběnséntáhkí-á gboke. Túkù mó ne, yīnyǝ tǝnpi yó-á yo mo Yesu tyí.

30 Képah sòkò, Yesu me yo pé tyí ne: «Wey nê-á yé noh yò, kè náh yo nmo yīnne, kè yo yépi yīnne.

31 Liyel kí lékàhle kèkǝyó névyé kǝ n pi nùkúnúkú sǝ yò. Nùkúnúkú, à kí kèkǝyó névyé fnè-ò\* yīni yal.

32 Nte mǎh pò doko mo gbí nēne, mé kí névyé pólle pò ní gblǝy tyí.»

33 Yesu-á sǝ ne n ku n pi dükù nēne, képah ye à wěkí n̄ wey mè sòkò yò.

34 Képah sòkò, tówú mè névyé me yo n̄ tyí ne, pépi-á kè we Liyel tyi kǝnsàhnó sòkò ne, Liyel ney yáhntòkòno náh n ku n yah n pi. Té n̄mo se sǝnpíle pò n yo ne, Névi Pídí-á yīne à doko mo ni? Nte nê tǝ ó se mó Névi Pídí mēne ni?

35 Képah sòkò, Yesu me yo pé tyí ne: «Kyòò mēne, kè me sǝ yé wró kí wró kwéy yó pi n pi. Té névi nê-à n kò fěntú sòkò, tǝ náh n̄ yúkú-ńsahle n pne. Képah ye, kyòò mè-á me yé wró sòkò yò, yé ne n kò ké sòkò, fěntú káh pò yé kwòkí tǝ.

36 Kyòò mēne, kǎh me yé wró gbí nēne, yé sǝ képah yǝ. Képah sòkò, yé kí pi kyòòle képah tyí kǝle.»

Yesu-á képah yo te, à yal pé tn̄ à kyí wǝbì fíí péle.

*Névyé náhnáh náh sǝ Yesu yǝ*

37 Yesu sǝ gbíl tyi náhnáh pi pé yí yah, nte képah fyé yǝ, pè náh sǝ n̄ yǝ.

38 Liyel tǝntǝ syínyo-ò Yesayi tyíyónó nópi ye wil ásò sòkò yò. A lésò ne nkě:

«Tǝ n̄gbě, nê sǝ ápi tyíyónó yǝ?

Á á tǝn̄pnènóle nê wěkí?»†

39 Té tir nê yīn-á pè náh sǝ fě n sǝ n pi ké yǝ, képah yah ye Yesayi tǝ yo ne nkě:

40 «Liyel pé yí wǝ,

\* 12:31 12.31 - Kèkǝyó névyé fnè-ò nê tyí-á n yo ásò sòkò yò, sétǎn yòtǝ ye.

† 12:38 12.38 - Yah n te Yesayi 53.1.



té pé lékám yah vike,  
 ne pé yí káh fẽ ne n yah,  
 pè káh tir yó tyí yah we,  
 pè mó vi mo Liyel wěkì yõ,  
 à kõ à pè we de mo.»‡

41 Yáh we Liyel tẽntõ syínyo-ò Yesayi képahle n yo, à lesõ kwãh tẽ Yesu tõrí we, képah ye à kõ à n tyíle n yo. §

42 Té képah fyé yõ, yõtãm náhnáh sò me sã Yesu yõ. Nte Farisi wěkì kópú tíkí sò me pè tẽ ne, pè káh pɔ pé yĩni wilki pé wěkì sɔkɔ. Képah ye, pè náh kè wilki mo ne, páh sã n yõ.

43 Yáh we pè képah pi, névyé-á me gbilkinó nêne n sah pé yõ, képah tyí sò me pé tyí kal Liyel tyíle.

44 Képah sɔkɔ, Yesu weki yĩnpõ ñgbẽne ne nkẽ: «Névi nê-à sã nmo yõ, nmo ó yõ náh tẽ sã dé, Liyel nê-á tekɔ mo nne, nmo to yõ ye tẽ sã.

45 Té névi nê-à nmo we, n tékínmo-ò ye tẽ we.

46 Nmo pɔ kèkõyó à pɔ pi kyòole, ne névi nê-à sã nmo yõ, tẽ káh tẽ fẽntú sɔkɔ.

47 Nmo náh pɔ kèkõyó sɔkɔ, ne mé pɔ lékàhle névyé kõ. Mé pɔ ne kèkõyó névyé pwáhnmoɔ we. Képah ye, névi nê-à n welo noh, té à náh me n kɔ sé wãl yõ, nmo náh kɔ n kõ n pi tẽne lékàhle dé.

48-49 Wey nê-á mé yo yò, képah ntẽ ye kɔ lékàhle tẽ kõ n pi gbìyìkì téy sòle. N gblõy yah yíi náh mé yo welo nópìle dé! Sú Liyel nê-á tekɔ mo nne, máh yĩne mè nê yo, ànê máh yĩne mè kwónó nê pi, nmo ye yo séle n tyí ne mé pi. Képah ye, névi nê-à n yahle, té à náh me n weyne n mo n kõ, ney me te, nê-á kɔ lékàhle tẽ kõ n pi.

50 Té nmo mó tõ pĩ ne Liyel-á nê kõ sah, képah gbõ yõ sɔkɔ-á névyé kɔ fẽ tyé-ñkẽ min we. Sú Liyel-á wey mè yo sã n tyí, sã ye mé n yo kéle yé tyí.»

## 13

*Yesu n tò sáhpú gbyêh wu*

1 Nsyifunɔ yõri tyénó syáh kɔ sò n pi n pi dindalle. Yesu sò pĩ ne pé yálnó gbì-á se kèkõyó, páh kɔ n sɔkɔ n pi Sú Liyel tyí. N sò tẽpú nónó-á sò me kèkõyó, pé tyí sò me nónóle n tyí. Pé tyí nɔ kah mo n tyí.

‡ 12:40 12.40 - Yah n te Yesayi 6.9-10. § 12:41 12.41 - Yah n te Yesayi 6.1-5.

2 Yesu ànê n tò sáhpú sò me yõkele n yõ. Té sétàn yòtẽ sò me kè dahbı te Simo Yisikariyotı pídı Nsyudası nı soko ne, à vi Yesu náh.

3 Yesu sò pı ne Sú Liyel-á tyi pól dahbı péwɔ gbõ. Nmo tyí-á pé wil à pɔ, té páh kı pé syı soko ñmo tyí.

4 Képah soko, páh me yõke yónó soko sɛ, à yuku yın, té n fwòmò-ngbɛ de sah, té fwɔ yó toko toh n syı soko.

5 Képah náh, à ni du mo dú yó soko, à tyah n tò sáhpú gbyêhne n wu kéle, té séle n tuke fwɔ mène, nê-á à toh n syı soko.

6 Káh pɔ syı Simo-Pyerı tyí, à Yesu syah ne nkɛ, ñmo nê-á TÈ NGBÈNE ñmo kı n yah n kɔ péwɔ gbyêh wú-ńsahle nı?

7 Yesu me yo n tyí ne, nê-á péwɔ n pi yò, ñmo náh fɛ ké tyí yah we n pi núkúnúkú ló! Nte náh-á à kı pɔ ké tyí yah we n pi.

8 Pyerı tɔ yuku à syah ne, pólle, à náh pé gbyêh wu n pi. Képah soko, Yesu me yo n tyí ne: «Wáh kı ye n kɔ mé á gbyêh wú-ńkɛne, á vyáh kı de nmo tyi soko.»

9 Képah tɛne, Simo-Pyerı yo n tyí ne, Tɛ ñgbɛ, káh pi sɛ kè káh yın pé gbyêh ó tyí, nkɛ à pé gbàn ànê pé yò to wu.

10 A me yo n tyí ne: «Névi nê-á ni wel te, tɛ n ne n me yályál. Képah ye, à wil n gbyêh tyí soko, yò náh tɔ ńkɛne ne me tɛ wil pól tɔnwuno tyí. Yépi me yályál. Nte yé pól tɛ wɔ náh mé n ye dé!»

11 Névi nê-á kı sò pɔ n vi n pi Yesu náh, Yesu sò me à pı te. Képah ye à kɔ à ne, pé pól tɛ wɔ náh pé ne páh me yályál dé!

12 Wáh pé gbyêh wu te, à tɔ n fwòmò-ngbɛ toko mo pɔ kɔ tɛ yõke yó-ńsah nıtõ. Té yo pé tyí ne: «Máh nê pi yé tyí sɛ yò, yé se ké yò pı?

13 Yáh pi yé nne n ye kwó-ò dıne, képah náh pi, Tɛ-ñgbɛne, yé me n yo ple tɛ wɔle. Nmo ye ntyıno ñne.

14 Nte nmo nê-á Tɛ ñgbɛ ànê kwó-òle, yáh we mé yé gbyêh wu, yépi to yıne yé wɛ gbyêhne n wu.

15 Képah dukù ye mé pi yé wɛkı yò, ne máh nê pi yé tyí, yé to sɛnknɔle n pi.

16 Kègbıgbı tɛ yò, mé kéle n yo yé tyí, tɔnpi náh fɛ n kal n yòtɛne. Sɛ ó ye tɛntò névi to náh fɛ n kal n tó-òle.

17 Nte núkúnúkú, yé se kéne tyile n pne té! Yáh fɛ syi n kɔ sé wál yò, yé kı nıvını we.

18 N wey mè nâh me ké yah mo yé pól tyí dé! Mâh névye nónó yah wilki, mé péle n pne. Nte tir nê-á wârku sah Liyel wey sébéy soko, kè yîne kè wil ó wil. Kè me wârkínsàhnóle ké soko ne ríkê: «Mâh lésõ ní yòkele n yõ ànê nêne, tẽ me yuku ní yõ.»\*

19 Ké pí-ríkê soko ye mé kéle n yo n sah yé tyí núkúnúku yò. Képah soko kâh pɔ pi, yé kɪ sê ké yõ ne, Nmɔ-á.

20 Kègbɔgbɔ tẽ yõ, mé kéle n yo yé tyí, névi nê-à ní tẽntò névi tẽ ple, n̄mɔ ye tẽ tẽ ple. Nê to-à n̄mɔ tẽ ple, nê-á tõ n̄ne, n̄mɔ ye tẽ tẽ ple.»

*Yesu ne Nsyudasí-á kɪ n vi n pi pé nâh*

21 Képah tẽne, kéne welo yóntenɔ nâh, Yesu foko kah fêki. A me kè yo dal mo ne: «Kègbɔgbɔ tẽ yõ, mé kéle n yo yé tyí, yé soko ney yó kɪ n vi n pi ní nâh.»

22 Wâh képah yo sê, n̄ tò sâhpú tyah n yõ wẽne n yah núkú núkúle. Pè nâh sò me pĩ nê tyí-á à n yo.

23 Té Yesu tò sâhpú soko nê tyí-á nɔ yĩ n̄ tyí, n̄mɔ sò me tẽntelnole Yesu tyí.

24 Képah soko, Simo-Pyeri pi mo n̄mɔ tyí ne à Yesu piki yah, nê tyí-á à n yo.

25 Nmɔ mó n̄ gbalɪ kêki Yesu t̄inne, té à piki yah ne, Tẽ n̄gbê, nê se à n ye nɪ?

26 A me yo n̄ tyí ne, páh kɪ búrn yĩ di nê kò, tẽ wo-á. Té núkú búrn yínó tɔko, té kè di à Simo Yisikariyɔti pídí Nsyudasí kò.

27 Nsyudasí-á búrn mè syi, sétân yòtẽ me de n̄ soko. Yesu me yo n̄ tyí ne, nê-á n̄ tyí pi pi tẽne, à kè pi súú.

28 Nte nónó pól-á sò me n̄n̄pó, pé soko yó n̄tẽ nâh sò pĩ tir nê yĩn-á Yesu yo wey m̄ene n̄ tyí.

29 Té pó dú-á sò me Nsyudasí tyí sê, tókù sò me n sò ne, Yesu-á yo n̄ tyí ne à kyɪ syáh yídwénè yah dwe, képah nâh pi, à pó yĩ yâm t̄ân kò.

30 Nte Nsyudasí-á fyò búrn yínó mè syi, à núkú yuku wil. Légb̄ine lékâh sò me mo.

*Yesu tir kònsàhnó késánn̄e*

31 Nsyudasí-á fyò wil te, Yesu ne: «Núkúnúku tẽne, gbílkinó ye sah Névi Pídí yõ, ànê Sú Liyel yĩn kɪ se tõ gbilki n̄mɔ ȳinne.

32 [Gbílkinó-à kɪ sah Liyel yõ n̄mɔ ȳinne,] Liyel tɔ kɪ à gbilki n̄ gbl̄oy ȳinne. Dõ kwéy n̄tẽne, à kɪ kè pi n pi.

\* 13:18 13.18 - Yah n te Gbálnó 41.10.

<sup>33</sup> N wěnpì, mé kɪ tɔ̃ n me n pi yéle kɪ wró kwéy ó pi. Yé kɪ ní yah n kɔ̃ n pi. Nte nê-á lésõ mé yo Nsyifunɔ tyí, képah núkú ye tɔ̃ mé kɪ yo yépi tɔ tyí núkúnúkú ne, yé náh fě n kyɪ n pi nímo yúkú-ńsah sɔko.

<sup>34</sup> Mé kɪ tir sán yó kɔ̃ sah yé kɔ̃ ne, yé tyí nɔ wě tyí. Yé tyí-á nɔ sɔ̃ nímo tyí, yépi tɔ tyí yĩne kè nɔ sě wě tyí.

<sup>35</sup> Yé tyí-á kɪ nɔ wě tyí, képah sɔko ye no pól kɪ pĩ ne nímo tò sáhpú-á yéle.»

*Yesu ne Pyeri-á kɪ ñ vyãh kɔ̃li ne pé náh péwo pĩ*

<sup>36</sup> Képah sɔko, Simo-Pyeri à piki yah ne, Tě ñgbě, níyãh se à n yuku ni? A me yo ñ tyí ne, níyãh-á pé n yuku, à náh fě n kyɪ n pi péle nénpó sɔko núkúnúkú. Nte náh tĩne, wãh kɪ pɔ pé sɔ̃ tẽ n pi.

<sup>37</sup> Pyeri me ne, Tě ñgbě, sɔ̃ se pi té pé náh fě ñ sò tẽ n pi núkúnúkú ni? Péwo-á kɪ fě syi pé min kɔ̃ n pi ñmo yĩne dò.

<sup>38</sup> A me yo ñ tyí ne: «Á kɪ á min kɔ̃ n pi nímo yĩne lé? Nte kègbɪgbɪ tẽ yõ, mé kéle n yo á tyí, sɛnpe-á kɪ pópó n gbo, á kɪ me á vyãh kɔ̃li te ke tɔ̃nó, ne á náh nímo pĩ.»

## 14

*Yesu ye wěkìle nê-á n yuku Sú Liyel tyí*

<sup>1</sup> Képah náh, Yesu yo ñ tò sáhpú tyí ne: «Yé káh ye yé foko fěki. Yé sě Liyel yõ, yè mó sě nímo tɔ yõ.

<sup>2</sup> Tě-ñtàn náhnáh me ní Sú Liyel tĩne. Mé kɪ kyɪ tẽ-ńsah yah sah yé kɔ̃. Kàh sò me gbule níkẽne, mé náh náhkɪ kè yo n pi yé tyí.

<sup>3</sup> Máh kɪ kyɪ tẽ-ńsah yah sah te yé kɔ̃, mé kɪ ní syi pɔ yé tẽ sɔko ní tɔ̃. Képah sɔko, nímo-á me níyãh sɔko, yépi tɔ kɪ me nénpó.

<sup>4</sup> Yé se nímo yúkú-ńsah wěkìle n pne té.»

<sup>5</sup> Wãh yo sě, Toma me ne, Tě ñgbě, pépi náh me ñ yúkú-ńsah pĩ, té pé se kɪ pĩ sɔ̃ ké wěkìle ni?

<sup>6</sup> Yesu me yo ñ tyí ne: «Ñmo ye wěkìle, ànê gbule, ànê min nétẽne. Nñi yó rítẽ náh fě n kyɪ Sú Liyel tyí, né tẽ náh syõ nímo tyí.

<sup>7</sup> Yáh sò me nímo n pne, yé náhkɪ me ní Sú Liyel tole n pne. Nte núkúnúkú, yé ye ñne n pne, té à we.»

<sup>8</sup> Képah sɔko, Filipi me ne, Tě ñgbě, à Sú Liyelle pépi wěkɪ kè! Képah-á kɪ yĩne pépi tyí.

<sup>9</sup> Yesu me yo ñ tyí ne: «Filipi, mé me yéle di mónóle, té áwɔ náh me ímɔ pĩ nɪ? Névi nê-à ímɔ we, Sú Liyel ye tẽ we. Nte á pɪ sɔ́ té tɔ́ n yo ne, mé Sú Liyelle ñ wẽkɪ?

<sup>10</sup> Á náh sã ké yõ ne, ímɔ ànê Sú Liyel-á me núkúle di? Welɔ nónó-á mé n yo yé tyí yò, ímɔ yah yĩ́ welɔ náh séle dé! Sú Liyel nê-á núkúle ímɔle, ñmɔ ye n pɪ ñ tãñne.

<sup>11</sup> Yé yĩne yè sã ké yõ ne, ímɔ ànê Sú Liyel-á me núkúle. Yáh kɪ sɔ́ sã-ńkẽne ké yõ ímɔ welɔ yĩñne, yé sã ké yõ tãñ nópi tẽ wɔ yĩñne.

<sup>12</sup> Kègbɪgbɪ tẽ yõ, mé kéle n yo yé tyí, névi nê-à sã ímɔ yõ, máh me tãñ nónóne n pɪ, tẽ tɔ kɪ sɛnkɔle n pɪ. Té tẽ kɪ tãñ yísó ñtẽ pɪ n pɪ nónó-á kal sépile. Mé me n yuku Sú Liyel tyí, képah ye kɪ tẽ kɔ́ à kɪ fẽ sè pɪ.

<sup>13</sup> Képah sɔkɔ, yáh tyídúkú nê yah kɔ́ ímɔ yĩn yõ, mé kɪ kè pɪ yé tyí, gbílkinó kɔ́ kè kɪ sah Sú Liyel yõ ñ Pídí gbò yõ.

<sup>14</sup> Yáh tir nê yah kɔ́ ímɔ yĩn yõ, mé kɪ kè pɪ.»

### *Yesu ñ vyãh kɔ́ Liyel Mirki pónó tyí sɔkɔ*

<sup>15</sup> «Ímɔ tyí-à me nɔ yé tyí, yé kɪ ní tyi kònsàhnó tẽ yĩn.

<sup>16</sup> Té mé kɪ Sú Liyel ni, à kɪ yòhnɪnmɔ-ò yó tekɪ mɔ yé kɔ́, nê-á kɪ pɔ n tẽ n pɪ yéle kúmm.

<sup>17</sup> Yòhnɪnmɔ-ò mènne, Liyel Mirki ye. Nmɔ ye gbule névyele n wẽkɪ Liyel tyí sɔkɔ. Kèkõyó névyé náh ñne n we, ànê pè náh ñne n pne. Képah ye, pè náh fẽ à fẽ n syi. Nte wáh me yépile, té me yé sɔkɔ sã, képah ye yépi wɔ ñne n pne.

<sup>18</sup> Mé náh yé sah n pɪ ñgbyele. Mé kɪ ní syɪ n pɔ n pɪ yé tnô.

<sup>19</sup> Dò kwéy ñsɔ́, kèkõyó névyé náh tɔ́ ímɔ we n pɪ, ñte yépi tẽ wɔ kɪ ní we. Té ímɔ-á fyòñi me min sɔkɔ, képah ye yépi tɔ kɪ me n pɪ min sɔkɔ.

<sup>20</sup> Lésò-à pɔ nɔ, yé kɪ pĩ ne ímɔ ànê ní Sú Liyel-á me núkúle, té ímɔ ànê yépi tɔ mó me núkúle.

<sup>21</sup> Névi nê-à ní tyi kònsàhnó noh, té sè tẽ yĩn, ní tyí nɔ tẽ wɔ tyí. Té ímɔ tyí-à nɔ névi nê tyí, tẽ tyí kɪ nɔ ní Sú Liyel tyí. Tẽ tyí kɪ nɔ ímɔ tɔ tyí, té mé kɪ ní gblõyne à wẽkɪ.»

<sup>22</sup> Képah sɔkɔ, Nsyude\* nê-á ñ gblõy Nsyudasɪ Yisikariyɔtɪle, ñmɔ me yo Yesu tyí ne, Tẽ ñgbẽ, sɔ́ se pɪ té à kɪ ñ gblõyne pépi wẽkɪ, té à náh ñ gblõyne kèkõyó névyé wẽkɪ n pɪ nɪ?

\* 14:22 14.22 - Nsyifunɔ tyí, Nsyude ye dùkù me núkúle Nsyudasɪ ye dùkúle.

<sup>23</sup> A me yo n tyí ne: «Ñmo tyí-à no nê tyí, tẽ ki ní tyíyónóle n pi. Tẽ tyí ki no ní Sú Liyel tyí, té ñmo ànê ní Sú Liyel ki po tẽ tyí, ki po twah tẽ n tyí.

<sup>24</sup> Nte ñmo tyí-à nó-ńkêne nê tyí, tẽ náh ní tyíyónóle n pi. Té welo nóno-á yé n nohni yò, ñmo yah yĩ welo náh séle dé! Sè wil Sú Liyel tyí, nê-á tekı mo ñne.

<sup>25</sup> Mé ye kéne tyi yo yé syah, gbí nê-á mé me ànê yéle yò.

<sup>26</sup> Nte Liyel Mirki nê-á yòhnñmo-òle, Sú Liyel ki n tekı n mo n pi ñmo yĩn yò, à ki po tyi pólle yé kwò. Té ki yé dyo to kò ñmo tyíyónóle, máh nóno yo soko yé tyí.

<sup>27</sup> Yèvinı ye mé yéle n kò yò. Ñmo yèvinı ye mé yéle n kò. Mé náh me kéle n kò kèkòyó névye kò dùkùle. Yé káh ye yé fòkò fèki, yé káh ye tíki yé tẽ.

<sup>28</sup> Mé ye kè yo soko te yé tyí yé noh ne sókónó-á ñne, té máh ki ní syı n po n pi yé tnô. N tyí-à sò me no yé tyí, yáh kè noh ne máh n yuku Sú Liyel ñinne, kè sò yĩne kè ne n me nìvìnine yé tyí, ñmo-á sɔnpıle kal ñmole.

<sup>29</sup> Mé ye kéne tyi yo sah yé tyí nukúnúkú sé pónpí-ńkê soko yò, kèpah soko sàh ki po n pi, yé ki sè ní welo yò.

<sup>30</sup> Kèkòyó névye fnè-ò me n pi, kèpah ye mé náh tɔ n kah n yãh n mo n pi yéle. A náh fẽ ñmo tẽ wò fne.

<sup>31</sup> Nte Sú Liyel-á tyi nóno yo ní tyí, sépi ye mè n ne n pi. Kèpah soko, kèkòyó névye ki pĩ ne n tyí-á no ní tyí. Yé yuku! A ye yal ásô.»

## 15

*Yesu ne yerese séswô yèsyìkì-á péle*

<sup>1</sup> Kèpah soko, Yesu tɔ ne: «Ñmo ye yerese séswô yèsyìkùle, ní Sú me ké nétẽne.

<sup>2</sup> Yìngbàn nóno pól-á me ñmo soko té sè náh me n syi, à ki sè kòli tẽ yò. Té nóno pól-á me n syi, à ki sépile n tɔ sè kò sè ki n gbah n syi.

<sup>3</sup> Wey nê-á mé yo yé tyí yò, kèpah gbò yò, yé pi te yályál.

<sup>4</sup> Yé ne n me ñmole, sɔ-á ñmo me yéle. Sɔ-á yìngbò náh fẽ n syi n pi ké gblɔy né kè náh me séswô soko, sè ó ye yépi tɔ náh fẽ tir yó pi n pi né yé náh me ñmole.

<sup>5</sup> Ñmo ye yerese séswòle, yépi me ké yìngbàne. Yé náh fẽ tir yó n tẽ pi n pi ñmo kène. Kèpah ye, nê-à me ñmole, té mé me tẽne, tẽ ki tyípeplo náhnáhle n pi Liyel tyí.

<sup>6</sup> Névi nê-à mé-ńkêne ñmole, tẽ me yìngbò yó tyí kòle, nê-á pè kãm milki kégbó, té kè ki n kòkò n pi. Té yìngbàn kókórıle, sépi ki po kwel mo n suke n pi nyàh soko.

7 Nte yâh me ñmɔle, té ní wɛlɔ me n tẽ yé fɔkɔnɩ sɔkɔ, kwâh nê tyí-à nɔ yé tyí, yé kè ni, yé kɩ kè wɛ.

8 Yâh tyípeplɔ náhnáhlɛ n pɩ Liyel tyí, képah ye kɩ kè wẽkɩ ne yâh pɩ ñmɔ t̃ sáhpúle. Té ñmɔ Sú Liyel yĩn kɩ gbilki.

9 Nmɔ tyí-á nɔ Sú Liyel tyí s̃, yépi tɔ tyí nɔ ñmɔ tyí s̃. Yé ye yé tyí ne me nɔntɛ́nóle ní tyí s̃.

10 Yâh ní tyi kònsàhnóle n pɩ, yé tyí kɩ me nɔntɛ́nóle ní tyí, s̃-á ñmɔ ní Sú tyi kònsàhnóle n pɩ, té ní tyíle nɔntɛ́nóle ñ tyí.

11 Mé me ké tyí ne nìvìnì nê-á me ñmɔ sɔkɔ, kè ne me yépi tɔ sɔkɔ, té yé nìvìnì mè mó syɩ ké yĩn tyí. Képah ye, mé tyi nópi yo yé tyí.

12 Máh nê k̃ sah yé k̃, kè wɛ yò: Yé tyí yĩne kè nɔ wẽ tyí, yé tyí-á nɔ s̃ ñmɔ tyí.

13 Névi-à ñ min k̃ ñ kódíbi yinne, tyínɔnɔ ñgbɛ́ yó náh t̃ f̃ ñ kah n mɔ n pɩ képah ỹ.

14 Nmɔ-á nê k̃ sah yé k̃, yâh kɩ me kéle n pɩ, ní kódíbi ye yéle.

15 Mé náh t̃ yé ye n pɩ t̃ɔnpɩbɩle. Ngbõ t̃ɔnpɩ náh f̃ ñ yòt̃ dí tyípinó p̃ dé! Nte máh tyi nóno noh ní Sú Liyel tyí, mé ye sé pólle yépi kwɔ. Képah ye, mé yéle n ye ní kódíbi.

16 Yépi náh yah tɔkɔ ñmɔle dé, ñmɔ ye yah tɔkɔ yéle, té yé tekɩ mɔ ne, yé kyɩ tyípeplɔle n pɩ Liyel tyí, nóno-á sé yõre náh n tye n yah n pɩ. Képah sɔkɔ, yâh kwáhdúkú nê ni Sú Liyel tyí ñmɔ yĩn ỹ, à kɩ kéle yé k̃.

17 Nte nê-á mé n k̃ n sah yé tyí, kè wɛ yò: Yé tyí yĩne kè nɔ wẽ tyí.»

### *Kèkõyó névyɛ me Yesu ànê ñ yõ s̃pú dyɔle n yɔ*

18 Képah sɔkɔ, Yesu t̃ ne: «Kèkõyó névyɛ-à yé dyɔle n yɔ, yé p̃ ne ñmɔ ñgbò dyɔ-á pè tyah n yɔ.

19 Yâh s̃ me kèkõyó névyɛ tyí yõ sɔkɔ, yâh pɩ pé tyíle s̃, yé tyí náhkɩ nɔ pé tyí. Nte kâh pɩ ñmɔ yé yah wilki kèkõyó névyɛ sɔkɔ, té yé náh t̃ me pépi tyí ỹ, képah ye pè k̃ pè yé dyɔle n yɔ.

20 Yé yé dyɔ sah ne n kwne wɛy mè tyíle, máh nê yo yé tyí ne: <T̃ɔnpɩ náh f̃ ñ kal ñ yòt̃ɛne.> Pàh kɩ me ñmɔ f̃h, pè kɩ yé tɔ f̃h. Pàh kɩ me ní wɛy f̃ syi, pè kɩ yé tɔ tyí f̃ syi.

21 Nte pè náh s̃ɔnpúle me ñmɔ t̃-òle n pne, képah ye pè kɩ tyi nópi pól pɩ yé sɔkɔ ñmɔ yinne.

22 Mâh s̃ me p̃-ńk̃ɛne pé tyí, ànê mâh s̃ me tir yó yó-ńk̃ɛne pé tyí, pé tyítúkúnì pínó lékâh náh náhkɩ n me n pɩ

pé yõ. Nte núkúnúkú, gbı wé-ńsah yó ńtẽ náh n we n pi pé tyí pé tyítúkúni pínó tyí soko.

<sup>23</sup> Névi nê-à ńmọ dyọle n yọ, tẽ me ní Sú tọ dyọle n yọ.

<sup>24</sup> Tyi nónó-á ńńi yó ńtẽ náh sɛnkno pi yah, máh sò me sépi pí-ńkẽne pé wró soko, pé tyítúkúni pínó lékàh náh náhki n me n pi pé yõ. Nte núkúnúkú, pè ye ńmọ tyípínì we. Té képah fyé yõ, pè me ńmọ ànê ní Sú dyọle n yọ.

<sup>25</sup> Nte nê-á wárkínsàhnóle pé tyi kònsàhnó soko ne: «Pè ní dyọ yọ yõ kɛne.»\* képah wil yĩn ye pè kò pè képahle n pi.

<sup>26</sup> Té yòhninmọ-ò nê-á ńmọ ki n tekı n mọ n pi ki wil Sú Liyel tyí, Liyel Mirki ye. Képah ye gbıle névyele n wɛki Liyel tyí soko. Képah-à wil Sú Liyel tyí à pọ, kè ki pọ ńmọ tyí yo wah yé tyí.

<sup>27</sup> Nte yépi-á sò me ànê ńmọle ńgbò dùkùle sɛ, képah ye yé tọ ki ní tyíle n yo n wah névye tyí.»

## 16

<sup>1</sup> Képah náh, Yesu tó yo pé tyí ne: «Mé náh me ké tyí ne yé Liyel yõ sɛnó yal n mọ. Képah ye ní kò mé tyi nópi yo sah yé tyí.

<sup>2</sup> Nsyifunọ ki yé yĩni n wilki n pi pé wɛkì soko. Té gbı yó ńtẽ me n pi, képah soko nónó-à pọ yéle n ko n mọ, pè ki me n sò ne tǒ-á pé n pi Liyel tyí.

<sup>3</sup> Nmọ ànê ní Sú pí-ńkẽ ye pè kò pè ki sépinó tno pi sɛ yò.

<sup>4</sup> Mé me ké tyí ne tyi nópi gbı-à pópó pọ se, yé dyọ ne n me n kwne séle, képah ye mé sè yo sah yé tyí.»

### *Liyel Mirki pónó yõle*

Képah náh, Yesu tó yo pé tyí ne: «Máh lésò me yé wró sɛ, képah ye mé náh kwãh tẽ tyi nópi yo yé tyí.

<sup>5</sup> Nte núkúnúkú, mé me n yuku ní tǒ-ò tnô, té yé soko yó ńtẽ náh se me ńne n piki n yah ne, ńyãh se mé n yuku ni?

<sup>6</sup> Tyi nónó-á mé yo yé tyí, sépi yèkwọri ye yé foko fil yò kè.

<sup>7</sup> Nte mé ki gbı yo yé tyí. Máh ki soko, képah ki nekı kal yéle. Máh ki sókó-ńkẽne, nê-á yĩne à pọ yé yohnı n mọ, à náh n pọ n pi. Nte máh ki kyı, mé ki à tekı mọ yé kò.

<sup>8</sup> Té ńmọ-à pọ gbı nɛne, à ki tyípêl, ànê gbı wɛkì, ànê Liyel tukey tyí yo wah kèkoyó névye syah, ki kéle pè wɛki ne pãh me pílkínóle sépi pól soko.

<sup>9</sup> A ki kéle pè wɛki ne nê-á pé tyípekèle, péwọ yõ sɛ-ńkẽ-á.

\* 15:25 15.25 - Yah n te Gbálnó 35.19 ; 69.4.



10 Té kɪ kéle pè wěkɪ ne nê-á me gbɪ wěkì tyí sɔkɔ, péwɔ-á n sɔkɔ Sú Liyel tyí, té pè náh tǒ pé we n pi.

11 Té kɪ tǒ kéle pè wěkɪ ne nê-á me Liyel tukey tyí sɔkɔ, nê-á kèkǒyó mè névyé fnè-òle, lékàh-á me te òmɔ tyí.\*

12 Tyi náhnáh tǒ me ní tyí yo yo tǔne yé tyí. Nte máh kɪ sè yo yé tyí núkúnúkú, sè kɪ kǎn pɪ yéle.

13 Liyel Mirki nê-á gbɪle névyele n wěkɪ Liyel tyí sɔkɔ, òmɔ-à pɔ gbí nêne, à kɪ pɔ yé yah tǔ yé kǒ yé kɪ gbɪ dùkù pól pǐ Liyel tyí sɔkɔ. N yah yíí welɔ náh à kɪ pɔ n yo dé! Wǎh tyi nónó pól noh, sépi ye à kɪ pɔ yo yé tyí ànê tyi nónó-á me n pi.

14 A kɪ tyile n we n syi òmɔ tyí kɪ n yo yé tyí. Képah ye, òmɔ gbò yò òmɔ yín kɪ n gbilki.

15 Kwáh nê-á fyò me Sú Liyel tyí, òmɔ tɔ tyí ye kéle. Képah ye ní kǒ mé ne Liyel Mirki-á kɪ òmɔ tyile n we n syi n yo yé tyí.»

### *Yèkwɔri vìnɔnɔnɔle nìvìnìne*

16 Képah yóntenɔ náh, Yesu tǒ ne: «Dǒ kwéy, yé náh tǒ ní we n pi. Té dǒ kwéy képah náh, yé kɪ tǒ ní we.»

17 Képah tǔne, n tǒ sáhpú túkù tyah n yo wě tyí ne, wey nê-á à n yo pé tyí yò ne dǒ kwéy, pé náh tǒ pé we n pi, té dǒ kwéy képah náh, páh kɪ tǒ pé we, képah yò se pɪ tir nêne ni? Anê tir nê se à n yo sǔ yò ne, páh n sɔkɔ Sú Liyel tǔn ni?

18 Dǒ kwéy nê tyí-á à n yo yò, tir nê se képah n wěkɪ ni? Pépi náh me n wey mè syíkí-ńsah we dé!

19 Nte Yesu-á pǐ ne, páh me n yah n kǒ pé píkinyah-ńsahle, à yo pé tyí ne: «Máh yo yé tyí ne dǒ kwéy, yé náh tǒ ní we n pi, té dǒ kwéy képah náh, yáh kɪ tǒ ní we, képah tyí yò ye yé n piki n yah wěne yò kè?»

20 Kègbɪgbɪ tǔ yò, mé kéle n yo yé tyí, yé kɪ pɔ n gbo kɪ yám yám tyile n yo, té kèkǒyó névyé kɪ me nìvìnì sɔkɔ. Yé kɪ me yèkwɔri sɔkɔ, nte yé yèkwɔri kɪ pɔ vi mɔ pɪ nìvìnìne.

21 Sê-à pile n dubi gbí nêne, yèvyǎhrɪ pɪ gbí-á yini tǔ n tyí sǔ, kè n ne yèkwɔrile n tyí. Nte wáh dubi te, névi wéndubinɔnɔle kèkǒyó n tyí, kè n pɪ nìvìnì òngbēne n tyí. N dyo n fwɔ n yèvyǎhrɪ pínsɔkɔnɔ tyíle.

22 Sǔ yé yépi tole yèkwɔri sɔkɔ núkúnúkú yò. Nte mé kɪ tǒ pɔ n yah n pi yé tyí. Képah sɔkɔ, kè kɪ pɪ nìvìnìne yé tyí kègbɪ tǔne, nìvìnì nê-á ney náh fǔ kè tǔ n syi n pi yé tyí.

\* 16:11 16.11 - Kèkǒyó névyé fnè-ò nê tyí-á n yo ásò sɔkɔ yò, sétàn yòtè ye.

23 Lésõ gbìyìkì-à pɔ nɔ, yé náh tǒ ní piki n yah n pi tir yó rítě tyíle. Kègbɔgbɔ tě yõ, mé kéle n yo yé tyí, yâh kwâhdúkú nê ni Sú Liyel tyí rímɔ yîn yõ, à kɪ kéle yé kǔ.

24 Té à pɔ syi núkúnúkú tyí, yé náh tǒnì me kwâh yó rítě ni rímɔ yîn yõ. Yé ne n ni, yé kɪ n we n syi. Képah sɔkɔ, yé nìvìnì kɪ syi ké yîn tyí.»

*Yesu tě we kèkõyó tyí*

25 Képah náh, Yesu tǒ ne: «Mé ye tyi nópi pól yâh yé tyí sèmìrn sɔkɔ. Té sǒ yó me n pi, mé náh tǒ n yâh n pi yé tyí sèmìrn sɔkɔ. Nte mé kɪ Sú Liyel tyí yo wah palle yé tyí.

26 Lésõ gbìyìkì-à pɔ nɔ, yé kɪ òne n ni rímɔ yîn yõ. Té mé náh yo yé tyí ne rímɔ-á kɪ n ni òne yé tyí dé.

27 Yé náh we di, yé tyí nɔ Sú Liyel tyí. Nmɔ tyí-á nɔ yé tyí, té yé sě ké yõ ne máh wil òmɔ tyí, képah ye yé tyí nɔ ò tyí.

28 Sú Liyel tyí ye mé wil à pɔ kèkõyó. Nte núkúnúkú, mé kɪ tǒ yal kèkõyó kɪ n yuku n pi òmɔ tyí.»

29 Yesu-á yo sě, ò tǒ sáhpú ne ðhǒ, núkúnúkú tǔne, wâh pyé me tyile n yo n wah palle sèmìrn mí-ńkǔne.

30 Pépi-á pǐ núkúnúkú ne, wâh tyi pólle n pne. Pâh ne à piki n yah n pi tir nêne, à n ne n me kè pǐ n te. Képah-á pépi sě ké yõ ne, wâh wil Liyel tyí.

31 Képah sɔkɔ, Yesu ne: «Yé sě rímɔ yõ núkúnúkú yé yo kè?»

32 Nte gbì yó me n pi, nê-á me te núkúnúkú rítǔne yò, nê sɔkɔ-á yé pól kɪ to karkɪ, kɪ sɔkɔ yé wíl-ńtǎn sɔkɔ, té kɪ rímɔ sah ní gblǒy. Nte Sú Liyel kɪ me òne. Képah ye mé náh kɪ n me n pi ní gblǒy.

33 Nmɔ me ké tyí ne yé yèvɪnɪ we rímɔ tyí, képah ye mé tyi nópi yo yé tyí. Yé kɪ yèvyâhrɪ pɪ n pi kèkõyó sɔkɔ. Nte yé káh tíkɪ pɪ, rímɔ ye tě we kèkõyó tyí.»

## 17

*Yesu níri pínóle*

1 Yesu-á képah yo te sě, à ò yah yõ yínyõ té ne: «Bǒ, ké gbì ye nɔ núkúnúkú. Gbílkinó sah rímɔ yõ, rímɔ tɔ mó gbílkinó sah á yõ.

2 Áwɔ ye tǔnwɛnɔle ní kǔ no pól yõ, ne mé tyé-ńkǔ minne pé pól kǔ, nónó-á á dahbɪ ní gbǒ.

3 Áwɔ nê-á Liyel núkúnúne kègbɔ yõ, pàh áwɔ pǐ, té rímɔ Yesu Krista pǐ, rímɔ nê-á á tekɪ mɔ, képah ye tyé-ńkǔ minne.

4 Wáh tǒ nê dahbɪ ní gbǒ pɪ pɪ tǔne, mé ye kè pɪ te. Nmɔ ye gbílkinó sah á yõ sétáh yõ sɔkɔ.

<sup>5</sup> Núkúnúkú tẽne Bõ, gbílkinó nê-á sò me nmo yõ á gbòpo kèkõyó mó-nkê gbí dukùle, képahle nmo kõ á gbòpo soko rítõ.

<sup>6</sup> Wáh nónó wilki kèkõyó névye soko à nmo kõ, mé ye á dukùle pè wèki. Áwo tyí ye sò péle, té á me péle nmo gbò dahbi, pè me á wey fẽ syi.

<sup>7-8</sup> Wáh welo nónó yo ní tyí, mé ye sè yo pé tyí, pè me sè fẽ syi. Pè pĩ yíi ne, máh wil áwo tyí, té sê ké yõ ne áwo-á tekú mo nne. Képah ye, núkúnúkú tẽne, pè pĩ ne wáh yí nónó pólle nmo kõ, sah wil áwo tyí.

<sup>9</sup> Páh pi áwo tyíle sê, képah ye mé ále n ni pépi tyí. Mé náh me ále n ni kèkõyó névye tẽ wo tyí dé! Wáh nónóne ní gbò dahbi, pépi tyí ye mé n ni ále.

<sup>10</sup> Nónó pól-á áwo tyíle, nmo to tyí ye péle. Nónó pól-á nmo tyíle, áwo to tyí ye péle. Té pépi gbò yõ, gbílkinó me n sah nmo yõ.

<sup>11</sup> Nte dö kwéy, nmo ki n po n pi áwo tyí. Mé náh ki tõ n me n pi kèkõyó soko. Nte pépi wo ki me kèkõyó. Bõ, áwo nê-á pèkè kẽne, pè tẽ n sah á tãhkì gbò yõ, képah nê-á á nmo kõ. Képah soko, pè ki pi nukùle sã-á áwo ànê nmole nukùle.

<sup>12</sup> Máh sò me péle gbí nêne, mé pè tẽ sah á tãhkì gbò yõ, képah nê-á á n kõ. Mé pé yõ syiki palle, ònî yó nte tyí náh yiki pé soko, à wil nénúkù mè tyí soko, nê tyí-á sò yĩne kè yiki, á wey sébéy soko tyi wárkínsàhnó kõ sè we n wil.

<sup>13</sup> Nte núkúnúkú, nmo-á n pi áwo tyí, képah ye mé tyi nópile n yo té ní sah kèkõyó soko, nónó-á ki pè kõ pè ki me nìvìnì yèsyìkì soko nmo tyí kõle.

<sup>14</sup> Mé á wey yo pé tyí. Pè náh tõ pi kèkõyó tyíle, sã-á nmo náh pi kèkõyó tyíle. Képah ye, kèkõyó névye pé dyole n yo.

<sup>15</sup> Mé náh me ále n ni ne, á pè tẽ n yal kèkõyó dé! Nte ne n yah pé yõ, pèkè pí-ò káh tẽ we pé tyí.

<sup>16</sup> Sã-á kèkõyó tyí náh nmole, sê ye kèkõyó tyí náh pépi tole.

<sup>17</sup> Pè wilki n sah á tyí yõ á gbi gbò yõ. Á weyne, gbi ye kéle.

<sup>18</sup> Wáh nmo tõ sã kèkõyó soko, sê ye mé pé tole n tõ kèkõyó soko.

<sup>19</sup> Nmo ní gblóyne ále n kõ ní tóo pépi yinne, ne pé to ne n me áwo tyí yõ gbi tẽ yõ.

<sup>20</sup> Nte mé náh me ále n ni pépi ó yinne dé! Nónó to-á ki po n sê n pi nmo yõ pépi tyíyónó gbò yõ, pépi to tyí ye mé

n ni ále.

<sup>21</sup> Mé ále n ni ne pé pól pi núkúle. Áwɔ nê-á Bõle, áwɔ ànê ñmɔ-á me núkúle sõ, pépi ànê ápi tɔ pi núkúle sɛ, kèkõyó névye kɔ pè pĩ ne áwɔ-á tekɪ mɔ ñne.

<sup>22</sup> Wáh gbilkínó sah ñmɔ yõ sõ, ñmɔ tɔ ye gbilkínó sah pé yõ sɛ, ne pè pi núkúle sõ-á áwɔ ànê ñmɔle núkúle.

<sup>23</sup> Nmɔ me péle, áwɔ me ñmɔle. Kãh pi sɛ, pè ki pi yíí núkúle. Képah sɔkɔ, kèkõyó névye ki pĩ ne, áwɔ-á tõ ñmɔle, ànê no nópi tyí-á no á tyí, sõ-á ñmɔ tyí no á tyí.

<sup>24</sup> Bõ, wáh nónoné ní gbò dahbi, mé me ké tyí ne pépi tɔ ne n me ñne máh ki n me n pi ñyãh sɔkɔ, pè mó ní tõrí wɛ. Nmɔ tyí-á me nónoné á tyí kèkõyó mó-ñkê gbí dùkúle sɛ, képah ye á tõrí mène ní kɔ.

<sup>25</sup> Bõ, áwɔ nê-á me tómm, kèkõyó névye náh ñ pĩ, ñte ñmɔ wɔ ñ pĩ. Té no nópi tɛ wɔ pĩ ne, áwɔ-á tõ ñne.

<sup>26</sup> Mé ye á dùkúle pè wɛki, té ki tõ á dùkúle pè wɛki n pi, ne ñmɔ tyí-á no sõ á tyí, kéne tyínɔnɔ dùkú ne n me pé tɔ sɔkɔ, ànê ñmɔ mó ne n me péle.»

## 18

### *Yesu tɛnóle*

<sup>1</sup> Welɔ nópi yóntenɔ náh, Yesu ànê ñ tò sáhpú wil sɔkɔ à kyɪ de sésân swãh yó sɔkɔ Sedrõ nítókahnne.

<sup>2</sup> Yesu ànê ñ tò sáhpú sò dar té wɛne n tuke n mɔ n pɔ nénpó. Képah ye, Nsyudasɪ nê-á sò me vɛnó sɔkɔ Yesu náh, ñ tɔ sò nénpó pĩ.

<sup>3</sup> Képah sɔkɔ, sárká syínwilkipu yõtãm ànê Farisi wɛki kópú me sràsyíbí ùnkí ànê Liyel ní-ñsah gbò syíkípú tõ. Nsyudasɪ me pépi yah tɛ à pɔ de péle swãh mè sɔkɔ. Nì sò me pé tyí wóhntɛnyĩnnɔle pé gbãh sɔkɔ, ànê fòtnònóle, à tahlɪ méfwóyí tyí.

<sup>4</sup> Nte tir nê-á sò ne n pi n pi, Yesu-á sò me kè pĩ sɛ, à no de pé tnô té pè piki yah ne, nê se pè n yah n kɔ nɪ?

<sup>5</sup> Pè me à syah ne, Nasaretɪ kwil Yesu-á. A me yo pé tyí ne: «Ñmɔ ye.» Té Nsyudasɪ nê-á ki sò à dahbi n pi pé gbò, ñmɔ sò me yínnɛnóle gbòpɔle.

<sup>6</sup> Yesu-á fyò yo pé tyí ne péwɔ-á, pè pé syɪ náhsékũrnne à kyɪ syíkɪlɪ sétáh.

<sup>7</sup> A me tõ ñ syɪ pè piki yah ne, nê se pè n yah n kɔ nɪ? Pè me ne, Nasaretɪ Yesu-á.

<sup>8</sup> Képah sɔkɔ, à me yo pé tyí ne: «Mé ye kè yo te yé tyí ne ñmɔ-á. Nmɔ-à kɪ nê yé n yah n kɔ̃, yé ye no nópi kɔ̃ pè ne n yuku.»

<sup>9</sup> Képah-á pɪ sɛ̃, wáh lésõ wey nê yo sah, kè wil. A lésõ ne: «Bõ, wáh nónóné n gbõ dahbɪ, mé náh ye pé sɔkɔ yó ntẽ tyí yɪkɪ.»

<sup>10</sup> Té dí yó tɔ lésõ me péle pè n ye Malkusile. Sárká syínwìkìpu yõtẽ ñgbẽ tɔnpɪ ye ñne. Té Simo-Pyerɪ tyí kèkírki yó sò me. A me kè yɔrɪ de à kéné dí gbòyò sò níki kɔ̃ kãm.

<sup>11</sup> Nte Yesu me yo Pyerɪ tyí ne: «Á kèkírki dyɪ ké gbô sɔkɔ. Á se me n sò ne, Sú Liyel-á yèvyãhrɪ nê yah tɔkɔ sah ne mé pɔ n pɪ, máh kɪ kè yahle?»

*Tyi nónó-á pɪ sárká syínwìkìpu yõtẽ ñgbẽ An ònne*

<sup>12</sup> Képah náh, sràsyíbi tɪnkɪ ànê pé yõtẽ ñgbẽ, ànê Nsyifunɔ Liyel ní-ńsah gbô syíkípú me Yesu tẽ, té à pukubi,

<sup>13</sup> à yuku ñne An ñgbò tyí. Kayifi nê-á sò sárká syínwìkìpú yõtẽ ñgbẽne léyíle, ñmɔ déndí ye sò An mène.

<sup>14</sup> Té kéné Kayifi mè wɔ ye lésõ vi mɔ pé no Nsyifunɔ yõtãmne ne nkẽ: «Dí nénúkù-à kɪ ku no pól yinne, képah kɪ nekɪ kal ále.»

<sup>15</sup> Simo-Pyerɪ ànê Yesu tò sáh-ò yó sò me Yesu sò tẽ. Képah sɔkɔ, sárká syínwìkìpu yõtẽ ñgbẽ-á sò me Yesu tò sáh-ò mène n pne sɛ̃, ñmɔ me de yuku Yesule sárká syínwìkìpu yõtẽ ñgbẽ gbô sɔkɔ.

<sup>16</sup> Nte Pyerɪ wɔ sò me yin tẽ kégbó, gbô yah sɔkɔ. Té Yesu tò sáh-ò nê-à sò sárká syínwìkìpu yõtẽ ñgbẽ népínine, ñmɔ me wil pɔ yo mɔ tɔnpɪ pi tyí nê-á gbô syíkí-òle, té Pyerɪ kɔ̃ à de.

<sup>17</sup> Té Pyerɪ-á n de, kéné tɔnpɪ pi mè me à syah ne, ñmɔ tɔle Yesu mè tò sáh-ò kó ñne nɪ? Pyerɪ me à syah ne, n tò sáh-ò náh péwɔle dé!

<sup>18</sup> Nte vɪrɪ sò me n pɪ. Káh pɪ sɛ̃, tɔnpɪbɪ ànê Liyel ní-ńsah gbô syíkípú sò me nyàh mɔ sah n wne, té Pyerɪ tɔ me nyàhle n wne péle.

<sup>19</sup> Té Yesu wɔle, sárká syínwìkìpu yõtẽ ñgbẽ me tyah ñmɔle n piki n yah n tò sáhpú ànê n névyé kwónó tyí sɔkɔ.

<sup>20</sup> Yesu me yo n tyí ne: «Mé sò me n weyne n yo n dal n mɔ no pól yí yah. Té me kwónóle n pɪ gbímegbí Liyel ní-ńtân vɪ

sokɔ, ànê Liyel ní-ńsah gbô sokɔ, ńyãh sokɔ-á Nsyifunɔ pól wẽne n tuke n mɔ. Mé náh tir yó ńtẽ yo sèfìn sò sokɔ.

21 Té kwâh nê pɪ á ńne n piki n yah sẽ? Nónó-á ní wey noh, pépi piki yah nê-á mé yo. Máh nê yo, pépi wɔ kè pĩ.»

22 Yesu-á fyò képah yo, Liyel ní-ńsah gbô syíkípú sokɔ nê-á sò me ńénpó, ñmɔ Yesu létáh mɪ té ne, sárká syínwĩkĩpu yòtẽ ñgbẽ tyí se à n wekɪ sẽ yò nɪ?

23 Yesu me yo ñ tyí ne: «Máh kɪ me wèntúkù wekɪ, kéle ní wẽkɪ. Nte máh kɪ me wekɪ ple, kwâh nê pɪ té á ní mɪ?»

24 Képah sokɔ, An me Yesu tekɪ mɔ sárká syínwĩkĩpu yòtẽ ñgbẽ Kayifi tyí sẽ púkúbínóle.

25 Légbĩne, Simo-Pyerɪ sò me yĩn tẽ nyàhle n wne sẽ. Pè me à piki yah ne, ñmɔ tole, dí mè tò sáh-ò kó ńne nɪ? A me ñ vyãh kòlɪ ne, ñ tò sáh-ò náh péwɔle dé.

26 Pyerɪ-á lésò dí nê níki kò kãm, ñ tyí névi yó lésò me sárká syínwĩkĩpu yòtẽ ñgbẽ tònpule. Kéne tònpi-á Pyerɪ we, à à syah ne, ñmɔ-á lésò pé kyɪ we ànê Yesule swãh sokɔ.

27 Pyerɪ tō ñ vyãh kòlɪ. Nénpó swɔ, sénpe gbo.

*Pilati Yesu kònmonɔ wèkì kò*

28 Képah tẽne, pè Yesu tẽ yal Kayifi tĩnne, té yuku ñne Wrome gběnyah yah tẽ-ò tĩnne. Séngbõ púpú ye sò pè pɪ képahle. Pãh yĩni tẽ, Nsyifunɔ yòtãm náh fẽ syi de ñ gbô sokɔ. Pè náh sò me ké tyí ne pé pé gblõy silki, pé vyãh mó de Nsyifunɔ yõrɪ tyénó syáh yòke yónó sokɔ.\*

29 Kãh pɪ sẽ, Wrome gběnyah yah tẽ-ò dí Pilati me wil pɔ pé tnô kégbó, à pɔ pè piki yah ne, tyítúkù nê se dí mè pɪ pè yo nɪ?

30 Pè me à syah ne, dí mè-à sò me tyítúkù pí-òle ńkẽne, pépi se náhki pɔ ñne ñmɔ tyí nɪ?

31 Képah tẽne, Pilati mó Nsyifunɔ syah ne, pè ne n yuku ñne, pè kyɪ à tuke pé gblõy à yĩne pé tyi kònsàhnóle. Nte pé to me à syah ne, névi kònmonɔ gbàh náh de mɔ pépi tyí.

32 Képah sokɔ, Yesu-á lésò nê yo sah à ñ gblõy ku òkù tyí yo wah, kè wil.†

33 Kãh pɪ sẽ, Pilati me ñ syɪ de ñ gbô sokɔ, té Yesu ye pɔ piki yah ne ńkẽ, ñmɔ se Nsyifunɔ yòtẽne nɪ?

\* **18:28** 18.28 - Nsyifunɔ nónó-á sò pɪ soh névyele nónó náh pɪ Nsyifunɔle, Nsyifunɔ yõrɪ tyénó syáh déntenɔ sokɔ, pé vyãh n de kéne syáh yòke yónó sokɔ.

† **18:32** 18.32 - Yesu lésò kè yo sah ne pãh kɪ pé òkò mɔ dahɪ yò. Yah n te Nsyõ 3.14. Sẽ ye ńtyĩnò kè pɔ pɪ. Nsyifunɔ ńkẽne tyípèl pípúle n minkɪ n kò, ñte Wrome tãn wɔ n mó tyípèl pípúle n syɪ dahɪ yò.

34 A me yo ñ tyí ne: «Áwɔ se sɔ tẽ n yo kéle á gblɔy, tũ ñnũ se yo ñ syah kéle?»

35 Pilati me à syah ne, Nsyifu se yó péwɔ tɔle nɪ? N yẽngbẽ yĩkĩ névyè ànê pé sárká syínwilkĩpu yõtãm-á pɔ ñne péwɔ tyí. Tir nê se à pɪ nɪ?

36 A me yo ñ tyí ne: «Kèkõyó mè sɔkɔ náh ní tɔrí n wil. Káh sò me n wil kèkõyó mè sɔkɔ, ní tɔnpɪbɪ náhkɪ sò ní fwo syi, mé náh náhkɪ n de n pi Nsyifunɔ yõtãm gbò. Nte ɔɔ dé, ní tɔrí náh wil ásò.»

37 Képah tẽne, Pilati me yo ñ tyí ne, yõtẽ-á ñne kè? A me ne: «Áwɔ ñtẽ vyãh sɔkɔ ye kè wil ne yõtẽ-á ñne! Nmɔ pónóle kèkõyó à pɔ dubi, gbɪ tyí yo n wah yĩn ye. Nónó-á me gblo névyè, pépi kɪ ní tyíyónóle n noh n tẽ yĩn.»

38 Pilati me à piki yah ne, kwãh nê se gbɪle nɪ?

Kéne welɔ yóntenɔ náh, Pilati tɔ ñ syɪ wil à kyɪ yo Nsyifunɔ tyí ne ñkẽ: «N̄mɔ náh pĩlkĩ-ńsah yó ñtẽ we dí mè tyí.

39 Té à yĩne máh dar té kéle n pɪ sɔ yé tyí, yimeyí mé ñkẽne yé sɔkɔ yó wilki wòkònpèkè sɔkɔ ñ fin n mɔ yé yɔrɪ tyénó syáh syah gbĩne. Káh pɪ sɛ, yé se me ké tyí ne mé yépi Nsyifunɔ yõtẽ dí fin n mɔ?»

40 Képah tẽne, pè gbo mɔ tũ ne ñkẽ, ɔɔ, à ñmɔ sah, à mó Barabasɪ wɔ fin mɔ. Té kèlékẽ névi ye mó tɔ sò Barabasɪ mènè.

## 19

1 Képah sɔkɔ, Pilati me pè kɔ pè Yesu tẽ kyɪ ko yèfòhle.

2 Sràsyíbɪ me pãn yòkɔ pɪ dyɪ à kɔ yõtɔrí yókúrɪle, té me fwòmònsãh\* ñgbẽ yó mɔ à kɔ.

3 Képah tẽne, pè nɔ de ñne té n yo ñ tyí ne, Nsyifunɔ yõtẽ dí, páh n wekɪ ñ tyí! Té me ñ létáhlóle n kòhɪ.

4 Képah sɔkɔ, Pilati tɔ ñ syɪ wil pɔ yo tówũ tyí ne, pè yah yò, páh kɪ Yesu wilki pɔ kégbó sɔkɔ, képah sɔkɔ páh kɪ pĩ ne pé náh pĩlkĩ-ńsah yó ñtẽ we ñ tyí.

5 Yesu me wil pɔ kégbó pãn yòkɔle ñ yò sɔkɔ, ànê fwòmònsãh ñgbẽne mónóle ñ tyí. Képah tẽne, Pilati me yo pé tyí ne, pè yah névi mènè kè.

6 Sárká syínwilkĩpu yõtãm ànê Liyel ní-ńsah gbô syíkípú-á fyò à we, pè gbo mɔ tũ ne, à à syɪ dahɪ yò! A à syɪ dahɪ yò! Pilati me yo pé tyí ne, péwɔ tẽ wɔ náh pĩlkĩ-ńsah yó ñtẽ we ñ tyí. Pépi kyɪ à syɪ dahɪ yò sɔkɔ pé gblɔy.

\* 19:2 19.2 - Yòtɔrí fwo ye sò fwòsãhle.

7 Wǎh yo sě, Nsyifunɔ à syah ne, tir kònsàhnó yó-á me pépi tyí, níkě à yíne képah sɔkɔ weyne, dí mè-á yíne kònmonɔle, wǎh sǒnpíle n gblǒyne n pɪ Liyel Pídíne.

8 Pilati-á kéné wey noh sě, tíkí tǒ à gbah tě.

9 A me n syi de n gbô sɔkɔ à kyi Yesu piki yah ne, nýāh se à n wil ni? Nte Yesu nǎh dahbi wilki n tyí.

10 Képah sɔkɔ, Pilati me à syah ne, péwɔ tyí se à yahle vɪnmɔnɔle ni? A kó pɪ ne, tǔnwɛnɔ-á me péwɔ tyí kɪ fě à fin mɔ, képah nǎh pɪ kɪ fě à syi dahnɪ yǒ ni?

11 Nte Yesu me yo n tyí ne: «Tǔnwɛnɔ yó nǔtě nǎh n we n pi á tyí nímɔ yǒ sɔkɔ, né Liyel nǎh kéle n kǒ. Képah ye, nê-á dahbi nímɔle á gbǒ, nímɔ tyípékè kal áwɔ tyíle.»

12 Wǎh képah yo, Pilati sǒ me n wénfinnmɔ-ńsahle n yah n kǒ. Nte Nsyifunɔ sǒ me kah gbo mɔ tǔ ne, wǎh kɪ à fin mɔ, Wrome kwiltǎm yǒtě Sesar kódí tě wɔ nǎh nne dé! Nkě névi nê-á fyò n gblǒyne n pɪ yǒtǔne, Sesar sépe-á tǔne dò.

13 Pilati-á fyò welɔ nópi noh, à pè kǒ pè Yesu tě wil kégbó. Té me kǒ tě tukey tuke tuke kǒ yǒ fí yó sɔkɔ, nýāh-á me mónóle dyèhle. Pè nǔnpóle n ye Kabatale† Yebre wey sɔkɔ.

14 Ké dǐndal kɪ sǒ n pɪ n pi Nsyifunɔ yǒri tyénó syáhle. Té gbǐ-á me yǒtah sírr kénkǒ sɔkɔ, Pilati me yo Nsyifunɔ tyí ne, pè yah pé yǒtǔne kè.

15 Nte pè tǒ kah gbo mɔ tǔ ne, à à ko mɔ! à à ko mɔ! A à syi dahnɪ yǒ! Pilati me ne, pé yǒtǔne pè ne pé syi dahnɪ yǒ lé? Sárká syínwilkipu yǒtǎm me yo n tyí ne, yǒtě yó nǔtě nǎh me pépi tyí, à wil Sesar tyí sɔkɔ.

16 Képah sɔkɔ, Pilati me n gbàh de mɔ ne à syi dahnɪ yǒ.

*Yesu syínóle dahnɪ yǒ*

Sràsyíbí me Yesu tě sɔkɔ.

17 Pǎh n sɔkɔ, pè à kǒ à n syi syi dahnɪ twah n gblǒy pè wil kwil sɔkɔ, à yuku fí yó sɔkɔ nýāh-á pè n ye yǒgbèkè tyahle, té pè kéle n ye Kǎkotalɛ Yebre wey sɔkɔ.

18 Nǔnpó sɔkɔ ye pè syi nne dahnɪ yǒ, té me népɪ ními yísyó tɔ syi dahlɔ yǒ n gbòplɔle, té nímɔle pé nuyó.

19 Pilati me wey yó wǎrkɪ à syi Yesu syi syi dahnɪ tyí n yǒtah, nê yǒ-á kè me wǎrkínsàhnóle ne níkě: «Nasaretɪ kwil Yesu, Nsyifunɔ yǒtǔ.»

20 Pǎh Yesu syi dahnɪ yǒ, té wey nê wǎrkɪ syi kéné dahnɪ tyí, n yǒtah, kè sǒ me Yebre wey sɔkɔ, à nê Latě wey sɔkɔ,

† 19:13 19.13 - Kabata kór ye tyah kèyyne.



ànê Krekɪ wey sɔkɔ. Té nyãh sɔkɔ-á sò pè syɪ ònne dahnɪ yõ, nénpò sò me yúkey kwille. Kãh pɪ sɛ, Nsyifunɔ náhnáh kè we kar.

<sup>21</sup> Képah sɔkɔ, Nsyifunɔ sárká syínwilkɪpu yõtãm yo Pilati tyí ne, à káh ye wárkínó mè tẽ sɛ ne, Nsyifunɔ yõtẽ-á. Nkẽ à kè wárkɪ mɔ ne, dí mè-á yo ne níkẽ, Nsyifunɔ yõtẽ-á péwɔle.

<sup>22</sup> Nte Pilati me yo pé tyí ne, páh fyò nê wárkɪ te, kãh kɪ tẽ sɛ.

<sup>23</sup> Képah tẽne, sràsyíbí-á Yesu syɪ te dahnɪ yõ, pè ò flo tɔkɔ à dibi‡ tãntãn òyêh à pɔ gbàh sah ò fwòmò-òngbẽ tyí. Pé nénúkú núkú pól me tɔkɔ núkú núkúle. Té fwòmò-òngbẽ mè sò me kóhntel-ísah kẽne ké tyí. Kè sò me fwɔ núkúle à tɔkɔ ké yõtah tyí, fós à pɔ syɪ ké sètàhkì sò tyí.

<sup>24</sup> Pè me yo wẽ tyí ne, pé káh képah wɔ yɔrɪ n tɔkɪ. Pé ye òndan mɔ n yah, kãh kɪ pɪ nê tyíle. Té nê-á lésò wárkínsàhnóle Liyel wey sébéy sɔkɔ ne níkẽ: «Pè ò flo dibi pé wẽ wró, té òndan mɔ à ò fwòmò-òngbẽ tɔkɔ.»<sup>§</sup> Képah wil yin ye kè kò kè pɪ sɛ yò. Sɛ ye sò sràsyíbí pɪ.

<sup>25</sup> Té Yesu yú sò me yínntẽnóle Yesu syɪ syɪ dahnɪ tnô, ànê ò yú gbẽnsêle, ànê Klopasɪ kyɪ Marile, à tahlɪ Makadala kwil Mari tyí.

<sup>26</sup> Yesu tò sáh-ò nê tyí-á nɔ yíi ò tyí, òmɔ tɔ sò me yínnóle Yesu yú tnô sɔkɔ. Yesu-á pè we, à yo ò yú tyí ne: «Á pídí we yò.»

<sup>27</sup> Képah náh, té yo ò tò sáh-ò mè tyí ne: «Á nô we yò.» A tɔkɔ légbí tyí, tò sáh-ò mè me Yesu yú tẽ à kyɪ sah ò gblõy tyí.

### *Yesu kúnóle*

<sup>28</sup> Képah náh, Yesu-á pĩ ne tyi pól-á pɪ dal mɔ sɛ, à ne: «Níkì me ò tẽ.» Képah sɔkɔ, nê-á wárkɪ sah Liyel wey sébéy sɔkɔ, kè wil.\*

<sup>29</sup> Té pín yó sò me nénpò yòyòkè nine ké yíine. Sràsyíbí me sènsúkúrí tɔkɔ à dahbɪ wilki kène yòyòkè ni sɔkɔ, à dyɪ yisɔpɪ òndan tyí, té kè nɔ à sah Yesu vyãh yah.

<sup>30</sup> Wãh kè wɔ, à ne: «Tyi pól ye we pɪ dal mɔ.» Wãh fyò képah yo, à ò yõ sɪnki té ku.

‡ **19:23** 19.23 - Wrome tãn-à sò névile n syɪ dahnɪ yõ, pè tẽ flo de. Pàh à syɪ te, nónó-á syɪ ònne, pépi ò flo nópi tɔkɔ n dibi. **§ 19:24** 19.24 - Yah n te Gbálnó

22.19. \* **19:28** 19.28 - Yah n te Gbálnó 69.22.

31 Nsyifunɔ mɪ mɪ yòh kɪ sò n tyah n pi lékâh mónó sɔkɔ.† Té mɪ mɪ yòh mè sò kal sé no télólɛ. Képah ye, Nsyifunɔ yòtãm náh sò me ké tyí ne nónó-á me syínsàhnólɛ dahlo yõ, pé lékyî pɔ mɪ mɪ yòh sò no dahlo yõ.‡ Kâh pɪ sɛ, pè kè yah kɔ Pilati tyí ne, à kéne no nɔpi gbyêh kwɔkɪ pè kɔ pè ku súú, pé lékyî mó tiki n mɔ n to dahlo yõ.

32 Képah sɔkɔ, népî nímí nónó-á sò pè syɪ dahlo yõ ànê Yesule, sràsyíbí me pɔ négben gbyêh kwɔkɪ té ní-ò to tyí kwɔkɪ.

33 Té pãh yĩni tẽ Yesu tyí, pè kè we ñmɔ me ku te. Kâh pɪ sɛ, pè náh fwõtẽ ñmɔ gbyêh kwɔkɪ.

34 Nte képah fyé yõ, sràsyíbí nɔpi sɔkɔ yó Yesu gbòpɔ tũ mèmèkìlɛ. Nénpó swɔ, tó ànê ni n fwɔ n wil nórɛ mè sɔkɔ.

35 Névi nê-á n yo tyi nɔpile, ñ to yí yah tótó sɔkɔ ye sè pɪ. Gblɔ ye ñ tyíyónólɛ. Nmɔ ñtẽ to pĩ ne gblɔ-á pé n yo. A tyi nɔpi yo ne yépi to sɛ Yesu yõ.

36 Nte yah, tyi nɔpi pól ye pɪ Liyel wey sébéy sɔkɔ tir wárkínsàhnó mè kɔ kè wil. Kè lésõ me wárkínsàhnólɛ ne ñkê: «Ñ gbèkè yó ñtẽ náh n kwɔ n pi.»§

37 Té kè tã me wárkínsàhnólɛ Liyel wey sébéy fí yó sɔkɔ ne ñkê: «Pãh névi nê tũ, pé yípló pye kɪ tẽ ñ yõ.»\*

### *Yesu lékó yínólɛ tekɪ diki sɔkɔ*

38 Té dí yó lésõ me pè n ye Nsyosefulɛ. A sò n wil Arimatu kwil sɔkɔ. Yesu tò sáh-ò yó ye sò ñ tole. Té Nsyifunɔ yòtãm tíkí-á sò me à tẽ sɛ, képah ye à kè wõbɪ péle. Kéne tyi pínsɔkɔntenɔ náh, ñmɔ me pɔ Pilati ni ne, à ye pé kɔ pé Yesu lékó de dahni yõ pé kyɪ à yĩ. A me ké wèkìlɛ à kɔ. Képah sɔkɔ, à me kyɪ ñ lékó de.

39 Té Nikodemɪ nê-á lésõ kyɪ wil Yesu tyí sò yó lékâhne, ñ to me pɔ pútúr pãn pènàl dukenɔ nínó fèkìnmɔnɔle wẽ sɔkɔ. Núkú yĩn ye mirle, ní-ò yĩn me alowestle. Pútúr mè sò no kilónó yõgbãm kénkõle.

40 Pé nímí me ñ lékó tɔkɔ, té à plo fwɔ gbrólɛ. Pè pãn pènàl yí nɔpi mɔ ñ yõ, à yĩne Nsyifunɔ lékó yĩ dùkùlɛ.

41 Pãh Yesu syɪ dahni yõ nýãh sɔkɔ, swãh yó lésõ me nénpó tnô diki sán yólɛ ké sɔkɔ, diki nê-á ney náh yĩ yah ké sɔkɔ póllɛ.

† 19:31 19.31 - Nsyifunɔ gbɔ̀yìkì sò n tyah tyah piri gbíne. ‡ 19:31 19.31 - Yah n te Tõnyonɔ 21.23. § 19:36 19.36 - Yah n te Gbálnó 34.21. \* 19:37 19.37 - Yah n te Nsakari 12.10.

42 Tě Nsyifunɔ mɪ mɪ yòh-á kɪ sò n tyah n pi lékâh mónó sɔkɔ sě, képah ye pè me Yesu lékó yĩ diki mề sɔkɔ, képah nê-á sò me yúkey.

## 20

### *Yesu lékó yilkinmɔnɔle*

1 Dimansyi sò séngbǔle, Makadala kwil Mari kwãh kyɪ diki yõ tósõ yõ gbĩne. A kyɪ ne n yah diki yah dáhkì náh tõ me ké yah.

2 Képah sɔkɔ, à to sɔkɔ à kyɪ wil Simo-Pyerɪ ànê n ní-ò Yesu tò sáh-ò yó tyí nê tyí-á nɔ yĩ Yesu tyí, té yo pé tyí ne, pãh Tě ñgbě lékó wilki diki sɔkɔ. Té pépi náh pĩ pãh à sah ñyãh sɔkɔ.

3 Képah sɔkɔ, Pyerɪ ànê n ní-ò Yesu tò sáh-ò mề me yuku à diki yõ nyáh sò.

4 Pé ními sò me n to. Té ñmɔ-á sò me n to súú kal Pyerɪle, ñmɔ kyɪ yĩni tẽ gbenne diki yõ.

5 Wãh kɔ yah diki sɔkɔ, à fwɔ gbró we sàhnóle ké sɔkɔ, té à náh de.

6 Nte Simo-Pyerɪ nê wɔ-á sò me n pi n náhle, ñmɔ wɔ-á pɔ yĩni tẽ, à de diki sɔkɔ. Té kyɪ fwɔ gbró we sàhnóle,

7 ànê fwɔ yóle fikénsàhnóle ké tyíle, pãh sò nê mɔ n yõ yõ. Képah náh sò me fwɔ gbró télóle fĩ núkú.

8 Képah sɔkɔ, Yesu tò sáh-ò nê-á sò pɔ de diki yõ gbenne, n to me de diki sɔkɔ. Wãh kè we, à sě ké yõ.

9 Té à pɔ nɔ légbí tyí, wey nê-á wãrkɪ sah Liyel wey sɔkɔ ne, Yesu lékó-á yĩne à pɔ n yilki mɔ, n tò sáhpú náh tñnì sò me képah dùkù pĩ.

10 Képah náh, Yesu tò sáhpú népĩ ními nópi pé syɪ to yuku pé tĩnne.

### *Yesu n gblõyne Makadala kwil Mari wěki*

11 Légbĩne, Mari sò me yĩntěńóle kégbó sɔkɔ diki tnô me n gbo. Wãh me gbní sɔkɔ gbí nêne té kɔ yah diki sɔkɔ,

12 à yĩnyõ tɔnɔɔɔ népĩ ními we fwɔpikinɔ sɔkɔ diki sɔkɔ. Pè sò me kǔntěńóle Yesu lékó snékɪnmɔ-ńsah sɔkɔ. Núkú sò me tẽ n yõ mó-ńsah tĩnne, té ní-ò me tẽ n gbyêh mó-ńsah tĩnne.

13 Pè me ne, pi, kwãh nê se pɪ té à n gbo nɪ? A me ne pãh pé Tě ñgbě lékó wilki. Nté pé náh pĩ pãh à sah ñyãh sɔkɔ, képah-á pé kǔ pé n gbo.

14 Wǎh me képah yónó soko té n yah vi, à Yesu we yínnóle nénpó. Nte à náh sò me pĩ ne ñmɔ-á.

15 Yesu me à piki yah ne, pi, kwâh nê se pi té à n gbo ni? Nê se à n yah n kɔ ni? Nte Mari wɔ sò me n sò ne sètɛ dí-á, té yo n tyí ne, pé yòtɛ, ñmɔ-à kɪ nê wilki ñne, à n sàh-ñsahle pé wɛkɪ pé kyɪ à toko.

16 Képah tɛne, Yesu me à ye ne, Mari! Mari me n yah vi n ñinne té yo n tyí Yebre wey soko ne, Wrabuni, nê kór-á kwó-ò dɛne.

17 Nte Yesu me yo n tyí ne: «Mé náh tɔ̀nì me dokɔ yuku Sú Liyel tnô, képah ye, káh ní tɛ n sah. Té kyɪ n yo ñmɔ yúnpyé tyí ne,\* máh kɪ dokɔ yuku ní Sú tyí, nê-á yépi tɔ Súle. Ñmɔ nê-á ní Liyelle ànê yépi tɔ Liyelle, máh kɪ dokɔ yuku n tyí.»

18 Képah soko, Makadala kwil Mari me kyɪ kè yo Yesu tò sáhpú tyí ne, páh Tɛ ñgbɛ we. Té wǎh tyi nónó yo n tyí, à me sè yǎh pè tyí.

*Yesu n gblɔyne n tò sáhpú wɛkɪ*

19 Kéne dimansyi mè ó sò nívine, Yesu tò sáhpú sò me tükènmontɛnóle wòkò yó soko. Té Nsyifunɔ yòtám yah tiki tɛ tyí, pè sò me ké vi yey tɛ n mɔ sah. Nte dɔ, Yesu núkú pɔ n yin pé nyó, té yo pé tyí ne: «Yé ne n me yèvinɪ soko.»

20 Képah yóntenɔ náh, à n gbàn táhló ànê n gbòpɔle pé wɛkɪ. Pǎh Tɛ ñgbɛ we sɛ, kè pi yí ñìvìnine pé tyí.

21 A me tɔ yo pé tyí ne: «Yé ne n me yèvinɪ soko. Sú Liyel-á ñmɔ tɔ sɔ, sɛ ye ñmɔ tɔ yéle n tɔ.»

22 Kéne welɔ yóntenɔ náh, à fɪbɪ mɔ pé yò té ne: «Liyel Mirki ye mé yéle n kɔ.

23 Yáh nónó tyípél yɔ mɔ pé kɔ, sè kɪ yɔ mɔ pé tyí. Té yáh nónó tyí yɔnmɔ-ñkɛne, sè náh n yɔ n mɔ n pi pé tyí.»

*Yesu ne Toma yal mɔ tɔ̀tò pínóle*

24 Nte Yesu-á pɔ n tò sáhpú tnô sò nêne, Toma nê-á pé yin dyɪ à kɔ kènìnine, ñmɔ wɔ náh sò me. Yesu tò sáhpú népɪ gbɔ̀nimí soko yó ye sò n tɔle.

25 Kǎh pi sɛ, pé no téló me pɔ kè yo n tyí ne, pépi-á Tɛ ñgbɛ Yesu we. Nte à me pé syah ne ñkɛ, né péwɔ tɛ náh kwèrkè níy we n gbàn táhló soko, té pé kèngbɔ dyɪ yah sé soko, ànê né pé náh pé gbò dyɪ yah n gbòpɔ tũ-ñsah soko, pé náh n sɛ n yah n pi ké yò pólle.

\* 20:17 20.17 - Yesu yúnpyé nónó tyí-á à n yo ásò soko yò, n yò sɛpú ye à n ye.

26 Képah náh, ké dimansyi kèyâhle nítõ, Yesu tò sáhpú sò me wě tuke mo tẽ wòkò sòko, té me ké vì yey pól tẽ mo. Képah wo sòko, Toma to sò me péle. Dõ, Yesu núkú po n yĩn pé nyó, té yo pé tyí ne: «Yé ne n me yèvuni sòko.»

27 Képah yóntenõ náh, à yo Toma tyí ne: «Á kèngbole po ásô sòko yò, ò té n yah ní gbàn táhlóle. Á gbò no n dyi ní gbòpo sòko. Yal n mo tòtò pínóle, ò té n sě ké yõ.»

28 Képah tẽne, Toma ne níkě, òmo-á pé Tě ògbě ànê pé Liyel tole.

29 Képah sòko, Yesu me à syah ne: «Wáh ní we, képah ye á sě ní yõ kè. Nte nónó-à sě òmo yõ ní wényah-níkẽne, pé ki me nìvìni sòko.»

30 A wil képah sòko, Yesu tõ gbìl tyi náhnáh pi ò tò sáhpú yí yah, nónó-á sè náh wårki sébey mè sòko.

31 Nte nónó-á wårki ké sòko, sè ye wårki ne sépi gbò yõ, yé sě ké yõ ne Yesu-á Liyel Píđine, ànê Liyel ney yáhntòkòne. Té yáh ki sě òmo yõ, yé mó tyé-níkẽ min we.

## 21

*Yesu ò gblõyne ò tò sáhpú népí kwárnimi wěki*

1 Képah náh, sò yóle, Yesu tõ ò gblõyne ò tò sáhpú wěki Tiberiyadi yò-ògbě gbòpo. Kãh pi dùkù nêne, kè we yò:

2 Simo-Pyeri sò me wě tyí ànê Toma nê-à pé yĩn dyi à kò kènìnine, ànê Natanayeli nê-á n wil Kana kwil sòko, Kalile gběnyah, ànê Nsebede dínpile, à tahlí pé no Yesu tò sáhpú népí ními yísyó tyí.

3 Képah tẽne, Simo-Pyeri me yo pé tyí ne péwo-á n sòko yěnkýo tẽ-risah. Pé no téló me ne, pépi to-á ki sòko òne. Pé me wil sòko à kyi de krótókè sòko, té pé náh kwáh yó we tẽ lésò lékâhne.

4 Tyah syiki gbíne, Yesu sò me yínnóle yo vyãh yah, té ò tò sáhpú náh sò me pĩ ne òmo-á.

5 A me yo mo pé tyí ne, pé kódíbi, pé kó yěnkýo yísyó we tẽ ni? Pé me ne, òõ-á.

6 A me ne, pé pé yěnkýo tẽ tẽ mmo min n dah n mo krótókè gbòyò sòle, pãh ki we tẽ. Pé me sè min dah mo, té yěnkýo we tẽ tnónóle, fókú pé tẽ sè yori wilki kwlo.

7 Képah sòko, Yesu tò sáh-ò nê tyí-á no yí ò tyí, òmo me yo Pyeri tyí ne, Tě ògbě-á. Té Pyeri sò me ò fwòmòni de sah. Wáh noh ne Tě ògbě-á nyãh sòko, à kè tòko mo té yoko de yo sòko.

8 Tò sáhpú téló wɔ mó n pi krótókè sɔkɔ, té me pé yěnkɔ tẽ tẽ mnɔle n yɔri n pi, yěnkɔle sé yííne. Pè náh sò me gbɛ mɔ kah yɔ vyãhle. Kè sò me métérnó lèkwě kénkòle.

9 Páh pɔ yíni tẽ kènkwhãh yõ sɔkɔ, pè nyàhségbnɔ yísyó we yěnkɔle sé yõ, té búrn tɔ me.

10 Képah sɔkɔ, Yesu me yo pé tyí ne, yěnkɔ nónó-á pè we tẽ yò, pè pɔ sé yísyóle.

11 Wãh yo sě, Simo-Pyeri me yěnkɔ tẽ tẽ mnɔ nópi yɔri wilki kènkwhãh yõ. Sè sò me yúkúnóle yěnkɔ ñgbàl pló lèkwě tikinini pó gbãm pó tǔnóle (153). Nte yěnkɔpèl nópi wéntěno fyé yõ, pé yěnkɔ tẽ tẽ mnɔ náh kòli.

12 Képah sɔkɔ, Yesu me yo pé tyí ne, pè pɔ yòke yõ. Té n tò sáhpú-á sò pĩ ne Tě ñgbě-á sě, képah ye n píkinyahnɔ tah pé tyí ne, nê se ñne ni?

13 A me nɔ de péle, té búrn tɔkɔ à dibi pé tyí, té yěnkɔ tɔ dibi pé tyí sěntě óle.

14 Yesu lékó yilkinmɔntenɔ náh, ké ke tǔ-ò ye à n gblòyne n tò sáhpú wěki yò.

### *Yesu ànê Pyeri wě wénóle*

15 Yòke yóntenɔ náh, Yesu me Simo-Pyeri piki yah ne ríkě: «Nsyõ\* pídí Simo, ní tyí-á nɔ no nópi tyí sò, ní tyí se me nɔ áwɔ tyí à kal pépile?» A me yo n tyí ne, àwe Tě ñgbě, ñmɔ nítě-á pĩ ne n tyí-á nɔ pé tyí. Yesu me yo n tyí ne: «Ñ kérépí těno plɛ.»

16 Té tǔ à piki yah ke ní-òle ne ríkě: «Nsyõ pídí Simo, ní tyí se me nɔ á tyí?» A me yo n tyí ne, àwe Tě ñgbě, ñmɔ nítě-á pĩ ne n tyí-á nɔ pé tyí. Yesu me yo n tyí ne: «Pĩ ní képyèni fě-òle.»

17 Képah náh, Yesu tǔ n syi à piki yah ke tǔ-òle ne ríkě: «Nsyõ pídí Simo, ní tyí se me nɔ á tyí?» Képah sɔkɔ, kè Pyeri yah kwɔ, Yesu-á sǔnpíle à piki yah ke tǔnó pólle ne, pé tyí se me nɔ n tyí ni? Képah těne, à me yo Yesu tyí ne, Tě ñgbě, ñmɔ-á tyi pólle n pne. Wãh kè pĩ yíí ne, n tyí-á me nɔ pé tyí. Yesu me yo n tyí ne: «Ñ képyèni těno plɛ.»

18 Kègbıgbı tẽ yõ, mé kéle n yo á tyí, áwɔ kètěnpikí gbíne sò, nýãh-à á dyɔ, ñ á kǔ toh á fwòmò-ñgbě yõ n sɔkɔ nénpó. Nte wãh pɔ dye, á kɪ á gbàn yõ ñnî yó kǔ à kɪ á kǔ toh n kǔ, té kɪ sɔkɔ ále fí yó sɔkɔ, nýãh tyí náh me á tyí.»

\* 21:15 21.15 - Nsyõ nê tyí-á n yo ásò sɔkɔ yò, tükù ñne n ye Nsyonastle.

19 Té Pyerí-á ne n ku n pi dùkù nêne, té kè kɪ Liyel yĩn gbilki n pi, kápah tyí ye Yesu n yo sě yò. Kápah yónteno náh, à tɔ yo Pyerí tyí ne: «N sò tẽ.»

20 Kápah sɔkɔ, Pyerí-á n yah vi, Yesu tò sáh-ò nê tyí-á no yíi Yesu tyí, à à we pé náhle. Nmo ye lésò n gbalɪ kěki Yesu tĩne, té à piki yah ne, Tẽ ngbẽ, nê tẽ ó se kɪ n vi n pi n náh ni?

21 Pyerí-á à we, à Yesu piki yah n tyí sɔkɔ ne nkẽ, té nmo-á dò, Tẽ ngbẽ, tir nê se kɪ nmo no n pi ni?

22 A me yo n tyí ne, páh kɪ me ké tyí ne nmo tẽ min sɔkɔ, fók kè pɔ n no pé syĩnpɔnɔ tyí, n vyãh nê se me ké sɔkɔ ni? Nmo tẽ wo pé sò tẽ sɔ!

23 Kápah tẽne, kè wil wùù Yesu yõ sěpú tyí ne, Yesu tò sáh-ò mè náh n ku n pi. Nte Yesu náh se mó tɔ sò n kú-nkẽ tyí yo Pyerí tyí. A sò ne nkẽ, páh kɪ me ké tyí ne nmo tẽ min sɔkɔ, fók kè pɔ n no pé syĩnpɔnɔ tyí, n vyãh nê se me ké sɔkɔ ni?

24 Yesu tò sáh-ò mè ye n yo tyi nópile, té sè wãrkɪ. Té ápi pĩ ne gblɔ-á n tyiyónɔle.

25 Tyi náhnáh tókù me Yesu pi nítõ. Nte sé pól-à sò me n wãrkɪ núkú núkúle, nmo sɔnɔ sɔkɔ, sé sébéynó sáh-nsah náh náhkɪ n we n pi kèkõyó sɔkɔ.

## Tyípínì

*N yúnpyé, yépi nónó-á sébéy mè kàrpule, mé wéki yé tyí.*

Tyípínì sébéy mènè, Likyi sébéy wárkínó ní-ò ye kéle.

Wàh nê wárki gbenne, té n yinne ké yõ pè n ye Likyi sébéyne, képah Yesu min pi dùkù tyí óle n yo á tyí, gbí nê-á sò à me sétáh yõ. Nte n sébéy ní-ò mè wòle, nê-á pè n ye Tyípínì sébéyne, kè Yesu yínyõ dókónsòkòno tyíle n yo á tyí; ànê képah náh, Liyel Mirki-á pò Yesu tò sáhpú tòko, té Yesu yõ sèpú ònkínó tyah dùkù nènè.

Yesu yõ sèpú ònkí nòpi sò tyah Pyerì ànê Nsyõ gbò yõ Nsyifunò wró, Yerusalemì kwil ànê Nsyifunò kwlo túkù sòkò. Té ònkí nòpi túkù me we Pole gbò yõ kwlo yísyò sòkò, nónó náh pi Nsyifunò kwlole, sã-á Antyòsyì kwil, ànê Korènti kwil, ànê Filipi kwille. Képah náh, Likyi me Pole Liyel tò pínkònkòno dùkù yo wah ànê yótyí nónó-á à we ké sòkò. Pole-á tẽ we yótyí nòpi yah wah dùkù nènè, Likyi ké to yah yo wah.

Likyi n sébéy mè sòkò tyi kèdùkù yah yo á tyí, ké 1.8:

- Liyel yõ sèpú ònkí tyàhnóle Yerusalemì kwil sòkò (1.1 - 8.3),

- Liyel wey yónkònole Yerusalemì kwil, ànê Nsyude, ànê Samari gběnyah (8.4 - 12.25),

- ànê kèkòyó tantàn pól sòkò (13.1 - 28.31).

Wàh Yesu tẽntò névye Liyel wey yo dùkùle n yah, n n nùkú fẽ n pĩ kwónó nê-á sò pè Yesu yõ sèpùle n kò. Kéne Liyel wey yónó mè ye Nìvìnì tirlè. Képah tõ Yesu dùkùle ále n wéki, nmo nê-á Liyel ney yáhtòkònole. Nmo ye pò tẽ kèkòyó mè sòkò, à pwáhnmonòle névye kò, nónó pól-á fẽ syi sè n yõ.

Liyel yé yah tẽ ké kàrnó sòkò.

Amina!

*Liyel vyàh kònole n Mirki pónó tyí sòkò*

<sup>1</sup> N dí Tewofil, máh lésò sébéy gben nê tekì mò á tyí, képah sòkò ye mé wárki Yesu tyípínì ànê n névye kwónòno pólle. Mé sè wárki à tòkò n tò tyàhnó tyí,\*

\* 1:1 1.1 - Liyel wey sébéy fí nê-á pè n ye Likyile, képah tyí ye Likyi n yo Tewofil tyí ne pé sébéy gben-á.



<sup>2</sup> pópó à pɔ nɔ sɔ nê-á Liyel à yǒ dɔkɔ sɔkɔ yǐnyǒ. Té Yesu-á pópó n yǒ n dɔkɔ n sɔkɔ, à tǎn kwǎh sah n tǐntǒ syínyopu kǒ Liyel Mirki gbǒ yǒ, pépi nónó-á lésǒ à yah wilki sah.

<sup>3</sup> Yesu-á yèvyǎhrɪ pɪ à ku, képah nǎh tǐntǒ névyé nópi tyí ye à n gblǒy wǛkɪ duke duke nǎhnǎhle nɛ, páh mɛ vilɛ. Sèpɪn tikinini sɔkɔ ye sǒ à n gblǒyne péle n wǛkɪ, té péle n kwɔ Liyel tǒrí tyí yǒ.

<sup>4-5</sup> Képah sɔkɔ, sǒ yóle pé mɛ yǒke yónó sɔkɔ, té Yesu gbáhdyǎh yó di pé tyí nɛ: «Yé káh n gbɛ n mɔ Yerusalemu kwille. Ngbòle, Nsyǒ lésǒ névyé wel wilki ni sɔkɔ, nte núkúnúkú, káh pópó n nɔ sèpɪn yísyó tyí, Liyel kɪ yé tǒ sah n Mirkile kɪ yé pɪ yályál. Képah ye, yé káh gbɛ mɔ Yerusalemunɛ. Yé Liyel Mirki syɪkɪ n tǐ nǎnpó, képah nê-á Sú Liyel vyǎh kǒnóle, nê tyí-á mé yo sah yé tyí.»

*Yesu yǒndɔkɔnsɔkɔnɔle yǐnyǒ*

<sup>6</sup> Té Yesu tǐntǒ névyé-á sǒ mɛ tükènmɔnɔle n tnô, pé pikínyahno yó pɪ n tyí nɛ, pé Tǔ nǎgbǔ, núkúnúkú se à kɪ tǒrí tǒ dahɪ Yisrayel gbǔnyah tǎn gbǒ sɔkɔ nɪ?

<sup>7</sup> A mɛ yo pé tyí nɛ: «Yépi tyí nǎh ké lésǒ ànê ké gbí pínóle. Sú Liyel nê ó-á tǒrí nétǔnɛ, n̄mɔ ye wilki sah légbíne.

<sup>8</sup> Nte yé kɪ pɔ tǔnwɛnɔ yó wɛ, Liyel Mirki-à pɔ tiki yé yǒ gbí n̄nɛ. Képah sɔkɔ, yé kɪ pɪ n̄mɔ tyí yónwǎhpu kègblole à tɔkɔ Yerusalemu kwil, ànê Nsyude gbǔnyah pól sɔkɔ, à tahlɪ Samari gbǔnyah tyí, fókó à kɪ kyɪ syɪ kèkǒyókó pól yǐn tyí.»

<sup>9</sup> Yesu-á fyò kéne welɔ yo tɛ, à núkú yǒ dɔkɔ n sɔkɔ yǐnyǒ pé pól yí yah. Té n̄yírki yó pɔ à fɔkɔ tǔ, pé nǎh tǒ à wɛ.

<sup>10</sup> Té pǎh mɛ kéne yǐnyǒ yáhnó sɔkɔ díkídíkí sǔ, pé núkú díbí nǎpí ními yísyó wɛ pé tnô fwòpikino sɔkɔ,

<sup>11</sup> pé mɛ n yo pé tyí nɛ n̄kǔ: «Kalile gbǔnyah tǎn, kwǎh nê mɛ, té yé yǐn tǔ ásò, à yǐnyǒle n yah sǔ? Sǒ-á yé wɛ Yesu mènɛ, à yǒ dɔkɔ sɔkɔ yǐnyǒ yò, sǔntǔ ó ye à kɪ tǒ n syɪ n pɔ n pi.»

*Yesu tǐntǒ névyé syínɔnɔle Yerusalemu kwil*

<sup>12</sup> Képah nǎh, Yesu tǐntǒ névyé yal Wolivi yèh yǒli yǒ, à pé syɪ n pi Yerusalemu sɔkɔ. Kéne yǒli nǎh sǒ mɛ fíí kah Yerusalemunɛ, kè mɛ lérí tóní kénkǒ kó-risahle.

<sup>13</sup> Pǎh pɔ de, pé dɔkɔ yuku yǐnyǒ wòkò sɔkɔ, pǎh n̄kǔne wǔnɛ n tuke n mɔ n̄yǎh sɔkɔ. Pyɛrɪ sǒ mɛ, ànê Nsyǔnɛ, ànê Nsyakɪle, ànê Andrele, à tahlɪ Filipi tyí, ànê Tomale,

ànê Barteleminε, ànê Matyele, ànê Alfe pídí Nsyakule, ànê Simole nê-á sò pè n ye sú fǒ vyāh syí-òle, ànê Nsyaki pídí Nsyudele.

14 Pé pól sò me pé sǒnɔ pɪ núkúle, à n tuke n mɔ wě tyí gbíme gbí, à nírile n pɪ. Syó yísyó tɔ sò me péle, à tahlí Yesu yú Mari tyí, ànê Yesu yúnpyéle.†

*Matyasí sàhnóle Nsyudasí swɔ*

15 Kéne sèpìn sɔkɔ, sǒ yóle, Yesu yǒ sǎpú sò me tuke mɔ népí tikinúkò (120) kénkòle. Té Pyerɪ me yuku yīn pé nyó, té yo pé tyí ne,

16 pé yúnpyé, Liyel wey sɔkɔ Liyel Mirki-á lésò Davidi kǒ, à nê yo sah Nsyudasí tyí sɔkɔ, kǎh sò yīne kè pɪ ó pɪ. Kéne Nsyudasí-á lésò Yesule n tǎpú wǎkɪ.

17 Té pépi tǐnkí sɔkɔ ney yó-á mó tǔ sò ñne, tǔle dáhbínóle n gbò pépi tyí kǔle.

18 Nte wǎh pó nê we n tyítúkù pínó yǒrele, kápah-á dwe swǎhle. Té à me pɔ syíkɪ n fɔkɔ sɔ, n dyɔ pól wil karkɪ.

19 Kápah sɔkɔ, Yerusalemi tǎn pól me kè noh, pé kǔ pé kéne swǎhle n ye pé wey sɔkɔ Akeldamale, nê kór-á tǔ swǎhle.

20 Kápah tyí-á sò wǎrkínsàhnóle Gbálnó sébéy sɔkɔ ne nkǎ:

«Ñ kéte kɪ pɪ kéntikínine,

ànê ney náh tǔ n tǎ n pi ké sɔkɔ.»‡

Té tǔ yo ké fí yó sɔkɔ ne nkǎ:

«Ñnî kɪ n pɪ pɪ tǔ tɔkɔ n pɪ.»§

21 Kápah-á, névye nónó-á sò me péle Yesu me gbí dukùle,

22 à tɔkɔ Nsyǔ-á à wel wilki ni sɔkɔ gbí nêne, fǒó à kyɪ syɪ n yǔ n dɔkɔ n sɔkɔ sǒ tyí yīnyǔ. Pépi sɔkɔ nénúkù yó-á yīne à tahlí pé tyí, pé n tyíle n yo n wah ne, wǎh ku té yilki mɔ.

23 Wǎh yo sǎ, pé me népí ními wǎkɪ. Núkú yīn ye Nsyosefulé, nê-á pé n ye Barsabasíle, té tǔ ñne n ye Nsyusitusíle. Ní-ò yīn me Matyasíle.

24 Kápah sɔkɔ, pé me Liyel ni ne, Tǎ ñgbě Liyel, ñmɔ nê-á no pól fǒkósǒnɔle n pne, wǎh nê yah wilki népí ními nópi sɔkɔ, à tǎne pé wǎkɪ.

† 1:14 1.14 - Yesu yúnpyé nónó tyí-á n yo ásò sɔkɔ yò, túkù sǒnɔ sɔkɔ, n kékùrkí núkú gbám ye à n ye. Té tókù sǒnɔ sɔkɔ mó, n kékùrkí núkú gbám náh à n ye.

‡ 1:20 1.20 - Yah n te Gbálnó 69.26. § 1:20 1.20 - Yah n te Gbálnó 109.8.

25 Tě wɔ-á kɪ Nsyudasɪ swɔ tɔkɔ Yesu těntò névye tò mè sɔkɔ, wǎh nê milki té yuku fí yó, nýǎh-á yĩne ñne.\*

26 Képah tēne, pè sáhntɔkɔnɔ pɪ, kéne sáhntɔkɔnɔ me pɔ yĩne Matyasɪle. Nmɔ núkú kwɔ mɔ Yesu těntò névye népɪ gbɔnúkú sɔkɔ.

## 2

### *Liyel Mirki pónóle*

1 Syáh sɔ-á pɔ nɔ, nê-á pè n ye Pǎntekɔtɪ syáhle, Yesu yǔ sěpú pól sò me tükènmɔnɔle fí núkú sɔkɔ.

2 Dǔ, yĩnpǔ yó núkú n wil líyel sɔkɔ á kɪ ne yáhpékè yó sǔ kǔ, à pé mé-ńsah wòkò pól yuku.

3 Té kwǎh yó núkú wil mɔ á kɪ ne nyàh lépǔ sǔ, té kǔlɪ tē tē kǔ pé nénúkù núkú pól yǔ.

4 Liyel Mirki me pé pól tɔkɔ. Pè tyah wénsnóle n wekɪ Liyel Mirki-á nónó dahbɪ pé vyěy.

5 Té légbíne, Nsyifunɔ nónó-á pé Liyel wěkì ténó ple, pè sò me wil kèkǔyó kwlo kwlo pól sɔkɔ, à pɔ twah Yerusalemɪ kwil.

6 Yĩnpǔ mè-á wil sě, pé pól tuke mɔ tówùle. Té pé pól yáhn-ńsah sò me tye, pé nénúkù núkú pól-á sǔnpíle pé kwlo welo wékínóle n nohnɪ Yesu yǔ sěpú tyí.

7 Kǎh pɪ sě, pé gbǎn du, pé lékám fěkɪ, pè me tyah n yo wě tyí ne: «Nónó pól-á n wekɪ yò, pé pólle Kalile gběnyah tǎn nǎh di?

8 Nte kè pɪ sǔ té ápi nénúkù núkú pól á kwlo welo wékínóle n nohnɪ pé tyí,

9 ápi nónó-á n wil gběnyah nǔpɪ sɔkɔ, nónó-á pɪ: Partesele, ànê Medile, ànê Yelamne, ànê Mesopotami tɔle, ànê Nsyudele, ànê Kapadɔsɪle, ànê Pǔtele, ànê Asile,

10 ànê Frisyile, ànê Pǎnfilile, ànê Yesyiptile, à tahlɪ Sirenu kwil tǎn tyí, Libi sɔkɔ, ànê Wrome kwil tǎn nónó-á me ténóle ásò,

11 ànê Kretɪ tǎnne, ànê Arabunine. Api túkù sò dubi Nsyifunɔ Liyel nínó wěkì sɔkɔ, té túkù mó vi mɔ de ále ké sɔkɔ. Té á pól me Liyel tyí-ńgbnɔ pínó tyí yónóle n nohnɪ pé tyí á kwlo welo sɔkɔ.»

12 Képah sò me pé pól yáhn-ńsah tye, té gběndùnì tē tyí, pè me tyah n yo wě tyí ne, tir nê se képah n wěkɪ nɪ?

\* 1:25 1.25 - Fí nê tyí-á n yo ásò yò, yèvyǎhrɪ tē-ńsah ye nénpóle, nê-á pɪ nyàh mé-ńsahle. Nsyudasɪ ye ku sɔkɔ nénpó.

13 Té pé tókù mó sò me kóle Yesu yò sěpúle n ko ne, ðivě pènèkì-á tě péle.

*Pyeri Liyel wey yónóle tówú tyí*

14 Képah soko, Pyeri yuku yin pé no těntò névye népì gbōnúkú téló niyó, té tyah n yo yinpō ñgbēne tówú tyí ne: «Ápi Nsyifunó pólle ànê nónó pól-á me těnóle Yerusalemu kwil, yé yé ní kwō noh palle ní tyí, yè mó ní wey syíkí-ńsah pĩ.

15 Mé pĩ ne yáh me n sō ne, sètēni soko-á no nópilē, té sě náh dé! Pōy tō gbí ó soko náh ále yò di?\*

16 Nte Liyel těntò syinyo-ò Nsyoweli-á nê yo sah, képah ye pĩ yò.†

17 A lésō ne, Liyel-á ne ñkě:

«Kèkōyó-à pópó n tyē,

mé kú ní Mirki tiki mō no pól yō.

Yé ðinpì ànê yé syónpì kú ní těntōnēne n syi n yo.

Mé kú wěkínóle yé kětēnpilē n wěkì,

té yé yèwàhnì kú dléyne n do.

18 Gbì yō, kēne sèpìn soko,

mé kú ní Mirki tiki mō ní tōnpibì díbì ànê syó yō.

Té pè kú ní těntōnēne n syi n yo.

19 Mé kú gbìl tyi pĩ yinyō,

té kú gbìl tyi pĩ sètáh yō,

nê-á kú pĩ tó, ànê nyàh, ànê gbìsyikilē,

20 gbì kú vi mō pĩ fěntūne, té ñwō kú syāh tó sō,

té Tě ñgbē tukey tükénó yòh ñgbē kú pyě pō, kēne tōrí yòh ñgbēne.

21 Képah soko, nónó pól-à Tě ñgbē ye gbo, pépi wō kú pwah.»

22 Pyeri-á Nsyoweli welo nópi yo te, à tō n syi yo pé tyí ne ñkě: «Yisrayel tăn, yé noh ní tyí, máh kú nê yo n pi: Nasaretu Yesule, ñmō ye pĩ névi yóle, nê-á Liyel syō n tyí, à n gblōy tōríle yé wěkì n gbìl ànê n gbēndùnì tyi pínó soko yé wró. Yépi ñtē ye kè pĩ ó!

23 Liyel-á n tyi yah toko sah sō, sè pĩ sě. A kēne dí gbàh de mō yé kō, yé me ñne Liyel dēl pípú kō pè à syi dahni yō, à à ko mō.

24 Nte kũ náh sò fě à tě n sah n pi. Képah ye, Liyel me tō n lékó yilki mō, à à wilki kũ yèvyàhri soko.

\* 2:15 2.15 - Yáh we Pyeri pōy tō gbí tyíle n yo, Nsyifunó náh sò tōle n wō, pōy tō gbí níri sókó-ñkě soko. † 2:16 2.17-21 - Yah n te Nsyoweli 2.28-30.

25 Nmɔ tyí ye lésò yòtě dí Davidi yo ne níkě:‡  
 <Péwɔ Tě ñgbě Liyel náh me ké tyí ne pé tě n kwlo.  
 Képah-á, à me péle gbímegbí pé yohni mɔ yinne.  
 26 Páh tɔ me ñivìnì sɔkɔ, ànê ñivìnì welo ó-á pè n ne n weki.  
 Pé gbò sàhnó-á me ké yò ne, páh pɔ ku, pé min-á ki me tě  
 yèvinì sɔkɔ.

27 A náh pé lékó sah kũ kɔ n pi,  
 ànê à náh n ye pé lékó kɔ kè n pyāh n pi,  
 péwɔ nê-á ñ tɔnpi pèpeyne.

28 Wāh min wālle pé wěki. Té ki pé kɔ,  
 pé ki me ñivìnì sɔkɔ kúmm ñ yah.»

29 Képah yóntenɔ náh, Pyeri tɔ yo pé tyí ne: «Á no, yé ye  
 mè á náh ney Davidi tyi yo n wah yé syah. A lésò ku pè yí.  
 Té kwey mè sɔkɔ, ñ diki ntě me ápi kwil.

30 Nte Liyel těntò syinyo-ò ye sò ñne. N gbò sàhnó sò me  
 Liyel vyāh kɔnó mè yò, Liyel-á ñ wo nê sɔkɔ ne, ñ pětóbé  
 sɔkɔ yó-á ki pɔ pi yòtěne ñ swɔ.

31 Tě wɔ ye pɔ pi Kristale, nê kór-á Liyel ney yáhtokɔnɔle.  
 Té wāh ne n yilki n mɔ n pi ñ kúntenɔ náh, képah ye Davidi  
 kwāh tě we, à kɔ à ne níkě: <A náh n wũ n pi lékókwíl, ànê  
 ñ lékó náh n pyāh n pi.>

32 Núkúnúkú Yesu mène, á pól ye kè we yíne ne wāh ku,  
 té Liyel me ñ lékó yilki mɔ.

33 A yò dɔkɔ sɔkɔ yinyò, me kyi tě Liyel gbòyò sòle. Té Sú  
 Liyel-á ñ vyāh kɔ ñ Mirki nê tyí sɔkɔ, à me kéle Yesu kɔ à  
 tiki mɔ á yò. Képah ye á n yah, té n nohnì yò.

34 Nte Davidi náh dɔkɔ yuku yinyò, té wāh kè yo ne níkě:  
 <Tě ñgbě Liyel kè yo ñmɔ yòtě dí tyí ne,  
 pɔ n kɔ n tě ní gbòyò sòle,

35 fók kè pɔ nɔ gbí nê-á mé ki á sépébi pi á gbáhkì súnsàh-  
 ñsahle.»§

36 Képah yóntenɔ náh, Pyeri tɔ pè syah ne: «Yisrayel tãn  
 pól yíne yè kè pĩ gbi yò ne, Yesu nê-á yépi tě syi dahni yò,  
 ñmɔ-á Liyel pi TÈ NGBÈNE té tɔ à pi Kristale, nê kór-á Liyel  
 ney yáhtokɔnɔle.»

*Népi kèyò núkú kyegbām (3 000) dòhnìnólé Yesu yò sēpú  
 yò*

37 Pyeri-á wey mè yo pɔ tyɛ sɛ̃, kè névye ni kah tɛ̃, pè me Pyeri ànê Yesu tɛ̃ntò névye téló piki yah nɛ, pé no, sɔ̃ se pé yĩne pé pi ni?

38 Képah sɔkɔ, Pyeri me yo pé tyí nɛ: «Yé yé nno vi mɔ, yé nénúkù núkú pól mó wèlnwìlkinó we ni sɔkɔ Yesu Krista yĩn yô, yé tyípèl yǎnmɔnɔ yĩnne. Képah sɔkɔ, Liyel Mirki kɔ yé kɔ̃.

39 Liyel-á n vyāh kɔ̃ n Mirki tyí sɔkɔ nónó yĩnne, yépi ye, ànê yé wɛ̃npìlɛ, à tahlɔ nónó pól-á me kwlo fífí sɔkɔ, ànê nónó pól-á Tɛ̃ ñgbɛ̃ Liyel kɔ̃ n ye n pi.»

40 Tɛ̃ Pyeri tɔ̃ sɔ̃ me wɛlo náhnáhle n gbah n yo pé tyí, à sórɛle n mɔ pé sɔkɔ. A sɔ̃ me n yo pé tyí nɛ: «Yé Liyel pwáhnɔnɔ fɛ̃ syi, yé mó wil kwey gbí névye népèl wró.»

41 Képah sɔkɔ, nónó-á Pyeri wɛlo fɛ̃ syi, pè wèlnwìlkinó we ni sɔkɔ. Ké lésòlɛ, népí kèyô núkú kyɛgbām (3 000) kénkɔ̃ dohnɔ Yesu yô sɛ̃pú yô.

*Yesu yô sɛ̃pú négbro tɛ̃nóle wɛ̃ tyí*

42 Képah tɛ̃nɛ, Yesu tɛ̃ntò névye-á kwónóle nónónɛ n kɔ̃, pé pól sɔ̃ me pé gblɔy kɔ̃, me n nohnɔ pé tyí, té me kwɔ̃ mɔ pé sɔkɔ, à pi péle núkúle. Pè sɔ̃ me yòkele n yô péle wɛ̃ tyí, té me nírìle n pi péle.

43 Liyel sɔ̃ me n syɔ̃ Yesu tɛ̃ntò névye tyí, à gbìl tyi náhnáhle n pi. Kǎh pi sɛ̃, kè tíkìle no pól tɛ̃.

44 Nónó pól-á sɔ̃ vi mɔ pi Yesu yô sɛ̃púle, pè sɔ̃ me kwɔ̃ mɔ tɛ̃ wɛ̃ tyí, té me pé gbǎn yí pólle n sah wɛ̃ yô.

45 Pè sɔ̃ me pé swɛy ànê pé gbǎn yìle n yām. Tɛ̃ me sé yǎmnó pónóle n dibi wɛ̃ wró, à yĩne pé nénúkù núkú pól fyǎhnónɔle.

46 Tɛ̃ pé sɔ̃ me pé sɔnɔ pi núkúle, à wɛ̃nɛ n tuke n mɔ sɔmesó Liyel ní-ńsah gbô sɔkɔ. Pè sɔ̃ pé fɔkɔ dal wɛ̃nɛ, à yòkenɔle n yô wɛ̃ yô nìvìnìnɛ, pé gbéngbèn sɔkɔ.

47 Pè sɔ̃ me Liyelle n gbilki, té no pól me péle n sɔ̃. Tɛ̃ Tɛ̃ ñgbɛ̃ sɔ̃ me névyele n pwah n mɔ n dohnɔ pé yô sɔmesó.

### 3

*Gbáhkì núkú dí yó dénmɔnɔle*

1 Képah sɔkɔ, sɔ̃ yóle Pyeri ànê Nsyɔ̃ sɔ̃ me n yuku gbèkām gbí Liyel ní-ńsah, Liyel ní-ńsah gbô sɔkɔ.

2 Tɛ̃ dí yó sɔ̃ me gbáhkì núkúle n dubi gbí dùkùle. Sɔmesó, pè sɔ̃ nkɛ̃nɛ à twah n pɔ̃ n sah Liyel ní-ńsah gbô dé-ńsah yah

sokɔ, nê-á pè n ye dé-ńsah Kètärle, à kǒ ǎ póle n ni n syi ké sokɔ dépu tyí.

<sup>3</sup> Wǎh Pyeri ànê Nsyõ we pè n tyah dénóle ké sokɔ, à pó n pé tyí.

<sup>4</sup> Képah sokɔ, pè à gbah yah, té Pyeri me yo n tyí ne, à pé yah yíí.

<sup>5</sup> Wǎh yo sě, dí sǒ we ne, páh kɪ kwâh yó we n syi n pi pé tyí, té tyah péle n gbah n yah.

<sup>6</sup> Képah tǎne, Pyeri me yo n tyí ne, pó ànê sǎn náh me pé tyí, nte kwâh nê-á me pé tyí, páh kɪ kéle à kǒ. Té ne: «Nasareti Yesu Krista yīn yǒ, yuku ne n kǒ!»

<sup>7</sup> Té me n gbòyò sokɔ tǎ, à à yilki sah. Nénpó swɔ, sèkùkù dí gbyêh ànê n létóhni sũ.

<sup>8</sup> A núkú yɔkɔ sykɪ n gbyêh yǒ, à tyah n kǒ, té de péle Liyel ní-ńsah gbô sokɔ, me n kǒ, té n yɔkɔ n sykɪ, à Liyelle n gbilki.

<sup>9</sup> No pól à we à me n kǒ, me Liyelle n gbilki.

<sup>10</sup> Pè me à yah pī ne, ñmɔ-á nkǎne n tǎ n ne n ni n syi Liyel ní-ńsah gbô dé-ńsah sokɔ, nê-á pè n ye dé-ńsah Kètärle. Té tir nê-á pɪ n tyí, képah sǒ me kah pɪ yáh-ńsah tyénó ànê gběndùnne no pól tyí.

### *Pyeri Liyel wey yónóle tówû tyí*

<sup>11</sup> Képah sokɔ, sèkùkù dí náh tǒ sǒ me n syi Pyeri ànê Nsyõ náh. Té gběndùnì kàhnmonɔ tǎ tyí, névyé to pɔ pè mɔ gbí Liyel ní-ńsah gbô párn yó sǒ, nê-á pè n ye Salomo párnne.

<sup>12</sup> Pyeri-á képah we sě, à yo tówû tyí ne: «Yisrayel tǎn, kwâh nê pɪ, té tir mè pínó yé gbǎn du wé? Kwâh nê pɪ té yé ále n gbah n yah sě? Yé káh we ne ápi yěngbě tǎnweno, képah náh pɪ, á Liyel wěkì tǎnó pèpey-á pɪ dí mènne à kǒ à kǒ dé?»

<sup>13</sup> Á náh tǎn nónó-á pɪ Abrahami, ànê Yisaki, ànê Nsyakobi, ànê pé no télóle, pépi Liyel ye gbilkinó sah n tǎnpɪ Yesu yǒ, ñmɔ nê-á yé dahbɪ yǒtǎm gbǒ, té à yahle gběnyah yah tǎ-ò dí Pilati yí yah. Té Pilati mó tǒ sǒ kè yah tɔkɔ ne, pé à fin mɔ.

<sup>14</sup> Nte ñmɔ nê-á me Liyel tyí yǒ, té me négbíle Liyel yah, yé ñmɔ yahle, té pyě nékókè mó-ò wɔ fínmonɔ yah kǒ.

<sup>15</sup> Té min nétě Yesu nê-á yé ko mɔ, yépi nítě ye kè we yíne, Liyel me n lékó yilki mɔ.

16 Dí nê-á yé n yah yò, yé ònne n pne. Yesu yīn yō sēnó gbò yō sòkò ye ò gbyèh me sū. Yé pól yí yah ye Yesu yō sēnó dí mè de mọ pnépné yò dé!

17 Nte núkúnúkú, á no, mé pī ne òpì-òkē sòkò-á yépi ànè yé yõtām ko mọ Yesule.

18 Té Liyel-á lésò ò tēntò syínyopu pól kō, pè nê yo sah di mónóle ne, Krista-á kɪ yèvyāhrɪ pɪ, képah ye à pɪ yò.

19 Kāh pɪ sē, yé yé nno vi mọ, yè mó Liyel wēkì tē, à kō à yé tyípèl yō mọ yé kō.

20 Képah sòkò, Tē ògbē Liyel kɪ yèvɪnɪ gbíne yé kō, té kɪ Yesu Krista tekɪ mọ yé kō, wāh sò nê yah wilki sah yépi yīnne.

21 Nte núkúnúkú, à yīne à tē yīnyō, fóó kè kyɪ syɪ tyi pól tōnsàhnó tyí, sépi nónó-á Liyel ò tēntò syínyopu kō pè sè yo sah ògbò dùkùle, pépi nónó-á me ò tyí yō.

22 Moyisi kè yo sah ògbòle ne òkē: <Yé Tē ògbē Liyel kɪ yé sòkò ney yó wilki mọ yé kō n pi, à kɪ pọ pɪ Liyel tēntò syínyo-òle òmọ tyí kōle. Yé ne n nohnɪ ò tyí ò welo pól sòkò.

23 Té nê-à yahle sàhnóle ò tyí yō, tē tyí kɪ yɪkɪ, à kɪ ku to Liyel wēnpì wró.\*

24 Nte gbí nê-á yé n wne yò,† képah tyí ye Liyel tēntò syínyo-ò Samuyelɪ yo sah ò me gbí dùkùle, à tahlɪ Liyel tēntò syínyopu téló tyí, nónó pól-á pọ òmọ tyí nāh.

25 Yé yah, Liyel-á tyi nónó pól yo ò tēntò syínyopu tyí, yépi yīn ye à yo séle, à tahlɪ wāh lésò yégbékè kwrónmọnọ nê pɪ yé nāh tān tyí, nê-á à yo Abrahamɪ tyí ne òkē: <Awọ pétóbé gbò yō, kèkōyó névyé pól kɪ ní pèpọrɪ we.>‡ Kéne yégbékè kwrónmọnọ nê-á à pɪ yé nāh tānne yò, yépi tọ vyāh me ké sòkò dò!

26 Yépi ògbò tyí ye Liyel tekɪ mọ ò tònpi Yesule pèpọrɪ pɪ yīnne yé tyí ne, à yé pól nénúkù núkú yohnɪ n mọ yé kō yé tyítúkùni pínó yal n mọ.»

## 4

### *Yõtām-á Pyeri ànè Nsyō tuke sō*

1 Képah tēne, Pyeri ànè Nsyō-á sò me wékínó sòkò tówú tyí sē, nósýó pọ wil mọ pé yō. Sárká syínwìlkìpu yísyó ye sò, ànè Liyel ní-risah gbò syíkípú yõtēne, à tahlɪ Sadusē névyé yísyó tyí.

\* 3:23 3.22-23 - Yah n te Tōnyono 18.15,18. † 3:24 3.24 - Gbí nê wnénó tyí-á n yo yò, Yesu me gbí tyí ye kè n yo. ‡ 3:25 3.25 - Yah n te Yenesɪ 22.18.



<sup>2</sup> Té kéne no fàkò sò me kah vyāh Pyeri ànê Nsyõne, pāh sōnpíle névyele n kwò ne, Yesu-á ku té yilki m̀o, ànê lékyí tò-á kú pò n yilki n m̀o n pi.

<sup>3</sup> Képah sòkò, pè pè tē. Té lékâh-á sò me m̀o n te sē, képah ye pè pè dah m̀o wòkònpèkè sòkò, pópó à pò syi dīndal tyí.

<sup>4</sup> Nte nónó-á Yesu tēntò névyele kwónó noh, pé náhnáh Liyel wēkì tē. Kāh pí sē, Yesu yō sēpú no nēpí kèyō nínó kyegbām (5 000) kénkōle.

<sup>5</sup> Képah sòkò, ké dīndalle, Nsyifunò yõtām, ànê kwil yèwàhni, ànê Liyel tyi kònsàhnó kwópú wē tuke Yerusalem sòkò.

<sup>6</sup> Sárká syínwìlkìpu yõtē ñgbē An sò me ànê ñ gbò tãn pólle. Pépi túkù ye sò pí Kayifile, ànê Nsyõne, ànê Alekisādrelé.

<sup>7</sup> Képah tēne, pè Pyeri ànê Nsyõ tē pò pé niyó, à pò pè piki yah ne, tēnweno nē gbò yō se, képah náh pí, nē yīn yō se pè pí dénmonò mēne ni?

<sup>8</sup> Képah sòkò, Liyel Mirki gbò yō, Pyeri pè syah ne:

<sup>9</sup> «Kwil yõtām ànê yèwàhni, áyáh pèpòrú pí sèkùkù dí yó tyí, képah yō sòkò náh yé n piki n yah ále kweyne ne, sō se á pí, té à de m̀o dí?

<sup>10</sup> Yépi pól ànê Yisrayel tãn pól yīne yè kè pí ne, Nasareti Yesu Krista yīn yō-á dí mēne yīntēnóle yé yah sòkò lènole yò. Yépi ye syi Yesule dahni yō, té Liyel me ñ lékó yilki m̀o.

<sup>11</sup> Nm̀o Yesu tyí ye yónóle Liyel wey sòkò ne níké: «Wòkò mópú-á yahle dáhkì nē mónkònóle, képah ye pò pí wòkò dáhgbíle.»\*

<sup>12</sup> Képah náh, Pyeri tō ne: «Yesu ó yīn kú fē névyele pwah m̀o. Né ñm̀o ó yīn náh, yīn yó rítē náh ñnì yó rítē kō kèkōyó, nē-á kú fē névyele min pwah m̀o.»

<sup>13</sup> Tukey tükèpu sò pí ne Pyeri ànê Nsyõ náh Nsyifunò kãrn ñgbē pí, ànê pè náh me n m̀o n kō nēnpó òinne. Té pāh n wekú nìsāh ànê lékámne sē, képah me pé gbān du. Nte pè mó tō sò pí ne, pépi-á lésō Yesu kómūne.

<sup>14</sup> Té pé yí-á mó tō sò me dí mè yō nē-á dénmonò we, tyiyóné náh tō we pé tyí.

<sup>15</sup> Kāh pí sē, pè Pyeripi kō pè wil tukey tükèpu ònkì wró, té pépi me wē we pé yahle

\* 4:11 4.11 - Yah n te Gbálnó 118.22.

16 té ne, sǒ se pé kɪ pɪ no nópɪle nɪ? Nkě, kǒlɪ kǒlɪ tẽ náh se mó tǒ kéle té. Yerusalemɪ tǎn pól-á pǐ ne, Pyerɪpɪ-á pɪ gbɪl mènɛ.

17 Kàh pɪ sě, pé ye kè yahle pé tyí dírí sɔkɔ ne, pé káh tǒ Yesu yǐnne n yo ònì yó òtẽ tyí. Képah-à pɪ, yí mè náh n tǒ n mɔ n yuku n pɪ yahle.

18 Képah tẽne, pé tǒ pé ye, té kè yahle pé tyí gbógbó ne, pé káh tǒ Yesu yǐn noh n yah pé vyěy yah, ànê pé káh tǒ kwónó pɪ ò yǐn yǒ.

19 Nte Pyerɪpɪ pé syah ne: «Yépi òtẽ kè sǒ n yah kè: Kè se me yǐnénóle Liyel tyí, áyáh òmɔ tyí ye, té yépi yóré fě syi?

20 Ápɪ tẽ wɔle, áyáh nê we, té nê noh, á náh fě n ye n pɪ sé yáhnóle.»

21 Képah tẽne, tukey tükèpu tǒ dírí gbah wɔ pé tyí, té pé fin mɔ. Pé náh sǒ me vǐ-nsah we pé we fǒh fǒh tẽne, no pól-á sǒnpúle Liyel yǐnne n gbilki Pyerɪpɪ tyípíkì mè yǐnne.

22 Té dí nê dénmɔnɔ-á sǒ pɪ gbille, à kah ye tikininíne.

### *Yesu yǒ sěpú níríle*

23 Pǎh fyò Pyerɪ ànê Nsyǒ fin mɔ, sárká syínwǐlkɪpu yǒtǎm ànê yèwǎhni-á nê yo pé tyí, pé kyɪ sè pól yǎh pé kómú tyí.

24 Pé welo nóhntenɔ náh, pé pól pé sǒnɔ pɪ núkúle, à Liyelle n ni ne ríkě: «Tẽ ògbě, áwɔ ye mɔ yǐnyǒle, ànê sétáhle, ànê pne yǒle, à tahlɪ sé sɔkɔ yǐyǐn pól tyí.

25 Ápɪ náh ney Davidi nê-á á tǒnpule, áwɔ ye à kǒ à kè yo á Mirki gbò yǒ ne ríkě:

«Kwâh nê yúkúnyahlenɔ me kwlo kwlo tyí?

Kwâh nê tyíkwê sǒnɔ me névyɛ sɔkɔ!

26 Kèkǒyó yǒtǎm wě tyí mɔ,

té yah tǎm tɔ tuke mɔ, à pɪ núkúle,

pè Tẽ ògbě Liyelle n fwo ànê ò ney yáhnɔkɔnɔle.»†

27 Gbɪ yǒ, kwil mè òtẽ sɔkɔ, yǒtẽ dí Yerɔdɪ ànê gběnyah yah tẽ-ò dí Pǒse Pilati ye wě tyí mɔ, à tahlɪ Yisrayel tǎn ànê kwlo kwlo téló tyí, pé á tǒnpɪ Yesule n fwo, òmɔ nê-á á ney yáhnɔkɔnɔle.

28 Yah, wáh lésǒ á tẽnwenɔ sɔkɔ tyi nóno yah tɔkɔ sah á dyɔ dyɔ tẽne, sépi ye pé pɪ.

29 Nte núkúnúkú, yah pé ápile n kyí n kǒ kè! Nìsǎh ògběne á kǒ, à á weyne n yah n yo, ápi nóno-á á tǒnpɪbɪle.

30 Tẽnwenɔle á kǒ, à yámpúle n de n mɔ, à mó gbɪl tyile n pɪ, á tǒnpɪ Yesu yǐn yǒ.»

† 4:26 4.25-26 - Yah n te Gbálnó 2.1-2.

31 Tέ fí nê soko-á sò péle tükènmònole, níri-á fyò n tyε, nénpó núkú yike. Képah tēne, Liyel Mirki pé pól toko, pé tyah Liyel weyne n yah n yo n kō nìsāhle.

*Yesu yō sēpú négbro me dùkùle wē tyí*

32 Yesu yō sēpú pól sò me n sò dùkù núkúle, té me ké tyí ne pé ne n pì dùkù núkúle. Pé soko yó rítē náh sò me n yo ne, pé gbàn yíle, pé gblōy núkúní tyí-á séle. Té pé wē wró, pé pól gbàn yí sò pì tówú tyíle.

33 Tέ tēnweno ñgbē soko ye sò Tē ñgbē Yesu tēntò névyε pì ñ tyí yónwàhpu kègblole, à ñ tyíle n yo n kō ne, wāh ku té yilki mō. Té Liyel pèpòrì ñgbē sò me pé pól yō.

34-35 Swēy, képah náh pì, gbèn-à sò me nónó tyí, pē séle n yām, ñ té sé póle Yesu tēntò névyεle n kō. Pépì n mó séle n dibi, à yīne pé nénúkù núkú pól fyāhnónole. Képah ye, yām pí-ò náh sò me pé soko.

36 Tέ légbíne, Nsyosefu yó sò me, nê-á dubi Syipri gbēnyah. Levi yīkì ney ye sò ñne. Té Yesu tēntò névyε me yīn dyì à kō Barnabasile, nê kór-á sóré mó-òle.

37 Nmō me ñ swāh yām, té me pō ké póle Yesu tēntò névyε gbò dahbì.

## 5

*Ananiyasi ànê ñ kyì Safirale*

1 Nte dí yó lésō me pè n ye Ananiasile. Nmō ànê ñ kyì Safira me pé sétáh yó yām, té yo sah núkú yō,

2 à ké pó túkù kām sah. Képah náh, Ananiyasi me kyì ké pó téyne Yesu tēntò névyε kō.

3 Képah soko, Pyerì me yo ñ tyí ne, Ananiyasi, sétàn yòtē se pì sō té we de yīì ñ nì soko sē, fóó à pō mìnì yo Liyel Mirki tyí, té sétáh yāmnó pó túkù kām sah nì?

4 Sétáh mè yām-ñkē gbíne, ñ yēngbē tyí kó sò kéle nì? Wāh tō pō kè yām, ké pó kó pì ñmō tyíle nì? Nte yī mè dùkù pínó sōno se pì sō, té de ñ nì soko nì? Nkē, névyε ó tyí náh à yo mìnìne dé, Liyel tō tyí-á.

5 Ananiyasi-á fyò kéne welo noh, à núkú syíkì ku. Kāh pì sē, nónó pól-á yī mè noh, tíkí pè kah tē.

6 Wāh ku sē, kètēnpì me pō ñ lékó foko, té à tōko kyì yī.

7 Képah náh, lérínó tōnó kénkō sókóntenō náh, ñ kyì pō de nénpó, té tir nê-á pì soko, à náh sò me kè pī.

<sup>8</sup> Pyerì me à syah ne, à yo pé syah, dan mè se ñtyíno pé yã pé sétáh mène ni? A me ne, àwe, kéne dan-á.

<sup>9</sup> Képah soko, Pyerì me yo ñ tyí ne, pé se pi sô, té yo sah núkú yô ñ pele, à po Tě ñgbě Mirki vyãh sòle n noh ni? A yah, nónó-á kyí yí ñ pe lékóle, pãh me po n de yò. Té pãh kú ñ to lékó toko n soko n pi.

<sup>10</sup> Pyerì-á yo sě, nénpó swo, pi núkú syiki ñ yah ñinne, à ku. Kětēnpì-á de kyí, pé kyí à we kúnóle. Pè me à toko kyí yí ñ pe tnô.

<sup>11</sup> Képah soko, tíki Yesu yô sěpú ñinkí pól kah tě, à tahl tyi nópi nóhpú pól tyí.

*Yesu tēntò névye gbìl tyi náhnáh pínóle*

<sup>12</sup> Liyel sò me n syô Yesu tēntò névye tyí, à gbìl tyi náhnáhe n pi névye nyó. Pè sò me pé sòno pi núkúle ànê Yesu yô sěpú téló pólle, té wēne n tuke n mo Liyel ní-ńsah gbô párn yó sò, nê-á pé n ye Salomo párnne.

<sup>13</sup> Nte no téló soko ney yó ñtē nãh sò me ñ nule n syãh n kwro n mo pé soko. Té no pól mó tō me péle n kah n sô.

<sup>14</sup> Képah soko, díbi ànê syó náhnáh sò me n sě Tě ñgbě Yesu yô, dòhnínó kô kè n pi n yuku ñ yô sěpú yô.

<sup>15</sup> Kãh pi sě, névye tyah n wil pé yámpúle, à péle n sah n po pàl yô, képah nãh pi, sě sě yí yô wãl yey soko, ne Pyerì-à po n soko, té ñ mírkí we mo pé soko ney nê yô, tě we de.

<sup>16</sup> Yerusalemì gbòplo kwlo névye náhnáh ñtē to sò me pé yámpúle n tē n po n po, à tahl névye tyí, sétàn-á sò me nónóne n kwlo. Té pé pól sò me dénmònole n we.

*Yesu tēntò névye fòhnóle*

<sup>17</sup> Képah tēne, sárká syínwilkìpu yòtē ñgbě ànê ñ nãh névye pólle nónó-á Sadesé névyele, pé tyah dyóyókile n pi Yesu tēntò névyele,

<sup>18</sup> té pé tě kyí dah mo wòkònpèkè soko.

<sup>19</sup> Nte lékãh-á po mo, Tě ñgbě yínyô tònpi yó po wòkònpèkè mè yah yiki mo ànê ké soko táh vè yeyne, à Yesu tēntò névye wilki, té yo pé tyí ne:

<sup>20</sup> «Yé kyí Liyel ní-ńsah gbô soko, yè kyí min sãn tyi nópi pól yo névye tyí.»

<sup>21</sup> Wey mè-á yo pé noh sě, séngbô púpúle, pé me yuku kyí Liyel ní-ńsah gbô soko, à kyí tyah kwónóle n pi.

Légbíne, sárká syínwilkìpu yòtē ñgbě ànê ñ nãh névye me kyí tukey tükèpu ñinkí ye ànê Yisrayel gběnyah yèwàhni

pólle. Té me sràsyíbì tǒ ne, pè kyí Yesu tǔntǒ névyè wilki n pǒ wǒkǒnpèkè sǒkǒ.

22 Nte pǎh kyí yīni tǔ, pè nǎh pè we wǒkǒnpèkè sǒkǒ. Pè me pé syí pǒ ké yah yo pé yǒtǎm tyí ne nǔkǔ,

23 pǎh kyí wǒkǒnpèkè yah we tǔnmǒnǒle palle ànê ké sǒkǒ tǎh vǐ yey tǒle, sé syíkípúle tǔnǒle pé tǔ-ntǎn sǒkǒ. Nte pǎh se mó tǒ sè yíkí mǒ de, pé nǎh ney we sé sǒkǒ.

24 Pǎh yo sǔ, yī mè nǒhnǒ Liyel ní-ńsah gbǒ syíkípú yǒtǔ dí ànê sárká syínwǐkǐpu yǒtǎm fǒkǒ fil. Pè me wǔne n piki n yah Yesu tǔntǒ névyè tyí-á pǐ dǔkǔ nǔne.

25 Pǎh me képah sǒkǒ, ñnǐ yó pǒ yo pé tyí ne, névyè nónó-á pé dah mǒ wǒkǒnpèkè sǒkǒ, pǎh me névyèle n kwǒ Liyel ní-ńsah gbǒ sǒkǒ.

26 Képah tǔne, Liyel ní-ńsah gbǒ syíkípú yǒtǔ dí ñ no tǔ, à pé nyáh sǒ. Pǎh kyí, tíkí pè tǔ ne pǎh kí ne pé pè tǔ gbùgbù, névyè káh pǒ pé minki ko dyèhle. Kǎh pǐ sǔ, pè pè ye yárr, à sǒkǒ.

27 Pǎh kyí yīni tǔ péle tukey tǔkèpu tǔnkǐ tyí, sárká syínwǐkǐpu yǒtǔ ñgbǔ me pè syah ne,

28 pé kó lésǒ kè tǔ pé tyí ne, pè káh tǒ kwónó pǐ n yah dí mè yīn yǒ nǐ? Té pè yah, pǎh pé kwónó tǒ mǒ Yerusalemǐ kwil pól sǒkǒ, té tǒ me ñ kǔ plǒle n twah pépǐ yǒ kè!

29 Nte Pyerǐ ànê Yesu tǔntǒ névyè tǔlǒ me yo pé tyí ne: «Á kí Liyel dyǒ yǐ tǔ ye sǔ, té kí névyè tyíle n pǐ?

30 Yesu nê-á yé ko mǒ dahni yǒ, á nǎh tǎn Liyel ye ñ lékó yilki mǒ,

31 té à yǒ dǒkǒ sǒkǒ, à kyí à sah ñ gbǒyǒ sǒle. Té à pǐ yǒtǔne, ànê pwáhnǒ-òle ne nǔkǔ, ñmǒ gbǒ yǒ Yisrayel tǎn fǔ pé nno vi mǒ, pé mó pé tyípèl yǒnmǒnǒ we.

32 Kéne tyí nónó-á Liyel pǐ, ápǐ ànê Liyel Mirki ye sé yónwǎhpu kègbǒle, wǎh képah nǔne névyè kǒ, nónó-á sah ñ tyí yǒ.»

33 Képah tǔne, tukey tǔkèpu tǔnkǐ-á welǒ nǒpǐ noh sǔ, pé fǒkǒ kah vyǎh, fǒó pé sǒ me ké tyí ne, pé Yesu tǔntǒ névyè ko mǒ.

34 Nte Farisiyǔ ney yó sǒ me pé sǒkǒ pè n ye Kamalyelǐle. Liyel tyí kǒnsáhnǒ kwǒ-ò yó ye sǒ ñne, nê-á névyè pól me yǒyénne n sah ñ yǒ. Ñmǒ me yuku yīn tukey tǔkèpu tǔnkǐ niyǒ té ne, pè Yesu tǔntǒ névyè wilki mǒ kégbǒ kwéy átre.

35 Pǎh wil, à ñ syí yo pé no tyí ne: «Á no Yisrayel tǎn, yé yé gblǒy kyǒmǐ yǐ yé tyípínǒ sǒkǒ, à yuku díbǐ nǒpǐ tǔnne

dé!

<sup>36</sup> Ké náh tǒnì pɪ di mónóle kah, gbí nê-á Tedaɪ me yuku ñ gblɔy pɪ ne, né-ñgbě-á péwɔle, té díbí nɛpí kyeyéh (400) sɔno vi mo pé kɔ pé ñ sò tẽ. Nte wǎh pɔ ko mo, ñ sò tẽpú pól náh karkɪ di? Ney se tɔ wũ?

<sup>37</sup> Nmɔ tyí sókóntenɔ náh, Kalile gběnyah dí Nsyudaɪ me tɔ yuku kéne gběnyah nénye yǎh gbíne, à pé náhnáh yò yɪkɪ pé kɔ pé ñ sò tẽ. Nte ñ tɔ náh pɔ ko mo, té ñ sò tẽpú me karkɪ di?

<sup>38</sup> Képah ye núkúnúkú tẽne, mé kéle n yo yé tyí, yé yé vyey de no nópi tyí sɔko, yè mó pé fin mo pé ne n yuku. Pé tir yáhtokɔno, képah náh pɪ, pé tyípínì mè-à kɪ me wil nénye tẽ tyí, kè kɪ tye ké gblɔy.

<sup>39</sup> Nte kǎh kɪ me wil Liyel tẽ wɔ tyí tótó, yépi náh fẽ kè yɪkɪ n pi. Yé kyòmìnó pɪ, yè kǎh pɔ tyah Liyel wɔle n fwo dé!»

Kamalyel-á yo sɛ, pé no sah ñ tyí yò.

<sup>40</sup> Pé me tɔ Yesu tɛntò nénye ye de, à pɔ pé ko yèfòhle. Té kè yahle pé tyí ne, pé kǎh tɔ Yesu tyíle n yǎh, té pé fin mo.

<sup>41</sup> Nte Yesu tɛntò nénye sò me ñivìni sɔko kègbɪle, pǎh n yal tukey tükèpu ùnkì wró gbí nêne, pǎh sɔnpíle kè kyomɪ we ne, pǎh yíne fòhnóle Yesu yinne.

<sup>42</sup> Képah sɔko, sòmésó pé n ne n me Liyel ní-ńsah gbô ànê kétlo sɔko, ñ nénye n kwɔ, ñ té Ñivìni tɪrle n yo pé tyí Yesu Krista tyí yò.

## 6

*Yòke tǔnsàhdibipu yáhnwìlkìnóle*

<sup>1</sup> Légbíne, wǎn sò me n mo Yesu tò sǎhpú nédán yò. Képah sɔko, Kɛkɪ wey wékípú tyah n wekɪ ne, sòmésó pé no Yebre wey wékípú-á me n syɪkɪ pépi pékúsyɔ yò yòke dibi gbíne.

<sup>2</sup> Kǎh pɪ sɛ, Yesu tɛntò nénye nɛpí gbõnimí me Yesu tò sǎhpú tówù pól ye tuke, té yo pé tyí ne, kè náh yíne pépi Liyel wey yónó yal n mo, pé mó de tẽ yòke dibínó sɔko.

<sup>3</sup> Képah-á, pé yúnpyé, pé díbí nɛpí kwǎrnimi yah n wilki pé sɔko, nóno yíngbí-á me n yo, té Liyel Mirki me pé tɔko, ànê lékám me pé sɔko. Pǎh kɪ tò mè dahbɪ pépi gbò.

<sup>4</sup> Kǎh kɪ pɪ sɛ, pépi-á kɪ mó yò sɔko níri pínó ànê Liyel wey yónó tòle.

<sup>5</sup> Képah sɔko, pǎh nê yo, tówù pól kè fẽ syi. Pé me Yetyẽnu yah wilki, ñmo nê Liyel yò sɛnó-á sò me gblò, té Liyel Mirki

me à tɔkɔ. A tahlɩ Filipi tyí, ànê Prokɔrɩle, ànê Nikanɔrɩle, ànê Timole, ànê Parmenasɩle, ànê Antyɔsyɩ kwil Nikolasɩle, ñmɔ nê-á lésɔ vi mɔ de Nsyifunɔ Liyel nínó wěkì sɔkɔ.

6 Té me pépile Yesu tɛntò névyé wěkɩ. Pépi me pé gbân sah pé yõ nírí pínó sɔkɔ, à sãm mɔ pé sɔkɔ.

7 Képah tɛne, Liyel wey sò me n tɔ n mɔ n yuku, té wãn me n mɔ n yuku náhnáh Yesu tò sáhpú nédán yõ Yerusalemɩ kwil. Sárká syínwilkɩpu tɔ náhnáh sò me fẽ syi sɛ Yesu yõ.

### *Yetyɛni tɛnóle*

8 Yetyɛni sò Liyel pèpɔri náhnáh we ànê ñ tɛnwenɔle. A sò me à tɔkɔ à gbíl tyile n pi névyé niyó.

9 Képah tɛne, Nsyifunɔ tyah yékâble n pi Yetyɛnɩne. Pé túkùle, Liyel ní-nsah wòkò nê-á pè n ye yõri sɔkɔ wɩpu wòkòle, képah névyé ye. Pè n wil Sirenɩ kwil ànê Alekisãdri kwil. Pé tókù me n wil Silisi gbɛnyah ànê Asi gbɛnyah sɔkɔ.

10 Té Liyel Mirki gbò yõ, Yetyɛni sò me n wɛkɩ lékámne. Képah ye, no nópi náh me tɛ we ñ welɔle n kòli.

11 Képah tɛne, pè kyɩ nósyó tɔkɔ póle ne pè pɔ yo ne, páh à we à me Moyisi ànê Liyel tyíle n yo n yikɩ.

12 Pè képah pi, à tówú, ànê yèwàhni, ànê Liyel tyi kònsàhnó kwópú mɔ Yetyɛni yõ, pè kɔ pè à fyãh tɛ yuku ñne tukey tükèpu tĩkĩ tyí.

13 Té tɔ tãrfyò mìnyoobe yísyó yah, à yuku péle ne pè kyɩ yo ne, dí mè náh me n yal n mɔ Liyel ní-nsah gbô ànê Moyisi tyi kònsàhnó tyí yónyikɩnɔle.

14 Páh kè noh ñ vyãh yah à me n yo nítɛne ne, kéne Nasaretɩ Yesu mè-á kɩ pɔ Liyel ní-nsah gbô sɔ n pi, té Moyisi-á pé kwɔ wãl nónónɛ, wãh kɩ sé tɔ vi mɔ.

15 Képah sɔkɔ, tukey tükèpu tĩkĩ pól tyah Yetyɛnɩne n yah díkidíki, té ñ yah we kè me yĩnyõ tɔnpi tyí kòle.

## 7

### *Yetyɛni Liyel tyi yah yónóle*

1 Képah sɔkɔ, sárká syínwilkɩpu yòtɛ ñgbɛ me Yetyɛni piki yah ne, no-á nɛne n yo ñ tyí sɔkɔ, gbɩ se kéle ni?

2 Yetyɛni me yo ñ tyí ne: «Ñ súbí ànê ní yúnpyé, yé noh ní tyí. Gbí nê-á lésɔ á náh ney Abrahamɩ náh tɔñi me yal yuku Yarã kwil sɔkɔ, tɔrí nétɛ Liyel ye lésɔ wil ñ yah Mesopotami gbɛnyah,

<sup>3</sup> té me yo ò tyí ne: <Yal á gběnyah ànê á kéte tãn wró, ò yuku gběnyah yó sòkò, nê-á mé kú ò wěkú n pi.>\*

<sup>4</sup> Képah sòkò, Abrahmí yal Kalde tãn gběnyah sòkò, à kyí tē Yarã kwil.† Képah náh, ò sú-á pò ku te, Liyel me à kò à yal Yarã kwil, à pò tē gběnyah mē sòkò, nê sòkò-á yépile núkúnúkú yò.

<sup>5</sup> Té Liyel náh sò sètáh yó òtēne à kò ò tyíle ásò. Gbáhsúkí kénkò fyé tyahle, à náh kéle à kò. Nte à ò vyähle à kò ne, páh kú pò gběnyah mē pólle à kò. Té kãh kú tō pí ò pètóbé tó tyíle, òmò ké náh òtē sòkò. Té légbíne, pí òtē náh sò me Abrahmí tyí.

<sup>6</sup> Liyel me tō yo ò tyí ne: <Á pètóbé kú pò wil kú kyí n tē n pí gběnyah káhkí sòkò. Nénpó sòkò pè kú n pí n pí yòbule, té kú fòhnó we, pópó ye kyeyéh (400).

<sup>7</sup> Nte gběnyah káhkí nê sòkò-á péle yòrú sòkò, òmò Liyel tukey kú n syíkú n pí kéne gběnyah tãn yò. Té képah náh, pè kú wil yòrú sòkò nénpó, kú pé syí pò òmò yín gbilki ásò.>

<sup>8</sup> Képah yóntenò náh, Liyel me yégbékè kwro mò Abrahmíne, képah nê-á kú sò n wěkú n pí kòkè kònnó sòkò. Képah ye, Abrahmí-á pò Yisakú dubi, à me à kò ò dúbínó sèpìn kwártò-ò sòle. Yisakú tó me pò ò pídí Nsyakòbí kò. Nsyakòbí tó me pò ò ònpi nēpí gbònimí kò, pépi nónó-á ápi yìkìni gbòninó náh tãne.

<sup>9</sup> Képah náh, á náh tãn pò tyah pé gbëndí Nsyosefu dyòle n yo. Té à tē yãm yòle, pè kò pè sòkò òne Yesyipti gběnyah. Nte Liyel sò me Nsyosefule.

<sup>10</sup> A ò yò wilki yènvýàhnpèl nópi sòkò, té lékámne à kò yíí, té Yesyipti yòtē dí Farawò yí kò kè yuku òne. Képah sòkò, à me à pí ò gběnyah ànê ò tórí kéte pól yah tē-òle.

<sup>11</sup> Té kwénpékè yó pò de Yesyipti gběnyah ànê Kanah gběnyah pól sòkò, à pí yèvyàhrú ògbēne pé tyí. Ké pékénkàhnmòno tē tyí, á náh tãn náh tō sò me kwáh yó òtēne n we n yò.‡

<sup>12</sup> Té Nsyakòbí-á pò kè we noh ne, yòke-á me Yesyipti sòkò, ké gbenne, à á náh tãn tekú mò nénpó, pè kyí yòke yah pò, pépi nónó-á ò wènpìle.§

\* 7:3 7.3 - Yah n te Yenesi 12.1. † 7:4 7.4 - Abrahmí lésò me Kalde gběnyah sòkò, Mesopotamí sètáh yò. ‡ 7:11 7.11 - Kanah gběnyah me ye pè n ye Yisrayel gběnyahle núkúnúkú. § 7:12 7.12 - Yáh we pè ne kwekú-á de Yesyipti gběnyah sòkò, té tō ne Nsyakòbí-á yòke tyí noh nénpó, Liyel lésò lékámne Nsyosefu kò à yòkèle n koh n sah, yòke pekú gbíne. Képah ye yòke kò kè pò we nénpó.



13 Pǎh tǒ pɔ pé syi yuku ke ní-òlẹ, Nsyosefu me ò gblǒy tyí yo wah ò nénkyíbí tyí. Kǎh pɪ sɛ, Farawǒ me Nsyosefu duku wìl-nsah pĩ.

14 Képah sɔkɔ, Nsyosefu tǔntò mɔ ne, pè kyɪ pé sú Nsyakɔbɪ ànê ò no pól tɛ n pɔ. Pè sò me népĩ tikitóní pò gbám pò kwlóle.

15 Sɛ ye Nsyakɔbɪ me yuku pɔ tɛ Yesyipti gběnyah sɔkɔ. A syi pɔ ku nénpò ànê á náh tǎn tɔ póllẹ.

16 Pé lékyí me twah kyɪ yĩ Sisyemɪ kwil diki yó sɔkɔ, nê-á lésò Abrahamɪ dwe Yemɔrɪ wěnpĩ tyí.

17 Liyel-á lésò ò vyǎhle Abrahamɪ kǒ nê yinne, ké pɪ gbí-á pɔ n nɔ, ápi no kwel náhnáh Yesyipti sɔkɔ.

18 Tɛ yòtɛ késán yó-á pɔ dɔkɔ Yesyipti yò, òmɔ náh sò Nsyosefule n pne.

19 A me vi syiki á no yò. Ñ népékè kàhnmɔnɔ tɛ tyí, à á náh tǎn kyí mɔ, pè kǒ pè pé wěnpĩ yrǒ milki sah kégbó pé ku yinne.

20 Légbí mè ó sɔkɔ ye Moyisi dubi. A kah ple yíí, ànê ò tyí nɔ Liyel tyí. Pè à pu níwǒlò tǒnó ò sú gbò.

21 Képah náh, pè à tɔkɔ kyɪ milki.\* Farawǒ písè me à we tɔkɔ. A pɔ à pu ò yěngbɛ pídí sǒ.

22 Kǎh pɪ sɛ, lékám tyi nónó pól-á sò me Yesyipti sɔkɔ, Moyisi kwónó we sé pól yò. Képah ye, à pɪ wéntáhnì wékí-òlẹ ànê tyítáhnì pí-òlẹ.

23 Tɛ wǎh pɔ nɔ ye tikininíne gbí nêne, à kè sò we ne, páh kɪ kyɪ yah pé yúnpyé Yisrayel tǎn tyí.

24 Wǎh kyɪ, à kyɪ yíne ò tyí névi yóle, Yesyipti ney yó me n fòh. Moyisi tyí névi fóhnó yrɔ tɛ tyí, à ò vyǎh syi, à Yesyipti ney mè ko mɔ.

25 Moyisi sò me n sò ne, pé no Yisrayel tǎn-á kɪ n pĩ n pi ne, Liyel-á kɪ péwɔ tɔkɔ, kɪ pè wilki n pi pé yòrɪ sɔkɔ. Nte pè náh tɛ we kè pĩ ò tyí.

26 Ké dǐndalle, à tǒ kyɪ Yisrayel tǎn népĩ ními yísyó we, pè me n fwo. A ne pé pè syi mɔ, tɛ yo pé tyí ne, pé no, pépi ó-á pé yahle. Tɛ kwáh nê se pè wěne n fòh nɪ?

27 Nte nê-á sò n fòh ò ní-òlẹ, òmɔ Moyisi syah ne níké, nê se sah òne pépi yòtɛne ànê pé tükè-òlẹ nɪ?

28 Péwɔ kònmɔ-ńsah káh kɪ nê, á n yah n kǒ, wǎh níníníne Yesyipti ney mè ko mɔ sǒ dé?

\* 7:21 7.21 Yah n te Yálnó 1.22 - 2.10.

29 Wǎh fyò képah yo, Moyisi to, té kyɪ tẽ Madyã gběnyah sɔkɔ, à syi pɔ ðɪnpì nɛpì ní mí wɛ nɛnpó.†

30 A tẽ nɛnpó, pópó à ye tikinini pi. Képah náh, sò yóle, à sò me gběnni sɔkɔ, Syinayi yõli gbòpɔ, té yĩnyõ tònpi yó wil n̄ yah nyàh lépɔ sɔkɔ, nê-á sò me n kō dukuni yó sɔkɔ.

31 Yì mè wénó pi gběndùnɛne Moyisi tyí. Té wǎh me n no n de nɛ, pé kè wɛ yah yíí, à Tẽ ñgbě yónmɔnɔ noh nɛ níkɛ:

32 <Á náh tǎn Liyel ye ní mɔlɛ, Abrahami, ànê Yisaki, ànê Nsyakɔbipi Liyelle.> Képah tɛnɛ, tíkí Moyisi tẽ, fóó n̄ wil n syah. A náh tǔ n̄ ni syǎh n̄ yah yõ yah.

33 Képah sɔkɔ, Tẽ ñgbě me yo n̄ tyí nɛ: <Tyah nê sɔkɔ-á ále yò, nɛnpó me ní mɔ tyí yõ. Képah ye, á lékyèh dɛ.

34 Mé ní no kwlɔ òkù wɛ yíne Yesyipti gběnyah sɔkɔ, té pé gbìno yínpɔ noh. Mé pɔ pé wílki-nsah pé yõri sɔkɔ. Képah ye, sɔkɔ! Mé ále n tekɪ mɔ ké tyí sɔkɔ núkúnúkú Yesyipti sɔkɔ.>‡

35 Té kéne Moyisi nê-á lésõ Yisrayel tǎn yahle, té à syah nɛ níkɛ, nê se sah ñne pépi yòtɛne ànê pépi tükè-òle ni? N̄mɔ ó ye tǔ Liyel tekɪ mɔ yòtɛne ànê pwáhn̄mɔ-òle yĩnyõ tònpi gbò yõ, nê-á lésõ wil n̄ yah dukuni sɔkɔ.

36 Moyisi ye wilki Yisrayel tǎnne Yesyipti gběnyah sɔkɔ, té pne yónsyǎh kah péle, té tẽ péle gběnni sɔkɔ pópó ye tikinini. Liyel gbò yõ ye à pi sépi pólle gbíl sɔkɔ.

37 Té ñmɔ ye tǔ yo Yisrayel tǎn tyí nɛ: <Liyel kɪ yé sɔkɔ ney yó tekɪ n mɔ n pi. A kɪ pɔ pi Liyel tɛntò syínyo-òle ní mɔ tyí kòlɛ.>§

38 Gbí nê-á sò Yisrayel tǎn me tükènmɔnɔlɛ gběnni sɔkɔ, ñmɔ ye tǔ sò wɛ syi yĩnyõ tònpi tɛntòlɛ Syinayi yõli yõ, à pɔ yo á náh tǎn tyí. Sɛ ye à wɛ syi min welɔlɛ Liyel tyí, à yo á tyí.\*

39 Nte á náh tǎn náh fɛ syi sah n̄ tyí yõ. Pè à yahle, té sò me n sò nɛ, pé pé syi yuku Yesyipti sɔkɔ,

40 té me yo Arõ† tyí nɛ: <Moyisi nê-á tẽ wil ápile Yesyipti sɔkɔ, á náh tǔ me pí, kéne Moyisi tyí-á me pi sò dé! Képah ye, yì yísyó pi á kō liyelnole, sè á yahle n tẽ.>‡

41 Kéne sèpin sɔkɔ, pé me tò yó mɔ náhpír kètòlɛ, té sárká wilki ké yõ, à nìvìnì syáh syah, à pé gběnpɪnì gbílki.§

† 7:29 7.27 - 29 - Yah n te Yálnó 2.11 - 15.21 - 22. ‡ 7:34 7.30-34 - Yah n te Yálnó 3.1-10. § 7:37 7.37 - Yah n te Tõnyonɔ 18.15,18. \* 7:38 7.38 - Yah n te Tõnyonɔ 5.1-33, ànê Yálnó 19.1 - 20.17. † 7:40 7.40 - Arõ mène, Moyisi nénkyí dí ye sò ñne. ‡ 7:40 7.40 - Yah n te Yálnó 32.1. § 7:41 7.41 - Yah n te Yálnó 32.2-6.

42 Képah tẽ sɔkɔ, Liyel n̄ náh vi pè kɔ̄, té pè fin mɔ sah n̄wɔ̄ kèpye gbilkínó sɔkɔ, s̄-á Liyel n̄ tẽntò syínyopu kɔ̄ pè kè wárkɪ sah pé sébéy sɔkɔ ne nk̄é:

<Yisrayel t̄an, yáh yípêy nónó ko sárkále pópó ye tikinini gběnnɪ sɔkɔ, yé se me n s̄o ne, n̄mɔ tyí-á yé ko séle?

43 Ǿ̄ dé! Yé t̄ò nê yīn-á Molokile, képah yèpir ye yé twah, à tahl̄ yé n̄wɔ̄ kèpil t̄ò tyí tyí, nê-á yé n ye Wrefanne.\*

Kéne t̄an ye yé pɪ sah yé gbl̄oy tyí, té séle n gbilki.

Képah ye, mé kɪ yé tẽ sɔkɔ, f̄ó Babilonɪ kwil náhle.»†

44 Képah yóntenɔ náh, Yetyēnɪ t̄ò ȳo sɔkɔ yo pé tyí ne: «Á náh t̄an-á s̄o me gběnnɪ sɔkɔ gbí n̄ne, yèpir yó s̄o me pé tyí, nê-á n wēkɪ ne, Liyel-á me péle. Liyel s̄o kè yah k̄o Moyisi tyí ne, à yèpir m̄e pɪ s̄-á pé à wēkɪ kè pínóle gbrámgbrám.

45 Képah náh, á náh t̄an pɔ yèpir m̄ene pé wēnp̄i k̄o. Nsyosye ye s̄o pɪ pé yah tẽ-òle, pè yuku kéne yèpirle à kyɪ nékáhbí gběnyahnó syi, Liyel-á nónó yīni yal. Képah sɔkɔ, yèpir m̄e me tẽ n̄enp̄ó, pópó à pɔ syi ȳòt̄é dí Davidi gbí tyí.

46 Té Davidi tyí s̄o kah nɔ Liyel tyí. Képah sɔkɔ, n̄ tɔ mó Liyel ni ne, à ye pé wòkò yó mɔ à k̄o, n̄mɔ nê-á Nsyakɔbɪ Liyelle.

47 Té n̄ pidí Salomo ye pɔ pɪ kéne wòkò mó-òle Liyel tyí.

48 Nte Yòtah Liyel náh mó t̄ò n tẽ névi gb̄ò wòkònmonɪ sɔkɔ, s̄-á Liyel tẽntò syínyo-ò yo kéle ne,

49 Tẽ ngbē-á ne nk̄é: <Yínyo ye pɪ ní t̄órí k̄ole, sétáh me pɪ kòpirle, ní gbáhk̄i súnsàh-n̄sahle. Té wòkò nê dùkù me yé kɪ f̄é mɔ n̄mɔ k̄o wé? N̄mɔ se kɪ f̄é tẽ yépi wòkònmonɪ sɔkɔ?

50 N̄mɔ gběnp̄unɔ náh yíyìn pólle di?»‡

51 Képah náh, Yetyēnɪ t̄ò yo tukey t̄ukèpu tyí ne: «Nikisekókó névyé n̄opi, yé yé n̄nɔ ànê yé ní tah t̄ú, à yahle Liyel wey n̄óhnóle, té me Liyel Mirki yahle pɔ kwey nɔ. Yé me yé náh t̄an tyí k̄ole.

52 Liyel tẽntò syínyo-ò yó r̄t̄é se me, nê-á yé náh t̄an náh à f̄òh yah? Négbí nê-á Liyel tyí, nónó-á n̄ pónó tyí yo sah kèk̄oyó, pè náh pépi tɔ ko mɔ di? Nte núkúnúkú, kéne négbí náh yépi vi n̄ náh, té à ko mɔ di?

53 Yínyo t̄onp̄ɪbɪ ye Liyel t̄ò, pè pɔ Liyel tyi k̄onsàhnó yo yé tyí. Té yé yahle kólóle sé w̄al̄ ȳo.»

\* 7:43 7.43 - Molokɪ ànê Wrefanne, Nsyifunɔ tn̄ò t̄epu t̄an yísyó ye s̄o séle.

† 7:43 7.42-43 - Yah n te Amos̄ 5.25-27. ‡ 7:50 7.49-50 - Yah n te Yesayi 66.1-2.

*Yetyëni kònmonole, ànê kǎh yĩne Sole tyí sǒ*

<sup>54</sup> Yetyëni-á welo nópi yo sě, kè tukey tükèpu kah yo kah mo, fóó pè pé yníne n tah yro tě tyí.

<sup>55</sup> Nte Liyel Mirki tě-á me Yetyëni tǎko sě, à tyah yĩnyõle n yah díkídíkí, té Liyel tǒrí we ànê Yesule yúkúnyĩntěńóle Liyel gbòyò sòle.

<sup>56</sup> Képah tě sǎko, à ne: «Yé yah, mé me yĩnyõle n yah yíkínmonole, té Névi Pídí me yúkúnyĩnnole Liyel gbòyò sòle.»

<sup>57</sup> Névyé-á képah noh sě, pè gbo mo wòhòh, té pé ní sni tũ, té to tuke pé pólle n yǒ.

<sup>58</sup> Té à yori wil kwil náhle. Képah sǎko, nóno-á sǒ pè ye po pi tǎrfyòle, pépi me pé fwòmò-ńgbno de sah kètěnpíkí yó tyí, nê-á pè n ye Solele. Té pè tyah Yetyëni n minki dyéhle, n ku ku tě yǒ.

<sup>59</sup> Nte pǎh me Yetyëni mínkínó sǎko dyéhle sě, à sǒ me níri le n pi ne níké: «Tě ńgbě Yesu, ní min yohni n syi.»

<sup>60</sup> Té me n gbètukuno di, à yo yĩnpǒ ńgběne ne: «Tě ńgbě, káh pé tyípekè mè mo n kǒ.» Képah yóntenó n sǒ, à ku.

## 8

<sup>1</sup> Té pǎh à ko mo sě, képah no Sole tyí.

*Sole-á Yesu yǒ sěpú fǒh òkù nêne*

Képah sǎko, Yesu yǒ sěpú tǐnkí kǎhnfǒhno núkú tyah Yerusalemi sǎko lésòle. Kǎh pi sě, à wil Yesu těntò névyé tyí sǎko, Yesu yǒ sěpú tǐlǒ pól to karkí de kwlo sǎko, nóno-á me Nsyude gběnyah ànê Samari gběnyah sǎko.

<sup>2</sup> Nte névyé nóno-á sǒ me Liyel wěkí těńó ple, pé yísyó me Yetyëni lékó tǎko yĩ, té n kũ pò kah gbo.

<sup>3</sup> Nte Sole tě wo sǒ me n yah n kǒ Yesu yǒ sěpú tǐnkí duku tó-ńsahle pnépné. A sǒ me n de n kǒ gbèn sǎko, à Yesu yǒ sěpú díbí ànê syóle n tě n yori n wilki n dah n mo n po wòkònpèkè sǎko.

*Filipi Liyel wey yónóle Samari gběnyah sǎko*

<sup>4</sup> Képah sǎko, Yesu yǒ sěpú nóno-á sǒ karkí kǒ, pépi mó me Nìvìnì tirlé n yo n kǒ tǎntǎn pól sǎko.

<sup>5</sup> Té pé sǎko ney nê-á pè n ye Filipile, ñmo me kyí kwil yó, Samari gběnyah sǎko, à kyí tyah Krista tyíle n yo n énpó.

<sup>6-7</sup> Képah těne, sétǎn kwĩnki nóno-á sǒ me déntěńóle névyé sǎko me péle n kwlo, sè sǒ me n kah n de n syi, té n wil pé sǎko, té wil kúnó névyé ànê gbáhkí núkú névyé náhnáh

to sò me dénmə̀nə̀le n we. Képah səkə̀, tówû-á Filipi gbíl pínó tyí yónó noh, té kyí sè we sě, pé pól pé sōnə̀ pɪ núkúle, à ñ wə̀lə̀le n tǔ n sah n nohnɪ.

<sup>8</sup> Kǎh pɪ sě, nìvìnì ñgbě we kéne kwil.

<sup>9</sup> Té légbíne, dí yó lesō me pè n ye Simole. A sò me tēnóle kéne kwil mē ó səkə̀ di mónóle. Nmə̀ sò me snèy tyile n pɪ, nónó-á me Samari gběnyah tǎn gbǎn du kègbule, té me ñ gblǒy pɪ né-ñgběne.

<sup>10</sup> No pól sò me mə̀ ñne, à təkə̀ wěnpǐ tyí, à kyí sah yèwǎhnì tyí. Té me yo tǔ ne nǐkě, Liyel tēnwə̀nə̀ nê-á pè n ye Ngběne, képah-á dí mēne.

<sup>11</sup> Té dí mē sò me gběndùnìne n pɪ pé tyí ñ snèy səkə̀ di mónóle, képah ye pè kǒ pè mə̀ ñne.

<sup>12</sup> Nte Filipi-á pə̀ Liyel tǔrí Nìvìnì tir ànê Yesu Krista tyí yo pé tyí sě, pè sě ké yō. Té díbí ànê syó me à kǒ à pè wel wilki nì səkə̀.

<sup>13</sup> Képah səkə̀, Simo nǐtě to sě Yesu yō, té Filipi kǒ à à wel wilki nì səkə̀. A nǎh tǔ sò me ké tyí ne pé yal Filipi tñ. Té gbíl tyi ñgbnə̀ nónó-á sò me n pɪ à n yah, sè sò me pɪ gběndùnìne ñ tyí.

<sup>14</sup> Képah tēne, Yesu tēntǔ névyə-á tē Yerusalemɪ kwil, té noh ne Samari gběnyah tǎn-á Liyel wey fě syi sě, pè Pyerɪ ànê Nsyō tekɪ mə̀ pè kǒ.

<sup>15-16</sup> Pǎh kyí de Samari səkə̀, té Yesu yō sěpú nónó we nénpó, Liyel Mirki nǎh tǔnì sò me tiki pé səkə̀ yó nǐtě yō. Pè sò me wə̀lnwilkínó we nì səkə̀ Tě ñgbě Yesu wə̀ yīn yō. Kǎh pɪ sě, Pyerɪ ànê Nsyō me tyah nírìle n pɪ pé tyí, ne pè Liyel Mirki we.

<sup>17</sup> Pè sò me pé gbǎn sah no nópi yō à nírìle n pɪ pé tyí. Képah səkə̀, pè me Liyel Mirki we.

<sup>18</sup> Képah tēne, Simo-á kè we Yesu tēntǔ névyə pé gbǎnne n sah pé yō, pè kǒ pè Liyel Mirkile n we sě, à pə̀ pólə̀ Pyerɪpɪ tyí,

<sup>19</sup> té ne, pè péwə̀ to kǒ kéne tǎhkìle. Képah səkə̀, pǎh fyó pé gbǎn sah nê yō, tē Liyel Mirki we.

<sup>20</sup> Wǎh yo sě, Pyerɪ me à syah ne, ñ tyí ykɪ n to ànê ñ pó tole, wǎh sǒnpíle n sō ne, pǎh kɪ fě Liyel yǐnkōnə̀ kwǎh dwe pólə̀.

<sup>21</sup> N nɪ-á me kətúkùyô Liyel yah. Képah-á, we we tē nǎh me ñ tyí yī mē səkə̀. A nǎh yīne kéle pólle.

<sup>22-23</sup> Pǎh kè we ne, dyóyókì képekè-á yuku sah ñ nule, ànê wǎh me tyípekè yōrɪ səkə̀. Képah-á, à ñ nɪ vi mə̀, à mó Tě

̀ngbẽ Liyel ni à kɔ̀ à ǹ fókósõno pèkè mè yõ mɔ̀ à kɔ̀, kàh kɪ fẽ n pɪ n pi.

<sup>24</sup> Képah sɔkɔ, Simo me yo Pyeri ànê Nsyõ tyí ne, pépi Tẽ̀ ngbẽ Liyel ni pé tyí pé gblɔy. Kàh kɪ pɪ sɛ̀, tyí nónó-á pè yo pé tyí, sé sɔkɔ yó òtẽ nàh pé nɔ n pi.

<sup>25</sup> Képah nàh, Pyeri ànê Nsyõ-á tyi nónó pĩ Yesu tyí sɔkɔ, pàh sè yãh te névye tyí, té Tẽ̀ ngbẽ wey yo te pé tyí gbí nêne, pè pé syɪ n yuku Yerusalemɪ kwil, té me Nìvìnì tirlɛ n yo n yuku kwílpi nàhnàh sɔkɔ wɛ̀kì yah, nónó-á me Samari gbɛnyah.

*Filipi Liyel wey yah yónóle Yetyopi gbɛnyah né-̀ngbẽ yó tyí*

<sup>26</sup> Sõ yóle, Tẽ̀ ngbẽ yĩnyõ tɔ̀npɪ yó pɔ yo Filipi tyí ne òkɛ̀, à ǹ gblɔy vi, à mó ǹ yah mɔ̀ gbɛ̀ngboke gbòyò sòle, à wɛ̀kì tẽ̀, nê-á wil Yerusalemɪ, à n tiki n yuku Kasa kwil. Kéne wɛ̀kì mè yõ kópú nàh me fwó.

<sup>27</sup> Képah sɔkɔ, Filipi núkú yuku kéne wɛ̀kì tẽ̀. Wãh n yuku, dɔ̀, à Yetyopi gbɛnyah né-̀ngbẽ yó we.\* Nmɔ ye sò Yetyopi yòtẽ pi Kãndasɪ tɔkɔ sah ǹ tahrɪ yòtẽne. A sò kyɪ Liyel ni Yerusalemɪ sɔkɔ.

<sup>28</sup> Té wãh ǹ syɪ n yuku ǹ tinnɛ, à sò me kɔ̀ntɛ̀nóle ǹ wòtoro sɔkɔ, me Liyel tɛ̀ntò syĩnyo-ò Yesayi sébéyne n kar.

<sup>29</sup> Képah sɔkɔ, Liyel Mirki me yo Filipi tyí ne, à kɔ n tel wòtoro mè tyí.

<sup>30</sup> Filipi me to tel ké tyí, té dí kàrnó noh. A sò me fí yóle n kar Liyel tɛ̀ntò syĩnyo-ò Yesayi sébéy sɔkɔ. Filipi me à piki yah ne, fí nê-á à n kar yò, à se me ké kórlɛ n pne nɪ?

<sup>31</sup> Dí me yo ǹ tyí ne, sò se pé kɪ pĩ ké kórlɛ, né ney nàh ké yah yo pé syah nɪ? Té me kè yah kɔ̀ Filipi tyí ne, à pɔ n dɔkɔ n kɔ̀ n tẽ̀ pé tnò wòtoro sɔkɔ.

<sup>32</sup> Té fí nê-á sò dí me n kar, kè me yónóle nénpó sɔkɔ ne òkɛ̀:

«À sò pɪ kópú sò, nê-á pè tẽ̀ n yuku kò-̀nsah;  
képah nàh pɪ, nê yè-á pè n kɔ̀,  
té à nàh ǹ vyãh fyɔ.

<sup>33</sup> Pè à yilɔ, té lékàhle à kɔ̀,  
té à ko mɔ̀, ǹ duku to kèkòyó.  
Nê kɪ tɔ̀ n yãh ǹ no tyíle?»†

\* 8:27 8.27 - Dìbì nónó pól-á sò tòle n pɪ yòtãh fné sɔkɔ, pè pè wɔ̀, ne pè kàh pɔ pé yí wil syó tyí. Képah ye, Yetyopi gbɛnyah né-̀ngbẽ mè to sò me wónóle.

† 8:33 8.32-33 - Yah n te Yesayi 53.7-8.

<sup>34</sup> Dí-á kar te, à me yo Filipi tyí ne, à kékwe, à yo pé syah, nê tyí se Liyel tēntò syíno-ò Yesayi n yo sě yò nı? N gblöy tyí se à n yo, tí ñnî tyí se à n yo?

<sup>35</sup> Képah sɔkɔ, Filipi syõ kéné Liyel wey mē tyí, à Nìvìnì tir yo à syah Yesu tyí sɔkɔ.

<sup>36</sup> Páh me wěkì yõ, pé kyı syı yɔ yó tyí. Dí me yo Filipi tyí ne nkě, yɔ-á yò, tir yó tē-à kı mé-ńkēne, páh me ké tyí ne, à pé wel wilki ni sɔkɔ. [

<sup>37</sup> A me yo ñ tyí ne, wáh kı me sě Yesu yõ ñ nı pólle, páh kı fě à wel wilki ni sɔkɔ. Dí me yo ñ tyí ne, páh sě ké yõ ne, Liyel Pídí-á Yesu Kristale.]

<sup>38</sup> Té me ne, pé wòtoro yĩn mɔ. Káh yĩn, à tiki ànê Filipile à kyı de yɔ, té Filipi me à wel wilki ni sɔkɔ.

<sup>39</sup> Páh fyò wil yɔ sɔkɔ, Tě ñgbě Liyel Mirki núkú Filipi tɔkɔ sɔkɔ. Yetyopi gběnyah né-ñgbě mē náh tǔ à we. Nte à yõ sɔkɔ ñ kólóle nìvìnì sɔkɔ.

<sup>40</sup> Té Filipi tē wɔ mó kyı ñ gblöy we Asɔtı kwil. A me yõ sɔkɔ, à Nìvìnì tirlé n yo n yuku kwlo kwlo pól sɔkɔ, wáh n kah nónó sɔkɔ, pópó à kyı de Sesarı kwil.

## 9

### *Yesu yónmɔnɔle Sole tyí*

<sup>1</sup> Té légbíne, Sole mó sò me yõ sɔkɔ diríle n pı Tě ñgbě Yesu tò sáhpúle, me n yah n kǔ pé kònmɔ-ńsahle. Képah sɔkɔ, à kyı wil sárká syínwilkıpu yòtē ñgbě tyí.

<sup>2</sup> Té yo ñ tyí ne, à sébéynóle pé kǔ, pé kyı Daması kwil Nsyifunɔ Liyel ní-ńtân vı yòtām kǔ. Képah sɔkɔ, páh kı kyı díbı ànê syó nónó we nénpó, té pé me Tě ñgbě Yesu wěkile n kɔ, pé pé tē n pukubi n pɔ Yerusalemı kwil.

<sup>3</sup> Wáh sè we syı, à wěkì tē n yuku Daması kwil. Wáh me yúkey kéle, kyòo yó núkú wil yĩnyõ à kwe ñ yõ pěrr, à à mɔ gbĩ.

<sup>4</sup> Képah sɔkɔ, à yõ sykı sétáh, té yĩnpǔ yó noh, nê-á me n yo ñ tyí ne: «Sole, Sole, kwáh nê pı té á ńne n fõh?»

<sup>5</sup> Sole me piki yah ne, nê se ñmɔle nı, pé Tě ñgbě? Kéne yĩnpǔ tǔ yo ñ tyí ne: «Yesu ye ńmɔle, nê-á á n fõh.

<sup>6</sup> Nte yuku n de kwil sɔkɔ, té wáh yĩne ñ nê pı, pé kı kè yo ñ syah.»

<sup>7</sup> Té Sole-á sò me wěkì yõ ànê nónóne, pé tɔ sò me yĩnpǔ mène n nohnı, té pé náh me ney we. Káh pı sě, pé gbàn du, pé yĩn tē syısyı, pé náh me fě tirlé n yo.

<sup>8</sup> Képah sɔkɔ, Sole-á yuku yīn, à n̄ yí yíkɪ mɔ, té à náh t̄ɔ me f̄ɛ n yah. Pè me n̄ gbò sɔkɔ t̄ɛ, à de ònne Damasɪ kwil.

<sup>9</sup> A sèpìn t̄ɔnì pɪ nénpó yít̄uri sɔkɔ, yòke yó-ńk̄ɛne àn̄e ni wó-ńk̄ɛne.

<sup>10</sup> Té légb̄ine, Yesu tò sáh-ò yó sò me nénpó pè n ye Ananiasile. T̄ɛ ñgb̄e Yesu wil n̄ yah, té ne: «Ananiasi!» Ananiasi me syi, té ne páh yò, T̄ɛ ñgb̄e!

<sup>11</sup> T̄ɛ ñgb̄e me yo n̄ tyí ne: «Yuku n̄ w̄k̄i t̄ɛ, w̄k̄i nê-á pè n ye w̄k̄i Tómmne. Wáh kɪ kyɪ Nsyudasɪ gbô sɔkɔ, n̄ dí yó tyí piki n yah. Kéne dí n wil Tarsɪ kwil, pè ònne n ye Solele. A me Liyel nínó sɔkɔ núkúnúkú.

<sup>12</sup> Té n̄ nírí pínó sɔkɔ, à dí yó we pè n ye Ananiasile.\* A me de pɔ n̄ gb̄an sah n̄ yò ne, à f̄ɛ ne n yah ńt̄ɔ.»

<sup>13</sup> Képah sɔkɔ, Ananiasi ne, ú, T̄ɛ ñgb̄e, névye náhnáh-á dí mè tyí yáh pé noh, àn̄e wáh me Yesu yò s̄ep̄ule n f̄oh s̄o Yerusalemɪ kwil, páh ké tɔ noh.

<sup>14</sup> Té wáh t̄ɔ s̄éb̄ey we syi sárká syínwilk̄ipu yòt̄am tyí, à pɔ ásò sɔkɔ ne, pé pɔ ñmɔ yéngbopu pól t̄ɛ pukubi n sɔkɔ.

<sup>15</sup> Nte T̄ɛ ñgb̄e me t̄ɔ yo Ananiasi tyí ne: «Ñmɔ ye yah tɔkɔ pɪ dí m̄ene ní t̄onp̄ule ne, à ní tyíle n yo n k̄o névye tyí, nónó náh pɪ Nsyifunɔle, à tahlɪ pé yòt̄am tyí, àn̄e Yisrayel t̄an tɔ tyí. Képah ye, kyɪ n̄ tyí!

<sup>16</sup> Wáh kɪ kwlónó nê pɪ n pi ñmɔ yinne, mé kɪ kéle à w̄k̄i ní gbl̄y.»

<sup>17</sup> Képah sɔkɔ, Ananiasi yuku sɔkɔ. Wáh kyɪ de Nsyudasɪ gbô sɔkɔ, à n̄ gb̄an sah Sole yò, té yo n̄ tyí ne ńk̄e, pé yúnpi Sole, T̄ɛ ñgb̄e Yesu nê-á wil n̄ yah w̄k̄i yò wáh n pi gbí n̄ene, ñmɔ-á t̄o péle n̄ tyí ne, á f̄ɛ ne n yah ńt̄ɔ, àn̄e Liyel Mirki mó à tɔkɔ.

<sup>18</sup> Nénpó swɔ, yí yísyó núkú wil Sole yí sɔkɔ à pɔ kwe ȳenk̄o gbró s̄o, té n̄ yí me yíkɪ. A me yuku, té pè me à wel wilki ni sɔkɔ.

<sup>19</sup> Képah náh, à yòke yò, té n̄ syi t̄ahk̄i we.

### *Sole Liyel wey yónóle Damasɪ kwil*

Képah sɔkɔ, Yesu tò sáhpu nónó-á sò me Damasɪ kwil, Sole t̄ɛ à sèpìn yísyó pɪ pépile.

<sup>20</sup> Té núkú tyah Yesu tyíle n yo n k̄o Nsyifunɔ Liyel ní-ńt̄an v̄i sɔkɔ ne, Liyel Pídí-á ñne.

\* 9:12 9.12 - Ananiasi sò p̄i ne dí nê tyí-á Liyel n yo pé tyí yò, péwɔ-á.



21 Képah tẽne, nónó pól-á sò me ò wɛlɔle n nohnɪ, kè pé gb̃àn du. Pè tyah n yo ne, té òmɔ kó lésò n kah n fõh Yesu yĩn yéngbopule Yerusalemɪ sɔkɔ nɪ? Té pé tẽnpukubinsɔkɔ-ńsah ńtẽ-á à pɔ ásò sɔkɔ, ne pé kyɪ péle sárká syínwilkpɪ yõtãm tyí dé!

22 Nte wãñ sò me n tɔ n mɔ n yuku Sole tãhkì yõ. A sò me kéle n yo n wah ne, Yesu-á Liyel yah tɔkɔ pɪ pwáhnmɔ-òle. Kãh pɪ sẽ, Damasɪ kwil Nsyifunɔ yáh-ńsah tyɛ, tyíyóné nãh tɔ wɛ pé tyí.

23 Képah sɔkɔ, sèp̃in náhnáh sókóntenɔ nãh, Nsyifunɔ pɔ yo sah núkú yõ ne, páh kɪ Sole ko mɔ.

24 Té Sole me pɔ pé yínvĩ mè wɛ noh. Pè sò me kwil dé-ńtãñne n sykɪ, ké lékãh ké gb̃intɔ, ne pé à wɛ n ko n mɔ.

25 Nte sò yó lékãhne, ò tò sãhpú sò me ké tyí ne pé à pwah mɔ. Képah sɔkɔ, pé à dah mɔ tòkò-ngbẽ yó sɔkɔ à tiki mɔ kẽnkahnɪne, nê-á kwil kore vi.

### *Sole syínyukunɔle Yerusalemɪ kwil*

26 Képah sɔkɔ, Sole sɔkɔ Yerusalemɪ kwil. Wãh kyɪ yĩni tẽ nénpɔ, à sò me ké tyí ne, pé kwrɔ mɔ Yesu tò sãhpú sɔkɔ. Nte pépi nãh sò me fẽ sẽ ké yõ ne, wãh pɪ Yesu tò sãh-òle kègbɪsɪ tẽ yõ; képah ye tíkí pè tẽ.

27 Nte Barnabasɪ wɔ me à tẽ yuku Yesu tẽntò névyɛ tyí. Té Sole-á sò Tẽ ògbẽ wɛ dùkù nêne Damasɪ kwil wẽkì yah, ànê Tẽ ògbẽ-á yo mɔ ò tyí sò, Barnabasɪ ké yah yo pé tyí. Té tɔ kè yo pé tyí, wãh Yesu tyí yo nìsãhle dùkù nêne Damasɪ sɔkɔ.

28 A tɔkɔ légbí tyí, Sole kwrɔ mɔ pé sɔkɔ, à Liyel wɛyne n yah n yo n kò nìsãhle Tẽ ògbẽ yĩn yõ Yerusalemɪ sɔkɔ.

29 A sò me n yãh ànê Nsyifunɔ tɔle, nónó-á Krekɪ wɛyne n wɛkɪ, me yékãble n pɪ péle. Nte pépi wɔ sò me ò kònmɔ-ńsahle n yah n kò.

30 Yesu yõ sèpú-á pɔ kè noh, pé à tẽ sɔkɔ Sesarɪ kwil, à kyɪ à tekɪ mɔ Tarsɪ kwil.

31 Légbíne, Yesu yõ sèpú tĩnkì nónó-á sò Nsyude, ànê Kalile, ànê Samari gb̃enyah pól sɔkɔ, pé pól sò me yèvɪnɪ sɔkɔ. Pè sò me tãhkìle n wɛ, té me n kɔ Tẽ ògbẽ yah tíkí pínó sɔkɔ, té Liyel Mirki gbò yõ, wãñ me n mɔ n yuku pé nédán yõ.

### *Yene de mɔ dùkùle*

32 Té légbíne, Pyerɪ sò me tãntàn pólle n kɔ n kò. Képah sɔkɔ, sò yóle, à tiki yuku Lida kwil Yesu yõ sèpú tɔ tyí.

33 Té kyí dí yó we nénpó pè n ye Yenele. Nyân sò me òn wil ko; képah ye à sò me sè tē òn sè sè kwâh yō pópó ye kwártōnō.

34 Képah soko, Pyeri me yo òn tyí ne: «Yene, Yesu Krista ye ále n de n mo yò. Yuku, òn té á sè sè kwâh yō tō n sah á gblōy.» Wăh yo sè, dí núkú yuku yīn.

35 Képah soko, Lida kwil ànê Sarō gběnyah tăn-á képah we sè, pé pól vi mo Tē òngbē Yesu tyí yō.

### *Tabita kúnó ànê òn yilkinmonole*

36 Pi yó lésō me Nsyope kwil soko Yesu tò sáh-òle. N yīn ye sò Tabitale, pè n ye Dorkasile Kreki wey soko. A sò pèporile n pi gbímegbí, me yām tanne n yohni n mo.

37 Té kéne sèpìn soko, yam po à fē mo, à ku. Pè me òn lékó wel, té à toko kyí sah yīnyō wòkò yó soko.

38 Té kăh pi Lida kwil ànê Nsyope kwil sò me yúkey wēne sè, Yesu tò sáhpú nónó-á sò me Nsyope soko, pè sò noh ne, Pyeri-á me Lida kwil. Képah soko, pè me díbí népí ní mí tō òn tyí ne, pè kyí yo òn tyí ne íkē, à òn gblōy ye, à mó po pépi ònne súú.

39 Păh kyí kè yo sè, à núkú yuku pè soko wē tyí. Wăh kyí yīni tē, pè à tē dokò yuku yīnyō wòkò soko, té pékúsyo pól sò me no de òn tnô me n gbo, té me fwòmò-òngbnō ànê fwòmònpìle ònne n wēki, nónó-á Tabita tī gbí nê-á sò à me vile.

40 Képah soko, Pyeri névyé pól kō pè wil kégbó, té òn gbètukunō di à Liyel ni. Té me òn yah vi pi lékó ònne té ne: «Tabita, yuku.» Pi núkú òn yí yiki mo. Té wăh Pyeri we, à yuku kō tē.

41 Pyeri me òn gbò soko tē, à à yilki sah. Képah năh, à Yesu yō sēpú ànê pékúsyo ye po ònne pè wēki vile.

42 Kăh pi sè, yī mè tō mo Nsyope kwil ywō ywō pól soko, ànê pé náhnáh pi Tē òngbē Yesu yō sēpúle.

43 Képah năh, Pyeri tē mo kwéy Nsyope soko sènpì dí yó tyí, nê yīn-á Simole.

## 10

### *Névyé ye dùkùle Liyel tyí, nónó năh pi Nsyifunole*

1 Dí yó lésō me Sesarí kwil pè n ye Korneyle. Sràsyíbi yòtē yó ye sò ònne, Wrome tăn sràsyíbi ònkì soko, nê-á pè n ye Yitali gběnyah sràsyíbi ònkìle.

<sup>2</sup> A sò me Liyel wěkì tě́nó ple, me ò yah tíkíle n pì, té òmo ànê ò gbô tăn pól me òne n ni. A sò me Nsyifunò yām tǎnne n yohnu n mọ náhnáh, té me Liyelle n ni gbímegbí.

<sup>3</sup> Képah sọkọ, sọ yó gbèkām gbí kénkõ sọkọ, à wěkínó yó we. A Liyel yínyõ tǎnpì yó we pnéyy à de pọ ò tǎnne, à pọ à ye ò yinne ne: «Korney!»

<sup>4</sup> Nte Korney sò me yínyõ tǎnpule n yah díkídíkí tíkítíkí sọkọ, té à piki yah ne, kwáh nê se ni, pé yòtě? Yínyõ tǎnpì me yo ò tyí ne: «Wáh nírí nónóne n pì, ànê wáh yòhnìnmonò nónóne n pì yām tăn tyí, Liyel yí me sé yõ. N dya me n kwne á tyíle.

<sup>5</sup> Núkúnúkú těne, nósyó wilki n tekì n mọ Nsyope kwil, pè kyì Simo yó tē n pọ, nê-á pè n ye Pyerile.

<sup>6</sup> A me twáhntě́nóle sǎnpì dí yó tyí, nê tọ yīn-á Simole. N gbô me pne yo gbòpọ.»

<sup>7</sup> Képah sọkọ, yínyõ tǎnpì-á welo nópi yo te Korney tyí, té yal ò tnô, Korney núkú ò tǎnpìbí díbí nǎpì ními ye ànê sràsyí yóle, nê-á sò me tě́nóle ò tnô di mónóle, té me Liyel wěkì tě́nó ple.

<sup>8</sup> Té me tyi nópi pól yāh pé tyí, té pè tekì mọ Nsyope kwil.

<sup>9</sup> Ké dǎndalle, pè sò me wěkì yõ sě, té pǎh pópó n de Nsyope kwil sọkọ gbí nêne, gbí sò me yòtah sírr kénkõ sọkọ, té Pyerì me dọkọ gběntìn yõ, me níríle n pì.

<sup>10</sup> Képah sọkọ, kwekì pọ à tē; à sò me ké tyí ne, pé yõke yõ. Té pǎh me yõkele n pì ò tyí gbí nêne, Liyel wěkínó yóle à wěkì.

<sup>11</sup> A yínyõ we yíkínmonole, té kwáh yó me wil ké sọkọ, fwòpìn-ngbē yó sǎ, ké vyěyno nýáhle tě́nóle, té me n tiki n pi sétáh.

<sup>12</sup> Té gbyèh nýèh yí duke pól sò me ké sọkọ, ànê yí nónó-à n til, à tahl kèpye duke pól tyí.

<sup>13</sup> Képah sọkọ, Pyerì yǎnpǎ yó noh kè me n yo ò tyí ne: «Pyerì, yuku n ko sé sọkọ ò kọ.»

<sup>14</sup> Nte Pyerì me Tě ògbē syah ne, pǎh pì sǎ pile, pé nǎh dēl kwáh yó ntě yõ yah, képah nǎh pì, kwáh yó ntěne, nê-á névile n silki Liyel yah. Képah-á, pé nǎh kè pì n pi pólle.

<sup>15</sup> Képah těne, yǎnpǎ mè tǎ ké syì yo à noh ke ní-òle ne nkē: «Liyel-á kwáh nê wěkì kwáhpépěyne, áwọ tyí nǎh ké wěkínóle ne, kǎh me névile n silki Liyel yah.»\*

\* **10:15** 10.15 - Liyel lésò gběnkya yísyó tyí yo Nsyifunò tyí ne, pè káh séle n kọ. Yah n te Levitiki 11.

16 Képah tẽ pi sě ke tǔnó, té Liyel núkú kéne kwâh yǒ doko soko yinyõ.

17 Kãh pi sě, Pyeri lékám sò me fěki, à me n gblõyne n piki n yah wěkínó nê-á à we, ké yǒ-á ki fě n pi n pi tir nêne. A me képah soko, té Korney tẽntò névye mó me sénpi dí Simo gbô tyí piki yah kǒ pɔ we, me yin tẽ ké yah,

18 té me n piki n yah ne, Simo nê-á pè n ye Pyerile, à se me twáhntěnlé ásò soko ni?

19 Nte Pyeri-á sò me yǒ soko n fókole n sò wěkínó mè tyí soko sě, Liyel Mirki me yo n tyí ne à yah, díbí népí tǔmí-á me òne n yah n kǒ.

20 Péwɔ-á teki mo péle n tyí. Képah-á, à yuku n tiki n soko péle, à káh tǔtò pi.

21 Képah soko, Pyeri tiki kyi no nópi tnô, té yo pé tyí ne, nê-á pè n yah n kǒ, òmɔ-á péwɔle. Nkě, pè keyãh kǒ.

22 Pè me yo n tyí ne, srasyíbi yǒtě dí Korney-á tǔ péle n tyí. Négbí-á òne, wãh Liyel yah tíkile n pi, ànê Nsyifunɔ pól-á n yingbíle n yo. Yinyõ tǔnpi yó-á kéle à wěki ne, wãh yĩne à pɔ n tẽ n kyi n gbô soko, tyi nónó-á me á tyí yo yo tẽne, á sè yo à syah.

23 Képah soko, Pyeri me pé kǒ pè de gbô soko, à twah n tyí à lékãh pi.

Té ké dǐndalle, à me pé sò tẽ soko. Té Yesu yǒ sěpú yísyó tǔ sò soko péle, nónó-á n wil Nsyope kwil.

24 Pé soko sǔ dǐndalle, pè kyi de Sesarí kwil; té kyi ne yah Korney me n gbô tãn ànê n kódíbi kègblo ye tuke, me pɔ pè syki tẽ.

25 Pyeri-á pɔ n de gbí nêne, Korney kyi à yohni, té kǔ kwĩnki n yah, à à gbilki.

26 Nte Pyeri me yo n tyí ne à yuku, té à yilki sah, té ne névi ó-á péwɔ tǔle dò.

27 Pè me képah yónó soko wě tyí, té de yuku gbô à kyi no nópi we tükentěnlé pípi.

28 Pyeri me pè syah ne, pãh pĩ ne, dèl-á kéle Nsyifunɔ tyí, pè náh n pi n soh wě tyí kwlókáhkí névyele, ànê pè náh n de pé gbên soko kè. Nte Liyel-á kéle péwɔ tẽ wěki ne, pé náh yĩne pé ònî yó ntẽne n yah ne, wãh me sikkínóle Liyel yah, képah náh pi, ne à náh yĩne pínsòhnóle névye tyí.

29 Képah-á, pé kǒ pãh pé ye pé pɔ yékãb pí-nkêne. Nkě, pè se ki fě pé yénó yǒ yo pé syah ni?

30 Képah soko, Korney me yo n tyí ne, ké sèpìn nyêh-á yò, gbèkãm gbí mè ó kénkǒ soko, pãh lésò me nírilé n pi

pé wòkò sòkò. Té dǒ, pé núkú dí yó we yínn̄tǎnóle pé yah fínne, wil flòle pǎrr ò tyí,

<sup>31</sup> té me pé ye pé yínne ne, Kǎrney, Liyel-á pé níri tǎ; ò dyò-á me n kwne pé pèpòrì pínó tyíle.

<sup>32</sup> Képah-á, pé névye wilki n tekì n mǎ Nsyope kwil, pé kyì Simo ye n pǎ ásò, nê-á pé n ye Pyerile. Wâh me twáhntǎnóle sènpì dí Simo gbò sòkò, pne yò gbòpò.

<sup>33</sup> Kǎh pì sǎ, pé núkú névye tekì mǎ ò tyí ne, pé kyì à ye n pǎ. Ñ tǎ mó tǔ pì ple té fǎ syì pǎ. Núkúnúkú, pé pól-á ásò Liyel yah sòkò, ò welò noh yínne, nónó pól-á Tǎ ògbǎ dahbì ò gbò, ne à yo pé syah.

*Pyerì Liyel wey yónóle Kǎrney gbò*

<sup>34</sup> Képah sòkò, Pyerì me wey tǎkò té ne: «Núkúnúkú, mé pǐ kègbì yǎ ne, Liyel náh òn̄ ò yó òtǎne n wah.

<sup>35</sup> Névi nê-à fyò ò yah tíkile n pì, té me n kǎ gbì wǎkì yǎ, tǎ-à sǎ me yǐkì nê neyne, ò tyí n nǎ Liyel tyí.

<sup>36</sup> Nmǎ Liyel ye ò wey tekì mǎ Yisrayel tǎn tyí, à Nìvìnì tir yo pé tyí ne, yèvùnì-á n we Liyel tyí Yesu Krista gbò yǎ, òmǎ nê-á no pól Tǎ ògbǎne.

<sup>37</sup> Nsyò-á kwní kǎ te ni sòkò wèlnwǐlkinó tyí sòkò, képah náh, nê-á pì Kalile gbǎnyah ògbò sòkò ànê Nsyude gbǎnyah pól sòkò, yé se mó kè pǐ tǎ!

<sup>38</sup> Té Liyel sǎ me Nasaretì kwil Yesule. A ò Mirki ànê tǎnwenòle à kǎ. Képah ye, à me n kǎ n kǎ tǎntǎn pól sòkò, à pèpòrile n pì, té nónó pól-á sǎ me sètǎn yǎtǎ yǎrì sòkò, à sǎ me péle n wilki ké sòkò.

<sup>39</sup> Té wǎh tyì nónó pól pì Yerusalemì kwil ànê Nsyifunò kwlo tǎlò sòkò, á pól ye sè we yíne. Nte pé me à tǎ syì dahbì yǎ, à à ko mǎ.

<sup>40</sup> Té ké sèp̄n̄ tǎ-ò sǎle, Liyel me ò lékó yilki mǎ, té à kǎ à ò gblǎyne no wǎkì,

<sup>41</sup> òn̄te à náh ò gblǎyne no pól wǎkì. A ò gblǎyne ápì ó wǎkì, ápì nónó-á lésò Liyel yah tǎkò pì Yesu lékó yǐlkinmǎnǎ wépú ànê sé yǎhpúle. Ápì lésò yǎke yǎ, té wǎ wǎ kwáh wǎ òne wǎ tyí, ò lékó yǐlkinmǎntenǎ náh.

<sup>42</sup> Képah sòkò, à me á tǎ ne: «Yé kyì Liyel weyne n yo n kǎ no tyí. Yé kéle pé wǎkì ne, òmǎ-á Liyel sah vye ànê lékyì tǎkè-òle.»

<sup>43</sup> Nmǎ Yesu tyí ye tǎ Liyel tǎntǎ syínyopu pól yo ne, névi nê-à sǎ òmǎ yǎ, tǎ tyípèl-á kù yǎ mǎ à kǎ òmǎ yǎn yǎ.»

*Liyel Mirki nósýó tǎkò, nónó náh pì Nsyifunòle*

44 Képah sɔkɔ, Pyerɪ sò me wékínó sɔkɔ sɛ, té Liyel Mirki tiki ò wey nòhnìpu pól yõ.

45-46 Liyel-á Mirki nê kõ, kãh tõ mɔ névye yõ nónó nãh pɪ Nsyifunɔle, pè kõ pè wénkáhkínóle n wekɪ nónó-á pè nãh sè sãh, té Liyelle n gbilki sɛ, képah pɪ gbèndùnìne Yesu yõ sɛpú Nsyifunɔ tyí, pépi nónó-á sò pɔ ànê Pyerɪle.

47 Képah sɔkɔ, Pyerɪ ne: «Névye nónóné Liyel Mirki we te ápi tyí kòle, á kɪ fɛ yahle sɔ ne, pè káh n wel n wilki ni sɔkɔ?»

48 Té me pè kõ pè Kɔrneypi wel wilki ni sɔkɔ Yesu Krista yìn yõ. Képah sɔkɔ, pépi mó Pyerɪ ni ne, à wũ sèpìn yísyó pɪ péle.

## 11

*Pyerɪ-á nê yo Yerusalemɪ kwil Yesu yõ sɛpú tyí*

1 Té Yesu tɛntò névye ànê Yesu yõ sɛpú téló nónó-á sò me Nsyude gbènyah sɔkɔ, pè kè noh ne, nósýó tɔ-á me Liyel wey fɛ syi, nónó nãh pɪ Nsyifunɔle.

2 Képah tɛne, Pyerɪ-á pɔ ò syɪ kyɪ Yerusalemɪ sɔkɔ gbí nêne, Yesu yõ sɛpú Nsyifunɔ kyɪ tyah lékãhle ñne n kõ,

3 té ne, à se sɔnpí kyɪ de, à yòke tɔle n yõ névye ònne, nónó nãh pɪ Nsyifunɔle nɪ?

4 Képah sɔkɔ, tir mè-á pɪ sɔ, Pyerɪ ké yah yo wah pɔ dal mɔ pé tyí wárwár ne,

5 páh sò me Nsyope kwil me níriɪle n pɪ, té Liyel wékínó yóle pé wɛkɪ. Páh kwãh yó we kè me wil yínyõ fwòpìn-ngbɛ yó sɔ, ké vyèyno ñyáhle tɛnóle, té me n tiki n pɪ à pɔ yìni tɛ pé tnô.

6 Páh me ké yáhnó sɔkɔ díkídíkí, pé yípêy we ké sɔkɔ, ànê gbènkýɔle, ànê yì nónó-á n til, à tahlɪ kèpye tyí.

7 Képah tɛ sɔkɔ, pé yínpɔ yó noh kè me n yo pé tyí ne: «Pyerɪ, yuku n ko sé sɔkɔ ò kɔ.»

8 Nte pé me yo yínpɔ mè tyí ne pé Tɛ ñgbɛ, pé nãh képah pɪ n pi, ñkɛ páh pɪ sɔ pile, dél kwãh yó ñtɛ nãh de yah pé vyãh ànê kwãh yó ñtɛne, nê-á névile n silki Liyel yah.

9 Képah tɛne, yínpɔ mè tõ wil yínyõ, me n yo ne ñkɛ: «Liyel-á kwãh nê wɛkɪ kwáhépèpye, áwɔ tyí nãh ké wékínóle ne, kãh me névile n silki Liyel yah.»

10 Képah tɛ-á pɪ sɛ ke tɔnó, té Liyel me tɔ kène kwãh tɔkɔ òkɔ yínyõ.

11 Té légbí mè ó sòkò, díbí nẹ̀pí tǒmí mó me pò yìn tẹ̀ péwò mé-ńsah gbô yah sòkò. Nnî-á tǒ péle Sesari kwil, pè pò péwò tyí.

12 Té Liyel Mirki me yo péwò tyí ne, pé sòkò péle, pé káh tǒtò pì. Pé yúnpyé nẹ̀pí kénúkò nónó-á yò, pépi me pé sò tẹ̀ à yuku Sesari kwil. Pé pól kyì de Kòrney gbô sòkò.

13 Képah sòkò, Kòrney tò mó yo pé tyí ne, páh sò me pé gbô sòkò, té yínyò tǒnpi yó wil mọ́ pé yah, té yo pé tyí ne ñkě, pé ney tekì n mọ́ Nsyope kwil. Tẹ̀ kyì Simo tẹ̀ n pò, nê-á pè n ye Pyerile.

14 Wǎh kì pò welo yísyó yo pé tyí, nónó-á kì pé pwah mọ́ ànê pé gbô tǎn pólle.

15 Kòrney-á képah yo te sẹ̀ péwò Pyeri tyí, té pé fyò tyah à tyile n yo pé tyí, Liyel Mirki tiki Kòrneyipi tò yò, sǒ-á lésò kè tiki pépi yò ké tyah gbíne.

16 Kǎh pì sẹ̀, péwò dyò tò kò Tẹ̀ ñgbě Yesu wey mè tyíle, wǎh nê yo ne ñkě: «Nsyò névyé wel wilki ni sòkò, nte yépi tẹ̀ wole, Liyel kì yé tǒ sah ñ Mirkile kì yé pì yáyal.»

17 Nte pépi-á sẹ̀ Tẹ̀ ñgbě Yesu Krista yò, té Liyel me ñ Mirki nêne pépi kò, wǎh fyò kéle no nọ́pi tò kò te pépi tyí kòle, nê se péwòle kì fẹ̀ Liyel tir yah kò nì?

18 Képah sòkò, névyé-á welo nọ́pi noh sẹ̀, pé pól vi, té Liyel yinne n gbilki me n yo ne, Liyel-á ntyíno ké wèkìle névyé tò kò nónó náh pì Nsyifunole, pè kì fẹ̀ pé nno vi mọ́, kì tyé-ńkě min we dé!

### *Antyosyi kwil Yesu yò sẹ̀pú tǐnkìle*

19 Yetyèni ko mọ́ gbíne, pè sò me Yesu yò sẹ̀púle n fòh. Képah ye, pè tò karkì. Pé tókù sòkò Fenisi gběnyah, tókù sòkò Syipri gběnyah, tókù me sòkò Antyosyi kwil. Té pè náh sò me Yesu tyíle n yo ñnî yó ntẹ̀ tyí, né Nsyifunò ó tyí náh.

20 Nte tókù sò me pé sòkò, nónó-á n wil Syipri gběnyah sòkò ànê Sireni kwil. Pépi-á pò Antyosyi sòkò, pè sò me Nìvìnì tìrle n yo no téló\* tò tyí Tẹ̀ ñgbě Yesu tyí sòkò.

21 Té Tẹ̀ ñgbě sò me tẹ̀nwenole péle n kò. Kǎh pì sẹ̀, névyé náhnáh vi mọ́ Tẹ̀ ñgbě Yesu wèkì yò, à pì ñ yò sẹ̀púle.

22 Képah tẹ̀ne, Yerusalemi Yesu yò sẹ̀pú tǐnkì-á képah noh sẹ̀, pè Barnabasì tekì mọ́ Antyosyi sòkò.

23-24 Barnabasìle, nẹ̀pépěy ye lésò ñne. Liyel Mirki sò me à tókò, ànê Liyel yò sẹ̀nó me ñ sòkò kègbìle. Képah ye, wǎh

\* 11:20 11.20 Yah n te Welo yah yónó sòkò, ñyāh-á Kreki tyíle n yo.

kyi yīni tē, té Liyel pèpɔɔɔ pínó wɛ nénpó Yesu yō sēpú tyí sē, ò nɪ vɪ. A mɛ sǒré mɔ pé pól sɔkɔ nɛ, pé gbah tē pé wró tel tē Tē ñgbēne pé nno pólle. Képah tēne, tówú ñgbē fē syi sē Tē ñgbē Yesu yō.

<sup>25</sup> Képah náh, Barnabasɔ sɔkɔ Tarsɔ kwil, Sole yáhnkō-ńsah.

<sup>26</sup> Wǎh kyi à wɛ, à à tē pɔ Antyɔsyɪ sɔkɔ. Pé ními tē à yi vi pól pi nénpó Yesu yō sēpú t̃nk̃ilɛ, à névye náhnáh tɔ wɛ kwɔ Yesu wēk̃ilɛ. Nénpó ñgbò sɔkɔ ye pé Yesu t̃ò sáhpú ye Kreyēbɪlɛ.

<sup>27</sup> Té kéné sèp̃in sɔkɔ, Liyel tēnt̃ò syínyopu yísyó wil Yerusalemɪ kwil, à pɔ Antyɔsyɪ sɔkɔ.

<sup>28</sup> Pé sɔkɔ núkú yó s̃ò mɛ pé n ye Akabusilɛ. Té Liyel Mirki gb̃ò yō, ñmɔ yuku kè yo nɛ r̃íkē, d̃ò kwéy, kwénpékè-á kɪ n de n pi kèk̃yó pól sɔkɔ. Képah pínó pɔ Klode wɛ, Wrome kwiltām yōtēne.

<sup>29</sup> Képah sɔkɔ, Yesu t̃ò sáhpú kè yah tɔkɔ, à yīne pé nénúkù núkú pól gb̃an yī wénónɔle nɛ, páh kɪ pé gb̃an yī yísyó tuke mɔ, kɪ tekɪ mɔ Yesu yō sēpú k̃ò Nsyude gb̃enyah sɔkɔ.

<sup>30</sup> Pǎh kè yah tɔkɔ s̃ò, pé kè pi sē, té mɛ yī nópilɛ Barnabasɔ ànê Sole gb̃ò dahbɪ, pépi mɛ kyi séle Yesu yō sēpú yah tām k̃ò.

## 12

*Nsyaki kònmɔnɔ ànê Pyeri dáhnmɔnɔle wòkònpèkè sɔkɔ*

<sup>1</sup> Ké légbí m̃è sɔkɔ, yōtē d̃í Yerɔdɪ tyah Yesu yō sēpú t̃nk̃i névye túkù f̃óhnóle Yerusalemɪ kwil.

<sup>2</sup> A Nsyō nénkyí d̃í Nsyaki ko mɔ kèkirk̃ilɛ.

<sup>3</sup> Té wǎh kè wɛ yī m̃è nɔ Nsyifunɔ tyí sē, à t̃ò Pyeri tɔ tē. Légbí pɔ yīne Nsyifunɔ búrn s̃è-ñk̃ē syáh syáhnóle.

<sup>4</sup> Wǎh Pyeri tē sē, à mɛ à dah mɔ wòkònpèkè sɔkɔ, té sràsýibí nép̃i ñyēh t̃nk̃inó r̃yáh névye k̃ò pé wēne n sah, à ñne n syiki. A s̃ò mɛ kè tyí nɛ, búrn s̃è-ñk̃ē syáh-à kɪ sɔkɔ tɛ, pé à tuke no pól yí yah.

<sup>5</sup> Pyeri yah s̃ò mɛ víkénóle wòkònpèkè sɔkɔ, ñte Yesu yō sēpú t̃nk̃i mó mɛ Liyelle n gbah n ni ñ tyí.

*Liyel-á gb̃il nê pi, à Pyeri wilki wòkònpèkè sɔkɔ*

<sup>6</sup> Té s̃ò nê d̃indal-á Yerɔdɪ kɪ Pyeri tuke n pi, kè lékâhne, Pyeri s̃ò mɛ púkúbínsáhnóle k̃éló pló nínóle, té mɛ n d̃ò



sràsyíbì nêpî ní mí wró. Té wòkònpèkè mè syíkí pú sò me ké yah, me kéle n syíkí.

7 Nte nénpó swò, Tě ñgbě yínyò tònpi yó núkú wil mò wòkònpèkè mè sòkò, ké sòkò pól piki pèrr. Yínyò tònpi mè me Pyeri mi mi ñ gbòpò tyí à à yilki mò, té yo ñ tyí ne ñkě, à yuku súú. Képah sòkò, kéló nópi núkú kòli to Pyeri gbàn tyí, à kwe sétáh.

8 Képah tēne, yínyò tònpi tō yo ñ tyí ne, à ñ kō dyi ànê ñ lékyèhle. A me kè pi sě. Yínyò tònpi mè tō yo ñ tyí ne, à ñ fwòmò-ñgbě mò, à mó pé sò tē.

9 Pyeri me ñ sò tē, à wil. Té yínyò tònpi-á tyi nónónne n pi, Pyeri náh sò me sě sé yò ne gblò-á séle. A sò we ne dékí-á pé n dò.

10 Pè wòkònpèkè syíkí-ńsah gben kal sòkò, té ké ní-ò to kal sòkò, té kyi syi vyòri wùkah gbíni tyí. Képah yah sò me mónóle kwil niyó ònnne. Ké to núkú yiki mò ké gblóy. Pè me wil à wèkì tē n yuku. Dò, Pyeri núkú yínyò tònpi mè yah kwlò.

11 Képah sòkò, Pyeri yah pyè pi kyòo yí mènne. A me ne núkúnúkú, páh pyè kè pī yíi ne, Tě ñgbě-á tō ñ yínyò tònpi le à pò pé pwah mò wilki Yeròdi gbò ànê Nsyifunò-á sò me pèl nónónne n syíkí ne, sè péwò nò.

12 Té Nsyò nê-á pè n ye Markle, Pyeri-á ñ fòkò sò yah, à sòkò ñmò yú Mari gbò. Níri pí pú náhnáh sò me tuke mò tē nénpó, me Liyelle n ni.

13 Té Pyeri-á pò gbò yah mi, tònpi pípir yó me pè n ye Wrodele, ñmò me nò de kéle, té píkinyahno pi ne, nê se ni?

14 Képah sòkò, Pyeri-á yo mò, à ñ yí pī. Ké ñivìni tē tyí, à pyè gbò yah sah yíkinmò-ńkēne té ñ syi to kyi kè yo no téló tyí ne ñkě, Pyeri-á me yínnntēnóle gbò yah.

15 Nte pè pyè ne, pípir yògbèkè-á yuku. Té wáh me kéle n gbah n yo ne gbi-á pé n yo, pè tō ne ñkě, Pyeri mírkí-á ki nê à we.

16 Nte Pyeri wò mó me wùkahle n tō n mi sě. Képah sòkò, páh pópó pò wùkah yiki mò, pè kè we kè pi ñmòle nítyíno. Kè pi pé tyí gbèndùnne.

17 Pyeri me ñ gbò pi mò pé tyí ne, pè pé vyēy vike. Té Liyel-á à yohni mò òkù nēne à kō à wil wòkònpèkè sòkò, à de ké sòkò à kè yáh pé tyí. Té yo pé tyí ne ñkě, pè kyi kè yáh Nsyaki ànê pé yúnpyé Yesu yò sēpú téló tyí. Képah náh, à pyè wil sòkò fí yó.

<sup>18</sup> Nte tyah-á pɔ dal, sràsyíbí fɔkɔ fil Pyerɪ tyíle. Képah sɔkɔ, pè wěne n piki n yah ne, ò tyí se pɪ sɔ nɪ?

<sup>19</sup> Képah tēne, Yerɔdɪ pè kɔ pè mɪ de Pyerɪ sóhnkɔnɔ sɔkɔ. Nte pè náh à we. Káh pɪ sɛ, à me wòkònpèkè syíkípu ye pɔ piki yah, té ne, pè pè ko mɔ. Képah náh, Yerɔdɪ wil Nsyude gběnyah sɔkɔ à kyɪ sèpìn yísyó pɪ Sesarɪ kwil.

### *Yòtē dí Yerɔdɪ kúnóle*

<sup>20</sup> Tiri kwil ànê Sidõ kwil tǎn-á sò me gběnyah nê sɔkɔ, ké yòke lésõ me n wil yòtē dí Yerɔdɪ gběnyah sɔkɔ. Té yékâb-á pɔ we pé wró ànê Yerɔdɪle, Yerɔdɪ fɔkɔ kah vyǎh péle. Káh pɪ sɛ, pépi me yo sah núkú yò ne, páh kɪ kyɪ wil Yerɔdɪ tyí. Képah yinne, pè kyɪ pé sɔnɔ pɪ núkúle ànê Yerɔdɪ sɛ-ńsah wòkò yòtēne, nê-á pè n ye Blasitusile, ne pé kyɪ yégbéke kwrónmɔnɔ yah kɔ Yerɔdɪ tyí.

<sup>21</sup> Páh gbìyìkì nê yah tɔkɔ, ké lésõ-á nɔ, Yerɔdɪ ò yòtǔrí flo mɔ pɔ kɔ tē ò yòtǔrí kò yò, à tyah wey yóle n yo tówú tyí.

<sup>22</sup> Képah tēne, névyè tyah n gbo mɔ ne, névi tē wɔ náh n wekɪ yò dé, Liyel-á!

<sup>23</sup> Képah sɔkɔ, Yerɔdɪ-á sɔnpí gbilkínó mè fě syi, nê-á sò yĩne sàhnóle Liyel yò, Tē ògbě yĩnyò tɔnpɪ yó núkú à mɪ, kèfyò me gbɔ ò sɔkɔ, à à yò ko.

<sup>24</sup> Nte Liyel wey sò me n gbah n tǔ mɔ n yuku óle.

<sup>25</sup> Té Barnabasɪ ànê Sole wɔ-á pé tò pɪ te Yerusalemɪ kwil,\* pè Nsyõ-Markɪ tē pé syɪ sɔkɔ Antyɔsyɪ kwil.

## 13

### *Barnabasɪ ànê Sole tékínmɔnɔle Liyel tò sɔkɔ*

<sup>1</sup> Liyel tǔntò syínyopu ànê névyè kwópú sò me Antyɔsyɪ kwil Yesu yò sǔpú tǔnkì sɔkɔ: Barnabasɪ sò me, ànê Solele, ànê Simeyòle, nê-á pè n ye Dísyíkèyne, ànê Sirentɪ kwil Lusiyusile, à tahlɪ Manayě tyí, òmɔ nê-á sò kǔrɪ pɪ wě tyí Kalile gběnyah yòtē dí Yerɔdɪle.

<sup>2</sup> Sò yóle, páh me níkì tē, té me Tē ògbě Liyelle n ni gbí nêne, ò Mirki yo pé tyí ne: «Yé Barnabasɪ ànê Sole wilki pé tyíle. Pè kɪ tò pɪ, nê yĩn-á mé n ye péle.»

<sup>3</sup> Képah sɔkɔ, pè níkì tē,\* à níri pɪ pé tyí à pé gbàn sah pé yò, té pyě pè fin mɔ pè sɔkɔ.

\* 12:25 12.25 - Yah n te 11.27-30. \* 13:3 13.3 - Níkì tǔnó duke me dò. Té Nsyifunɔ tē wɔ tyí, páh níkì tē, ké kanne, pé nine n wɔ, té pé náh yòkele n yò.

*Barnabasí ànê Sole Liyel wey yónóle Syipri sòko*

<sup>4</sup> Liyel Mirki-á Barnabasí ànê Sole tekí mɔ t̃ sòko s̃, pè me tiki yuku à kyí de Selesi kwil. Té de krótókè ngb̃é yó sòko nénpó, ne páh n yuku gb̃enyah yó sòko pè n ye Syiprile, pne yɔ niyó.

<sup>5</sup> Páh yīni t̃é ké kwil yó sòko pè n ye Salaminine, pè tyah Liyel weyne n yo Nsyifunɔ Liyel ní-ńt̃án ṽi sòko. Té Nsyō-Markí tɔ s̃ me péle, pé yohni n mɔ yīnne.

<sup>6</sup> Pè me Syipri m̃e kan kɔ kah, à kyí de ké kwil yó sòko pè n ye Pafɔsil̃e. Pè kyí Nsyifunɔ s̃enpi dí yó yohni, nê-á pè n ye Bar-Yesule. Nm̃o s̃ me ñ gbl̃oyne n pi Liyel t̃ent̃ò syinyo-òle.

<sup>7</sup> Té à s̃ me w̃é tyí ànê Syipri yah t̃é-ò dí Serisyusi Polusile, ñm̃o nê-á lés̃ó lékám névile. Té Liyel wey noh dékè s̃ me Serisyusi Polusi t̃é. Képah ye, à pè k̃o pè kyí Barnabasí ànê Sole ye.

<sup>8</sup> Nte s̃enpi dí Bar-Yesule, pè t̃ó s̃ ñne n ye Yelimasil̃e Kreki wey sòko. Nm̃o s̃ me Barnabasí ànê Solele n fwo. A s̃ me n yah n k̃o Syipri yah t̃é-ò dí yíninm̃o-ńsahle, ne à káh s̃é Yesu yō.

<sup>9</sup> Képah sòko, Sole nê-á t̃ó pè n ye Polele,† Liyel Mirki à toko, à me s̃enpi dí yah díkídíkí,

<sup>10</sup> té yo ñ tyí ne: «Áwɔ nê-á lékámkām ànê yínṽi ó á t̃ó, sét̃àn yòt̃é névi m̃e; gbl̃o w̃al pól sépele áwɔle, T̃é ngb̃é w̃al tómtóm f̃ék̃inó yal m̃o dé!

<sup>11</sup> Núkúnúkú t̃ēne, Liyel gb̃o kɔ sah á wil. Á kɔ pi yít̃une wró yó sòko, á náh t̃ó gb̃i kyòo we n pi.» Képah yónt̃enɔ ñs̃ó, ñ yí núkú wɔ, à ñ gbl̃oy we f̃ent̃ú sòko, té tyah n kɔ n kore n vi n k̃o, à neyne n yah n k̃o ñ gb̃o sòko t̃é t̃é t̃ēne.

<sup>12</sup> Képah sòko, Syipri yah t̃é-ò dí-á Liyel tyí-ngbno pínó we, té kwónó nê noh, s̃e ñ ni t̃é. Káh pi s̃é, à s̃é T̃é ngb̃é Yesu yō.

*Pole ànê Barnabasí-á kwónó nê pi Antyɔsyi kwil, Pisidi gb̃enyah sòko*

<sup>13</sup> Képah náh, Pole ànê ñ kómú de krótókè ngb̃é sòko, à yal Pafɔsi kwil, té yuku Persyí kwil, Pánfili gb̃enyah sòko. Páh me nénpó, Nsyō ñ gb̃e wil pé sòko, à ñ syí yuku Yerusalemí kwil.

† 13:9 13.9 - Solele, Nsyifunɔ ye n ye ñne s̃é, té Wrome t̃án me ñne n ye Polele.

14 Nte Polepi tẽ wɔ mó yal Pɛrsyɪ kwil, à yõ sɔkɔ pé kólólɛ, pópó à kyɪ de Antyɔsyɪ kwil, Pisidi gběnyah sɔkɔ.‡ Té Nsyifunɔ mu mu yòh sǎ-á pɔ nɔ, pé kyɪ de kǎ tẽ péle pé Liyel ní-ńsah wòkò sɔkɔ.

15 Képah tẽne, ònî yó me tyi kònsàhnó ànê Liyel tẽntò syínyopu sébéynó tàntànnó yísyó kar. Wǎh kar te, Liyel ní-ńsah wòkò yah tã me pé kǎ pé yo Polepi tyí ne, pé no, welo yísyó-à kɪ me pé tyí sǒré mɔ mɔ tẽne tówù sɔkɔ, ké wěkì-á me pé tyí.

16 Képah sɔkɔ, Pole me yuku yīn, té ò gbò pɪ mɔ no tyí ne, pé noh pé tyí yò. Té yo pé tyí ne: «Yisrayel tã, à tahl nónó-á Nsyifunɔ nǎh péle, té me Liyel yah tíkile n pɪ, yé nóhnó pɪ ní tyí.

17 Ápì Yisrayel tã Liyelle, à ápi nǎh tã yah wilki. A tǔ Yisrayel tã pɪ dò, gbí nê-á sò pé me Yesyipti gběnyah sɔkɔ; té tǔ ò tẽnwɛnɔle pé wilki ké sɔkɔ.

18 Té à pé puš gběnnu sɔkɔ pópó ye tikinini kénkǔle.

19 Képah nǎh, à yìkìñínó kwǎrnino névyɛ ko mɔ, à pé duku to Kanah gběnyah sɔkɔ, té pé sétáhle Yisrayel tã kǎ gběkule.

20 Tyi nópi pól-á pópó n pɪ n te, kè nɔ ye kyeyéh tikinini pó gbám (450) kénkǔle. Képah nǎh, á nǎh tã sɔkɔ ye Liyel n wilki á vyǎh syípule, pópó à pɔ nɔ Liyel tẽntò syínyo-ò Samuyeli gbí tyí.

21 Té sǎ yóle, pé me kè yah kǎ Liyel tyí ne, páh me yòtẽ yó tyí. Képah sɔkɔ, Liyel me Kisi pídí Sawuli pɪ pé yòtẽne, pópó ye tikinini. Té Sawulile, Běnsyame yìkì ney ye sò òne.

22 Nte Liyel-á pɔ òmɔ milki gbí nêne, à me Davidi pɪ pé yòtẽne. Davidi tyí sɔkɔ ye lésò Liyel yo ne òkè: «Mé wil mɔ ní dyo yí ney yò, òmɔ nê-á Nsyese pídí Davidile. A kɪ ní dyo yí tyi pól pɪ dal mɔ palle.»

23 Liyel ye lésò ò vyǎhle Davidi kǎ ne, Yisrayel pwáhnmo-ò-á kɪ dubi òmɔ pétóbé sɔkɔ. Kéne pwáhnmo-ò ye pɔ pɪ Yesule.

24 Té Yesu-á pópó n pɪ, wèlnwìkì-ò Nsyõ ye yo Yisrayel tã pól tyí ne, pé pé nno vi mɔ, pé mó wèlnwìkì-ò wɛ.

25 Nte Nsyõ tǎ-á pópó pɔ n tyɛ, à me n yo névyɛ tyí ne òkè: «Yépi tẽ sǎnɔ sɔkɔ, nê me òmɔle? Yé káh wɛ ne, pwáhnmo-ò nê pónó-á yé syɪkɪ tẽ, òmɔ-á òmɔle dé! Nte yé yah, à me n

‡ 13:14 11.19 - Antyɔsyɪnɔ sò me nínó. Núkú sò me Pisidi gběnyah sɔkɔ, ní-ò me Siri gběnyah sɔkɔ. Nte Siri gběnyah Antyɔsyɪ sɔkɔ ye sò pé kólól mɛ tyah.

Yah n te Tyípinì 13.1-4. § 13:18 13.18 - Púnó nê tyí-á n yo ásò sɔkɔ yò, yòke ó nǎh sò Liyel péle n kǎ. A sò me pé nule n gbɛ, à n tǔ n sah n pɪ pé tyí.

kne pò-ńsah. Té ńmọ́ nṽ́ fòrọ́ kah n̄ lékyèh fyé dénóle n̄ gbyèh sọkọ.»

26 Képah náh, Pole tǝ ne: «Á no, yépi nónó-á Abrahamu pétóbéle, à tahl̄ Liyel yah tíkí pípú pól tyí, pwáhnmono wey m̄e ye tekı mọ́ ápi pól yinne.

27 Nte Yerusalemı tǎn àn̄é pé yòtǎm náh lésǝ p̄ı ne, Yesu-á pwáhnmo-òle. Té Liyel t̄entǝ syinyopu welo nónó-á n kar pé tyí Nsyifunọ́ mı mı yòh sǝnó pólle, p̄e náh sé yǝ p̄ı. Kéne welo tyi yónó ye lésǝ p̄e pı dal mọ́, pǎh lékǎhle Yesu kǝ.

28 P̄e náh Yesu tyípíní yó nṽ́ we, n̄é-á ȳıne n̄ kònmonole. Nte p̄e k̄e yah kǝ Pilati tyí ne, à à ko mọ́.

29 Té Liyel wey-á tyi nónó pól yo Yesu tyí sọkọ, pǎh pọ́ s̄e pı dal mọ́ te gbí n̄ne, p̄e n̄ lékó tiki mọ́ to dahnı yǝ, té kyı à ȳı diki yó sọkọ.

30 Nte Liyel me n̄ lékó yilki mọ́.

31 Képah náh, névye nónó-á lésǝ n̄ sǝ t̄e yal Kalile gb̄enyah, à dọkọ yuku n̄ne Yerusalemı kwil, à n̄ gblǝyne pépi w̄eku s̄ep̄in náhnáh sọkọ. Kéne névye nópi ye me n̄ tyi yónwàhpu k̄egblole Yisrayel tǎn yah núkúnúkú yò.

32 Nte ápile, Nivini tir ye ápi tǝ n yo yé tyí yò ne ńk̄e: Liyel-á n̄ vyǎhle á náh tǎn kǝ n̄é tyí yǝ,

33 képah-á à pı dal mọ́ ápi tyí, ápi nónó-á pı pé w̄enp̄ile. Wǎh Yesule á kǝ, à ȳıne kǎh wǎrkı sah sǝ Gbálnó s̄ébéy yìkì ní-ò sọkọ ne ńk̄e:

«Nmo Pídí ye ále;

à tọkọ kwey tyí, ńmọ́ ye á Súle.»\*

34 Liyel ye lésǝ kwǎh t̄e k̄e yo sah ne ńk̄e, Yesu-à pọ́ ku, à náh n pyǎh n pi. Páh kı n̄ lékó yilki mọ́. A tǝ lésǝ k̄e yo dal mọ́ ne ńk̄e:

«Máh lésǝ n̄ vyǎhle Davidi kǝ n̄é tyí sọkọ, mé kı k̄e pı yé tyí, kı sǎm mọ́ yé sọkọ, tir yó náh ké òkù ku n pi.»†

35 Képah ye Davidi yo f̄ı yó sọkọ ne ńk̄e:

«Á náh n ye á tǝnpi p̄ep̄ey lékó kǝ k̄e n pyǎh n pi.»‡

36 Nte Davidi t̄e wọ gbí sọkọ, à Liyel tǝ pı ké w̄ekì yǝ. Képah náh, à me ku p̄e kǝ p̄e ȳı n̄ náh tǎn lékyî tnó, n̄ tó lékó me pyǎh.

37 Nte Liyel ye Yesu lékó yilki mọ́. Nmo lékó t̄e wọ náh pyǎh dé!

\* 13:33 13.33 - Yah n te Gbálnó 2.7. † 13:34 13.34 - Yah n te Yesayi 55.3.

‡ 13:35 13.35 - Yah n te Gbálnó 16.10.

38 Á no, yé pĩ ne, ñmɔ Yesu gbò yõ-á tyípêl yõnmɔɔ tyí we yo yé tyí dé! Moyisi tyi kònsàhnó náh tẽ we yé yõ wilki tyípêl nóno sɔkɔ,

39 névi nê-à sě Yesu yõ, tẽ yõ kɪ wil sé pól sɔkɔ, à kɪ fě nɔ de Liyelle.

40 Képah ye, yé kyòmínó pɪ, yè káh pɔ Liyel wey mè yahle. Képah-à pí-ńkêne, Liyel tẽntò syinyopu-á tir nê yo sah, kè kɪ pɔ yé yĩni tẽ. Pè lésò ne ńkẽ:

41 «Yé yah, wènyìkì wékípú nópi, yé ne me gbèndùnì sɔkɔ, yè mó ku tẽ yõ! Máh kɪ pɔ nê pɪ n pi yé sɔkɔ, té kɪ yé sah min sɔkɔ; névi-à sǒ sǒ pɔ kéle n yãh yé tyí, yé náh n sě n pi ké yõ.»§

42 Sépi yóntɛnɔ náh, Pole ànê Barnabasɪ-á n wil Liyel ní-ńsah wòkò sɔkɔ gbí nêne, no tyah péle n ni ne, mɪ mɪ yòh kèyãhle, pè tǒ pɔ pé syi pé wey mè ó yõ.

43 Képah náh, tówû-á pɔ karkɪ gbí nêne, névyè náhnáh Pole ànê Barnabasɪ sǒ tẽ. Nsyifunɔ ye sǒ, à tahlɪ névyè tyí, nóno-á vi mɔ de Nsyifunɔ Liyel nínó wèkì sɔkɔ. Té Pole ànê Barnabasɪ sǒ me n yãh péle, à pé sònɔle n vi n mɔ ne, Liyel-á pèpɔrɪ nê pɪ pé tyí, pè ké ténó ple.

*Pole ànê Barnabasɪ Liyel wey yónóle névyè tyí, nóno náh pɪ Nsyifunɔle*

44 Képah sɔkɔ, Nsyifunɔ mɪ mɪ yòh kèyãh-á vi pɔ, kwil névyè kan pɔ tuke mɔ Liyel wey noh yĩne.

45 Nsyifunɔ-á kéné tówû we sě, dyóyókì de pé sɔkɔ kèpékèyò. Pè tyah Pole weyne n kòlɪ, à ké tyíle n yo n yikɪ.

46 Képah sɔkɔ, Pole ànê Barnabasɪ kè yo nìsãhle pé tyí ne: «Yépi ñgbò tyí ye Liyel wey sǒ yĩne kè yo. Nte yáh fyò kè yahle, té kè wèkɪ ne yé náh yĩne tyé-ńkẽ min wénóle, kãh pɪ sě, ápi kɪ á yah mɔ névyè tĩnne núkúnúkú, nóno náh pɪ Nsyifunɔle.

47 Tẽ ñgbě Liyel-á nê yo, képah ye á n pɪ dò. A kè yo ne ńkẽ:

«Mé ye ñ sah ne á pɪ kyòole névyè tyí, nóno náh pɪ Nsyifunɔle,

á mó kyɪ pwáhnɔɔ wey yo

kèkǒyó pól sɔkɔ.»\*

48 Képah sɔkɔ, nóno náh pɪ Nsyifunɔle, pãh welo nópi noh sě, pé ni vi, pè tyah Tẽ ñgbě Liyel weyne n gbilki. Té névyè

nónó pól-á sò yĩne tyé-ńkē min wénóle, pé pól sē Tē ńgbē yō.

<sup>49</sup> Liyel wey núkú tō mọ kéné gběnyah tántàn pól sọkọ.

<sup>50</sup> Té syó né-ńgbnọ yísyó sò me, nónó-á me Nsyifunọ Liyel wēkìle n kọ. Kǎh pı sē, Nsyifunọ me pépi ànê kwil né-ńgbnọ yísyó kurki mọ Pole ànê Barnabası yō. Pè me tyah Polepile n fōh, té pè yĩni yal pé sétáh yō.

<sup>51</sup> Pǎh mó n wil kéné kwil, pè pé gbyêh nẹngbō kwer kwe ké sọkọ, té sọkọ Yikonyumi kwil.

<sup>52</sup> Nte Antyoşyı kwil Yesu tō sáhpú tē wọ sò me nìvìnì ńgbē sọkọ, té Liyel Mirki me pè tọkọ.

## 14

*Pole ànê Barnabası Liyel wey yónóle Yikonyumi kwil*

<sup>1</sup> Képah sọkọ, Pole ànê Barnabası-á yĩni tē Yikonyumi kwil, pè tō de yuku Nsyifunọ Liyel ní-ńsah wòkò sọkọ. Té tyah Liyel weyne n yo, fọ́ Nsyifunọ ànê nónó nǎh pı Nsyifunọle, pé nǎhnǎh vi mọ pı Yesu yō sēpúle.

<sup>2</sup> Nte Nsyifunọ sọkọ nónó-á sò yahle sēnóle Yesu wey yō, pépi nékǎhbı kurki mọ Yesu yō sēpú yō.

<sup>3</sup> Nte képah fyé yō, Pole ànê Barnabası tō tē à mo Yikonyumi sọkọ. Pé gbò sǎhnyĩnọ sò me Tē ńgbē yō pè kō pè n wekı nısǎhle. Té à sò me pé yah tē pè kō pè gbıl tyile n pı, gbıl nónó-á n wēkı ne, pǎh welọ nónónne n yo Liyel pèpọrı pínó tyı sọkọ, gblo-á séle.

<sup>4</sup> Nte kwil névye gbekı. Pé tókú sò me mọ Nsyifunọle, tókú mó me mọ Yesu tēntò névyele.

<sup>5</sup> Képah sọkọ, Nsyifunọ ànê nónó nǎh pı Nsyifunọle, à tahlı pé yõtǎmnó tyı, pè wē tyı mọ ne, pé Pole ànê Barnabası fōh, pé mó pè minkı ko dyêhle.

<sup>6</sup> Nte Pole ànê Barnabası-á pọ pı ké sọkọ, pè to sọkọ Lisitir kwil, ànê Derıbı kwil, ànê sé gbòplọ kwlo sọkọ, Likawoni gběnyah.

<sup>7</sup> Té yō sọkọ, à Nìvìnì tırlẹ n yo n kō nénpó.

*Sèkùkù dí yó dénmonọle Lisitir kwil*

<sup>8</sup> Té dí yó lésò me Lisitir kwil, gbyêhne kúnóle. A sò dubi sèkùkùle, à nǎh tē we kọ yah.

<sup>9</sup> Té sō yóle, Pole-á n wekı, kéné dí sò me n weyne n nohnı. Képah tēne, Pole tyah díne n yah díkidíkí. Té wǎh kè we ne Liyel yō sēnó-á me dí mè tyı kı fē dénmonọ we Liyel tyı,

10 à yo ò tyí yínpɔ̀ òngbēne ne: «Yuku n yīn tómm á gbyēh yō!» Képah sɔkɔ, dí núkú yɔkɔ syɪkɪ ò gbyēh yō, à tyah n kɔ.

11 Tówû-á képah tē pínó wε sē Pole tyí, pè tyah n yo wòhòh Likawoni tǎn wey sɔkɔ ne òkē, tǎn-á sé viri pɪ névyele à tiki pɔ pé wró dé!

12 Képah sɔkɔ, pè tò nê-á pè n ye Nsewusile, pè képah yīn dyɪ Barnabasɪ kɔ. Té wey-á sò me Pole wɔ gbò sɔkɔ sē, pè keyāh yīn dyɪ òmɔ kɔ, nê-á pè n ye Yeremesile.

13 Té tò nê-á pè n ye Nsewusile, ké wòkò sò me kwil dé-nsah yah sɔkɔ. Ké lékwén nétē dí me nyéhpýèni tē pɔ kéne tò wòkò yah ànê yī fine.\* Té òmɔ ànê tówû sò me ké tyí ne, pé gbètòh mɔ Barnabasɪ ànê Pole yō.

14 Nte Barnabasɪ ànê Pole-á képah tē noh sē, pépi nóno-á Yesu tēntò névyele, pè pé fwòmolo yɔrɪ tɔkɪ yèkwɔrɪ tē tyí, té to de tówû niyó me yo tū yínpɔ̀ òngbēne ne:

15 «Á no, sò me té yé képahle n pɪ? Névyé ye ápi tɔle, yépi tyí kòle dò! Nìvìnì tir ye á pɔ yó-nsah yé tyí ne, yé yō kē fal fal tǎn nópi milki, yé mó vi mɔ Liyel wēkì tē, òmɔ nê-á min nétēne. Òmɔ ye mɔ yīnyòle, ànê sétáhle, ànê pne yole, à tahlɪ sé sɔkɔ yíyìn pól tyí.

16 Ngbòle, Liyel mè ye sò ye kwlo kwlo névyé pól kɔ pè n kɔ pé dyɔ dyɔ wǎl yō.

17 Nte à me ò gblɔy òkùle n wēkɪ sē gbíme gbí ò pèpɔrɪ pínó sɔkɔ. Á me pùne n pɪ n mɔ yéle n kɔ à n wil yīnyò, té yé sè mukɔ kɔ sè n pekɪ, té yòke náhnáhle yéle n kɔ ànê nìvìnìne.»

18 Nte welɔ nópi fyé yónó yō, Yesu tēntò névyé yah vyāh tówû yīnínmɔ-nsah ne, pè káh gbètòh mɔ pé yō.

19 Ké légbí sɔkɔ, Nsyifunɔ yísyó wil Antyɔsyɪ kwil, Pisidi gbēnyah, ànê Yikonyumi kwil, à pɔ nénpó. Pépi pɔ tówû vi tē mɔ Polepi yō, pè kɔ pè yuku Polele n minki dyēhle ne páh òne n min n ko. Képah náh, pè à yɔrɪ wilki sah kwil náh ùnne, té me n sò ne wǎh ku.

20 Nte Yesu tò sáhpú-á pɔ tuke mɔ ò tnô, à à mɔ gbí gbí nēne, à me yuku té de kwil sɔkɔ. Té ké òndalle, à sɔkɔ ànê Barnabasile Derɪbɪ kwil.

*Pole ànê Barnabasɪ syínyukunɔle Siri gbēnyah sɔkɔ*

\* 14:13 14.13 - Névyé náhnáh tē sòno sɔkɔ, nyéhpýèni nópi sò me kóhnmonɔle yī fi nópile.



21 Képah tēne, pāh kyi yīni tē Derɪbɪ kwil, pè Nìvìnì tir yo nénpó tǎn tyí. Pé náhnáh me sē Yesu yō, à pɪ n tō sáhpúle. Képah náh, Polepi pé syɔ syō Lisitir kwille, ànê Yikonyumi kwille, à kyɪ de Antyɔsyɪ kwil, Pisidi gběnyah sɔkɔ.

22 Té nìsāh ànê sóre ye sò pè n mɔ n kō Yesu tō sáhpú sɔkɔ ne, pè gbah n tē pé sōnɔ sah yī Yesu yō gbímegbí. Pè sò me n yo pé tyí ne nkē, yèvyāhrɪ náhnáh dénwɪlnó sɔkɔ-á pé kɪ de Liyel tǒrɪ mé-ńsah sɔkɔ.

23 Té Yesu yō sēpú tǐnkínó nónó-á sò me kwlo nópi pól sɔkɔ, Polepi sò yah tām yísyó yah wilki sé sɔkɔ, à sah sé yō. Té níkì tē à nírí pɪ pé tyí, à pè dahbɪ Tē ñgbē Yesu gbò, pāh sē ñmɔ nê yō.

24 Képah náh, pè Pisidi gběnyah kɔ kah, à kyɪ de Pānfili gběnyah sɔkɔ.

25 Nénpó sɔkɔ, pè Liyel wey yo Pɛrsyɪ kwil tǎn tyí, té pyě yuku Atali kwil.

26 Pāh n yal nénpó, pè de krótókè ñgbē sɔkɔ, à yuku Antyɔsyɪ kwil, Siri gběnyah sɔkɔ. Kéne kwil sɔkɔ ye sò pè pè dahbɪ Liyel gbò sɔkɔ, tō mē pɪ yinne, nê-á pè pɪ te yò.

27 Pāh yīni tē Antyɔsyɪ sɔkɔ, pè Yesu yō sēpú tǐnkì ye tuke. Té Liyel-á pé yah tē, à n tō pɪ òkù nēne, pè kè yāh pé tyí; à tahlɪ wāh n yō sēnó wēkì ykɪ mɔ névyɛ tɔ kō sō, nónó náh pɪ Nsyifunɔle.

28 Képah náh, Polepi tē péle Antyɔsyɪ sɔkɔ, à mo.

## 15

### *Yékāb dénóle*

1 Képah tēne, díbí yísyó wil Nsyude gběnyah, à pɔ Antyɔsyɪ kwil sɔkɔ. Té pɔ tyah Yesu yō sēpúle n kwɔ ne nkē, né pè náh kòkè kō sō-á Moyisi tyi kònsàhnó kè yo sah, pè náh fē pwáhnmɔnɔ we n pɪ.

2 Nte Pole ànê Barnabasɪ náh fē syi. Kāh pɪ sē, yékāb ñgbē de pépi ànê díbí nópi wró. Képah sɔkɔ, kè yah tɔkɔ ne Pole, ànê Barnabasɪ, ànê pépi tókù-á kɪ òkɔ yuku Yerusalemɪ kwil. Pāh kɪ kyɪ wil Yesu tēntò névyɛ ànê Yesu yō sēpú yah tām tyí, pè yī mē yah wah.

3 Té me yòhnɪnmɔnɔ pɪ Polepi tyí kéne kóló mē yinne. Polepi-á n sɔkɔ, pè syō sɔkɔ Fenisi gběnyah ànê Samari gběnyah sɔkɔ, me névyɛ tyíle n yāh pé tyí, nónó-á vi mɔ Liyel wēkì tē, té Nsyifunɔ náh péle. Kè pɪ nìvìnì ñgbēne Yesu yō sēpú pól tyí.

4 Pǎh kyí yīni tē Yerusalemú kwil, Yesu yō sēpú, ànê pé yah tām, ànê Yesu tēntò névyé me pé tē palle. Képah soko, Liyel-á Polepi yah tē pé n tō pí òkù nēne, Polepi kè yāh pé tyí.

5 Nte Farisiyē névyé nónó-á vi mo pí Yesu yō sēpúle, pépi tókù yuku tyah n yo ne níkē, nónó-á sē Yesu yō, té Nsyifunò náh péle, pǎh yīne pé kòkè kō; ànê pǎh yīne kyínmònde pé Moyisi tyi kònsàhnóle ne n pí.

6 Képah tē soko, Yesu tēntò névyé ànê Yesu yō sēpú yah tām wē we yī mè tyí soko, à kè yah wē tyí.

7 Kè sò pí yīi yékâb ñgbēne pé wró, fókó Pyerí pò yuku yīn, té yo pé tyí ne níkē: «N yúnpyé, yépi nítē se kè pí ne Liyel-á nímò yah wilki yé soko di mónóle té! A ne mé Nìvìnì tir yo névyé tyí, nónó náh pí Nsyifunòle, pé kō pé kè we noh, pé mó sē Yesu yō.

8 Nte Liyel nê-á névyé fòkò sònde n pne, nímò ye n Mirkile pé kō, sǎ-á lésò à kéle ápi tò kō, à kè wēki ne pǎh pépi tò fē syi.

9 A náh wǎhkì pí ápi ànê pépi wró. Pǎh sē n yō, képah ye à pé nno tō sah.

10 Té nukúnúkú, sǎ pí té yé Liyel vyāh sòle n noh, à tókópèlle n sah Yesu yō sēpú yō, nónó-á ápi náh tǎn ànê ápi nítē náh tē we sè twah yah?

11 Nte ápi sē ké yō ne áyáh pwáhnmòno we Tē ñgbē Yesu pèpòri gbò yō, no nópi tyí kòle.»

12 Káh pí sē, no pól tē syísyí, té pé ní kwò Pole ànê Barnabasí tyí. Képah soko, Liyel-á syò Polepi tyí, à gbíl tyi nónó pí névyé tyí, nónó náh pí Nsyifunòle, Polepi sè yāh pé tyí.

13 Pǎh sè yāh te gbí nēne, Nsyakí wey tòkò, té ne níkē: «N yúnpyé Nsyifunò,\* yé noh ní tyí yò.

14 Á pól yí yah ye Simo-Pyerí kè yo ne níkē, ñgbò òkù-á Liyel kè yah tòkò, à nósyó yah wilki névyé soko, nónó náh pí Nsyifunòle, à pí n nòle.

15 Té wey mè mó tō me yínénóle Liyel tēntò syínyopu welòle. Yé yah, kè me wárkínsàhnóle ne,

16 Tē ñgbē Liyel-á ne níkē:

<Képah náh, mé kí ní syí pò Davidi kéte sónó tō mò.  
Mé kí n kéntikínì tō mò kí kè yilki palle.

\* 15:13 15.13 - Yúnpyé Nsyifunò nónó tyí-á n yo ásò soko yò, pépi pí Nsyifunòle nónó-á sē Yesu yō.

17 Képah sɔkɔ, kèkɔyó névye téló pól kɪ yuku nne n yah n kɔ̃.

Gbɪ yɔ̃, kwlo kwlo névye pól ye kɪ n yah n kɔ̃ n pi nne, máh pépi nónó ye ne pé pi ní tyíle.»

Sɛ̃ ye Tɛ̃ ñgbɛ̃ Liyel yo, ñmɔ̃ nê-á tyi nópi wɛ̃kɪ

18 di mónóle.†

19 Képah yinne, ñmɔ̃ Nsyakɪ tɛ̃ sɔ̃nɔ sɔkɔ, névye nónó-á vi mɔ̃ Liyel tyí yɔ̃, té Nsyifunɔ̃ náh péle, á náh yíne à tyile n tɛ̃ n tah pé tyí.

20 Nte á ye sébéy wārku n tekɪ n mɔ̃ pé tyí ne, pé pé gblɔ̃yne n tɛ̃ sãh fálnó yíle, ànê fòfikùle, ànê tó kwé-ńkɛ̃ kwáhkókè kòle, ànê tónne, sè kɔ̃ sè káh pɔ̃ pé silki.

21 Yé yah kè, à tokɔ̃ ñgbò dùkù tyí, kéne tyi ye ńkɛ̃ne Moyisi tyi kònsàhnó sɔkɔ̃, pɛ̃ névyele n kwɔ̃ mɪ mɪ yòh sɔ̃nɔ pólle kwlo kwlo pól Nsyifunɔ̃ Liyel ní-ńtàn vɪ sɔkɔ̃.»

*Sébéy tónóle Yesu yɔ̃ sɛ̃pú tyí, nónó náh pi Nsyifunɔ̃le*

22 Képah sɔkɔ̃, Yesu tɛ̃ntò névye, ànê Yesu yɔ̃ sɛ̃pú yah tã̃m, ànê Yesu yɔ̃ sɛ̃pú tɪ̃nkɪ pól yo sah núkú yɔ̃ ne, páh kɪ nósyó yah wilki pé wró, té kɪ pépi tekɪ mɔ̃ Pole ànê Barnabasile Antyɔ̃syɪ kwil. Képah tɛ̃ne, Nsyudasɪ, nê-á pé n ye Barsabasile, pé me ñmɔ̃ ànê Silasɪ yah wilki. Pé ními pólle, névye sò me yòyenne n sah pé yɔ̃.

23 Pé me tɛ̃ntò sébéy yó wārku à dahbɪ pé gbò, nê sɔkɔ-á kè me yónóle ne ńkɛ̃: «Á yúnpyé yépi nónó-á Nsyifunɔ̃ náh yéle, té me Antyɔ̃syɪ, Siri gbɛ̃nyah sɔkɔ̃, à tahlɪ Siri gbɛ̃nyah kwlo téló tyí, ànê Silisi gbɛ̃nyahle; ápi Yesu tɛ̃ntò névye ànê yé yúnpyé Yesu yɔ̃ sɛ̃pú yah tã̃m ye n wɛ̃kɪ yé tyí.

24 Á kè noh ne, nósyó-á wil ápi sɔkɔ̃, à kyɪ pé welole yé lékám vye fɛ̃kɪ, à yé mɔ̃ sah fókósɔ̃nɔ sɔkɔ̃. Té ápi náh se mó tɔ̃ tɔ̃ péle.

25 Képah ye, á kè yah tokɔ̃ wɛ̃ tyí ne, áyáh kɪ névye wilki tekɪ mɔ̃ yé tyí. Pé kɪ n pɔ̃ n pi wɛ̃ tyí ànê á ñìgbèkɪ névye Barnabasɪ ànê Polele,

26 pépi nónó-á pé min mɔ̃ kũ kɔ̃ Tɛ̃ ñgbɛ̃ Yesu Krista tò yinne.

27 Nsyudasɪ ànê Silasɪ ye á n tekɪ n mɔ̃ yé tyí. Tyi nónó-á á wārku tekɪ mɔ̃ yé tyí, pé kɪ pɔ̃ sè tɔ̃ yo yé tyí vyáhle.

28 Liyel Mirki ànê ápi ye yah tokɔ̃ kéle ne, á káh tɔ̃ tyi yísyó kò sah yé kɔ̃, à wil tyi nópi tyí sɔkɔ̃ yò, sépi nónó-á yíne pínóle káhkáh:

† 15:18 15.16-18 - Yah n te Amost 9.11-12.

29 Yé yé gblǒyɛ n tẽ sãh fálnó kòlɛ, ànê tónɛ, ànê tó kwé-ńkê kwáhkókè kòlɛ, ànê fǒfíkì pínóɛ. Yâh yé gblǒyɛ n tẽ n yíí sépi pól pínóɛ, yé me n pɪ plɛ. Yé tẽnó!»

30 Képah náh, pè wěkìlɛ těntò névyɛ kǒ pè sɔkɔ à kyɪ de Antyɔsyɪ kwil. Pè kyɪ Yesu yǒ sěpú tówû tuke mɔ, té těntò sébéy mènɛ pè kǒ.

31 Páh kè kar, ké sɔkɔ tyíyónó sǒré mɔ pé sɔkɔ, kè pɪ nìvìnìnɛ pé tyí.

32 Képah sɔkɔ, Nsyudasɪ ànê Silasɪpɪ tɔ-á sǒ pɪ Liyel těntò syínyopulɛ sě, pépi tyah nolɛ n vi n mɔ, me tyi náhnáhle n yo pé tyí, à sǒréle n mɔ pé sɔkɔ.

33 Páh sèpìn yísyó pɪ nénpó, képah náh, no pè fin mɔ, té wɛkɪ pé tyí nɛ, pè de lènɔlɛ pé tǒpú tinnɛ. [

34 Tě Silasɪ wɔ me nɛ, péwɔ-á kɪ wũ nénpó.]

35 Nte Pole ànê Barnabasɪ tẽ wɔ sǒ me tẽ Antyɔsyɪ sɔkɔ. Pépi ànê névyɛ náhnáh yísyó sǒ me nolɛ n kwɔ, té me Tě ñgbě Nìvìnì tirlɛ n yo.

### *Pole ànê Barnabasɪ gbékínóɛ*

36 Sèpìn yísyó-á sɔkɔ sě, Pole yo Barnabasɪ tyí nɛ, páh Tě ñgbě wɛy yo kǒ kwlo nónó pól sɔkɔ, à ye pé pé syɪ kyɪ yah pé yúnpyé Yesu yǒ sěpú tyí kéné kwlo sɔkɔ, pé tyí-à kɪ me òkù nène.

37 Képah sɔkɔ, Nsyǒ nê-á pè n ye Markɪlɛ, Barnabasɪ sǒ me ké tyí nɛ, pé ñ tɔ tẽ pé sɔkɔ.

38 Nte Pole wɔ náh sǒ me ké tyí nɛ pé sɔkɔ ñnɛ; ñmɔ nê-á lésó ñ gbɛ wil pé sɔkɔ Pánfili gběnyah òkù sɔkɔ, té à náh tǒ sǒ me n kyɪ n pɔ péle pé tǒ sɔkɔ.

39 Káh pɪ sě, yékâb ñgbě de Pole ànê Barnabasɪ wró, pè me gbekɪ. Barnabasɪ me Nsyǒ-Markɪ tẽ tahlɪ ñ gblǒy tyí, pè de krótókè ñgbě yó sɔkɔ à sɔkɔ Syipri gběnyah.

40 Nte Pole wɔ mó Silasɪ yah wilki. Tě Yesu yǒ sěpú-á nírí pɪ pé tyí, à pè dahbɪ tɛ Tě ñgbě gbò sɔkɔ gbí nène, pè me sɔkɔ wě tyí.

41 Pè Siri gběnyah ànê Silisi gběnyah pól kɔ kǒ, à Liyel yǒ sěnó sǒréle n mɔ n yuku Yesu yǒ sěpú tǐnkínó sɔkɔ.

## 16

### *Timote tahlínóɛ Pole ànê Silasɪ tyí pé kóló sɔkɔ*

1 Képah náh, Polepi-á wil Siri ànê Silisi gběnyah sɔkɔ, pè yǒ sɔkɔ Derɪbɪ kwil. Páh wil nénpó, pè yuku Lisitir kwil. Pè

kyi Yesu tò sáh-ò yó we nénpó pè n ye Timotele. N yúne, Nsyifu ney ye sò ònne, nê-á me Yesu wě̀kìle n kò, té ò sú me Kreki neyne.

<sup>2</sup> Té Yesu yò sě̀pú nónó-á sò me Lisitir sòkò ànê Yikonyumi kwil, pè sò me Timote yíngbìle n yo.

<sup>3</sup> Képah sòkò, Pole sò me ké tyí ne pé à tě̀ sòkò pé kóló sòkò. Té Nsyifunò nónó-á sò me kéne kwlo sòkò, pè sò pĩ ne, Kreki ney-á Timote súle.\* Pépi yinne, Pole me Timote kò.

<sup>4</sup> Képah sòkò, Polepi-à fyò n sòkò kwlo nónó sòkò, Yesu tě̀ntò névye ànê Yerusalemi kwil Yesu yò sě̀pú yah tām-á tyi nónó yah tókò, pè séle n yāh kéne kwlo Yesu yò sě̀pú tyí ne, pè ne n kò sé wāl yò.

<sup>5</sup> Kāh pĩ sě̀, Yesu yò sě̀pú tìnkìnó sò me n gbah n sě̀ Liyel yò, té wān tō me n mọ pé nédán to yò sòmésó.

### *Pole wě̀kínó yó we Turasi kwil*

<sup>6</sup> Képah nāh, Polepi sò me ké tyí ne pé kyi Liyel wey yo Asi gběnyah sòkò, nte Liyel Mirki kè yahle pé tyí. Kāh pĩ sě̀, pè me kah syò Frisiyì gběnyah ànê Kalasi gběnyahle.

<sup>7</sup> Pāh kyi yīni tě̀ n te Misi gběnyahle, pè tō kè yah tókò ne, pāh kyi yuku Bitini gběnyah. Nte Yesu Mirki† kè yahle pé tyí.

<sup>8</sup> Kāh pĩ sě̀, pè Misi kò kah, à tiki yuku Turasi kwil.

<sup>9</sup> Té lékāhne, Pole wě̀kínó yó we. Wě̀kínó mè sòkò, à Masedonì gběnyah dí yó we yínn̄tēnóle, té tě̀ me ònne n ni ne nkě̀, à pọ Masedonì sòkò, à pọ pépi yohni n mọ.

<sup>10</sup> Pole-á fyò wě̀kínó mè we sě̀, á me kè pĩ yī̀ ne, Liyel-á ye ále ne, á kyi pé Nìvìnì tir yo Masedonì tān tyí. Kāh pĩ sě̀, á núkú á vi ne áyáh kyi sòkò nénpó.

### *Lidi-á pĩ Yesu yò sě̀-òle òkù nēne Filipi kwil*

<sup>11</sup> Képah sòkò, á de krótókè ògbě̀ yó sòkò Turasi kwil, à yò sòkò gběnyah yó sòkò, nê-á me pne yo nuyó pè n ye Samotrasile, á nāh kwò dah fí yó n̄tē sòkò. Té ké dīndalle, á yuku Neyapolisi kwil.

<sup>12</sup> Ayáh yal nénpó, á yuku kwíl-ògbě̀ yó sòkò pè n ye Filipile, Masedonì gběnyah sòkò. Kéne kwil yòtōrí sò me Wrome tān gbò. Á me tě̀ nénpó, à sèp̄n̄n̄ yísyó pĩ.

\* **16:3** 16.3 - Kreki névye nāh sò kòkèle n kò. Képah ye, Timote sú kò à nāh sò à kò. Nte kòkè kò-òkè névye tyí nāh sò nọ Nsyifunò tyí. † **16:7** 16.7 - Yesu Mirki nê tyí-á yo ásò sòkò yò, Liyel Mirki ye kéle, nê tyí-á yónòle 16.6.

13 Nsyifunɔ mɪ mɪ yòh sǒ-á pɔ nɔ, á kè sǒ ne, pé Liyel ní-ńsah-á kɪ we yóngbalɪ sɔkɔ. Kǎh pɪ sɛ̃, á wil kwil niyó, à nénpó nyáh sǒ. Á kyɪ syó yísyó we tükènmɔntɛ̃nóle nénpó. Á me kǒ tɛ̃ pé tnô, à yáhkì yǎh péle Liyel wey tyí yǒ.

14 Tɛ̃ pi yó sǒ me syó nópɪ sɔkɔ pè n ye Lidile. Fwòsǎhlo dénkókónì gbò yí-ò ye sǒ òne. A n wil Tyatiri kwil, tɛ̃ à sǒ me Nsyifunɔ Liyel wɛ̃kìle n kɔ. Tɛ̃ Tɛ̃ ògbɛ̃ me wekɪ pi mè nɪ sɔkɔ à kǒ à ò níkí kwɔ, à Pole welo noh palle.

15 Kǎh pɪ sɛ̃, òmɔ ànê ò kéte tǎn pól me wèlnwìlkínó we ni sɔkɔ. Képah sɔkɔ, pi me kè yah kǒ ápi tyí ne, áyáh kɪ me sɛ̃ ké yǒ ne péwɔ-á pɪ Tɛ̃ ògbɛ̃ Yesu yǒ sɛ̃-òle, á pɔ n kyɪ n twah pé tyí pé gbô. Tɛ̃ á gbah tɛ̃ pópó, á pɔ sah ò tyí yǒ.

*Pole ànê Silasɪ dáhnmɔnɔle wòkònpèkè sɔkɔ Filipi kwil*

16 Képah sɔkɔ, sǒ yóle á me n yuku níri pí-ńsah, tɛ̃ tǔnpɪ pípír yó pɔ á yohnɪ. Sétò sǒ me kéne pípír gbil à kǒ à tyísnóle n we n yo. A sǒ me pó náhnáhle n we ò yòtǎmne n kǒ kéne tyísnó wényonɔ sɔkɔ.

17 Kéne pípír me yuku, à ápi ànê Pole sǒ tɛ̃, tɛ̃ me yo tũ léyy no tyí ne níkɛ̃, díbí nópɪle, yòtah Liyel tǔnpɪbɪ-á péle. Pwáhnmɔnɔ wɛ̃kì tyí-á pè pɔ n yo pé tyí.

18 A sǒ me képah tɛ̃ne n pɪ sɛ̃, sèpìn náhnáh sɔkɔ. Kǎh pɔ Pole gblóle n vyǎh, à ò yah vi yo sétò mè tyí ne níkɛ̃, Yesu Krista yìn yǒ, à pípír mè fin mɔ. Wǎh yo sɛ̃, nénpó swɔ sétò núkú pípír fin mɔ.

19 Képah sɔkɔ, pípír yòtǎm-á kè we ne, pé sǔnɔ-á sǒ me pó nê wénó yǒ òmɔ gbò yǒ kǎh kɪ yìn mɔ, pè Pole ànê Silasɪ tɛ̃, tɛ̃ yuku péle yòtǎm tyí, tówû tükè-ńsah sɔkɔ.

20 Képah náh, pè me kyɪ péle Wrome tǎn yísyó tyí nónó-á pé yòtǎmne, tɛ̃ kyɪ tyah n yo ne níkɛ̃, díbí nópɪ-á me fɛ̃kínóle n pɪ pépi kwil. Nsyifunɔ-á péle,

21 tɛ̃ pǎh me pɔ wǎl yísyóle névyele n kwɔ nónó-á sé wǎl náh me pépi Wrome tǎn nítɛ̃ tyí kɪ sè fɛ̃ syi, képah náh pɪ, kɪ sè pɪ n pi.

22 Képah tɛ̃ne, tówû tɔ núkú yuku Polepi yǒ. Yòtǎm nópɪ me pè kǒ pè Polepi flo de, tɛ̃ ne pè pè ko yèfòhle.

23 Képah sɔkɔ, pǎh yèfòh yí náhnáhle pè ko te, pè pè dah mɔ wòkònpèkè sɔkɔ, tɛ̃ yo ké syíkí-ò dí tyí ne, à péle n kyɔmɪ palle.

24 Dí-á fyò képah noh sɛ̃, à mó pè tɛ̃ dah mɔ wòkònpèkè niyó wòkò sɔkɔ, tɛ̃ sésár kárn mɔ pé gbyèh tyí.

25 Nte léni mónó wró soko, Pole ànê Silasì sò me níriile n pi, té me yìle n gbi à Liyel yinne n gbilki, té wòkònpèkè soko névyè téló mó me n nohni pé tyí.

26 Képah tēne, sétáh syahri ñgbē núkú pi nénpó swò, à wòkònpèkè sètyah yike. Ké vî yey pól núkú yiki mò, ké soko névyè pól gbyêh soko kârnno pól kôli kwê.

27 Wòkònpèkè syíkí-ò dí-á pópó do yuku, té ké vî yey wé yíkinmònde sê, à wé ne ké soko névyè-á to wil. Képah tēne, à núkú ñ kèkírki yori de ne, pé pé gblöy ko mò.

28 Nte Pole me yo mò ñ tyí yínpó ñgbēne ne, à káh dlo yó ñtēne ñ gblöy nò, pé pól-á me ásô.

29 Képah soko, wòkònpèkè syíkí-ò dí pè kô pè pò fòtnòde à kô, à de yuku súú wòkònpèkè niyó wòkò soko, té ñ gbètukuno di Pole ànê Silasì yah wílsyahri soko.

30 Té me pè tē wil kégbó, té pè piki yah ne, pé nénkyíbí, sò se pé yīne pé pi pé mó pwáhnmonò wé ni?

31 Pè me yo ñ tyí ne: «Sê Tē ñgbē Yesu yô, á kú pwáhnmonò wé, áwò ànê á nolé.»

32 Képah soko, Polepi Tē ñgbē Yesu wey yo ñmò ànê ñ gbô tân pól tyí.

33 Dí me Polepi tē légbí mè ó soko lékâhne, à kyi pé níy wu; té nénpó swò, ñmò ànê ñ gbô tân pól me wèlnwilkínò wé ni soko.

34 Képah náh, à Pole ànê Silasì tē yuku ñ gbô soko, à kyi yòkele pè kô pè yô. Té ñmò ànê ñ no pól ni sò me vi yí pé wénsēno yinne Liyel yô soko.

35 Képah soko, tyah-á pò dal, yòtām nópi tēntò névyè tekí mò ne, pé kyi yo wòkònpèkè syíkí-ò dí tyí ne, à díbí nópi fin mò.

36 Dí me kyi kè yo Pole tyí ne níké, yòtām-á tēntò mò pé tyí ne, pé pè fin mò. Káh pi sê, núkúnúkú páh kú fē wil kú n yuku yèvinì soko.

37 Nte Pole me pè syah ne, pépi nóno-á gbò mò yô Wrome tân tyí, pépi kó pè tē ko tówû yí yah pé tükè-ñkēne; té pé dah mò wòkònpèkè soko ni? Té núkúnúkú, pè tō me n yah n kô pé wílkínfinmò-ñsahle sèñin sò soko ni? Képah náh fē n pi n pi dé! Nké, fók pé dáhnmpu-á kú pò pé fin mò pé gblöy.

38 Képah tēne, tēntò névyè nópi me pé syi kyi welò nópi yo yòtām nópi tyí. Pépi-á képah tē noh sê ne, Pole ànê Silasile, Wrome tân gbònmònyòbe-á péle, tíki pè tē.

39 Pè pɔ gblɔy ye yah kɔ Polepi tyí, té pè fin mɔ, té me pè ni ne pè wil kwil sɔkɔ.

40 Polepi-á wil wòkònpèkè sɔkɔ, pè yuku Lidi ònnɛ. Páh kyí Yesu yò sɛpú wɛ, pè sóré mɔ pé sɔkɔ té sɔkɔ.

## 17

### *Pole ànê Silasí Liyel wey yónóle Tesaloniki kwil*

1 Képah náh, Polepi syò Anfipolisi kwil ànê Apɔlɔnɪ kwil, à kyí de Tesaloniki kwil sɔkɔ. Nsyifunɔ Liyel ní-ńsah wòkò yó sò me nénpó.

2 Képah sɔkɔ, Pole-á sò níkɛne kéle n pɪ sɔ, à tɔ kyí yáhkì yáñ Nsyifunɔle Liyel wey sébéy sɔkɔ tyi yò pé Liyel ní-ńsah wòkò sɔkɔ. A képah tɛ pɪ syi sɛ wɛ tyí ke tónó, pé mɪ mɪ yòh sònóle.

3 A sò me ké yahle n yo pé tyí, à péle n wɛkɪ ne níkɛ: «Pwáhnɔ-ò sò yíne à pɔ yèvyáhrɪ pɪ ku sɛ, Liyel mó à yilki mɔ. Yesu nê tyí-á mé n yo yé tyí yò, ñmɔ ye kéne pwáhnɔ-òle.»

4 Képah sɔkɔ, Nsyifunɔ tókù sah ñ tyí yò, ànê Krekɪ névyɛ nékwínkíle, nónó-á sò me Nsyifunɔ Liyel wɛkìle n kɔ, à tahl syó né-ńgbnɔ náhnáh tyí. Pé pól me mɔ Pole ànê Silasíle.

5 Nte Nsyifunɔ yísyó sò me Polepi dyɔle n yɔ, té sɔkɔ à kyí nétúkúñì ñkònkòñì yísyó tɛ wàl yey sɔkɔ, à pɔ tówùle n kurki n mɔ, té fɛkínóle n pɪ kwil sɔkɔ. Képah sɔkɔ, pè kyí kwɔ de Nsyasò gbò, à Pole ànê Silasíle n yah n kɔ ne, pé pè tɛ pɔ tówù tyí.

6 Páh kyí pè yah kwɔ sɛ, pè Nsyasò ànê Yesu yò sɛpú yísyó tɛ à yuku péle pé kwil yòtám tyí. Té kyí tyah n yo wòhòh ne, nónó-á fɛkì kèkòyó pólle, pépi-á pɔ de ásò tɔ sɔkɔ yò.

7 Té Nsyasò me fɛ syí pè kɔ pè twah ñ tyí. Nte Wrome kwiltám yòtɛ Sesar-á ne tyi nónó káh ne n pɪ, sépi-á no nòpi pól me n pɪ. Páh me n yo ítɛne ne, yòtɛ ńgbɛ yó-á tɔ me, nê-á pè n ye Yesule.

8 Képah sɔkɔ, welɔ nòpi nóhnó tówù ànê kwil yòtám fɔkɔ fil.

9 Káh pɪ sɛ, kwil yòtám me Nsyasòpi kɔ pè pó ńgbɛ yó kɔ, té pyɛ pè fin mɔ.

### *Pole ànê Silasí Liyel wey yónóle Bere kwil*

10 Képah sɔkɔ, lékâh-á fyò mɔ, Yesu yò sɛpú me Pole ànê Silasí kɔ pè sɔkɔ Bere kwil. Páh yíni tɛ nénpó, pè kyí Nsyifunɔ Liyel ní-ńsah wòkò sɔkɔ.



11 Nénpó tǎn sò négbólé kal Tesaloniki kwil tǎnne. Nìv̀ǹǹ tir nê-á sò Pole n yo Yesu tyí sòkò, pè me kè fě syi palle dékè sòkò. Té me Liyel weyne n kar, à ké sòkò tyile n sohlì n yah sòmésó ne, pé pĩ gblò-à kɪ nê Polepi welole.

12 Kǎh pɪ sɛ, Nsyifunò náhnáh, ànê Krekɪ syó né-̀ngbno yísyó, ànê dibí nékwínkí pɪ Yesu yò sɛpúle.

13 Nte Tesaloniki kwil Nsyifunò-á fyò noh ne, Pole-á me Liyel weyne n yo Bere kwil tò sòkò, pè tǒ pò nénpó tò sòkò, à pò tówù kurki mɔ, pè kǒ pè fěkìnó pɪ.

14 Képah sòkò, Yesu yò sɛpú núkú Pole tekɪ mɔ pne yo tinnè. Té Silasì ànê Timote wɔ me wũ nénpó.

15 Nónó-á kyɪ tekɪ mɔ Polele, pè kyɪ de nne, fóó Atenɪ kwil. Té pǎh pé syɪ n pɪ, Pole me pè tǒ ne, pǎh kɪ kyɪ, pè kyɪ yo Silasì ànê Timote tyí, pè pò péwɔ tnó súú.

### *Pole Liyel wey yónóle Atenɪ kwil*

16 Té Pole-á sò me Silasì ànê Timote syíkintǎnó sòkò sɛ Atenɪ kwil, à fal fal tǎn kyomɪ we dò kéne kwil sòkò. Kǎh pɪ sɛ, ò yah kah kwɔ.

17 Képah sòkò, à kyɪ yǎhkì yǎh Nsyifunòle, pé Liyel ní-̀nsah wòkò sòkò, à tahlì nónó tɔ-á sò me Nsyifunò Liyel wěkùle n kò. Té sòmésó, wǎh kyɪ tówù tükè-̀nsah, té névyè nónó we nénpó, ǎ yǎhkì yǎh pé tole.

18 Té lékám ñgbno névyè yísyó tò sò me. Pè túkù sò me Yepikur wěkì kwópùle, té túkù mó me Setoyiki wěkì kwópùle. Pépi me yékáb mɔ Polele. Pé túkù sò me yo tũ ne, wènkwiniki ney mè tò se ne sǒ-á nɪ? Túkù mó ne, kǎh pɪ tǛ ne fal fal tǎn káhkí yísyó tyí sǒ à n yo, nónó-á pépi náh séle n pne. Té Nìv̀ǹǹ tir ye sò Pole n yo pé tyí Yesu tyí yò, ànê lékyí yilkinmɔno tyíle.

19 Képah tǛne, pè à tǛ sòkò pé kwil fí yó sòkò pè n ye Arewopasile.\* Pǎh kyɪ de, pè me à piki yah ne, wǎh pò kwónó késǎn nêne névyèle n kwɔ, à se kɪ fě ké yah yo pé syah nɪ?

20 Nkě, gběndùnì tyi ó-á à n yo pé n nohnɪ yò. Képah-á, à sé yah yo n wah pé syah.

21 Nte gbɪ yò, Atenɪ kwil tǎn pól ànê népân nónó-á sò me twáhntǎnóle ké sòkò, pé pól ríkène pé wró kan tòkò n pɪ tyísnó yǎhnóle, képah náh pɪ, sé nóhnóle.

\* 17:19 17.19 - Arewopasile, kènpìn yó ye sò kéle, nê yò-á sò né-̀ngbno wěne n we n pò, ò tyi yahle n wah.

22 Képah sɔkɔ, Pole me yuku yīn pé nyó, té yo pé tyí ne: «Atenì tǎn, mé pī ne ríkě, Liyel yáhnkõpu yèsyìkìnì-á yéle.

23 Máh yé kwil kɔ kɔ, mé kè kyomɔ wɛ, liyelno náhnáh me ké sɔkɔ. Té mé tyah yó ntě wɛ, kè me wárkínmɔnɔle ké yó ne: «Dùkù pí-ńkě liyel tyí ye.» Té ñmɔ nê-á yé n gbilki ñ dùkù pí-ńkěne, ñmɔ tyí ye mé pɔ yónwàh-ńsah yé tyí.

24 Nmɔ Liyel ye mɔ kèkõyóle, ànê ké sɔkɔ yiyin pólle. Nmɔ ye tɔ yinyó ànê sétáh nétěne. A náh n tẽ névi gbò wòkònmɔnɔ sɔkɔ.

25 Nmɔ ye mɔ minne névi sɔkɔ, ànê mìnne à kɔ à n mi, à tahl yiyin pól tyí. Képah ye, à náh me névi gbɛnpɔnɔ yó ntěne n yah n kɔ, ñ gblõy yohnɔ n mɔ yinne.

26 Yah, nénúkù ó sɔkɔ ye kèkõyó yìkìnì pól wil Liyel-á nónó mɔ, té pè kɔ pè tẽ tẽ kɔ kèkõyó tǎntǎn pól sɔkɔ. Té ki ànê kòkì gbíne pè kɔ, té tɔ gbàhnì gboke pé tẽ-ntǎn tyí.

27 Liyel sépi pól pɔ ne, nénúkù núkú pól fě pé yah n kɔ. Gbòkɛnpɔ, pǎh kɔ wne yah kɔ pɔ pé wɛ. Nte gbɔ yó, à náh mó tɔ me fíí á sɔkɔ yó ntěne.

28 Nmɔ gbò yó sɔkɔ ye ápile min sɔkɔ, té me n werke. Képah ye tɔ yé yì gbípú yísyó yo ne ríkě, Liyel wɛnpì-á ápile.

29 Nte Liyel wɛnpì-á ápile sě, á se tɔ yīne à ne n sɔ ne, Liyel-á me á kɔ ne tǎn nópi sɔ; sépi nónó-á névyè sè mɔ sǎnne, képah náh pɔ wárn vyɔrɔle, képah náh pɔ dyêhle, à yīne pé yɛngbě lékámne?

30 Té yé yah, névyè-á tyi nónó pɔ sɔkɔ ñpì-ńkě sɔkɔ ñgbòle, Liyel náh tɔ me sépile n mɔ n kɔ. Nte núkúnúkú, à me kéle n yo no pól tyí tǎntǎn pól sɔkɔ ne, pè pé nno vi mɔ.

31 Wáh wɛ à képahle n yo, à me gbìyìkì yó yah wilki sah, sɔ nê-á tukey kɔ n tuke n pi kèkõyó névyè pól yó, à yīne gbɔ wěkìle. A me dí yó yah wilki sah, nê-á kɔ pɔ tukey mè tuke n pi, té pǎh pɔ tẽ ko mɔ, à ñ lékó yilki mɔ, à kéle á wěkɔ ne, wǎh kɔ fě tẽ.»

32 Képah těne, pǎh fyò lékó yilkinmɔnɔ tyí noh, pé túkù tyah kóle Polele n ko. Túkù mó me n yo ñ tyí ne ríkě, sɔ yóle, à tɔ pɔ ñ syì ñ wey mè yó pé tyí.

33 Kǎh pɔ sě, Pole me yal pé tnô.

34 Nte ñ wey nóhpú tókù kyɔ kwɔ mɔ ñne, à pɔ Yesu yó sɛpúle. Né-ñgbnɔ nónó-á ríkěne wěne n tuke n mɔ, ñ tyi yahle n wah, pépi ney yó tɔ sɔ me péle pè n ye Denisile, ànê sè yó tole pè n ye Damarisile, à tahl nòsyó tyí.

## 18

*Pole Liyel wey yónóle Korēnti kwil*

1 Képah náh, Pole yal Atenì kwil, à yuku Korēnti kwil.

2 Légbí pò yīne Wrome kwiltām yòtē dí Klode me Nsyifunò pól yal Wrome kwil. Kǎh pì sě, Nsyifu dí yó lésò me nénpó pè n ye Akilasile. A dubi Pōte kwil. Nmò ànê ò kyì Prisili me yal Wrome kwil, Yitalì sètáh yò, à sòkò Korēnti kwil. Pole me kyì yīne pé póntwahnò késáñne nénpó, té kwrò mò pé sòkò.

3 Té pé pól sò me tò núkúle n pì, nê-á pì yèpye flo kóhnóle. Kǎh pì sě, Pole me tē pé tyí pè tòle n pì wě tyí.

4 Té mì mì yòh sònó pólle, Pole sò me yáhkìle n yāh n pò Nsyifunòle pé Liyel ní-ńsah wòkò sòkò, me n yah n kò ne pé pépi ànê Kreki névye sònò vi mò.

5 Képah sòkò, Silasì ànê Timote wil Masedonì gběnyah à pò. Pǎh fyò pò de, Pole náh tō me tò yó ntēne n pì né Liyel wey yónkōnò ó náh. A sò me ké yahle n yo Nsyifunò tyí ne, Yesu-á Liyel yah tòkò pì pwáhnmo-òle.

6 Nte Nsyifunò me kè yahle ò tyí, té òne n gbyò. Kǎh pì sě, à ò wil flo kwer, té yo pé tyí ne, pé mónpuno kémú-á kì pì pé yēngbē tyíle, péwo vyāh náh me ké sòkò. A tòkò núkúnúkú tyí, páh kì pé yah mò névye òinne, nónó náh pì Nsyifunòle.

7 Képah sòkò, té yal nénpó à sòkò dí yó òinne, nê-á pè n ye Tityusi-Nsyusitusile. Nsyifunò Liyel yò sě-ò ye sò òne. N gbò sò me Nsyifunò Liyel ní-ńsah wòkò gbòpò sòkò.

8 Nte Liyel ní-ńsah wòkò yòtē dí Krisipusi ànê ò no pól sě Tē ògbē Yesu yò. Korēnti kwil tǎn nónó tò-á sò me Pole weyne n nohnì, pé náhnáh sě Tē ògbē yò, té wèlnwilkìnò we ni sòkò.

9-10 Képah tēne, sò yó lékàhne, Pole wěkínó yó we, nê sòkò-á Tē ògbē yo ò tyí ne: «Névye náhnáh kì n pì n pì òmò tyíle kwil mè sòkò. Képah ye, káh á vyāh vike n sah, yò n sòkò ne n wekì, káh tíkì pì. Nmò me ále, ney náh fě ò tē n tir n pì pólle.»

11 Képah tēne, Pole tē, à yi núkú ànê òwòlò kénúkò pì Korēnti kwil, à nole n kwò Liyel weyne.

12 Képah sòkò, Nsyifunò pò yuku wě tyí mò, à tyah Polele n fwo. Té légbíne, Kalyò ye lésò Akayi gběnyah yah tē-òle. Pè me Pole tē kyì ò tyí tukey tükè-ńsah sòkò,

13 té ne dí mè-á me névye yòle n ykɪ, à péle n mo Liyel nínó gběntěnáh yó sɔkɔ, nê náh me núkúle pépi tyi kònsàhnóle.

14 Képah sɔkɔ, Pole-á me ne pé wey tɔkɔ, Kalyõ me yo Nsyifunɔ tyí ne, kàh sò me pi tyíkèkì, képah náh pi, tyí péké ñgbě yóle dí mè pi, páh náhki tẽ noh pé tyí palle.

15 Nte pàh se me yékâble n pi welɔ, ànê yni, ànê pé yěngbě tyi kònsàhnó yó té; képah-á me pépile n yah kè. Péwɔ náh fě sěnkõ tukey tuke n pi ló!

16 Té me pé yal tukey tükè-ñsah sɔkɔ.

17 Képah sɔkɔ, Sositeni nê-á sò Nsyifunɔ Liyel ní-ñsah wòkò yah yètěne, pé pól tuke ñmɔ yõ, à ñne n ko tukey tükè-ñsah sɔkɔ. Nte Kalyõ náh dahbi wilki pé tyí ké sɔkɔ.

*Pole syínyukunɔle Antyɔsyi kwil, Siri gběnyah sɔkɔ*

18 Képah sɔkɔ, Pole tõ wũ à sèpìn náhnáh pi Korěnti kwil. Képah náh, à wěkì ni Yesu yõ sěpú tyí nénpó ne, páh kɪ pé syi yuku Siri gběnyah sɔkɔ ànê Prisili, ànê Akilasile. Té à lésò me ñ vyãh tɔkɔ Liyel tyí. Kãh pi sě, wãh pópó n sɔkɔ, à kyɪ Sãnkɪ kwil, à kyɪ ñ yõ kye vyãh tókónó mè yinne.\*

19 Képah náh, ñmɔ, ànê Prisili, ànê Akilasɪ kyɪ de krótókè ñgbě yó sɔkɔ, à yal nénpó à kyɪ de Yefesɪ kwil. Pole me ñ kómú sah nénpó, té me sɔkɔ Nsyifunɔ Liyel ní-ñsah wòkò sɔkɔ, à kyɪ yáhkì yãh péle.

20 Képah sɔkɔ, pé kè yah kõ ñ tyí ne ñkě, à tõ sèpìn yísyó pi pépile nénpó. Nte Pole náh fě syi.

21 Té me wěkì ni pé tyí, té ne ñkě, Liyel-à kɪ fě syi, sò yóle, páh kɪ tõ pé syi pɔ yah pé tyí. Té de krótókè ñgbě sɔkɔ Yefesɪ kwil, à sɔkɔ.

22 Wãh kyɪ tiki Sesarɪ kwil, à dɔkɔ yuku Yerusalemɪ kwil, à kyɪ wɛkɪ Yesu yõ sěpú tũnkì tyí. Wãh wil nénpó, à ñ syi tiki yuku Antyɔsyi kwil,

23 à kyɪ tẽ yah nénpó. Képah náh, à tõ yal à kyɪ Kalasi gběnyah kwlo kɔ kõ ànê Frisyi gběnyah kwlole, à ñisãh mo kõ Yesu tõ sãhpú sɔkɔ.

*Apolɔsile Yefesɪ ànê Korěnti kwil*

24 Légbíne, Nsyifu dí yó pɔ Yefesɪ kwil. Ñ yĩn ye sò Apolɔsile, à dubi Alekisãdri kwil. A sò wey tyí yah we yíí, té à mó tõ Liyel wey sébéynó tyi pĩ yíí.

\* 18:18 18.18 - Nsyifu ney-à sò ñ vyãh tɔkɔ Liyel tyí, à náh tõ ñ yòle n kye, f�ó n pɔ no ké tyénó tyí. Yah n te Yáhnó 6.1-21.

25 A lésò kwónó we Tě ñgbě Yesu wěkì tyí yõ, té me Yesu tyíle n yo, à kwónóle n pi ké wěkì yõ, dékè sòkò n nì pólle. Nte Nsyõ ni sòkò wèlnwìlkìnó ó ye sò à n pne.

26 Té sò yóle, wăh tyah n wekì nìsâhle Nsyifunò Liyel ní-nsah wòkò sòkò sě, Prisili ànê Akilasì me n wey noh pò tyé. Képah těne, té à ye yah kyì Yesu wěkì tyi yo wah yíí à syah, wăh sò me nónó yítūri sòkò.

27 Képah nâh, Akayi gběnyah sókónó sòno de Apòlostì sòkò. Yesu yõ sěpú nónó-á sò me nénpó, pépi me ké sóre gbah mò n sòkò, té sébéy wărkì tekì mò Yesu yõ sěpú tyí Akayi gběnyah sòkò ne, Apòlostì-à kì yīni tě pé tyí, pè à tě ple. Wăh kyì yīni tě, Liyel gbò yõ, n kyínó sò pi yíí yõre ñgběne Yesu yõ sěpú tyí Akayi gběnyah sòkò.

28 A sò me Liyel weyne n kar, à kéle n wěkì ne, Yesu-á Liyel yah tókò pi pwáhnmo-òle. Tówù pól yí yah, n wey sò me gbule kal Nsyifunò tyíle.

## 19

### *Pole yínintěnole Yefesì kwil*

1 Gbí nê-á sò Apòlostì me Korěnti kwil, Pole sò me Asi gběnyah tley tântàn kò kah, à kyì de Yefesì kwil sòkò. A kyì Yesu tò sâhpú yísyó we nénpó,

2 té pè piki yah ne ñkě, păh sě Tě ñgbě Yesu yõ gbí nêne, pè se Liyel Mirki we nì? Pè me yo n tyí ne, pé nâh Liyel Mirki yó ntě tyí yónó noh yah pólle.

3 Képah sòkò, Pole me pè piki yah ne, ñte ni sòkò wèlnwìlkìnó dùkù nê se pè we nì? Pè me à syah ne, Nsyõ tyí-á.

4 Képah sòkò, Pole tō n syi yo pé tyí ne, névyé nónó-á fě syi pé nno vi mò, pépi-á sò Nsyõ n wel n wilki ni sòkò. Nte wăh sò me n yo névyé tyí ne, nê-á kì n pò n pi péwò nâhle, pè sě ñmò yõ; ñmò nê-á Yesule.

5 No-á welò nòpi noh sě, pè me wèlnwìlkìnó we ni sòkò Tě ñgbě Yesu yīn yõ.

6 Pole me n gbăh sah pé yõ té níri pi pé tyí, Liyel Mirki me tiki pé yõ. Képah těne, pè tyah wénkâhkínóle n wekì nónó-á pè nâh sè sâh,\* té me Liyel těntōnène n we n syi n yo névyé tyí.

7 Pé pól sò me népî gbōnimí kénkōle.

\* 19:6 19.6 - Yah n te 2.4.

<sup>8</sup> Képah sɔkɔ, Pole sò me n de n pɔ Nsyifunɔ Liyel ní-ńsah wòkò sɔkɔ. A sò me n yāh n pɔ névyele nìsāh sɔkɔ Liyel tǒrí tyí yō, pópó ńwǒlò tǒnó. A sò me n tah sah ne, pé pé wey nóhpú sǒnɔ vi mɔ.

<sup>9</sup> Nte tókù sò me pɔ nikisekókóle n pɪ, à yahle sǎnóle ké yō, té me Tě ñgbě wěkì tyíle n yo n ko tówù yí yah. Kāh pɪ sě, Pole me pè sah, té Yesu tǒ sáhpú tě sɔkɔ pé yahle, à kyí yáhkìle n yāh péle sǒmesó kǎrn pí-ńsah wòkò sɔkɔ, nê-á Tiranusi tyíle.

<sup>10</sup> A képah tě pɪ sě ye nínó, fókó Nsyifunɔ ànê nónó nāh pɪ Nsyifunɔle, té me Asi gběnyah sɔkɔ, pé pól Tě ñgbě wey we noh.

### *Seva dīnpì tyípinìne*

<sup>11</sup> Liyel sò me Pole tɔkɔ à gbìl tyísnóle n pɪ,

<sup>12</sup> fókó névye pɔ tyah Pole flo ànê n myehtùkènène n tɔkɔ n tū n pɔ pé yámpú tyí, pè kǒ pè n de; ànê sétàn-à me nónó sɔkɔ, sè n wil pé sɔkɔ.

<sup>13</sup> Té Nsyifunɔ yísyó sò me nónó tǒ-á sò sétàn yíninwìlkĩnkǒnɔle névye sɔkɔ. Pépi tɔ me kè yah tɔkɔ ne, pé Tě ñgbě Yesu yīn tɔkɔ kéle n pɪ. Pè sò me n yo sétàn tyí ne, Yesu nê tyí-á Pole n ne n yo, ñmɔ yīn yō, ńkě sè wil.

<sup>14</sup> Nsyifunɔ sɔkɔ, sárká syínwìlkĩpu yǒtě nê-á pè n ye Sevale, ñmɔ dīnpì népì kwǎrnimi ye sò n pɪ képahle.

<sup>15</sup> Nte pǎh képah yo sě, sétǒ pè syah ne, páh Yesule n pne, té tǒ pī névi dukù nê-á Polele. Nte pépi-á dò, nónó se pépile nɪ?

<sup>16</sup> Képah tǎne, sétǒ-á sò dí nê sɔkɔ, à yuku mɪ pé sɔkɔ, té tě we pé tyí képékèyô. A pè pɪ yo, fókó pè to wil wòkò mè sɔkɔ à sɔkɔ wil títile.

<sup>17</sup> Képah sɔkɔ, Nsyifunɔ nónó pól-á sò me Yefesɪ kwil, à tahlɪ nónó nāh pɪ Nsyifunɔle, pǎh yī mè noh, kè pɪ tíkile pé pól tyí. Pè me tyah Tě ñgbě Yesu yīnne n gbilki.

<sup>18</sup> Té nónó-á sò pɪ Yesu yō sǎpúle, pé nǎhnáh pé tyítúkúnì pínóle n yo n dal n mɔ n pɔ tówù yí yah.

<sup>19</sup> Képah sɔkɔ, nónó-á sò me snèyne n pɪ, pé nǎhnáh me pé snèy pɪ pɪ sébéynó tɔkɔ pɔ tuke mɔ, à suke no pól yí yah. Pǎh sébéy nópi drɔ kǒ yah, sè pɪ pó pló kèyō túkúrí pó kwlóle.†

† 19:19 19.19 - Légbíne, pó pló kèyō túkúrí pó kwló (50 000) kɪ sò fě népì gbǒnkenúkò kénkǒ tǒ pínó pó dyah ye gbām sɔkɔ.

20 Sě ye sò Liyel wey me tǎhkìle n we, à n tǒ n mɔ n yuku yahle Tě ñgbě gbò yò.

*Fĕkìnó ñgbě nê-á pɪ Yefesɪ kwil*

21 Tyi nópi pínsɔkɔntɛnɔ náh, Pole kè yah tɔkɔ ne, páh kɪ kyɪ Masedonɪ gběnyah ànê Akayi gběnyah sɔkɔ, té kɪ pyě yuku Yerusalemɪ kwil. A sò me kéle n yo tɔle ne ñkě, páh kɪ yīni tě nénpó, páh yīne pé kyɪ Wrome kwil tɔ sɔkɔ.

22 Kǎh pɪ sě, à me Timote ànê Yerasɪtɪ tɛkɪ mɔ Masedonɪ gběnyah sɔkɔ, pépi nónó-á sò ñ yòhnìnmoɓule. Té ñmɔ wɔ wũ à sèpìn yísyó pɪ Asi gběnyah sɔkɔ.

23 Légbíne, fĕkìnó ñgbě yó pɪ Yefesɪ kwil, Tě ñgbě wĕkì tyí sɔkɔ.

24 Sán ywó-ò kètɔndí yó lésò me pè n ye Demetriyusile. Kéne dí ñkĕne tǎn vî yáryár yísyóle ne n ywɔ wárn vyɔrɪ pérpérle. Yefesɪ tǎn tò yŭkì nê-á pè n ye Artemisile, képah wòkò kètɔnó ye ñkĕne à n ne n ywɔ. Té ñ tǔnpɪbɪ sò me póle n we yŭ ñ tyí, tò mè pínó sɔkɔ.

25 Sò yóle, à ñ tǔnpɪbɪ pól ye tuke, à tahlɪ ñ tò òkù pípú pól tyí. Képah tĕne, té yo pé tyí ne ñkĕ, pé kódíbí, pé pól-á kè pī yŭ ne páh me yòrele n we n yŭ pé tò mè pínó sɔkɔ.

26 Nte dí nê-á pè n ye Polele, wǎh me pɔ tir nĕne n pɪ, pǎh se me kéle n nohnɪ, té me kéle n yah té. Kéne Pole-á me névyele n kwɔ ne ñkĕ, fal fal tǎnne, névye gbĕnpɪnɔ yî-á séle, yò náh me sé tyí. Kéne wey mè ñtĕ-á me névye náhnáh yò yɪkɪ Yefesɪ kwil. Té kè náh se tò me yīn képah ó tyí, ñkĕ kǎh me Asi gběnyah kwlo kan pól névye yòle n yɪkɪ.

27 Kǎh yò sɔkɔ sě, yī mè-á kɪ n syah pépi pɪ pɪ tǔle n yɪkɪ dé! Kè náh se tò n yīn n pɪ képah ó tyí, pé fal fal tò yŭkì Artemisi wòkò náh tǒ n mɔ n kò n pɪ pólle. Gbílkinó nê-á sò me n sah tò mè yò, kǎh kɪ yīn mɔ. Té képah-á mó tǒ Asi gběnyah névye pól ànê kèkòyó névye pól me n gbilki.

28 Demetriyusi-á fyò kéne welɔ yo névye noh sě, pé fɔkɔ kah vyǎh. Pè me tyah yo tũ wòhòh ne ñkĕ, pépi Yefesɪ tǎn Artemisi tĕ wɔ kénkò náh me.

29 Píntũnɔ mè yínpɔ kwil pól tǔ. Té Masedonɪ gběnyah tǎn népí ní mí yísyó tɔ sò yuku Polele ñ kóló sɔkɔ Yefesɪ kwil. Pé sɔkɔ núkú yīn ye Kayusile, ní-ò yīn me Arisitarkile. Képah tĕne, no núkú wĕ tyí mɔ, à to tuke népí ní mí nópi yò, à pè tĕ yɔrɪ sɔkɔ pé tówũ tükè-ñsah sɔkɔ.

30 Képah sɔkɔ, Pole sò me ké tyí ne, pé kyí pé yò wilki mɔ tówú tyí. Nte Yesu tò sáhpú me kè yahle ò tyí.

31 Asi gběnyah né-̀ngbɔ yísyó tɔ sò me, nónó-á sò Pole kódíbilé. Pépi tɔ me tɛntò mɔ ò tyí, à à vi mɔ ne, à káh n kyí tówú tükè-̀nsah mè sɔkɔ.

32 Té légbíne, tówú mè névye pól sò me wɛkɪ fɛkɪ tũ wòhòh, té pé pól tyiyónónɔ mó tɔ me sé tyí tyíle. Káh pɪ sɛ, kè pɪ fɛkìnólé. Névyé kan òtɛ náh sò me pé pónó yò pĩ.

33 Nsyifu dí yó tɔ sò me pè n ye Aleksisādrelé. Pé no Nsyifunɔ me òmɔ kurki mɔ kyí sah tówú yah tinné ne, à yo ké sɔkɔ. Képah sɔkɔ, Aleksisādre me ò gbò pɪ mɔ tówú tyí. A sò me ké tyí ne, pé pé no Nsyifunɔ vyāh syi.

34 Nte tówú-á fyò pɔ n pĩ ké sɔkɔ ne Nsyifu ney-á òne, pé pól núkú tɔ tyah yo mɔ tũ wɛ yò wòhòh ne òkɛ, pépi Yefesɪ tǎn Artemisi tɛ wɔ kénkɔ náh me! Pè képah tɛ yo tũ sɛ, pópó kè syi pɔ n nɔ lérínó nínó kénkɔ tyí.

35 Nte ké tyé-̀nsah, kwil sébéy wárkí-ò dí‡ pɔ tɛ we pè yīn mɔ. Képah sɔkɔ, té me ne òkɛ, Yefesɪ tǎn, névye pól-á pĩ ne, Yefesɪ kwil-á n syíkɪ pépi fal fal tò ògbɛ Artemisi wòkòle, ànê ké tàhsè nê-á wil yīnyò à pɔ syíkɪ.

36 Ké kòlì-ò náh me pólle. Képah-á, pè pé nno vi. Pè káh tir yó òtɛ pɪ sònyah-̀òkɛne.

37 Díbí nónó-á pè tɛ pɔ ásò, pè náh tir yó pɪ de pépi tò wòkò tyí, pè náh se mó tɔ yo de pé fal fal tò yũkɪ mè tyí.

38 Nte káh kɪ me pɪ ònî me pɪ de Demetriyusi ànê ò tɔ pímú tyí, tukey tükèné yòhnì-á me, tukey tükèpu mó tɔ me. Pè kyí n tɔkɔ tɛ kɔ pépi tyí kè.

39 Té tyi yísyó tɔ-à kɪ se tɔ me pé tyí wah wah tɛne, pǎh kɪ fɛ pɔ sé yah yo kwil névye tuke mɔ sòle.

40 Páh yékâb nê sɔkɔ kweyne yò, tir yó òtɛ se me pé tyí, pé kɪ fɛ we yo yékâb mè yòle nɪ? Képah-á, páh kɪ n to n kò yò, pǎh kɪ pɔ n syah n tɔkɔ péle n kò dé!§

41 Welò nòpi yóntenɔ náh, à névye kò pè karkɪ.

## 20

*Pole yúkúnólé Masedonì ànê Kresɪ gběnyah sɔkɔ*

‡ 19:35 19.35 - Kwil sébéy wárkí-ò dí nê tyí-á n yo ásò sɔkɔ yò, né-̀ngbɛ ye sò òne kwil mè sɔkɔ. § 19:40 19.40 - Yòtām nónó-á Wrome tǎnne, pépi tyí ye pè n yo ásò sɔkɔ ne, páh kɪ n to n kò, pǎh kɪ pɔ n syah n tɔkɔ péle n kò.



<sup>1</sup> Té fě̀kìnó mè-á pɔ yīn mɔ gbí nēne, Pole me Yesu tò sáhpú ye tuke, à sórié mɔ pé sɔkɔ, té wě̀kì ni pé tyí, à sɔkɔ Masedonì gběnyah sɔkɔ.

<sup>2</sup> A kéné gběnyah pól kɔ kɔ, à sórié yah mɔ kɔ náhnáh Yesu yō sěpú sɔkɔ. Wǎh yal nénpó, à sɔkɔ Kresì gběnyah,\*

<sup>3</sup> à kyí n̄wǒló tǒnó pɔ nénpó. Képah náh, wǎh pɔ ò vi ne, pé de krótókè ògbě sɔkɔ, pé yal n yuku Siri gběnyah sɔkɔ, à kè we noh ne, Nsyifunɔ-á me òne n plɔ pèkè yóle. Kǎh pɔ sě, à kè yah tɔkɔ ne páh kɔ pé syí syō Masedonì gběnyahle.

<sup>4</sup> Té nónó-á sǒ Pole wě̀kì kómũne, pépi we yò: Sopaterì nē-á n wil Bere kwil, té ò sú yīn me Pirusile, òmɔ sǒ me, à tahlì Arisitarkì, ànē Sekūdusi tyí, pépi nónó-á n wil Tesaloniki kwil, ànē Kayusile, nē-á n wil Deribì kwil, ànē Tisyikile, ànē Torofimine, pépi nónó-á n wil Asi gběnyah sɔkɔ, à tahlì Timote tyí.

<sup>5</sup> Pépi me sɔkɔ ápi yahle, à kyí ále n syíkì Turasì kwil.

<sup>6</sup> Búrñ sě-òkē syáh syáhnsɔkɔntenɔ náh, ápi wɔ mó kyí de krótókè ògbě yó sɔkɔ Filipi kwil, à pé nyáh sǒ. A sèpìn kwál pɔ té pyě de á no tñò Turasì kwil. Képah tēne, á tē nénpó à sèpìn kwárninɔ pɔ.

*Pole-á Yetiki lékó yilki mɔ sǒ Liyel gbǒ yō, Turasì kwil*

<sup>7</sup> Yòh wró gbìyìkì gben sǒle,† á lésǒ me tuke mɔ Tě ògbě yòke yō yīnne, té Pole me yáhkìle n yǎh tówùle. A kɔ sǒ n yal n pi òndalle Turasì kwil. Kǎh pɔ sě, à Liyel wey yo mo pé tyí, pópó à pɔ nɔ tyah tónó tyí.

<sup>8</sup> Té á pól sǒ me tükènmɔnɔle gběnt̄n yō wòkò tǒ-ò sɔkɔ, té fòtnónó me tũnsàhnóle pípi ké sɔkɔ.

<sup>9</sup> Kètēnpìkì yó tɔ sǒ me ále pé n ye Yetikile. Nmɔ sǒ me kǒ tē fnètír vyǎh yō. Dǒ, dɔy pɔ mɔ ò sɔkɔ. Nte Pole Liyel wey yō-á sǒ me ko sě, à pɔ dɔ, té tē syi yīnyō wòkò tǒ-ò sɔkɔ, fókú à pɔ syíkì sètáh. Pǎh pópó pɔ ne pé à yilki sah, pé à we kúnóle.

<sup>10</sup> Képah tēne, Pole tɔ tiki pɔ, té kɔ à yō ò gbǎn sɔkɔ, té yo pé tyí ne: «Yé káh n ye yé yáh-rísah tyé; à me min sɔkɔ.»

<sup>11</sup> Képah náh, à ò syí dɔkɔ yuku ntǒ, pé kyí Tě ògbě yòke yō wě tyí, té tǒ yō sɔkɔ Liyel wey yónóle, pópó à pɔ nɔ tyah dal gbí tyí, té à pyě sɔkɔ.

\* **20:2** 20.2 - Kresì nē tyí-á n yo yò, ké yīn ye tǒ Akayile. Yah n te 19.21. † **20:7** 20.7 - Yòh wró gbìyìkì gben nē tyí-á yo ásò sɔkɔ yò, tükù me n sǒ ne samidi-á, tükù mó me n sǒ ne dimansyi-á.

12 Képah sɔkɔ, no me Yetiki tẽ sɔkɔ ò vile krémkrém ò gbô. Yí mè pí yíí ní déńó ògběne no pól tyí.

*Pole wìlnóle Turası kwil, à yuku Miletì kwil sɔkɔ*

13 Pole sò kè yah tɔkɔ, à sɔkɔ Asɔsɩ kwil sɔkɔ, gbáhkì yò. A sò ne ápi pé yah yohnu nénpó, á pé twah. Káh pí sě, ápi me de krótókè ògbě sɔkɔ, à mɔ ò yahle à kyɩ òne n syɩkɩ nénpó, ò twah yínne.

14 Wáh pɔ de, á pól de krótókè sɔkɔ, à yò sɔkɔ à kyɩ yín Mitilenɩ kwil.

15 Képah náh, á tɔ yò sɔkɔ. Ké sèpìn ní-ò sòle, á kyɩ yíni tẽ gběnyah yó yèsreyne pè n ye Kyole, pne yɔ niyó. Ké sèpìn tɔ-ò sòle, á kyɩ sɔkɔ gběnyah yó gbòpɔ pè n ye Samosele, pne yɔ niyó. Ké sèpìn níyáh-ò sòle, á pyè yíni tẽ Miletì kwil.

16 Té Pole sò me sàlnó sɔkɔ ne káh kɩ fě n pí n pi, pé ne me Yerusalemɩ kwil Pántekotɩ syáh syah sòle. Képah ye à kɔ à yò sɔkɔ, à náh syò Yefesɩ kwille. A sò pí ne páh kɩ de nénpó, pé náh we n wil n pi súú Asi gběnyah sɔkɔ.

*Pole-á vìnmonɔ nêne Yesu yò sěpú yah tãm kɔ Yefesɩ kwil*

17 Képah sɔkɔ, Pole tẽ Miletì kwil, té tẽntò mɔ Yefesɩ kwil Yesu yò sěpú yah tãm tyí ne pè pɔ.

18 Páh pɔ yíni tẽ ò tñô, à yo pé tyí ne: «À tokɔ nímo pɔ sò tyí Asi gběnyah sɔkɔ, máh me n pí sò gbímegbí yé wró, yé se kéle n pne té.

19 Mé tò pí Tẽ ògbě tyí gblɔy tíkínmonɔ kègbɩ sɔkɔ, à yéfi kwe. Té Nsyifunɔ tɔ me vi ní náh gbáhyí náhnáh sɔkɔ, à yèvyáhri náhnáhle ní yíni tẽ.

20 Nte yé se pí ne, mé náh tir yó rítẽ wòbɩ yéle nê-á kɩ fě yé tyí pekɩ n pi té. Mé sò me sé pólle n yo yé tyí, té me yéle n kwo tówú tükè-ntàn sɔkɔ ànê yé gbèn tɔ sɔkɔ.

21 Mé kè yo kɔ Nsyifunɔ ànê Krekɩ névyé tɔ tyí ne, pè pé nno vi mɔ, pè mó sě ápi Tẽ ògbě Yesu yò.

22 Nte núkúnúkú, Liyel Mirki we ní kyí mɔ mé n sɔkɔ Yerusalemɩ kwil yò. Mé náh pí tir nê tẽ wɔ-á kɩ kyɩ ní yíni n tẽ n pi nénpó.

23 Máh nê tẽ wɔle n pne, máh de kwil nê sɔkɔ, Liyel Mirki níkéne kéle n wèkɩ ne, wòkònpèkè sɔkɔ déńó ànê yèvyáhri-á me ní syɩkɩ tẽ.

24 Nte sépinó pól sɔkɔ, ní gblɔy min tẽ tyí náh me tah ní tyí pólle. Mé náh me kéle n mɔ n kɔ kwáhtáhle. Tir nê tyí-á me tah ní tyí, képah ye pí ní tò pínтенɔle; tò nê-á Tẽ ògbě

dahbı́ nı́ gbò sòkò nẹ mé Nìvìnì tirlẹ n yo n kǒ Liyel pèpòrı tyí sòkò.

25 Nte nùkúnúkú, mé pǐ nẹ máh syǒ yépi nónó pól tyí à Liyel tǒrì tyí yo kǒ, yé náh tǒ nı́ wẹ n yah n pi.

26-27 Nte mé náh yé wǒbı́ Liyel dyǒ yǐ́ tir yó n̄tēnẹ, mé ye sé pól yo sòkò yé tyí. Képah ye, mé kéle n yo n dal n mǒ yé tyí kweynẹ nẹ, yé sòkò nẹy nê-à kı se tǒ mǒ pu, ké kémú náh n pı n pi n̄mǒ tyíle.

28 Yé yé gblǒy tēnó plẹ, yè mó Liyel yípêy\* tēnó plẹ, Liyel Mirki-á yé sah sépi nónó yǒ nẹ, yé séle n tē plẹ. Sépi ye Yesu yǒ sǐpú t̄nk̄ilẹ, Liyel-á nónó pı n tyíle n pídí tó kwénó gbò yǒ.

29 Mé pǐ nẹ, n̄mǒ sókóntenǒ náh, névye yísyó-á kı pǒ de yé wró gbēnképèl tyí kǒlẹ, kı yényēh pı yípêy sòkò.

30 Té yépi n̄tē sòkò, névye túkù kı pǒ yuku tyah mìnì welǒlẹ n yo, kı Yesu tǒ sáhpú yǒ yıkı, pè kǒ pè kı pé sǒ tē.

31 Kǎh pı sē, yé yé gblǒynẹ n kyomı, yè mó yé dyǒ sah nẹ n kwne nẹ, máh lésǒ yé kwǒ ye tǒnó, ké lékǎh ké gb̄intǒ, à v̄n̄m̄onǒlẹ yé nénúkù núkú pól kǒ. Té keyǎhle nı́ yéti n̄tē n kwe ké tyí sòkò.

32 Té nùkúnúkú, mé yéle n dahbı́ Liyel ànê n pèpòrı wey gbò sòkò. Tǎhkì mē n̄mǒ sòkò kı fē yé kǒ yé kı yuku yahle n̄mǒ yǒ sēnó sòkò, té wǎh n vyǎhle yé kǒ n pèpòrı nê tyí sòkò, yé kı kè wẹ wē tyí ànê nónó pól-á mē Liyel tyí yǒ n yǒ sēnó ȳinne.

33 Mé náh pó, ànê sǎn, ànê flo yah kǒ n̄n̄i yó n̄tē tyí.

34 Yé pól pǐ nẹ, máh tǒ pı nı́ gbǎnne à ȳin nı́ gblǒy ȳinnóle, ànê nı́ kómú tǒ ȳinnóle kè.

35 Mé kéle yé wēkı tyi pól sòkò nẹ, sē-á névi ȳine à tǒlẹ n pı, à kwǎhle n wẹ à yǎm tǎnne n yohnı n mǒ, à mó n dyǒ sah nẹ n kwne Té n̄gbē Yesu wey mē tyíle wǎh nê yo nẹ n̄kē, sām-á mē kǒnó sòkò, à kal wénsyinǒlẹ.»

36 Pole-á welǒ nópi yo pǒ tyẹ, à kuku ȳin péle wē tyí, pé pól Liyel ni.

37-38 Té Pole sǒ yo pé tyí nẹ, pè náh tǒ pé yèpǒ wẹ n yah n pi pólle. Képah sòkò, pé pól tyah n̄nẹ n pǒrı n tē n pǒ à n wẹkı n tyí, té n gbo yèkwǒrı tē tyí. Képah náh, pè kyı à tekı mǒ, fǒó krótókè tókó-n̄sah sòkò.

\* 20:28 20.28 - Liyel yípêy nónó tyí-á n yo ásò sòkò yǒ, Yesu yǒ sǐpú ye pè n ye.

## 21

*Pole dókónyukunɔle Yerusalemu kwil*

<sup>1</sup> Képah sɔkɔ, áyáh pɔ we yal pé tyí, á de krótókè ñgbě yó sɔkɔ, à yõ sɔkɔ gběnyah yó sɔkɔ pè n ye Kosele, pne yo niyó. Á náh kwɔ dah fí yó ñtẽ sɔkɔ. Ké dīndalle, á yõ sɔkɔ gběnyah yó sɔkɔ pè n ye Wrodesile, pne yo niyó. Áyáh wil nénpó, á yuku Patara kwil sɔkɔ.

<sup>2</sup> Á kyí yīne krótókè ñgbě yóle, kè me n yuku Fenisi gběnyah sɔkɔ. Á me de ké sɔkɔ, à sɔkɔ.

<sup>3</sup> Á kyí syõ yúkey gběnyah yóle pè n ye Syiprile, pne yo niyó, fókó á ké yõ ñtēne n yah. Nte á me kè mɔ á gběyīnè sòle, té á yah mɔ Siri gběnyahle, à kyí tiki ké kwil yó sɔkɔ pè n ye Tirile. Krótókè mè vyó kí sò n tiki n mɔ n pi nénpó.

<sup>4</sup> Képah sɔkɔ, áyáh kyí Yesu tò sáhpú nónó we nénpó, á tẽ péle à sèpìn kwárninɔ pi. Té kéne sèpìn sɔkɔ, Yesu tò sáhpú kè yo Pole tyí Liyel Mirki gbò yõ ne, à káh dɔkɔ yuku Yerusalemu kwil.\*

<sup>5</sup> Nte sèpìn kwárninɔ nópi-á fyò sɔkɔ, á tō kyí yõ sɔkɔ á kólóle. Áyáh n sɔkɔ, díbí, ànê syó, ànê wēnpì pól kyí á gbáhkì wilki mɔ kwil náh ñinne, yóngbalɔ sɔkɔ. Á pól me á gbètukunɔ di nénpó, à Liyel ni péle wē tyí.

<sup>6</sup> Képah náh, á weki wē tyí, té wē fin mɔ. Á tékínmɔpu nópi me pé syi sɔkɔ pé ñinne. Api me tō de krótókè mè sɔkɔ

<sup>7</sup> à yal Tiri kwil sɔkɔ, pópó à kyí de kwil yó sɔkɔ pè n ye Pitolemayisile. Nénpó sɔkɔ ye á krótókè sɔkɔ kóló yīn mɔ. Á me wil krótókè sɔkɔ, à kyí yah weki kō Yesu yõ sēpú tyí kwil niyó, té gbìyìkì núkú pi péle.

<sup>8</sup> Ké dīndalle, á pɔ yõ sɔkɔ á kólóle, à sɔkɔ Sesari kwil. Áyáh yīni tẽ nénpó, á kyí twah Filipi tyí, nê-á Nìvìnì tir yó-òle. Népi kwárnimi† nónó-á lésò pè yah wilki Yerusalemu sɔkɔ, à pi Yesu tēntò nénye yòhnìnɔpule, pépi sɔkɔ ney yó ye sò ñne.

<sup>9</sup> Té syónpì népi ñyêh sò me ñ tyí, pè náh díbí tyí pì. Kéne syónpì sò Liyel tēntōnène n syi n yo.

<sup>10</sup> Képah sɔkɔ, á me sèpìn yísyó pi nénpó. Á me nénpó, té Liyel tēntò syinyo-ò yó to wil Nsyude gběnyah, à pɔ á we. Pè ñne n ye Akabusile.

<sup>11</sup> Wáh pɔ á we, à Pole kō tɔkɔ, à ñ gblõy gbyêh ànê ñ gbàn pukubi kéle, té ne, Liyel Mirki-á yo ne ñkē, sō-á pé pukubi

\* 21:4 21.4 - Yah n te 20.22-24. † 21:8 21.8 - Yah n te 6.5 ; 8.5.

pé gblǒyṅe, sěntě-á Nsyifunɔ kɪ n pukubi n pi kǒ mè nětēne Yerusalemɪ kwil, té kɪ ò gbàh de mɔ névye kǒ, nónó náh pɪ Nsyifunɔle.

<sup>12</sup> Képah tēne, áyáh wɛlɔ nópi noh sě, à tahlɪ Yesu yǒ sěpú nónó-á sǒ me Sesarɪ kwil, ápi pól Polele n ni ne, à káh dɔko yuku Yerusalemɪ sɔko.

<sup>13</sup> Nte Pole me yo á tyí ne, sǒ se pɪ, té á n gbo, à n yah n kǒ yèkwɔrɪ mó-risahle pé sɔko nɪ? Nkě, káh kɪ sǒ yǐn-ńkēne pé púkúbinó ó tyí, té pé ku ńtēne Yesu yinne Yerusalemɪ sɔko, páh kè fě syi.

<sup>14</sup> Té áyáh ò sǒnɔ vi mɔ kwɔ sě, á yal mɔ ò gbáhntēnɔle, té ne, Liyel dyɔ dyɔ tě ó pɪ!

<sup>15</sup> Áyáh sèpìn nópi pɪ pɔ n dal mɔ, á á vi, té wěkì tě, à dɔko yuku Yerusalemɪ sɔko.

<sup>16</sup> Té Sesarɪ kwil Yesu tǒ sáhpú yísyó me á sǒ tě. Pépi me á tě yuku dí yó òinne pé n ye Mnasōne. A sǒ n wil gběnyah yó sɔko pé n ye Syiprile, pne yo niyó. A sǒ yīne à twah òmɔ tyí. Kéne díne, Yesu tǒ sáh-ò ye sǒ òne di mónóle.

*Pole kyínyahnɔle Nsyakɪ tyí*

<sup>17</sup> Képah sɔko, áyáh kyɪ yīni tě Yerusalemɪ kwil, Yesu yǒ sěpú me á tǒ sah tě òvìnì sɔko.

<sup>18</sup> Ké dīndalle, Pole sɔko ále Nsyakɪ òinne, ńyāh sɔko-á sǒ Yesu yǒ sěpú ònkì yah tām tɔ me tükènmɔnɔle pé tǒ.

<sup>19</sup> Wǎh kyɪ de, à wɛkɪ pé tyí, té Liyel-á à tɔko à tyi nónó pɪ névye wró, nónó náh pɪ Nsyifunɔle, à me sé pól yo wah pé tyí pnépné.

<sup>20</sup> Pǎh képah noh sě, pé Liyel gbilki, té me yo Pole tyí ne, pé yúnpi Pole, à kó me n yah Nsyifunɔ nékwíńkí sě Yesu yǒ nɪ? Nkě, pǎh me Moyisi tyi kǒnsàhnó wěkìle n kɔ n yǐ pé pólle dé!

<sup>21</sup> Nte à yah, no-á me nēne n yo ò tyí sɔko; pǎh me n yo ne, Nsyifunɔ nónó pól-á me karkɪ tě tě kǒ nékáhbí wró, wǎh me péle n kwɔ ne ńkě, pé pé syɪ Moyisi tyi kǒnsàhnó náh. Wǎh me n yo pé tyí ne, pé káh tǒ pé wěnpìle n kǒ, ànê pé káh tǒ Nsyifunɔ wǎlle n kɔ.

<sup>22</sup> Té pǎh kɪ se mó tǒ ò pónó noh n pi. Núkúnúkú, sǒ se pé kɪ pɪ nɪ?

<sup>23</sup> Nkě, páh kɪ nê yo n pi ò tyí, à képah pɪ. Dibí nēpí ònyēh-á me ásô, nónó-á pé vyāhle Liyel kǒ, té kɪ ké tyi pɪ n pi.

<sup>24</sup> Nkě, à pé tě sɔko, òmɔ ànê pépi kyɪ ké tyi pɪ pé gblǒy tǒ sah Liyel yah, òmɔ mó yīn pé ywǒ kyénó sárká gbǒnwílkìle.

Képah sɔkɔ, no pól-á kɪ pĩ ne, páh tyi nónónɛ n nohnu ñ tyí sɔkɔ, gblo náh séle, ñmɔ ñtẽ tɔ-á me n kɔ Moyisi tyi kònsàhnó wěkì yõ.

<sup>25</sup> Nte nónó tẽ wɔ náh pɪ Nsyifunɔle, té vi mɔ pɪ Yesu yõ sěpúle, páh nê yah tɔkɔ, páh kè wǎrkɪ tekɪ mɔ te pé tyí ne: Pé pé gblɔyne n tẽ sǎh fálnó yíle, ànê fòfíkìle, ànê tó kwé-ńkě kwáhkókè kòle, ànê tónɛ.

<sup>26</sup> Képah sɔkɔ, dīndalle Pole díbí nópi tẽ pé sɔkɔ wě tyí, à kyɪ pé gblɔy tō sah. Képah náh, à de Liyel ní-ńsah gbô sɔkɔ. Té sô nê-á pé gblɔy tǔnsàhnó sèpìn kɪ tũ, té pé kɪ sárká wilki n pi pé nénúkù núkú pól yīn yõ, à me ké gbǐyíkì yo nénpó.

*Pole tẽnóle Liyel ní-ńsah gbô sɔkɔ*

<sup>27</sup> Té sèpìn kwǎrninɔ nópi tyénó sɔkɔ, Nsyifunɔ nónó-á n wil Asi gběnyah sɔkɔ, pé Pole we Liyel ní-ńsah gbô sɔkɔ. Pé me tówù pól kurki mɔ ñ yõ, té à tẽ.

<sup>28</sup> Pé sò me gbo mɔ tũ ne ńkě, Yisrayel tǎn, pé pé yohnu n mɔ oo! Pé yah dí mènɛ, ñmɔ-á n yo n yɪkɪ pépi Nsyifunɔ tyíle ywõ ywõ pól sɔkɔ, ànê tyi kònsàhnó tyíle, ànê Liyel ní-ńsah gbô tyíle. A wil képah sɔkɔ, névyɛ nónó náh pɪ Nsyifunɔle, wǎh pé tẽ de Liyel ní-ńsah gbô sɔkɔ. Liyel tyah mè ñtẽ dèl kó à pɪ yò nɪ?

<sup>29</sup> Té Torofimi nê-á n wil Yefesɪ kwil, ñmɔ ye lésò pé we ànê Polele wě tyí kwil nɪyó sɔkɔ. Képah ye, pé núkú we ne, Pole-á à tẽ de Liyel ní-ńsah gbô sɔkɔ.

<sup>30</sup> Kǎh pɪ sě, kwil fěkɪ. Névyɛ me to wil ywõ ywõ pólle, à pɔ. Pé me Pole tẽ yɔrɪ wil Liyel ní-ńsah gbô náhle, té núkú ké yey vike.

<sup>31</sup> Gbí nê-á sò pé me n yah n kō Pole kònmɔ-ńsahle, Wrome tǎn sràsyíbí yõtẽ ñgbě kè we noh ne, Yerusalemɪ kwil pól-á me fěkìnóle.

<sup>32</sup> Nénpó swɔ, à núkú sràsyíbí ye tuke ànê sràsyíbí yõtǎmne, té to sɔkɔ péle tówù mè mé-ńsah sɔkɔ. Té tówù mè-á fyò sràsyíbí yõtẽ ñgbě mè we à n pi ànê sràsyíbile, pé núkú yal mɔ Pole kònóle.

<sup>33</sup> Képah sɔkɔ, sràsyíbí yõtẽ ñgbě me nɔ de Polele, à à tẽ, té ne, pé à pukubi kéló pló nínóle. Té piki yah ne, nédúkú nê se ñne, ànê tir nê se à pɪ nɪ?

<sup>34</sup> Nte tówù mè névyɛ pól yuku yo mɔ tũ wě yõ pé tyíyónónɔle sé tyí tyíle. Kǎh pɪ sě, sràsyíbí yõtẽ ñgbě mè náh fě tẽ ké yõ pĩ. Képah sɔkɔ, à ne sràsyíbí Pole tẽ kyɪ dah mɔ pé wòkò ñgbě sɔkɔ.

35-36 Pǎh kyí yīni tē wòkò ògbě mē yah, té Pole tyah n doko ké súndoko-ńtàn yō, no pól n sō tē me gbo mọ tū ne, pè à ko mọ oo, pè à ko mọ! No-á Polele n kah n yīki n kō sē, sràsyíbí kwlo pè à yō soko.

*Pole-á n vyāh kōlì sō*

37 Té gbí nê-á pè n tyah dénole wòkò mē soko, Pole me yòtē ògbě mē syah ne, pé se kí fē tir yó yo n tyí ní? Yòtē dí ne, è, té wǎh Krekí weyne n nohnì kè!

38 Nkē, Yesyipti kwil dí nê-á fēkìnó pí sē yò sē yò, à tyínyèh pípú nēpí kèyō nínó (4 000) tē soko gbēnnì soko, tē náh ñmole kè.

39 Képah soko, Pole à syah ne, Nsyifu ney-á péwole, pé dúbí-ńsah tótó-á Tarsu kwille, Silisi gbēnyah soko. Pé dúbí-ńsah kwil mē yīn-á me wīlnóle. Nkē, à n gblōy ye, à mó ye pé kō pé yo mọ no tyí.

40 Sràsyíbí yòtē ògbě me ké wēkìle à kō. Képah tēne, Pole yuku yīn súndoko-ńtàn yō, té n gbò pí mọ no tyí, pè me yīn súmm. A me tyah n weki pé tyí Yebre wey<sup>‡</sup> soko ne níkē:

## 22

1 «Ní súbí ànê ní yúnpyé, yé yé gblōy ye, yé mó noh ní tyí, nê-á mé kí yo kí ní vyāh kōlì n pí yé tyí.»

2 Képah soko, pǎh Pole we à n weki pé tyí Yebre wey soko sē, tyah tō gbah pí súmm.

3 Á me yo pé tyí ne: «Nsyifu ney ye ñmole. Mé dubi Tarsu kwil, Silisi gbēnyah soko. Nte Yerusalemi kwil mē soko ye mé kyāh yò. Té Kamalyeli ye sò kwò ñne. A ní kwò yīí á náh tǎn tyi kònsàhnó wǎlle. Mé sò me gbah tē yīí Liyel yō sēno soko, sō-á yéle ké soko kweyne yò.

4 Mé Yesu yō sēpú fōh, fóó à pé tókù ko mọ. Mé pé díbí ànê pé syó tókùle n tē n pukubi n dah n mọ n pọ wòkònpèkè soko.

5 Sárká syínwìkìpu yòtē ògbě ànê Nsyifunọ yèwàhnì pól kí fē pí ní tǎrfyòle ké soko. Pépí nítē tyí ye lésò mé we syi sébéyónle ne mé kyí á no Nsyifunọ kō Damasí kwil, mé mó Yesu yō sēpú we n tē n pukubi nónó-á me nénpó, mé pọ péle Yerusalemi soko, mé pọ pè fōh.

6 Képah soko, máh me wēkì yō, té me de n te Damasí kwille, kyòo yó núkú wil yīnyō soko gbìntòle, à pọ kwe ní yō pèrr à ní mọ gbí.

‡ 21:40 21.40 - Nsyifunọ wey ye sò Yebre weyne.

7 Kǎh pɪ sě, mé yǒ syíkɪ sètáh, té yǐnpǒ yó noh nê-á me n yo ní tyí ne: <Sole, Sole, kwâh nê pɪ té á nne n fõh sě?>

8 Mé me piki yah ne, nê se ñmɔle ni, Tě ñgbě? Kéne yǐnpǒ tǒ ké syi yo ní tyí ne: <Nasaretɪ kwil Yesu ye ñmɔle, nê-á á n fõh.>

9 Képah sɔkɔ, máh sò me wěkì yǒ ànê nónóne, pépi tɔ sò kyòò mè we; té nê-á n yo n mɔ ní tyí, pè náh tě wɔ wey noh.

10 Mé me piki yah ne, tir nê se mé yǐne mé pɪ ni, Tě ñgbě? A me yo ní tyí ne: <Yuku n de Damasi kwil. Té wáh yǐne n tyi nónó pól pɪ, pè kɪ sè yo n syah.>

11 Nte kyòò mè píkínó sò me ní yí wɔ. Kǎh pɪ sě, áyáh me wěkì yǒ ànê nónóne, pépi me ní gbò sɔkɔ tě, à de Damasi kwil.

12 Té dí yó lésò me nénpó pè n ye Ananiyasile. Kéne dí sò me Liyel wěkì tǔnó ple, me n tyi kònsàhnóle n pɪ sé wàl yǒ. Nsyifunɔ nónó pól-á sò me nénpó, pé pól sò me n yǐngbìle n yo.

13 Nmɔ me pɔ ñmɔ tnô, té yo ní tyí ne: <N yǐnpi Sole, fě ne n yah rítǒ.> Wáh yo sě, nénpó swɔ ní yí yíkɪ, mé me à we.

14 Képah sɔkɔ, à me yo ní tyí ne: <Liyel nê-á á náh tǎn n gbilki, ñmɔ ye n yah tɔkɔ ne á pé dyɔ yǐne n pne, ànê á pé tònpi négbí\* we yǐne, á mó n vyáh wey noh.>

15 Képah ye, wáh tyi nónó we, té tyi nónó noh Liyel tònpi négbí tyí sɔkɔ, á kɪ n pɪ n pi sé yónwàh-òle no pól yí yah.

16 Kǎh pɪ sě, núkúnúkú káh n tǒ n tě n mo. Yuku, á yǐne wèlnwìlkínóle ni sɔkɔ, á tyípèl mó yǒ mɔ n kǒ, Tě ñgbě Yesu yǐn yéngbonɔ sɔkɔ.>

17 Képah náh, mé ní syi sɔkɔ Yerusalemɪ kwil. Té sò yóle, máh me nírìle n pɪ Liyel ní-ńsah gbô sɔkɔ, Liyel wěkínó yóle ní wěkì.

18 Mé Tě ñgbě we à me n yo ní tyí ne ñké, Yerusalemɪ kwil tǎn náh ní tyiyónó fě n syi n pi péwɔ tyí sɔkɔ. Képah-á, mé sal n wil súú Yerusalemɪ kwil sɔkɔ.

19 Nte mé me yo n tyí ne, á no Nsyifunɔ-á kè pǐ yǐ ne, máh lésò me n kyɪ n pɔ á Liyel ní-ńtǎn vɪ sɔkɔ, à ñmɔ yǒ sěpúle n tě n dah n mɔ n pɔ wòkònpèkè sɔkɔ, té péle n ko yèfõhle;

20 à tahlɪ pǎh n tyí yónwàh-ò Yetyɛni ko mɔ gbí nêne, ñmɔ tɔ-á sò me dò. Máh sò me mɔ n kònmɔpule, té pɪ pé fwòmò-ñgbnɔ syíkì-òle dò.

21 Képah sɔkɔ, Tě ñgbě me yo ní tyí ne: <Fíi sɔkɔ ye mé n tekɪ n mɔ ále kwlókáhkí névye tyí. Ne n yuku!>>

\* 22:14 22.14 - Liyel tònpi négbí nê tyí-á pè n yo yò, Yesu ye.



22 Tówû sò me Pole welole n tǒ n sah n nohni, òte wǎh fyò pò welo nópi yo ne, kwólókáhkí névye tyí-á Tě ògbě n tekú n mọ péle, pè núkú gbo mọ wòhòh ne, òsòntě névi-á yíne kònmòntonole sétáh yò. A náh yíne à tě min sọkọ.

23 Pè sò me kah gbo mọ tũ, me pé flọle n de n milki, té me nèngbõne n yilki n mọ.

24 Kǎh pı sě, sràsyíbı yòtě ògbě ne, sràsyíbı Pole tě de pé wòkò ògbě sọkọ, pè mó à ko yèfòhle. Képah sọkọ, tir nê yin-á tówû n gbo n mọ ò yò sọkọ, páh kı ké yò pĩ.

25 Nte pǎh Pole pukubi mọle ne páh òne n ko gbı nêne, sràsyíbı yòtě dí nê-á sò me nénpó, à yo òmọ tyí ne: «Ké wěkì se me yépi tyí kı fě Wrome tǎn gbò mọ yò ko ò tükè-òkě òtēne?»

26 Dí-á képah noh sě, à kyı kè yo sràsyíbı yòtě ògbě tyí ne, tytúkù nê se à n tyah pínóle sě nı? Ngbò Wrome tǎn gbò mọ yò-á dí mène dé!

27 Képah sọkọ, sràsyíbı yòtě ògbě pò Pole piki yah ne, à yo pé syah, Wrome tǎn gbò mọ yò se òtyínò òne nı? Pole me ne àwe-á.

28 Pole-á yo sě, dí à syah ne, té pò ògbě-á péwọ tě wọ wilki, té pı Wrome tǎn gbò mọ yòle dé! Pole me ne, òte péwọ tě wọ-á dubi kéle.

29 Képah tēne, nónó-á kı sò yíne pè Pole ko n pi ne à wekı, pè gbe mọ òne. Té sràsyíbı yòtě ògbě-á kè we pĩ ne, Wrome tǎn gbò mọ yò-á Polele, té pé me pè kò pè à pukubi, ké tíkí de ò sọkọ.

*Pole tēnkynole Nsyifunọ tukey tükèpu tǐnkĩ tyí*

30 Képah sọkọ, ké dındalle sràsyíbı yòtě ògbě sò me ké tyí ne pé pĩ tótó, tir nê yò-á Nsyifunọ tọkọ Pole kò. Képah tēne, à pè kò pè kyı Pole wah mọ, té me tukey tükèpu tǐnkĩ névye pól ye tuke, pépi nónó sọkọ-á sárká syínwìlkıpu yòtāmne, té pè kò pè Pole tě pò pé nıyó.

## 23

1 Képah sọkọ, Pole tyah tukey tükèpu tǐnkile n yah dikidiki, té yo pé tyí ne: «N yúnpyé, mé me n fọkọ dal mọ n kọ Liyel wěkì yò, pópó à pò nọ kwey tyí.»

2 Pole-á yo sě, nónó-á sò me ò tñò, sárká syínwìlkıpu yòtě ògbě Ananiyasi yo pé tyí ne, pè ò vyǎh mı.

3 Képah sọkọ, Pole me yo ò tyí ne, sékú sò wahy nê-á òne, Liyel-á kı mı òmọle. Wǎh me kò tě ásò, à péwọle n tuke à

yĩne tyi kònsàhnóle à yo, té mó tǒ me sé dèlle n pi ne pé pé mi kè.

<sup>4</sup> Képah tǝne, nónó-á sǒ me nénpó, pé à syah ne, Liyel sárká syínwilkĩpu yǒtǝ ñgbǝne à n gbyo lé?

<sup>5</sup> A me pé syah ne, pé náh sǒ me pĩ ne sárká syínwilkĩpu yǒtǝ ñgbǝ-á ñne ló, pé yúnpyé. Nkǝ, kǝh me wárkínsàhnóle ne: «Káh á kwil névyé yǒtǝne n gbyo.»

<sup>6</sup> Képah soko, Pole-á sǒ me kè pĩ sah ne, tukey tükèpu tĩnkĩ tóní núkúle Sadusǝ névyé-á, té pé tóní mè me Farisiyǝ névyéle sǝ, à tyah n kah n weki pé nyó ne: «Nĩ yúnpyé, Farisiyǝ névyé ye ní dúbípúle, nímo to me Farisiyǝ neyne. Té nímo sǒno-á me ké yǒ ne, lékyĩ-á ki n yilki n mo n pi, képah yĩn ye níne tukey soko ásǒ yǒ.»

<sup>7</sup> Pole-á fyò képah yo n te ñsǒ, yékâb ñgbǝ núkú de Farisiyǝ névyé ànê Sadusǝ névyé wró, à pé tówú gbeki.

<sup>8</sup> Sadusǝ névyé wo sǒ me ne, lékó yilkinmǒno náh me, yĩnyǒ tǒnpi yó nǝ náh me, mírkí yó nǝ náh me. Nte Farisiyǝ névyé wo mó ne, sé pól-á me.

<sup>9</sup> Káh pi sǝ, wǎn tǒ mo névyé gbónmǒno yǒ. Képah tǝne, Liyel tyi kònsàhnó kwópú nónó-á sǒ n wil Farisiyǝ névyé tĩnkĩ soko, pépi yísyó yuku yahle kápékèyǒ ne, pépi náh me tyítúkú yó nǝ pínó we dí mè tyí pólle. Ténkǝh mírkí yó, képah náh pi, Liyel yĩnyǒ tǒnpi yó-á ki nê yo mo ñ tyí té?

<sup>10</sup> Té yékâb-á po kah pi sǒhsǒh sǝ, tiki me sràsyíbi yǒtǝ ñgbǝ tǝ ne, pǝh ki po Pole yori n kǒli n pi. Képah soko, à me yo sràsyíbi tyí ne, pé tiki kyi Pole tǝ n yal pé wró, pé yuku ñne pé wòkò ñgbǝ soko.

<sup>11</sup> Ké lékâh-á po mo, Tǝ ñgbǝ wil Pole yah, té yo ñ tyí ne: «Sǒré mo á gblǒy soko. Ngbǒ, wáh ní tyí yo sǒ Yerusalemu kwil, á yĩne ñ tǒ ní tyí yo sǝ Wrome kwil to soko dé!»

### *Nsyifunǒ-á yĩnvĩ nê dahbi Pole gbáhkì sǒ*

<sup>12</sup> Képah soko, tyah-á po dal Nsyifunǒ yísyó yuku Pole tyí yo syi wǝ tyí, té pé wo Liyelle ne, pé náh tǒnì yǒ yǒ kwâh yó nǝ yǒ n pi, ànê pé náh wo wo kwâh yó nǝ wǒ n pi, Pole kǒnmǒ-ńkǝ soko.

<sup>13</sup> Té nónó-á sǒ pi yĩnvĩ mènne, pé kah népĩ tikininine.

<sup>14</sup> Képah tǝ soko, pé kyi wil sárká syínwilkĩpu yǒtǝm ànê yèwàhnì tyí, té yo pé tyí ne, pépi-á pé wo Liyelle kápékèyǒ ne, pé náh tǒnì kwâh yó nǝ dah n mo n pi pé vyǝy soko, Pole kǒnmǒ-ńkǝ soko.

15 Képah-á, nkě pépi to pé vyěy pi núkúle ànê tukey tükèpu ùnkìlè, pè mó kyì kè yah kō sràsyíbí yòtē ñgbě tyí ne, à Pole tekì mɔ pé kō. Nkě, pè kè pi á kì ne, pè sɔ me ké tyí ne, pé ñ tyi sohlì n yah palle. Nte pépi tē wɔ-á kì pé vi, kì kyì à syíkì tē wěkì yah sɔkɔ, kì à wè ko mɔ, ñ yínintē-ńkě sɔkɔ.

16 Nte Pole lèpi me yínvì mè tyí wè noh, té Pole nyáh sɔ sràsyíbí wòkò ñgbě sɔkɔ, à kyì kè yo à syah.

17 Képah sɔkɔ, Pole me sràsyíbí yòtē yó ye, té yo ñ tyí ne, tir yó-á me dípir mè tyí yo yo tēne sràsyíbí yòtē ñgbě tyí. Nkě, à kyì ñne ñ tyí.

18 Wáh yo sē, dí me kyì dípirle, té yo pé yòtē tyí ne, Pole nê yah-á víkénòlè wòkò ñgbě sɔkɔ, ñmɔ-á ye yah péle, té kè yah kō pé tyí ne, pé pɔ dípir mène ñ tyí. Wáh me ké tyí ne, pé tir yó yo à syah.

19 Képah sɔkɔ, yòtē ñgbě me dípir gbò sɔkɔ tē pè kěkì gbòpòle, té à piki yah ne, tir nê se ñ tyí yo yo tēne ni?

20 A me yo ñ tyí ne, Nsyifunɔ yísyó-á me yo sah núkú yò ne, páh kì pɔ à ni, à Pole tekì mɔ pé kō ñsòne tukey tükèpu ùnkì tyí, á kì ne pè sɔ me ké tyí ne, pé ñ tyi sohlì n yah palle.

21 Té à yah, népí tikinini dòhnò-á me pé vi sah, me Polele n plo pèkè yóle. Páh kè yah tɔkɔ, à pé wo ne, pé náh tònì yó yó kwáh yó ñtē yó n pi, ànê pé náh wɔ wɔ kwáh yó ñtē wɔ n pi, ñ kònmo-ńkě sɔkɔ. Páh kè sah te gbáhkì núkú yò, té me ñmɔ ó fěnsyino syíkì tē. Nte à káh n ye pè à pilki.

22 Képah sɔkɔ, sràsyíbí yòtē ñgbě me dípir fin mɔ, té kè gbah yo ñ tyí ne, à káh kè yáh ñnì yó ñtē tyí ne, páh tyi nópi gbél kye péwɔ tyí dé!

### *Pole tékínmɔnɔle Sesarì kwil*

23 Képah sɔkɔ, sràsyíbí yòtē ñgbě me sràsyíbí yòtām népí ními ye pɔ yo pé tyí ne, pè sràsyíbí népí lègbām (200) wilki n sah, ànê sèsèn nātām népí tikitónì pó gbāmne, ànê māmàl nātām népí lègbāmne (200). Pè mó pé vi sah Sesarì kwil sɔkɔ sɔkɔ tēne yěpnì sò.

24 Pè mó tō sèsèn yísyó wilki n sah, sépi pɔ Pole twah yuku gběnyah yah tē-ò dí Felikisi ùnne, dlo yó ñtē káh à wè nɔ.

25 Képah tēne, té sébéy wārki pè kō ne, pè kyì Felikisi kō, nê sɔkɔ-á à yo ne nkě:

26 «Ñmɔ Klode Lisyasì ye n tō sébéy mène á tyí, gběnyah yah tē-ò dí pèpey Felikisi. N wey me á tyí.

27 Dí nê-á mé n tekı mo á tyí yò, Nsyifunɔ sò me à tẽ, me n yah n kɔ̀ ñ kònmo-ńsahle. Nte máh noh ne Wrome tãh gbò mo yò-á ñne, ñmo ànê ní sràsyíbí me kyı à tẽ syı pé tyí.

28 Nte mé sò me ké tyí ne, mé pĩ tir nê yĩn-á pè toko à kɔ̀. Képah ye, mé à tẽ kyı pé tukey tükèpu tĩnkì tyí.

29 Képah soko ye mé pĩ ne, pãh me yékãble n pi Polele pé tyi kònsàhnó tyí yò, té képah tyí yò-á pè toko à kɔ̀. Té sépi pól soko, à náh tir yó ñtẽ pi nê-á yĩne ñ kònmonole, képah náh pi, ñ dahnmonole wòkònpèkè soko.

30 Képah náh, mé pɔ noh ne, pãh me yĩnvĩ yóle n dahbi ñ gbáhkì sò. Képah ye, mé núkú ñne n tekı n mo á tyí yò. Té nónó-á sò me toko à kɔ̀, mé me yo pé tyí ne, pè kyı ké yah yo áwo tyí.»

31 Képah soko, kãh yo sò sràsyíbí tyí, pè me kè pi sɛ. Pè kyı Pole tẽ à soko ñne lékãhne, fók à kyı de Antipatrisi kwil.

32 Dĩndalle, pè sèsèn nátãh kɔ̀ pè yò soko ñne, té pé téló me pé syı soko pé sràsyíbí wòkò ñgbẽ soko.

33 Sèsèn nátãh nópi-á fyò kyı de Polele Sesarı kwil, pè sébéy mène gběnyah yah tẽ-ò dí kɔ̀, té Polele ñ gbò dahbi.

34 Gběnyah yah tẽ-ò dí me sébéy mè kar, té Pole piki yah ne, gběnyah nê ney se ñne ni? Wãh noh ne Silisi gběnyah ney-á ñne,

35 à yo ñ tyí ne, nónó-á toko à kɔ̀, pãh kı pɔ gbí ñne, pãh kı pyè nóhnó pi ñ tyí. Té me yo pé tyí ne, pè à tẽ ñ yah vike n sah Yerodı tórí kéte soko.

## 24

### *Nsyifunɔ me n yah n kɔ̀ Pole tükè-ńsahle*

1 Té sèpìn kwál sókóntenɔ náh, sárká syínwilkıpu yòtẽ ñgbẽ Ananiyasi tiki pɔ Sesarı kwil, ànê yèwàhnì yısyóle, à tahlı wey pí-ò ñgbẽ yó tyí, nê-á pè n ye Tertulusile. Pè sò me pɔ Pole ye, gběnyah yah tẽ-ò dí Felikisi tyí.

2 Képah soko, pè me Pole ye yah, té Tertulusi me de wey soko, à n toko Polele n kɔ̀ ne ñkẽ, gběnyah yah tẽ-ò pèpey, yèvinı ñgbẽ nê soko-á péle kweyne yò, ñmo gbò yò soko-á kè we. Wãh ñ gběnyah yah tẽ palle sò, képah-á vınmono náhnáh dahbi ké soko.

3 Wãh n tɔ n sah n pi pépi tyí sò gbımegbí tãntãh pól soko, pãh n gbah n wekı ñ tyí képah yĩnne.

4 Té à ñ kékwe, à mó ñ níkí kwɔ noh pé tyí kwéy. Pé náh pé wey yò ko n pi, kè kɔ̀ kè n pi n pi ñ tyí gblóvyáhrıle.

<sup>5</sup> Nkě, dí nê-á yò, páh kè kyom̄ we ne, wǎh me pɪ tẽ soh soh nýân tyí kǒle. Wǎh me Nsyifunɔ yǒle n yíkɪ kèkǒyó pól sokɔ. Nmɔ-á n tẽ névye yahle, nónó-á n kɔ Nasaretɪ kwil Yesu wěkì yò, nê-á gbɪ náh kéle.

<sup>6</sup> Wǎh sò me n yah n kǒ Liyel ní-ńsah gbô dêl nítě pí-ńsahle, képah-á pé kǒ pé à tẽ. [Páh sò ne pé à tuke à yĩne pépi Nsyifunɔ tyi kǒnsàhnó tyi yónóle.

<sup>7</sup> Nte srásyíbi yòtẽ ñgbě Lisyasɪ-á pɔ à tẽ syi pé tyí gbùgbù,

<sup>8</sup> té ne: «Nónó-á ne Pole tyípinó náh me ple, pé kyɪ tɔkɔ à kǒ Felikisi tyí.»] Képah náh, Tertulusi tǒ ne, núkúnúkú ñmɔ nítě Pole piki yah ñ gblǒy, képah sokɔ, wǎh kɪ pĩ ne, tyi nónó yĩn-á pépi pɔ tɔkɔ à kǒ, gblɔ-á séle.

<sup>9</sup> Képah tẽne, Nsyifunɔ me dí wey sò so mɔ ne, sě-á kè we.

### *Pole-á ñ vyǎh kǒlɪ sǒ tukey sokɔ*

<sup>10</sup> Képah náh, gběnyah yah tẽ-ò dí me ñ gbò pɪ mɔ Pole tyí, à weyne à kǒ. Képah sokɔ, Pole me ne: «Mé pĩ ne áwɔ-á ápi no tukey tùkè-òle ké ye nálnáh-á yò. Képah ye, ní nɪ me yínnóle kɪ ní vyǎh kǒlɪ á yah sokɔ.

<sup>11</sup> Nmɔ dókónponole Yerusalemɪ sokɔ, ne mé pɔ Liyel gbilki, kè náh tǒnì kah sèpìn gbǒninóle. Áwɔ nítě kɪ fě ké níy tẽ, kɪ ké gbɪ pĩ.

<sup>12</sup> Pè náh ní we mé me yékâble n pɪ ñnî yó nítěne Liyel ní-ńsah gbô sokɔ, képah náh pɪ Liyel ní-ńtân vî sokɔ, képah náh pɪ kwil fí yó nítě sokɔ. Mé náh se mó tǒ tówú kurki mɔ tir yó nítě sokɔ.

<sup>13</sup> Té pǎh pɔ tɔkɔ nne n kǒ yò, tir nê me pé kɪ fě yo nê-á n wěkɪ ne gblɔ-á pé tyíyónó nópìle?

<sup>14</sup> Nte nê tẽ-á mé kɪ n yo n pi, képah ye yò, mé me tǒle n pɪ ní náh tǎn Liyel tyí wěkì mè yò, wěkì nê-á pépi ne gbɪ náh kéle. Nte tyi nónó pól-á wǎrkɪ tyi kǒnsàhnó ànê Liyel tẽntò syínyopu sébéynó sokɔ, ñmɔ sěno me sé pól yò.

<sup>15</sup> Nmɔ sǒnɔ-á me Liyel yò nê tyí sokɔ, pépi tɔ sǒnɔ me képah ó yò ne, népéplɔ ànê nétúkúnì pól lékyî-á kɪ yilki mɔ.

<sup>16</sup> Képah ye, mé me gbah tẽ ní fɔkɔ dal mɔ n kɔ Liyel yah ànê névye yah sokɔ gbímegbí, wényo-ńsah kěne.

<sup>17</sup> N pónó nê tyí-á mé yo yò, ye nálnáh sókóntenɔ náh ye mé pɔ Yerusalemɪ sokɔ, à pɔ ní kwil névye yohnɪ mɔ póle, té sárkánó wilki Liyel tyí.

18 Képah sɔkɔ ye sò pè pɔ we níne Liyel ní-ńsah gbô sɔkɔ, máh ní gblɔy tɔ sah gbí nêne. Tówú náh sò me níne, ànê gbrôgbrô yó ntê náh sò me n pɛ.

19 Té Asi gběnyah Nsyifunɔ yísyó wɔ sò me. Máh sò me tir yó pu pɛ pè we, pépi ye náhkɛ pɔ ásô, à pɔ tɔkɔ ní kɔ áwɔ tyí dò.

20 Képah náh pɛ, Nsyifunɔ nónó-á ásô yò, páh lésô ní tẽ kyɛ pé tukey tükèpu tĩnkĩ tyí, lékàh-à kɛ me we ní tyí, pè kè yo kè!

21 Tyínúké yó ó ye lésô mé yo gbăp pé tyí tukey tükèpu yah sɔkɔ ne nkê, máh sê ké yô ne lékyî-á kɛ n yilki n mɔ n pi, képah yĩn-á níne tukey sɔkɔ kweyne yò dé!»

22 Té kwil yah tẽ-ò dí Felikisi sò me Tẽ ñgbê Yesu wêkì dùkù pĩ yí. Káh pɛ sê, à tukey mè kur mɔ sah náh tĩn yô, té ne sràsyíbí yòtê ñgbê Lisyasɔ-à kɛ pɔ gbí nêne, páh kɛ pé tir mè yah wah.

23 Té me ne, sràsyíbí yòtê dí ñ syɛ n kyɛ Pole dah mɔ wòkònpèkè sɔkɔ. A mó ye à kɔ à ne n me ñ gblɔy yô kwéy. A káh ñ tyí névyé yĩni mɔ ñ pónyòhñnɔnɔle.

### *Pole Liyel wey yónóle Felikisi ànê Drusili tyí*

24 Sèpìn yísyó sókòntɛnɔ náh, Felikisi pɔ de ànê ñ kyɛ Drusilile. Té Drusilile, Nsyifu ney ye sò ñne. Képah sɔkɔ, Felikisi pè kɔ pè Pole ye yah, à pɔ Yesu Krista yô sê dùkù tyíle n yáh ñ tyí.

25 Nte Pole-á pɔ tyah n yáh gbɛ wêkì kɔ dùkù pèpɛy tyí yô gbí nêne, ànê gblɔy tẽnó tyí yô, ànê Liyel névyé pɔ n tuke dùkù tyí yô, képah sɔkɔ, tíkí Felikisi tẽ, à me yo Pole tyí ne, núkúnúkú tẽne, wáh kɛ fẽ n yuku, té páh pɔ wró we, páh kɛ tɔ yo mɔ ñ tyí.

26 Té ñ sônɔ sò me ké yô tɔle ne, Pole-á kɛ pé kɔ n pi póle; képah ye, à sò me ñne n tɔ n ye fárfár pè yáhkìle n yáh n pɔ ñne.

27 Pè ye nínó pɛ képah tẽ sɔkɔ sê. Képah náh, yòtê késán yó pɔ Felikisi swɔ tɔkɔ pè n ye Porsiyusi Fesitusile. Té Felikisi-á sò me ké tyí ne pé Nsyifunɔ dyó yí pɛ sê, képah ye à Pole sah wòkònpèkè sɔkɔ.

## 25

*Pole ñ gblɔy tyí dahbɛ Wrome kwiltām yòtê Sesar gbò*

1 Képah náh, gběnyah yah tẽ-ò Fesitusi\* pónó sèpìn tǒ-ò sòle Sesarı kwil soko, à dokò yuku Yerusalemı kwil.

2 Képah soko, sárká syínwilkìpu yòtām ànê Nsyifunò né-ngbno kyı n tyí ne ríkě, Pole-á tyítúkúni pı.

3 Té tyah ònne n gbah n ni ne, à n gblǒy ye pé tyí, à mó Pole kǒ à pò Yerusalemı kwil, pé n tyi sohlı n yah palle. Nte kègbı tẽ yò, yínvı ye sò pé n pı ne, pé à we ko mó wèkì yah.

4 Nte Fesitusi me pé syah ne, Pole-á me dahnmonole wòkònpèkè soko Sesarı kwil. Té péwò òtẽ tò náh tǒ n mo n pi pé syínsokò-nsah nénpó.

5 Nkě, pé yah tām nónó-à kı fě n tẽ n pi, pé péwò sò tẽ pé tiki yuku Sesarı kwil. Pole-à kı se me tyítúkú yó pı pé we, páh kı kyı nénpó, pé kı n tokò à kǒ.

6 Képah soko, Fesitusi náh tǒ tẽ mo nénpó à kah sèpìn kwártónò, képah náh pı, gbām yò soko, té n syı soko Sesarı kwil. Ké dındalle, à me kǒ tẽ tukey tükè-nsah soko, té tǔntò mó ne pé pò Polele.

7 Pole-á pò gbí nêne, Nsyifunò nónó-á sò wil Yerusalemı kwil, pé pò à mó gbı, té tyah lékàhle ònne n kǒ kèpékèyò tyi nahnáh soko. Té tir yó òtẽ náh me pé tyíyónó nópi soko, nê-á wèkı ne gblò-á séle.

8 Képah soko, Pole me tyah n gblǒy vyähle n kǒlı ne, pé náh tyítúkú yó òtẽ pı à de Nsyifunò tyi kònsàhnó tyí, képah náh pı Liyel ní-nsah gbò tyí, képah náh pı Wrome kwiltām yòtẽ Sesar tyí.

9 Nte Fesitusi wò sò me ké tyí ne, Nsyifunò pé yíngbíle n yo. Káh pı sě, à Pole syah ne, à se kı fě syı kyı Yerusalemı soko, n tukey kyı n tuke péwò yí yah nı?

10 Wáh yo sě, Pole me yo n tyí ne, Sesar tukey tükè-nsah yó soko-á péle yò, òmò tyí-á pé tukey yíne kè tuke. Nsyifunò-á yò, pé náh tyítúkú yó òtẽ pı pé tyí. Yòtẽ dí, òmò òtẽ tò pínnyínò-á me ké soko ó.

11 Nkě, pé tyí-à kı me kah, ànê pé me tir yó pı nê-á yíne kúnne, pé náh me yahle pé kúnó yò dò. Nte páh tokò péwòle n kǒ tyi nónó soko, gblò-à ríkène séle, ònı yó òtẽ náh fě pé gbàh de mó pé kǒ n pi. Páh me ké tyí ne, pé tyí tukey kyı n tuke Sesar tyí.

12 Képah soko, Fesitusi ànê n tukey tükèpu finkı me wě we. Páh tye, à me yo Pole tyí ne, wáh fyò Sesar yín yo te, wáh kı kyı òmò tyí Wrome kwil soko.

\* 25:1 25.1 - Fesitusile, Wrome ney ye ònne. Nmo ye sò Wrome kwiltām yòtẽ Sesar sah Nsyude gběnyah yah tẽ-òle.

*Akripa me Polele n piki n yah*

13 Sèpìn yísyó sókóntenó náh, yòtḗ dí Akripa ànê ò dósé Berenisi pò yah gběnyah yah tḗ-ò dí Fesitusi tyí, Sesarı kwil.

14 Pè kɪ sò sèpìn yísyó pɪ n pi nénpó. Kǎh pɪ sḗ, Fesitusi mó núkú Pole tyí we kô mɔ yǎh Akripa tyí ne nkḗ, Felikisi-á dí yó dah mɔ sah wòkònpèkè sòkò ásò.

15 Té pǎh pò yuku Yerusalemı kwil, sárká syínwìlkıpu yòtām ànê Nsyifunó yèwàhni-á me pò n tokò òne n kô pé tyí, té me kéle n yah n kô pé tyí ne, pé à mɔ kũ kũ.

16 Nte pǎh kè yo pé tyí ne, kè náh n pɪ sḗ pépi Wrome tǎn wḗkì sòkò. Pé náh wòkònpèkè sòkò neyne n mɔ kũne n kô, né pé náh wḗkìle à kô, à ò yo yo tḗ yo névyè yǐi yah, nónó-á tokò à kô.

17 Képah sòkò, kéne no me pò ànê péwòle ásò sòkò. Péwò náh sò me ké tyí ne pé tir mè sah mo. Képah-á, ké dīndal nṗne pé núkú yuku tukey tükè-nsah sòkò, té ne pè pò kéne dīne.

18 Péwò tḗ-á sò me n sò ne, névyè nónó-á tokò à kô, pǎh kɪ pò tyítúkúnì òngbò duke duke kwǎh n pi ne, sépi-á à pɪ. Nte pǎh pò, kè náh pɪ sḗ.

19 Pǎh me pò yékâb yísyó óle n pɪ òne pé yḗngbḗ Liyel wḗkì tyí sòkò ànê Yesu yó tyí sòkò nê-á lésò ku, té Pole tḗ me n yo ne, wǎh me min sòkò.

20 Kǎh pɪ sḗ, péwò náh sò pǐ, pǎh ne yǐ mè dùkù wah n pi sḗ. Képah sòkò, pé me Pole piki yah ne, à se kɪ kyı Yerusalemı kwil, ò tukey kyı tuke nénpó nı?

21 Nte Pole me ne, pǎh me ké tyí ne pé tḗ ásò, pé tyi yah mó pò kyı wah Wrome kwiltām yòtḗ Sesar tyí. Kǎh pɪ sḗ, pé me ne pè à dah mɔ sah wòkònpèkè sòkò, fóó kè pò ò ò tékínmòno tyí Sesar tyí.

22 Képah sòkò, Akripa me yo Fesitusi tyí ne, péwò tɔ-á me ké tyí ne dí mè pò ò tyi yǎh pé noh. Képah tḗne, Fesitusi me ne nkḗ, nsò nṗe ó sòkò, wǎh kɪ pò ò tyi yǎh à kɪ noh.

23 Dīndalle, Akripa ànê Berenisi pé mɔ wil yòtḗrí flo sòkò, té sràsyíbì yòtām òngbò ànê kwil né-òngbò me pé sò tḗ, pè yuku tukey tükè-nsah wòkò sòkò. Képah sòkò, Fesitusi pé kô pè pò Polele.

24 Wǎh pò, Fesitusi me de wey sòkò té ne, yòtḗ dí Akripa, òmɔ ànê nónó pól-á me péle ásò sòkò yò, pé pól-á me dí mène n yah kè. Nsyifunó tówù pól-á pò wil pé tyí ò tyí sòkò



Yerusalemi, ànê fóó ásô tɔ sɔkɔ. Páh me gbo mɔ tũ ne, à náh yĩne sàhnóle min sɔkɔ pólle.

<sup>25</sup> Nte péwɔ tẽ wɔ náh tir yó we ò tyípínì sɔkɔ, nê-á yĩne ò kònmɔnɔle. Té wáh fyò ò gblɔy tyí dahbi Wrome kwíltám yòtẽ Sesar gbò, képah-á pé ne, páh kɪ à tekɪ mɔ à kɔ.

<sup>26</sup> Té tir nê tẽ tótó-á pé kɪ wárkɪ, kɪ à tekɪ mɔ n pi Wrome kwíltám yòtẽ Sesar tyí, pé náh me képah pĩ. Képah-á pé pɔ òne pé tyí ànê òmɔ nítẽ tɔ tyí ò wahle yòtẽ dí Akripa. Páh ne, páh kɪ à piki yah te, pé tẽ we tir yó we n wárkɪ ò tyí sɔkɔ, pé à tekɪ n mɔ Sesar tyí.

<sup>27</sup> Péwɔ tẽ tyí ké yah náh, à wòkònpèkè sɔkɔ ney tekɪ mɔ Wrome kwíltám yòtẽ tyí, té à náh mó tɔ tẽ tyi yah we yo tekɪ mɔ ò tyí, nónó yĩn-á pè tɔkɔ à kɔ.

## 26

*Pole-á ò tyípínì yáh sɔ yòtẽ dí Akripa tyí*

<sup>1</sup> Képah sɔkɔ, yòtẽ dí Akripa yo Pole tyí ne, wey-á me ò tyí, wáh kɪ fẽ ò vyáh kòlɪ. Wáh yo sɛ, Pole me ò gbò yɔ, té tyah ò vyáh kòlìnóle pé tyí ne nkẽ,

<sup>2-3</sup> yòtẽ dí Akripa, òmɔ-á pépi Nsyifunɔ tyídí pólle n pne ànê tyi nónó yó-á pè yékâble n pi. Képah-á, nìvìnì ògbè-á kéle péwɔ tyí kweyne, kɪ pé vyáh kòlɪ tyi nópi pól sɔkɔ, Nsyifunɔ-á n tɔkɔ péle n kɔ tyi nónó sɔkɔ. Páh òne n ni, à ò gblɔy ye, à mó noh pé tyí.

<sup>4</sup> A tɔkɔ pé kètɛnpíkí gbí dùkù tyí, páh sò me pé minne n pi dùkù nêne pé kwil tãn wró ànê Yerusalemi sɔkɔ, Nsyifunɔ pól-á képahle n pne.

<sup>5</sup> Páh péle n pne di mónóle. Páh kɪ me ké tyí, páh kɪ fẽ pé kèdùkù yo nítɛne ne, Farisiyẽ névye ònkɪ sɔkɔ ney-á péle, ònkɪ nê Liyel wèkì tyí-á kah tah.

<sup>6</sup> Nte Liyel-á ò vyáh tɔkɔ pé náh tãn tyí nê tyí sɔkɔ, péwɔ gbò sàhnó-á me ké yò, képah yĩn-á péle tukey sɔkɔ núkúnúkú yò.

<sup>7</sup> Té pépi yìkìnì gbɔninó gbò sàhnó-á me ké yò ne, káh kɪ n pi n dal n mɔ n pi, té me gbah tẽ à Liyelle n gbilki ké lékâh, ké gbìntɔ. Képah yò gbò sàhnó yĩn-á Nsyifunɔ tɔkɔ péwɔ kɔ yò, yòtẽ dí Akripa.

<sup>8</sup> Nte kwáh nê se pi, té ké fɛnsyino tɔ kah tah pé no Nsyifunɔ tyí ne, Liyel-á lékyíle n yilki n mɔ ni?

<sup>9</sup> Péwɔ nítẽ tɔ-á sò me n sò ne, páh yĩne pé tyi pól pi, pé Nasaretɪ kwil Yesu yĩn yò sɛnó yah kɔ.

10 Sárká syínwìlkìpu yòtām-á ké wěkìle pé kō te gbí nêne, páh Yesu yō sēpú náhnáh tē dah mō wòkònpèkè sòkò. Té pàh sō sò péle n ko n mō fyéle, péwò kè fē n syi. Képah-á pé pi Yerusalemi kwil.

11 Páh sò me n de n kō pépi Nsyifunò Liyel ní-ńtân vì sòkò, à Yesu yō sēpúle n tē n fōh, té me ké tyí ne pé pè kyí mō, pè Yesu yō sēnó yal mō. Té pé fòkò vyáhnkàhnmonò tē tyí péle, páh nkēne pé nyáh sō ò kyí péle n fōh kwlókáhkínò tò sòkò.

12 Sē-á sō yóle, sárká syínwìlkìpu yòtām me tēnweno ànê wěkìle pé kō, pé yuku à n yuku Damasi kwil.

13 Nkē, yòtē dí Akripa, páh sò me wěkì yō gbìntō pòle, té me kyòò yó we kè wil yínyō, nê-á piki kal gbìne, à pò kwe péwò ànê pé wěkì kómú yō pèrr, à pé mō gbì.

14 Képah tēne, pé pól syikùlì sètáh té péwò me yínpò yó noh kè me n yo pé tyí Yebre wey sòkò ne nkē: «Sole, Sole, kwáh nê pi té á nne n fōh sē? Ngbò gbò nê-à yahle náh vínóle, képah ye n kwò dé!»

15 Káh pi sē, pé me piki yah ne, nê se òmòle ni, Tē ògbē? A me yo pé tyí ne: «Yesu ye òmòle, nê-á á n fōh.

16 Nte yuku n yin á gbyèh yō. Máh ní gblòyne ò wěkì tir nê yinne, képah we yò: Mé ne á pi ní tònplè. Sō-á á we nne yò, á kù kéle n yah n yo n kō, à tahlì tyí nónó tó-á mé kù pò ò wěkì n pi náhle.

17 Mé kù ò pwah mō wilki Nsyifunò ànê kwlókáhkínò névyè gbò, pépi nónó tyí-á mé n tekì n mō ále.

18 Mé ále n tekì n mō pé tyí ne, á kyí pé yí yikù, pè kō pè wil fěntú sòkò pè pò kyòò yah. Pè mó wil sètàn yòtē yōru sòkò pè pò Liyel tyí, pé tyípèl kō sè yō mō pè kō, pè mó kyí tē-nsah we Liyel wēnpì wró, nónó-á me Liyel tyí yō òmò yō sēnó yinne.»

19 Pole-á Tē ògbē Yesu welò nòpi yo te, à ò syi yo Akripa tyí ne nkē, yòtē dí, páh tyi nónó noh, té tyi nónó we wěkínó mè sòkò nê-á n wil Liyel tyí, pé náh yahle sé pínóle.

20 Té Damasi tãh ògbò tyí-á pé yo séle. Képah náh, pé me sè yo Yerusalemi tãh tyí, ànê Nsyude gběnyah tãh pòlle, à tahlì kwlo kwlo téló tyí. Páh kè yo pé pól tyí ne, pè pé nno vi mō, pè mó Liyel wěkì tē. Nkē, pè tyíplèlè n pi, nónó-á n wěkì ne gbì yō, pé nno-á vi mō.

21 Té képah yō sòkò-á Nsyifunò tē péle, gbí nê-á sò pé me Liyel ní-ńsah gbò sòkò. Páh sò me n yah n kō pé kònmò-ńsahle.

22 Nte Liyel yòhnìnmmòṅ gbò yõ, páh me min sòkò à pò syi kwey tyí. Té páh tǒ ásò sòkò yò, gblò yo yinne tahbi ànê yãm tãn tyí. Liyel tǔntò syínyopu ànê Moyisi-á tyi nónó tyí yo ne, sǎh kɪ pò n pɪ n pi, pé nǎh tir yó ntě yo kah mǒ sépi yõ, sépi nónó-á yo ne nkě:

23 Liyel ney yáhntòkòṅ-á kɪ yèvyǎhrɪ pɪ kɪ ku. Té ñmò-á kɪ n pɪ n pi négbenne, kɪ yilki mǒ lékyí sòkò. Wǎh kɪ pò pwáhnmmòṅ tyí yo wah kyòò pépi Nsyifunò tyí ànê névye téló tyí.

24 Té Pole-á me ñ tyi yah yónó sòkò sě me ñ vyǎhle n kǒli, Fesitusi wekɪ páhpáh ñ yò ne nkě, ñ yògbèkè nǎh me, ñ kǎrn pínó kérékè-á ñ yògbèkè yuku.

25 Nte Pole me yo ñ tyí ne nkě, yòtě pèpèy, pé yògbèkè nǎh yuku dé! Gblò ànê yèsrey welò ó kókó-á pé n wekɪ.

26 Nkě, tyi nópi sòkò yó ntě nǎh pɪ sèfin sò sòkò, pé sǎnó-á me ké yõ ne, yòtě dí Akripa ntě pínó-á me sé sòkò dò. Képah-á, pé kǒ pé kéle n yo n dal n mǒ ñ yah sòkò nìsǎhle.

27 Nte yòtě dí Akripa, à kó sě Liyel tǔntò syínyopu welò yõ ni? Péwò tǔ-á pɪ ne wǎh sě sé yõ.

28 Képah sòkò, Akripa me yo Pole tyí ne, kǎh nǎh kɪ ne pé mo kwéy, wǎh nǎhkɪ núkú péwò vi mǒ pɪ Yesu yõ sě-òle.\*

29 Pole me yo ñ tyí ne, kǎh kɪ se pɪ núkúnúkú ò, kǎh kɪ se mo ò, péwò tǔ-á me Liyelle n ni ne, kè káh yin ñmò ntě ó tyí, nkě nónó pól tǔ-á me pé welòle n nohnɪ kweyne yò, pé pól pɪ péwò tyí kǒle, Yesu yõ sǔpúle, té kǎrn wò káh mǒ pépi tyí.

30 Képah nǎh, yòtě dí Akripa yuku, ànê gběnyah yah tǔ-ò dí Fesitusile, ànê Berenisile, à tahlɪ nónó pól-á sò me kǒntǔnóle péle.

31 Nte pǎh wil, pè tyah n yo wě tyí ne, dí mè nǎh tir yó ntě pɪ, nǔ-á yine ñ kònmòṅle, képah nǎh pɪ, ñ dáhnmmòṅle wòkònpèkè sòkò.

32 Képah sòkò, Akripa me yo Fesitusi tyí ne, dí mè à sò me ñ tukey tyí dáhbí-nkěne Wrome kwiltám yòtě Sesar gbò sòkò, wǎh yine finmmòṅle.

## 27

### *Fesitusi ne pè sòkò Polele Wrome kwil*

\* 26:28 26.28 - Wró mè sòkò, névye sòṅ me sé tyí tyíle. Túkù sòṅ sòkò, kó ye Akripa Polele n ko. Túkù sòṅ sòkò mó, Pole wey ñ ni tǔ.

<sup>1</sup> Képah sɔkɔ, kǎh pɔ sah núkú yõ ne, áyáh kɪ yuku n pi Wrome kwíltám yõtë ñgbë Sesar tyí Yitalı gbënyah sɔkɔ, pè me Pole ànê wòkònpèkè sɔkɔ névyè yísyó dahbı sràsyíbı yõtë yó gbò, ne à sɔkɔ ále. Dí mè yĩn ye sò Nsyulyusile. Nmɔ ye sò Wrome tǎn sràsyíbı tĩnkı yó yõtëne nê-á pè n ye Wokustile.

<sup>2</sup> Képah tǎne, á de Adramiti kwil krótókè ñgbë yó sɔkɔ, à sɔkɔ. Krótókè mè kɪ sò n syõ n pi Asi gbënyah krótónè yĩn-ńtǎn sɔkɔ. Arisitarkı sò me ále, nê-á n wil Masedonı gbënyah kwil yó sɔkɔ pè n ye Tesalonikile.

<sup>3</sup> Ké dındalle, á kyı de Sidõ kwil. Nte Nsyulyusi sò me Pole tǎnó plé. Kǎh pı sǎ, à wǎkılé Pole kǔ ne, à kyı yah ñ kódıbí tyí, pè kǔ pè à we n yohnı n mɔ.

<sup>4</sup> Képah náh, áyáh yal nénpó, yáhkı sò me ále n fwo. Kǎh pı sǎ, á syõ gbënyah yó gbòpɔ pè n ye Syiprile, pne yɔ nıyó. Képah sò me yáhkı yah kǔ sah á tyí kwéy.

<sup>5</sup> Té yõ sɔkɔ pne yɔ sɔkɔ, à syõ Silisi gbënyah ànê Pǎnfilı gbënyah gbòpɔ, à kyı tiki Mira kwil, Lisi gbënyah sɔkɔ.

<sup>6</sup> Áyáh me nénpó, Wrome tǎn sràsyíbı yõtë me Alekisǎdri kwil krótókè ñgbë yó we, nê-á kɪ sò n yuku n pi Yitalı\* gbënyah sɔkɔ. Á me á dah mɔ képah sɔkɔ.

<sup>7</sup> Á sèpĩn náhnáh pı, té á náh sò me fǎ n to súú. Á yèvyǎhrı kah pı, té pyë yĩni tǎ Knidi kwil dé-ńsahle yúkey. Nte yáhkı-á sò me ále n fwo nénpó tĩn yúkúnóle sǎ, gbënyah nê-á pè n ye Kretile pne yɔ nıyó, á syõ képah dónmɔ-ńsah yó gbòpɔ pè n ye Salmonene. Nénpó sò me yáhkı yah kǔ sah á tyí kwéy.

<sup>8</sup> Á yèvyǎhrı pı nénpó sókó-ńsah sɔkɔ, à kyı yĩni tǎ Kretı fı yó sɔkɔ pè n ye Krótónè yĩn-ńsah pèpeyne. Lası kwil me nénpó tnô.

<sup>9</sup> Légbıne, wró náhnáh sò me sɔkɔ te. Té Nsyifunɔ fılsǎhkı sò níkı tǎ gbı-á sò me sɔkɔ te sǎ, yáhkı sò me kǔ. Kǎh pı sǎ, krótókè tónó sò me pı dlolé. Képah ye, Pole me ké gbáhdyáh di pé tyí ne,

<sup>10</sup> pé kódıbí, péwɔ-á kè we te ne, krótókè tónó náh tǔ fǎ n yõ n sɔkɔ n pi, né dlo náh we ké sɔkɔ. Té kè náh n yĩn n pi krótókè ànê ké sɔkɔ vyó yíkínó képèkè ó tyí dé, pépi to min-á kɪ n syah n wũ ké sɔkɔ.

<sup>11</sup> Nte sràsyíbı yõtë dí sò me sǎ krótókè tó-ò dí ànê ké yõtë wey yõ sɔkɔ, à kal Pole tyíle.

\* 27:6 27.6 - Yitalı gbënyah sɔkɔ ye Wrome kwille.

12 Tέ Kretu gběnyah krótónè yín-ńsah mè náh sò me ple kwòvurì gbíne. Képah ye, névye kan sò me ké tyí ne, kàh kú fě n pì n pi, pé yīni tē ké krótónè yín-ńsah yó sòkò pé n ye Fenikisile, pé kyi kwòvurì gbí pì nénpó. Nénpó sò me Kretu gbìyiki tìnne.

*Yáhpékè yó kòńóle pne yó sòkò*

13 Képah sòkò, yáhkí yó tyah n kō n wil fálfál yó nuyó tìnne. Képah tēne, pé sò me n sō ne páh nê yah tòkò, kàh kú fě pì, té me krótókè yīn mọ mọ vyóngbilkì dọkò mọ, krótókè kō kè tyah n sòkò, à kyi tọrì sòkò Kretu gběnyah gbòpọle.

14 Dō kwéy, yáhpékè yó kō wil ymọ yō à tiki pọ mì á sòkò. Yáhkí mè yīn ye sò Yerakilōne.

15 Kè pọ á krótókè tòkò n yuku gběntēnáhle, á náh tē we ké yah kō. Á me á gblǒy fin mọ kè kō.

16 Kè kyi sòkò ále gběnyahpír yó tñò pé n ye Kodale, pne yó nuyó. Kéne gběnyah sò me yáhkí yah kō sah á tyí kwéy. Kàh pì sě, krótópír nê-á sò me tóhnmònsàhnóle krótókè ñgbě tyí, á gbah tē, à képah we yọrì dah mọ ké sòkò yèvyährile.

17 Ké dáhnmòntenọ náh, á mọle krótókè ñgbě pukubi kore vi ne kè káh kwọkì. Tέ tíkí-á sò me á tē ne á káh kyi n nir Libi gběnyah sèmiyáhrì sòkò sě, képah ye á krótókè yòtah flo kù, sépi nónó gbò yō-á ñkēne yáhkí kéle n tu n mọ súú, té me á gblǒy fin mọ yáhkí kō kè n yuku ále.

18 Dīndalle, yáhkí sò me yō sòkò ále n kah fwo sě, kàh pì sě, pé krótókè tókóbí wilki min dah mọ pne yó sòkò.

19 Sèpìn tǒ-ò sòle, krótókè tópu tọ me ké tònpiyó túkù wilki ké sòkò, à min dah mọ pne yó sòkò pé gblǒy.

20 Kè sò me pì sèpìn náhnáhle, té á náh gbì we yah yíne, képah náh pì, ñwǒ kèpyele. Yáhkí sò me peke tē sě, fóó á náh tǒ me pọ n sō ne, áyáh kú pwah.

21 Kàh pì sě, á sò me sèpìn náhnáh pì yōke yó-ńkēne. Képah sòkò, Pole me yuku yīn no pól nuyó, té ne ñkē, pé kódíbí, páh sò yíne pé sah péwọ yóré yō, pé mó wū Kretu gběnyah. Képah-à sò me pì, páh dlo nónó gbal, ànê yíkínó nónó-á pì pé tyí yò, sè náh náhkì pé yīni n tē n pì dò!

22 Nte núkúnúkú, páh kéle n yah n kō pé tyí ne, pé pé nì syāh, ñkē ñnì yó ñtē yō náh yī n pì à wil krótókè tyí sòkò.

23 Nkē, Liyel nê tyí yō-á péwọle pé tǒle n pì ñ tyí, ñmọ yínyō tònpi yó-á wil pé yah lékàh mè sòkò,

24 té yo pé tyí ne: «Káh tíki pi, Pole! Á kɪ n yĩn n pi Wrome kwiltãm yõtẽ Sesar yah sɔkɔ, kɪ á yótyí yo ñ tyí. Té névye nónó pól-á me n yuku ále krótókè sɔkɔ, áwɔ gbò yõ, pé sɔkɔ yó ntẽ yõ náh n yĩ n pi.»

25 Képah-á, péwɔ Pole sɛnó-á me Liyel yõ ne, káh kɪ n pi n pi sɔ-á ñ yĩnyõ tɔnpi yo kéle pé tyí. Képah-á, pé pé ni syãh pé kódibí.

26 Nte krótókè tẽ wɔ-á kɪ kyɪ n yɪkɪ n pi pé tyí yo niyó kwil yó sɔkɔ dé!

27 Légbíne, yáhkí sò me yõ sɔkɔ ále n fwo n yuku sɛ pne yo yõ, nê-á pé n ye Mediteranɛ, fɔó à pɔ syɪ ké sèpìn gbõnyáh-ò sò lékáh tyí. Té lenɪ mónó wró sɔkɔ, krótókè tópú sò kè sò ne, áyáh me de n te kènkwáh yõle,

28 té yónti sãh sãh kwáh min dah mɔ yo sɔkɔ, té kè we ké súkúlinó me métérnó yõgbãm pó kwárninɔle. Áyáh yuku yahle kwéy, pé tɔ kè min dah mɔ, té kè we ké súkúlinó me métérnó túkúrí pó kwártɔnɔle.

29 Pè sò me tíkile n pi ne, krótókè káh pɔ kyɪ syɪ dyêh yisyó tyí, kè yɪkɪ. Képah ye, pé krótókè yĩn mɔ mɔ vyóngbil nyêh dah mɔ krótókè náh ñinne, té me tyah dálnó óle n deki.

30 Nte krótókè tópú sò me n yah n kɔ tó-ńsahle. Káh pi sɛ, pé krótópír tiki mɔ yo yõ, té ne páh ne pé krótókè yĩn mɔ mɔ vyóngbil dah mɔ krótókè yah ñinne.

31 Képah sɔkɔ, Pole me yo sràsyíbí ànê pé yõtẽ dí tyí ne nkẽ, díbí nópi-à kɪ wú-ńkẽne krótókè sɔkɔ, pépi náh tẽ we n pwah n pi dé!

32 Képah sɔkɔ, mɔ nónó-á sò tẽ sah krótópírle, sràsyíbí núkú sépi kòlɪ mɔ kè kɔ kè sɔkɔ.

33 Képah náh, tyah-á pópó n dal, Pole kè yah kɔ no pól tyí ne nkẽ, pé yòke yõ. A ne nkẽ, ké sèpìn gbõnyáh-ò-á kweyne yò, pé yáh-ńsah me tyɛ tẽ pópó, pé náh me fẽ yòkele n yõ.

34 Nte yòke vyáh-á mó tɔ me pé min pwáhnó tyí sɔkɔ. Képah-á, páh kéle n yah n kɔ pé tyí ne, pé yòke yõ. Nkẽ, pé sɔkɔ ney yó ntẽ yòyén pó núkú fyé náh n mɔ n pu n pi.

35 Képah yóntenɔ náh, Pole búrn tɔkɔ, té weki Liyel tyí no pól yí yah, té kè kwɔ à tyah n tah.

36 Képah sɔkɔ, no pól ni sũ, pé tɔ me yòke yõ.

37 Névyé nónó-á sò me krótókè mè sɔkɔ, á pól sò me népì légbãm tikitɔní pó gbãm pó kénúkòle (276).

38 Á pól-á yõ tɔ te gbí nêne, á sèmukɔ wilki min dah mɔ yo sɔkɔ krótókè kɔ kè pi fáhfáh.

*Krótókè tyí yíkínóle pne yo soko*

<sup>39</sup> Képah tēne, tyah-á pɔ dal krótókè tópu náh sò me kènkwhàh yò yah pĩ. Páh pɔ yo kéngbárkì yó kyomì we, nénpó me wényĩn-ńsahle, pè ne páh kɪ yuku yah nénpó krótókèlè, kàh kɪ fě n pɪ n pi.

<sup>40</sup> Képah soko, pè krótókè yĩn mɔ mɔ vyóngbìl de mɔ sè kɔ sè wũ pne yo soko. Té núkú yò soko krótókè yah tē tē yĩ tɔ wah mɔ, ké yah tē yĩnne. Té me fwɔ toh yĩnyò, krótókè yah ùnne, yáhkí kɔ kè kéle n tu n mɔ, té pé yah mɔ à yo kéngbárkì mènne n yĩkɪ.

<sup>41</sup> Nte pè kyɪ yĩni tē yóntáh sèmìyáhrí fĩ yó tyí, à nir ké soko. Krótókè yah ùn sò me kyɪ di sèmìyáhrí soko, fóó kè náh me fě n yike, té níkwíl me ké náh ùnne n mɪ n kwɔkɪ n pɔ.

<sup>42</sup> Képah soko, sràsyíbí sò me n yah n kɔ wòkònpèkè soko névyè kònmo-ńsahle. Tíkí sò me pè tē ne, pè káh pɔ n yò n wil n to n pwah.

<sup>43</sup> Nte sràsyíbí yòtē dí-á sò me ké tyí ne, pé Pole pwah mɔ sē, à pè yĩni mɔ képah pínóle. Té ne, yo yònpnèpu ñgbò yoko de yo soko, pè kènkwhàh yòle n yĩkɪ.

<sup>44</sup> Té me ne, no téló sésárno tɔko, képah náh pɪ, krótókè kwókínóle, pè dɔko sépi yò, pè ne n yò n yuku. Sē ye kè pɪ, té no pól yĩni tē kènkwhàh yò soko krómkróm pé vyele.

**28***Pole-á nê pɪ gběnyah yó soko pè n ye Maltile, pne yo nyó*

<sup>1</sup> Képah soko, áyáh pwah sē, á kè noh ne pne yo nyó gběnyah mē yĩn-á Maltile.

<sup>2</sup> Kéne kwil tãn me á tō sah tē yíí palle. Té pũ-á sò me n pɪ, té vɪrɪ me n pɪ sē, pè me nyàh mɔ tĩí á pól kɔ á me tuke mɔ tē n wne.

<sup>3</sup> Képah soko, Pole-á kyɪ lésópì kwel ne pé pɔ mɔ nyàh soko, nyàh swòò-á kyɪ sé tyí, wáhnpo yó wil sé soko à Pole kɔ, fóó à toh mɔ ñ gbò tyí.

<sup>4</sup> Kwil mē tãn-á wahy we tóhnmònole ñ gbò tyí sē, pè tyah n yo wē tyí ne, tòtò náh me ké soko pólle, dí mè-á nékókè mɔ yah. Wáh sénsò pwah pne yo gbò soko ó, ñte pépi sétò nê-á gbile n wah, képah tē wɔ náh à sah n pi min soko dé!

<sup>5</sup> Képah soko, Pole wahy mē mir dah mɔ nyàh soko. Té syéhéh kwéy nítē náh kyɪ Pole wil tyí.

<sup>6</sup> Té kwil tãh sò me syíkíntěnole n pi ne, dõ páh ki à we à ki me tyah n sě, képah nãh pi, ki syki n ku n pi nénpó swo. Nte páh képah syki tě wrétété, pè pɔ pĩ ne, pèkè yó ntě nãh à no n pi. Kãh pi sě, pè pé vyěy vi à tyah n yo ne, tò yó-á nne.

<sup>7</sup> Té nýãh soko-á sò ále, fí yó sò me nénpó tnô, nê-á pne yo niyó gběnyah mè yòtě dí tyíle. Kéne dí yĩn ye sò Publiyusile. Nmo me á tã sah tě palle ñ kódíbí sã, té á kã á twah ñ tyí à sèpìn tǒnì pi.

<sup>8</sup> Té kéne dí sú sò me yam pèkì yõ. N wil sò me vyãh, té ñ foko to me kye. Képah těne, Pole me kyí yah ñ tyí, té ñ gbãh sah ñ yõ à Liyel ni ñ tyí, à à de mo.

<sup>9</sup> Képah nãh, kéne kwil yámpú téló to me pɔ Pole tyí, té pɔ dénmono we.

<sup>10</sup> Kãh pi sě, á yõ yõ nénpó soko kègbule. Té áyáh pɔ n tyah sókónóle, yĩ nóno yétô-á sò me á tě, pè sé pólle á kã.

### *Pole yĩntěnole Wrome kwil*

<sup>11</sup> Képah nãh, nǔwǒló tǒnó sókónteno soko, á me de soko Alekisãdri kwil krótókè ñgbě yó soko, nê yĩn-á kènĩnĩne. Képah sò me kwòviri gbí tyénó syki tě Maltı gběnyah soko.

<sup>12</sup> Ayáh kyí yĩni tě Sirakusi kwil, á tě nénpó à sèpìn tǒnì pi.

<sup>13</sup> Ayáh yal nénpó, à tyah n tori n yuku krótókèle yo vyãh tyí, pópó à kyí de Wregbyo kwil. Ké dindalle, yáhkí kã wil á nãh ñinne à pɔ. Kãh pi sě, sèpìn níni wró, á yĩni tě Pusolı kwil, té wil krótókè soko.

<sup>14</sup> Ayáh kyí nénpó, á kyí Yesu yõ sěpú yísyó we. Pépi me á ni, á kã á wũ à sèpìn kwãrnino pi pé tyí. Képah nãh, á soko Wrome kwil.

<sup>15</sup> Té Wrome kwil Yesu yõ sěpú-á fyò á pínó noh, pé túkù pɔ á yohnu, fóó Apyusi yòhtàhkì soko; pé túkù mó pɔ á yohnu fí yó soko pè n ye Népãn twáh-ńtãn tǒnĩne. Pole-á fyò pè we sě, à weki Liyel tyí, ànê ñ ni sũ.

<sup>16</sup> Képah těne, áyáh yĩni tě Wrome kwil, pè ké wěkile Pole kã à kyí tě ñ tyí wòkò soko, té sràsyí yó kã à nne n kyomı.

### *Pole Liyel wey yónóle Wrome kwil*

<sup>17</sup> Képah soko, sèpìn tǒnì-á soko, Pole Nsyifuno yah tãm ye ñ ñinne. Pãh pɔ tuke mo, à yo pé tyí ne, pé no, pé nãh sénsõ tir yó ntě pi de pé no Nsyifuno tyí, pé nãh pé nãh tãn wãl dël pi, ñte pè pé tě Yerusalemı soko, té pé dahbı Wrome tãn gbò soko.



18 Nte Wrome tǎn-á pé piki yah te gbí nêne, pè náh pé tyípíní yó ntě we, nê yīn-á pé yīne pé ko mɔ. Kǎh pɪ sě, pè me ne páh péle n fin n mɔ.

19 Té Nsyifunɔ me képah yahle. Képah-á, pé gbò yíí náh, pé me pé gblɔy tyí dahbi Wrome kwiltǎm yòtě Sesar gbò. Nkě, tókónkɔnɔ tě wɔ náh pé ne pé tɔkɔ pé no Nsyifunɔ kɔ dé!

20 Képah yīn-á pé kɔ pé kè yah kɔ ne, pé pè we, pé mó yáhkì yǎh péle. Yisrayel tǎn gbò sàhnó-á me pwáhnɔ-ò nê yò, ñmɔ yīn-á kárn nópìle mónóle péwɔ gbǎn sɔkɔ yò.

21 Képah sɔkɔ, pè me yo Pole tyí ne, sébéy yó ntě náh wil Nsyude gběnyah, à pɔ pépi tyí ñmɔ Pole tyí sɔkɔ. Pé no Nsyifunɔ sɔkɔ yó ntě náh mó tǔ wil nénpó, à pɔ tir yó yo pé tyí ñ tyí sɔkɔ, képah náh pɪ, à ñ yípo yo pépi tyí.

22 Nte pépi-á pǐ ne, wěkì nê sɔkɔ-á ñne, páh me kéle n fwo ywɔ ywɔ pól sɔkɔ. Képah-á, ñmɔ sɔnɔ-á nêne, páh me ké tyí ne pé kè noh ñ vyǎh sɔkɔ.

23 Képah tēne, pè me wě wénó yòh mɔ wě tyí Polele.

Lésō-á pɔ nɔ, wǎn tǔ mɔ pé wǎnó yò, à pɔ Pole tyí ñ twáhntě-ñsah sɔkɔ. A me tyah à Liyel tǔrí tyíle n yo n wah pé tyí, à tɔkɔ séngbɔ tyí, pópó à pɔ nɔ níví tyí. A sò me de Moyisi tyi kònsàhnó ànê Liyel tǔntò syínyopu welɔ sɔkɔ, à Yesu tyíle n yo pé tyí ne, pè kè fě syi.

24 Képah sɔkɔ, túkù ñ tyi yónó fě syi, ñte tókù mó sè yahle.

25 Nte páh tě wɛkɪ sah kwɔ núkú yò, té n karkɪ gbí nêne, Pole tǔ tyínúkú yó yo pé tyí ne, gbi-á Liyel Mirki wey mène, nê-á lésō Liyel tǔntò syínyo-ò Yesayi yo pé náh tǎn tyí ne níkě:

26-27 «Kùkùtǎhkì me de no nópì nno sɔkɔ.

Pè me pé níkíló tah tǔ,

té pé yí vike sah;

ne níkě pé yí káh kwáh yó ntě we,

pé níkíló káh tir yó ntě noh,

pé nno kɔ sè pɔ n ye kùkùtǎhkì pínóle,

pé mó vi mɔ ñmɔ Liyel wěkì tě,

ní kɔ mé pè we pwah mɔ.

Képah ye, kyɪ n yo pé tyí ne,

páh kɪ n nohnɪ tě wɔle, té pè náh ké tyí yah we n pi.

Páh kɪ n yah dyěh sě yò, té pè náh kwáh yó ntě we n pi.»\*

\* 28:26-27 28.26-27 - Yah n te Yesayi 6.9-10.

<sup>28</sup> Képah yóntɛnɔ náh, Pole tǒ yǒ sɔkɔ yo pé tyí nɛ: «Yé pǎ nɛ, Liyel-á pwáhnɔnɔ wɛy tekɪ mɔ névyɛ tɔ tyí, nónó náh pɪ Nsyifunɔlɛ. Pépi tǔ wɔ kɪ kè noh n pi.» [

<sup>29</sup> Wǎh képah yo sǎ, Nsyifunɔ yuku sɔkɔ, té mɛ yékâblɛ n pɪ n yuku kápékèyô pé wǎ wró.]

<sup>30</sup> Képah náh, Pole ye nínó tǔ ò wòkò sɔkɔ, wǎh sò nê tɔkɔ de tǔ. Nónó pól-á sò n wil n pɔ ò tyí, à sò mɛ pé pólle n tǔ palle.

<sup>31</sup> A sò mɛ Liyel tǔrí tyíle n yo névyɛ tyí, té mɛ Tǔ ògbǎ Yesu Krista tyíle nolɛ n kwɔ nìsǎh sɔkɔ. Nnî yó rítǔ náh sò mɛ ò yahle n kǒ ké pínóle.

## Pole sébéy tékínmɔnɔle Wrome tãn tyí

*Tyàh-nsah weyne*

Liyel ye Pole yah wilki ne à pi Yesu tẽntò névile nê-á kɩ Nìvìnì tirlɛ n yo névye tyí nónó náh pi Nsyifunɔle. Yah n te Wrome tãn 1.5; Kalatɩ tãn 2.9. N̄mɔ Pole ye wãrki tekɩ mɔ sébéy mènɛ Yesu yõ sɛpú tyí, nónó-á me Wrome kwil sɔko. Nósyó ye we yo pé tyí Nìvìnì tirlɛ Yesu tyí sɔko, té pè me kè fɛ syi. Képah sɔko, Pole me sébéy wãrki tekɩ mɔ pé tyí ne, páh me ké tyí ne pé pɔ pé tinnɛ, pé pɔ sóré mɔ pé sɔko pé mó yõ sɔko pé kólóle.

Kwónó nê-á à me n pi, képah yah ye à yo pé tyí ò sébéy mè sɔko.

A ne nkɛ Nsyifunɔ ò, ànê nónó náh pi Nsyifunɔle ò, pé pól-á tyípɛl pi, pè kɔ pè náh we de Liyel tɔrí sɔko. Nte pé pól tyí-á nɔ Liyel tyí. Wãh me ké tyí ne pè pé nno vi mɔ. Pè yal n mɔ tyípɛl pínóle, pè mó sɛ Yesu Krista yõ. Nmɔ-á ku pé tyípɛl yinne. Pàh kɩ sɛ òmɔ yõ, òmɔ gbõ yõ páh kɩ pi négbólóle Liyel yah sɔko. Yòbènɔrɩ-á Liyel pi pé tyí kéle. Névi nê-à sɛ Yesu yõ, tɛ wɔ náh tɔ me n pi tyípekè ànê kũ mɔ sɔko. Tɛ-á kɩ n kɔ Tɛ ògbɛ Yesule kúmm, té Liyel Mirki kɩ òne n yohnɩ n mɔ. Yah n te Wrome tãn 1-8.

Pole tɔ Nsyifunɔ Yesu yáhlenɔ tyí yo ò sébéy sɔko. Liyel-á yòbènɔrɩ nêne n pi, kè n tɛ n pne tyi pól tyí. Képah ye, à ne pé Liyel yáhlenɔ náh n yõ n sɔko n pi. Yah n te Wrome tãn 9-11.

A tɔ kè yo ne, núkúnúkú Liyel-á me sãmne n mɔ névye pól sɔko nónó náh pi Nsyifunɔle. Pãh yĩne pè pé minne n pi yályál Liyel yah, nê tyí-á nɔ Liyel tyí. Yah n te Wrome tãn 12-15.

Sébéy tyé-nsah sɔko, Pole ne páh me ké tyí ne pé yuku Wrome kwil sɔko, nɛnpó tãn kɔ pè pé we yohnɩ mɔ pé kɔ pé yõ sɔko Yesɩpayĩ yamana sɔko. A ne páh n wekɩ Yesu yõ sɛpú pól tyí Wrome kwil sɔko, nónó-á pé népínóle.

<sup>1</sup> Nmɔ Pole nê-á Yesu Krista tɔnpɩle, òmɔ ye n wãrki n tekɩ n mɔ sébéy mènɛ yé tyí. Liyel ye òmɔ ye pi Yesu tẽntò névile. A ní wilki sah ne mé pé Nìvìnì tirlɛ n yo.

<sup>2</sup> Liyel-á ñ vyãh kã sah kéne Nìvìnì tir nê tyí sɔkɔ, à lésõ syõ ñ tẽntõ syinyopu tyí à ké tyí yo sah ñ wey sébéy sɔkɔ ñgbò dùkùle.

<sup>3</sup> N Pídí tyí ye kè n yo, nê-á ápi Tẽ ñgbẽ Yesu Kristale, ñmo nê-á pɪ yõtẽ dí Davidi pétó náhkìle ñ pónDubinɔ sɔkɔ névile.

<sup>4</sup> Té wãh pɔ ku, té ñ lékó-á yilki mɔ, képah sɔkɔ Liyel Mirki me kè wẽkɪ ne Liyel Pídí-á ñne, tẽnwɛnɔ-á me ñ tyí.

<sup>5</sup> Nmo gbõ yõ ye ñmo yòbènɔri we à pɪ ñ tẽntõ névile, kɪ yìkìni pól yohnɪ mɔ pè kɪ pɪ ñmo yõ sɛpùle kɪ n sah ñ tyí yõ, ñ yīn kã kè kɪ n gbilki.

<sup>6</sup> Kéne yìkìni sɔkɔ névye ye yépi tɔle, Yesu Krista-á yépi nónó ye pɪ ñ tyíle.

<sup>7</sup> Yépi nónó pól tyí-á nɔ Liyel tyí Wrome kwil sɔkɔ, té à me yé ye ne yé yé minne n pɪ péwɔ tyí yõ, yépi tyí ye mé n tekɪ n mɔ sébéy mènɛ. Mé kéle n yah n kã ápi Sú Liyel ànê Tẽ ñgbẽ Yesu Krista tyí ne, pè yòbènɔri ànê yèvinɪne yé kã.

*Kyɪ n yah dékè me Pole tẽ Wrome kwil Yesu yõ sɛpù tyí*

<sup>8</sup> Yesu Krista gbõ yõ, mé n wɛkɪ ní Sú Liyel ñgbò tyí yépi pól tyí sɔkɔ, yé Liyel yõ sɛnó tyí-á sɔnpìle me n yo kèkõyó pól sɔkɔ.

<sup>9</sup> Mé me tòle n pɪ Liyel tyí ní nɪ pólle ñ Pídí Nìvìnì tir yónó sɔkɔ. Nmo ntẽ ye ní tàrfyòle ne gbímeɓbí, máh nírile n pɪ, máh níkẽne ne n me yé tyíle n yo pé tyí.

<sup>10</sup> Máh níkẽne ne me kéle n yah n kã pé tyí gbímeɓbí ne, péwɔ dyɔ yī tẽ-à kɪ nê, pé wẽkì yɪkɪ mɔ ní kã sɛ mé n kyɪ n yah yé tyí.

<sup>11</sup> Yé náh wɛ di, pɔ n yah dékè me ní kah tẽ yé tyí. Képah sɔkɔ, Liyel Mirki-á nêne ní kã, mé kɪ pɔ kéle yé kã, nê-á kɪ tãhkìle yé kã.

<sup>12</sup> Képah ye kɪ á kã á kɪ sòré wɛ mɔ wẽ sɔkɔ à yuku ápi Liyel yõ sɛnó tyí tìnne.

<sup>13</sup> N yúnpyé, mé me ké tyí ne yé kè pī ne máh kè yah kã gbáhyí náhnáhle ne mé pɔ yé tìnne, mé pɔ tò wɛ n pɪ yõre-á me nê tyí, sã-á mé pɪ kéle yìkìni téló tìnne. Nte ké wẽkì náh me tẽ wɛ wɛ, fóó à pɔ syɪ núkúnúkú tyí yò.

<sup>14</sup> Mé yīne mè Nìvìnì tirlɛ n yo yī pípú ànê yī pí-ńkêpú tyí, ànê kãrn pípú ànê kãrn pí-ńkêpú tyí.

<sup>15</sup> Képah ye, ké dékè me yī ní sɔkɔ ne mé pɔ Nìvìnì tir yo yépi tɔ tyí, yépi nónó-á me Wrome kwil sɔkɔ.

*Tãhkì nê-á me Nìvìnì tir sɔkɔ*

16 Nìvìnì tir yónó sen náh me nmo tẽ. Liyel tãhkì ye kéle nê-á névye pólle n pwah n mo nóno-à sã ké yõ. Kè tyah Nsyifunò ngbò tyí, té pyè yĩni tẽ névye tyí nóno náh pì Nsyifunòle.

17 Yé náh we di, képah ye n wẽkì kéle ne Liyel-á me névyele n pì néglóle ò yah soko ò yõ sãnó gbò yõ. N yõ sãnó ó gbò yõ ye kè n pì, sã-á kéle wárkínsàhnóle Liyel wey sébéy soko ne: «Névi nê-à pì négbíle Liyel yõ sãnó gbò yõ, tẽ kì min yèsyìkì we képah gbò yõ.»\*

*Névye pól me tyípekè mo soko*

18 Yé yah, névye Liyel yah tíkì pí-ńkẽ ànê pé tyítúkúni pínó pól yinne, Liyel tẽ yínyõ té ò fókòvyàhni pé wẽkì, pãh sònpíle pé tyítúkúni toko à gbì yah vike.

19 Yé náh we di, névi-á fẽ nê pĩ n pì Liyel tyí soko, ké sèndì náh pépile dò. Liyel ye kéle pé wẽkì.

20 Liyel tyi nóno-á sè náh n we yíne, sépi nóno-á pì ò tẽpnènóle nê-á me tyé-ńkẽne, ànê wãh me òkù nêne tótó; sépi me fẽ n pne ò tyípínó gbò yõ à toko kèkòyó mo gbí òkù tyí. Kãh pì sã, lénò náh fẽ n we n pì névye tyí pólle.

21 Pé ye Liyel pĩ, té pé náh fẽ syi gbílkínó sah ò yõ nê-á yĩne òne. Pèpòri pínó wey nê-á yĩne ò kãnóle, pé náh kéle à kò. Nte pé pyè sòno wãne pé gblóy pilki, à pì lékám kè névyele à de fèntù soko.

22 Pé gblóy tẽ pínó soko lékám névyele, pé pyè pì nêwãne yò sò.

23 Gbílkínó nê-á yĩne sàhnóle kú-ńkẽ Liyel yõ, pé képah vi mo n sah névye, ànê kèpye, ànê gbyèhnyèh yí, ànê til til yí kètò pínsàhnóno yõ. Té névye ànê kéne gbènkýo nópi pól kì mó tò pò n ku n pì.

24 Képah ye Liyel ye pé kò pé pé pòpòle n pì, képah nê dékè-á me pé soko, fókò à pò sène n pì pé gblóy tyí.

25 Gbì nê-á yo Liyel tyí soko, pé képah vi mo pì mìnìne. Pé mo mo Liyel sah té ò yí mónó wole n gbilki, té tòle n pì sépi tyí. Nte òmo ye mó tò yĩne gbílkínóle tyé-ńkẽne. Amiina!

26 Képah ye, Liyel me ye pé kò pé sen tyi óle n pì nóno dékè-á me pé soko. Pé syó me pèkì yah tyi vi mo ké gbèntènah yõ, me n sã wène.

27 Sã ó ye, díbí tò me pèkì yah tyi vi mo ké gbèntènah yõ. Pé náh tò me n sã syóle. Sãnóle wène, képah lédórí ó ye me

\* 1:17 1.17 Yah n te Yabakuki 2.4.

n ko péle. Sen pí-ńkē tir ye pè me n pi wē tyí, té mó pé mónpuno lédyáhní we nê-á yīne péle.

28 Páh yahle Liyel pínóle sē, à me ye pè kō pè pé sōno tókúni sò tē à pí-ńkē tyile n pi.

29 Tyíknēni duke pól ye pè me n pi, ànē tyítúkúnine, ànē yīsesúkúle, ànē népékèle. Dyóyókè ó ye pé tōle, à tahlí nékókè mónó tyí, ànē méwéyne, ànē yīnví pínóle, ànē nétúkúni tyi pínóle, ànē mìnì sàhnóle névye yō,

30 ànē névye tyí yónkònóle. Pè pi Liyel sépébúle, ànē vyáhsenóhkípúle, ànē gblōy gbílkipúle, ànē wèngbil wékípúle, ànē pèkè yah wénripule, ànē dúbípú tyí yáhlepule.

31 Pè pi lékám kē névyele. Páh nê yo, pè náh kéle n pi. Kùkùtáhkì névye ànē népíkòbì ye péle.

32 Té pè mó tō pí ne Liyel-á me kè yo sah ne, sēnkno tyi pípú-á yīne kònmònole. Nte képah fyé yō, pè me yō sòko tyi nópi pólle n pi. Té pè náh me yīn sépi ó tyí dé, pè me mó sēnkno tyi pípú tōle.

## 2

### *Liyel-á kí tukey nê tuke n pi*

1 Áwo nê-á lékàhle no télóle n kō, wáh kí sō me nédúkú nēne, lénò wé-ńsah náh me á tyí. Á náh we di, wáh lékàhle no télóle n kō, lékàh ye á á gblōyne n kō, áwo tō-á sōnpíle me n pi pé tyí kōle, áwo nê-á lékàhle péle n kō.

2 Api pí ne ńkē nónó-á kéne tyi dùkúle n pi, Liyel-á kí pè tuke n pi à yīne gbì wēkìle.

3 Áwo nê-á lékàhle kéne tyi pípúle n kō, té mó tō me sēnknole n pi, á se me n sō ne wáh kí n pwah n pi Liyel tukey sòko?

4 Képah náh pi, Liyel pèpòri ñgbē, ànē ñ fòkòpènòri, ànē ñ sòmno se á yahle mónkònóle? Á náh pí ne Liyel pèpòri mè-á kí ñ kō á kí á ní vi mó kí tyípèl pínó yal mó di?

5 Nte á níkísekókó ànē á ní táhntúnò yīnne, á me Liyel plòle n gbah n yòri n mó á gblōy yō, nê-á kí n pò n pi ñ fòkònyàhnì sòle, sō nê-á à kí névye tuke n pi à yīne gbì wēkìle.

6 Á kí nénúkù núkú pól dyah à yīne pé tyípínìne.

7 Nónó-á me gbah tē tyípeplòle n pi, ne pé kyí yō yónó we, gbílkinó mó ne n sah pé yō, ànē pé mó tyé-ńkē min we, à kí tyé-ńkē minne pépi kō.

8 Té névye nónó-á yahle sàhnóle n tyí yõ, té gbı wěkì kóló yahle té pèkè pínó sò tẽ, à kı n fòkòvyàhni pépi wěkì, té kı fòhnó sah pé yõ.

9 Yèvyàhrı ànê tiki kèpèkè kı pı tyítúkúni pípú pól tyíle. Kè kı tyah Nsyifunɔ ñgbò tyí, té kı pɔ yĩni tẽ névye tyí nónó náh pı Nsyifunɔle.

10 Nte gbílkinó, ànê yõ yõnó, ànê yèvıni kı pı tyípéplɔ pípú nénúkú núkú pól tyíle. Kè kı tyah Nsyifunɔ ñgbò tyí, té kı pɔ yĩni tẽ névye tyí nónó náh pı Nsyifunɔle.

11 Yé náh wɛ di, Liyel náh névyele n wah.

12 Névye nónó pól-á pè náh Moyisi tyi kònsàhnóle n pne té tyípél pı, kéne tyi kònsàhnó vyàh náh n wɛ n pi pépi tyí yíkínó sɔkɔ. Nte nónó pól-á tyípél pı té me Moyisi tyi kònsàhnóle n pne, pépi kı n tuke n pi à yĩne kèpahle.

13 Moyisi tyi kònsàhnó tyíyónó nóhpú náh Liyel n yah néglólé dé. Ké tyíyónó pípú ye.

14 Névye nónó-á pè náh pı Nsyifunɔle, pépi náh Moyisi tyi kònsàhnóle n pne, té pé kɔ dükú mó tõ pɔ yĩne Moyisi tyi kònsàhnó yóréle. Káh pı sɛ, kèpah n wěkì ne páh pèpeyne n pne pé gblɔy, Moyisi tyi kònsàhnó kène pé tyí.

15 Pè me kéle n wěkì kèpah sɔkɔ ne, Moyisi tyi kònsàhnó-á nê yo ne kè ne n pı, káh me pé nno sɔkɔ. Pé sònɔ sɔkɔ, kèyàhle pè n ne n me lékàhle pé gblɔyne n kɔ, kèyàhle n te n ne n me gbıle pé gblɔyne n kɔ.

16 Nivıni tir nê-á ñmɔ n yo, à yĩne kèpahle, Liyel kı syò Yesu Krista tyí kı névye tuke n pi pé sèfin sò tyi pól tyí sɔkɔ. Lésòle, tyi nópi kı wilki mɔ kwèy.

### *Nsyifunɔ náh me Moyisi tyi kònsàhnó wàlle n kɔ*

17 Yépi nónó-á ne Nsyifunɔ-á yéle, yé me yé gbò sah Moyisi tyi kònsàhnó yõ, té yé gblɔyne n yõ n sah ne Liyel-á me yépile.

18 Té Liyel dyɔ yíi-á nêne, yé kéle n pne kyó! Yáh kwónó nê wɛ Moyisi tyi kònsàhnó sɔkɔ, kèpah gbò yõ, yé pèpeyne n pne dò.

19-20 Kéne kwónó gbò yõ, yé ne yé pnèno-á syı ké yĩn tyí, ànê yáh gbı pĩ dal mɔ, té núkú yuku yítūbi yahle n tẽ, té me kyòole n mɔ fèntú sɔkɔ névye tyí yé yo kè? Yé me vınmɔnɔle lékám kè névyele n kɔ, té me wènpı yrɔle n kwɔ yé yo kè?

21 Yé me no télóle n kwɔ, té yé náh yé gblɔy wɔle n kwɔ kè? Yé me névyele n kwɔ ne pè káh yĩbele n yĩ, té yépi wo n yĩ kè?

22 Yé ne fɔfíkì káh ne n pi, té yépi wo kéle n pi kè? Yé ne fal fal tân tyí náh no yé tyí pólle, té mó tɔ tân vì yĩle n yĩ n tokoli kè?

23 Yé me yé gblɔyne n yɔ n sah ne yáh Moyisi tyi kònsàhnóle n pne, té mó tɔ me sé dèlle n pi. Liyel náh yé n yilo yò di?

24 Yé náh we di, kè me wárkínsàhnóle Liyel wey sébéy soko ne: «Yépi Nsyifunɔ ye yìkìni téló kɔ pè Liyel yinne n yiki.»\*

25 Gbɔ tɛ wo ye, yɔre me kòkè tyí yáh me fɛ n ko Moyisi tyi kònsàhnó wàl yɔ. Nte yáh me sé dèlle n pi, yé kònó pi nònólɛ.

26 Kò-ñkɛ névi nê tɛ-à fyò n ko Moyisi tyi kònsàhnó wàl yɔ, Liyel kɔ tɛ mo kò kènkòbe soko.

27 Yépi Nsyifunɔle, Moyisi tyi kònsàhnó wárkínsàhnó me yé tyí, ànê yé se mó tɔ kòkè to kɔ. Té képah fyé yɔ, yé me Moyisi tyi kònsàhnó dèlle n pi. Káh pi sɛ, kò-ñkɛ névyé nónó-á me Moyisi tyi kònsàhnó wàlle n ko, pépi ye kɔ pò lékàhle yé kɔ n pi.

28 Yé náh we di, névi kònó náh n pi tɛne Nsyifulɛ. Kòkè kònó nótólí to náh n pi névile Nsyifulɛ.

29 Liyel-à névi nê ni vi mo, tɛ wo ye n pi Nsyifu yèsyìkìle. Kòkè yèsyìkì tɔle, Liyel Mirki ye n pi kéle ni soko, Moyisi tyi kònsàhnó náh. Nsyifu yèsyìkìle, Liyel ye n sɔ òne, névi náh.

### 3

#### *Névyé pól me pìlkinó soko*

1 Wáh pi Nsyifulɛ té kòkè kɔ, yɔre se me ké tyí?

2 Ké yɔre me gblò yey yey pólle. Pépi ñgbò gbò soko ye Liyel dahbi ò weyne.

3 Nte à, pépi soko tókù-á yahle kólóle ké wɛkì yɔ, képah se kɔ pò Liyel to kɔ à kɔ yahle kólóle ò tyi yónó sò?

4 Jɔ dé! Névyé pól sénsɔ me m̀nyobele, òte kè yĩne kè ne me pìkínóle ne Liyel wo-á n ko ò tyíyónó sò, sɔ-á kéle wárkínsàhnóle ò wey sébéy soko ne:

«Á tyíyónó yĩne kè kè wɛkì ne gbɔ yó-ò-á ále.

\* 2:24 2.24 Yah n te Nsyeremi 52.5.



Pàh ále n tuke, gbı yĩne kè we á tyí.»\*

<sup>5</sup> Nte ápi kèkínó-à kɪ pɔ kè kɔ̄ kè we pĩ ne Liyel-á me tómm à, á kɪ tɔ̄ yo sɔ̄ wé? Képah se n wèkɪ ne Liyel náh me n kɔ gbı wèkɪ yò, wáh ò fòkònyàhnì sòkɔ fòhnóle n sah á yò? — Névi yòtàhsyi sò dùkù ye mé yah té kéle n yo. —

<sup>6</sup> J̄ó dé! Kàh me sě, té Liyel kɪ tuke sɔ̄ kèkɔyó névyele wé?

<sup>7</sup> Nte ñmɔ mìnì yónó-à kɪ me kè wilki mɔ ne Liyelle, gbı Liyel-á ñne ò yĩn kɔ̄ kè kɪ n gbilki à, sɔ̄ pɪ té lékàh kɪ tɔ ñmɔle n kɔ̄ á kɪ ne tyípékè pí-ò sɔ̄ ñne?

<sup>8</sup> Té névye yĩn yíkípú yísyó ne, ápi-á me n yo ne pèkè-á yĩne kè ne n pɪ, nê-á kɪ n pɔ n pi pèpɔrɪle. Lékhà ye yĩne kéne névye dùkù kòhnóle.

<sup>9</sup> Á yĩne à yo sɔ̄ yò wé? Ápi Nsyifunɔ se fónfó névye téló yò? Pólle! Yé náh we di, mé ye kè yo wah te ne Nsyifunɔ ànê nónó náh pɪ Nsyifunɔle, pé pól-á me tyípékè mɔ sòkɔ,

<sup>10</sup> sɔ̄-á kéle wárkínsàhnóle Liyel wey sébéy sòkɔ ne:

«Négbí náh me pólle.

Nénúkù ñtē fyé náh me.

<sup>11</sup> Lékhám névi náh me pólle.

Nñi yó ñtē náh me Liyelle n yah n kɔ̄.

<sup>12</sup> Pé pól ye wèkɪ pèpey fin mɔ, té me mɔ pu wě tyí.

Ney náh me nê-á me tyípépěyne n pɪ.

Nénúkù ñtē fyé náh me.†

<sup>13</sup> Pé yìngbāhlo me léyâl yey yíkínmònsàhnó sɔ̄.

Pě névyele n vi n tē pé nénpórɪle.‡

Pé vyěy welo me wahy sohri sɔ̄.§

<sup>14</sup> Plo yénmɔnɔ welo ànê wènpèl ó n ne n wil pé vyěy sòkɔ.\*

<sup>15</sup> Kàh pɪ nékókè mó-ńsah yúkúnó wɔle, pé gbáhkɪ n ne n sal képah sò.

<sup>16</sup> Pépi syò-ñtàn pól sòkɔ, pě yíkínó ànê pèkè ó kókóle n pɪ.

<sup>17</sup> Yèvɪnɪ wèkɪ tēne, pè náh képahle n pne.†

<sup>18</sup> Pè náh Liyel yah tíkile n pɪ pólle.»‡

<sup>19</sup> Nte á mó tɔ̄ pĩ ne, Moyisi tyi kònsàhnó-á tyi nónó pólle n yo, sáh me sé yey mɔ sé wàl kópú ùnne pé vyěy tũ yĩnne, ànê lékhà we yĩnne kèkɔyó névye pól tyí Liyel yah sòkɔ.

\* **3:4** 3.4 - Yah n te Gbálnó 51.6. † **3:12** 3.10-12 - Yah n te Gbálnó 14.1-3 ; 53.2-4.

‡ **3:13** 3.13 - Yah n te Gbálnó 5.10. § **3:13** 3.13 - Yah n te Gbálnó 140.4. \* **3:14**

3.14 - Yah n te Gbálnó 10.7. † **3:17** 3.15-17 - Yah n te Yesayi 59.7-8. ‡ **3:18**

3.18 - Yah n te Gbálnó 36.2.

<sup>20</sup> Képah ye, ònî yó n̄tē náh n pɪ n pi négbíle Liyel yah sɔkɔ Moyisi tyi kònsàhnó gbò yõ. § Yé náh wɛ di, Moyisi tyi kònsàhnó yõre-á n̄ne, tyípékè ye kè névyele n w̄kɪ.

*Névyé-á n pɪ négbíle òkù n̄ne Liyel yah sɔkɔ*

<sup>21</sup> Nte núkúnúkú, Liyel ye kè w̄kɪ ne páh me névyele n pɪ négbíle pé yah sɔkɔ. Moyisi tyi kònsàhnó vyāh náh me ké sɔkɔ. Kéne tyi kònsàhnó ànê Liyel t̄ntò syínyopu sébéynó n̄tē kè yo ó.

<sup>22</sup> Yesu Krista yõ s̄nó gbò yõ ye Liyel névyele n pɪ négbíle ò yah sɔkɔ. Nê t̄-à fyò s̄ Yesu Krista yõ, Liyel t̄ pɪ négbíle ò yah sɔkɔ. Yé náh wɛ di, w̄hkì náh me ké sɔkɔ dò.

<sup>23</sup> No pól ye tyípél pɪ, pè kō pè tekɪ Liyel t̄rí sɔkɔ.

<sup>24</sup> Nte Liyel yòbènɔri pɪ pé tyí, à pè pɪ négbíle ò yah sɔkɔ nònóle Yesu Krista gbò yõ, òmɔ nê-á pwah mɔ péle tyípékè sɔkɔ.

<sup>25</sup> Yesu Krista ye Liyel tɔkɔ kō sárkále, ne ò tó kwénó gbò yõ, nónó-á s̄ ò yõ, pé tyípél yõ n mɔ pè kō. Képah ále n w̄kɪ ne Liyel-á me tómm. Ngbòle, à náh lésõ me névyé tyípèlle n mɔ n kō,

<sup>26</sup> à lésõ me sòmnole n pɪ. Nte núkúnúkú, à me séle n mɔ n kō, té mó t̄ me névyele n pɪ négbíle ò yah sɔkɔ, nónó-á s̄ Yesu Krista yõ. Képah n w̄kɪ ne w̄h me tómm té me névyele n pɪ négbíle ò yah sɔkɔ.

<sup>27</sup> Gbl̄y gbl̄kí-nsah se t̄ me névi tyí? Ó̄ dé. Nte kwāh nê pɪ wé? Kè náh t̄ me á kɪ ne pé tyípínì s̄ me n mɔ n kō, Yesu Krista yõ s̄nó ye me n mɔ n kō képah ye.

<sup>28</sup> Yé náh wɛ di, ápi kɪ f̄ kè yo ne névi Liyel yõ s̄nó ó gbò yõ-á t̄ n pɪ négbíle Liyel yah. Kè náh me á kɪ ne Moyisi tyi kònsàhnó w̄l kóló gbò yõ s̄.

<sup>29</sup> Tòd̄i Liyelle, Nsyifunɔ ó Liyel se òne? No téló tɔ Liyel náh òne di? Awe, no téló tɔ Liyel ye òne,

<sup>30</sup> òmɔ ó-á s̄npíle pɪ Liyelle. Nmɔ ye kɪ Nsyifunɔ pɪ négbíle ò yah sɔkɔ ò yõ s̄nó gbò yõ, té kɪ t̄ no téló tɔ pɪ négbíle ò yah sɔkɔ ò yõ s̄nó gbò yõ.

<sup>31</sup> Nte k̄h pɪ s̄, Liyel yõ s̄nó se me pɔ á kō á me Moyisi tyi kònsàhnóle n pɪ yõre k̄ kwāhle? Ó̄ dé, yõre ye pyé á kéle n kō yò nk̄.

## 4

*Liyel yõ s̄nó gbò yõ ye Abrahami pɪ négbíle*

1 Sõ me ápi kɪ yo Abrahamɪ tyí sɔkɔ, ñmɔ nê-á á náh neyne? Kwâh nê me à fẽ we ñ yẽngbẽ táhkìle?

2 Abrahamɪ tyípínì yīn-à sò ne Liyel à pɪ négbíle ñ yah sɔkɔ, à náhkɪ sò fẽ ñ gblɔyne n yõ n sah kè. Nte à náh fẽ képah pɪ Liyel yah sɔkɔ dé.

3 Kè me wárkínsàhnóle Liyel wey sébéy sɔkɔ ne ñkẽ: «Abrahamɪ sã Liyel yõ, Liyel mó à pɪ négbíle.»\*

4 Nte kàh me tò pínó wẽkì yõ, tònpi ye n we ñ tò pínó lédyáhníne. Nónó náh à we kéle dé. Á yīne ké wénóle.

5 Nte sã náh kéle Liyel tẽ wɔ tyí dé. Névi nê-à sõ tòle n pí-ñkẽne té fyò me sã ñ yõ, ñmɔ nê-á tyípêl pípúle n pɪ néglóle, képah gbò yõ à tẽ pɪ négbíle.

6 Liyel-á névyne nónóne n pɪ néglóle ñ yah sɔkɔ pé tyípínì mónkò-ñkẽne, yõtẽ dí Davidi pé nìvìnì wénó tyí yo ne ñkẽ:

7 «Névyne nónó pílkí-ńtân-á yõ mɔ pè kɔ, té pé tyípêl me niri pé tyí,  
pépi tyí nɔ.

8 Tẽ ñgbẽ-à névyne nónó tyípêl mónkò-ñkẽne,  
pépi tyí nɔ.»†

9 Kéne nìvìnì mène, Nsyifunɔ ó tyí náh kéle dé, nónó náh pɪ Nsyifunóle pépi tɔ tyí ye. Á kè yo sã yò ne, Abrahamɪ Liyel yõ sɛnó-á à pɪ négbíle Liyel yah.

10 Nte gbí nê me Liyel pɪ ñne négbíle? Ñ kò-ñkẽ gbí sɔkɔ se, t̃ ñ kòntenɔ náh sɔkɔ se? Jú, ñ kòntenɔ náh sɔkɔ náh dé, ñ kò-ñkẽ sɔkɔ ye.

11 Képah náh sɔkɔ ye Liyel à kɔ à kòkè kɔ. Kéne kòkè kéle n wẽkɪ ne wãh à pɪ négbíle ñ yah sɔkɔ ñ yõ sɛnó gbò yõ ñ kò-ñkẽ gbí sɔkɔ. Kãh pɪ sã, kò-ñkẽ névyne nónó-á sã Liyel yõ, té pɪ néglóle Liyel yah, Abrahamɪ pɪ pépi súle Liyel yah.

12 Té pɪ kènkòbe tɔ súle, nónó-á pè náh me n yah pé kònnó ó tyí, pè me sã Liyel yõ Abrahamɪ tyí kòle gbí nê-á à náh tònì sò me kɔ.

*Abrahamɪ Liyel yõ sɛnó gbò yõ ye Liyel ñ vyãhle ñmɔ ànê ñ náh tãh kɔ*

13 Yé yah, Liyel-á ñ vyãhle Abrahamɪ ànê ñ náh tãh kɔ ne páh kɪ kèkòyóle pè kɔ, kè náh pɪ á kɪ ne Abrahamɪ-á n kɔ tyi kònsàhnó wãl yõ képah yīn sã dé, ñ pínó yīn ye négbíle Liyel yõ sɛnó gbò yõ.

\* 4:3 4.3 - Yah n te Yenest 15.6. † 4:8 4.7-8 - Yah n te Gbálnó 32.1-2.

14 Liyel-á n̄ vyāh kō nê tyí soko, kàh sò me pɪ ne tyi kònsàhnó wǎl kónó gbò yō sǒ kèpah n we, yō se nàhki tō me n̄ yō sēnó ànê n̄ vyāh kōnó mè tyí?

15 Yé nàh we di, tyi kònsàhnó ye n yilki n mɔ Liyel fòkòvyāhn̄ne. Tyi kònsàhnó-à n kne n̄yāh soko, ké dèl nàh fē n pɪ n̄n̄pó.

16 Liyel-á n̄ vyāh kō nê tyí soko, n̄ yō sēnó gbò yō ye kèpah n we. Kèpah kɪ pɪ yòbènɔrɪle Abrahamɪ nàh tǎn pól tyí. Té kè nàh pɪ ne tyi kònsàhnó wǎl kópú ó tyí sǒ à pɪ kéle dé. Nónó pól tɔ-á sē n̄ yō Abrahamɪ tyí kōle, pépi pól tyí ye à pɪ kéle. Yé nàh we di, Abrahamɪ ye á pól súle,

17 sǒ-á kéle wǎrkínsàhnóle Liyel wey sébéy soko ne: «Áwo ye mé pɪ kwlo kwlo nàhnáh.»‡ N̄mɔ ye ápi súle Liyel yah soko, wǎh sē nê yō. N̄mɔ Liyel ye n yilki n mɔ lékyíle, té yíle n mɔ n̄ vyāh weyne nónó nàh sò me.

18 Tir nê-á kè nàh sò me gbò sah sah tēne ké yō, Abrahamɪ n̄ gbò sah kèpah yō. A sē Liyel yō, kèpah yīnne Liyel me à pɪ kwlo kwlo nàhnáh névyé súle, sǒ-á lésó à yo kéle n̄ tyí ne, n̄ nàh tǎn-á kɪ pɪ dò. §

19 Té légbíne, Abrahamɪ sò kè we ne páh wah mɔ nàhnáh. A sò me ye lèkwě vyāh yah soko. N̄ kyɪ Sara tɔ pìkì sò soko te. Nte kèpah fyé yō, wìlkínó nàh pɪ n̄ Liyel yō sēnó soko.

20 A nàh tòtò pɪ sēnóle Liyel vyāh kōnó mè yō. Nte à tǎhki we Liyel yō sēnó gbò yō, à Liyelle n gbilki.

21 N̄ sēnyīnɔ sò me ké yō ne, Liyel-á n̄ vyāh kō tir nê tyí soko, tēnwɛnɔ-á me n̄ tyí kɪ fē kè pɪ.

22 Kèpah ye, Liyel me à mɔ kō négbíle n̄ yah soko.

23 Té kǎh wǎrkɪ sah Liyel wey sébéy soko ne: «Liyel à mɔ kō négbíle.» Kè nàh pɪ ne Abrahamɪ ó yīn sǒ dé;

24 ápi tɔ yīn ye, ápi nónó Liyel yō sēnó-á kɪ n mɔ n kō n pɪ, áyáh sōnpíle sē Liyel yō nê-á Tē ñgbē Yesu lékó yilki mɔ.

25 A lésó ko mɔ ápi tyípèl yīnne, té Liyel me n̄ lékó yilki mɔ ápi pɪ yīnne néglóle Liyel yah soko.

## 5

*Névyé wró kwrónmɔnɔle Liyelle n̄ yō sēnó gbò yō*

1 Ápi-á pɪ néglóle Liyel yah n̄ yō sēnó soko sē, yèvɪnɪ we á wró ñne á Tē ñgbē Yesu Krista gbò yō.

‡ 4:17 4.17 - Yah n te Yenest 17.5. § 4:18 4.18 - Yah n te Yenest 15.5.

<sup>2</sup> Yòbènrɔ̄ nê wě̀kì-á yɔ̀kɩ mɔ́ á tyí té ále ké sɔ̀kɔ̀ yò, òmɔ́ ye dah mɔ́ ále ké sɔ̀kɔ̀ Liyel yò sɛ́nɔ́ gbò yò. Té á gbò sàhnó-á me ké yò ne áyáh kɩ Liyel tɔ́rí we n pi, kè me yò́nóle á tyí.

<sup>3</sup> Té à wil képah sɔ̀kɔ̀, yèvyãhrɩ òtɛ̀ tɔ́ pínó me yò yò́nóle ápi tyí. Yé náh we di, á pĩ ne òkě̀ yèvyãhrɩ pínó-á névile n pɩ gbáhntɛ̀-òle,

<sup>4</sup> gbáhntɛ̀nɔ́ mó névile n pɩ tɛ́nwɛ̀-òle mónyahnó gbíne. Névi-à pɩ tɛ́nwɛ̀-òle mónyahnó sɔ̀kɔ̀, òmɔ́ gbò sàhnó n ne n me Liyel yò.

<sup>5</sup> Nte ápi òngbèkì-á me Liyel sɔ̀kɔ̀ dùkù nêne, à kéle á wě̀kɩ ò Mirki gbò yò wáh képah nêne á kɔ́. Képah ye névi nê-à ò gbò sah ò yò, sen náh tɛ̀ tɛ̀ n pi.

<sup>6</sup> Yé náh we di, Liyel-á gbí nê yah tɔ̀kɔ̀ sah, káh pɔ́ nɔ́, Krista ku tyípèl pípú pwah n mɔ́ yĩnne. Té légbíne, ápi lésò me tãhkì kě̀ne á sɔ̀kɔ̀.

<sup>7</sup> Névi nê-á kɩ fɛ̀ syi n ku n pi négbí yĩnne, tɛ̀ wénó kɩ tah. Gbòkénpɩ ònɩ kɩ fɛ̀ fɛ̀ syi ku pèpɔ̀rɩ pí-ò wɔ́ yĩnne.

<sup>8</sup> Nte Liyel-á kéle á wě̀kɩ dùkù nêne ne á tyí-á nɔ́ pé tyí, kè we yò: Ápi lésò me á tyípèl sɔ̀kɔ̀ sɛ̀ té Krista ku á pwah n mɔ́ yĩnne.

<sup>9</sup> Té núkúnúkú, áyáh fyò pɩ té néglóle Liyel yah sɔ̀kɔ̀ Krista kúnó gbò yò, Liyel fòkòvyãhnì wɔ́ yah se pyè à kɩ n ye n pi kò́nóle á tyí?

<sup>10</sup> Áyáh lésò me Liyel sépébúle, à á wró tɔ́ sah òne ò Pídí kúnó gbò yò. Té ò Pídí tɛ̀-á fyò me min sɔ̀kɔ̀, à se kɩ pyè n ye n pi á pwáhnmonòle?

<sup>11</sup> Té kè náh yĩn képah ó tyí dé, kè tɔ́ me yò yò́nóle á tyí Liyel yah sɔ̀kɔ̀ Tɛ̀ òngbɛ̀ Yesu Krista yĩnne, òmɔ́ nê-á á wró tɔ́ sah Liyelle.

*Tyi nónó-á we Adama tyí sòwãh ànê nónó-á we Yesu tyí sòwãh*

<sup>12</sup> Yé yah, nénúkù yó yĩn ye tyípékè de kèkòyó. Kéne tyípékè ye yɔ̀rɩ mɔ́ kũne. Té névye pól me kũ mɔ́ sɔ̀kɔ̀, pé pól-á sònpúle tyípékè pɩ...

<sup>13</sup> Moyisi tyi kònsàhnó pɔ́ tyípékè we kèkòyó. Ké pó-òkě̀ gbíne, tyípékè mè náh sò me n mɔ́ n kɔ́.

<sup>14</sup> Té sépinó pól sɔ̀kɔ̀, à tɔ̀kɔ̀ Adama gbí tyí, pópó à pɔ́ nɔ́ Moyisi gbí tyí, névye pól sò me kũ mɔ́ sɔ̀kɔ̀. Pè náh sénsò tyípékè pɩ Adama tyí kòle òmɔ́ nê-á Liyel dél pɩ, òte kũ sò me péle n tɛ̀. Névi nê-á sò yĩne à pɔ́, Adama pɩ òmɔ́ kètòle.

<sup>15</sup> Nte tyípékè nê-á pɪ, kè náh me sãh yah yah tẽne yòbènrɪle Liyel-á nêne n pɪ. Gbɪ ye, nénúkù tẽ wɔ tyípékè yĩn ye névyè náhnáh ku ó; nte Liyel-á yòbènrɪ nê pɪ á tyí, ànê wãh syõ Yesu Krista tɔ gblõy núkúni tyí à pèpɔrɪ nê pɪ nékwínkí tyí, sépi ye kal.

<sup>16</sup> Liyel-á pèpɔrɪ nê pɪ, ké swɔ náh me núkúle nénúkù tyípékè mè tyíle. Yé náh we di, nénúkù tyípékè yĩn ye lékàh we. Nte névyè tyípèl náhnáh pɪntenɔ náh ye Liyel yòbènrɪ pɪ pé tyí à pè pɪ néglólè ñ yah sɔkɔ.

<sup>17</sup> Gbɪ tẽ wɔ ye nénúkù tyípékè ye mɔ névyèle kũ mnɔ sɔkɔ ó, nte Liyel-á yòbènrɪ ñgbẽ pɪ nónó tyí à pè pɪ néglólè ñ yah sɔkɔ, pépi kɪ me min sɔkɔ Yesu Krista gblõy núkúni gbò yõ, kɪ tɔrɪle n pɪ.

<sup>18</sup> Sõ-á nénúkù tyípékè pínó lékàhle no pól yĩni tẽ, sẽ ó ye, nénúkù tyípépèy pínó yĩn ye no pól kɪ fẽ pɪ néglólè, nê-á kɪ pè kõ pè kɪ tyé-ńkẽ min we.

<sup>19</sup> Sõ-á nénúkù Liyel yóré yáhlenɔ pɔ kéne névyè náhnáh kõ pè pɪ tyípèl pípúle, sẽ ó ye, nénúkù Liyel yóré fẽnsyino yĩn ye névyè náhnáh kɪ pɪ néglólè Liyel yah sɔkɔ.

<sup>20</sup> Tyi kònsàhnó tẽ wɔle, képah ye pɔ tyípèl kõ sè kwel. Té tyípèl-à kwel ñyãh sɔkɔ, Liyel n mó yòbènrɪ pɪ nénpɔ sɔkɔ nê-á kal sépile.

<sup>21</sup> Kãh pɪ sẽ, sõ-á tyípékè névyè pól dahbɪ kũ mnɔ sɔkɔ, sẽ ó ye, yòbènrɪ nê-á Liyel n pɪ névyè tyí à péle n pɪ néglólè, képah tɔ kɪ tyé-ńkẽ minne pé pól kõ ápi Tẽ ñgbẽ Yesu Krista gbò yõ.

## 6

*Nê-à kwrɔ mɔ Yesu Kristale, tẽ kɪ min pɪ dùkù kɪ vi mɔ pɪ sãnnɛ*

<sup>1</sup> Sõ me ápi kɪ yo yò wé? Á se yĩne à yõ n sɔkɔ tyípèl pínó sɔkɔ, Liyel kõ à yòbènrɪle n gbah n pɪ á tyí?

<sup>2</sup> Jõ dé! Ápi á náh vi tyípèl pínó kõ á kɪ ne á sõ ku. Té á kɪ pɪ sõ té kɪ tɔ pɔ á minne n pɪ tyípèl pínó sɔkɔ?

<sup>3</sup> Yé náh pĩ ne, ápi nónó pól-á wel wilki ni sɔkɔ à kwrɔ mɔ Yesu Kristale, á wèlnwìlkìnó mè-á me á kɪ ne kúnó sõ ápi tɔ ku ñne wẽ tyí di?

<sup>4</sup> Wèlnwìlkìnó mè sɔkɔ, ápi tɔ ye ku ñne wẽ tyí, té yĩ ñne wẽ tyí. Té ñ lékó-á yilki mɔ Sú Liyel tẽnwenɔ ñgbẽ gbò yõ sõ, sẽ ye ápi tɔ min pɪ dùkù vi mɔ pɪ sãnnɛ.

<sup>5</sup> Yé náh we di, áyáh fyò kwrɔ mɔ ñne à kũ dùkù núkú ku, ápi tɔ lékyí kɪ pɔ n yilki n mɔ n pɪ ñmɔ tyí kòle.

<sup>6</sup> Á yĩne à pĩ ne áyáh sò me n pĩ òkù nêne ògbòle, áyáh képah kwɔ mɔ syi Kristale dahnɔ yò à ké tyí yíkí, té we wil tyípékè yõrɔ sɔkɔ.

<sup>7</sup> Yé náh we di, névi nê-à ku, tẽ vyãh n de tyípékè pínó sɔkɔ.

<sup>8</sup> Té áyáh fyò ku ànê Kristale wẽ tyí, á sɛnó me ké yò ne áyáh kí á min pĩ òne wẽ tyí.

<sup>9</sup> Api pĩ ne Krista lékó-á yilki mɔ, à náh tɔ n ku n yah n pi, kũ náh tɔ tẽ we n pi ò tyí.

<sup>10</sup> Wãh kũ nê ku yò, tyípêl tyí yíkí yĩn ye kúmm à ku. Nte núkúnúkú wãh me min sɔkɔ, à me ò minne n pĩ Liyel tyí yõ.

<sup>11</sup> Sẽ ó ye, yépi tɔ yĩne yè pĩ ne yáh yé náh vi tyípêl pínó kɔ á kí ne yé sò ku, té me min sɔkɔ Liyel tyí yõ yé wrò kwɔnɔmɔnɔ gbò yõ Yesu Kristale.

<sup>12</sup> Gbí nê-á ye me min sɔkɔ kèkòyò mè sɔkɔ yò, yé káh tɔ ye tyípékè pɔ fyãh yé yõ, kè pɔ yéle n mɔ yé dɔ dɔ tyi pínó sɔkɔ dé.

<sup>13</sup> Yé káh tɔ yé wil gbẽnsê tãntãne tyípêlle n pĩ á kí ne tyípékè sɔ n tẽ yé yahle dé. Nte yé yé gblòyne Liyel kɔ. Yé me á kí ne yé sɔ ku té yé lékyî me yilki mɔ. Yé yé wil gbẽnsê tãntãn pól fin mɔ Liyel kɔ sè pĩ tyígból pĩ pĩ tònpiyile.

<sup>14</sup> Tyípékè náh tɔ n dɔkɔ n tẽ n pi yé yõ pólle. Yé náh tɔ me Moyisi tyi kònsàhnó gbò sò sɔkɔ dò. Liyel-á yòbènrɔ nêne n pĩ yé tyí, képah gbò sò sɔkɔ ye yéle.

### *Gbi wèkì kólóle Liyel yah sɔkɔ*

<sup>15</sup> Á yĩne à yo sò yò wé? Áyáh fyò me yòbènrɔ gbò sò sɔkɔ, té á náh tɔ me Moyisi tyi kònsàhnó gbò sò sɔkɔ, képah se yó n wèkí ne tyípêl pínó wèkì-á yíkí mɔ á tyí? Ǻ sò dé!

<sup>16</sup> Yé náh pĩ ne níkẽ yáh tòle n pĩ ònî yó tyí yòbɔ sò yéle, té n sah ò tyí yõ, yè n pĩ tẽ yòle kègbɔ yò di? Sẽ ó ye, yáh n sah tyípékè tyí yõ, yè n pĩ ké yòbɔle, ànê kè n pɔ kũne. Té yáh n sah Liyel tyí yõ, yè n pĩ ò yòbɔle, ànê kè n pɔ gbi wèkì kólóle.

<sup>17</sup> Yé lésò me tyípékè yõrɔ sɔkɔ. Nte yáh kwónó nê we, képah gbò yõ, núkúnúkú yé me n sah Liyel yóré yõ yé nno pólle. Kãh pĩ sè, á ye wèkí Liyel tyí.

<sup>18</sup> Yé wil tyípékè pínó sɔkɔ, té de gbi wèkì kóló sɔkɔ.

<sup>19</sup> Yépi tyi yah yáhnkwlonɔ ye ní kɔ mé tyi nópilè n yo à yĩne névyè pĩ òkùle yò. Ngbòle lésò, yáh yé wil gbẽnsê tãntãn pólle pòpò ànê tyítúkúnine n pĩ, à Liyel dèlle n

pi sǒ; núkúnúkú, yé séle gbi wěkìle n kɔ, yè n ne n me wìlkìnsàhnóle Liyel tyí yǒ.

<sup>20</sup> Yáh lésǒ me tyípékè yǒri sɔkɔ gbí nêne, ney náh me yéle n kyí n mo ne yé gbi wěkìle n kɔ.

<sup>21</sup> Kéne tyi nóno-á lésǒ yé n pi, kwâh nê me yé we sɔkɔ sé sɔkɔ, à wil sen tyí sɔkɔ, nê-á me yé yǒ kwey mè sɔkɔ? Sépi tyé-ńsahle kũ ye dò.

<sup>22</sup> Nte núkúnúkú, Liyel-á yé wilki tyípékè yǒri sɔkɔ, yé me tǒle n pi ñmo tyí, nê-á kɔ yé kǒ yé kɔ me wìlkìnsàhnóle ñ tyí yǒ, té kɔ tyé-ńkê min we n pi ké tyé-ńsah.

<sup>23</sup> Yé náh we di, tyípékè lédyáhníne, kũ ye. Nte Liyel-á kwâh nêne n yí névyele n kǒ, tyé-ńkê min ye. A képahle névyele n kǒ pé wró kwrónmɔnɔ gbǒ yǒ Yesu Kristale, ñmo nê-á ápi Tě ñgběne.

## 7

*Yesu yǒ sěpú wìlnóle Moyisi tyi kǒnsàhnó yǒri sɔkɔ*

<sup>1</sup> N yúnpyé, yé tyi kǒnsàhnóle n pne. Képah ye, máh kɔ nê yo n pi yé tyí, ké sèndi náh yéle. Névi tǔ-à fyò me min sɔkɔ, à me tyi kǒnsàhnó gbǒ sǒ sɔkɔ.

<sup>2</sup> Sě ó ye, sê nê-à de pe tyí, ñ pe tǔ-à fyò me min sɔkɔ, à me ñmo tyí yǒ fúr wěkì sɔkɔ. Nte tǔ pe-à fyò pɔ yah kwɔ, à kɔ me ñ gblǒy yǒ fúr wěkì sɔkɔ.

<sup>3</sup> Té wàh de dí káhkí tyí té ñ pe sah min sɔkɔ, à kɔ n ye fǒfǒnɔle. Té ñ pe-à fyò pɔ yah kwɔ, à kɔ me ñ gblǒy yǒ fúr wěkì sɔkɔ. Wàh de dí káhkí tyí, fǒfǒkì náh képahle.

<sup>4</sup> Képah núkú ó ye ní yúnpyé, yépi wró-á kwrɔ mo Kristale, kè me á kɔ ne yé tɔ sǒ ku ñne. Kǎh pi sě, yé náh tǔ me Moyisi tyi kǒnsàhnó gbǒ sǒ sɔkɔ. Nte ñ lékó-á yilki mo, yé me ñmo tyí yǒ núkúnúkú, nê-á kɔ á kǒ á kɔ Liyel dyɔ dyɔ tyile n pi.

<sup>5</sup> Yé náh we di, áyáh lésǒ me á dyɔ dyɔ tyile n pi gbí nêne, Moyisi tyi kǒnsàhnó lésǒ me tyípékè dékè kǒ kè á tǔ, á kǒ á me tyile n pi nóno-á kɔ kũne á yíni n tǔ n pi.

<sup>6</sup> Nte núkúnúkú kwâh nê yǒri sɔkɔ-á lésǒ ále, áyáh á náh vi kè kǒ á kɔ ne á sǒ ku, á ye wil Moyisi tyi kǒnsàhnó gbǒ. Té núkúnúkú á kɔ tǒle n pi Liyel tyí pi dùkù késáñne ñ Mirki gbǒ yǒ. Kè náh tǔ n pi n pi ñgbò tyí kǒle gbí nê-á sǒ á me Moyisi tyi kǒnsàhnó wǎrkínsàhnó gbǒ sǒ sɔkɔ.

*Moyisi tyi kǒnsàhnó-á tir nêne n pi*



<sup>7</sup> Sõ me ápi kɪ yo yò wé? Tyípékè se Moyisi tyi kònsàhnóle? ǾǾ dé! Sépi gbò yò ye nɔ pĩ tyípékèle. Sépi-à sò me yó-ńkêne ne ńkê: «Káh yíwilkìle n pɪ!» Mé se náhkɪ pĩ ne tyípékè-á yíwilkì pínóle?

<sup>8</sup> Káh pɪ sɛ, tir kònsàhnó mè ye wɛkì ykɪ mɔ tyípékè kɔ kè we syò à nɔ mɔ yíwilkì duke pól pínó sɔkɔ. Yé náh we di, Moyisi tyi kònsàhnó-à sò me n kɛ, tǎhkì náh n we n pɪ tyípékè sɔkɔ.

<sup>9</sup> Moyisi tyi kònsàhnó pó-ńkê gbíne, nɔ sò me min sɔkɔ. Nte tir kònsàhnó-á fyò pɔ, tyípékè tǎhkì we

<sup>10</sup> à pɔ nɔ min syi. Kéne tir kònsàhnó nê-á sò yíne kè pɔ nɔ kɔ mè min we, képah ye pyè pɔ kúne nɔ yíni tɛ yò sɔ.

<sup>11</sup> Tyípékè ye syò tir kònsàhnó tyí à nɔ pilki, té kúne n yíni tɛ.

<sup>12</sup> Káh pɪ sɛ, Liyel tyi kònsàhnó pól me yályál. Sè me gbu wɛkì yò, té mó tɔ me ple.

<sup>13</sup> Sépi nóno-á me ple, sépi se n mɔ nɔle kú sɔkɔ? ǾǾ dé! Tyípékè ye. Sɛ ye kè wɛkɪ dal mɔ ké gblɔy dùkùle kwèy. Kè pil pèpey náh, té n fike ko. Sɛ ye tyípékè pil pèpey náh té gbah peke tir kònsàhnó gbò yò.

### *Névyé me tyípékè mɔ sɔkɔ*

<sup>14</sup> A pól pĩ yíi ne Moyisi tyi kònsàhnó-á wil Liyel tyí. Nte nɔ gblɔy dyɔ dyɔ tyi pínó sɔkɔ, mé me yò sɔ nne pè tɛ yám tyípékè tyí.

<sup>15</sup> Kègbɪ yò, máh nêne n pɪ, mé náh ké dùkùle n pne. Mâh me ké tyí ne mé pèpey nê pɪ, mé náh képahle n pɪ. Té n dêl-á nê wɔle, mè n pyè képahle n pɪ.

<sup>16</sup> Nte mâh n dêl tɪrle n pɪ, mé sah ké yò ne Moyisi tyi kònsàhnó-á me ple.

<sup>17</sup> Káh pɪ sɛ, nɔ náh n pɪ kéle yò dé, tyípékè nê-á n sɔkɔ, képah ye n pɪ kéle.

<sup>18</sup> Yé náh we di, tyípépɛy yó ntɛ náh me n gblɔy dyɔ dyɔ tyi sɔkɔ. Tyípépɛy pínó sɔnɔ me n sɔkɔ, té ké fɛnpɪnɔ tǎhkì náh n we n sɔkɔ.

<sup>19</sup> Mâh me ké tyí ne mé tyípépɛy nê pɪ, mé náh kéle n pɪ. N té n pyè pèkè wɔle n pɪ nê tyí náh nɔ n tyí.

<sup>20</sup> Nte mâh n dêl tɪrle n pɪ, nɔ náh n pɪ kéle yò dé, tyípékè nê-á n sɔkɔ, képah ye n pɪ kéle.

<sup>21</sup> Máh nê kyɔmɪ we n gblɔy sɔkɔ, kè we yò: Mâh me ké tyí ne mé tyípépɛy pɪ, pèkè ó n ne n yín n yah.

22 Liyel tyi kònsàhnó tyí nɔ yíí n tyí n nɪ pólle.

23 Nte mé kè kyomɪ wɛ nɛ, sépi nónó tyí-á nɔ yíí n tyí, mâh nɛ mé sé wàlle n kɔ, kwâh yó n wɛ n sɔkɔ nê-á mɛ séle n fwo. Kéne kwâh ye mɔ sah nne tyípékè yõrɪ sɔkɔ.

24 N yãm pínó dùkù tẽne n yah yò lé! Nê tẽ ó kɪ pɔ wɛ syi fin mɔ nne kéne kwâh tyí, kèpah nê-á n mɔ n yõ kũne?

25 Liyel ye, ápi Tẽ ñgbẽ Yesu Krista gbò yõ. Gbílkinó nɛ n sah n yõ kèpah yĩnne.

Mâh nɛ mé kè yo yõtukule, Liyel tyi kònsàhnó wàl kóló tyí mɛ n tyí n nɪ sɔkɔ. Nte n gblõy dɔy dɔy tyi pínó sɔkɔ, mé mɛ tyípékè yõrɪ sɔkɔ.

## 8

*Névi nê-á ye Liyel Mirki kɔ kè n yahle n tẽ*

1 Núkúnúkú tẽne, nónó wró-á mɛ kwrónmɔnɔle Yesu Kristale, Liyel tukey nâh tɔ n syikɪ n pi pé yõ.

2 Yé nâh wɛ di, Liyel Mirki nê-á minne névile n kɔ tẽ wró kwrónmɔnɔ gbò yõ Yesu Kristale, kèpah ye wɛ wilki nímɔle tyípékè ànê kũ mɔ sɔkɔ.

3 Moyisi tyi kònsàhnó nâh sò fẽ kèpah pɪ n pi dò. Névyɛ gblõy dɔy dɔy tyi pínó sò mɛ kãn pɪ kéle kèpah ye. Kãh pɪ sɛ, Liyel mɛ n Pídí tekɪ mɔ à pɔ dubi névi wil dùkùle n tyí ápi tyípêl pípú tyí kòlɔ, té ku ápi tyípêl yĩnne, sé tyí wɛ n yikɪ yĩnne névyɛ sɔkɔ.

4 Ápi nónó-á á dɔy yíí tyi wɛ ye, té Liyel Mirki sò tẽ. Liyel kè pɪ nɛ á fẽ tyi kònsàhnó tyíyónóle n pɪ. Kèpah ye à kɔ kèpah pɪ.

5 Yé nâh wɛ di, névi nê-à ye n dɔy yíí tyi yah syi n tyí, tẽ sɔnɔ n nɛ n mɛ n dɔy yíí tyi ó yõ. Nê-à mó ye Liyel Mirki yah syi n tyí, tẽ sɔnɔ n nɛ n mɛ Liyel Mirki dɔy yíí tyi ó yõ.

6 Wâh á dɔy yíí tyi sò tẽ, ké syi-ñsah n pɪ kũne. Té wâh Liyel Mirki dɔy yíí sò tẽ, ké syi-ñsah n pɪ yèvɪnɪ ànê tyé-ñkê min wénóle.

7 Kègbɪ yõ, névyɛ nónó dɔy yíí tyi-á yah syi pé tyí, Liyel sépébi ye péle pãh sɔnpíle yahle sàhnóle Liyel tyi kònsàhnó yóré yõ. Pè nâh fẽ sé wàl kɔ n tẽne dò.

8 Té névyɛ-à pé gblõy dɔy yíí tyile n pɪ, Liyel yí nâh n yuku péle.

9 Yépi tẽ wɔle, yé nâh mɛ yé gblõy dɔy yíí tyile n pɪ. Liyel Mirki dɔy yíí tyi ye yé mɛ n pɪ, kèpah nê-á mɛ yé sɔkɔ. Krista Mirki-à n kne névi nê sɔkɔ, tẽ nâh mɛ n tyí yõ.

<sup>10</sup> Krista-à me yé yahle n tẽ, yé kɪ sɛnsõ pɔ kũ n pi ó, ñte Liyel Mirki gbõ yõ, yé pɪ néglɔ́le Liyel yah sɔkɔ à tyé-ńkẽ min wɛ.

<sup>11</sup> Liyel nê-á yilki mɔ Yesu lékóle, ñ Mirki-à kɪ me yépi tɔ sɔkɔ, yáh sõ pɔ ku, yé lékyî kɪ yilki mɔ kɪ tyé-ńkẽ min wɛ.

<sup>12</sup> Képah ye ní yúnpyé, á yĩne à Liyel Mirki dɔy yíi tyile n pɪ, á náh tɔ yĩne à á gblɔ́y dɔy yíi tyile n pɪ.

<sup>13</sup> Yáh yé dɔy yíi tyile n pɪ, yé kɪ ku. Nte Liyel Mirki gbõ yõ yáh yé dɔy yíi tyi wɛ ye, yé kɪ tyé-ńkẽ min wɛ.

<sup>14</sup> Yé náh wɛ di, Liyel Mirki-à nónó yahle n tẽ, Liyel wẽnpì ye péle.

<sup>15</sup> Liyel-á ñ Mirki nêne yé kɔ, kè náh yéle n mɔ yõri pínó sɔkɔ ànê tíkí pínó sɔkɔ dé. Képah ye pɪ yéle Liyel wẽnpìle, té yé fẽ n yo yínpõ ñgbẽne ne: «Bõ, ápi Sú!»

<sup>16</sup> Liyel Mirki mè ntẽ ye á kɔ á sã yíi ké yõ ne Liyel wẽnpì-á ále.

<sup>17</sup> Té áyáh fyò pɪ ñ wẽnpìle, á vyáh kɪ wɛ pèpɔri sɔkɔ, wáh ñ vyáhle ñ wẽnpì kɔ nê tyí sɔkɔ. Liyel-á pèpɔri nê pɪ Krista tyí, ápi tɔ vyáh kɪ wɛ ké sɔkɔ. Áyáh fyò me yèvyährule n pɪ wẽ tyí Kristale, gbílkínó kɪ n sah n pi á yõ ñne wẽ tyí.

### *Gbílkinó nê-á kɪ pɔ n wɛ n pi*

<sup>18</sup> Mé pĩ ne áyáh me yèvyährì nê sɔkɔ kwey mène, képah náh me sáh n yah yah tẽne gbílkínó ñgbẽ nê-á kɪ pɔ n sah n pi á yõ ñsõne.

<sup>19</sup> Liyel wẽnpì-á kɪ gbílkínó wɛ n pi sõ, képah ye ñ yí mónónɔ pól me n deki.

<sup>20</sup> Yé náh wɛ di, Liyel yí mónónɔ pól me yõre kẽ táhkì yó gbõ sò sɔkɔ. Pépi dɔy dɔy tẽ náh ne kè pɪ sã dé. Nê-á sah péle ké gbõ sò, ñmɔ ye pɪ kéle. Nte gbõ sàh-ñsah tɔ me pé tyí.

<sup>21</sup> Sõ yó me n pi, Liyel yí mónónɔ pól kɪ pɔ n wilki n pi yõri sɔkɔ yíkinó pí-ò gbõ. Té kɪ gbílkínó wɛ wẽ tyí Liyel wẽnpìle.

<sup>22</sup> Nte à pɔ syi kwey mè tyí, á pĩ ne Liyel yí mónónɔ pól-á me n gbì kúrntèsè tyí kòle yèvyährì tẽ tyí.

<sup>23</sup> Té kè náh yĩn pépi ó tyí dé, Liyel-á ñ Mirkile ñgbòle ápi nónó kɔ, ápi tɔ me n gbì á fɔkɔ táhló sɔkɔ, me gbìyíkile n sykɪ sò nê-á Liyel kɪ kè wẽkɪ n pi ne áyáh pɪ pé wẽnpìle, té kɪ pwáhnmɔnɔ wɛ dal mɔ.

<sup>24</sup> Yé náh wɛ di, á ye pwáhnmɔnɔ wɛ. Té kè me á kɪ ne sã-á ńkẽne névi ñ gbõ sah kwáh yó pónwɛnɔ yõ. Nte wáh

kè we syi te, à náh tǒ ò gbò sah n pi ké pónweno yǒ dò. Wàh kè we syi te, à kǐ tǒ ò gbò sah sǒ ké pónweno yǒ?

<sup>25</sup> Nte áyâh tǒnì me kwâh nê wénsyi-ńkêne, ǎ sǒmnó pǐ ò té á gbò sah ké pónweno yǒ.

<sup>26</sup> Sě ó ye, Liyel Mirki tǒ me ápile n yohnǐ n mǒ á tǔnkwlóno yǐnne. Yé náh we di, ápi náh pǐ nê-á yǐne nínóle. Nte Liyel Mirki me nírile n pǐ ápi tyí nê-á ápi náh fě ké dǔkù yah yo.

<sup>27</sup> Té Liyel nê-á névye fǒko táhlóle n pne, ò Mirki-á me nêne n yah n kǒ, òmǒ kéle n pne. Yé náh we di, ò Mirki nírile n pǐ Yesu yǒ sǔpú tyí à yǐne òmǒ dyo yǐ tǔne.

<sup>28</sup> Á mó tǒ pǐ tǒle ne Liyel tyí-á nǒ nónó tyí, ǎ tyi pólle n pǐ pépi tyí pekǐ yǐnne, pépi nónó-á à ye à yǐne wǎh kè yah tǒko sah sǒ.

<sup>29</sup> Liyel-á nónó yah wilki ògbò dǔkùle, à ye kwâh tǔ kè yah tǒko tǒle ne pǎh yǐne pè pǐ pé Pídǐ tyí kǒle, òmǒ kǒ à pǐ pé pól nénkyíle.

<sup>30</sup> Wǎh kwâh tǔ nónó yah tǒko, à ye pè ye tǒle. Wǎh nónó ye, à ye pè pǐ négló tǒle ò yah sǒko. Wǎh nónó pǐ néglóle ò yah sǒko, à ye yǒ yǒnóle pè kǒ.

<sup>31</sup> Sǒ me ápi kǐ yo yò wé? Liyel-à me ápile, nê kǐ fě á fwo?

<sup>32</sup> Nmǒ nê-á à náh ye ò yǔngbǔ Pídǐ kǒnóle, à à mǒ kǐ kǒ ápi pól yǐnne. Á kǐ pǐ sǒ té à náh yǐ tǔlǒ pólle á kǒ à n tǎhǐ n pi òmǒ gbò yǒ.

<sup>33</sup> Liyel-á névye nónó yah wilki, nê tǔ kǐ pǒ n tǒko péle n kǒ? Liyel ye pǐ névyele néglóle ò yah sǒko.

<sup>34</sup> Nê kǐ tǒ fě Liyel tukey kǒ kè kǐ syǐkǐ pé yǒ? Yesu Krista ye ku, té kè náh yǐn kǔpah ó tyí dé, ò lékó yilki mǒ. Yé náh we di, à me tǔnóle Liyel gbǒyǒ sǒle, té me nírile n pǐ ápi tyí.

<sup>35</sup> Ápi tyínǒnǒ nê-á me Krista sǒko, kwâh yó ńtǔ náh fě ké yah kǒ n pi. Yèvyǎhrǐ ò, tǐkǐ kǔpéke ò, fǒhnó ò, kwǔkǐ ò, kwâh kǔ ò, dlo ò, kǐ ò, sé sǒko yó ńtǔ náh fě ké yah kǒ n pi.

<sup>36</sup> Kè me wǎrkínsǎhnóle Liyel wey sébéy sǒko ne ńkǔ: «Áwǒ yǐnne, ápi me kǐ dlo sǒko sǒmesó. Pè me ále n pǐ á kǐ ne yǐpǔy sǒ pè tǔ n yuku kò-ńsah sǒko.»\*

<sup>37</sup> Nte sépi pól sǒko, á tyí-á nǒ Liyel nê tyí, òmǒ gbò yǒ á pǐ tǔnǔnǔpu ògbnóle.

<sup>38-39</sup> Gbǐ yǒ, ápi tyínǒnǒ nê-á me Liyel sǒko, té à syǒ á Tǔ ògbǔ Yesu Krista tyí à kéle á wǔkǐ, ń sǔnyǐnǒ me ké yǒ ne, kwǎhmónǐ yó ńtǔ náh fě ké yah kǒ n pi. Kǎh kǐ sǒ kǔne ò, kǎh kǐ sǒ minne ò, kǎh kǐ sǒ yǐnyǒ tǔnǔnǔle ò, kǎh kǐ sǒ

\* 8:36 8.36 Yah n te Gbálnó 44.23.

yõtörínole ò, kàh kɪ sɔ̄ kwey gbĩ tyile ò, kàh kɪ sɔ̄ nsó̄ tyile ò, kàh kɪ sɔ̄ tēnpnènonole ò, kàh kɪ sɔ̄ yĩnyō tãhkínole ò, kàh kɪ sɔ̄ sètáh sōwãh tãhkínole ò, sé soko yó n̄tē nãh fē ápi tyínono yah kō n pi n̄ tyí.

## 9

*Yìkì nê névye-á Liyel yah tɔko*

<sup>1</sup> Krista tyí yō ye n̄ne. Képah ye, máh kɪ nê yo n pi, gbɪ ye kéle, m̀ǹn̄ nãh me ké soko. Liyel Mirki ye ké sōno dahbɪ te n̄ soko ne nê-á mé kɪ n yo n pi, gbɪ-á kéle.

<sup>2</sup> Yèkwɔri ngbē me n̄ soko. N nɪ me n suke gbíme gbí.

<sup>3</sup> Yé nãh we di, máh me nê tyí, n̄mo tyí sɔ̄ nãhki ykɪ ànê n̄ wró mó gbe Kristale n̄ yũnpyé swo soko, pé pwah n mo yinne, pépi nónó-á n̄ yìkì névyele.

<sup>4</sup> Pépi ye Yisrayel nole, Liyel-á nónó pɪ n̄ wēnp̄ile. A yō yōnóle pé kō, té yégbékè kwɔ mo péle gbáyí nãhnãhle, té tyi kō sah pé kō, té n̄ ni dukùle pé wēkɪ, té n̄ vyãhle pé kō.

<sup>5</sup> Abrahmɪ, ànê Yisakɪ, ànê Nsyakɔbɪpi ye pé nãh tãnne. Yìkì núkú ye péle Yesule wãh pɔ sètáh yō. N̄mo ye Liyelle, nê-á me yiyin pól yō. N̄ yin ne n gbilki gbíme gbí. Amiina!

<sup>6</sup> Máh nê yo soko yõtãh, képah nãh n wēkɪ ne Liyel nãh n kɔ n̄ tyiyónó sò. Nte Yisrayel no pól nãh pɪ Yisrayel no yèsyìkìn̄ne Liyel yah soko.

<sup>7</sup> Sě ó ye, Abrahmɪ wēnp̄i pól tɔ nãh pɪ n̄ wēnp̄i yèsyìkìn̄ne. N pídí Yisakɪ wɔ wēnp̄i ye kɪ n mo n kō n pètóbéle sɔ̄-á Liyel yo kéle n̄ tyí.

<sup>8</sup> Mãh ne mé kè yo palle, wēnp̄i nónó-á dubi gbɔyne, pépi nãh Liyel wēnp̄ile. Nónó-á dubi à yĩne Liyel vyãh kónóle, pépi ye n̄ wēnp̄ile.

<sup>9</sup> Yé yah, Liyel lésò n̄ vyãhle Abrahmɪ kō ne n̄kē: «Gbĩ yó ȳnkō gbíne, mé kɪ n̄ syɪ pɔ á ònne, té Sara kɪ me d̄n̄pir we dubi.\*»

<sup>10</sup> T̄o nãh dé, yé yah Wrebeka tɔ tyíle kè: Ápi sútó Yisakɪ mè ye dubi à kō d̄n̄p̄i n̄p̄i ním̄ine nónó-á kèn̄n̄ne.

<sup>11-13</sup> Gbí nê-á wēnp̄i n̄p̄i nãh t̄on̄ dubi, pé nãh tyítúkún̄i pɪ, pé nãh tyípéplɔ tɔ pɪ. Nte Liyel me yo Wrebeka tyí ne: «Wēnp̄i n̄p̄i soko, nénkyí tē kɪ pɔ pɪ gbē tē yōle.»† Kè t̄o me wárkínóle Liyel wey sébéy n̄tē soko ne n̄kē: «Nsyakɔbɪ wɔ tyí ye no n̄ tyí, Yesayu nãh»‡ Yé nãh we di, képah n wēkɪ ne

\* 9:9 9.9 Yah n te Yenes̄t 18.10. † 9:11-13 9.11-13 Yah n te Yeses̄t 21.23.

‡ 9:11-13 9.11-13 Yah n te Malaki 1.3.

névi tyípínó náh Liyel n yah n té tẽ yah n wilki. Névi nê-à n dyc, tẽ wɔ ye à n yah n wilki.

14 Sõ me ápi kɪ yo yò wé? Liyel náh me n kɔ gbɪ wěkì yõ di? A me n kɔ gbɪ wěkì yõ kè.

15 Yé náh we di, à yo Moyisi tyí ne: «Mâh me ké tyí ne mé pèpɔɪ pi névi nê tyí, mē kè pi tẽ tyí. Té mâh me ké tyí ne mé névi nê yãm yah, mē tẽ yãm yah.»§

16 Kãh pi sě, kèpah náh n wil névi dyc yĩ tẽ sɔkɔ, kèpah náh pi n gbáhntěno sɔkɔ dé. Nte kè n wil Liyel ó tyí, nê-à névi yãmne n yah.

17 Kè me wárkínsàhnóle Liyel wey sébéy sɔkɔ ne, Liyel-á yo Yesyipti yõtẽ dí tyí ne: «N ténweno wěkɪ yĩn ànê n yĩn wil yĩn ye kèkõyó pól sɔkɔ, n kō mé n pi yõtēne.»\*

18 Kãh pi sě, kãh Liyel dyc, à nnî yãm yah, té kãh n dyc à nnî pi kùkùtãhkì névile.

19 Gbòkénpi túkù kɪ fě ne, kwãh nê se pi té Liyel kɪ tõ n tokɔ névyele n kō nɪ? Nê se kɪ fě n dyc dyc tyi yah kō nɪ?

20 Nte nê tẽ ó me áwɔle, té á kɪ pɔ Liyelle n kōh? Pín se kɪ fě ké mó-ò piki yah ne, kwãh nê se pi té à pé mɔ sě nɪ?

21 Pnì mó-ò tyí náh n fãhrule di? A kɪ fě tyígbí pi pi pín mɔ kéle, té kɪ tõ fě nýãn tyi pi pi pín mɔ kéné fãhri óle.

22 Liyel me ké tyí ne pé pé fòkònyãhnì wilki mɔ, pé mó pé tãhkì wěkɪ. Té wãh mó tõ sò yĩne à n fɔkɔ vyãh névyele nónóne, à sómno pi té n gblõy ye náhnáh pé tyí.

23 Nte n tǒrí-á me gblò dukù nêne, à sò me ké tyí ne pé kéle no téló wěkɪ, wãh pépi nónó yãm yah té pè yah wilki sah n tǒrí sɔkɔ de yĩnne.

24 Té kéné névyele, ápi ye. A náh á yah wilki Nsyifunɔ ó sɔkɔ dé, nte à túkù yah wilki yìkinì téló sɔkɔ,

25 sǒ-á Liyel kè yo sah Wose sébéy sɔkɔ ne: «Névyele nónó náh sò me nímɔ nolé, mé kɪ péle n ye n nolé. Yìkì ne tyí náh sò nɔ n tyí, mé kɪ kéle n ye n dyc yĩ yìkile.†

26 Té nýãh sɔkɔ-á lésò kè yo pé tyí ne nímɔ no náh péle, nénpó mè ó sɔkɔ ye tõ pè kɪ ye péle Min nétẽ Liyel wěnpìle.»‡

27 Yesayi tɔ mó yo Yisrayel no tyí sɔkɔ ne nkẽ: «Yisrayel névyele-à sǒ me dò pne yo gbòpɔ sèmiyáhrí sǒ, kwéy ó ye kɪ n pwah n pi pé sɔkɔ.

28 Yé náh we di, TÈ NGBE Liyel-á tyi nónó yo, à kɪ sè pi dal mɔ súú sétáh yõ.»§

§ 9:15 9.15 - Yah n te Yálnó 33.19. \* 9:17 9.17 - yah n te Yálnó 9.16. † 9:25

9.25 - Yah n te Wose 2.25. ‡ 9:26 9.26 - Yah n te Wose 2.1. § 9:28 9.27-28 - Yah n te Yesayi 10.22-23.

29 Té Yesayi t̄õ lésõ kè yo sah ne ñkê: «Tyi pól tyí t̄enwe-ò TÈ NGBÈ Liyel-à s̄õ me á tókù sàh-ñkêne min sòkò, á duku nàhkì to Sodòmì ànê Gbomòrì névye tyí kòle.»

30 S̄õ me ápi kɪ yo yò wé? Névyé nónó nàh pɪ Nsyifunòle, pè pɪ néglólé Liyel yah n̄ yõ s̄enó gb̄ò yõ, pépi nónó-á pè nàh s̄õ me kéle n yah n k̄õ.

31 Té Yisrayel no nónó wò-á pyè s̄õ me n yah n k̄õ ne pé pɪ néglólé Liyel yah Moyisi tyi k̄onsàhnó wàl kóló gb̄ò yõ, pè nàh we pɪ néglólé képah gb̄ò yõ.

32 S̄õ pɪ té pé nàh we pɪ néglólé wé? Pè nàh s̄õ me kéle n yah n k̄õ Liyel yõ s̄enó gb̄ò yõ, pè s̄õ we ne ñkê pé tyípínì-á kɪ f̄ẽ pé pɪ néglólé Liyel yah képah ye. Pé gbáhkì ye pyè pè mɪ pé wilkì n m̄o m̄o dáhkì tyí yò s̄õ.

33 Kéne dáhkìle, Yesu Krista ye. Képah tyí ye wárkínsàhnóle Liyel wey sébéy sòkò ne ñkê: «Yé yah, mé kɪ gbáhkì mɪ mɪ dáhkì yó sah Siyõ kwil sòkò. Névyé wilkì n m̄o m̄o tédáhkì yó ye kéle. Nte névi nê-à n̄ gb̄ò sah ké yõ, sen nàh t̄ẽ t̄ẽ n pi.»\*

## 10

1 N̄ yúnpyé, máh me nê tyí ní nɪ pólle, képah ye ne Nsyifunò pwáhnmonò we. Mé me Liyelle n ni pé tyí képah tyí sòkò.

2 Yé nàh we di, mé kɪ f̄ẽ kè yo ne p̄ah me gbah t̄ẽ ȳí Liyel w̄kì kóló sòkò, nte p̄ah me kéle n pɪ ȳt̄uri sòkò.

3 Liyel-á névile n pɪ négbíle n̄ yah sòkò dùkù n̄ene, pè nàh kè p̄í. Té pé ȳngb̄é tyíle n pɪ, té Liyel tyí wò yahle.

4 Krista ye pò Moyisi tyi k̄onsàhnó tyi pɪ syɪ sé ȳin tyí. Névi nê-à s̄ẽ Krista yõ, t̄ẽ kɪ pɪ négbíle Liyel yah sòkò.

5 Névi-á f̄ẽ n pɪ n pi négbíle tyi k̄onsàhnó gb̄ò yõ dùkù n̄ene, Moyisi-á nê wárkì ké tyí sòkò kè we yò: «Névi nê-à tyi k̄onsàhnó sòkò tyíyónóle n pɪ, t̄ẽ kɪ n̄ minne n pɪ sépi gb̄ò yõ.»\*

6 Nte névi-á n pɪ négbíle Krista yõ s̄enó gb̄ò yõ dùkù n̄ene, kè me yónóle képah tyí sòkò ne: «Káh ne n s̄õ á fòkò sòkò ne: «Nê kɪ dòkò kyɪ ȳinyõ?»» Nê kór-á, kɪ kyɪ Krista k̄õ à kɪ tiki pò.

7 Képah nàh pɪ: «Nê kɪ tiki yuku sétáh s̄owāh?» Nê kór-á, kɪ kyɪ Krista k̄õ à kɪ wil lékókwil kɪ dòkò pò.

\* 9:33 9.33 - Yah n te Yesayi 28.16 ; 8.14. \* 10:5 10.5 Yah n te Levitiki 18.5.

8 Nte tir nê me tã yónóle wé? Kè me yónóle ne: «Liyel wey me á tnô. Kè me á vyãh sokò ànê á nì sokò.» Kéne weyne, Yesu Krista yõ sěnó wey ye kéle, áyáh me nêne n yo n kã.†

9 Wãh kè yo á vyãhle ne Tě ñgbé-á Yesu Kristale, té sě ké yõ á nì sokò ne Liyel-á ñ lékó yilki mɔ, á kɪ pwáhnmonɔ we.

10 Wãh sě Liyel yõ á nì sokò, képah ále n pɪ négbúle; ànê wãh kè yo á vyãhle, képah ále n pwah n mɔ.

11 Á náh we di, kè me wárkínsàhnóle Liyel wey sébéy sokò ne névi nê-à sě Krista yõ, sen náh tě tě n pi.

12 Kãh pɪ sě, wãhkì náh me Nsyifunɔ wró ànê nónó náh pɪ Nsyifunɔle. Tě ñgbě núkú ó ye me pé pól tyí, nê-á pèpɔrle n pɪ no pól tyí nónó-á ñne n ye n gbo.

13 Yé náh we di, kè me wárkínsàhnóle Liyel wey sébéy sokò ne ñkě: «Névi nê-à Tě ñgbě ye gbo, tě kɪ pwáhnmonɔ we.»

14 Nte sõ me pé kɪ ye gbo ñne, né pé náh sě ñ yõ? Ñ tyí wénnoh-ńkêne, pé kɪ sě sõ ñ yõ? Pé kɪ we noh sõ ñ tyíle né ney náh ñ tyí we yo pé tyí?

15 Té sõ me Liyel wey kɪ yo, né névi náh tekɪ mɔ ké yo yinne? Képah ye kè me wárkínsàhnóle Liyel wey sébéy sokò ne ñkě: «Kè me ñìvìnìne wãh Ñìvìnì tir yópú we pé pé gbáhkì tokò n pi.»‡

16 Nte no pól se yó Ñìvìnì tir fě syi? Yé yah, Liyel těntò syinyo-ò Yesayi lésò me pikinyahɔle n pɪ ne ñkě: «Tě ñgbě, ápi-á tir nêne n yo, nê sě ké yõ?»§

17 Sě ye Krista yõ sěnó n we Ñìvìnì tir nóhnó sokò. Té Ñìvìnì tir mène mó, Yesu Krista tyí yónó ye.

18 Nte à; pé náh ñ tyí yónó noh yah di? Pé kè noh kyó! Kè me yónó ñtêne Liyel wey sébéy sokò ne ñkě: «Pé yínpõ me n dokò sétáh yõ pól sokò, pé wey me n yini n tě kèkõyó tãntã pól tyí.»\*

19 Nte à; Yisrayel no náh lésò Liyel wey mè syíkí-ńsah pɪ di? Moyisi mó tã kwãh tě kè yo ne Liyel-á ne ñkě: «Mé kɪ kè pɪ yé kã yé kɪ yikì fóřɔ yó yèwanne n yah. Yikì nê névyé-á lékám kě névyele, mé kɪ kè pɪ yé kã yé kɪ pé dyɔle n yo.»†

20 Yesayi ñ nì syãh kè yo ñtêne ne Liyel-á ne ñkě: «Névyé nónó náh sò me ñmɔle n yah n kã, pépi ye we ñne. Névyé nónó náh sò me kwãh yó ñtêne n yah n kã ñ tyí, mé ñ gblõyne pépi wěkɪ.»

† 10:8 10.8 Yah n te Tõnyonɔ 30.12-14. ‡ 10:15 10.15 Yah n te Yesayi 52.7.

§ 10:16 10.16 Yah n te Yesayi 53.1. \* 10:18 10.18 Yah n te Gbálnó 19.5.

† 10:19 10.19 Yah n te Tõnyonɔ 32.21.



21 Nte Yisrayel no tẽ wɔ tyí sɔkɔ, Yesayi ne Liyel-á ne nkê: «Gbĩmegbí mè n ne n me ní gbàn yíkí mɔ pè syíkí n tẽ, pépi nónó-á nòhnì-nkê ànê kèlékê névyelɛ.»‡

## 11

### *Liyel náh n náh vi Yisrayel no kɔ*

1 Nte-à, Liyel se n náh vi n no Yisrayel tân kɔ? ǉǉ dé! Yé náh we di, nímɔ tɔle Yisrayel ney ye dò. Abrahami náh ney yó ye níne, nê-á wil Běnsyame yíkí sɔkɔ.

2 Liyel náh n náh vi n no kɔ wáh kwáh tẽ nónó yah wilki sah dé. Yé se kí ne yé pínó náh me ké sɔkɔ ne, káh me wárkínsàhnóle Liyel wey sébéy sɔkɔ ne Yeli-á sò me n tɔkɔ Yisrayel nole n kɔ Liyel tyí

3 ne nkê: «Tẽ ñgbě, pè ye á tẽntò syínyopu ko mɔ, té sárká súkénkɔ-ńtân yíkí nónó-á me áwɔ tyí yó. Nmɔ ó wũ ní gblɔy, té pè tɔ me n yah n kɔ ní kònmɔ-ńsahle.»

4 Nte sɔ me Liyel yo n tyí? A ne: «Mé ye díbí nêpĩ kèyò tónó kyegbām (7 000) wilki sah ní gblɔy tyí, nónó-á pè náh gbètukuno di fal fal tò Baal yah sɔkɔ à kè gbilki.»

5 Képah núkú ó ye kwey mè tɔ sɔkɔ, névyel kwéy yísyó me wũ tẽ Liyel-á yòbènrɔ pí nónó tyí à pè yah wilki.

6 Nte yòbènrɔ-à kí nê Liyel pí pé tyí à pè yah wilki, pé tyípínó gbò yó náh mó tɔ kè. Káh me sépi gbò yòle, yòbènrɔ náh mó tɔ dò.

7 Sɔ me ápi kí yo yò wé? Yisrayel no-á nêne n yah n kɔ, pé pól náh kè we. Nte Liyel-á nónó yah wilki pé sɔkɔ, pépi ó we kéle té téló wɔ ní me tah tũ

8 sɔ-á kéle wárkínsàhnóle Liyel wey sébéy sɔkɔ ne: «Liyel ye pè pí tóròò. A pé yí pí sè náh me n yah, té pé ní pí sè náh me n nohnì, fɔ́ó à pɔ syí kwey mè tyí.»

9 Yòtẽ dí Davidi tɔ tɔ kè yo ne nkê: «Pé yòke yĩne kè pí pé tyí pé tẽ tẽ vyóne, ànê pé tẽ tẽ kěyne, ànê pé wilki n mɔ mɔ kwáhle, kí pé tyítúkúnine pè dyah.

10 Pé yí mó ne me syĩ, pè káh fẽ ne n yah, pè mó ne me kwlónó sɔkɔ gbĩmegbí tókóbí sɔ me pé yó.

11 Nte-à, Yisrayel no-á pé gbáhkì mí syíkí sɛ-à, pè se kí wũ tẽ sɛ kúmm? Sɛ tẽ wɔ náh dé. Nte pépi-á pilki, yíkínì téló mó pwáhnmɔnɔ we, pépi Nsyifuno kɔ pè pé yèwanne n yah.

‡ 10:21 10.21 Yah n te Yesayi 65.1-2.

12 Nte pépi-à pílkinó-à kɪ me pi pèpɔɔ wénóle kèkɔyó névyé tyí, té pé tɛ̀nkwlɔɔ me pi pèpɔɔ wénóle yìkìni tɛ̀lɔ tyí à, pépi-à pwáhnɔɔ wɛ tɛ, kɛ́pah náh n pi n pi pèpɔɔ ngbɛ̀nɛ kal di?

*Névyé pwáhnɔɔle nónó náh pi Nsyifunɔle*

13 Yépi nónó náh pi Nsyifunɔle, yépi tyí ye mé n yo wey mènɛ núkúnúkú. Yesu tɛ̀ntò névi ye rímɔle nê-á me tòle n pi yépi yinne. Tò mè me yó yɔ́nóle rímɔ tyí,

14 nê-á kɪ á no Nsyifunɔ kɔ̀ kè kɪ yìkìni tɛ̀lɔ yèwanne n yah, ní kɔ̀ mé kɪ pé túkù wɛ pwah ɔ.

15 Yé náh wɛ di, Liyel-á pè gbɛ milki kɛ́pah-à me kèkɔyó névyé wró tɔ sah Liyelle à, wáh tɔ pɔ pé ye kwró ònɛ, kè kɪ pi sɔ̀ wé? Kè náh n pi n pi á kɪ nɛ lékyí sɔ̀ yilki ɔ di?

16 Sèmukɔ pye nónó-á ko gbɔle, sépi-à kɪ me wilki sah Liyel tyí yó, sé tɛ̀lɔ pól tɔ me ò tyí yó. Séswô sémîn-à me sàhnóle òmɔ tyí yó, ké ỳngbàn tɔ kɪ me ò tyí yó.

17 Nsyifunɔ me wólívi séswô sónó sɔ̀, té Liyel me ké ỳngbàn kɔ̀li. Té nónó náh pi Nsyifunɔle, pépi mó me á kɪ nɛ kyèh sɔ̀kɔ wólívi séswô sɔ̀, nê-á Liyel ké ỳngbàn kɔ̀li kyɪ pukubi wólívi yòhkì sónó tyí. Yáh Liyel yòbènɔɔ nê wɛ, kɛ́pah n wil Nsyifunɔ tyí sɔ̀-á wólívi séswô sónó òkì n yohnɪ n ɔ ỳngbàn púkúbínóle.

18 Kɛ́pah ye, ỳngbàn nónó-á Liyel kɔ̀li kwɛ, yé káh séle n yilo. Yé káh yé gblɔ̀yne n yó n sah, yépi tyí náh sémînne, pépi tyí ye séle.

19 Yé kɪ fɛ̀ ní syah nɛ, Liyel-á ỳngbàn nópi kɔ̀li to té yépi wɛ pukubi.

20 Gbɪ tɛ̀ wɔ ye, pépi Liyel yó sɛ̀-ńkɛ̀ ye Liyel kɔ̀ à pè kɔ̀li to té yépi wɛ pukubi pé swɔ sɔ̀kɔ yé Liyel yó sɛ̀nɔ̀ gbò yó. Yé náh ỳnɛ yé yé gblɔ̀yne n gbilki. Kè pyé ỳnɛ kè nɛ n me tíkile yé tyí òtɛ̀nɛ ńkɛ̀.

21 Yé náh wɛ di, Liyel-à me yè-ńkɛ̀nɛ séswô sónó ỳngbàn kɔ̀línóle, yépi wɔ se pyé à kɪ wɛ ye yáh sɛ̀-ńkɛ̀nɛ ò yó?

22 Yé yah, Liyel plɛ, té mó tɔ peke. A peke pílkipú yó, té n pi plɛ yépi tyí. Nte yé ỳnɛ yé nɛ n me ò pèpɔɔ mènɛ n pne gbímɛgbí. Kɛ́pah-à pí-ńkɛ̀nɛ, yé tɔ kɪ kɔ̀li milki.

23 Nte Nsyifunɔ tɔ-à kɪ pé kèlékɛ̀ pínó yal ɔ té sɛ̀ Liyel yó, Liyel kɪ pè tɔ pukubi séswô sónó tyí. Tɛ̀nwɛnɔ me òmɔ tyí kɪ ò syɪ pè tɔ pukubi.

24 Yé náh wɛ di, yépi nónó náh pi Nsyifunɔle, yé me á kɪ nɛ kyèh sɔ̀kɔ wólívi séswô sɔ̀, nê-á Liyel ké ỳngbàn kɔ̀li

kyi pukubi wólíwî yòhkì sónó tyí. Nsyifunɔ mó me wólíwî séswô sónó yìngbàn tyí kōle nónó-á Liyel kɪ pè tɔkɔ pukubi sé séswô tyí.

*Nsyifunɔ pwáhnɔɔnɔle*

25 N yúnpyé, mé kɪ Liyel tir wǒbìnsàhnó yó tyí yah yo wah yé syah, sǒnko yè káh n pɔ yé gblǒyne n tɔkɔ n pɪ yĩ pípúle. Yé yah, Yisrayel no túkù kɪ wũ tē níkísekókó pínó sɔkɔ, pópó kɪ pɔ nɔ gbí nê-á nónó náh pɪ Nsyifunɔle, pè kɪ pwáhnɔɔnɔ wɛ, té kɪ de Liyel no sɔkɔ.

26 Képah sɔkɔ, Yisrayel no pól kɪ pyè pwah sǒ-á kéle wǎrkínsàhnóle Liyel wey sébéy sɔkɔ ne nkě: «Pwáhnɔɔ-ò kɪ wil Siyô kwil sɔkɔ. A kɪ pɔ Nsyakɔbɪ no tyípêl tókóbí tē yô pé yô.

27 Nmɔ Liyel-á kɪ pɔ pé tyípêl yô mɔ pè kǒ, té kɪ yégbéke nê kwrɔ n mɔ n pɪ péle, képah ye yò.» \*

28 Yah yóle, Liyel sépébi ye Yisrayel nole pǎh sǒnpíle Nìvìnì tir yahle, té képah wɔ mó nekɪ yépile. Nte yah yóle, pépi ye sǒ à yah tɔkɔ pɪ n nole. Pé tyí nɔ n tyí pé náh tǎn yinne.

29 Yé náh wɛ di, Liyel-à kwáhle névi kǒ, à náh n yahle n vi kéle n syi pólle. Wáh névi nê ye, à náh n nahle n vi tēne n kǒ pólle.

30 Ngbòle, yé lésó me Liyel yóré yahle. Nte núkúnúkú, Nsyifunɔ tɔ-á n yóré yahle, à me yépi yǎm yah.

31 Sě ó ye, Liyel yóré nê-á pè yahle núkúnúkú yò, té Liyel me yépi yǎm yah, pépi tɔ yǎm yah yin ye à pɪ képahle.

32 Yé náh wɛ di, Liyel ye no pól kǒ pè n yóré yahle pé pól yǎm wɛ n yah yinne.

33 Liyel pèpɔrɪ me gblò dé! Lékám me yǐ n sɔkɔ, n fɔkɔ se mó tǒ me dényinɔle. N tyi tē dukù náh fē n pĩ, n syǒ-ntàn tɔ náh fē n pĩ ló.

34 Kè me wǎrkínsàhnóle Liyel wey sébéy sɔkɔ ne nkě:

«Nê tē wɔ me Tē ñgbě sǒnɔle n pne wé?

Nê tē wɔ kɪ fē vɪnmɔnɔle à kǒ?†

35 Nê kwáh yóle à kǒ,

té à pɔ ké lédyáhníne tē kǒ náhle?»‡

36 Yé náh wɛ di, yíyìn pól wil ñmɔ tyí. Nmɔ mónó ye sé pólle. Sé pól me ñmɔ tyí yô. Gbílkinó ne n sah n yô gbímegbí. Amiina!

\* 11:27 11.27 Yah n te Yesayi 59.20-21. † 11:34 11.34 - Yah n te Yesayi 40.13.

‡ 11:35 11.35 - Yah n te Nsyakɔbɪ 41.3.

## 12

*Min pínó késáñne Liyel wě̀kì kóló soko*

<sup>1</sup> N yúnpyé, Liyel pèpɔri pínó yinne ápi tyí, mé kéle n yah n kō yé tyí ne, yé yé gblɔyne Liyel kō yé sɔ pi sárkále ò tyí. Yè mó yé minne n pi yályál ò yah soko, nê-á kɪ ò yí yuku. Képah ye Liyel gbilki òkùkù pèpeyne, yáh yíne yè nêne n pi.

<sup>2</sup> Yé káh kèkōyó névyele n yah n pi. Nte yé ye Liyel kō à lékám késáñne yé kō sɔnko yé vi mɔ. Képah soko, tyi nóno tyí-á me Liyel tyí, yé kɪ tē we séle n wah n pne. Sépi ye pi tyi tyípeplɔle, ànê nóno tyí-á nɔ ò tyí, ànê nóno-á sòhkì kēne.

<sup>3</sup> Liyel-á yòbènrɪ nê pi nmo tyí, képah yinne mé kéle n yo yé nénúkù núkù pól tyí ne, yé káh yé gblɔyne n gbilki n kah n mɔ. Yé ye gblɔy tíkínmɔnɔ sɔnɔ ne n me yé soko, à yíne Liyel-á ò yò sɛnóle yé nénúkù núkù pól kō sɔ.

<sup>4</sup> Yé náh we di, wil gběnsê núkù núkù ye á pól tyí, té tãntãñne sé tyí ò, nóno-á sé pól pi pi tyi me sé tyí tyíle.

<sup>5</sup> Sê ó ye, ápi to me ò, nte á pól pi wil gběnsê núkúle tyí kōle á wró kwrónmɔnɔ gbò yò Kristale. Á pól kwɔ mɔ pi núkúle wil gběnsê tãntãñ tyí kōle nóno yétó-á me wēne n tē.

<sup>6</sup> Liyel-á pèpɔri pi á tyí à nónoñe á kō, sè me sé tyí tyíle. Nê tyí-á kɪ me Liyel tēntōnè syinyonɔle, tē kéle ne n pi à yíne Liyel yò sɛnó wě̀kìle.

<sup>7</sup> Nê tyí-á kɪ me sɔnmɔnɔle névyé tyí, tē ne n so n mɔ pé tyí. Nê tyí-á kɪ me névyé kwónóle, tē névyele n kwɔ.

<sup>8</sup> Nê tyí-á kɪ me névyé vɪnmɔnɔle, tē névyele n vi n mɔ. Nê tyí-á kɪ me pèpɔri pínóle névyé tyí, tē kéle ne n pi fòkòpènrɪ soko. Nê tyí-á kɪ me névyé yah tēnóle, tē gbah tē ké soko. Nê tyí-á kɪ me névyé yãm yáhnóle, tē kéle n pi nìvìnì soko.

<sup>9</sup> Yé yíne yé tyí nɔ wē tyí fòkòkwĩkì kēne ké soko. Yé pèkè pínó yal n mɔ pnépné, yè mó pèpɔrile n pi.

<sup>10</sup> Yé ye yé tyí nɔ wē tyí yúnpíkì núkù tyí kōle. Yé gbah tē yè yòyenne n sah wē yò.

<sup>11</sup> Yé kléykléyne n pi, yé káh pi gbãndal névyele. Yé tôle n pi Tē ñgbē tyí yé nno pólle.

<sup>12</sup> Yé gbò sàhnó-á me nê yò, yé ne n me nìvìnì soko képah yinne. Yé sòmnoñe n pi yèkwɔri gbíne. Yé gbah n tē níri pínó soko.

<sup>13</sup> Yé yé yúnpyéle n yohnɪ n mɔ pé fyàh-ntàn soko, yé mó népãñne n tē ple.

14 Nónó-á yéle n fõh, yé sãmmne n mo pé soko. Yé sãmmne n mo pé soko, yé káh léplóle n ye n mo pé yõ.

15 Nónó-à me nìvìnì soko, yé ne n me nìvìnì soko péle wẽ tyí. Nónó-à mó me gbní soko, yé ne n me gbní soko péle wẽ tyí.

16 Yé yé fókósõno pi núkúle. Yé káh pi gblõy gbilkípúle, yé ye gblõy tìkínmõno tyí no yé tyí. Yé káh yé gblõyne n pi yĩ pípúle.

17 Yé káh ònî yò òtẽ pèkè pínó wó de ò soko. Yé pèpõrile n pi no pól tyí.

18 Kàh ki me yépi tẽ ó sõ, yé gbah n tẽ yé minne n pi yèvuni soko ànê no pólle kàh ki fẽ n pi n pi.

19 N nénónó, yé káh ne yáh yé gblõy vyãhle n syi, yé kè toh Liyel syĩ. Yé náh we di, kè me wárkínsàhnóle Liyel wey sébéy soko ne, Tẽ ògbẽ-á ne òkẽ: «Nmo tyí ye vyãh syínóle, òmo ye n de wóle.»\*

20 Té tõ yo ké fí yó soko ne: «Á sépe-à me kweki soko, yĩ à kõ à yõ; wáh me níki soko, yĩ à kõ à wõ. Wáh képah pi, kè me á ki ne nìségbno sõ á kwe mo ò yõni yõ.»†

21 Káh n ye pèkè kõ kè fyãh á yõ soko, òte áwõ fyãh ké yõ soko á pèpey pínó gbõ yõ.

## 13

*No pól yĩne pè ne n sah kwil yõtãm yóré yõ*

1 Tẽnweno yó se me né kè náh wil Liyel tyí? Névyé nónó-á me tórí yõ, Liyel sahki soko ye péle dõ. Képah ye, no pól yĩne pè ne n sah kwil yõtãm yóré yõ.

2 Káh pi sã, névi nê-à yõtãmmne n fwo, Liyel yóré ye tẽ n yahle. Té nê-à se mó tõ Liyel yóréle n yahle, pèkè ye tẽ n yõri n mo ò gblõy yõ.

3 Tyípéplõ pí-ò náh yĩne tukey tükèpu yah tiki pínóle. Tyítúkúnì pí-ò wõ ye yĩne pé yah tiki pínóle. Wáh ki me ké tyí ne á káh yõtãm tikié n pi, tyípéplóle ne n pi, képah soko pè ki ále n sõ.

4 Á náh we di, Liyel tõ soko ye yõtãmmne á tyí piky yinne. Nte wáh tyítúkúnine n pi, pé tiki yĩne kè ò tẽ. Dípíyí náh pè kõ nònóle dé, tẽnweno me pé tyí Liyel tõ mè soko ki fẽ fõhnó sah pèkè pí-ò yõ, ki Liyel yro wilki tẽ soko.

\* **12:19** 12.19 - Yah n te Tõnyono 32.35. † **12:20** 12.20 - Yah n te Sèmìrn 25.21-22.

<sup>5</sup> Képah ye á yĩne ñ ne n sah pé tyí yõ. Liyel fòkònyàhni yah tĩ to yĩn ó náh dé, á nĩ to me kéle ále n wẽkĩ ne képah-á ple.

<sup>6</sup> Képah to yĩn ye yě mórĩle n mɔ. Té nónó-á mó n syi séle, Liyel tõe sɔkɔ ye péle ké tõe n sah n pi yĩnne.

<sup>7</sup> Kwáh nê-à yĩne névi nê kónóle, kéle tẽ kõ. Mórĩle mórĩ syi-òle n kõ, ñ té làpole làpo syi-òle n kõ. Wáh yĩne ñ névi nê yah tíkĩ pi, tẽ yah tíkĩ pi. Wáh yĩne ñ yòyén sah névi nê yõ, kè sah tẽ yõ.

*Yé tyí-á yĩne kè nɔ wẽ tyí sõ*

<sup>8</sup> Nnĩ yó ntẽ kòlĩ káh we yé yõ sɔkɔ. Yé ye wẽ tyínɔnɔ ó kòlĩ ne n me yé yõ. Á ní-ò tyí-à me nɔ á tyí, Moyisi tyi kònsàhnó wàl pól ye á kɔ dal mɔ.

<sup>9</sup> Káh yo Moyisi tyi kònsàhnó sɔkɔ ne, ney káh fòfíkĩ pi, ney káh nékókè mɔ, ney káh yĩbe yĩ, ney káh ñ yĩ wil ñ ní-ò kwáh tyí, à tahlĩ tyi nónó téló to tyí-á yónóle ké sɔkɔ, sépi pól ye tir kònsàhnó núkú mèn tuke mɔ yo ke núkúle ne ríkẽ: «Á ní-ò tyí yĩne kè nɔ á tyí á gblõy tyí kòle.»\*

<sup>10</sup> Tyínɔnɔ-à névi náh n pi n dah n mɔ névi tyí. Tyínɔnɔ-à me névi nê sɔkɔ, tẽ me Moyisi tyi kònsàhnó wàl pólle n kɔ n dal n mɔ.

<sup>11</sup> Gbĩ nê sɔkɔ-á ále, yé kè pĩ ó. Pwáhnmɔnɔ me yúkey ále núkúnúkú à kal gbĩ nê-á lésõ á sã Krista yõ. Képah ye, do n yuku gbĩ nɔ.

<sup>12</sup> Tyah kah tẽ, tyah dal gbĩ me yúkey. Á ye fẽntũ tyi we n ye. Liyel-á nêne á kõ kyòo yah tõe pi yĩnne,

<sup>13</sup> à mó képahle kyòo yah tyípínó óle n pi. Á ye káh n pi yèwònpĩbile, á ye káh mó tõe sètènĩne n pi. Á ye káh n pi fòfĩnpĩbile, á ye káh n pi prònpĩbile. Á ye káh málle n kòlĩ, á ye káh yíwilkĩle n pi.

<sup>14</sup> Yé ye yé tyípínó pól ne me Tẽ ñgbẽ Yesu Krista tyí kòle. Yé káh n ye yé dyo dyo tyi pínó fyãh yé yõ, kè po yé mɔ tyítúkúni pínó sɔkɔ.

## 14

*Káh á yúnpile n tuke*

<sup>1</sup> Névi nê Liyel yõ sɛnó-à me yúkú-ńkẽne yahle, yé tẽ tɛnó ple. Yé káh tẽ sònole n kòlĩ.

\* 13:9 13.9 Yah n tɛ Levitiki 19.18.

<sup>2</sup> Sõ kénkõ-á ònî Liyel yõ sěńó-à yuku yahle tẽ kõ à me fẽ yiyìn pólle n yõ, té nê Liyel yõ sěńó náh mó yuku yahle, kè me tẽ kõ à me kò yahle;

<sup>3</sup> yiyìn pól yó-ò káh kò kò-ńkẽ névile n yilo, kò kò-ńkẽ névi to káh mó yiyìn pól yó-òle n tuke. Yé náh we di, Liyel me tẽ tẽ ple dò.

<sup>4</sup> Nte nê me áwòle, té á kɪ pɔ ònî yó tònpile n tuke? Wàh kɪ sɔ me n pɪ ple ò, à náh me n pɪ ple ò, kèpah me ò yòtẽ dínè n yah kè. Nte à kɪ pɪ ple n pi. Yé náh we di, tãhkì me Tẽ ñgbẽ tyí kɪ fẽ à kõ à kɪ n pɪ ple.

<sup>5</sup> Túkù tyí sèpìn me sé tyí tyíle, túkù tyí sè me núkúle. Nte nê-à sɔ me nêne n sò, tẽ sěnyĩno ne n me ké yõ.

<sup>6</sup> Névi nê-á me sèpìnne n mɔ n kõ, Tẽ ñgbẽ tyí ye tẽ n pɪ kéle. Nê-à me yiyìn pólle n yõ, Tẽ ñgbẽ tyí ye tẽ n pɪ kéle. Yé náh we di, Liyel yĩn ye tẽ n gbilki. Nê-à se yiyìn pólle n yó-ńkẽne, Tẽ ñgbẽ tyí ye tẽ n pɪ kéle. Liyel yĩn ye tẽ to n gbilki.

<sup>7</sup> Yé náh we di, ápi sɔkɔ yó ńtẽ náh me min sɔkɔ ò gbłõy yĩnne, ànê ònî yó ńtẽ náh n ku n pi ò gbłõy yĩnne.

<sup>8</sup> Ayáh me min sɔkɔ, Tẽ ñgbẽ tyí yõ ye ále min sɔkɔ. Ayáh se ku, òmɔ tyí yõ ye á ku. Kèpah ye, á me min sɔkɔ ò, á ku ò, Tẽ ñgbẽ tyí yõ ye ále.

<sup>9</sup> Krista ye ku té ò lékó me yilki mɔ, nê-á à kõ à pɪ lékyí ànê vye Tẽ ñgbẽne.

<sup>10</sup> Nte áwɔ-á dò, kwáh nê pɪ té á á yúnpile n tuke? Té áwɔ to-á dò, kwáh nê pɪ té á á yúnpile n yilo? Liyel kɪ pɔ á pól tuke n pi dò.

<sup>11</sup> Yé náh we di, kè me wárkínsàhnóle Liyel wey sébey sɔkɔ ne ńkẽ: «Ñmɔ nê-á Tẽ NGBÈNE mé me min sɔkɔ. No pól kɪ gbètukunɔ di òmɔ yah sɔkɔ, ànê no pól kɪ òmɔle n gbilki.»\*

<sup>12</sup> Káh pɪ sě, á nénúkù núkú pól kɪ á tyípínó yah yo n pi Liyel tyí á gbłõy.

<sup>13</sup> Kèpah ye, á ye yal mɔ wẽ tükèńóle, yè mó kè yah toko ne ònî yó ńtẽ káh tir yó pɪ nê-á kɪ yé yúnpi yó yõ yɪkɪ, kèpah náh pɪ tẽ sykɪ mɔ Liyel yõ sěńó sɔkɔ.

<sup>14</sup> Á wró kwrónmɔno gbò yõ Tẽ ñgbẽ Yesule, òmɔ kè pĩ, ànê ò sěnyĩno me ké yõ sɔkɔ ne ńkẽ, kwáh yó ńtẽ náh me sɪlkínóle Liyel yah sɔkɔ ké gbłõy sě. Nte névi nê-à n sò ne kwáh nê-á me sɪlkínóle, kè n pɪ sɪlkínóle tẽ tyí Liyel yah sɔkɔ.

\* 14:11 14.11 - Yah n te Yesayi 45.23.

15 Káh n pɔ á yōke yinne á yǔnpi mɔ yèkwɔɔi sɔkɔ, á náh tǔ me n kɔ tyínɔnɔ wèkì yǔ dò. Káh n pɔ á yōke yinne névi min kǔ kè mɔ pu, Krista-á ku ñmɔ nê yinne.

16 Kwâh nê-á kwâh pèpeyne áwɔ tyí, képah káh pɔ pɔ yínyíkìle dé.

17 Yé náh we di, Liyel tǔrìle, yōke ànê wɔ wɔ yí náh. Gbɔ wèkì, ànê yèvinu, ànê nìvìnì ye kéle Liyel Mirki gbò yǔ.

18 Névi nê-à tǔle n pɔ Krista tyí sǔntǔne, Liyel yí n yuku tǔne, ànê névye ñ yíngbìle n yo.

19 Képah ye, áyáh ne yèvinu ànê wè yah yúkúnó we n pi sǔ, á ye képahle n yíki.

20 Á náh yíne ñ pɔ Liyel tǔle ne n yíki yōke yinne. Gbɔ ye, yíyìn pól tǔ wɔ me yályál Liyel yah ó; ñte wâh kwâh yóle n yǔ nê yónó-á kɔ fǔ pɔ á yǔnpi yó syíki mɔ Liyel yǔ sǔnɔ sɔkɔ, képah náh ple.

21 Nê-á ké pèpeyne, tir nê-á kɔ fǔ á yǔnpi syíki mɔ Liyel yǔ sǔnɔ sɔkɔ, kè se kò kònóle ò, kè se tǔ wónóle ò, kè se tyi dùkù nêne, káh kéle n pɔ.

22 Áwɔ sǔnó-á me nê yǔ à yuku nénpó ñinne, ye képah tǔ áwɔ ànê Liyel wró. Nê-à tyile n pɔ wâh me nónóne n yah ne sâh me ple, té à náh me lékâhle ñ gblǔyne n kǔ, tǔ tyí nɔ.

23 Nte névi nê-à kwâh yóle n yǔ té me ké tyile n sǔ tǔtò, lékâh me tǔ tyí Liyel yah sɔkɔ, wâh sǔnpíle kéle n pɔ té kè náh me pɔ yíne Liyel yǔ sǔnɔ wèkìle. Tyi nónó pól-á n pɔ nónó náh me Liyel yǔ sǔnɔ wèkì yǔ, tyípél ye séle.

## 15

### *Wè tǔnplɛnɔle*

1 Ápi nónó Liyel yǔ sǔnɔ-á yuku yahle, á ye á no téló yótyíle n twah pé tyí. Á ye káh á dyɔ yíi tyi ó yah wǔ.

2 Nê mè nê mè, à ñ ní-ò tyí pɛki pɛki tyile ne n pɔ à kǔ à ne n yuku yahle Yesu yǔ sǔnɔ sɔkɔ.

3 Krista nǔtǔ fyé náh ñ dyɔ yíi tyi pí-ńsah yah kǔ. Kè me wárkínsàhnóle Liyel wey sébéy sɔkɔ ñ tyí sɔkɔ ne níké: «Liyel, á gbyòpu-á ñ gbyɔ gbyɔ nónóne, sè vi kwĩnki ñmɔ yǔ.»\*

4 Tyi nónó pól-á wárkínsàhnóle Liyel wey sébéy sɔkɔ ñgbò dùkùle, sè wárkɔ ne sè pɔ kwónóle ápi tyí. Sépi gbò yǔ, á kɔ gbah tǔ ànê sǔré kɔ we á sɔkɔ, á yáh-ńsah kǔ kè náh n tyɛ n pi.

\* 15:3 15.3 - Yah n te Gbálnó 69.10.



<sup>5</sup> Liyel nê-á névile n pɪ gbáhntě-òle ànê sóré névile, mé kéle n yah n kǒ ò tyí ne à yé sǒnɔ pɪ núkúle, yé mó Krista pɪ dùkùle n yah n pɪ.

<sup>6</sup> Képah sɔkɔ, yé pól kɪ yé vyāh pɪ núkúle kɪ Liyelle n gbilki, òmɔ nê-á á Tě ògbě Yesu Krista Súle.

<sup>7</sup> Képah ye, yé wě tě ple sǒ-á Krista yé tě ple à gbilkinóle n sah Liyel yǒ.

<sup>8</sup> Máh nêne n yo yé tyí, kè we yò: Liyel n kɔ ò tyíyónó sò. Wāh ò vyāhle Nsyifunɔ nāh tân kǒ tir nê tyí sɔkɔ, Krista pɔ pɪ pé tǒnpule à képah pɪ pé tyí.

<sup>9</sup> A wil képah tyí sɔkɔ, yìkinì tǐlɔ tɔ yīn ye à pɔ, pè kǒ pè kɪ Liyelle n gbilki ò fòkòpènrì yīnne, sǒ-á kéle wárkínsàhnóle Liyel wey sɔkɔ ne òkě: «Képah ye mé kɪ ále n gbilki yìkinì tǐlɔ névye niyó, té kɪ ále n gbɪ.»†

<sup>10</sup> Kè tǒ me yónóle ké fí yó sɔkɔ ne òkě: «Yìkinì tǐlɔ névye, yé òvìvìne n pɪ wě tyí Liyel nòle.»‡

<sup>11</sup> Té tǒ me yónóle ne òkě: «Yìkinì tǐlɔ névye, yé pól Tě ògběne n gbilki. No pól mó ò gbilki gbilki yìle n gbɪ.»§

<sup>12</sup> Yesayi tɔ kè yo ne òkě: «Nsyese pétó nāhkì kɪ pɔ yuku kɪ yìkinì pól névye yah tě, té pè kɪ pé gbò sah ò yǒ.»\*

<sup>13</sup> Liyel nê-á névi gbò sàh-òsahle, mé kéle n yah n kǒ ò tyí ne à òvìvì ògbě mɔ yé sɔkɔ, à mó yèvinune yé kǒ yáh sǒnpule sē ò yǒ. Képah sɔkɔ, yé kɪ yé gbò sah yī ò yǒ ò Mirki tǎhkì gbò yǒ.

### *Pole sébéy wárkínó yǒle*

<sup>14</sup> N yúnpyé, òmɔ sē yī ké yǒ ne pèpɔrɪ pípú-á yéle, yáh tyi pólle n pne, ànê yáh kɪ fě vīnmɔnɔle wěne n kǒ.

<sup>15</sup> Nte yé dyɔ to n kǒ yīn ye ò kǒ mé tyi túkù wárkɪ nìsāhle tǎntǎn yísyó sɔkɔ. Liyel gbò yǒ ye mé pɪ képahle, òmɔ nê-á pèpɔrɪ pɪ òmɔ tyí,

<sup>16</sup> à ò pɪ Yesu Krista tǒnpule névye wró, nónó nāh pɪ Nsyifunɔle. Liyel tǒ kètār ye mé n pɪ ò òvìvì tir yónóle. Képah sɔkɔ, nónó nāh pɪ Nsyifunɔle, pè kɪ pé gblǒyne Liyel kǒ kɪ pɪ yályál ò yah ò Mirki gbò yǒ, pè kǒ pè kɪ pɪ Liyel dyɔ yīne.

<sup>17</sup> N wró kwrónmɔnɔ gbò yǒ Kristale, máh tǒ nēne n pɪ Liyel tyí, kè me yǒ yǒnóle ò tyí.

† 15:9 15.9 - Yah n te Gbálnó 18.50 ; 2 Samuyelɪ 22.50. ‡ 15:10 15.10 Yah n te Tǒnyonɔ 32.43. § 15:11 15.11 Yah n te Gbálnó 117.1. \* 15:12 15.12 Yah n te Yesayi 11.10.

18 Kéne tǒ ye Krista nímɔ tɔkɔ à pɪ névye wró nónó náh pɪ Nsyifunɔle. Mé se kɪ tǒ kèyǎh yo kah mɔ képah yǒ? Nímɔ ye pè kǒ pè n sah Liyel tyí yǒ, nímɔ vyǎh wey ànê ní tyípínì gbǒ yǒ,

19 ànê gbìl tyi ògbɔ náhnáh sɔkɔ Liyel Mirki tǎhkì gbǒ yǒ. A tɔkɔ Yerusalemɪ kwil tyí ànê ké gbòplo kwlole, fǒó à kyɪ sɔkɔ Yiliri mara pól sɔkɔ, mé Nìvìnì tir yo yǐ́ Krista tyí sɔkɔ.

20 Té mé kè yah tɔkɔ à Nìvìnì tirlɛ n yo tǎntǎn nónó sɔkɔ-á Krista yīn náh yo yah. Nìvìnì tir-á yo sɔkɔ tɛ tǎntǎn nónó sɔkɔ, mé náh sǒ mɛ ké tyí nɛ mé kè yo nénpó nítǒ, á kɪ nɛ ònì wòkò sètyah yǒ sǒ mé n mɔ n dohnɪ.

21 Té máh tǒ nê pɪ yò, kè mɛ yínénóle Liyel weyne nê-á wǎrkínsàhnóle nɛ níké: «N tyí náh yo sah nónó tyí, pépi ye kɪ wɛ ònɛ. Nónó-á pè náh ò tyí noh yah, pépi ye kɪ ké òkùkù pǐ.»†

*Pole mɛ Wrome kwil yúkúnó tyíle n sǒ*

22 Kéne tǒ ye kǒ ní yahle gbáhyí náhnáhle ní kǒ mé náh mɛ tǔ wɛ kyɪ yé tǐnne.

23 Nte núkúnúkú, ní tǒ ye tye mara mè sɔkɔ. Té ké ye náhnáh ye yò, yé tǐn kyɪ dékè mɛ ní kah tǔ.

24 Máh kɪ pɔ n yuku Yesɪpayí yamana sɔkɔ, mé kɪ yīn yah yé tyí kɪ yé dékè ku yah kwéy, yè mó yòhnìnɔnɔ pɪ ní tyí ní kǒ mè fǐ n yǒ n sɔkɔ ní kólóle kéne yamana sɔkɔ.

25 Nte núkúnúkú, sókónó ye ònɛ Yerusalemɪ kwil sɔkɔ kɪ kyɪ Yesu yǒ sǐpú yohnɪ mɔ nénpó.

26 Yesu yǒ sǐpú nónó-á mɛ Masedoni ànê Akayi sɔkɔ, pépi ye kè yah tɔkɔ à pé gbǎn yī yísyó tuke mɔ wǔ yǒ, Yesu yǒ sǐpú yǎm tǎn yohnɪ n mɔ yīnne Yerusalemɪ sɔkɔ.

27 Pè kè yah tɔkɔ pé gblǒy. Nte gbɪ yǒ, ké kǒlì nítǔ sǒ mɛ pé yǒ. Yah kè; Nsyifunɔ gbǒ yǒ ye névye nónó náh pɪ Nsyifunɔle pé tɔ vyǎh wɛ Liyel tyí sɔkɔ. Pépi tɔ mó yīnne pè Nsyifunɔle n yohnɪ n mɔ pé gbǎn yīle kè.

28 Mǎh pɔ kéne tyi nópɪ yah wah tɛ à gbǎn yī tükènmɔnɔ nópɪle pè kǒ tɛ, té n sɔkɔ Yesɪpayí yamana sɔkɔ, mé kɪ syǒ yé tyí.

29 N sǔnyīnɔ mɛ ké yǒ nɛ mǎh pɔ yé tǐnne, Krista-á kɪ sǎm mɔ yǐ́ á sɔkɔ.

† 15:21 15.21 Yah n tɛ Yesayi 52.15.

<sup>30</sup> N yũnpyé, ápi Tě ñgbě Yesu Krista yĩn yõ, ànê Liyel Mirki-á tyínɔnɔ nê dahbɪ yé sɔkɔ, sépi yĩnne, mé kéle n yah n kɔ yé tyí ne, yé so mɔ ní tyí náhnáh Liyel nínó sɔkɔ.

<sup>31</sup> Yé Liyelle n ni ñmɔ tyí ní kɔ mè wɛ n pwah Nsyude mara Yesu yõ sě-ñkêpú tyí, ànê yòhnìnɔnɔ nê-á mé syi n yuku kɔ-ńsah Yerusalımı kwil sɔkɔ, Yesu yõ sěpú kè fě n syi ñìvìnì sɔkɔ.

<sup>32</sup> Képah náh, Liyel-à kɪ fě syi, mé kɪ yĩni tě yé ñinne ñìvìnì sɔkɔ kɪ pɔ mɪ yah kwéy.

<sup>33</sup> Liyel nê-á yèvinu nétēne, mé kéle n yah n kɔ ñ tyí ne à ne n me yé pólle. Amiina.

## 16

### *Wékínóle névyé tyí*

<sup>1</sup> Mé á dósê Febele n dahbɪ yé gbò, ñmɔ nê-á yòhnìnɔ-òle Sãnkri kwil Yesu yõ sěpú ñinkì sɔkɔ.

<sup>2</sup> Yé ñ tẽnó ple Tě ñgbě yĩn yõ, ñ yõ sěpú-á wěne n tẽ sɔ. Yè mó ñne n yohni n mɔ tyi tyi pól sɔkɔ yé yétò-à syi ñ tyí. Yé náh wɛ di, à ye névyé náhnáh yohni mɔ sɔkɔ, té ñmɔ tɔ yohni mɔ.

<sup>3</sup> Yé wɛkɪ Prisili ànê Akilasɪ tyí, pépi nónó-á ñmɔ tò pɪ mûne Yesu Krista tyí.

<sup>4</sup> Pè ye ku farkɪ ñmɔ min pwáhnɔ-ńsah. Nmɔ ó náh n kɔ péle pèpɔrɪ pínó weyne dé, Yesu yõ sěpú ñinkìnó pól nónó-á pè náh pɪ Nsyifunòle, pépi tɔ me pé pèpɔrɪle n pne.

<sup>5</sup> Yé wɛkɪ Yesu yõ sěpú ñinkì tɔ tyí, nónó-á wěne n tuke n mɔ pé gbò sɔkɔ. Yé wɛkɪ ní nénóní Yepayinetɪ tyí, ñmɔ nê-á pɪ négbenne à sě Krista yõ Asi mara sɔkɔ.

<sup>6</sup> Yé wɛkɪ Mari tyí, ñmɔ nê-á tò kah pɪ yé tyí.

<sup>7</sup> Yé wɛkɪ Andronikusi ànê Nsyunyasi tyí, pépi nónó-á ñmɔ tyí névyele té á wòkònpèkè pɪ wě tyí péle. Yòyén me n sah n yíí pé yõ pé no Yesu tẽntò névyé sɔkɔ. Pépi ntě pɪ Yesu yõ sěpúle ñmɔ yah sɔkɔ.

<sup>8</sup> Yé wɛkɪ Anpiliyatusi tyí ñmɔ nê tyí-á tah yíí ní tyí Tě ñgbě wěkì kóló sɔkɔ.

<sup>9</sup> Yé wɛkɪ Yuribě tyí, ñmɔ nê-á á tò pɪ mûne Krista tyí. Yè mó wɛkɪ ní nénóní Syitakisi tɔ tyí.

<sup>10</sup> Yé wɛkɪ Apelesɪ tyí, ñmɔ nê-á ñ yín-ńsah filkì viki Krista yõ sěnó sɔkɔ. Yé wɛkɪ Arisitobuli gbò tãn tyí.

<sup>11</sup> Yé wɛkɪ Yorodyõ tyí, ñmɔ nê-á ní tyí névile. Yé wɛkɪ Narsisi gbò tãn tyí, nónó-á sě Tě ñgbě yõ.

12 Yé wekɪ Tirifɛntɪ ànê Tirifɔsɪ tyí, pépi nónó-á tò pɪ Tě ñgbě tyí. Yè mó wekɪ ní kósê Persidi tyí, ñmɔ nê yi-á tò kah pɪ Tě ñgbě tyí.

13 Yé wekɪ Wrufusi tyí, ñmɔ nê yĩn-á me wĩlnóle Tě ñgbě tò pínó sokɔ. Yè mó wekɪ n yú tyí, ñmɔ nê tɔ-á pɪ ñmɔ yúne.

14 Yé wekɪ Asêkriti tyí, ànê Flekõle, ànê Yeremesɪle, ànê Patrobasese, ànê Yeremasɪle, à tahlɪ á yúnpyé nónó-á me péle wě tyí.

15 Yé wekɪ Filolokɪ ànê Nsyuli tyí, ànê Nere, ànê n dósêle, à tahlɪ Wolêpasɪ ànê Yesu yõ sěpú pól tyí, nónó-á me péle wě tyí.

16 Yé wekɪ wě tyí tyínɔnɔ sokɔ. Yesu yõ sěpú ñĩnkĩnó pól n wekɪ yé tyí.

### *Pole me vɪnmɔnɔ téyne n kɔ*

17 N yúnpyé, mé kéle n yah n kɔ yé tyí ne kwónó nónó-á yé we sokɔ, névyé nónó-á me yuku sěpile n fwo, té gbékínóle n dah n mɔ yé wró, yé yé gblõyne n tě péle. Yé káh péle n ñĩki.

18 Kéne névyé nópi dùkùle kè; yé káh we ne ápi Tě ñgbě Krista tyí-á pè n pɪ tòle dé, pé kèkurn ye pè n yĩki. Vyáhsestyíri sokɔ, pè ñpĩ-ñkê névyé yõ yĩki pé yínvi welole.

19 Yáh me n sah Tě ñgbě tyí yõ dùkù nêne, no pól me kéle n pne. Képah ye ní nɪ me vínóle yéle náhnáh. Nte mé me ké tyí ne yé lékám we yé tyípeplole n pɪ. Yé ne n me yályál, yé káh tyítúkúnĩne n pɪ.

20 Liyel nê-á yèvɪnɪ nétêne, dõ kwéy, à kɪ sétàn yõtě tyí yĩki pɪ yé gbáhkì súnsáh-ñsahle. Mé kéle n yah n kɔ ápi Tě ñgbě Yesu tyí ne à yõbènɔri pɪ yé tyí.

21 Timote nê-á ní tò pɪ mũne, à n wekɪ yé tyí, à tahlɪ Lusiyusi, ànê Nsyasõ, ànê Sosipaterɪ tyí, pépi nónó-á ní tyí névyele.

22 Ñmɔ Terityusi nê-á pè ní kɔ mé sébéy mè wārki, ní tɔ n wekɪ yé tyí Tě ñgbě yĩn yõ.

23 Kayusi nê tyí-á ñmole twáhntěnóle, té Yesu yõ sěpú ñĩnkĩ wěne n tuke n mɔ n pɔ n ñĩnne, à n wekɪ yé tyí. Kwil pó màr-ò dí Yerasɪtɪ ànê á yúnpi Kwaritusi n wekɪ yé tyí.

24 [Mé kéle n yah n kɔ ápi Tě ñgbě Yesu tyí ne à yõbènɔri pɪ yé pól tyí. Amiina!]

<sup>25</sup> Gbílkinó ne n sah Liyel yõ. Tẽnwenɔ me ñ tyí kɪ fẽ tãhkùle yé kã à yĩne Nìvìnì tir nêne mé n yo yé tyí Krista tyí sokɔ. Sètìn sò tir ye lésõ kéle ñgbò dùkùle,

<sup>26</sup> té pɔ wilki mɔ núkúnúkú kwèyy kyòo yah, Liyel tẽntò syínyopu tyi wárkínsàhnó gbò yõ. Tyé-ńkê Liyel ye lésõ pè kã pè kè wárkɪ sah sǎnko yĩkĩnì pól névyé kè we n pĩ. Képah sokɔ, pè kɪ sã Liyel yõ té kɪ n sah ñ tyí yõ.

<sup>27</sup> Liyel núkúní nê-á lékám ó ñ tǎó, gbílkinó ne n sah ñmɔ yõ gbímeɓbí Yesu Krista gbò yõ. Amiina!

## Pole sébéy tékínmōnole Korēnti tân tyí

*Tyàh-nsah weyne*

Korēnti kwille, kè me pne yreyno nínó yísyó wró, pè n ye Yesye ànê Yadratíkile. Gbò yĩ yĩ wǎl ògbno nónó pól-á sò syò kéne kwil, kéne kwil tân ye sò n yah sé yò. Kreaki névyé mōntē-nsah kedyâh yó ye sò nēnpóle. Nte Wrome tân pò kè so, té tō pé syi kè tō mō. Korēnti kwil tân tyí, lékóló wǎl kó-ntân sò tno kah mō. Kǎh pĩ sē, tyídi duke pól sò n we nēnpó, ànê lékám dukeno pólle, à tahlı tân gbilki gbilki wǎl duke náhnáh tyí. Té gbò yí-nsah kwil ye tō sò kéle.

Pole-á lésō n yuku ò kóló ke ní-ò soko, à kyi nǎwǎl gbōnkwǎrtōno pĩ nēnpó. Té Nivini tir we yo, névyé kō pè we sē Yesu yō nēnpó. Nónó-á sē Yesu yō, Nsyifunō ye sò pé tükùle. Té pé kanne, Nsyifunō nǎh péle. Tahbı ànê yōtām nǎh sò me fwóó pé soko. Pé kan sò me yām tǎnne. Pè sò pé gblōyne n pĩ lékám ògbno névyele. Kǎh pĩ sē, pè sò me nivini soko, té me n sō ne pǎh me pé gblōy yō, ànê lékám-á me pé tyí.

Ye yísyó sókónteno nǎh, Pole-á pópó n soko ò kóló ke tō-ò soko, sébéy nê-á yò, à kè wǎrkı Yefesi kwil soko, à tekı mō Korēnti tân tyí.

Nte dí yó lésō me pè n ye Apolostıle. A n wil Alekisādri kwil. Wǎh pò kyi Yefesi kwil, Prısılı ànê ò pè Akilası nê-á Pole kóđine, pépi me à kwó, té sóré mō ò soko à kō à kyi sēpın yísyó pĩ Korēnti kwil.

Kè me á ki ne Pole sō sébéynó yísyó wǎrkı tekı mō Korēnti tân tyí, nónó-á sé tyí yah nǎh me we kwey mē soko, à wil 1 Korēnti ànê 2 Korēnti tyí soko.

Tyino nínó yin ye sò Pole wǎrkı tekı mō 1 Korēntile:

- Pole lésō tyi yísyó we noh Korēnti kwil Yesu yō sēpú tyí soko, nónó-á me yékworıle n mō ò soko.

- Korēnti tân lésō nósýó tekı mō ne, pè pò sébéy yóle Pole kō, nê soko-á pè me kè yah kō ò tyí ne, à pé vi mō tyi náhnáh soko.

A wil képah soko, Pole-á kwónó nónó pĩ, Yesu yō sēpú tükù sò me sè yahle, ànê pè nǎh me kè fē syi ne Yesu tēntō

névi-á ñne. Kãh pɪ sě, Pole me de yo kéne tyi soko náhnáh ñ sébéy mē pól soko.

1 Korēnti sébéy mēne, kè vɪnmɔɔ náhnáhle n kō, nónó-á kɪ fě Yesu yō sěpú ùnkínó yohnɪ mɔ kwey gbī mē soko.

Liyel yé yah tě ké kárnó soko.

1 Nmɔ Pole nê-á Liyel ye pɪ Yesu Krista tēntò névile à yīne Liyel dyo yīi tēne, ñmɔ ànê á yúnpi Sositenɪ ye n tekɪ n mɔ sébéy mēne

2 yépi Yesu yō sěpú ùnkí tyí, yépi nónó-á me Korēnti kwil. Yépi nónó-á me wìkĩnsàhnóle Liyel tyí yō té me kwrónmɔɔle Yesu Kristale, yépi ye Liyel ye à tahlɪ Yesu yō sěpú pól tyí tàntàn pól soko. Yépi pól me Tě ñgbě Yesu Krista yīnne n ye n gbo. Nmɔ ye yépi Tě NGBENE ànê ápi to Tě ñgběne.

3 Á kéle n yah n kō Sú Liyel ànê Tě ñgbě Yesu Krista tyí ne, pè yòbènrɪ ànê yèvinune yé kō.

4 Liyel ye yòbènrɪ pɪ yé tyí, yáh sɔnríle me kwrónmɔɔle Yesu Kristale. Képah ye, mé n wɛkɪ Liyel tyí gbímegbí yépi yīnne.

5-6 Yesu Krista tyí nê-á yo wah yé tyí, kè ye tě-nsah we yé nno soko. Képah gbò yō soko ye yé we kwrɔ mɔ Kristale, té Liyel me pèpɔrɪ dukenɔ pól pɪ yé tyí, yé kō yé wey dùkù pólle n pne, ànê pnèno duke pólle yé tyí.

7 Kãh pɪ sě, Liyel pèpɔrɪ yó ñtē náh yah kwlo yé tyí, yépi nónó-á me á Tě ñgbě Yesu Krista syínprɔɔ syíkɪ tē.

8 Liyel ye kɪ tō yé pɪ gbáhntēpule, fók kɪ pɔ syɪ Tě ñgbě Yesu Krista syɪ n pɔ sō tyí. Képah soko, yé kɪ pɪ wényo-ńsah kéne yé tyí lésòle.

9 Liyel n kɔ ñ tyíyónó sò, ñmɔ nê-á yé ye pɔ kwrɔ mɔ ñ Pídí Yesu Kristale, nê-á á pól Tě ñgběne.

*Gbékínó nê-á de Yesu yō sěpú wró Korēnti kwil soko*

10-11 N yúnpyé, mé noh Klowe no yísyó tyí ne yékâb-á me de yé wró. Képah ye, ápi Tě ñgbě Yesu Krista yīn yō, mé kéle n yah n kō yé tyí ne, yé yé vyãh pɪ núkúle. Yé káh n ye gbékínó ne me yé wró. Yé yé sɔno ànê yé tyi yáhntokɔno pól pɪ núkúle.

12 Nê-á mé n yo yé tyí gbékínó mē tyí soko, kè we yò: - Túkù ne ñkě, ñmɔ Pole náh névye-á pépile. - Túkù me ne Apɔɔsɪ náh névye-á pépile. - Túkù mó ne Pyerɪ náh névye-á pépile. - Túkù wɔ mó ne Krista náh névye-á pépile.

13 Yépi tẽ se me n sô ne Krista-á me tókínóle? Pole se pè syi dahnı yô yé yinne? Pole yin yô se pè wel wilki yéle ni soko?

14 Mé n wekı Liyel tyí, máh sônpúle mé náh ñnî yó nítẽ wel wilki ni soko yépi soko, à wil Krisipusi ànê Kayusi tyí soko.

15 Kãh pi sê, ñnî yó nítẽ náh fê n yo n pi ne, ñmo yin yô-á pè pè wel wilki ni soko.

16 ǾǾ, ní dyo to kô ne máh Sitefanasi ànê ñ no to wel wilki ni soko. Té à wil pépi tẽ tyí soko, ní dyo náh tō me n kwne ne máh ñnî yó wel wilki ni soko.

17 Krista náh ñmo tekı mo ne mé wèlnwilkínóle n pi ni soko dò, à ní tekı mo Nivini tir yo yinne, nê-á kè náh yine kè ne n yo à yine névi yõtãhsyi yípî dukùle, Krista syínó kô kè po pi yô kêne dahnı yô.

*Krista syínó Liyel tẽnwenɔ ànê ñ yípîle n wêkı*

18 Yah, wãh ne Krista-á ku dahnı yô, kè n pi n tẽ nêwôré welɔle névye yah, nóno-á me mónpuno wêkì yô Liyel tyí ñne. Nte ápi nóno-á me pwáhnmonɔ wêkì yô, ápi tẽ wɔ tyí, Liyel tẽnwenɔ ye kèle.

19 Yé náh we di, kè me wárkínsàhnóle Liyel wey sébéy soko ne ríkê:

«Mé ki yí pípú yípî yıki,  
té ki lékám névye lékám niri.»\*

20 Nte yí pípú tō nyãh, ànê kãrn ñgbno pípúle, à tahlı kwey gbı vyãhsensyírıpu tyí wé? Liyel kè wêkı pnéyy ne yípî nê-á me kékoyó mè névye soko, nêwôré-á kèle dò.

21 Kékoyó névye ànê pé yípî fyé yô, pè náh tẽ we Liyel dukù pî ñ yípî soko. Kãh pi sê, ñ wey nê-á n yo té kèle nêwãn weyne pé yah, nóno-á sê ké yô, Liyel kè yah tɔko à pépi pwah mo kèpah gbô yô.

22 Nsyifuno tẽ n ne n me ké tyí ne gbıl tyi pi pé we, té Krekı névye wɔ n mó n ne n me yípîle n yah n kô.

23 Nte ápi tẽ wɔ me Krista tyíle névyele n kwɔ, nê-á Liyel ney yãhntɔkɔnɔle pè syi dahnı yô. Kè me yô yíkínó weyne Nsyifuno tẽ sôno soko. Nêwôré welɔ mó kèle névye tyí nóno náh pi Nsyifunɔle.

24 Nte Liyel-á nóno ye pwah mo Nsyifuno soko, ànê no téló soko, pépi tẽ wɔ tyí, Liyel tẽnwenɔ ànê ñ yípî ye Kristale.

25 Yé náh we di, Liyel tyípinì nóno-á nêwôré tyile névye sôno soko, sè yípî tyile kal névi yípîle, té ñ tyípinì nóno-á

\* 1:19 1.19 - Yah n te Yesayi 29.14.



ñ tēnkwlɔnɔle n wēki névye sɔnɔ sɔkɔ, sé to tēnwɛnɔle kal névi tēnwɛnɔle.

<sup>26</sup> N yǔnpyé, Liyel-á yépi nónó ye, yé yé gblǒy kèdùkù yah kè. Kèkǒyó névye-á nónónɛ n yah yǐpǐ névyele, ànê tēnpnèpule, ànê né-ngbnɔle, sēnkno névye náh me fwóo yé sɔkɔ.

<sup>27</sup> Nte tyi nónó-á kèkǒyó névye me n yah nɛwân tyile, sépi ye pyě Liyel yah tɔkɔ à sennɛ yǐ pǐpú tē. Té tyi nónó-á pè me n yah tēnkwlɔnɔ tyile, sépi ye à yah tɔkɔ à sennɛ tēnwɛpu tē.

<sup>28</sup> Tyi nónó-á kèkǒyó névye me n yilo, sè náh me kwâh yóle pé yah, pè náh me séle n mo n kǒ, sépi ye Liyel yah tɔkɔ à sé téló tyí yiki, pǎh me nónónɛ n mo n kǒ.

<sup>29</sup> Képah sɔkɔ, Liyel némóní yó rítē náh tē we ñ gblǒy yǒ n sah n pi Liyel yah sɔkɔ.

<sup>30</sup> Nte Liyel gbǒ yǒ sɔkɔ ye yéle kwrónmɔnɔle Yesu Kristale. Té Yesu Krista wɔ gbǒ yǒ sɔkɔ ye ápi me yǐpǐ mè we, nê-á wil Liyel tyí. Nmɔ gbǒ yǒ ye tǒ á pi néglólɔle Liyel tyí, té me wǐlkínsàhnólɛ ñmɔ tyí yǒ. Té à me á pwah mo á tyípêl sɔkɔ.

<sup>31</sup> Képah ye, «Névi nê-à me ké tyí ne pé pé gblǒy gbilki, Tē ngbê-á tyi nónó pi ápi tyí, tē ñ gblǒy gbilki sépi yinne.»† Sē ye kéle wǎrkínsàhnólɛ Liyel wey sébéy sɔkɔ.

## 2

<sup>1</sup> N yǔnpyé, Liyel tir nê-á sǒ me wǒbìnsàhnólɛ, máh kyɪ yé fɪnne à kyɪ ké tyí yo wilki mo yé tyí gbí nêne, mé náh sǒ me kéle n yo yé tyí wèngbìl sɔkɔ, ànê névi yǒtàhsyi yǐpǐ sɔkɔ.

<sup>2</sup> Mé náh sǒ me tir yó rítē we yo yo tēne yé tyí yǒ-á me nê tyí, à wil Liyel ney yáhntɔkɔnɔ Yesu tyí sɔkɔ, ànê ñ syínó tyile dahnɪ yǒ sɔkɔ.

<sup>3</sup> Nmɔ sǒ me yé wró sɔkɔ tǎhkì kēne ní sɔkɔ, té tíkí me ní tē, ànê ní wil me n syah.

<sup>4</sup> Máh sǒ me kwónó nêne n pi, té Liyel wey nêne n yo, névi yǒtàhsyi yǐpǐ náh sǒ mé n pi séle à yé sɔnɔle n vi n mo. Liyel Mirki ye sǒ n wēki ñ tēnwɛnɔle.

<sup>5</sup> Káh pi sē, kè náh pi ne névye yǐpǐ gbǒ yǒ sǒ yé sē Yesu yǒ dé, Liyel tēnwɛnɔ gbǒ yǒ ye.

*Yǐpǐ nê-á n wil Liyel tyí*

† 1:31 1.31 - Yah n te Nsyeremi 9.23.

6 Nónó Yesu yõ sěńó-á de yĩn, á me pépile n kwɔ yíp̄ile nê-á ké gbl̄oy kèkōyó névyé ànê pé yõtãm tyíle, pépi nónó min-á kɪ n tyé n pi.

7 Ápi me yíp̄ile névyéle n kwɔ nê-á wil Liyel tyí, kėpah nê-á sò me wõb̀insàhnóle. Kèkōyó mó-ńkē gbí òkù sòkɔ ye lésò Liyel yah tɔkɔ sah kéle, ápi yõ yõ yĩnne.

8 Kèkōyó yõtãm sòkɔ yó ntě náh kè pĩ. Pàh sò me kè pĩ, pè náh náhki Tě ñgbě syi n pi dahn̄i yõ, ñmɔ nê-á tǒrí nětēne.

9 Tyi nópi pɪ à yĩne sǒ-á lésò kéle wárkínsàhnóle Liyel wey sébéy sòkɔ ne ńkē:

«Névi yí náh tě yah nê yõ,

ñ níkí náh nê noh yah,

nê sǒnɔ náh de yah ñ sòkɔ,

sépi ye Liyel yah sah névyé kǒ, ñ tyí-á nɔ nónó tyí.»\*

10 Yé náh wɛ di, Liyel tyi nópile á wěki ñ Mirki gbò yõ. Liyel Mirki kɪ fě tyi pól sohl̄, kàh sǒ Liyel fókósǒnɔ ntě tɔle.

11 Né áwɔ ó náh, ñn̄i yó ntě náh fě á sǒnɔ pĩ n pi. Né Liyel Mirki tɔ ó náh, ñn̄i yó ntě náh fě Liyel sǒnɔ pĩ n pi.

12 Nte Mirki nê tě wɔ-á ápi sòkɔ, Liyel Mirki ye; kèkōyó tyí náh. Liyel-á yòb̀enɔrɪ pɪ ápi tyí à yĩ nónóne á kǒ, ñ Mirki gbò yõ sòkɔ ye á fě pĩ yíi séle.

13 Té á náh me sé tyíle n yo à yĩne névi yòtãhsyi yíp̄i kwɔ òkùle dé, Liyel wey ye ápi n yo à yĩne Liyel Mirki-á kéle á wěki sǒ. Té Liyel Mirki-á me nónó sòkɔ, pépi tyí ye à n ne n yo n wah Liyel Mirki tyile.

14 Névi yòtãhsyi sǒnɔ òkù kókó tě ó-à me névi nê sòkɔ, tě náh Liyel Mirki tyile n fě n syi. Tě n tě sé òkù pĩ n kwlɔ. Kàh pɪ sě, sè n ne n me nówǒré tyile tě yah. Nte Liyel Mirki gbò yõ ó ye, névi sé òkùle n pne.

15 Nte Liyel Mirki-à me névi nê sòkɔ, tě wɔ ye kɪ fě tyi pól òkù kyomɪ pĩ, té ney náh fě tě wɔ òkù kyomɪ n pĩ n pi.

16 Kè me wárkínsàhnóle Liyel wey sébéy sòkɔ ne ńkē:

«Nê tě wɔ me Tě ñgbě sǒnɔle n pne wé?

Nê tě wɔ kɪ fě v̄inmɔnɔle à kǒ?»† Nte yé yah, Krista sǒnɔ ye ápi sòkɔ.‡

### 3

#### *Liyel wey yópú tǒ-á nēne*

\* 2:9 2.9 - Yah n te Yesayi 64.3. † 2:16 2.16 - Yah n te Yesayi 40.13. ‡ 2:16 2.16 - Tě ñgbě ànê Krista sǒnɔ me nùkùle.

1 N yũnpyé, mé nãh lésõ tẽ we Liyel wey yo yé tyí, sã-á mẽ kéle n yo névyé tyí, nónó-á Liyel Mirki me pé yahle n tẽ. Nte mé kè yo yé tyí, sã-á mẽ kéle n yo névyé tyí nónó-á nê ó-à tẽ dyo à n pi. Kãh pi sã, yé lésõ me piyírínole Yesu Krista yõ sãnó soko.

2-3 Yáh lésõ me piyírínole sã, yõke tĩntí kɪ lésõ kãn pi yéle, képah ye mé lésõ yẽnikile yé kõ. Nte à pɔ syɪ kwey mẽ ntẽ tyí, nê ó-à yé dyo yè n pi. Képah ye, kè kɪ tõ kãn pi yéle. Yé yah kè, sã-á yũnwõri ànê mál tẽne fyò yé wró soko yò, nê ó-á yé dyo képah ye yé me n pi, ànê névi yõtãhsyi pi dùkù ye yé soko.

4 Sã-á yé túkù tyah n yo ne, Pole nãh névyé-á pépile, túkù me ne, Apɔɔsɪ nãh névyé-á pépile, névi yõtãhsyi pi dùkù ye yé n pi.

5 Nê me Apɔɔsɪle? Ànê nê me nɪmɔ Polele? Tõnpɪbɪ ye ápile, nónó gbõ yõ-á yé sã Tẽ ngbẽ yõ. Á nénúkù núkú pól tãn ye á n pi, à yĩne Tẽ ngbẽ-á nónó sah á kõ.

6 Nɪmɔ ye sõ mɔ, Apɔɔsɪ me kè pu. Nte Liyel ye pi kéle kè kyãh.

7 Nɪmɔ nê wɔ-á pi kéle kè kyãh, nɪmɔ ó kɪ n mɔ n kõ. Névi nê-á sõ kéle, ànê nê-á pu kéle, pépi nãh n mɔ n kõ n pi.

8-9 Api pól pi tõ pípúle Liyel tyí. Képah ye névi nê-á sõ mɔ, ànê nê-á pu kéle, pépi pól me núkúle. Té pé nénúkù núkú pól kɪ pɔ pé tãn pínó lédyáhní we n pi à yĩne pé tãn pínóle. Yépi ye pi Liyel swãhle.

Yépi ye tõ pi n wòkòle nê-á à me n mɔ.

10 Liyel-á yòbènɔri nê pi ní tyí, képah gbõ yõ soko, mé tẽ we wòkò sètyah wilki wòkò mónpnè-ò pèpey tyí kòle. Té képah yõ soko ye nnî me n mɔ n dohnɪ. Nte nê-à n mɔ n dohnɪ ké yõ, tẽ kyòmìnóle n pi n mɔ dùkù soko.

11 Sètyah nê-á wilki te yò, nnî yó nãh tõ fẽ kèyãh wilki n pi à wil képah tyí soko, képah nê-á Yesu Kristale.

12 Wòkò sètyah nê-á wìlkĩntenole yò, sã-á túkù-à me kéle n mɔ n dɔkɔ mo mo yìle sã-á sãnne, ànê wárrne, ànê dyèh pèplòle, té túkù me kéle n mɔ n dɔkɔ mó-ńkê yìle sã-á léslóle, ànê ndròle, képah nãh pi filkókórile,

13 kèkõyó tukey tuke sõ ye, nénúkù núkú pól-á tãn nónó pi soko, sah kɪ me ple, sé gbɪ kɪ pĩ. Lésõ kɪ me nyàh sõ, nê-á kɪ no pól tãn gbɪ yah, kɪ sé dùkù wèkɪ.

14 Nê tõ pínó-à súké-ńkêne, tẽ kɪ ké lédyáhní we.

15 Nte nê tyí-à suke, tẽ tẽ wɔ kɪ pwah ó, té à náh ké lédyáhní wɛ n pi. A kɪ núkú me á kɪ ne nyàh sɔkɔ sɔ à yĩkɪ to wil n gbô kókóle.

16 Yé se yó pĩ ne yépi Yesu yõ sěpú tĩnkí-á Liyel ní-ńsah gbôle, ànê n Mirki-á me déntěńóle yé sɔkɔ té.

17 Liyel ní-ńsah gbô me sàhnóle Liyel tyí yõ, képah nê-á yépile. Képah ye, névi nê-à Liyel ní-ńsah gbô yɪkɪ, Liyel kɪ tẽ tyí yɪkɪ.

18 Nnĩ yó nítě káh n gblɔy tɔ mɔ. Yé sɔkɔ nê-à me n gblɔyne n pi yĩpĩ névile à yĩne kèkɔyó névyé yíyáhnóle, tẽ n gblɔy vi n mɔ n pi nówóle à yĩne névyé yíyáhnóle, à mó Liyel yĩpĩ wɛ.

19 Yé náh wɛ di, kèkɔyó névyé yĩpĩle, nówóré ye kéle Liyel yah sɔkɔ dò. Kè me wárkínsàhnóle Liyel wɛy sébéy sɔkɔ ne nĩkě: «À yĩ pĩpúle n mɔ n tẽ pé lékámkãm sɔkɔ.»\*

20 Té tɔ me wárkínsàhnóle ké fĩ yó sɔkɔ ne nĩkě: «Tẽ ñgbě yĩ pĩpú sɔnɔle n pne. A pĩ ne sè náh fẽ tir yó nítě pekɪ n pi.»†

21-22 Káh pi sě, nnĩ yó nítě káh n gblɔyne n yõ n sah ne páh me yàhnkõ náh, képah náh pi yàhnkõ wɔ náh. Nmɔ Pole ò, Apɔɔsɪ ò, Pyerɪ ò, kèkɔyó ò, min képah náh pi kũ ò, kwɛy gbĩ tyi ò, nísò tyi ò, sépi ànê ápi pólle, yépi tyí ye.

23 Nte yépi me Krista tyí yõ, Krista wɔ mó me Liyel tyí yõ.

## 4

### *Pole ànê Korēnti tãn wró tyile*

1 Yé yĩne yè pĩ ne Krista tɔnpɪbɪ-á ápile, ànê tyi nónó-á lésò wɔbìnsàhnóle, Liyel-á séle ápi gbò dahbɪ, á kɔ á syi n yo.

2 Nte tyi-à dahbɪ nê gbò, kè n ne n me yáhnkõnɔle tẽ tyí ne à ne n me tómm sé pínó sɔkɔ.

3 Nmɔ tẽ wɔ tyí, yépi képah náh pi tukey tükèpu-à kɪ sɔ lékàh, képah náh pi lénòle nĩne n kɔ sɔ, képah náh me tir yóle nĩmɔ yah. Nmɔ tẽ wɔ náh me lékàh, képah náh pi lénòle nĩ gblɔyne n kɔ.

4 Tòtò náh me nĩmɔ ni sɔkɔ pólle ne máh tyípékè pi. Nte képah náh n wěkɪ ne lékàh kě névi-á nĩne tẽ wɔle. Tẽ ñgbě ó ye kɪ fẽ lékàh, képah náh pi lénòle nĩmɔ kɔ.

5 Képah ye, yé káh nĩmɔ dyàh tẽ lékàhle névyéle n kɔ ké gbĩ nó-nĩkě sɔkɔ. Yé n pónó syɪkɪ. Nmɔ kɪ pɔ sèfĩn sò tyi wilki

\* 3:19 3.19 - Yah n te Nsyɔbɪ 5.13. † 3:20 3.20 - Yah n te Gbálnó 94.11.

mɔ kwèyy, té kɪ névyɛ fɔkɔ sɔnɔ wilki mɔ kégbó. Képah sɔkɔ, yõ yõnó nê-à yĩne nêne, tẽ kɪ kè we Liyel tyí.

6 N yúnpyé, yépi yĩn ye mé Apɔlɔsɪ ànê ní gblɔy pɪ dùkù tɔkɔ à yé wèkɪ, nê-á kɪ yé kɔ yé kɪ pĩ ne tyi nónó-á wãrkɪ, ònî yó n̄tẽ náh yĩne à ne n pɪ n kah n mɔ sépi yõ. Képah sɔkɔ, ònî yó n̄tẽ náh n̄ gblɔy gbílkinó sɔkɔ, ònî yó tɔkɔ fónfó pɪ n kal n pɪ n̄ ní-òle.

7 Kwáh nê kɪ n̄ kɔ á kɪ kal no tɛlólɛ? Kwáh nê tẽ me á tyí, né Liyel náh n̄ kɔ kéle? Nte kɔnó à kéle à, sɔ pɪ té á á gblɔyne n gbilki á kɪ ne Liyel kósyĩ n̄ kɔ kéle?

8 Yĩ nónó pól-á yé n yah n kɔ, yé ye núkú sè we te yé yo kè? Yé pɪ te tahbule yé yo kè? Yõtɔrí ye núkú yé me n pɪ ápi kēne yé yo kè? Yáh náhki sò me we pɪ yõtãmne ápi tɔ náh kɪ me yõtɔrí sɔkɔ yéle.

9 Nkẽ kè me n̄mɔ tẽ tyí, á kɪ ne Liyel sɔ ápi Yesu tẽntò névyɛ pɪ no pól náh névyɛle. Á pɪ névyɛ sɔ nónó-á kɪ pɔ n ko n mɔ n pɪ. Káh pɪ sɛ, á pɪ syáh syah yĩle kèkɔyó pól tyí, yĩnyõ tònpiɓi tɔkɔ dohnɪ névyɛ yõ.

10 Ápi pɪ nêwãne Krista yĩnne, té yépi me pɪ yĩ pípúle Krista sɔkɔ yé yo kè? Ápi pɪ tɛnkwlɔpule, té yépi me pɪ tɛnwepule yé yo kè? Ápi me yílónóle n we, té yòyén me n sah yépi yõ yé yo kè?

11 Yé náh we di, fók à pɔ syɪ núkúnúkú mè n̄tẽ tyí, kwekɪ ànê níkɪ me ále n kwɔ. Mɔ mɔ flo náh me á tyí. Á me kole n syi, té tẽ-nsah náh me á tyí.

12 Á me tòle n pɪ kétáhkìyô á gbãne, à á yõ yõ tẽne n we. Pàh ále n gbyɔ, á sãmne n mɔ pé sɔkɔ. Pàh ále n fõh, á kè fẽ n syi.

13 Pàh á tyíle n yo n ko, á wènpèplɔle n wekɪ pé tyí. Á me pɪ tẽ kèkɔyó yésyĩ ànê ké yítúkún̄ne névyɛ tyí, pópó à pɔ syɪ núkúnúkú mè tyí yò.

14 Nte mé náh me tyi nópile n wãrkɪ n tekɪ n mɔ yé tyí ne mé sennɛ yé tẽ dé, gbáhdýáh ye mé n di n sah kéle yé tyí, yépi nónó tyí-á nɔ yĩ ní tyí á kɪ ne ní wènpĩ sɔ.

15 Yé yah, Nìvìnì tir yónó gbò yõ sɔkɔ ye yé pɪ n̄mɔ wènpìle à sɛ Yesu Krista yõ. Képah ye, n̄mɔ me n mɔ kɔ á kɪ ne yé sú sɔ. Nónó-á me yéle n kwɔ Yesu Krista tyíle, pàh sɔ me nɔ népĩ kèyõ kwólóle ò (10 000), yé pĩ ne sú núkú tẽ ó-á yé tyí.

16 Képah ye, mé kéle n yah n kɔ yé tyí ne, yé n̄mɔ pɪ dùkùle n yah n pɪ.

17 Képah yĩn ye tǒ mé Timotele n tɛkɪ mɔ yé tyí, nê-á me ní pídí sǒ. N tyí nɔ yíí ní tyí. Tě ñgbě wěkì kó-ò pèpɛy ye ñne. N mɔ ye kɪ pɔ yé dyɔle n to n kǒ máh me Krista wěkìle n kɔ òkù nêne, sǒ-á mé kéle Yesu yǒ sǐpú òkìnó pólle n yah n kwɔ n kǒ tǎntǎn pól sɔkɔ.

18 Nte yé tókù me n sǒ ne mé náh ní syi n pɔ n pi yé ònne, té me yuku pé gblǒyne n yǒ n sah.

19-20 Nte kàh kɪ nɔ Tě ñgbě tyí, mé kɪ n syi pɔ yé ònne núkúnúkú. Wèngbil wékínó náh n wěkɪ ne Liyel tǒrí névi-á ále, Liyel tǎhkì nê-á á sɔkɔ, képah ye n wěkɪ kéle. Képah ye, máh pɔ pɔ, kè náh n yĩn n pi gblǒy gbilkípú wèngbil nóhnó-ó tyí dé, tǎnwɛnɔ-à kɪ me pé tyí, mé kɪ kè pǐ.

21 Máh kɪ kènpyǎhni tɔkɔ pɔ yé tyí, képah náh pɪ máh kɪ pɔ yárr yé tyí tyínɔnɔ sɔkɔ, nê tǎ me yé n yah n kǒ?

## 5

*Pí-ńkě tyi nónó-á sǒ Yesu yǒ sǐpú tókù me n pi*

1 Kè me n nohnɪ ywǒ ywǒ pól sɔkɔ ne ńkě, pròprò pínó-á me yé wró sɔkɔ. Pròprò pínó yó ñtǎ-á me yé wró sɔkɔ, nê-á Yesu yǒ sǎ-ńkěpú ñtǎ náh fě syi sǎnkǒ pɪ n pi. Pè ne yé sɔkɔ yó ñtǎ-á me ñ sù kyɪ tɔkɔ.

2 Tě sépinó pól sɔkɔ, yé tǒ me yé gblǒyne n yǒ n sah n kǒ kè? Kè pyě sǒ yĩne kè pɪ yíí yèkwɔrɪle yé tyí, yé kǒ yè kéne tǎ yĩni n wilki yé wró.

3 N mɔ tǎ wɔ náh me yéle fí núkú sɔkɔ. Nte mé me yéle sǒnɔ sɔkɔ. Képah ye, ñ mɔ tǎ wɔ lékàhle yĩ mè pí-ò kǒ tɛ, á kɪ ne mé sǒ me yé wró sɔkɔ.

4-5 Yáh pɔ wě tuke mɔ, ñ mɔ tɔ kɪ me yéle sǒnɔ sɔkɔ. Sǎnkǒ névi tǎne, yé Yesu Krista yĩn ànê ñ tǎnwɛnɔle à wilki yé wró, yè ñ gbàh de n mɔ sétǎn yǒtǎ kǒ. Kàh tǎne n kwɔ, à kɪ pí-ńkě tyi pínó yal mɔ ñ min kǒ kè kɪ wɛ pwah, Tě ñgbě Yesu syi n pɔ sǒle.

6 Yé gblǒy gbilkínó mè yah náh. Yé se yó pǐ ne, kókónó kwéy ó-á n òkɔ mífáhkì pólle tǎ.\*

7 Yé kéne tyípèkè wilki n to yé wró, képah nê-á me n tǒ n mɔ kókónó tyí kǒle. Képah sɔkɔ, yé kɪ me wásáá kókónó kǎn búrn tyí kǒle. Krista lésǒ fě syi pè kǒ pè à ko mɔ Nsyifunɔ yǒrɪ tyénó syáh kópó tyí kǒle ápi tyípél wu n to yĩnne á tyí. Kǎh pɪ sǎ, yé me wásáá kókónó kǎn búrn tyí kǒle.

\* 5:6 5.6 - Kókónó kwéy mífáhkì pól òkónó nê tyí-á n yo ásǒ sɔkɔ yò, képah òkù ye Wín n ne n yo pé sèmirkì yó sɔkɔ ne, yúkúnkáh núkú-á n pǒ yo pólle.

<sup>8</sup> Yé ye à tyípêl duke pól wilki n to á min sòkò, à mó ne n me yályál néglólé kókónó kân búrn tyí kòle, nê-á pè n ne n tah Nsyifunò yõri tyénó syáh sòkò.†

<sup>9</sup> Máh lésò sébéy nê wárki tekí mò yé tyí, mé lésò yo ké sòkò ne yé káh ne n pi n soh prònpùbùle.

<sup>10</sup> Nte kèkòyó névyé tyí sòkò náh lésò ñne dé. Kèkòyó mè prònpùbì, képah náh pi ké yísesúkú névyé, ànê ké yípú, képah náh pi, ké sãh fálpú tyí sòkò-à sò ñne, yé náh náhki sò fẽ n wũ n pi kèkòyó mè sòkò dò.

<sup>11</sup> Nte sã náh dé. Mé ne névi nê-à ñ gblòyne n ye Yesu yõ sã-òle, té me pròpròle n pi, képah náh pi, yísesúkúle n pi, képah náh pi, sãhle n fal, képah náh pi, névyé tyíle n yo n ko, képah náh pi, sètènìne n pi, képah náh pi, me yíbele n yí, yé káh ne n pi n soh sènkò neyne pólle. Yé káh yòke ñtẽne n yõ wẽ tyí tẽne.

<sup>12-13</sup> Té Yesu yõ sã-ńkèpú tükèno tẽ wòle, ñmò tò náh képahle. Liyel ye kí tuke péle. Nte kè me wárkínsàhnóle Liyel wey sébéy sòkò ne ńkè: «Yé népèkè yìni n wilki yé wró.»‡ Kãh yo sã à, yé náh yé tĩnkì névyé tuke n pi di?

## 6

*Yesu yõ sèpú píndenòle wẽ tyí*

<sup>1</sup> Kwáh nê pi té tir-à de yépi Yesu yõ sèpú sòkò yó ànê ñ ní-ò wró, yé yé tĩnkì névyé sah, ñ té kè tòkò n kyí ne n tuke Yesu yõ sã-ńkèpú tyí?

<sup>2</sup> Yé náh pĩ ne ńkè, Yesu yõ sèpú-á kí pò kèkòyó névyé tuke n pi di? Nte yépi-à me pò n tuke n pi kèkòyó névyéle, tyípì wò se yé kí tẽ tuke kwò?

<sup>3</sup> Yé náh pĩ ne ńkè, áyáh kí yĩnyò tònpi bì ñtẽ tuke n pi di? Té kèkòyó mè tyi wòle pyè á kí pò tuke kwò ní?

<sup>4</sup> Nte sènkò tir-à we yé wró sòkò, névi nê-á Yesu yõ sèpú náh me ñne n mò n kò, yè n pyè n kyí ñmò tòkò n pò ne, à pò kè tuke ní?

<sup>5</sup> Sen ye kéle yé tyí dé. Yépi tẽ wró sòkò, lékám névi yó ñtẽ náh núkú me, nê-á kí fẽ yé wró tyi yah wah lé?

<sup>6</sup> Tir se yĩne kè we yé sòkò yó ànê ñ ní-ò wró, kè syi n pò n yìni n tẽ tukey tükè-nsah sòkò, fóó Yesu yõ sã-ńkèpú ñtẽ to pò pi ké tükèpule?

† **5:8** 5.8 - Nsyifunò yõri tyénó syáh-à sò de n te, Nsyifunò pé gbèn kókónó dyí pól kwe, ñ té n tyah kókónó kãnne n yò. Pè képah tẽne n pi sã, ñ kè wèki ne, tyípêl nóno pól-à sò pé pi, páh sè milki. ‡ **5:12-13** 5.12-13 - Yah n te Tõnyono 17.7.

7 Nte yáh fyò me wě tēne n ye n tuke n pɔ, képah yé tēnkwlɔnɔ wěki te dò. Kwáh nê pi té pàh tyíkèkì pi yé tyí, ànê pàh yé gbàn yí yí tɔkɔ, yè n tē yé nno tē n kwlo?

8 Té yépi ye mó tō n pi kéne tyíknèni ànê yibe tyile yé yúnpyé Yesu yō sēpú tyí.

9 Yé náh pī ne tyíknèni pípú náh n de n pi Liyel tōrí sɔkɔ di? Yé káh yé gblɔy tō mɔ ló. Prònpɔbi, ànê sãh fálpú, ànê fòfnpɔbi, ànê díbí wě tókópú,

10 ànê yēnwóbé, ànê yísesúkú névyé, ànê sètēni pípú, ànê névyé tyí yónkòpu, ànê névyé yō syíkípúle, pépi sɔkɔ yó n̄tē náh n de n pi Liyel tōrí sɔkɔ.

11 Té yé yah, sēnkno névyé ye sò yé túkùle ñgbòle. Nte Tē ñgbē Yesu Krista ànê Liyel Mirki gbò yō sɔkɔ, yé pi yályál. Yé me wilkĩnsàhnòle Liyel tyí yō. Yé pi néglòle Liyel yah sɔkɔ.

*Yesu yō sē-ò gbēnsê-á pi Liyel tyíle òkù nēne*

12 Kè me yónóle ne ñkē: «Tyi pól pínó gbàh me dénmɔnɔle ñmɔ tyí.» Nte yōre náh n we sé tókù sɔkɔ. «Tyi pól pínó gbàh me dénmɔnɔle ñmɔ tyí.» Nte ñmɔ náh n pi n pi sé sɔkɔ yó n̄tē yòle ló.

13 Kè tō me yónóle ne ñkē: «Yòke me kèkùrkì yinne, kèkùrkì tɔ mó me yòke yinne.» Nte Liyel kɔ pɔ sé nínó pól tyí yɔkɔ n pi. Nte névi wil gbēnsê tē wɔ náh mɔ pròprò pi yinne dé, Tē ñgbē tyí yō ye kè mɔ. Tē ñgbē tɔ ye mó n yah ké yō.

14 Liyel ye yilki mɔ Tē ñgbē Yesu lékòle. A kɔ ápi tɔ lékyí yilki n mɔ n pi ñ tēnweno gbò yō.

15 Yé se yó pī ne, yé wil gbēnsênóle, Krista wil tãntãnnó-á té. Mé pi sɔ mè n pɔ Krista wil fí yó tɔkɔ n pɔ n kwɔ n mɔ prònpɔ wille? Pólle, mé náh képah pi n yah n pi.

16 Yé se yó pī ne, névi nê-à sē prònpɔle, pé nímí-á kwɔ mɔ pi wil gbēnsê núkúle té. Kè me yónó n̄tēne Liyel wey sébéy sɔkɔ ne ñkē, pé nímí-á kwɔ mɔ pi wil gbēnsê núkúle.\*

17 Nte névi nê tē wɔ-à ñ gblɔyne Tē ñgbē Yesu kɔ, tē sɔnɔ vi n mɔ n pi núkúle Tē ñgbē Yesu tyíle.

18 Yé yé náh vi pròprò pínó kō. Tyípèl téló nónó-á névi n ne n pi, tē wil gbēnsê vyãh náh n we sé sɔkɔ. Nte pròprò pínó tē wɔle, ñ tē me n pi n de ñ wil gbēnsê tyí.

19-20 Yé se yó pī ne, yé wil gbēnsê-á Liyel Mirki mé-ñsahle té. Liyel ye yé kō ñ Mirkile, nê-á déntēnóle yé sɔkɔ. Tē ñgbē

\* 6:16 6.16 - Yah n te Yenest 2.24.



ye yé dwe dántãhle. Kãh pɪ sɛ̃, yé tyí náh yé gblɔ̃yne dò. Képah ye, yé yé wil gběnsé pɪ ñ gbilki gbilki kwãhle.

## 7

### *Fúr tyi òkù yónóle*

<sup>1</sup> Yáh tyi nónó piki yah ní tyí yé sébéy sɔkɔ, sépi yah ye mé kɪ yo yé syah núkúnúkú yò. Yé ne níkɛ̃\* kãh sò fónfó dí tɛ̃ sê tókó-ńkɛ̃ne.

<sup>2</sup> Nte pròprò pínó yah kò yĩnne, kè ye fónfó dí mè dí mè, à sê tɔkɔ, ànê sê mè sê mè, ñ tɔ mó de pe tyí.

<sup>3</sup> Dí-á yĩne nê pínóle ñ kyɪ tyí tɔɔ sɔkɔ, à kéle n pɪ ñ tyí. Sê tɔ-á yĩne nê pínóle ñ pe tyí tɔɔ sɔkɔ, ñ tɔ kéle n pɪ ñ tyí.

<sup>4</sup> Sê tyí yò náh ñ wil gběnséle dé. Ñ pe tyí yò ye kéle. Dí tɔ tyí yò náh ñ wil gběnséle dé. Ñ kyɪ tyí yò ye kéle.

<sup>5</sup> Yé káh pèkì kãm wěne, né kè náh pɪ yé ními yáhntɔkɔnɔle níri yó we n pɪ yĩnne wró kwéy yó ó sɔkɔ. Nte képah-à sɔkɔ tɛ, yé yé syɪ pèkì kwɔɔ mɔ. Képah-à pí-ńkɛ̃ne, yé kɪ pɔ n syah n tɛ n kwɔ, sétàn yòtɛ̃ kò à kɪ syò-ńsah we kɪ yé wilki mɔ.

<sup>6</sup> Nte ní-mɔ-á nê yo yé tyí yò, kyĩnmɔnɔ náh dé, syò-ńsah yó wɛ̃kì ye mé yé kò.

<sup>7</sup> Kàh ní-mɔ tɛ̃ ó sɔ̃, mé sò me ké tyí ne no pól ne me lédyónine ní-mɔ tyí kòle. Nte Liyel ye no pól mɔ ànê pé tɛ̃nwɛ-ńtãnne. Á tir yó pínó tɛ̃nwɛnɔle ñnî kò, ñte kèyãh pínó tɛ̃nwɛnɔle ñ ní-ò kò.

<sup>8</sup> Nte nê-á mé kɪ yo lédyóni ànê pékúsyɔ tyí, képah ye yò. Pàh tɛ̃ lédyónine ní-mɔ tyí kòle, képah kɪ ple.

<sup>9</sup> Nte pàh kɪ pĩ ne pé náh fɛ̃ pé gblɔ̃y tɛ̃ n pi, pè fúr pɪ. Fúr pínó ye fónfó kal, ñ tɛ̃ lédóri kò kè ne n ko.

<sup>10</sup> Té nónó-á fúr pɪ tɛ, máh kɪ nê kò n sah pè kò n pi, ní-mɔ náh n kò n sah kéle pé tyí dé. Tɛ̃ ñgbě ye n kò n sah kéle pé tyí ne níkɛ̃, sê náh yĩne à yal ñ pe tyí.

<sup>11</sup> Wàh se mó yal ñ pe tyí, à náh tɔ̃ yĩne à de pe káhkí yó tyí, à yĩne à ñ syɪ yuku ñ pe tyí, pè kyɪ pé wró tɔ̃ n sah. Nte dí tɔ káh mó ñ kyɪ wilki.

<sup>12</sup> Nte nê-á mé n yo no téló tɛ̃ wɔ tyí yò, Tɛ̃ ñgbě náh n yo képahle dé. Nmɔ ye n yo kéle ne níkɛ̃, Yesu yò sɛ̃-ò dí yó tyí sê-à me nê náh pɪ Yesu yò sɛ̃-òle, té kéne pi me ké tyí ne pé tɛ̃ ñ tyí, à káh à wilki.

\* 7:1 7.1 - Túkù sòno sɔkɔ, Pole ye yo wey mène ne níkɛ̃, kãh sò fónfó dí tɛ̃ sê tókó-ńkɛ̃ne.

13 Yesu yõ sě-ò sê yó tɔ tyí pɛ-à mɛ nê náh pɪ Yesu yõ sě-òlɛ, té kéné dí mɛ ké tyí nɛ pé tẽ ñnɛ wẽ tyí, à káh yal ñ tyí.

14 Yé náh wɛ di, Yesu yõ sě-ò pi mɛ gbò yõ sɔkɔ ye ñ pɛ kɪ mɛ yúkey Liyellɛ, ànê Yesu yõ sě-ò dí mɛ tɔ gbò yõ sɔkɔ ye ñ kyɪ kɪ mɛ yúkey Liyellɛ. Nkě káh pí-ńkɛnɛ sɛ, pé wɛnpɪ kɪ mɛ á kɪ nɛ pé wró sɔ dɔ Liyellɛ. Ntɛ kɛgbɪ tẽ yõ sɔkɔ, pɛ ye mɛ yúkey Liyellɛ.

15 Ntɛ káh mɛ pɪ Yesu yõ sě-ńkɛ nɛy tẽ wɔ nɛ páh pé ní-ò Yesu yõ sě-òlɛ n yahle, yé yɛ à kɔ à kè pɪ. Káh pɪ sɛ, ñ ní-ò Yesu yõ sě-ò nê-á pɛ kápah náh pɪ kyɪlɛ, ñmɔ kɪ wɛ wũ ñ gblɔy yõ sɔkɔ. Yèvinɪ sɔkɔ tẽ yɪn ye Liyel ye ále dò.

16 Nkě à, áwɔ nê-á kyɪlɛ, á se sɛ ké yõ nɛ wáh kɪ tẽ wɛ á pɛ min pwah mɔ? Tí, áwɔ nê-á pɛlɛ, á se sɛ ké yõ nɛ, wáh kɪ tẽ wɛ á kyɪ min pwah mɔ?

*Swɔ nê sɔkɔ-á lésò ále té Liyel ñ ye pɔ ñ gblɔy tyí, tẽ kápah ó sɔkɔ*

17 Ntɛ sépi pól sɔkɔ, Tẽ ñgbɛ Liyel-à nê sah swɔ nê sɔkɔ, kè yɪnɛ kè yɪnɛ tẽ tyí. Nê-à sò mɛ swɔ nê sɔkɔ té Liyel à ye pɔ ñ gblɔy tyí, à yɪnɛ à nɛ n pɪ à yɪnɛ kápahlɛ. Kéné pɪ òkù ye mé mɛ n yo Yesu yõ sɛpú tɪnkínó pól tyí.

18 Névi nê-à sò mɛ kòńólɛ té Liyel à ye, tẽ tẽ kòńólɛ. Nê tɔ-à sò mɛ kò-ńkɛnɛ té Liyel à ye, tẽ tɔ káh nɛ páh kòkèlɛ n kò.

19 Á kò ò, á náh kò ò, yõ náh mɛ kápah tyí. Yõ-á mɛ nê tyí, kápah ye Liyel tyi kònsàhnó wál kólólɛ.

20 Nê-à sò mɛ swɔ nê sɔkɔ té Liyel à ye pɔ ñ gblɔy tyí, tẽ yɪnɛ à tẽ kápah sɔkɔ.

21 Wáh sò mɛ yõlɛ té à ñ ye, káh n ye kè ále n yɔ. Ntɛ gblɔy yõ wéntɛnó yòbɛnɔrɪ-à mó wil mɔ á yõ, káh n ye kè n kal.

22 Yé náh wɛ di, névi nê-à sò mɛ yõlɛ té Tẽ ñgbɛ à ye, ñ tyípɛl yõrɪ n tyɛ. Yé náh wɛ tole à, névi nê-à sò mɛ ñ gblɔy yõ té Tẽ ñgbɛ à ye, à n pɪ Krista yõlɛ.

23 Tẽ ñgbɛ yé dwe wilki yõrɪ sɔkɔ dántáhlɛ. Kápah ye, yé káh ńtɔ n pɪ ñnî yó ńtɛ yõlɛ gbógbó.

24 Ntɛ ní yúnpyé, yáh lésò mɛ swɔ nê sɔkɔ té Liyel yé ye pɔ ñ gblɔy tyí, yé yɪnɛ yè tẽ kápah ó sɔkɔ.

*Fúr-á n pɔ n pɔ tyi nónónɛ*

25 Névyɛ nónó-á pè náh tɔnì fúr pɪ, Tẽ ñgbɛ náh tir yó yo ñ tyí pé tyí sɔkɔ. Ntɛ Tẽ ñgbɛ pèpɔrɪ gbò yõ, mé pɪ névi yólɛ

nê-á yé kɪ fě sě nı yõ. Képah ye, mé kɪ nı yěngbě sõno yo yé tyí fúr tyí soko.

<sup>26</sup> Tyi-á me tẽ tah sõ kwey gbĩ mè soko, nıno sõno soko, yé nénúkù núkú pól-à tẽ sõ-á yéle, képah kɪ nekɪ kal yéle.

<sup>27</sup> Wáh kɪ me sê toko te, káh à fin n mo. Wáh kɪ se mó tõnì me sê tókó-ńkêne, sê tókó-ńkê fónfó.

<sup>28</sup> Dí-à sê toko, képah náh pɪ sênpir-à de pe tyí, tyípekè tẽ wɔ náh pè pɪ dé. Nte nê tẽ wɔ-á me ké soko, ké pípú kɪ kwlónóle n we. Képah yah ye mé me ké tyí ne mé n kõ yé tyí.

<sup>29</sup> N yúnpyé, mé kéle n yo yé tyí, tyah me n tyah sókóntenole. Képah ye, à toko núkúnúkú tyí, sê-à me nê tyí, tẽ ne n me á kɪ ne, sê kósyĩ me n tyí.

<sup>30</sup> Nê-à me gbní soko, tẽ ne n me á kɪ ne à kósyĩ me gbní soko. Nê-à me nìvìnì soko, tẽ ne n me á kɪ ne à kósyĩ me nìvìnì soko. Nê-à me yídwenène n dwe, tẽ ne n me á kɪ ne n tyí kósyĩ yídwenè nópìle.

<sup>31</sup> Nê-à me kèkõyó mè nolile n yõ, tẽ ne n me á kɪ ne à kósyĩ me ké nolile n yõ. Wáh n yah yò, kèkõyó mè náh tõ n mo n pi ló.

<sup>32</sup> Mé me ké tyí ne yé fókósõno káh kwel. Névi nê-à sê tókó-ńkêne, tẽ n fòkole n sõ Tẽ ñgbě tãn tyí soko. A n ne n me Tẽ ñgbě nìvìnì pí-ńsahle n yah n kõ.

<sup>33</sup> Nte sê-à me névi nê tyí, tẽ n fòkole n sõ kèkõyó tyi yõ. A n ne n me n kyì nìvìnì pí-ńsahle n yah n kõ.

<sup>34</sup> Káh pɪ sě, n nı n ne n me n yil n kõ yey nínine. Té sênpir, képah náh pɪ sê nê-à dé-ńkêne pe tyí, Tẽ ñgbě tãn yah syi tẽ tyí. Tẽ n gblõy kõ n dal n mo Tẽ ñgbě tãn pínó soko. Nte sê pètẽ tẽ wole, kèkõyó tyi yah syi ñmo tyí. A n ne n me n pe nìvìnì pí-ńsahle n yah n kõ.

<sup>35</sup> Mé náh tyi nópi yo yé tyí yé fikéntẽno yinne dé, yé yohnu n mo yin ye mé n yo séle yé tyí. Képah ye, nê-á pèpeyne, mé me ké tyí ne yé képahle n pɪ, képah nê-á Tẽ ñgbě ó tãn yah wúnóle.

<sup>36</sup> Kètẽnpikĩ nê-à pĩ ne pé ségbíní dékè-á me péle n ko,† té páh kɪ n to n kõ, páh kɪ n syah n pɪ n de n tyí, té tyi-á yĩne sè ko sé wál yõ, tẽ à fur n dyo ó. Tyípekè náh kéle.

† 7:36 7.36-38 - Wró mè soko, névye sõno me sé tyí tyíle. Túkù ne Pole-á ne ńkê, nê-à pĩ ne ńkê pé písé pe tyí dé-ńkê yah náh, té à syi pɔ n dye, té wáh yĩne à de pe tyí, tẽ ñne pe kõ à yĩne n dyo dyo tẽne. Tyípekè náh kéle. Nte nê-à kè yah toko n nı soko ney fyãh-ńkêne n yõ, ne ńkê páh kɪ fě pé písé tẽ sah à náh n de n pi pe tyí, tyi vi soko-á tẽne. Képah-á, nê-à n píséle pe kõ, tẽ-á pɪ ple, té nê-à se n píséle pe kõ-ńkêne, tẽ-á pɪ ple yíí.

<sup>37</sup> Nte kètēnpìkì nê-à kè yah tɔkɔ n nɪ sɔkɔ nɛy fyãh-ǹkēne n̄ yõ, té ne páh kɪ fẽ tẽ pé gblõy tyí lédórí náh fẽ pé fwo pèkì kō kè n wɛ n pi pé wró pé ségbínine, tẽ pɪ plɛ.

<sup>38</sup> Képah ye, nê-à n̄ ségbíní fur, tẽ pɪ plɛ. Té nê-à n̄ ségbíní fúr-ńkēne, tẽ wɔ pɪ plɛ kal.

<sup>39</sup> Sê pɛ-à fyò mɛ min sɔkɔ, à yĩne à ne n mɛ ñmɔ ó tyí. Nte n̄ pɛ-à pɔ yah kwɔ, à kɪ fẽ de pɛ yó tyí nê tyí-á nɔ n̄ tyí, tẽ-à fyò mɛ Yesu yõ s̄-òle.

<sup>40</sup> Nte ñmɔ tẽ ó s̄nɔ sɔkɔ, wàh wũ dé-ńkēne pɛ tyí, képah n̄vìnì kɪ kal n̄ tyí. Ñmɔ fókós̄nɔ ye mé yo yé tyí yò. Nte ñmɔ s̄nɔ sɔkɔ, Liyel Mirki mɛ n̄ sɔkɔ.

## 8

### *Sãh fálnó kò tyí yónóle*

<sup>1</sup> Á ye á fɔkɔ mɔ n yah núkúnúkú à yuku sãh fálnó kyo tyí ñinne. Gbɪ tẽ wɔ ye yé yo ne á pól-á mɛ tyile n pɛne ó. Té kene tyi pn̄nó wɔ ye mó t̄õ n mɔ névile gblõy gbilkínó sɔkɔ. Nte tyínɔnɔ wɔ yah yúkúnóle névile n kō.

<sup>2</sup> Névi nê-à mɛ n s̄õ ne páh tyile n pɛne, tẽ náh t̄õnì mɛ kwãh yóle n pɛne wãh s̄õ yĩne à sè p̄ĩ s̄õ.

<sup>3</sup> Nte Liyel tyí-à nɔ névi nê tyí, Liyel t̄ene n pɛne.

<sup>4</sup> Nte à yuku sãh fálnó kò kònó tẽ tyí ñinne, á se yĩne à séle n kɔ? Á p̄ĩ ne fal fal t̄õle, kwãh yó náh kéle kèkõyó sɔkɔ, Liyel núkú ó-á mɛ.

<sup>5</sup> Gbɪ tẽ wɔ ye, yíyìn náhnáh mɛ ȳinyõ ànê sétáh yõ, nónó-á tókú mɛ séle n tɔkɔ n pɪ pé liyelnóle. Nte liyelno ànê tãm náhnáh-à s̄õ mɛ pé tyí,

<sup>6</sup> ápi tẽ wɔ tyí, Liyel núkú ó ye mɛ, ñmɔ nê-á á Súle. Ñmɔ ye mɔ yíyìn pólle, ápi mɛ ñmɔ tyí yõ. S̄ẽ ó ye, Tẽ ñgbẽ núkú ó tɔ ye mɛ, nê-á Yesu Kristale. Ñmɔ gb̄õ yõ sɔkɔ ye yíyìn pól mɛ, ànê ápi t̄ole min sɔkɔ.

<sup>7</sup> Nte fal fal t̄anne, Yesu yõ s̄epú tókú náh p̄ĩ ne kwãh yó náh séle. Pé tókú lés̄õ dar kah mɔ sãh fálnó tyile. Té pépi sɔkɔ nónó tẽ Yesu yõ s̄enó-à fyò yúkú-ńkēne yahle, pàh sãh fálnó kòle n kɔ, pè n ne n s̄õ n kyɪ n pɔ sãh fálnó tyí sɔkɔ. Kàh pɪ s̄ẽ, pè n ne n s̄õ ne tyípékè-á pé n pɪ kò mè kònóle.

<sup>8</sup> Yõke náh ápi nɔ n de n pi Liyelle dò. Ké ȳó-ńkē náh kwãh yó wilki n pi á sɔkɔ, ké ȳónó tɔ náh se mó t̄õ kwãh yó dohnɪ n pi á yõ.

<sup>9</sup> Sé kònó gbàh s̄éns̄õ mɛ dénmonole yé tyí ó, ñte yé kyòm̄inóle n pɪ, képah káh pɔ tókúle n sykɪ n mɔ, nónó Yesu yõ s̄enó náh mɛ yuku yahle.

10 Sõ-á áwɔ nê-á tyile n pne, ñnî yó-à ntyínɔ kyi ñ we tò wòkò sɔkɔ á me yòkele n yõ, té tẽ Yesu yõ sɛnó nãh me yuku yahle, sõ me kè kɪ pɪ? Kè nãh sóré mɔ n pi tẽ sɔkɔ, à kɔ à sãh fálnó kòle n kɔ n pi di?

11 Kàh pɪ sẽ à, ñmɔ nê-á ñ Yesu yõ sɛnó nãh me yuku yahle, ñ min nãh n mɔ n pu n pi áwɔ tyi pnèné gbò yõ sɔkɔ di? Té á yúnpi ye mó tã ñne, ñmɔ nê to yĩn-á Yesu Krista ku.

12 Yãh n pɪ n de yé yúnpyé tyí sɛntẽne à pé sònɔle n yɪkɪ pé tyi yah wé-ńkẽ yinne, Yesu Krista tyí ye yé n pɪ n de dé.

13 Mãh ne yòke yó yõ, té képah ní yúnpi yó yõ yɪkɪ n mɔ n pi tyípekè pínó sɔkɔ, mé kɪ kè we ye gbógbó. Képah sɔkɔ, mé nãh tẽ yõ yɪkɪ n mɔ n pi tyípekè pínó sɔkɔ.

## 9

### *Pole pɪ dùkùle*

1 N yúnpyé, gblɔy yõ névi nãh ñne di? Yesu tɛntò névi nãh ñne di? Mé nãh Yesu we yĩne, ñmɔ nê-á á Tẽ ñgbẽne di? Nmɔ tò pínó gbò yõ sɔkɔ nãh yé we sẽ Tẽ ñgbẽ yõ di?

2 Yáh fyò me Tẽ ñgbẽ Yesu yõ sɛnó sɔkɔ, képah kéle n wɛkɪ ne ñ tɛntò névi-á ñne. Képah ye, tókù-à sõ ké pí-ńkẽne ní tyí ne ñmɔ tɛntò névi-á ñne, yépi tẽ wɔ yĩne yè kè pĩ.

3 Nónó-á me n tɔkɔ ñmɔle n kɔ, máh ne nê yo n pi pé tyí, kè we yò:

4 Api nãh yĩne à á tãn pínó yòke yõ à mó ké ni wɔ di?

5 Ké wɛkɪ nãh me ápi tyí kɪ fẽ syó tɔkɔ Yesu yõ sɛpú sɔkɔ, té áyãh n sɔkɔ kóló sɔkɔ, á fẽ n sɔkɔ n pi péle, sõ-á Yesu tɛntò névyé téló kéle n pɪ, pépi nónó sɔkɔ yó-á Pyerile, ànê sõ-á Tẽ ñgbẽ Yesu yúnpyé kéle n pɪ di?

6 Tĩ, ñmɔ ànê Barnabasɪ ó kókó se yĩne à tãn káhkínɔle n pɪ n tó à á gblɔy vyãhle n yah?

7 Yé se kè we noh yah ne, ñnî yó-á me sràsyiyále n pɪ, té me yĩn ñ gblɔy yinnóle? Tĩ, séswô só-ò nãh yĩne ké pye yónóle di? Tĩ, nê tẽ wɔ kɪ yípɛyne n fẽ, té à nãh sé yɛnikɪ wɔ n pi?

8 Yé káh n we ne kégbó mɛ tyi pɪ dùkù ó-á mé yah té séle n yo dé. Kè tã me sɛntẽ n tẽne tótó Liyel tyi kònsàhnó sɔkɔ.

9 Kéne tyi kònsàhnó nê-á Liyel Moyisi kɔ, kè me wárkínsàhnóle ké sɔkɔ ne ńkẽ, nyeh-à me swãh tónó sɔkɔ

á tyí gbí nêne, á káh sé vyëy pukubi á sèmuκó yónóle.\* Yé se we ne nyeh yãm-á tẽ Liyelle à kǒ à képah yo?

10 Api yĩn náh à yo kéle di? Awe, ápi yĩn ye à yo kéle. Yé náh we à, ápi yĩn ye tyi nópìle wárkínsàhnóle ñtǒ ne ñkě, sètǒ-à swáhle n wǒ, ñ sǒnǒ n ne n me ñ we we tẽ yǒ. Táh mí-ò tǒ-à mó táhle n mǐ, ñ sǒnǒ n ne me ñ we we tẽ yǒ.

11 Api-á pǒ Liyel wey yo yé tyí, ñ tyí kǒ kè we de yé nno sǒkǒ à; áyáh sǒ me yé gbǎn yíle á gblǒyne n pu, kè se yĩne kè yé gbǎn du?

12 Ké yah-à kǐ nê fyò névye túkù me sǛknǒle n pǐ yé tyí à, ápi wǒ se pyě? Té képah fyé yǒ, ápi náh kwáh yó ñtẽ syi yé tyí. Nte ápi náh sǒ me ké tyí ne kè fǛkínǒ dahbǐ Nìvìnì tir yónó sǒkǒ Yesu Krista tyí yǒ. Képah ye, á me tyi pól sro.

13 Té yé pǐ tǒle ne ñkě, Liyel ní-ńsah gbô tǒ pípúle, Liyel ní-ńsah gbô-á n yah pé vyáhle. Sárká syínwǐlkǐpu tǒ-á pé we we tẽne n we sárká yǐ sǒkǒ.

14 SǛ ó ye, Tẽ ñgbě kè yo ne ñkě, Nìvìnì tir yónó sǒkǒ-á Nìvìnì tir yópú kǐ n yǒ.

15 Nte ñmǒ yǒke yó ñtẽ náh wil képah sǒkǒ. Mé náh mó tǒ me tyi nópìle n wárkǐ n tekǐ n mǒ yé tyí ne mé yé kǒ séle dé. Máh kéle n pǐ nònóle, té me nìvìnì nêne n we ké sǒkǒ, káh nê n tẽ n syi n pǐ ní tyí, mè n ku ñtẽne.

16 Kè nǒ ní tyí ò, kè náh nǒ ní tyí ò, mé yĩne mè yo óle Nìvìnì tir yo. Képah ye, ké yónó náh me yĩnyáhkǐ tǐrle ñmǒ tyí. Té pèkè me ní yǒ, mǎh yahle ké yónóle.

17 Nmǒ-à sǒ me yah tǒkǒ tǒ mènne, à ní gblǒy mǒ ké pínó sǒkǒ, mé nǎhkǐ ké yǒre we. Nte kǒnsàhnó ye Liyel kǒ sah ní kǒ kéle mé n pǐ. Képah ye, ní pǐ pǐ tǒ ó ye mé n pǐ.

18 Nte ñmǒ we we tẽ wǒ nêne wé? Nìvìnì nê-á me ní sǒkǒ ní kǒ mé Nìvìnì tǐrle n yo névye tyí nònóle kwáh yó yáhnkǒ-ńkěne ké sǒkǒ, képah ye ní we we tẽne.

19 Nnǐ yó ñtẽ yǒ náh ñne dé, mé me ní gblǒy yǒ. Nte mé ní gblǒy pǐ no pól yǒle ne mé pé yǒ vi n mǒ pè kǒ pè pǐ Yesu yǒ sǛpúle.

20 Mǎh me Nsyifunǒ sǒkǒ, mě ní minne n pǐ pé tyí kǒle ne mé pé yǒ vi n mǒ pè kǒ pè pǐ Yesu yǒ sǛpúle. Pépi nónó-á Moyisi tyi kǒnsàhnó wǎl kópúle, mě ní minne n pǐ pé tyí kǒle ñ pé yǒ we n vi n mǒ, té sé wǎl kó-ò náh mó tǒ ñne dé.

21 Mǎh sǒ me tyi kǒnsàhnó wǎl kó-ńkěpú sǒkǒ ò, mè n ne n pǐ pé tyí kǒle, ñ pé nǎhnáh yǒ we n vi n mǒ. Té képah náh n wěkǐ ne, Liyel tyi kǒnsàhnó wǎl kó-ńkě névi-á ñne

\* 9:9 9.9 - Yah n te Tǒnyonǒ 25.4.

dé. Máh fyò me Krista tyi kònsàhnó wǎl tēne n kɔ, kápah n wēki ne, Liyel tyi kònsàhnó wǎl-á mé n kɔ.

<sup>22</sup> Névye nóno Yesu yò sēnó náh yuku yahle, mäh me pé sokɔ, mé ní minne n pi pé tyí kòle ne mé pé yò vi n mɔ pé kɔ pé pi Yesu yò sēpúle. Mäh sɔ me nédúké nóno sokɔ ò, mé ní gblɔy pi pi dùkùnó pólle pé yinne, ne mé pé tókù yò we n vi n mɔ pé kɔ pé pi Yesu yò sēpúle.

<sup>23</sup> Mé me tyi nópi pólle n pi Nìvìnì tir yónó yah yuku yinne, ne pèpɔri nê-á me ké sokɔ, ní vyāh we ké sokɔ.

<sup>24</sup> Yé se pī ne níké wē kálnó tóló tópú pól-á níkéne ne n me n to kéntáhkì sokɔ, té pé nénúkù ó-á n we ké yòrele té? Yépi to ne n to tē tyí kòle ké yòre we yinne.

<sup>25</sup> Wē kálnó tóló tópú kwlónónɔ pól fē n syi yò yónó pɔ n we yinne, nê-á kè náh n mo n pi. Nte ápi kéle n pi yò yónó pɔ n we yinne, nê-á kɔ me kúmm.

<sup>26</sup> Kápah ye nímo to me n to, té mé náh me n to n dah n mɔ dé. Mé me gbònkukuri syí-ò yó sɔ, nê-á à náh n syi n dah n mɔ.

<sup>27</sup> Nmo nê-á Liyel weyne n yo no téló tyí, mé me ní wil gběnsêle n fõh ní gblɔy tēnó sokɔ, ne mé káh n pɔ n tɛki yò yónó sokɔ.

## 10

*Yisrayel no pi dùkùle gběnni sokɔ*

<sup>1</sup> N yúnpyé, nê-á á sútóbé yini tē Moyisi gbì sokɔ, mé me ké tyí ne yé yé dyɔ sah ne n kwne kéle. Pé pól sò me n kɔ nýírkì fob sò, té de kah pne yónsyāh sokɔ pé tɔó.

<sup>2</sup> Pé pól de sokɔ nýírkì fob sokɔ ànê pne yónsyāh sokɔ wèlnwìlkínó tyí kòle, à pi Moyisi sò tēpúle.

<sup>3</sup> Pé pól yòke núkú yò wē tyí, nê-á wil Liyel tyí,

<sup>4</sup> té me wɔ wɔ ni núkú we wɔ, nê-á wil Liyel tyí. Tédáhkì yó sokɔ ni ye sò kéle. Kéne tédáhkìle sò, Krista ye nê-á me n yuku péle.

<sup>5</sup> Nte pé kan náh sò pi néglóle Liyel yah.\* Kǎh pi sē, pé ku kwe gběnni sokɔ.

<sup>6</sup> Kéne tyi ye pi, à ápi yí yíki, nê-á kɔ á kɔ á yí náh tɔ n wil n pi tyítúkùní pínó tyí pépi tyí kòle.

<sup>7</sup> Yé káh pi sǎh fálpúle pépi tókù tyí kòle, pépi nóno tyí-á yónóle Liyel wey sébéy sokɔ ne níké: «Tówú ye kò tē à n yò, té n wɔ, kápah náh té yuku à syáhle n syah.»†

\* **10:5** 10.5 - Yah n te Yáhnó 14.22-24 ; 28-38. † **10:7** 10.7 - Syáh nê tyí-á n yo ásò sokɔ yò, pé tò yah sokɔ ye sò pé syah syáh mène. Yah n te Yálnó 32.1-6.

8 A ye káh á gblǒy pɪ prònpɪbɪle, sǒ-á lésǒ pé túkù kéle n pɪ, té nɛpɪ kèyǒ gbǒnúkú kyegbãm (23 000) me ku pé sɔkɔ gbɪyɪkɪ núkúle.‡

9 A ye káh Tě ñgběne n mɔ n yah, sǒ-á lésǒ pé túkù pɪ kéle, té vyehe me pè kwākɪ ko.§

10 Yé káh Liyel sèyòkèle n yo sǒ-á lésǒ pé túkù kéle n pɪ, té yɪnyǒ tǒnpɪ nê-á nékókèle n mɔ, ñmɔ me pɔ pé duku to.\*

11 Tyi nópi ye pè yɪni tẽ, à névye yí yɪkɪ. Api nóno-á me kèkǒyó tyénteno gbí me sɔkɔ yò, ápi yɪn ye pè tyi nópi wārki, à gbáhdyáh di sah á tyí.

12 Képah ye, nê-à me n sǒ ne páh me we su yɪn palle, tẽ kyòmínóle n pɪ, à káh pɔ yǒ syɪkɪ.

13 Tǒnmɔno nóno-á yé yɪni tẽ yah, sɛnkno ye n no névi yòtàhsyile. Nte Liyel n kɔ ñ tyíyónó sǒ. A náh n ye tǒnmɔno yó ñtẽ kǒ kè kǎn pɪ n pi yéle. Té tǒnmɔno-à yé we, à kɪ tɛnwenole yé kǒ yé kɪ kè fwo, té kɪ yé wɛkɪ syǒ-ñsahle, yáh ne we n wil n pi ké sɔkɔ sǒ.

*A ye káh ne n pɪ n soh tǎnne*

14 N yúnpyé pèplo, yé yé náh vi tǎn tyi kǒ pnépné.

15 Nmɔ me yéle n mɔ n kǒ yɪ pípú sɔkɔ. Képah ye, tyi nóno-á mé n yo yé tyí, yé sǒ n yah sé tyí yǒ yé gblǒy.

16 Liyel yǒke yǒ gbíne, áyáh ñkěne wɔ wɔ kwáh nê wɔ á wékínteno náh Liyel tyí, képah kéle n wɛkɪ ne áyáh pɪ núkúle Yesu Kristale ñ tó kwénó gbò yǒ. Búrn nê tɔ-á ñkěne à n kwɔkɪ n dibi n tah wɛ tyí, ké tɔ ále n pɪ núkúle Yesu Krista wil gběnsêle.

17 Búrn núkú ó ye me. Té ápi pípí nópi pól me kéne búrn núkú mè óle n tah. Képah ye, kè me á kɪ ne á pól sǒ pɪ wil gběnsê núkúle.

18 Tir nê-á me n pɪ Yisrayel no nyó, yé yé fɔkɔ mɔ n yah képah tyí yǒ kè. Pé sárká súkénkǒ-ñsah me Liyel tyí yǒ. Képah ye, yípɛy nóno-á pè n ko ké yǒ sɔkɔ, pé nóno-á sé kyole n kɔ, pè me núkúle Liyelle.

19 Képah se n wɛkɪ ne máh ne yǒre-á me tǎn ànê sǎh fálnó kyɔ tyí?

20 Óó dé, mé ne sǎh fálpú-á sǎhlo nóno-ne n fal, sétǎn tyí-á pè n fal séle, Liyel tyí náh. Mé náh me ké tyí ne yé pɪ núkúle sétǎnne gbógbó.

‡ 10:8 10.8 - Yah n te Yáhnó 25.1-9.

§ 10:9 10.9 - Yah n te Yáhnó 21.4-7.

\* 10:10 10.10 - Yah n te Yáhnó 16 ; 17.



21 Yé náh fě Tĕ ñgbě wóh sɔkɔ wɔ wɔ kwâh wɔ n pi, té tǔ yé yah vi n wɔ n pi sétàn tyí sɔkɔ. Yé náh fě ne n yõ n pi Tĕ ñgbě tyí, té tǔ yé yah vi kyɪ n yõ n pi sétàn tyí.

22 Tĩ, Tĕ ñgbě nê-á ne á ne n me péwɔ ó tyí yõ, ñmɔ vyãh sò se á n yah n kǔ nòh-ńsahle? Api tãhkì se kal ñ tyíle?

*Gbílkinóle n sah Liyel yõ, á tyípínì pól sɔkɔ*

23 Kè me yónóle ne ñkě: «Tyi pól pínó gbàh me dènmɔnɔle.» Nte yõre náh n we sé túkù sɔkɔ. «Tyi pól pínó gbàh me dènmɔnɔle.» Nte sé túkù pínó náh yah yúkúnóle névile n kǔ.

24 Ñnĩ yó ntě káh ñ gblɔy pékí-ńsah óle n yah n kǔ dé, yé no tɛlɔ pékí-ńtãnne n yah n kǔ n kal.

25-26 Kè me wárkínsàhnóle Liyel wey sébéy sɔkɔ ne ñkě: «Tĕ ñgbě tyí ye sétáh ànê ké sɔkɔ yíyìn pólle.»† Képah ye, yí nónó pól-á fyò me yãbrɪ sɔkɔ yòh sɔkɔ, yé kɪ fě sé pólle n yõ. Kè náh yĩne kè ne n me yótókóbíle yé tyí, yé kǔ yè pikínyahno yó ntě pi sé wíl-ńtàn tyí sɔkɔ.

27 Yesu yõ sĕ-ńkĕ névi yó-à ñ ye yõke yónóle, té á fě syi kyɪ, wáh yé nónó tɔkɔ pɔ, séle n yõ fwóó. Kè náh yĩne kè pi yótókóbíle á tyí ñ kǔ ñ pɔ pikínyahno yóle n pi sé wíl-ńtàn tyí sɔkɔ.

28 Nte ñnĩ yó-à yo á tyí ne ñkĕ, kò mène, sãh fálnó kò-á kéle, tĕ wɔ yĩnne ànê ké tyí sɔnɔ yótókóbí yĩnne, káh kè kɔ.

29 Sɔnɔ yótókóbí nê tyí-á mé yo ásô sɔkɔ yò, áwɔ tyí sɔkɔ náh ñne dé, nê-á yo ñ syah kéle, tĕ wɔ tyí sɔkɔ ye ñne. Nte ñnĩ kɪ fě ne kwâh nê se pi té ñnĩ fɔkɔ sɔnɔ yótókóbí yĩnne, péwɔ náh fě pé dyɔ dyɔ tyi pi n pi nɪ?

30 Páh wekɪ Liyel tyí yõke nê yĩnne, té fyò kéle n yõ, ney se yĩne à pé tyíle n yo kéne yõke yónó yĩnne, képah nê yĩn-á pé wekɪ Liyel tyí nɪ?

31 Nte sĕ náh dé, wáh kwâh nêne n yõ ò, wáh kwâh nêne n wɔ ò, wáh se tir dùkù nêne n pi ò, ye Liyel yĩn ne n gbilki ké sɔkɔ.

32 Kè se Nsyifunó ò, kè se nónó náh pi Nsyifunɔle ò, kè se Yesu yõ sĕpú tĩnkile ò, yépi tyípínó káh pé sɔkɔ yó ntě yõ ykɪ n mɔ tyípékè pínó sɔkɔ.

33 Yé ñmɔle n yah n pi. Ñmɔ ñkĕne n gbah n tĕ ñ no pól ñvìnìne n pi tyí pól sɔkɔ. Ñmɔ náh me ní gblɔy pékí-ńsahle n yah n kǔ dé, ñte mé me nékwĩnkile n yohnɪ n mɔ pé we n pwah n mɔ yĩnne.

† 10:25-26 10.25-26 - Yah n te Gbálnó 24.1.

**11**

1 Yé n̄mɔ pɪ d̀uk̀ule n yah n pɪ, s̄ɔ-á mé Krista pɪ d̀uk̀ule n yah n pɪ.

*Dí ànê sê gbl̄ɔy tẽ d̀uk̀ule Liyel ni gb̄ine*

2 Mé yéle n s̄ɔ náhnáh, yáh s̄ɔnp̄ile yé dyɔ sah n kwne n̄mɔ tȳile gb̄imegb̄í, té se t̄ɔ me n kɔ tyi yónó wàl ȳɔ, máh kwónó we sépi nónó ȳɔ à pɔ yé kwɔ.

3 Nte mé me ké tyí ne yé kè p̄i tɔle ne n̄kẽ, sê ȳɔt̄ẽ-á d̄ine, díbí pól ȳɔt̄ẽ mó Yesu Kristale, Yesu Krista wɔ ȳɔt̄ẽ mó Liyelle.

4 Képah ye, dí nê-à yókúrí kw̄inki sah té nírile n pɪ, képah náh pɪ té me Liyel t̄ent̄òle n syi n yo, ò ȳɔt̄ẽ ye à n yilɔ.

5 Nte sê nê-à ò ȳɔ de mɔ sah té nírile n pɪ, képah náh pɪ à Liyel t̄ent̄òle n syi n yo, ò ȳɔt̄ẽ ye à n yilɔ. Kè núkú me á kɪ ne ò ȳɔ s̄ɔ à kye mɔ.

6 Sê nê-à ne m̀onsɔr tẽ n pi n̄kẽne, à ò ȳɔ kye. Nte sen-à ne sê tyí ò ȳɔ kyénóle, képah náh pɪ ké kónóle, à káh kè de n mɔ n sah kè.

7 Díne, Liyel kètò ye òne, ànê à Liyel ȳɔ ȳɔnóle n w̄ekɪ. Képah ye, à náh ȳine yókúrí kw̄inkinsàhnóle. Nte sê wɔ dí ȳɔ ȳɔnóle n w̄ekɪ.

8 Kèk̄oyó mɔ gb̄ine, dí náh wil sê sɔkɔ, sê wɔ ye wil dí sɔkɔ.

9 Dí náh mɔ sê ȳinne dé, òne sê mɔ dí ȳinne.\*

10 Képah ye, ȳinȳò t̄ɔnp̄ibɪ ȳinne, kwáh yó ȳine kè ne n me sê ȳɔ sɔkɔ, nê-á kɪ ò ȳin-nsahle n w̄ekɪ.

11 Nte sépino pól sɔkɔ, ápi nónó t̄ẽ-á me T̄ẽ n̄gb̄ẽ w̄ek̄ile n kɔ, á ye p̄i ne n̄kẽ, dí yétò-á me sê tyí, sê tɔ yétò mó me dí tyí.

12 Yé náh we di, sê wil dí sɔkɔ, té sê ye mó n dubi d̄ine. Nte Liyel ye pɪ sépi pólle s̄ẽ.

13 Yépi n̄t̄ẽ kè s̄ɔ n yah kè; ké yah se sê Liyelle ne n ni ò ȳòle d̄enm̀onsàhnóle?

14 A ȳine kégbó d̀uk̀ule, yé náh p̄i ne n̄kẽ dí-à ȳòỳuk̀ù mɔ, sen-á kéle ò tyí di?

15 Nte ȳòỳuk̀ù m̀ónóle, ȳɔ ȳɔnó ye kéle sê t̄ẽ wɔ tyí. Liyel kéle à k̄ɔ, ò ȳɔ yah vike ȳinne.

16 Névi nê t̄ẽ wɔ-à kɪ t̄ɔ me n yah n k̄ɔ yék̄ab pí-nsahle ȳi mè tyí ȳɔ, t̄ẽ p̄i ne n̄kẽ, s̄ẽ-á ápi n pɪ kéle à tahlɪ Yesu ȳɔ s̄épu t̄ink̄inó pól tɔ tyí.

\* 11:9 11.9 - Yah n t̄e Yeneɔ 2.18-23.

*Tĕ ñgbĕ yōke-á yĩne kè ne n yō òkù nĕne*

17 Tĕ yah, máh tyi nónó tɔ yo n pi yé tyí núkúnúkú, sè we yò: Yé wĕ tükènmɔnɔnɔ me yényĕhle n pi n kal yé tyí pèpɛyne. Képah ye, mé náh fĕ yé sō n pi képah sɔkɔ ló.

18 Ké gbenne, pè ne yâh wĕ tuke mɔ, gbékínó n ne n me yé wró. Tĕ nímɔ sĕnó me ké yō ne gbí-á me pé wey sɔkɔ.

19 Nte gbékínó òkù yó tĕ wɔ yĩne kè we yé wró sɔkɔ, á kō à Yesu yō sĕpú kègblo pī n wah yé sɔkɔ.

20-21 Nte gbékínó nĕ tyí-á mé n yo yé wró sɔkɔ, yâh wĕ tuke mɔ Tĕ ñgbĕ yōke yō gbĩne, yé nénúkù núkú pól n núkú n yĩki n kyi yé yĕngbĕ yōkenɔ tɔkɔ n yō. Képah sɔkɔ, túkù n wū kwekile, té túkù n ne n me sĕtĕnì sɔkɔ. Kàh pi sĕ, Tĕ ñgbĕ yōke tĕ wɔ náh tō kéle yé n yō légbĩne dé.

22 Gbĕn náh me yé tyí nónó sɔkɔ-á yé ki fĕ yōkele n yō, té ki n wɔ di? Tī, Yesu yō sĕpú tĩnkī se yé n yilo, té me ké tyí ne yé senne kwâh kĕpú tĕ? Sō me mé ki yo yé tyí yò wé? Mé se yĩne mè yé sō? Pólle, mé náh yé sō n pi képah sɔkɔ ló.

23 Yé yah, Tĕ ñgbĕ-á nĕne nímɔ kwɔ té mé me kéle yé kwɔ, kè we yò: Tĕ ñgbĕ Yesu-á ki sò n dahbi n pi gbò sɔkɔ sō nĕ lékâhne, lésòle à búrn tɔkɔ,

24 té weki Liyel tyí, té me kè kwɔki dibi pé tyí, té me n yo pé tyí ne: «Nyo!e, nímɔ wil ye, nĕ-á ki kō yépi yĩnne. Yé kéle n pi, yé yé lékám sah nímɔ tyíle.»

25 Yōke yóntenɔ náh, à tō wóh tɔkɔ sĕntĕ óle ðivĕne ké sɔkɔ, té yo pé tyí ne: «Nyo!e, nímɔ tó ye, nĕ-á ki kwe yépi yĩnne, ki pi yégbékè kwrónmɔnɔ késánne Liyel ànĕ névyé wró. Yé kéle n pi, yé yé lékám sah nímɔ tyíle, gbĩmegbí yâh kéle n wɔ.»

26 Yé yah, gbĩmegbí yâh búrn mĕne n tah té ðivĕ mĕne n wɔ gbí nĕne, Tĕ ñgbĕ kúnó tyí ye yé me n yo, fóó ki pɔ syi n syínɔnɔ tyí.

27 Képah ye, névi nĕ-à búrn mĕne n tah té ðivĕ mĕne n wɔ, té tĕ pi òkù náh me ple, tĕ me pèkèle n pi Tĕ ñgbĕ wil ànĕ n tó tyí píndenɔ sɔkɔ.

28 Nénúkù núkú pól yĩne pé pé gblɔy òkù kyomɔ yah palle, pè mó pyĕ búrn mè tah, pè mó ðivĕ mè wɔ.

29 Yé náh we à, névi nĕ-à búrn mè tah té ðivĕ mè wɔ, té tĕ náh sè mɔ kō Tĕ ñgbĕ wille, tĕ me pèkèle n yori n mɔ n gblɔy yō.

30 Képah yĩn ye yámpú ànĕ néfukulóle pípi yé wró, té yé náhnáh nĕtĕ me ku.

<sup>31</sup> Ayâh me n sô n yah palle á gblöy tyí sɔkɔ, Liyel tukey nâh n sykɩ n pi á yõ.

<sup>32</sup> Nte Tě ñgbě nâh me ké tyí ne ápi tɔ tyí kyɩ yɩkɩ wě tyí ànê kèkôyó névyele, képah ye à kô à ápile n fõh á kwɔ yĩnne.

<sup>33</sup> Képah ye ní yúnpyé, yâh tuke mɔ Tě ñgbě yõke yõ yĩnne, yé pól wě sykɩ.

<sup>34</sup> Kwekɩ-à me nê tẽ, tẽ yõ ñ tĩnne. Kâh pi sě, yé nâh Tě ñgbě pèkè yɔɩ n mɔ n pi yé gblöy yõ yé wě tükènmɔnɔnɔ sɔkɔ. Tyi téló nónó-á wũ, mâh pɔ pɔ yé tĩnne gbí nêne, mé kɩ sépi tyí yah wah.

## 12

*Liyel Mirki-á tyi nónó pínó yòbènrɩle névile n kô*

<sup>1</sup> N yúnpyé, Liyel Mirki-á tyi nónó pínó yòbènrɩ tẽ wɔle névile n kô, mé nâh me ké tyí ne yé ne n me sé yítũri sɔkɔ.

<sup>2</sup> Yépi ntẽ pĩ ne gbí nê-á lésɔ yé nâh tǒnì Liyel pĩ, vî-ñsah yó ntẽ nâh sò me yé tyí né tãn yah ó tónkõnɔ nâh tǒò, sépi nónó-á sè nâh fẽ n wekɩ.

<sup>3</sup> Képah ye, mé kéle n yo n yíi yé tyí ne Liyel Mirki-à me névi nê yahle n tẽ, tẽ nâh fẽ n yo n pi ne níké Yesu tyí yɩkɩ; ànê ney tɔ nâh fẽ n yo n pi ne níké Yesu-á Tě NGBÈNE né Liyel Mirki nâh tẽ tẽ yahle.

<sup>4</sup> Tyi duke náhnâh pínó yòbènrɩ kɩ fẽ we, ñte kéne Liyel Mirki núkúni ó ye séle névyele n kô.

<sup>5</sup> Liyel tãn duke me dò, ñte Tě ñgbě núkúni tyí ye sé pólle á n pi.

<sup>6</sup> Tãn pi dùkúnó me dò, ñte Liyel núkúni ó ye sé pól pínó tãhkìle nénúkù núkú pólle n kô.

<sup>7</sup> Liyel Mirki ye tir fẽnpɩnɔ yòbènrɩle nénúkù núkú pólle n kô, no pól tyí pekɩ yĩnne.

<sup>8</sup> Liyel Mirki níkéne yòbènrɩle ñnî kô, à n ne n wekɩ yípî sɔkɔ, té kéne Mirki ó ntõ yòbènrɩle ñnî kô, á tyile n pne n yo.

<sup>9</sup> Kéne Liyel Mirki ó ye tõ níkéne yòbènrɩle ñnî kô, à n sě yíi Tě ñgbě yõ, kéne Liyel Mirki núkúni n tõ yòbènrɩle ñnî kô, á yámpùle n de n mɔ.

<sup>10</sup> Kě yòbènrɩle ñnî kô, á gbíl tyile n pi, ñ té yòbènrɩle ñnî kô, á Liyel tẽntõle n syi n yo. Kě yòbènrɩle ñnî kô, á Liyel Mirki tyípínine n wah n pne sétãn tyí sɔkɔ. Kě

yòbènrɔlɛ nnî kɔ̃, ǎ wénkáhkiɛ n wɛkɪ nê-á à náh kè sãh, ò té yòbènrɔlɛ nnî kɔ̃, à n fẽ sé yahle n yo.

11 Kéne Liyel Mirki núkúni ó tò vyãh ye sépi pólle. Kě tyi fɛnrɔnɔ yòbènrɔ dibi nénúkù núkù pól kɔ̃, à yĩne nê-á ké dyɔ.

*Yesu yò sɛpú-á tɔkɔ sãh névi wil gběnsêle òkù nêne*

12 Névi wil gběnsêle, núkú ye kéle. Nte tãntãn me dò ké tyí. Ké tãntãn dò fyé yò, wil gběnsê núkú ye kéle. Névyɛ nónó tɔ-á me kwrónmɔnɔle Yesu Krista sɔkɔ, sɛ ó ye pépi tɔle.

13 Yé náh wɛ di, kè se Nsyifunɔ ò, kè se nónó náh pɪ Nsyifunɔle ò, kè se yɔbɪ ò, kè se gblɔy yò névyɛ ò, Liyel Mirki núkú mè ó gbò yò sɔkɔ ye á pól wèlnwìlkinó wɛ, à pɪ wil gběnsê núkúle. Kéne Liyel Mirki mè ye me á pól sɔkɔ.

14 Wil gběnsêle, tãntãn me dò ké tyí, fí núkú ó náh ké tyí.

15 Gbáhkì-à sò me ne péwɔ náh fyò pɪ gbòle, wil gběnsê tyah yó náh mó péle, képah se náhki kè kɔ̃ kè náhki gbe wilki wil gběnsê sɔkɔ?

16 Níkì-à sò me ne péwɔ náh fyò pɪ yĩne, wil gběnsê tyah yó náh mó péle, képah se náhki kè kɔ̃ kè náhki gbe wilki wil gběnsê sɔkɔ?

17 Wil gběnsê pól-à sò me yĩne, kè náhki n nohnɪ sɔ̃? Ké pól-à sò me níkiɛ, kè náhki pãnne n tɔkɔ sɔ̃?

18 Nte Liyel ye wil gběnsê tãntãn pól mɔ ké sɔkɔ, à yĩne ò dyɔ dyɔ tɛne.

19 Wil gběnsê pól-à sò me fí núkú óle, wil gběnsê náh náhki n me n pi.

20 Nte sɛ náh dé, wil gběnsêle, núkú ye kéle, té tãntãnne dò ké tyí.

21 Kãh pɪ sɛ, yí náh fẽ n yo n pi gbò tyí ne, ké yétò náh me pé tyí. Yò tɔ náh fẽ n yo n pi gbyèh tyí ne, sé yétò náh me pé tyí.

22 Nte wil gběnsê tãntãn nónó nítɛ wɔ-á pyè á kɪ ne sohki kósyi me sé sɔkɔ, yétò me sé tyí.

23 Wil gběnsê tãntãn nónó-á sè náh me n mɔ n kɔ̃ n yíi, sépi ye pyè à n ne n tɔ̃ n sah n tɛ. Sé nónó-á sé tyí yónó me sennɛ, à n ne n yah n dah n mɔ yíi sépi tyí sɔkɔ,

24 té nónó wɔ-á me palle, à n pyè sépi sah. Wil tãntãn nónó-á á náh me séle n mɔ n kɔ̃ kwáh yóle, Liyel-á wil gběnsê mɔ, à gbìlkinó sah kal sépi yò.

25 Kãh pi sě, wil gběnsê tãntãn nãh wěne n we n mo. Sé pól me wě těńó ple dùkù nùkùle.

26 Ké tyah yó-à me kwłónó soko, sé téló to n ne n me n kwłó kéle wě tyí. Té gbílkinó-à mó n sah ké tyah yó yó, sé téló to n mó ké nìvìni pi kéle wě tyí.

27 Nte yé yah kè, yépi ye Krista wil gběnsêle dò. Yé nénúkù nùkù pólle, Krista wil gběnsê fí yó ye yéle.

28 Yé nãh we di, Liyel me nósyó wilki sah Yesu yó sěpú fĩkĩ soko pé tyí tyíle: Gbenne, à Yesu těntò névyeh yah wilki. Ní-òle, à Liyel těntò syínyopu yah wilki. Tõ-òle, té kwópú yah wilki. Képah nãh, gbìlpi bi me syi. Té me yámpú fěndenmɔno yòbènrile tókù kò, té névyeh yòhnìnmɔno yòbènrile tókù kò, té névyeh yah těńó yòbènrile tókù kò, té yòbènrile tókù kò pé fě wénkáhkinole n weki nóno-á pé nãh sè sãh.

29 No pól se yó pi Yesu těntò névyeh, képah nãh pi Liyel těntò syínyopule, képah nãh pi kwópúle, képah nãh pi gbìlpi bile?

30 Tĩ, no pól se yó pi yámpú dénmpule, képah nãh pi wénkáhkinó wékípule nóno-á pé nãh sè sãh, képah nãh pi wénkáhki nópi yah yópule?

31 Kãh pi sě, tir nê fěnpino-á ki névi yohni mo kal, yé képah yòbènrì yah n kò.

Nte mé ki tã yé wěki wěki yóle nê-á ple kal sé télóle.

## 13

### *Wě wró tyínɔnole*

1 Nmɔ-à ki sò névyeh welole n weki, à tahlì yínyò tònpibi welo nítě tyí, té tyínɔno nãh me ní soko, mé me á ki ne ntey yó sò mo tũ, képah nãh pi kěnkěki yóle.

2 Nmɔ-à ki sò me Liyel těntò welole n syi n yo, Liyel-à ki sò me tyi pólle n wěki nóno-á sò me wòbìnsàhnóle, ànê nímo-à ki sò me tyi pólle n pne, Liyel yó sěńó-à ki sò me ní soko nê-á ymole n toko n yal sé mé-ńtãn soko té tyínɔno nãh me ní soko, kwãh yó nãh ríne.

3 Nmɔ-à ki sò ní gbãn yí pól dibi kwéndébé kò ò, nímo-à ki sò ní wil gběnsê nítě kò pé suke nyàh soko ò, té tyínɔno nãh me ní soko, kè nãh tir yó peki n pi ní tyí.

4 Tyínɔno-à me névi nê soko, tě tyíle n sro, à yòhnìnmɔnole n pi, à nãh yíwílkile n pi, à nãh n gblòyne n wěki, à nãh n gblòyne n gbilki.

<sup>5</sup> Tyínɔɔ-à me névi nê sɔkɔ, tẽ náh sen tir yó ítēne n pi, à náh ñ wíl-ñsah óle n yah n kɔ̃, à náh ñ fɔkɔle n vyãh, ànê à náh ney tyíle n tẽ n sah ñ fɔkɔ.

<sup>6</sup> Tyínɔɔ-à me névi nê sɔkɔ, tyíkèkì pínó náh n pi nìvìnì tìrle ñ tyí, gbì wèkì kóló nìvìnìne ñne n kɔ̃.

<sup>7</sup> Tyínɔɔ-à me névi nê sɔkɔ, tẽ tyi pólle n yɔ̃ n mɔ. Tyi tyi pól sɔkɔ, à n ne n me sɛnóle Liyel yɔ̃, ñ yáh-ñsah náh n tye, ànê à n ne n me gbah n tẽ.

<sup>8</sup> Yìn náh me tyínɔɔ tyí. Liyel tẽntõnè syínyonɔ kɔ pɔ tye, wénkáhkinɔ wékínó kɔ pɔ yal mɔ, pnèné tɔ kɔ pɔ tye.

<sup>9</sup> Ápi pnèné náh dal mɔ, ànê á Liyel tẽntõnè syínyonɔ tɔ náh dal mɔ.

<sup>10</sup> Nte sé pínaldnmɔnɔ gbí-à kɔ se Liyel tyí gbí nêne, légbíne sépi nónó-á sè náh dal mɔ, sè kɔ tye.

<sup>11</sup> Máh lésɔ me wɛnpirlɛ gbí nêne, ní wekɔ dùkù, ànê ní sɔnɔ dùkù, ànê ní tyi yah dùkù pól sɔ̃ me wɛnpir tyí kɔle. Nte máh pɔ wah mɔ, mé wɛnpì tyi yal mɔ.

<sup>12</sup> Núkúnúkú, ápi me tyile n yah yirkòò, á kɔ ne dwɔldyãh ñròò yó sɔkɔ sɔ̃ á n yah séle. Nte á kɔ pɔ sè we n pi kyòò. Núkúnúkú, ñmɔ pnèné náh dal mɔ. Nte mé kɔ pɔ sè pĩ sɔ̃-á Liyel ñne n pne.

<sup>13</sup> Núkúnúkú, tyino tɔnó nópi wɔ ye sépi náh n tye n pi: Liyel yɔ̃ sɛnóle, yáh-ñsah tyé-ñkēne, ànê tyínɔɔle. Nte nê-á kal sé pólle, kɛpah ye tyínɔɔle.

## 14

*Liyel Mirki-á tyi nónó pínó yòbènrɔle n kɔ Yesu yɔ̃ sɛpú ñnkì yohnu n mɔ yinne*

<sup>1</sup> Yé gbah n tẽ, yé tyí nɔ wɛ tyí. Liyel Mirki-á tyi nónó pínó yòbènrɔle n kɔ, yé sé tɔ yah n kɔ, té ké nê wɔ-á Liyel tẽntò syínyonɔle, yé kɛpah wɔ gbah n yah n kɔ n kal.

<sup>2</sup> Yé náh we à, névi nê-à wénkáhkíle n wekɔ nê-á à náh kè sãh, Liyel tyi wòbìnsàhnó ye ñkēne à n ne n yo Liyel Mirki gbò yɔ̃, nónó-á névyɛ náh séle n nohnɔ. Kàh pɔ sɛ, névyɛ tyí náh tẽ n ne n yãh dé, Liyel tyí ye.

<sup>3</sup> Nte névi nê wɔ-à Liyel tẽntòle n syi n yo, névyɛ tyí ye tẽ n ne n yo n mɔ, ñ yah yúkúnóle péle n kɔ, ñ té sórɛle n mɔ pé sɔkɔ, ñ té pé nnɔle n sũ.

<sup>4</sup> Té nê-à wénkáhkíle n wekɔ nê-á à náh kè sãh, tẽ me ñ gblɔy ó yah yúkúnóle n yah n kɔ. Nte nê-à Liyel tẽntòle n syi n yo, tẽ wɔ me Yesu yɔ̃ sɛpú ñnkì pól yah yúkúnóle n yah n kɔ.

<sup>5</sup> Yé pól-à sò me wénkáhkinòle n wekɪ nónó-á yé náh sè sãh, kè nãhkɪ ple ó; ñte yáh kɪ Liyel tẽntòle n syi n yo, képah kɪ nɔ kal ní tyí. Névi nê-à wénkáhkíle n wekɪ nê-á à náh kè sãh, té ké yah náh tẽ we yo Yesu yõ sěpú ònkɪ wěkɪ kè kɔ kè yah yúkúnóle pè kɔ, yõre náh me tẽ sɔkɔ à nɔ Liyel tẽntò syínyó-òle.

<sup>6</sup> N yúnpyé, sɔ-á mäh ntyínɔ pɔ yah yé tyí, té wénkáhkíle n wekɪ yé tyí, tir nê me kè kɪ pekɪ yé tyí, né kè náh pɪ tir yóle Liyel ní wěkɪ mé yo yé syah, képah náh pɪ pnèno yóle, képah náh pɪ Liyel tẽntòle mé syi yo yé tyí, képah náh pɪ kwónó yóle mé yé kɔ.

<sup>7</sup> Yé yah yímónine kè, sɔ-á yikɪle, képah náh pɪ gbrèyne; sãh n mónwàhnmɔ-ńkěne, ney se kɪ fě sé yì dùkù pĩ?

<sup>8</sup> Té kèpɔ nê-á ńkěne pè n fíbi ñ yo névyé tyí ne pè yuku n sɔkɔ mékɪ fwó-ńsah, képah-à ntyínɔ fíbínwàhnmɔ-ńkěne, nê tẽ wɔ kɪ ñ vi mékɪ fwo yinne?

<sup>9</sup> Sě ó ye, yé nénpóri-à wénkáhkíno yísyóle n wekɪ nónó-á névyé náh me séle n nohnɪ, tyi nónó-á yé n yo, pè kɪ pĩ sɔ séle? Wékínmíndahnmɔnɔ ye yé kɪ n wekɪ n mín n dah n mɔ ni sɔkɔ.

<sup>10</sup> Welɔ duke me dò kèkõyó, mé náh sé dan nte ñne n pne. Nte kór me sé nukú nukú pól tyí.

<sup>11</sup> Nte mäh wey nêne n nõhnì-ńkěne, ké wékí-ò n pɪ nékãhne ní tyí, nímɔ tɔ n mó n pɪ nékãhne tẽ tyí.

<sup>12</sup> Képah ye, Liyel Mirki-á tyi nónó pínó yòbènorɪle n kɔ, yáh me sépi yáhnkõnɔ sɔkɔ yò, sé nónó-á Yesu yõ sěpú ònkɪle n yuku yahle, yé sépi náhnáh yah n kɔ.

<sup>13</sup> Kãh pɪ sě, nê-à wénkáhkíle n wekɪ nê-á à náh kè sãh, tẽ kè yah n kɔ Liyel tyí à ké yah yónóle à wěkɪ.

<sup>14</sup> Yé náh we di, nírí pínó sɔkɔ wáh wénkáhkíle n wekɪ nê-á á náh kè sãh, ñ n pĩ á nɪ sɔkɔ ne wáh me nírile n pɪ, ñte wey nê-á á n wekɪ, áwɔ nte náh kéle n nohnɪ.

<sup>15</sup> Nte sɔ me mé yíne mè n pɪ wé? Mé kɪ nírile n pɪ wénkáhkí sɔkɔ Liyel Mirki gbò yõ, té kɪ kéle n pɪ ní noh noh wey tɔ sɔkɔ. Mé kɪ yìle n gbɪ wénkáhkí sɔkɔ Liyel Mirki gbò yõ, té kɪ n gbɪ ní noh noh wey tɔ sɔkɔ.

<sup>16</sup> Kãh pí-ńkěne sě, té á weyne Liyelle n kɔ wénkáhkí ó sɔkɔ, nónó-á me ké sèndìle, pépi kɪ pɪ sɔ té kɪ yohnɪ syi yo ne Liyel á wey mè tẽ, wáh kɪ sɔ me n tɔ n sah n wekɪ Liyel tyí sɔ ñ pèpɔ pínó yinne?

<sup>17</sup> Á Liyel tyí tɔnsàhnwekɪnɔ mè-à kɪ sɔ me ple sɔ, kè náh yah yúkúnóle téló kɔ n pi.



18 Nmɔ n weki Liyel tyí, máh sɔnpíle n weki wénkáhkí sɔkɔ à kal yépi pólle.

19 Nte máh me Yesu yõ sěpú ònkĩ wró, máh welo kwló weki nónó-á névyele n kwɔ, képah tyí nɔ ní tyí kal welo kèyõ kwló (10 000) wékínó yõ wénkáhkí sɔkɔ.

20 N yúnpyé, yé káh ye yé tyi yah dùkù ne me wěnpĩ tyí kɔle. Káh me pèkè pínóle, yé ne me wěnpĩ yrɔ tyí kɔle. Nte tyi yah dùkù tẽ wɔ sɔkɔ, yé ne me yèwàhnì tyí kɔle.

21 Kè me wárkínsàhnóle Liyel wey sébéy sɔkɔ ne Tẽ ñgbě Liyel-á ne ñkě: «Yìkì yó névye ye mé kɪ kɔ pè kɪ yo mɔ no nópi tyí wey yó sɔkɔ, nê-á pè náh kéle n nohni. Nte képah fyé yõ, pè náh fě syi n noh n pi ní tyí.»\*

22 Képah ye, wénkáhkí wékínóle nê-á á náh kè sãh, kè Liyel táhkìle Yesu yõ sě-ńkěpúle n wěki. Nte Yesu yõ sěpú yohni n mɔ yĩn náh kéle. Liyel tẽntõnè welo syinyonɔ wɔle, képah Liyel táhkìle Yesu yõ sěpúle n wěki. Nte Yesu yõ sě-ńkěpú yohni n mɔ yĩn náh kéle.

23 Sɔ-á Yesu yõ sěpú ònkĩ pól-à ñtyínɔ me tuke mɔ, té yé pól núkú tyah wénkáhkínɔle n weki à, nónó-á me ké sèndìle, képah náh pi Yesu yõ sě-ńkěpú yísyó-à pɔ de nénpó, pè náh yé pi n pi vínpiɔle di?

24 Nte káh me Liyel tẽntõnè welole yé pól n syi n yo, névi nê-á me ké sèndyàhle, képah náh pi Yesu yõ sě-ńkě névi nê-à de pɔ nénpó, yé welo nópi pól nóhnó kɪ à kɔ à kɪ pĩ ne páh pèkè pi, pé tyí-á kah.

25 N fókósônɔ wòbìntě́nó pól kɪ wilki mɔ kènkwhàn yõ kwèyy. Képah sɔkɔ, à kɪ kɔ kwĩnki ñ yah di sétáh kɪ Liyel gbilki, té kɪ n yo ne, kègbɪ tẽ yõ Liyel-á me yé wró sɔkɔ.

*Yesu yõ sěpú ònkĩ-á yĩne pè ne n pi sɔ pàh wě tuke mɔ*

26 Sɔ me á yĩne à ne n pi wé, ní yúnpyé? Yáh tuke mɔ ne yé Liyel ni gbí nêne, ñnĩ kɪ fě yìkì gbɪ, ñnĩ mó kwónó kɔ, ñnĩ mó Liyel tyi wékínóle n we n yo, ñnĩ mó wénkáhkíle n weki, ñnĩ mó wénkáhkí mè yahle n yo. Sépi pól yĩne sè yah yúkúnóle Yesu yõ sěpú ònkìle n kɔ.

27 Nósyó-à me ké tyí ne pé wénkáhkínɔle n weki, kè káh kah nēpĩ ní mí, képah náh pi tǒmí yõ. Pè mó wěne n syiki n weki. Té ñnĩ mó ne me, nê-á kɪ fě sé yahle n yo.

28 Nte sé yah yó-ò-à mé-ńkěne, wénkáhkí wékí-ò mè yĩne à ñ vyáh vike Yesu yõ sěpú ònkĩ wró. Tẽ Liyelle n ni ñ fòkò táh, ñ gblóy tyí.

\* 14:21 14.21 - Yah n te Yesayi 28.11-12.

29 Nónó-á Liyel tẽntò syínyopule, pépi népî nímí, képah náh pî tǒmí wǒ yĩne pè wèkî, téló mó ne n me pé welole n sohlî n yah.

30 Nte Liyel-à tir yóle ònî yó wèkî, nê-á sǒ me n wèkî, òmǒ yĩne à ò vyāh vike, tẽ mó ò tyí yo.

31 Yé pól kî fẽ Liyel tẽntòne welole n syi n yo nénúkù núkùle, nê-á kî no pól kǒ pè kî kwónó we, ànê sǒré kî de pé sǒkǒ.

32-33 Liyelle, tyífẽ tyí náh nǒ ò tyí. Tir tǒnsàhnpǒnǒ tyí nǒ ò tyí, yèvǒnǒ Liyel ye òne. Képah ye Liyel tẽntòne syínyopu yĩne pè ne me n fyāh n pne pé gblǒy yǒ.

Sǒ-á kéle Yesu yǒ sǐpú fĩkĩnó pól sǒkǒ,

34 wẽ tükènmǒnǒnǒ pól sǒkǒ, syó yĩne pè tẽ syísyí. Pè náh yĩne yóndahnmǒnǒle wey sǒkǒ. Pè yĩne pè tẽ gblǒy tĩkĩnmǒnǒ sǒkǒ, sǒ-á tyi kǒnsàhnó yo kéle.

35 Pàh me ké tyí ne pé tir yó dùkù pĩ, pè pé pèbî piki yah gbèn sǒkǒ. Ké yah náh sê ne n yo n dah n mǒ wey sǒkǒ Yesu yǒ sǐpú fĩkĩ sǒkǒ.

36 Liyel wey sǒ se tyah yépi tyí? Yépi ó se noh kéle?

37 Névi nê-à me n sǒ ne Liyel tẽntò syínyo-ò-á péle, képah náh pî, Liyel Mirki-á me pé yahle n tẽ, wey nê-á mé n wārku n tekî n mǒ yé tyí yò, tẽ yĩne à kè fẽ syi ne Tẽ ògbẽ tir kǒnsàhnó-á kéle.

38 Nte névi nê-à képah mǒnkò-ònkēne, Liyel náh mó me tẽne n mǒ n kǒ ló.

39 Kàh pî sǐ ní yǐnpyé, yé Liyel tẽntòne welo syínyonǒle n yah n kǒ, té yé káh wénkáhkí wékínó tǒ yah kǒ.

40 Nte tyi pól yĩne sè ne n pî sé yah yǒ, ànê sè mó ne n tǒ n sah n pî.

## 15

*Nìvìnì tir-á nê yo Krista lékó yĩkĩnmǒnǒ tyi sǒkǒ*

1 N yǐnpyé, mé me ké tyí ne mé yé dyo to kǒ Nìvìnì tir mè tyíle, nê-á mé yo sǒkǒ yé tyí, képah nê-á yé kè fẽ syi té me ké wèkìle n kǒ n yǐí.

2 Képah gbò yǒ sǒkǒ, yé kî pwáhnmǒnǒ we, yáh kî n kǒ ké wèkì yǒ máh kè yo sǒ yé tyí. Kàh kî pí-ònkēne sǐ, ké yǒ sǐnó kî pî yǒ kēne yé tyí.

3 Nmǒ-á kwónó we nê yǒ, képah ògbò ye mé yé kwǒ ne Liyel ney yáhtǒkǒnǒ-á ku ápi tyípèl yĩnne. Sǐ ye kéle wārkinsàhnóle Liyel wey sǐbéy sǒkǒ.

4 Mé tã kwónóle yé kã ne wãh yĩ, té ké sèpìn tã-ò sòle ò lékó me yilki mɔ. Sɛ ye kéle wárkínsàhnóle Liyel wey sébéy sɔkɔ.

5 A ò gblɔyne Pyeri wɛki, képah náh té gblɔyne pé népí gbõnimí\* wɛki, pépi nónó-á ò tɛntò névyele.

6 Képah náh, à pɔ ò gblɔyne ò tò sáhpú népí kyekwé (500) kahn wɛki fí núkú sɔkɔ. Pépi kan me min sɔkɔ kwey nɔ yò, té pé tókú wɔ ku.

7 Képah náh, té ò gblɔyne Nsyaki wɛki, té me ò gblɔyne ò tɛntò névye pól wɛki.

8 Pépi pól tyí sókóntɛnɔ náh, à me ò gblɔyne ò mɔ tɔ wɛki, ò mɔ nê-á piri kòndal-ńkɛ tyí kòle.

9 Nmɔ ye Yesu tɛntò névye sɔkɔ tyí tɛne. Mé náh yĩne yénóle Yesu tɛntò névile, máh sɔnpíle fòhnó sah ò yò sɛpú tĩnkí yò.

10 Nte máh swɔ nê sɔkɔ kweyne yò, Liyel pèpɔri gbò yò sɔkɔ ye òne ké sɔkɔ. Pèpɔri nê-á à pɔ ò mɔ tyí, kè náh sɔkɔ de ò sɔkɔ. Yé náh we di, ò mɔ ye tò pɔ kal á no téló pólle. Nte ò mɔ tɛ wɔ tãhkí náh ò pɔ kéle dé, Liyel-á pèpɔri nê pɔ ò tyí, képah gbò yò sɔkɔ ye mé ò pɔ kéle.

11 Képah ye, kè sɔ ò mɔ ò, kè sɔ pépi ò, kène Nìvìnì tir mè ó ye á pól me ò yo. Képah yò ye mó tã yépi tɔ me sɛ.

### *Lékyî pónyilkinmɔnɔle*

12 Ápi-á kéle ò yo ò wah ne òkɛ Krista lékó-á yilki mɔ, sɔ me té yé tókú ne lékyî náh ò yilki ò mɔ ò pi?

13 Lékyî-à kɔ me pɔ ò yilki ò mɔ ò pi òkɛne, Krista lékó tɔ náh mó yilki mɔ dò.

14 Té wãh me yílkínmɔ-òkɛne, ápi Nìvìnì tir yónóle, ònò ye kéle, yépi tɔ Krista yò sɛnóle mó, ònò ye ké tɔle.

15 A wil képah sɔkɔ, kàh sò me gbule ne lékyî náh ò yilki ò mɔ ò pi, mìnì yónsàhpu ye ápi òtɛne Liyel yò sɔkɔ, áyáh sɔnpíle ne wãh Krista lékó yilki mɔ, té à náh se mó tã kè pɔ.

16 Lékyî-à kɔ me ò yilki ò mɔ ò pi òkɛne, Krista lékó tɔ náh mó yilki mɔ dò.

17 Té Krista lékó-à kɔ me yílkínmɔ-òkɛne, yé sɛnóle ò yò, ònò ye kéle. Yé me sɛ yé tyípèl sɔkɔ.

18 Té névye nónó-á sɛ Krista yò té ku, pépi tɔ tyí ye mó yilki.

\* 15:5 15.5 - Népi gbõnimí nónó tyí-á ò yo ásó sɔkɔ yò, yíndyínì ye sò kéle Yesu tɛntò névye tyí. Pàh sɔ me tú-òkɛne, pè péle ò ye sɛ.

19 Kàh kɪ mɛ ápi á gbò sah Krista yõ, á min pɪ yĩnne kèkõyó mè tẽ ó sòkò, yãm pípú ye ále à kal no pólle.

20 Nte gbɪ yõ sòkò, Krista lékó ye yilki mɔ gbenne lékyî sòkò, nê-á kéle ále n wẽkɪ n dal n mɔ ne névyè nónó tó-á ku sòkò, pé tɔ lékyî-á kɪ pɔ yilki mɔ.

21 Yé náh wɛ di, nénúkù yó yĩn ye névyè pólle kũ mɔ sòkò yò. Té nénúkù yó tɔ gbò yõ ye névyè pól lékyî kɪ pɔ yilki mɔ.

22 Sõ-á Adama náh tãn pól n ku, sã ó ye Krista yõ sɛpú pól tɔ kɪ tyé-ńkẽ min wɛ.

23 Nte no pól lékyî kɪ yilki mɔ syɪ yuku wẽ náh, kãh yĩne sã. Krista ñgbò lékó ye yilki mɔ. Képah náh, ñ syɪ n pɔ gbíne, nónó-á mɛ ñmɔ tyí yõ, pépi tɔ lékyî kɪ yilki mɔ.

24 Képah náh, tyi tyi pól tyɛ gbí kɪ no. Képah tẽne, Krista kɪ mɛ névyè fnèpu ànê tǒrínò, ànê tãhkínó duke duke pól tyí yɪkɪ, té kɪ yòtǒrí dahbɪ Sú Liyel gbò.

25 Yé náh wɛ di, Krista yĩne à ne n mɛ tǒrí yõ, fóó kè pɔ n nɔ gbí nê-á Liyel kɪ sɛpébi pól pɪ Krista gbáhkì súnsàh-ñsahle.†

26 Kũ ye kɪ pɪ sɛpɛ téyne, nê tyí-á kɪ yɪkɪ.

27 Liyel yíyìn pól pɪ Krista gbáhkì súnsàh-ñsahle.‡

Nte kãh yo sã, pé náh ne Liyel tɔ-á dé, ñmɔ Liyel nê-á yíyìn pól pɪ Krista gbáhkì súnsàh-ñsahle.

28 Yíyìn pól-à kɪ pɪ Krista gbáhkì súnsàh-ñsahle gbí nêne, ñmɔ Krista nê-á Pídíne, à kɪ ñ gblõy tiki mɔ Liyel yah, ñmɔ nê-á yíyìn pól pɪ Krista gbáhkì súnsàh-ñsahle. Képah sòkò, Liyel kɪ tǒrí tòkò dal mɔ yíyìn pól yõ.

29 Nte à, lékyî-à pɔ n yilki n mɔ n pi ńkẽne, névyè nónó-á pé gblõyne n wel n wilki ni sòkò lékyî yĩnne, pé se nãhkɪ kéle n pɪ? Lékyî tẽ-à mɛ pɔ n yilki n mɔ n pi ńkẽne, sã pɪ té pé gblõyne n wel n wilki ni sòkò pépi yĩnne wé?

30 Té lékyî-à kɪ mɛ n yilki n mɔ n pi ńkẽne, sã pɪ té ápile dlo sòkò gbímegbí wé?

31 N yúnpyé, sã-á kéle gbule ne ní nɪ-á mɛ vínóle yéle Yesu Krista yõ sɛnó yĩnne, sã tɔ ye kéle gbule ne swõswõ pólle mäh mɛ kũne n dɔ n yah.

32 Gbɛnképèl nónó-á sò mɛ Yefesɪ kwil sòkò, mäh mékì fwo séle òkù nêne nénpó, kãh sò mɛ ne kèkõyó mè sòkò min pɪ yĩn tẽ ó sã, yõre nê mɛ mé nãhkɪ wɛ ké sòkò? Nte kãh mɛ pɪ ne lékyî tẽ náh pɔ n yilki n mɔ n pi, á ye ne n yõ à mó ne n wɔ kè, ńsòne á kɪ se pɔ n ku n pi té.

† 15:25 15.25 - Yah n te Gbálnó 110.1. ‡ 15:27 15.27 - Yah n te Gbálnó 8.7.

33 Yé káh yé gblɔyne n tɔ̄ n mɔ̄ dé, ñgbɔ̄ wáh nétúkù pɪ á kó-òlɛ, á á yɔ̄ yɪkɪ dé!

34 Mé kéle n yo yé tyí, túkù me yé sokɔ, pè náh Liyelle n pne. Nte yé pól sen ye kéle dò. Yé tɔ̄ n tẽ kègbɪ yɔ̄, yè yèsrey tyile n pɪ káh yĩne sɔ̄, yè mó pèl pínó yal n mɔ̄.

*Lékyî yílkinmɔ̄nɔ̄ wil gběnsê dùkùle*

35 Nnî kɪ fẽ n piki n yah ne, lékyî se kɪ yilki mɔ̄ sɔ̄ nɪ? Wil gběnsê dùkù nê se kɪ me pé tyí nɪ?

36 Lékám kẽ névi! Wáh sèmukɔ pi duku mɔ̄, káh fi, dúkúnmɔ̄nɔ̄ mè ye ñkẽne n ku dò.

37 Wáh ñkẽne nê duku n mɔ̄, sèmukɔ pi yó ó ye. Kè kɪ fẽ pɪ kwlɔlɛ, képah náh pɪ sèmukɔ káhkùle, ñkẽ yòhkì tẽ wo náh ñ n duku mɔ̄ kè n fi dé.

38 Képah náh, Liyel kè kɔ̄ kè n fi n wil yòhkùle à yĩne ñ dɔ̄ dɔ̄ tẽne. Sèmukɔ pye duke pól yèh me sé tyí tyíle.

39 Wil gběnsê dùkù núkú náh min sokɔ yî pól tyí. Névyè wil gběnsê me ké tyíle, gběnkɔ̄ tyí me ké tyíle, kèpye tyí me ké tyíle, yěnkɔ̄ tyí me ké tyíle.

40 Yinyɔ̄ yî tɔ̄ me, sétáh yɔ̄ yî me. Nte yinyɔ̄ yî plénó me sé tyíle ànê sétáh yɔ̄ yî tyíle.

41 Gbĩ plénó me ké tyíle, ñwɔ̄ plénó me ké tyíle, ñwɔ̄ kèpye plénó me sé tyíle. Té ñwɔ̄ kèpye túkù ñtẽ plénó tɔ̄ sé gblɔ̄y sé túkù tyíle.

42 Sẽ ye lékyî yílkinmɔ̄nɔ̄ tɔ̄ kɪ pɔ̄ n pɪ n pi. Wil gběnsê nê-á kɪ n pyáh n pi, képah kɪ yĩ, té kɪ pɔ̄ yilki mɔ̄ pɪ wil gběnsêle nê náh tɔ̄ n pyáh n yah n pi.

43 Káh n yĩ gbí nêne, kè n ne n me kètúkùyô sohki kẽne. Nte káh pɔ̄ yilki mɔ̄, kè n ne n me kètár ó, tãhkùle ké sokɔ.

44 Kè n yĩ wil gběnsê gbɔ̄yne, ñte n pɔ̄ n yilki n mɔ̄ wil gběnsê késánne Liyel Mirki gbò yɔ̄. Wil gběnsê gbɔ̄y me, wil gběnsê késán tɔ̄ me Liyel Mirki gbò yɔ̄.

45 Yé náh we di, kè me wárkínsàhnóle Liyel wey sébéy sokɔ ne ñkẽ: «Négben nê-á Adamale, négbɔ̄y ye ñmɔ̄le, nê-á min dah mɔ̄ ñ sokɔ.»<sup>§</sup> Nte Adama téy wɔle,\* Liyel Mirki me ñmɔ̄ sokɔ, nê-á minne n kɔ̄.

46 Wil gběnsê késán nê-á we Liyel Mirki gbò yɔ̄, képah náh pɔ̄ gbenne dé, wil gběnsê gbɔ̄y ye pɔ̄ gbenne. Képah náh, nê-á we Liyel Mirki gbò yɔ̄, képah pyè pɔ̄.

47 Puri ye mɔ̄ Adama gbenne, sétáh névi ye ñmɔ̄le. Adama ní-ò wɔle, ñmɔ̄ wil yinyɔ̄.

§ 15:45 15.45 - Yah n te Yenest 2.7.

\* 15:45 15.45 - Adama téy nê tyí-á n yo ásô sokɔ yò, ñmɔ̄ ye Kristale.

48 Nê-á wil sétáh sɔkɔ, sétáh yõ névye me ñmɔ tyí kõle. Nê-á wil yĩnyõ, yĩnyõ tyínɔ mó me ñmɔ tyí kõle.

49 Ayáh pɪ sétáh yõ névi mè kètòle dùkù nêne, sě ó ye á kɪ tõ pɔ n pɪ n pi yĩnyõ névi mè tɔ kètòle.

50 Yé yah, nê-á mé n yo yé tyí ní yũnpyé, kè we yò: Wil gběnsé gbɔy náh fě n de n pi Liyel tǒrɪ sɔkɔ. Pyáh pyáh kwáh tɔ náh fě tyé-ńkě min we.

51-52 Yé yah, mé kɪ tir wǒbìnsàhnó yó yo yé syah: A pól tě wɔ náh n ku n pi dé. Nte kèpǒ téy-à pɔ fɪbɪ, á pól kɪ viri nénpɔ swɔ, yí víkényɪkɪnmɔnɔ wró. Káh fɪbɪ gbí nêne, lékyí kɪ yilki mɔ, té pè náh tǒ n ku n yah n pi. Nte ápi nónó-à me min sɔkɔ, ápi kɪ viri.

53 Pyáh pyáh kwáh yĩne kè vi mɔ pɪ pyáh-ńkě kwáhle. Té ku ku kwáh mó vi mɔ pɪ kú-ńkě kwáhle.

54 Nte pyáh pyáh kwáh mè-à pɔ vi mɔ pɪ pyáh-ńkě kwáhle, té ku ku kwáh mè me vi mɔ pɪ kú-ńkě kwáhle, légbíne Liyel wey sébéy sɔkɔ tir wárkínsàhnó mè kɪ wil, nê-á yo ne ńkě: «Kũ tyí ye yɪkɪ. Gbò ye syi ké tyí pnépné.»†

55 «Kũ, nýáh me á tẽnwenɔle? Kũ, á kókè mɔ mɔ sǒhki nýáh?»‡

56 Névyé tyípékè pínó ye kũ sǒhki, tyi kònsàhnó mó tǎhkìle tyípékèle n kǒ.

57 Nte á ye wekɪ Liyel tyí, ñmɔ nê-á tẽnwenɔle á kǒ tyi nópi yõ á Tě ñgbě Yesu Krista gbò yõ.

58 Képah ye ní yũnpyé pèplɔ, yé yé tah n sah yé ne me yínnóle gbáhkì núkú yõ. Yé wǎnne n mɔ yé gbáhntěno yõ Tě ñgbě tǒ pínó sɔkɔ. Yè mó pĩ ne yáh kwlónó nêne n pɪ Tě ñgbě tǒ sɔkɔ, kè náh n pɪ n pi nònóle.

## 16

*Pó mórí nê-á yah kǒ Yesu yõ sěpú tĩnkì yohu n mɔ yĩnne, nónó-á me Yerusalemi kwil*

1 A yuku pó mórí wɔ tyí tĩnne, nê-á kɪ Yerusalemi kwil Yesu yõ sěpú yohu n mɔ, máh vɪnmɔnɔle Kalasi mara Yesu yõ sěpú tĩnkínó kǒ ne pè kè pɪ sǒ, yépi tɔ kè pɪ sěntěne.

2 Dimansyi sǒnó pólle, nê gbò-à nɔ nêne, à kè wilki n kěkɪ n sah gbòpɔle. Yé káh ñmɔ pónó óle n syɪkɪ pó mórí mónóle.

† 15:54 15.54 - Yah n te Yesayi 25.8. ‡ 15:55 15.55 - Yah n te Wose 13.14.

<sup>3</sup> Képah sɔkɔ, mäh pɔ pɔ, mé kɪ sébéynó wārku té kɪ sépi ànê pó nópile yé névye yáhnwĩlkĩnsàhnó gbò dahbɪ, pè kɔ pè kɪ kyɪ sè kɔ Yerusalemɪ sɔkɔ.

<sup>4</sup> Kàh kɪ se me nɔ nɔ tɔ kyínó tyí, á kɪ wěkì pɪ núkúle.

*Kóló nóno-á me Pole gbáhkì sò*

<sup>5</sup> Mé kɪ n pɔ n pi yé ònne. Mäh kɪ n pi, mé kɪ sɔkɔ Masedonɪ marale. Képah ye mé kɪ kah té kɪ de yé ònne.

<sup>6</sup> Mäh kɪ pɔ, kè kɪ fě pɪ mé kɪ sèpìn yísyó pɪ yé tyí. Gbòkénpɪ mé kɪ kwòvɪvɪ gbí pól n̄tē pɪ n pi yé tyí. Képah sɔkɔ, yé kɪ fě yòhnìnmonɔ pɪ n tyí n̄ kɔ mé kɪ yò sɔkɔ n̄ kólóle nénpó.

<sup>7</sup> Kèpàhpíkì sɔkɔ, mé náh me ké tyí ne mé n pɔ n yah n sɔkɔ yé tyí yinyò. Tě ògbě-à kɪ fě syi, mé kɪ wũ kɪ wô yó pɪ yéle.

<sup>8-9</sup> N̄ fwópú sénsò me dò Yefesɪ kwil sɔkɔ ó, ònne wěkì ògbě yó me we yikɪ mɔ n̄ tyí n̄ tò we n pɪ yinne nénpó. Képah ye, mé kɪ tē nénpó kɪ syi pɔ nɔ Pántekotɪ syáh syah sò tyí.

<sup>10</sup> Timotele, Liyel tò ye à n pɪ n̄mɔ tyí kòle. Képah ye wàh kɪ pɔ pɔ yé ònne, yé n̄ tēnó ple tíkì kɔ kè káh à tē yé wró sɔkɔ.

<sup>11</sup> N̄n̄i yó n̄tē káh ònne n yilo dé. N̄mɔ me ònne n syikɪ ànê n̄ yúnpyé Yesu yò sèpúle. Képah ye, wàh kɪ pɔ n yal yé ònne, yé yòhnìnmonɔ pɪ n̄ tyí n̄ kóló yinne à kɔ à pɔ n̄ tñò yèvɪnɪ sɔkɔ.

<sup>12</sup> Té á yúnpi Apolostɪ wɔle, mé sò kè yah kɔ n̄ tyí gbáhyí náhnáhle ne à kyɪ yé ònne ànê Yesu yò sèpú télóle. Té à náh sò me ké tyí pólle ne pé kyɪ yé ònne núkúnúkú. Nte wró-à pɔ we n̄ tyí, à kɪ pɔ yé ònne sò yóle.

*Wey syì-nsahle*

<sup>13</sup> Yé káh yé dyɔ mɔ n fwɔ n tē. Yé su yìn gbáhkì núkú yò Liyel yò sēnó sɔkɔ. Yé yé nɪ syāh, yè mó yé tah n sah.

<sup>14</sup> Yé tyí pólle n pɪ tyínɔnɔ sɔkɔ.

<sup>15</sup> N̄ yúnpyé, Sitefanastɪ ànê n̄ no ye pɪ négbrole à pɪ Yesu yò sèpúle Akayi mara sɔkɔ. Pè tɔ me pé gblóy kɔ yí me Yesu yò sèpúle n yohnɪ n mɔ. Yé p̄nó se yó me ké sɔkɔ té. Képah ye, mé kɪ tɔ kè yah kɔ yé tyí ne,

<sup>16</sup> yé ne n sah sēnkɔ névye tyí yò, à tahlɪ nóno tɔ-á me tãn nópile n pɪ péle me n kwlo.

<sup>17</sup> Sitefanastɪ ànê Fortunatusi, ànê Asyayikusi ménóle n̄ne ásò, kè n̄ nɪ vɪ yí. Pè ye me pɔ yé swɔ tɔkɔ.

18 Pè n̄m̄o n̄i de à tahl̄ yépi t̄o tyí tyí. Yé yĩne yè f̄ẽ s̄ẽnkno névyè yígbíle n̄ yo.

19 Asi mara Yesu ȳõ s̄ẽpú t̄ĩnk̄inó n̄ w̄ek̄i yé tyí. Akilas̄i àn̄ê Prisili à tahl̄ Yesu ȳõ s̄ẽpú n̄ónó-á Liyelle n̄ ni n̄ p̄o Akilas̄ipi gb̄ô, pé pól n̄ w̄ek̄i yé tyí T̄ẽ ñgb̄ẽ yĩnne.

20 Yé yũnpyé Yesu ȳõ s̄ẽpú n̄ónó pól-á me ñne ásô, pé pól n̄ w̄ek̄i yé tyí.

Yé pól w̄ek̄i w̄ẽ tyí tyín̄on̄o w̄ey p̄èpeyne.

21 Yé yah, n̄ê-á mé n̄ w̄ãrk̄i n̄ tek̄i n̄ m̄o yé tyí ñ gb̄õle, kè w̄e yò: N̄m̄o Pole n̄ w̄ek̄i yé tyí.

22 T̄ẽ ñgb̄ẽ Yesu tyí-à n̄ó-ñk̄ẽne névi n̄ê tyí, mé me ké tyí ne t̄ẽ tyí yik̄i.

Maranata. [Pàh ne Maranata-á, ké kór ye: T̄ẽ ñgb̄ẽ, p̄o!]

23 Mé me ké tyí ne T̄ẽ ñgb̄ẽ Yesu yòb̄èn̄or̄i pi yé tyí!

24 Yé pól tyí no ñ tyí T̄ẽ ñgb̄ẽ Yesu Krista yĩnne.



## Pole sɛbéy ní-ò tɛkínmɔnɔlɛ Korēnti tãn tyí Tyàh-nsah wɛyɛ

*Wey kɔ̀nɔ́lɛ*

<sup>1</sup> Nmɔ Pole nê-á Yesu Krista tɛntò névile à yĩne Liyel dyo yíi tɛne, nímo ànê á yĩnpi Timote ye n tekɩ n mo sɛbéyɛ Yesu yò sɛpú tĩkɩ tyí Korēnti kwil sɔko, ànê Yesu yò sɛpú pól tyí nónó-á me Akayi mara pól sɔko.

<sup>2</sup> Á kéle n yah n kɔ́ Sú Liyel ànê Tɛ̀ ñgbɛ Yesu Krista tyí ne, pè yòbènrɩ ànê yèvinɩne yé kɔ́.

*Pèpɔri pínó wey kɔ̀nɔ́lɛ*

<sup>3</sup> Mé n wekɩ Liyel tyí, ñmo nê-á ápi Tɛ̀ ñgbɛ Yesu Krista Súle. Nmɔ ye Súle nê-á névyɛ yãmnɛ n yah. Névyɛ nno dé-ò Liyel ye ñne.

<sup>4</sup> Nmɔ ye ápi nno dé-òlɛ á yèkwɔri tyino pól sɔko, sɔnko nónó pól-á me yèkwɔri sɔko, ápi tɔ fɛ̀ pé nno de sɔ́-á à ápi nno de.

<sup>5</sup> Áyáh me yèvyãhrɩlɛ n gbah n we n yuku sɔ́ Krista tyí kɔ́lɛ, sɛ́ ye Krista tɔ mó me á nno lɛ n gbah n de n yuku sɛ́.

<sup>6</sup> Áyáh yèvyãhrɩlɛ n pɩ, yépi nno de yĩn ye ànê yé pwáhnmɔnɔ yĩnne. Á nno-à de, sɔré mo yĩn ye yé sɔko sɔnko yépi tɔ fɛ̀ yèvyãhrɩlɛ n sro ápi-á nónó òkù sro sɔko.

<sup>7</sup> Ápi yáh-nsah náh me tyénɔ́lɛ à yuku yépi tyí tĩnne. Á pĩ ne sɔ́-á yé yèvyãhrɩlɛ n pɩ ále wɛ́ tyí, sɛ́-á yé nno tɔ kɩ n de n pi ále wɛ́ tyí.

<sup>8</sup> Á yĩnpyé, áyáh yèvyãhrɩ nê we Asi mara sɔko, á náh me ké tyí ne yépi tɛ́ ké yítùri sɔko. Kéne yèvyãhrɩ mè kãn pɩ ápile à pɔ kah mo á yáh-nsah kɔ́ kè tyɛ, fɔ́ó á sɔ́ me n sɔ́ ne kãh kɩ á yò yĩ.

<sup>9</sup> Á sɛnyĩnɔ́ sɔ́ me ké yò ne tir yó náh á kúnó òkù ku n pi. Képah ye á me á sɔnɔ tɔko to á gblɔy yò, té kè sah Liyel yò ñmo nê-á lékyíle n yilki n mo.

<sup>10</sup> Nmɔ ye ápi pwah mo kũ mè òkù gbɔ́. Á kɩ tɔ́ á pwah n mo n pi. Á gbɔ́ sàhnó me ñ yò ne, wãh kɩ á pwah n mo n pi rítɔ́.

<sup>11</sup> Sónmɔnɔ ye yépi tɔ me n so mo á tyí yáh nírilɛ n pɩ á tyí. Kãh pɩ sɛ́, á kɩ pèpɔri we Liyel tyí nékwɩ́nkí níri pínó gbɔ́ yò. Té névyɛ náhnáh tɔ kɩ we wekɩ ñ tyí ápi yĩnne.

*Pole vìnɓɔɔ dah mɔ ñ kóló tyí sɔko*

12 Ápi ñivìni yō-á nêne, kè we yò: Á kè pĩ á sɔno sɔko ne áyáh me á fɔko dal no pólle yãryãr pí-ńkêne, ñte áyáh me sêntêne n pi n kal yépi wɔ tyí. Liyel yòhnìnɓɔɔ gbô yô ye á kô á tẽ we kèpah pi, névi lékãm gbô yô náh.

13 Ápi to náh kwâh yó wãrkɩ tekɩ mɔ yé tyí nê-á yé kar té kè kór pĩ kwɔ. N sěnyĩno me kè yô ne, yáh kɩ fě ñyô to kar kɩ kè kór pĩ yĩ.

14 Yé me tyi nópi dùkùle n pne kwéy. Tẽ ñgbě Yesu syi n pɔ sòle, yé yô kɩ yô ápi yinne, ápi to yô kɩ mó yô yépi yinne.

15 N sěnyĩno sô me kèpah yô, kèpah ye mé ne mé pɔ yépi ñgbò ñinne kè kô kè pi yòbènorɩ ke ní-òle yé tyí.

16 Nmɔ sô me kè tyí ne máh kɩ n sɔko Masedonɩ mara sɔko, mé n pɔ n wil n sɔko yé tyí. Té máh kɩ ní syi, mé n pɔ n wil yé tyí ñtô yé kô yé ní yohnɩ n mɔ mé we n yô n sɔko ñ kólóle Nsyude mara sɔko.

17 Ñte kãh pɔ pi mé náh tẽ we pɔ yé ñinne, kèpah se n wěki ne máh me tyile n yah n tɔko n dah n mɔ sě? Kèpah náh pi, máh me tyile n yah n tɔko ní yah yĩne; máh ne àwe-á, dô mè n tã ne ðô-á?

18 Liyel ye ní tàrfyòle ne áyáh wey nê yo yé tyí, kónvínwékɩno náh kéle.

19 Nmɔ, ànê Silasɩ, ànê Timote-á Liyel Pídí Yesu Krista wey nêne n yo yé tyí, kónvínwékɩno wey náh kéle dé, gbɩ kókó ye kéle.

20 Yé náh we di, ñmɔ gbô yô ye Liyel vyãh kónó tyi pól yĩne n tẽ. Nmɔ gbô yô ye tã ápi amiinale n yo à gbílkínóle n sah Liyel yô.

21 Liyel ye kô ápi ànê yépile tãhkìle á wró kwrónɓɔɔ gbô yô Kristale. Nmɔ ye wilki sah ále ñ tyí yô.

22 À á pɔko mɔ à á pi ñ tyíle. Té ñ Mirki dah mɔ á sɔko nê gbô yô-á á pĩ ne, wãh ñ vyãhle á kô yí nónó tyí sɔko, áyáh kɩ sè we n pi.

23 Liyel ye ní tàrfyòle, máh kɩ me mìnì yo mè n ku. Yé yô wilki yĩn ye tir sɔko ní kô mé náh ní syi pɔ Korēnti kwil sɔko.

24 Á náh me n yah n kô ne á tir yó kãhlɩ n sah yé yô à yuku yé Liyel yô sěno tyí ñinne dé. Yòhnìnɓɔɔ ye á n yohnɩ n mɔ yéle sǎnko ñivìni we yé sɔko, yáh sǎnpíle me yé tah sah Liyel yô sěno sɔko.

## 2

1 Nmɔ kè yah ní gblóy ne yô náh me kè tyí mé n syi n pɔ yé ñinne mé pɔ yèkworɩ yorɩ mɔ yé yô ñtô.

<sup>2</sup> Nmo-à kɪ yèkwɔɾɪ mɔ yépi sɔkɔ, nê kɪ pɪ nɪmɔ nìvìnì yõle, né yépi náh máh yèkwɔɾɪ mɔ yépi nónó sɔkɔ?

<sup>3</sup> Mé sébéy mènè wārku tekɪ mɔ yé tyí, sɔnko mé káh pɔ yé tɪnne yé túkù kɔ pè yèkwɔɾɪ mɔ n sɔkɔ, pépi nónó-á sɔ yĩne nìvìnì mónóle n sɔkɔ. Mé kè pĩ yĩ ne, máh me nìvìnì sɔkɔ, kè n pɪ nìvìnìne yépi tɔ tyí.

<sup>4</sup> Nmo-á sébéy mènè n wārku gbí nêne, n nɪ sɔ me yíkínóle, n lékãm sɔ me vye fěkɪ té yétĩ me n kah n kwɛ. Yèkwɔɾɪ náh sɔ mé n yah n kɔ mɔ-ńsahle yé sɔkɔ dé, mé sɔ me ké tyí ne yé pĩ, yé tyí-á me nɔ n tyí à kyɪ syɪ nýāh tyí.

<sup>5</sup> Yèkwɔɾɪ-à we n̄n̄i yó gbõ yõ, nɪmɔ tyí náh tẽ pɪ dé, yé pól yõ ye tẽ yɔɾɪ mɔ kéle. Nte áyāh ne á káh kè yo n kah mɔ, á kɪ ne yé pól yõ-á tẽ yɔɾɪ mɔ kéle.

<sup>6</sup> Kéne tẽ tēne, tówû-á kɪ lékàh nêne à kɔ, képah kɪ yĩne n̄ne.

<sup>7</sup> Képah ye, yé yĩne yè yõ mɔ tẽ kɔ yè mó n nɪ de, sɔnko yèkwɔɾɪ káh pɔ n yáh-ńsah tye n kah mɔ.

<sup>8</sup> Mé kéle n yah n kɔ yé tyí tɔle ne, yé kéle tẽ wěkɪ ne n tyí-á me nɔ yé tyí.

<sup>9</sup> Máh sébéy mènè n wārku n tekɪ n mɔ yé tyí yõ nê yõ tɔle, mé sɔ me ké tyí ne mé yé gbɪ yah, yáh kɪ me n sah n yóré yõ tyi tyi pól sɔkɔ.

<sup>10</sup> Yāh yõ mɔ névi nê kɔ, nɪmɔ tɔ kɪ yõ mɔ tẽ kɔ. Té yāh we mé yõ mɔ n̄n̄i kɔ, yépi yĩn ye mèn n pɪ kéle Krista yah sɔkɔ.

<sup>11</sup> Képah sɔkɔ, sétān yõtē náh syõ-ńsah we à tẽ we n pi á tyí. Á pól n yah mɔ-ńsahle n pne dò.

### *Pole sɔnɔ fěkínóle Tite tyí sɔkɔ*

<sup>12</sup> Máh yĩni tẽ Turasi mara sɔkɔ Yesu Krista Nìvìnì tir yó-ńsah, mé kè we Liyel ké wěkì yɪkɪ mɔ n kɔ palle.

<sup>13</sup> Nte mé náh n yũnpi Tite we nɛnpó sɔkɔ. Káh pɪ sě, n sɔnɔ náh sɔ me tẽnóle fĩ núkú sɔkɔ. Képah ye, mé me wěkì ni nɛnpó tãn tyí, té sɔkɔ Masedoni mara sɔkɔ.

### *Tẽnwenɔ nê-á n we Yesu Krista gbõ yõ*

<sup>14</sup> Gbílkinó ne n sah Liyel yõ, n̄mɔ nê-á á pɪ tẽnwɛpule á wró kwrónmɔnɔ gbõ yõ Kristale. À á kɔ á Krista dùkùle n yo n tɔ n mɔ n kɔ tãntãn pól sɔkɔ, sɔ-á làsèkwěl pãn n tɔ n mɔ tyah pól sɔkɔ.

<sup>15</sup> Ápi pɪ làsèkwěl pãn pènèkì tyí kòle Liyel tyí, á wró kwrónmɔnɔ gbõ Kristale. Névyè nónó-á pwáhn̄mɔnɔ wěkì yõ, ànê nónó-á me tyí yíkínó wěkì yõ, pãn mèn me n yĩni n tẽ pé pól tyí.

<sup>16</sup> Túkù tyí, á me n pō kêtukùyô nê-á n pō n pō kũne. Túkù tyí mó, á me n pō palle nê-á n pō n pō minne. Nte nê tẽ wō kɪ fẽ kápah pɪ wé?

<sup>17</sup> Névyē náhnáh me Liyel wey tōkō gbòle n yĩ. Ápi tẽ wō náh me pépi tyí kōle. Liyel ye tō ápile, kápah ye á me á fōkō dal mō ñ weyne n yo ñ yah sōkō, á wró kwrónmōnō gbō yō Kristale.

### 3

<sup>1</sup> Ápi se tō yĩne á gblōy òkù yónóle yé tyí? Kápah náh pɪ, á se yĩne à sébéy yó wārki yé kō à á gblōy òkù yo yé syah, sō-á tókù kéle n pɪ? Tĩ, yépi se kɪ wārki á kō sébéyne, nê sōkō-á yé kɪ me ápi òkù yo?

<sup>2</sup> Yépi ye ápi sébéy mène. Kè me wārkinóle á nno sōkō. No pól kéle n pne, té kéle n kar n pne.

<sup>3</sup> Kè me píkínóle ne yépi-á sébéy mène, nê sōkō welo-á Krista á kō á wārki. Wārkinó mène, min nétẽ Liyel Mirki gbō ný ye, wārki wārki kwâh ný náh. Dyêh fábkó fábkó yō sōkō náh kéle wārkinóle dé, névyē nno sōkō ye.

<sup>4</sup> Krista gbō yō ye á sēnyĩnō me kéne welo yō Liyel yah sōkō.

<sup>5</sup> Ápi-á tyi nónóne n pɪ yò, á yēngbẽ tēnwēnō náh á fẽ n pɪ séle dé, Liyel kōnó ye.

<sup>6</sup> Nmo ye á kō tēnwēnole á fẽ yégbékè kwrónmōnō kēsān tyile névyēle n kwō. Kéne yégbékè kwrónmōnō náh n wil tyi kōnsāhnó wārkinsāhnó sōkō dé, Liyel Mirki tō vyāh ye kéle. Yé náh we di, tyi kōnsāhnó nê-á wārkinsāhnóle, kápah n pō n pō tyí yíkínóle. Nte Liyel Mirki wō minne n kō.

<sup>7</sup> Tyi kōnsāhnó wō nê-á n pō n pō tyí yíkínóle, ké wārkinmōnō gbĩne dyêh fábkó fábkónó yō, Liyel tōrí sō me tiki pō Moyisi yèpō kō kè n tẽ, fós Yisrayel no náh sō me fẽ n yah n dah n mō ñ yah sōkō. Té kéne tōrí náh mo pólle.

<sup>8</sup> Nte Liyel Mirki tẽ wō-á tō nēne n pɪ, kápah náh Liyel tōrí wēki n kal n pi di?

<sup>9</sup> Tyi kōnsāhnó wāl kónó nê-á n pō n pō tyí yíkínóle, gbílkinó-à we kápah tyí sōkō, gbɪ wēkì kónó wō se pyě.

<sup>10</sup> Á kɪ fẽ yo ntēne ne tōrí nê-á sō me gben tēne, núkúnúkú tyí-á kápah tōkō yō.

<sup>11</sup> Gbílkinó-à me sah mó-ńkẽ kwâh yō, mo mo tyí wō se pyě.

<sup>12</sup> Á gbō sàhnyĩnō me kápah yō, kápah ye á nɪ me yínnóle.

<sup>13</sup> Ápi náh me pɪ Moyisi tyí kōle, nê-á sō fwō vike tũ ñ yah sōkō sōnko Yisrayel no káh ñ yèpō tēnó yal n mō gbí pĩ, kápah nê-á sō mo mo tyí náh kéle.

14 Nte pè me sě fěntũ soko. À pɔ no kwey tyí, pàh tyi kònsàhnó kedyâhle n kar, kéne fwɔ mè n ne n me fókóntütěńóle pé yah soko. Kè nàh tɔko to pé yah. Né nê nàh ò wró kwɔ mɔ Kristale, kè nàh n tɔko n to tě yah.

15 Gbɪ yō à pɔ syi kwey tyí, pàh Moyisi tyi kònsàhnóle n kar, fwɔ mè n ne n me pé lékãm yah fɔkɔ n tũ n sah.

16 Nte nê wɔ-à sě Tě ñgbě yō, fwɔ mè n tɔko n to tě yah soko.

17 Tě ñgbě nê tyí-á n yo ásô, Liyel Mirki ye. Nte Liyel Mirki-à me nýãh soko, névyé n ne me pé gblɔy yō nénpó.

18 Fwɔ nàh me víkěntũnɔle ápi tě wɔ yah. Á dùkù me Tě ñgbě tǔrile n wěkɪ. Á vi mɔ pɪ Tě ñgbě tyí kǔle. Wãn me n mɔ n yuku á tǔrɪ yō. Tě ñgbě tō vyãh ye kėpahle, ñmɔ nê-á Mirkile.

## 4

### *Pole ànê pé no-á fǔhnó nónó we*

1 Liyel ye ápi yãm yah té tō mè dahbɪ á gbô, kėpah ye á kéle n pɪ wílkwúni kěne.

2 Sen tyi nónó-á névyé n ne n wǔbɪ n pɪ, ápi sépi we ye. Á me á tyile n pɪ yĩnvɪ kěne, á nàh me Liyel wey kórlé n vi n mɔ pólle. Gbɪ ye ápi me n yo tótó, sǔnko névyé pól sě á yō Liyel yah soko.

3 Nte ápi-á Nìvìnì tir nêne n yo, kėpah-à kɪ tǔ mé-ńkěne kyòo, tyí yíkípú tyí ye kè nàh me kyòo.

4 Sétãn yǔtě nê-á kékǔyǔ mè tǔle, ñmɔ ye fěntũ mɔ pé yah. Á kàh-ńsah tũ pé tyí, sǔnko Nìvìnì tir-á Krista tǔrɪ kyòo nêne n wěkɪ, pé káh fě kėpah we. Té Liyel kètò ye mó tǔ Kristale.

5 Ápi gblɔy tyí nàh á n yo n kǔ dé, Yesu Krista tyí ye á n yo n kǔ ne ñmɔ-á Tě ñgběne. Ápi tě wɔ pɪ tǔnpɪbɪle yé tyí Yesu Krista yĩnne.

6 Yé nàh we di, Liyel nê-á yo ne ńkě kyòo mɔ fěntũ soko, ñmɔ ye kǔ mɔ kyòole ápi nno soko, sǔnko névyé ñ tǔrɪ we nê-á me n tě Krista yèpɔ soko.

7 Kéne tahrɪ mè ye ápi kǔ, ápi nónó-á sohkɪ kěne á soko puri pĩn tyí kǔle, sǔnko névyé pĩ ne ńkě těnweno ñgbě mè nàh wil ápi tyí, káh wil Liyel tyí.

8 Fǔhnó me n sah ápi yō yey yey pólle, ñte á nàh me tě kwɔ. Á lékãm me vye fěkɪ, ñte á yáh-ńsah nàh tye.

9 Pè me kǔ á nàh à ále n fǔh, ñte Liyel nàh ñ nàh vi á kǔ. Pè á mɪ min, ñte á nàh ku.

<sup>10</sup> Yesu-á fóhnó wε à ku dùkù nêne, képah ye με άpile n wε sōmesō. Képah ye κi névyε kō pè κi pī ne áyáh με á min soko ñmɔ gbô yô.

<sup>11</sup> Né ápi náh ku, gbĩmegbĩ á κi με kũne n do n yah Yesu yĩnne. Á wil gběnsê nê-á mó sohki kěne, kè κi min wε ñmɔ gbô yô.

<sup>12</sup> Káh pɪ sě, ápi με wě soko kũne, yépi mó με tyé-ńkě minne n wε.

<sup>13</sup> Kè με wárkínsàhnóle Liyel wey sébéy soko ne ńkě: «Mé sě Liyel yô, képah ye ń kō mé ñ weyne n yo.» Sě ye ápi tɔ sě ñ yô, képah ye á kō á ñ weyne n yo.

<sup>14</sup> Yé náh wε di, á pī ne Liyel nê-á yilki mɔ Tě ñgbě Yesu lékóle, wáh κi ápi tɔ lékyî yilki mɔ, té κi kyɪ ápi ànê yépi sah ñ tnô.

<sup>15</sup> Yépi yĩn ye tyi nópi pól άpile n wε. Té képah soko ye mó Liyel κi yôbènrɪ náhnáh pɪ névyε tyí, sōnko pè ne n wεκɪ ñ tyí, pè mó ñne n gbilki.

*Káh n ye á wil ku, nɔli dò me ñ syki tě*

<sup>16</sup> Képah ye kè náh με wílκúnine ápi tyí pólle. Á wil gběnsê tyí-á κi sō me n yɪκɪ n yuku, á min tě wɔ me n gbah n pɪ n yuku sãnne sōmesō.

<sup>17</sup> Yé náh wε di, mó-ńkě yèvyährɪ kwéy nê-á ápi yô núkúnúkú yò, képah náh με sãh yah yah tēne tyé-ńkě yô yōnó nê-á á κi pɔ n wε n pi képah tyí sōwãh.

<sup>18</sup> Yí-á yí nónóne n wε n pne, sépi náh ápi με n yah n kō. Kè náh yí nónóne n wε n pne, sépi ye á me n yah n kō. Yí-á n tē n pne yí nónó yô, sépi náh n mo. Nte kè náh n tē n pne nónó yô, sépi n ne n me tyétyéní kěne.

## 5

<sup>1</sup> Wil gběnsê nê-á ápi min tē-ñsahle sétáh mē yô soko yò, ké tyí-á pɔ yɪκɪ, Liyel κi min tē-ñsah yó yah á kō yĩnyô, nê-á κi με kũmm yô soko. Kéne tē-ñsah mēne, névi gbēnrɪnɪ náh kéle.

<sup>2</sup> Nte núkúnúkú, ké soko de dékè με á kah tē, képah ye á me n gbĩ ké yĩnne.

<sup>3</sup> Ayáh κi wε de ké soko, á wil tití náh tō n wε n pi.

<sup>4</sup> Wô nê pól-á á min κi n pɪ n pi sétáh mē yô soko, á κi με gbĩnó soko tókópékè sō á yô. Min tē-ñsah nê-á á tyí sétáh mē yô, kè náh με á κi ne á sō me ké tyí yíkí-ńsahle n yah n kō dé. Yíkí-ńkě min tē-ñsah nê-á Liyel κi á kō n pi yĩnyô, á me ké tyí ne képah pɔ yɪκɪ yɪκɪ tyí mē swɔ tɔkɔ.

<sup>5</sup> Liyel ye sépi pól yah sah ápi yĩnne. Pèpɔrɪ nónó-á à κi n pɪ n pi á tyí, ñ Mirki ñgbò ye à tekɪ mɔ á kō sé soko.

<sup>6</sup> Képah ye, á sěnyĩno me ké yō gbĩmegbĩ ne á min tẽ-à kɩ fyò tẽ á wil gběnsê mè tẽ soko, á wró-á me dónóle Tẽ ñgběne.

<sup>7</sup> N yō sěno gbō yō ye á me n yuku yahle, ñ wénó gbō yō náh.

<sup>8</sup> Á sěnyĩno me ké yō, képah ye á me ké tyí ne á min yal wil gběnsê mè soko, kè kyɩ n tẽ Tẽ ñgbě tnō.

<sup>9</sup> Nte kàh kɩ se we wil ò; kàh kɩ se we wil-ñkēne ò; áyah pɩ sō té á tyí n no n pi Tẽ ñgbě tyí, képah ye á me n yah n kō.

<sup>10</sup> Yé náh we di, á pól yĩne Krista á tuke. Képah soko, nê-à kɩ me pèpey pɩ kèkōyó mè soko, à kɩ à dyah kéle. Nê-à kɩ mó me pèkè pɩ, à kɩ à dyah kéle.

### *Ápi wró kwró mɔ Liyelle Krista gbō yō*

<sup>11</sup> Kwáh nê-á Tẽ ñgbě yah tíkí pínóle, ápi kéle n pne. Képah ye, á me n yah n kō ne á névye sōno vi mɔ pè ñ yah tíkíle n pɩ. Ápi fí yó n tẽ náh me Liyel pu. Té n mɔ sōno soko, yépi tɔ api pɩ yĩ.

<sup>12</sup> Á gblōy dùkù náh tō á n yo yéle n syah, ñte syō-ñsah ye á yéle n kō yè fě yé gblōyne n gbilki ápi yĩnne. Képah soko, wényo-ñsah kɩ we yé tyí yĩ yah pípú tyí.

<sup>13</sup> Ápi yōgbèl-à kɩ sō me yuku, Liyel yĩn ye. Nte á yah-à kɩ se mó me gbréy, yépi yĩn ye.

<sup>14</sup> Krista tyínono ye yah syi ápi tyí, ápi nónó-á pĩ ne nénúkú-á ku no pól swo soko. Kàh pɩ sě, kè me á kɩ ne no pól tɔ sō ku.

<sup>15</sup> À ku no pól yĩnne sñnko nónó-á me min soko, pè káh pé minne n pɩ pé gblōy yĩnne, nê-á ku té ñ lékó yilki mɔ, pè kéle n pɩ n mɔ yĩnne.

<sup>16</sup> Kàh pɩ sě, núkúnúkú tēne á náh tō ñnî yó n tẽ yah n pi à yĩne névi yòtàhsyi yáhnóle. Áyah sō sō me Kristale n yah sě, núkúnúkú á náh tō me ñne n yah sě.

<sup>17</sup> Névi nê wró-à me kwrónmɔnole Kristale, tẽ nɩ n vi n mɔ. Á ñ pɩ dùkù kedyáh fĩn n mɔ, ñ té pɩ dùkù kėsán tɔko.

<sup>18</sup> Liyel tō vyāh ye sépi pólle, n mɔ nê-á ápi wró kwró mɔ ñne Krista gbō yō, té me wró kwrónmɔno tō dahbɩ ápi gbō.

<sup>19</sup> Yé náh we di, Liyel náh kèkōyó névyé tyípèl mɔ kō, à syō Krista tyí à pé wró kwró mɔ ñne, té me wró kwrónmɔno tyí yónó dahbɩ ápi gbō ne, á névyé wróle n kwró n mɔ péwole.

<sup>20</sup> Krista yĩn yō ye ápi me n wekɩ. Kè me á kɩ ne Liyel sō n yo n mɔ névyé tyí ápi gbō yō. Képah ye á kéle n yah n kō yé tyí Krista yĩn yō ne, yé yé wró kwró n mɔ Liyelle.

<sup>21</sup> Krista nê-á à náh tyípékè pɪ yah, Liyel ñmɔ twah mɔ ápi tyípèlle, sǝnko ñmɔ gbõ yõ, ápi tɔ pɪ yályál Liyel yah sokɔ.

## 6

<sup>1</sup> Ápi-á pɪ Liyel tõ pɪ múnε sǝ, képah ye á kéle n yah n kǝ yé tyí ne wǎh yõbènɔrɪ nê pɪ yé tyí, yé káh ye kè pɪ yõ kǝne.

<sup>2</sup> Yé náh we di, Liyel ne níké:

«Tyah-á sǝ me palle gbí nǝne, mé á nírí tǝ.

Pwáhnmɔnɔ sǝle, mé ñ yohnɪ mɔ.

Tyah pèpey gbí mè ye núkúnúkú yò.

Yah, pwáhnmɔnɔ yòh ye kweyne.»\*

<sup>3</sup> Á náh me ké tyí ne á ñnî yó rítǝ yõ yɪkɪ, ñnî kǝ à pɔ wényo-ńsah we á tǝ tyí sokɔ.

<sup>4</sup> Nte tyi tyi pól sokɔ, ápi me á gblǝyne n wǝkɪ Liyel tǝnpɪbɪ kǝgblɔle. Á me gbah tǝ yèvyǎhrɪ, ànê yèkwɔrɪ, ànê tíkɪ kǝpékèle n sro náhnáh.

<sup>5</sup> Á ko syi, té wòkònpèkè pɪ. Pè névyε mɔ á yõ, té á mɔ tǎn pèl pínó sokɔ. Á náh me n we n dɔ, yòke tɔ náh me n we n yõ.

<sup>6</sup> Á me tǝle n pɪ Liyel tyí fɔkɔle píkínóle ànê á lékǎm pólle. Á me tyile n sro me pèpɔrɪle n pɪ Liyel Mirki gbõ yõ. Tyínɔnɔ yèsyìkì me á sokɔ,

<sup>7</sup> ànê gbɪ welɔ ye á me n yo Liyel tǎhkì gbõ yõ. Gbɪ wǝkì kóló ye ápi pɪ á méfwó yíle à á sépébíle n fwo, té á gblǝy yǝle n syɪkɪ.

<sup>8</sup> Névyε á dɔkɔ n mɔ, képah náh pɪ pǝ á kǝ fǝ. Pǝ á yígbíle n yo, képah náh pɪ pǝ á yípolle n yo. Pǝ ále n pɪ mìnɪyobele, té gblɔ yópú ye mó tǝ ále.

<sup>9</sup> Pǝ ále n pɪ pé kósyì á pǐ, té pè mó tǝ ále n pne kyó. Pǝ ále n pɪ lékyí sǝ ále té vye ye mó tǝ ále. Pǝ fǝhnóle n sah á yõ, té pè náh ále n ko n mɔ.

<sup>10</sup> Pǝ yèkwɔrɪ tyile n pɪ á tyí, té gbǐmegbǐ à n ne me nìvìnì sokɔ. Pǝ ále n tɔkɔ n pɪ yǎm tǎnne, té á mó tǝ me névyε náhnáhle n pɪ tahbɪle. Pǝ ále n pɪ kwâh kǝpúle, té yíyìn pól mó tǝ me á tyí.

<sup>11</sup> Korēnti tãn, gbɪ ye ápi n yo yé tyí. Á á fɔkɔ dal mɔ yéle.

<sup>12</sup> Ápi náh á fɔkɔ kwĩnki yéle. Yépi ye yé fɔkɔ kwĩnki ápile.

<sup>13</sup> Sú-á níkéne tyile n yo ñ wǝnpì tyí sǝ, sǝ ye mé me n yo tyile yé tyí. Yé yǐne yè kè pǐ á tyí, yépi tɔ mó yé fɔkɔ dal n mɔ yǐ ále.

\* 6:2 6.2 Yah n te Yesayi 49.8.



*Kyòò ànê fěntũ náh fě n kwrɔ n mɔ*

14 Yé káh ne n pɪ n soh Yesu yõ sě-ńkěpúle tir yó ńtě sɔkɔ. Gbɪ wěkì kóló ànê tyítúkùnì pínó náh me wěkì núkú yõ. Kyòò ànê fěntũ náh fě n kwrɔ n mɔ.

15 Krista ànê sètãn yõtě wró náh fě n kwrɔ n mɔ. Yesu yõ sě-ò ànê Yesu yõ sě-ńkě névi wró náh fě n kwrɔ n mɔ.

16 Fal fal tãn náh fě n kwrɔ n mɔ Liyel ní-ńsah gbô sɔkɔ. Yé náh we di, ápile, Liyel ní-ńsah gbô ye ále à yĩne Liyel-á kè yo sõ ne ńkě:

«Mé kɪ tě péle té kɪ me péle pé kó-ńtãn sɔkɔ.

Mé kɪ pɪ pé Liyelle, té pè kɪ mó pɪ ní nolɛ.»

17 Képah ye Tě ñgbě Liyel ne: «Yé wil kéne névyɛ wró, yè gbe n tě yé tyíle.

Yé káh n tũ kwãh yó ńtě tyí nê náh me yályál ńmɔ yah, képah sɔkɔ ńmɔ kɪ mó yé tě ple.

18 Mé kɪ pɪ yé Súle, té yé kɪ mó pɪ ní dĩnpì ànê ní syónpile.» Sě ye Tě ñgbě yo, ñmɔ nê-á tãhkì nếtɛne.»

## 7

1 N nénónó, Liyel vyãh kónó nópíle, ápi tɔ vyãh me sé sɔkɔ. Képah ye, tyi nónó pól-á silki sah á wil ànê á minne, á ye sè wu n to á gblõy sɔkɔ, à mó ne n me yályál Liyel yah ñ yah tíkì pínó sɔkɔ.

*Nìvìnì nê-á we Pole sɔkɔ Korēnti tãn-á pé gblõy tiki mɔ*

2 Yé ye á tyí nɔ yé tyí. Ápi náh pɪ de ñnî yó ńtě tyí. Á náh ñnî yó ńtě gbô tye. Á náh sykɪ ñnî yó ńtě yõ.

3 Yé káh we ne máh me sɛpíle n yo à lékãhle yéle n kõ dé. Mé kè yo sah te yé tyí ne á min pól sɔkɔ, yé tyí-á me nónóle á tyí kũ ńtě fyé náh fě á wró ykɪ.

4 N sěnyĩnɔ me yé yõ, ní nɪ me vínóle yéle. Yé tyí pɪ yĩ nɪ dénóle ní tyí. Yèkwɔrɪ duke pól sɛnsõ me ále n we, ñte képah fyé yõ, nìvìnì me kah mɔ ní sɔkɔ.

5 Áyáh fyò pɔ de Masedonɪ mara sɔkɔ, yèvyãhrɪ duke pól núkú sykɪ á yõ, á náh we mɪ yah kwéy ńtɛne. Mâl ye yey yey pólle, tíkì we á sɔkɔ.

6 Nte Liyel nê-á tɛnkwlɔpu nɪ dé-òle, à Tite tekɪ mɔ ápi kõ á nɪ kõ kè de.

7 Kè náh me ne Tite pónó ó sõ ápi nɪ kõ kè de, yáh sǒre nê mɔ ñ sɔkɔ képah tɔ ye. Tite pɔ yo á syah ní we dékè-á me yé kah tě sõ, ànê yèkwɔrɪ nê-á me yé sɔkɔ, ànê yáh me yuku yĩn sõ à ní vyãhle n syi. Képah wãn gbah mɔ ní nìvìnì yõ.

8 Máh sɛbéy nê tekɪ mɔ yé tyí, mé pĩ ne kãh yèkwɔrɪ mɔ yé sɔkɔ. Nte ké tékínmɔnɔ náh pɪ nãhnpĩne ńmɔ tyí. Té

máh pɔ kè kyomɪ wɛ nɛ kãh yèkwɔɪ mɔ yé sɔkɔ wró kwéy ó sɔkɔ, kè pɪ nàhnpĩnɛ ní tyí.

<sup>9</sup> Nte nùkúnúkú, kè me nìvìnìnɛ ní tyí. Kãh yèkwɔɪ mɔ yé sɔkɔ képah yĩn náh dé, yèkwɔɪ mè-á vìnmonɔ nê dahbɪ yé pɪ dùkù sɔkɔ, képah yĩn ye. Yé yèkwɔɪ mè sò me yínénóle Liyel tyí. Kãh mó pɪ sɛ, á náh pèkè yó rítɛ pɪ yé tyí.

<sup>10</sup> Yé náh wɛ di, yèkwɔɪ nê-á me yínénóle Liyel tyí, képah névi pɪ dùkùle n vi n mɔ à ònɛ n mɔ pwáhnmonɔ wɛkì yò, kè náh n pɪ nàhnpĩnɛ tɛ tyí. Nte kèkòyò tyi sònɔ-á yèkwɔɪ nêne n mɔ névi sɔkɔ, képah ye n pɔ n pɔ kũnɛ.

<sup>11</sup> Yèkwɔɪ nê-á me yínénóle Liyel tyí, kãh vìnmonɔ nê dahbɪ yé sɔkɔ yé kè wɛ yò:

Yé me yé gblɔy kò yĩ.

Yé me gblɔy yele n yah n kò.

Yé fɔkɔ me vyãh yĩ yé gblɔyne yĩ mè sɔkɔ.

Tíkí me yé tɛ pèkè pínóle.

N wɛ dékè me yé tɛ.

Yé me gbah tɛ yĩ Liyel wɛkì kóló sɔkɔ.

Yé me ké tyí nɛ fòhnó sah lékàh névi yò.

Yé kè wɛkì dal mɔ nɛ yé vyãh náh me yĩ mè sɔkɔ pólle.

<sup>12</sup> Nmɔ náh sébéy mè wãrkɪ tekɪ mɔ tyítúkù pí-ò yĩnɛ, képah náh pɪ tyítúkù-á pɪ névi nê sɔkɔ tɛ wɔ yĩnɛ dé, mé kè tekɪ mɔ nɛ yé kè pĩ Liyel yah sɔkɔ nɛ ápi tyí-á me tah yĩ yé tyí.

<sup>13</sup> Yáh nê pɪ, képah ápi nno de kègbule, té kè náh yĩn képah ó tyí dé, yáh Tite nɪ sũ ò nɪ kò kè vɪ sò, kè wãn mɔ ápi nìvìnì yò.

<sup>14</sup> Mé lésò ní gblɔy yò sah kwéy Tite tyí yé tyí sòwãh. Nte yé náh mó sennɛ ní tɛ. Áyáh dar té gbule n yo sò yé tyí, sɛ ye á yo yé yingbúle Tite tyí, té à mó òtyínɔ kyɪ kè wɛ sɛ.

<sup>15</sup> Yáh à tɔ sah tɛ té yòyen sah ò yò sò, ò dyɔ me n kwne kéle, képah ye yé tyí gbah nɔ yĩ ò tyí.

<sup>16</sup> Kè me nìvìnìnɛ ní tyí, à tɛ wɛ ní gbò sah yé yò tyi tyi pól sɔkɔ.

## 8

*Masedɔnɪ Yesu yò sɛpú tĩnkì-á pò mórí nê mɔ*

<sup>1</sup> N yúnpyé, Liyel-á yòbènɔɪ nê pɪ Masedɔnɪ Yesu yò sɛpú tĩnkínó tyí, á me ké tyí nɛ á kè yo yé syah.

<sup>2</sup> Yèkwɔɪ duke náhnáh sò pè yĩni tɛ, ònɛ képah fyé yò, nìvìnì sò me kah mɔ pé sɔkɔ. Yãm sò me kah peke pé yò, ònɛ képah fyé yò, pè pɪ yínkòpu kègblɔle.

<sup>3</sup> Nmɔ ye pé tàrfyòle ne pãh kè pɪ à syɪ pé gbò yìn tyí, fóó à kah mɔ pé gbò yìn ñtẽ yò à yĩne pé dyɔ dyɔ tẽne.

<sup>4</sup> Té me kè gbah yah kɔ́ ápi tyí ne á ye pé gbò dahbɪ á tyí yòhnìnmonɔ mè tékínmonɔ sɔkɔ Nsyude mara Yesu yò sɛpú tyí.

<sup>5</sup> Ápi-á sò me nêne n yah n kɔ́, pè kè pɪ kah mɔ képah yò ñtẽne. Pè pé gblɔyne Liyel ñgbò kɔ́, képah náh, té pé gblɔy dahbɪ ápi tɔ gbò sɔkɔ à yĩne Liye dyɔ yí tẽne.

<sup>6</sup> Képah ye, á me Titi ni ne wãh pó mórí syínó tò nê tyah yé ñinne, à kè pɪ n dal n mɔ.

<sup>7</sup> Sɔ́-á yéle yahle tyi pól sɔkɔ yò: Liyel yò sɛnóle yé sɔkɔ, yé n wɛkɪ n pne, yíp̄ile yé sɔkɔ, sóréle yé sɔkɔ yìn kẽne, à tahlɪ névyé tyínɔnɔ nê-á á dahmɔ yé sɔkɔ, képah yinne á me ké tyí ne yé ne n me yahle pó mórí mónó mè tɔ sɔkɔ.

<sup>8</sup> Kyínmonɔ náh mé n kyí n mɔ yéle máh képahle n yo dé. Nte máh no téló gbáhntẽnɔ tyíle n yo yé tyí, mé me ké tyí ne yépi tɔ kè wɛkɪ ne tyínɔnɔ kègbɪ-á me yé sɔkɔ.

<sup>9</sup> Tẽ ñgbẽ Yesu Krista-á pèpɔrɪ nê pɪ, yé kéle n pne. Yé náh we di, ñmɔ nê-á kwãh nétẽne, à fẽ syi ñ gblɔy pɪ yãm neyne sɔnko yépi pɪ kwãh nátãmne.

<sup>10</sup> Nmɔ sɔnɔ-á nêne, yí mè tyí ñinne, képah ye mé n yo yé tyí. Képah me yínénóle yépi tyí yépi nónó-á pɪ gbrole yán ñúkùle à pó mórí mè mɔ, té kè náh yìn képah ó tyí dé, ké pínó yáhntɔkɔnɔ wil yépi tyí.

<sup>11</sup> Kãh pɪ sɛ, núkúnúkú yé tò mè pɪ n dal n mɔ. Yáh kè yah tɔkɔ sɔnɔ pèpeyne sɔ́, yé kè pɪ n dal n mɔ sɛ à yĩne yé gbò yinne.

<sup>12</sup> Yé náh we di, wãh yí kɔ́ á gbò yinne à yĩne wáh kè yah tɔkɔ sɔ́, képah tyí nɔ Liyel tyí. Kwãh nê náh me á tyí, à náh képah níyne n tẽ.

<sup>13</sup> Mé náh yo ne yé yé gblɔy mɔ yãm sɔkɔ no téló tyí pɛkɪ yinne dé. Nte mé me ké tyí ne yé kè pɪ yé pól ne n me núkúle.

<sup>14</sup> Kwey mè sɔkɔ, kwãh me yépi gbò. Képah ye, kwãh náh me nónó tyí, yé péle n yohnɪ n mɔ. Kwãh-à mó sɔ́ nêne me pépi tyí té kɪ n kne yépi tyí, pè kɪ yé yohnɪ mɔ. Kãh pɪ sɛ, yé pól kɪ me núkúle,

<sup>15</sup> sɔ́-á kéle wárkínsàhnóle Liyel wey sébéy sɔkɔ ne: «Nê-á sò kwel dò, wãh náh wũ ñ tyí. Nê-á sò kwel kwéy, ñ tyí náh tɛkɪ.»\*

\* 8:15 8.15 Yah n tɛ Yálnó 16.18.

*Titi ànê ñ kómũne*

<sup>16</sup> Liyel yĩn ne n gbilki, ñmɔ nê-á yé yòhnìnmonɔ dékè dahbɔ Titi nɔ sɔkɔ, sɔ-á sò à kè dahbɔ ápi nɔ sɔkɔ.

<sup>17</sup> Ayáh nê yah kɔ ñ tyí, à kè fě syi. Té yé yòhnìnmonɔ dékè-á sò me ñ nɔ sɔkɔ sě, à núkú kè yah tɔkɔ ñ gblɔy ñtēne ne, páh kɔ yuku yé ñinne.

<sup>18</sup> Á me á yũnpi yó tɔle n tekɔ n mɔ ñne wě tyí, nê-á Yesu yó sěpú ñnkɔnó pól me ñ yĩngbɔle n yo Nìvìnì tir yónó tyí sɔkɔ.

<sup>19</sup> Té à wil kėpah sɔkɔ, ñmɔ ye tɔ Yesu yó sěpú ñnkɔnó yah wilki ne à ápi tekɔ mɔ á kyɔ pèpɔrɔ tò mè pɔ. Tě ñgbě yĩn gbilki yĩn ye ápi n pɔ tò mène à kéle n wěkɔ tɔle ne tò mè pínó tyí-á me nɔ á tyí.

<sup>20</sup> Á me tyi pólle n pɔ tɔle ne, pó ñgbě nê tyí-á dahbɔ á gbò, á ké tyi tɔ sah pɔ pɔ tye á káh yĩnyíkì we ké tyi sɔkɔ.

<sup>21</sup> Á me ké tyí ne á ne n tɔ n sah n pɔ Tě ñgbě yah sɔkɔ, té kè náh yĩn kėpah ó tyí dé, á me ké tyí ne á ne n tɔ n sah n pɔ névyé tɔ yah sɔkɔ.

<sup>22</sup> Á ye á yũnpi yó tɔle n tekɔ mɔ péle wě tyí. Á à we mɔ yah gbáhyí náhnáhle, té sé pól sɔkɔ á kè we ne gbáhntě-ò-á ñne. Nte à tɔ me gbah tě kal núkúnúkú, wáh sɔnpɔle me sě yĩ yépi yó sɔkɔ.

<sup>23</sup> Titi tě wɔle, ñmɔ kó-ò ye ñne, à me tòle n pɔ ànê ñmɔle wě tyí yépi yĩnne. Nte á yũnpyé téló wɔle, Yesu yó sěpú ñnkɔnó ye tekɔ mɔ péle, Krista yĩn gbilki yĩnne.

<sup>24</sup> Kėpah ye, yé kéle pè wěkɔ ne pé tyí-á me nɔ yĩ yé tyí, sɔnko Yesu yó sěpú ñnkɔnó kè we, pè mó pĩ ne gbɔ-á me á tyí á yéle n sò.

## 9

*Yesu yó sěpú ñnkɔnó yòhnìnmonɔle Yude mara sɔkɔ*

<sup>1</sup> Yòhnìnmonɔ nê-á kɔ n tekɔ n mɔ n pɔ Yude mara Yesu yó sěpú tyí, yó náh me ké tyí mè sébéy tɔ yé tyí kėpah tyí sɔkɔ.

<sup>2</sup> Mé pĩ ne yáh me ké tyí ne yé kè pɔ. Mé me yéle n sò ñtēne Masedonɔ mara Yesu yó sěpú tyí, me n yo pé tyí ne, Akayi mara Yesu yó sěpú-á me pé gblɔy vi te yòhnìnmonɔ pɔ yĩnne fóó yán dùkùle. Káh pɔ sě, yépi nónó-á me kéne mara sɔkɔ, yépi gbáhntěno mè sóré mɔ névyé kan sɔkɔ.

<sup>3</sup> Mé á yũnpyéle n tekɔ n mɔ yé tyí, sɔnko máh me yéle n sò sònó ñne yĩ mè tyí sɔkɔ, kè káh pɔ pɔ yó kěne. Nte ye ne n me yé gblɔy vi sah kėgbɔ yó sɔ-á mé yo kéle.

<sup>4</sup> Kàh kɪ pɪ òkù yóle, té Masedonɪ mara tãn-à kɪ pónó yí ñmole, té pɔ ne yah yé nàh me yé gblɔy vi sah, kè kɪ pɪ sen ñgbɛne ápi tyí áyáh sɔnpíle kàh sɛ yé yó. Té yépi ñtɛ wɔ tyí ye kè kɪ pɪ sennɛ. Nte mé nàh me ké tyí ne mé kɛpah yo.

<sup>5</sup> Kɛpah ye, mé kè sɔ ne máh yĩne mé á yúnpyé nópi ni pè mɔ ñmɔ yahle, pè pɔ pó mórí mè tyí yahle n wah yáh yé vyáh kɔ nê tyí sokɔ; sɔnko máh kɪ pópó n pi, ké tyí yah ne n me wàhtenole, nê-á kɪ kè wɛkɪ ne yáh kè pɪ yé dyɔ dyɔ tɛne, kyínmɔnɔ nàh pè kyí mɔ yéle.

<sup>6</sup> Yé se kè pɪ ne, névi nê-à duku mɔ kwéy, tɛ n pɔ sèmuco kwéy tɔkɔ; té nê-à duku mɔ dò, tɛ n pɔ sèmuco dò tɔkɔ té.

<sup>7</sup> Yé nénúkù núkú pól yĩne yè kɔ à yĩne yáh kè yah tɔkɔ sɔ yé nno sokɔ. Ney káh kɔ à mó tɔ ké nàhnɛne n gbo, kɛpah nàh pɪ, pè sɔ tɛ kyí mɔ. Yé nàh we di, nê-á n yí n kɔ ñìvìnì sokɔ, ñmɔ tyí nɔ Liyel tyí.

<sup>8</sup> Tɛnwɛnɔ me Liyel tyí kɪ fɛ pèpɔrɪ duke pól pɪ yíi yé tyí, sɔnko yí nónó pól yétô-á me yé tyí, sè ne n me yé tyí gbíme gbí ànê dòhnò tole, yé kɔ yè fɛ pèpɔrɪ duke pólle n pɪ,

<sup>9</sup> sɔ-á kéle wárkínsàhnóle Liyel wey sɛbéy sokɔ ne:

«À ñ nɛle n dal n mɔ n yí n kɔ,

à n yí yãm tãnne n kɔ n yíi.

ñ fòkòpènrɪ tyí yĩn nàh me.»

<sup>10</sup> Liyel nê-á kwáhdúkúle sètòle n kɔ, té ñ yó yó yòkele ñne n kɔ, ñmɔ ye kɪ kwáhdúkúle yépi kɔ n pi, té kɪ kè kɔ kè kɪ kwel, kɪ wãn mɔ yé fòkòpènrɪ pínó yó.

<sup>11</sup> A kɪ yé pɪ kwáh nátãmne gbíme gbí, sɔnko yè fɛ fòkòpènrɪle n pɪ tyé-ńkɛne. Kɛpah sokɔ, yáh yí nónóné ále n kɔ á névyele n kɔ n pɔ, pé nàhnáh kɪ wɛkɪ Liyel tyí sépi yĩnne.

<sup>12</sup> Yé nàh we di, yé pó mórí mè kɪ Yesu yó sɛpú yohnɪ mɔ. Té kè nàh n yĩn n pi kɛpah ó tyí dé, kè kɪ névyé nàhnáh kɔ pè kɪ pèpɔrɪ pínó weyne Liyelle n kɔ.

<sup>13</sup> Yóre tò nê-á yé pɪ, pàh kɪ kè we pè kɪ Liyel yĩn gbilki yáh sɔnpíle pɪ néglólé à fɛ syi tò pɪ Krista Ñìvìnì tir yónó sokɔ. Pè kɪ tɔ Liyel yĩn gbilki yáh sɔnpíle yé gbàn yíle pépi ànê no téló pól tɔ yohnɪ mɔ.

<sup>14</sup> Pè kɪ nírí pɪ yé tyí, kɪ pé tyínɔnole yé wɛkɪ yòbènrɪ ñgbɛ mè yĩnne, Liyel-á nê pɪ yé tyí.

<sup>15</sup> Gbílkinó ne n sah Liyel yó ñ pèpɔrɪ ñgbɛ pínó yĩnne, nê-á ké kénkɔ nàh me.

## 10

*Pole me lékàhle ò tyí yónyíkípule n kō*

<sup>1</sup> Nmo Polele, pè ne mäh me yé tnô mè n ne n weki dáb dáb, té mäh gbe mo yéle mè n ne n weki fyõrì fyõrì. Yesu Krista nēpír pínó ànê ò nìgbèkì yīn yō,

<sup>2</sup> nmo Pole kéle n yah n kō yé tyí ne, yé yé gblõy ye, mäh ki po po yé tnô, yé káh ní kō mè po ne n weki fyõrì fyõrì yépi tō tyí, sō mé me kè sō sah pi pi tēne névyé tyí nónó-á me n sō ne névi yõtãhsyi pi dùkù-á ápi soko.

<sup>3</sup> Gbi ye névyé tē wo ye ále ó, òte áyáh mékì nê soko yò, névi yõtãhsyi tãhkì náh á n fwo kéle.

<sup>4</sup> Ápi-á mékìle n pi méfwóyì nónóne, névi gbēnpuno náh séle, sè n wil Liyel tyí. Tãhkì me sé soko ki fē Liyel sépébí tyí yiki ànê sōno túkúnine.

<sup>5</sup> Kéne méfwóyì gbõ yō, ápi me gblõy gbilkipú tãhkìle n yiki pépi nónó-á sō me káh-nsah tū névyé tyí ne pè káh Liyel pī. Á me névyé yōle n vi n mo pè kō pè n sah Krista tyí yō.

<sup>6</sup> Yáh ki po n sah palle Krista tyí yō gbí nēne, ápi náh tō nõhni-ñkē tir sah kè n soko n pi fõhnó kēne ké tyí sówãh.

<sup>7</sup> Yé yí-á me tyi nónó yō, yē tyile n yah n tōko à yīne sépi óle. Nte nê-à me sē ké yō ne páh me Krista tyí yō, tē yīne à kè pī yī tōle ne sō-á péle Krista tyí yō, sē ó-á ápi tōle ò tyí yō.

<sup>8</sup> Tē ñgbē tēnwenole á kō ne á yé yohnu mo yé yuku yahle. Á náh kéle á kō yé tyí yiki yīnne. Té nmo-à ki sō me ní gblõy yō sah kah mo kwéy kēpah tyí sówãh, kè náh me senne nmo tyí.

<sup>9</sup> Kè náh me á ki ne sébéy nópi sō mé n wãrki n teki n mo yé tyí à tìkìle n mo yé soko dé.

<sup>10</sup> Yé náh we di, tükù ne mäh me fíí yéle té sébéyne n teki n mo yé tyí mè n ne n no n weki fyõrì fyõrì ké soko, té mäh po yé tnô mè n pi tēnkwo-òle, wēnfì ó-á mè n ne n weki.

<sup>11</sup> Névi nê-á n yo kēpahle, tē yīne à kè pī ne sō-á ápi weki teki mo á sébéynó soko, áyáh po yé òinne sē-á á ki n weki.

<sup>12</sup> Névyé nónó-á me pé gblõy yígbíle n yo, ápi náh á nle n syãh à á gblõyne n sãh pépile. Lékám kē névyé ye péle, nónó-á pé gblõy tōko pi sãh sãh dúle à wēne n sãh kéle.

<sup>13</sup> Yīn-nsah nê-á me ápi tyí, ápi tē wo náh á gblõy gbilki n kah n mo n pi kēpah yō. Tò nê-á Liyel dahbi á gbõ, nê

gbò yõ-á á yĩni tẽ yé ùnne, ápi kɪ á gblõyne n gbilki à yĩne képahle.

<sup>14</sup> Á náh n kah n mo n pi képah yõ, á kɪ ne á kósyì po yé ùnne. Ápi ñgbò ye po yé ùnne à po Yesu Krista Nìvìnì tir yo yé tyí.

<sup>15</sup> Á náh n kah n mo n pi képah yõ, kɪ po á gblõyne gbilki no téló tò pínó yĩnne. Nte á me ké tyí ne yé yuku yahle Yesu yõ sěno soko, sōnko wān mo á tò yõ yé ùnne à yĩne yĩn-ńsáh nê-á á kō.

<sup>16</sup> Képah náh, á kɪ fẽ Nìvìnì tirlle n yo n kō tantàn téló soko nónó-á sé gblõy yépi ùnne. Á náh ñnì yó ñtẽ tò pínó toko á gblõy gbilki n pi.

<sup>17</sup> Kè me wárkínsàhnóle Liyel wey sébéy soko ne: «Névi nê-à me ké tyí ne pé pé gblõy gbilki, Tẽ ñgbě-á tyi nónó pi ápi tyí, tẽ ñ gblõy gbilki sépi yĩnne.»\*

<sup>18</sup> Névi nê-à ñ gblõyne n sō, kè náh pi á kɪ ne ñmo sō négbíle dé, Tẽ ñgbě-à névi nêne n sō, ñmo ye négbíle.

## 11

*Pole ànê névye nónó-á pé gblõyne n pi Yesu tẽntò névyele*

<sup>1</sup> Yé náh we di, mé me ké tyí ne yé ní vɪ tyi sómnó pi yah sě kwéy. Úú, yé ní sómnó pi.

<sup>2</sup> Mé me yé gbì mo sah pe nukú ó tyí, nê-á pi Kristale, kɪ po yéle à kō n pi dí tyí pí-ńkē sēnpir sō nê-á me yályál Liyel yah. Képah ye, yé tyí me ní nile n yori sō-á kè Liyel nile n yori.

<sup>3</sup> Nte tíkí me ní tẽ ne yé sōno káh po vi mo, kè po yé wró kwrónmōno pēpey mē gbekɪ ànê Kristale, sō-á wahy Awa vi tẽ lékámkām soko.

<sup>4</sup> Yé náh we di, névi yó-à po Yesu káhkí yó tyíle n yo yé tyí, nê-á me ñ gblõy áyáh nê tyí yo yé tyí, yě kè fẽ n syi. Névi yó-à po mírki káhkí yó tyíle n yo yé tyí, nê-á ké gblõy Liyel Mirkile yáh nê tyí noh ápi tyí, yě kè fẽ n syi. Névi yó-à po nìvìnì tir káhkí yó tyíle n yo yé tyí, nê-á ké gblõy Nìvìnì tirlle yáh nê tyí noh ápi tyí, yě kè fẽ n syi.

<sup>5</sup> Nte nónó-á Yesu tẽntò névye ñgbnole yé tyí yé yo, ñmo náh mó tò me fí yó we, ñyāh-á pè fónfó ñmo yõ.

<sup>6</sup> Máh kɪ sō me wey yah wé-ńkēne, pnèno tẽ wo me ní tyí à yuku Liyel tyí ùnne. Á ye képah ùkùle yé wēkɪ dal mo tyi tyi pól soko.

\* 10:17 10:17 Yah n te Nsyeremi 9.23 ; 1 Korēnti tãn 1.31.

<sup>7</sup> Máh Liyel Nìvìnì tir yo yé tyí nònóle, té n gblǒy tiki mo yé yō yō yīnne, tyípékè se pyè mé pi képahle?

<sup>8</sup> Yesu yō sēpú tĩnkínó yísyó ye yīn nímō yīnnóle n kō mé tē we pō tō pi yépi wró à yé yohnu mo.

<sup>9</sup> Máh lésō me yé tĩnne gbí nēne, yī tókù yétō lésō me n tē, nte mé náh sè syi nnî yó ntē tyí. A yūnpyé nónó-á wil Masedonì mara soko, pépi sò me n yétō yī pólle nne n kō képah ye. Tyi pól soko, mé náh sò me ké tyí ne mé pi yótókóbúle nnî yó ntē tyí, té mé kɪ tō gbah n tē n pi sē.

<sup>10</sup> Gbɪ yó-ò ye nne Krista gbò yō: nnî yó ntē náh fē yō yōnó mè wénó yah kō n pi n tyí Akayi mara pól soko.

<sup>11</sup> Kwāh nē pi té mé képahle n yo? Yé tyí náh me nō n tyí képah se? Liyel ntē pī ne yé tyí-á nō n tyí dò.

<sup>12</sup> Máh me nēne n pi yò, mé kɪ yō n soko n pi ké pínóle, kɪ névyé kurn kah nónó-á me syō-nsahle n yah n kō kɪ pé gblǒy gbilki, ne páh pi nukúle ápile.

<sup>13</sup> Kéne névyé nópíle, nósýó ye nónó-á me pé gblǒyne n pi Yesu tēntō névyele. Pè n ne n vi n sykɪ névyé yō, n té pé gblǒyne n pi Yesu Krista tēntō névyele.

<sup>14</sup> Nte képah náh me gbēndùnne dò. Yé náh we di, sétān yōtē ntē tō n gblǒyne n viri n pi yīnyō tōnpíle, nē-á me kyòo dò.

<sup>15</sup> Képah ye n tōnpɪbɪ tō-à pé gblǒyne n pi gbɪ Liyel tōnpɪbɪle, kè náh me gbēndùnne. Pè kɪ pé tō pínó lédyáhnì we n pi ké tyé-nsah soko à yīne pé tyípínne.

*Pole-á yèvyāhrɪ nónó pi Liyel tō soko*

<sup>16</sup> Mé kɪ n syi kè tō yo yé tyí ne, nnî yó ntē káh nímole n yah vɪnpíle. Nte yáh kɪ se me n sō sē, yé n tē vɪnpɪ tyí kōle, n tō mó n gblǒy we n gbilki kwéy kè.

<sup>17</sup> Nte máh kɪ nē yo n pi, mé náh me kéle n yo Tē ngbē-á me ké tyí sō dé, mé me kéle n yo vɪnpɪ tyí kōle sōnko mè n gblǒy we n gbilki.

<sup>18</sup> Névyé náhnáh-á fyò me pé gblǒyne n gbilki kèkōyó dékè tyi yīnne, nímō tō kɪ n gblǒy gbilki.

<sup>19</sup> Yépi nónó-á lékám névyele, kè yé dyo yé fē syi à vɪnpɪbɪ sómnole n pi.

<sup>20</sup> Yè n fē n syi pé kō pē yéle n pi yōbɪ tyí kōle, n té ne n sykɪ yé yō, n té yéle n yī, n té yéle n yilo, n té yé létáhlóle n kōh.

<sup>21</sup> Máh nēne n yo yò, kè me senné yé tyí. Kè ye á tēnkwlōnō wēkɪ.



Nte képah fyé yõ, ñnî-à kɪ fẽ syi ñ gblõy gbilki n pi tir yó tyí sɔkɔ, ñmɔ to kɪ fẽ sɛntɛ pi, máh kɪ sɔ me n wekɪ vɪnpɪ tyí kɔ̃le.

<sup>22</sup> Pépi-à kɪ se me Yebrenine, Yebreke ye ñmɔ tɔle. Pàh kɪ se me Yisrayel nɔle, Yisrayel ney ye ñmɔ tɔle. Pàh kɪ se me Abrahamɪ náh tãnne, ñ náh ney ye ñmɔ tɔle.

<sup>23</sup> Pàh kɪ se me Krista tɔnpɪbɪle ò, mé kɪ tɔ kè yo á kɪ ne vɪnpɪ sɔ ñne. Nmɔ tɔ pi kal pé pólle, té yèvyàhrɪ pi kal pé pólle, té de wòkònpèkè sɔkɔ à kal pé pólle, té ko syi kal pé pólle, té kũ dlo gbal gbáhyí náhnáhle à kal pé pólle.

<sup>24</sup> Nsyifunɔ ní ko yèfõh yí yõgbãm pó kwãryãhle, fók gbáhyí kwɔ.

<sup>25</sup> Wrome tãn n ko yèfõhle gbáhyí tɔnɔ.

Névyé ní minki dyèhle ke núkúle.

Krótókè tiki de yah ñne yo sɔkɔ ke tɔnɔ,

ànê yo ní yõ farkɪ yah gbɔyɔ̀kɪ núkú ànê lékãh núkú wró sɔkɔ.

<sup>26</sup> N kóló náhnáh sɔkɔ,

mé dlo gbal yrey yúkúnó kàh-ntãn sɔkɔ,

té de wil névyé yõ vɪnsyɪkɪpu dlɔnɔ sɔkɔ.

Mé sɔ me dlo sɔkɔ ní yìkɪ névyé Nsyifunɔ wró sɔkɔ,

té me dlo sɔkɔ nékãhbí wró.

Mé sɔ me dlo sɔkɔ kwil nyó,

té me dlo sɔkɔ gbɛnnɪ sɔkɔ.

Mé sɔ me dlo sɔkɔ pne yo sɔkɔ,

té me dlo sɔkɔ ní yũnpyé mɪnyobe wró.

<sup>27</sup> Mé tãnkýèh náhnáh pi à yèvyàhrɪ pi sɔkɔ. Mé yah sɔ lékãhlo náhnáhle, té kwekɪ ànê níkɪ sómno pi. Yõke yah kwɔ yah ní tyí gbáhyí náhnáhle, mé tẽ kwekɪ sɔkɔ. Mé tẽ yah vɪrɪ sɔkɔ, té tẽ yah flo kɛne ní tyí.

<sup>28</sup> Nte nê ntɛ tyí-á me tah yíí ní tyí, ní vyãh náh syi képah tyí dé: Képah nê-á pi fókósonɔ nê-á me ní sɔkɔ à yuku Yesu yõ sɛpú tɪnkɪnɔ tyí tɪnne.

<sup>29</sup> Ñnî-à me tɛnkwlɔnɔ sɔkɔ, ñmɔ to n pi tẽ tyí kɔ̃le tɛnkwlɔ-òle. Ñnî-à tyípékè pi, ké ñmɔle n yo.

<sup>30</sup> Máh kɪ sɔ me yĩne mè ní gblõy gbilki, mé kɪ ní gblõyne n gbilki ní tɛnkwlɔnɔ tyí sɔkɔ.

<sup>31</sup> Liyel nê-á Tẽ ñgbɛ Yesu Súle, ñmɔ pɪ ne mìnì náh mé n yo. Sãm ne me mónóle ñ sɔkɔ gbíme gbí.

<sup>32</sup> Máh sɔ me Damasi kwil sɔkɔ gbí nêne, yòtɛ dí Aretasi-á kwiltɛ nê wilki sah nɛnpó, ñmɔ sɔ me pè kɔ̃ pè kwil dé-ntãnne n syɪkɪ ñmɔ tẽ yĩnne.

33 Nte pè me ní dah mɔ gbétó yó sɔkɔ à wilki mɔ sétír pwàhle à tiki mɔ kwil kěnkahnune ní kɔ mé we pwah n gbò.

## 12

1 Nmɔ se yĩne mè ní gblɔyne n gbilki? Yò kě ye képahle. Nte képah fyé yò, máh wěkínó nê we, té pnénó nê we wil Tě ñgbě tyí, mé kɪ sépi tyí yo.

2 Mé Krista yò sě-ò yóle n pne, ké ye gbɔnyáh ye yò, — à yò dɔkɔ sɔkɔ yĩnyò léyy tě-nsah sɔkɔ. Ténkàh à yò dɔkɔ sɔkɔ n wil gběnsê tɔle nɪ? Ténkàh wěkínó ye à we nɪ? Nmɔ tě wɔ náh pĩ. Liyel ó ye n pne kéle. —

3-4 Gbɪ ye, mé pĩ ne dí mè-á yò dɔkɔ yuku fóó yĩnyò pal tě-nsah. Ténkàh à yò dɔkɔ sɔkɔ n wil gběnsê tɔle nɪ? Ténkàh wěkínó ye à we nɪ? Nmɔ tě wɔ náh pĩ. Liyel ó ye n pne kéle. Té à me welo yísyó noh nónó-á sè náh fě n yo, ké wěkì náh me névi tyí kɪ fě n syɪ sé yò.

5 Nmɔ kɪ fě ní gblɔy gbilki sěnkɔ névi tyí sɔkɔ. Nte mé náh ní gblɔy gbilki n pi ní tir yó ntě yĩnne né ní těnkwlɔ-ńtãn ó yĩn náh.

6 Mâh sɔ sò me ne mé ní gblɔy gbilki, mé náh n mɔ n kɔ n pi vɪnpule. Yé náh we di, gbɪ ye mé náhkɪ n yo. Nte mé me ní gblɔyne n tě képah pínóle, sɔnko yáh nê we té nê noh ní tyí, ñnî yó ntě káh pɔ ní sò kah mɔ sépi yò,

7 ànê mé káh n pɔ ní gblɔyne n gbilki wěkínó mè wénó yĩnne nê-á pɪ gbille. Fóhnó yó me sah ní mɔ wil gběnsê yò, á kɪ ne sétãn yòtě sɔ tekɪ mɔ n yĩnyò tɔnpi yóle ne à pɔ ní yah kɔ mé káh n pɔ ní gblɔyne n gbilki.

8 Mé Tě ñgbě ni ke tɔnó ne, à fóhnó mè wró gbe mɔ íne.

9 Nte à me yo ní tyí ne: «Ñmɔ-á pèpɔrɪ nê pɪ á tyí, képah kɪ yĩne ále. Á těnkwlɔnɔ sɔkɔ ye ní mɔ n wěkɪ n yíí ní tãhkìle.» Képah ye, ní mɔ me ké tyí ne mé ní gblɔyne n gbilki ní těnkwlɔnɔ wɔ sɔkɔ, sɔnko Krista tãhkì ne n me ní sɔkɔ.

10 Képah ye, Krista yĩnne máh me těnkwlɔnɔ sɔkɔ, képah náh pɪ pàh íne n gbyɔ, képah náh pɪ mâh me kwlónó sɔkɔ, képah náh pɪ pàh íne n fòh, képah náh pɪ tíkí kápékè-à me ní sɔkɔ, mè n ne n me nìvìnì sɔkɔ. N těnkwlɔnɔ gbí ye tãhkì n we ní sɔkɔ.

*Pole yáh-nsah me tye Korēnti tãn Yesu yò sěpú tyíle*

11 Mé we pɪ lékãm kě névi sɔ íne. Té képah wil yépi tyí. Yépi ye sò yĩne ní mɔ yíngbí yónóle. Yé náh we di, máh kɪ sɔ me tir yóle n pékí-ńkěne, nónó-á yé n ye Yesu těntò névyé ñgbnɔle, pè náh fónfó ní mɔ yò.

12 Gbɪ yõ, mé sómnó pɪ yé ùnne à gběndùni tyi pɪ, ànê gbìl tyi duke náhnáhle, ànê tyítáhnìne, nónó-á n wěki ne Yesu tēntò névi-á ñne.

13 Mé se Yesu yõ sěpú ùnkínó téló tɔkɔ fónfó pɪ yéle tir yó sɔkɔ? Máh yahle ne yé káh yĩn ní yínnóle képah ó náh di? Yé képah yõ mɔ ní kɔ, mé náh pɪ ple yé tyí. Yesu yõ sěpú ùnkínó téló fónfó yé yõ tir nê sɔkɔ?

14 Yé yah, ñmɔ me ní gblɔy vi te gbáhyí tɔ-ò pónó yĩnne yé ùnne, té yé náh n yĩn n pi ní yínnóle. Yé náh we di, yépi ye mé n yah n kɔ, yé gbàn yí náh. Wěnpì náh yĩne pè gbàn yíle n yah n sah pé dúbípu tyí. Dúbípú ye yĩne pè ne n yah n sah pé wěnpì tyí.

15 Nmɔ kɪ fě syi kɪ ní gbàn yí ànê ní min tɔ kɔ yépi yĩnne. Yé tyí-á sɔnpile kah nɔ ní tyí, képah se kɪ kwâh wilki ñmɔ tyínɔnɔ sɔkɔ yé tyí?

16 Gbɪ ye ñnî yó ñtē náh yĩn ní yínnóle. Nte yé túkù me n yo ne lékámkám névi-á ñne, máh yéle n yõ yínví sɔkɔ.

17 Máh nónó tɔ tekɪ mɔ yé tyí, mé se syõ pépi tyí à yé yõ?

18 Mé Tite gbah tē ne à kyɪ yé ùnne. Mé á yúnpi yó tɔ tekɪ mɔ ñne nê tyí-á lésò mé yo yé tyí. Tite se me pɔ yéle n yõ? Nmɔ sɔnɔ ànê ñmɔ tyí náh pɪ núkúle di? Á kɔ dùkù tɔ náh pɪ núkúle di?

19 Yé me n sɔ di mónóle ne ápi-á me gbɪle á gblɔyne n kɔ yépi yah sɔkɔ. Nte sě náh dé, tyi nónó-á á n yo, Liyel yah sɔkɔ ye á n yo séle á wró kwrónmɔnɔ gbò yõ Kristale. N nénónó, ápi me sé pólle n yo yépi Liyel yõ sěno yah yuku yĩnne.

20 Tíkí me ní tē ne máh kɪ pɔ yé ùnne mé káh n pɔ yé we máh me n sò sɔ, yépi tɔ káh ñmɔ we yáh me n sò sɔ. Tíkí tɔ me ní tē ne mé káh n pɔ mál we yé wró, ànê yúnwɔrí pínóle, ànê fòkònvàhnì pínóle, ànê wě fwónóle, ànê wě tyí yónkònóle, ànê yín yìkì pínóle, ànê gblɔy gbílkinóle ànê tyífě pínóle.

21 Tíkí tɔ me ní tē ne máh kɪ pɔ yé ùnne, ní Liyel káh n pɔ ní yilɔ yé wró sɔkɔ, ànê mé káh n pɔ n gbo névyé yĩnne, nónó-á lésò tyípékè pɪ ñgbòle, té pè náh me yal mɔ pɔpɔ pínóle, ànê pròprò pínóle, ànê sèn pí-ńkē tyi pínóle.

## 13

*Pole-á vinnɔnɔ tɔy ànê wey nēne Korēnti tãn kɔ*

1 N gbáhyí tǝ-ò ye n pi yé t̃inne. Tyi pól kɪ n wah à yĩne tãrfyò nɛp̃i nímí, kɛpah nãh pɪ tǝmí vyãh wɛyne.

2 N pónyahno ke ní-ò soko, mé lésò gbáhdyãh di névye tyí nónó-á sò tyípɛl pɪ soko n̄gbòlɛ ànê no tɛlò tɔ tyí. Té kweyne mé nãh mɛ yé wró, n̄te mé tǝ ké gbáhdyãhlɛ n tǝ n di yé tyí nɛ, mãh ní syi pɔ, mé nãh tǝ n̄n̄i yó n̄tɛ yãm yah n pi.

3 Yé mɛ ké tyí nɛ yé kè p̃i Krista-à kɪ mɛ n syò n̄mɔ tyí à n yo n mɔ yé tyí. Tɛnkwlɔ-ò nãh n̄nɛ yé tyí. A kɪ n̄ tɛnwɛno wɛkɪ yé wró soko.

4 Gbɪ tɛ wɔ ye, n̄ tɛnklwɔno soko ye à syi dahɪ yò. Nte à mɛ min soko Liyel tɛnwɛno gbò yò. Api wró kwrónmɔno gbò yò n̄nɛ, á tɔ mɛ tɛnklwɔno soko. Nte Liyel tɛnwɛno gbò yò, á mɛ min soko n̄nɛ.

5 Yé yé gblɔy sohlɪ n yah yè p̃i yáh kɪ mɛ yé minnɛ n pɪ Liyel yò sɛnó soko. Yé kɪ kè wɛ p̃i nɛ Krista-á mɛ yéle. Gbɪ nãh di? Kàh mó pí-n̄kɛnɛ sɛ, gblɔy sóhlɪnyahno mɛ nãh soko ké wɛkɪ yò yé tyí.

6 Nte n̄mɔ sɛnó mɛ ké yò nɛ, yáh kɪ kè wɛ p̃i nɛ Liyel yò sɛnó-á mɛ á soko.

7 Á mɛ Liyelle n ni yé tyí sɔnko yè káh tyípékɛlɛ n pɪ. Á nãh mɛ ké tyí nɛ á kɛlɛ n wɛkɪ nɛ tɛnwɛno-á mɛ á tyí, n̄te á mɛ ké tyí nɛ yé tyípɛplo ólɛ n pɪ, ápi-á sɔ mɛ tɛ klwɔ.

8 Yé nãh wɛ di, gbɪ fwo fwo tãhkì nãh mɛ á soko. Gbɪ tyí ye á mɛ n so n mɔ.

9 Api-à mɛ tɛ kwɔ gbí n̄nɛ, té yépi mɛ tɛ wɛ, ké nɛ mɛ n̄v̄n̄nɛ ápi tyí. Áyáh mɛ n̄nɛ n ni Liyel tyí kɛpah ye nɛ, yé Liyel yò sɛnó nɛ n yuku yahle.

10 Kɛpah ye n kǝ mé sɛbéy m̄nɛ n tɛkɪ n mɔ yé tyí té ní sah f̄í yéle, sɔnko máh kɪ pɔ pɔ yé t̃inne, Tɛ n̄gbɛ tɛnwɛno n̄nɛ ní kǝ, mé káh n pɔ kɛpah tɔko n peke yé yò. Yé nãh wɛ di, à kɛlɛ ní kǝ nɛ mé yé yohɪ mɔ yé Liyel yò sɛnó kǝ kè nɛ n yuku yahle. A nãh kɛlɛ ní kǝ yé tyí yɪkɪ ȳinnɛ.

11 Ké tyé-r̄sah soko ní ȳunpyé, yé tɛ n̄v̄n̄n̄i soko, yè mó gbah n tɛ n pɪ wényo-r̄sah k̄nɛ ye tyí. Yé s̄órelɛ n mɔ wɛ soko, yè mó nɛ n sah wɛ tyí yò. Yé yé minnɛ n pɪ yèv̄n̄n̄i soko, kɛpah soko tyínɔno ànê yèv̄n̄n̄i Liyel kɪ mɛ yéle.

12 Yé wɛkɪ wɛ tyí tyínɔno wɛy pɛpɛyne. Yesu yò sɛpú pól n wɛkɪ yé tyí.

13 Mé kɛlɛ n yah n kǝ Tɛ n̄gbɛ Yesu Krista tyí nɛ, à yòbènoɪ pɪ yé tyí, Liyel mó tyínɔno dahɪ yé soko, n̄ Mirki mó yé wró kwɔ n mɔ.

## Pole sébéy tékínm̄on̄ole Kalati tân tyí

Kalati tân w̄il-̀nsah kwil ȳin ye s̄ò Kolele ñgbòle. Kéne kwil ye pé n ye Frãnsile kwey m̄è s̄ok̄o. Pãh yal n̄énp̄ó, pé kyí t̄ẽ Asi mineri s̄ok̄o, k̄épah n̄ê-á pé ye Tirki yamanale kwey m̄è s̄ok̄o. Pole-á kyí kéne kwlo k̄o k̄ó gb̄í n̄êne à Nìvìnì tir yo pé tyí, névyè náhnáh f̄ẽ syi s̄ẽ Yesu ȳõ. K̄épah náh, n̄ósyó kyí pé vi t̄ẽ. Pé s̄ò m̄e kyí n yo pé tyí ne pãh ȳine pé Nsyifun̄o tyi k̄ònsàhn̄ó w̄àlle n k̄o, àn̄ê pãh ȳine pé pé d̄ínp̄ile n k̄o à ȳine s̄õ-á Moyisi tyi k̄ònsàhn̄ó yo kéle.

Pole-á kéne welo noh s̄ẽ, à sébéy w̄ark̄i tek̄i m̄o pé tyí à yo pé tyí ne, pé náh t̄õ ȳine pé ye névyè pé kyí m̄o pé k̄ó pé Nsyifun̄o tyi k̄ònsàhn̄ó w̄àlle n k̄o k̄áhkáh. Nk̄ẽ kéne tyi k̄ònsàhn̄ó gb̄ò ȳõ náh pé pí négl̄óle Liyel yah s̄ok̄o dé, Yesu ȳõ s̄énó gb̄ò ȳõ-á pé pí négl̄óle Liyel yah.

Pole sébéy tyàh-̀nsah s̄ok̄o, à k̄è yo w̄ẽk̄i dùkù n̄ê-á Yesu à ye pí ñ t̄ént̄ò névile, àn̄ê w̄áh ñ Nìvìnì tirl̄e à w̄ẽk̄i dùkù n̄êne. A t̄õ k̄è yo tole ne péw̄o àn̄ê Yesu t̄ént̄ò névyè t̄éló t̄ó-á p̄o w̄ẽ w̄e. Pé w̄ẽ w̄énó s̄ok̄o, pãh k̄è yo pé tyí ne kwónó n̄ê-á pé m̄e n pí Nìvìnì tir ȳõ, k̄áh m̄e n pí ké yah ȳõ. Yah n te Kalati 1-2.

Pole sȳõ Vyãh k̄õnó k̄edyãh w̄ey tyí, à k̄è w̄ẽk̄i ne névi n̄ê-á s̄ẽ Yesu ȳõ, t̄ẽ-á k̄i pwáhn̄m̄on̄o w̄e. Yesu Krista kúnóle dah̄n̄i ȳõ, k̄épah gb̄ò ȳõ-á pépi m̄e pé gbl̄oȳ ȳõ, pé náh t̄õ m̄e tyi k̄ònsàhn̄ó ȳõri s̄ok̄o. Yah n te Kalati 3-4.

Pole sébéy tyé-̀nsah s̄ok̄o, à ne pépi min pí dùkù-á ȳine k̄è k̄è w̄ẽk̄i ne, pãh m̄e pé gbl̄oȳ ȳõ, ȳõri s̄ok̄o náh péle. Pé ye ye Liyel Mirki pé yahle n t̄ẽ, pé káh t̄õ tyíp̄èlle n pí. Pé pé minne n pí Yesu tyí k̄òle, pé tyí mó n̄o w̄ẽ tyí.

*Pole m̄e kéle n w̄ẽk̄i ne Yesu t̄ént̄ò névi-á péle*

<sup>1</sup> Nm̄o Pole n̄ê-á Yesu t̄ént̄ò névile, mé náh pí Yesu t̄ént̄ò névile névyè gb̄ò ȳõ, k̄épah náh pí ñn̄î ȳó yòhn̄n̄m̄on̄o gb̄ò ȳõ dé. N̄te Yesu Krista àn̄ê Sú Liyel gb̄ò ȳõ ye mé pí kéle, ñm̄o n̄ê-á Yesu lékó yilki m̄o wilki lékyî s̄ok̄o.

<sup>2</sup> Nm̄o àn̄ê í yúnpyé nónó pól-á m̄e ás̄ò, ápi ye n tek̄i n m̄o sébéy m̄ène Kalati mara Yesu ȳõ s̄épú t̄ínk̄ínó tyí.

<sup>3</sup> A kéle n yah n kō Sú Liyel ànê Tě ñgbě Yesu Krista tyí ne pè yòbènrɔɔ pɪ yé tyí, pè mó yèvinune yé kō.

<sup>4</sup> Krista ye ñ gblóy kō pè à ko mo ápi tyípèl yinne, ne pé á wilki kèkōyó mè pèkè soko à yine Liyel-á me ké tyí sō, ñmo nê-á á Súle.

<sup>5</sup> Gbílkinó ne n sah ñmo yò gbímegbí. Amiina!

*Kalati tãn náh vìnóle Nìvìnì tir kō*

<sup>6</sup> Liyel nê-á ye yéle Yesu Krista pèpɔɔ gbò yò, yáh yé náh vi ñmo kō súú té tir káhkí yó sò tẽ, nê-á m̀nyobe ne kèpah-á Nìvìnì tirlè, kèpah pɪ gbèndùnìne ñmo tyí.

<sup>7</sup> Té kè náh me á kɪ ne Nìvìnì tir káhkí yó sō me dé, òò, ñte nòsyó ó ye me, nónó-á me fèkìnóle n dahbɪ yé wró soko, me n yah n kō ne pé Krista Nìvìnì tir vi mo.

<sup>8</sup> Nte ñnì yó, kèpah náh pɪ ápi nítẽ, kèpah náh pɪ yinyò tònpi yó fyé-à pɔ Nìvìnì tir káhkí yó yo yé tyí, nê-á kè náh me nùkúle ápi-á nê yo yé tyí, tẽ tyí kɪ yɪkɪ.

<sup>9</sup> A kè yo soko te, té mé kɪ tō n syi kè tō yo nùkúnúkú ne, ñnì yó-à Nìvìnì tir káhkí yó yo yé tyí, nê-á kè náh me nùkúle yáh nê fè syi soko te, tẽ tyí kɪ yɪkɪ.

<sup>10</sup> Nte nùkúnúkú, ñmo náh me n yah n kō ne névyè ñne n sō dé, mé me ké tyí ne Liyel ñne n sō. Névyè dyo yí tẽ náh ñmo n yah n kō pí-ńsahle. Kèpah-à nê sò mé n yah n kō, mé náh náhkɪ n me n pi Krista tònpule.

*Pole-á pɪ Yesu tẽntò névile dùkù nêne*

<sup>11</sup> N yúnpyé, mé kéle n yo n dal n mo yé tyí ne, Nìvìnì tir nê-á mé yo yé tyí, kè náh wil névyè tyí dé.

<sup>12</sup> Névi náh yo n syah kéle, ñnì yó nítẽ náh mó tō kwo ñne kéle. Nte Yesu Krista ye n wèkɪ kéle.

<sup>13</sup> Nmo-á sò me Nsyifunò Liyel nínó wèkìle n ko gbí nêne, máh sò me n pɪ dùkù nêne, yé ké tyí yónó noh. Mé sò me Yesu yò sèpú tìnkìle n kah n fòh, fóó me n yah n kō pé duku tó-ńsahle.

<sup>14</sup> Mé sò me á kō Nsyifunò náhnáh yah tìnne ápi Nsyifunò Liyel nínó wèkì kóló soko. Mé sò me gbah tẽ kal péle kéne wèkì kóló soko, kèpah nê-á á súbí wèdyàhle.

<sup>15</sup> Nte Liyel ye ñmo yah tɔko n dúbí-ńkè gbí dùkùle, té n ye n tō pɪ yinne n pèpɔɔ gbò yò.

<sup>16</sup> Té wáh pɔ kè yah tɔko à n Pídine n wèkɪ, té ne mé n tyíle n yo n kō névyè tyí nónó náh pɪ Nsyifunòle, káh pɪ sè, mé náh kyɪ vɪnmɔnɔ yah kō ñnì yó nítẽ tyí.

17 Mé nãh mó tã doko yuku Yerusalemu soko à kyi wil Yesu tẽntõ névye tyí nónó-á tã tyah ñmõ yah dé. Mé yõ soko Arabi yamana ñgbò soko. Képah nãh, mé ní syi pò Damasi kwil soko.

18 Tẽ ye tãnó sókónteno nãh, mé kyi Yerusalemu soko, á kyi wẽ we pĩ ànê Pyerile, té tẽ ñne wẽ tyí à sèpìn gbõnkwló pĩ.

19 Nte à wil ñmõ ànê Tẽ ñgbẽ gbẽndí Nsyaku tyí soko, mé nãh tã Yesu tẽntõ névi yó ñtẽ we.

20 Tyi nónó pól-á mé n wãrki n teki n mõ yé tyí yò, Liyel ye ñmõ tàrfyòle ne mìnì nãh mé n yo.

21 Képah nãh, mé me soko Siri yamana ànê Silisi mara soko.

22 Nte Nsyude mara Yesu yõ sèpú tĩnkínó nãh sò me ñne n pne yí yah.

23 Pè sò noh óle ne, névi nê-á sò n fõh péle ñgbòle, wãh me ñ syi Krista yõ sèñó tyíle n yo, képah nê tyí-á lésõ à n yah n kã yíkí-ñsahle.

24 Képah soko, pè sò me Liyelle n gbilki ñmõ tyí soko.

## 2

*Yesu tẽntõ névye wẽ wénóle Yerusalemu kwil soko*

1 Képah nãh, ye gbõnyãh sókónteno soko, mé tã yuku Yerusalemu kwil soko ànê Barnabasile. Mé Tite tã tẽ dohni ní gblõy yõ à soko.

2 Liyel ye wẽki ñne tir yóle ní kã mé doko yuku Yerusalemu soko. Té máh tã nê pi soko te, ànê máh me nê pínó soko, mé nãh sò me ké tyí ne sè pi yòkãñne. Képah yinne, máh yini tẽ, mé kyi wil Yesu yõ sèpú yah tãm tyí pé yahle, té máh Nìvìnì tir yo dùkù nêne névye tyí nónó nãh pi Nsyifunole, mé ké yah yo pépi tyí.

3 Nte ñmõ kó-ò Tite nê ñtẽ-á Nsyifu nãh ñne, pè nãh à kyí mõ à kã à kòkè kò.

4 Á yũnpyé nétúkúnì yísyó sò me ké tyí ne Tite kòkè kò. Pépi ye sò pò de fẽki á wró soko, Yesu Krista-á pò á we wilki tyi kònsàhnó yõri nê soko, képah ségló ye pè pò yáh-ñsah té me ké tyí ne pé á tã dahbi kéne yõri soko.

5 Nte ápi sò me ké tyí ne Nìvìnì tir nê-á gbule, kè tẽ ké dùkùle yépi yinne. Képah ye, á nãh kè fẽ syi pé tyí. Á nãh sah pé tyí yõ kwéy ñtẽne.

6 Nte nónó-á no me n yah yah tãmne, yín-ñsah nê-á sò me pé tyí, képah nãh me tir yóle ñmõ tyí. Liyel nãh ñnì yó

ńtẽne n toko fõnfõne n pi ñ ní-òle dò. Kéne névye nópi ńtẽ to nãh mó tir yó we yo dohni ní Nìvìnì tir yónó yõ.

<sup>7</sup> Nte pè pyè kè we pi ńtẽne ne, Liyel-á kè dahbi ñmo gbò ne mé Nìvìnì tirlè n yo névye tyí nónó nãh pi Nsyifunole, sõ-á à kè dahbi Pyeri gbò ne à kéle n yo Nsyifunò tyí.

<sup>8</sup> Yé nãh we di, Liyel nê-á pi Pyerile tẽntò névile Nsyifunò tyí, ñmo ó ye pi ñmo tole tẽntò névile névye tyí nónó nãh pi Nsyifunole.

<sup>9</sup> Képah sokò, Nsyaki ànê Pyeri ànê Nsyõpi nónó-á yah tãmne Yesu yõ sèpú ònkì sokò, pépi me kè pi ne Liyel-á pi ní tyí yòbènrile à ní dah mo tò mè pínó sokò. Kãh pi sè, pè me yuku pò gbã dahbi wèki ñmo ànê Barnabas tyí, à kè wèki ne á pól-á pi tò núkú pípule péle. Képah tẽne, á me yo sah núkú yõ péle ne, ápi-á ki á yah mo névye ònne nónó nãh pi Nsyifunole, té pépi ki mó pé yah mo Nsyifunò ònne.

<sup>10</sup> Té pè kè yah kõ á tyí wole ne, á á dyò sah ne n kwne pépi Yesu yõ sèpú ònkì yã tãn tyíle Yerusalem sokò. Pãh kè yo sõ, képah ye mé me n pi ní ni pólle.

*Pole me lékãhle Pyerile n kõ Antyosyi kwil sokò*

<sup>11</sup> Képah nãh, Pyeri-á pò pò Antyosyi kwil sokò gbí nêne, à pí-ńkè tyi pi. Kãh pi sè, mé lékãhle à kõ no pól yí yah.

<sup>12</sup> Yé nãh we di, gbí nê-á lésò Nsyaki tẽntò névye nãh tònì me pò Antyosyi sokò, Pyeri sò me n yõ wè tyí ànê á yúnpyé Yesu yõ sèpúle, nónó nãh pi Nsyifunole. Té no nópi-á fyò pò yini tẽ, à núkú ñ gbe á yúnpyé Yesu yõ sèpú nópile, nónó nãh pi Nsyifunole. A nãh tõ me n yõ péle wè tyí Nsyifunò yah tíki tẽ tyí.\*

<sup>13</sup> Nsyifunò téló to mó kõ ñ nãh pí-ńkè tyi nópi pínó sokò, fókò pè Barnabas ńtẽ to yò yiki mo ké sokò.

<sup>14</sup> Nte Nìvìnì tir nê-á gbule, máh fyò pò kè we ne pè nãh me n kò képah wèki yõ, mé núkú yo Pyeri tyí no pól yí yah sokò ne ńkè: «Áwo nê-á Nsyifule, wãh pò ásò sokò, á á nãh vi Nsyifunò tyi kònsàhnó wãl kõ, té n kò á yúnpyé Yesu yõ sèpú tyí kòle nónó nãh pi Nsyifunole. Té yõ nê yõ me, á ki pò pépi wole n kyĩ n mo n mo Nsyifunò tyi kònsàhnó wãl kóló sokò núkúnúkú wé?»

\* **2:12** 2.12 - Nsyifunò yah tíki pínó nê tyí-á n yo ásò yò, Nsyifunò pól nãh pè n ye dé. Pé nónó-á sè Yesu yõ, té mó tõ me ké tyí ne Nsyifunò tyi kònsàhnó wãl ne n kò kãkãh, pépi ye pè n ye.



15 Gbɩ tẽ wɔ ye Nsyifunɔ ye ápile á wɩl-̀nsah sɔkɔ, nékáhbi náh ále pépi nónó-á pè n ne n ye Moyisi tyi kònsàhnó dèl pípúle.

16 Nte á pól pĩ ne Moyisi tyi kònsàhnó wàl kóló náh fẽ névi yó n̄tẽ pɩ négbíle Liyel yah sɔkɔ, fókó névi nê ó-à sẽ Yesu Krista yõ. Ápi tɔ me ké tyí ne á pɩ négbíle Liyel yah sɔkɔ Yesu Krista yõ sɛ́nó gbò yõ, té kè káh pɩ ne Moyisi tyi kònsàhnó wàl kóló pèpɛy gbò yõ sõ. Nn̄i yó n̄tẽ náh se fẽ n pɩ n pi négbíle Liyel yah sɔkɔ, képah gbò yõ té. Nte á pól pĩ ne Moyisi tyi kònsàhnó wàl kóló náh fẽ névi yó n̄tẽ pɩ tómm Liyel yah sɔkɔ, fókó névi nê ó-à sẽ Yesu Krista yõ. Ápi tɔ me ké tyí ne á pɩ tómm Liyel yah sɔkɔ Yesu Krista yõ sɛ́nó gbò yõ, té kè káh pɩ ne Moyisi tyi kònsàhnó wàl kóló pèpɛy gbò yõ sõ. Nn̄i yó n̄tẽ náh se fẽ n pɩ n pi tómm Liyel yah sɔkɔ, képah gbò yõ té.

17 Nte áyáh n yah n kō pí-̀nsahle tómm Liyel yah sɔkɔ á wró kwrónmɔnɔ gbò yõ Kristale, té kè kè wɛkɩ ne Moyisi tyi kònsàhnó dèl pípú-á ápi tɔle, képah se yó n wɛkɩ ne Krista-á á mɔ tyípékè pínó sɔkɔ? Pólle!

18 Nmɔ-à n̄tyínɔ ní náh vi Moyisi tyi kònsàhnó wàl kō, té tō pɔ ní syi pɔ séle n kɔ à, mé náh ní gblɔy wɛkɩ sé dèl pí-̀òle di?

19 Moyisi tyi kònsàhnó wàl kóló tyí t̄inne, ní mɔ me ne kókè sõ n̄ne. Moyisi tyi kònsàhnó n̄tẽ ye pɩ képahle ní kō mé ní minne n we n pɩ Liyel tyí yõ. Nmɔ àn̄ê Kristale, á t̄ó ye syi dahɩ yõ wẽ tyí.

20 Mé sɛ́nsõ me min sɔkɔ ó, n̄te ní mɔ náh n tẽ ní gblɔy yahle dé, Krista ye n tẽ ní yahle. Máh min sɔkɔ wil gbɛ́nsɛ́le ní tyí núkúnúkú yò, mé me ní min pólle n pɩ Liyel Pídí Krista yõ sɛ́nó sɔkɔ, ní tyí-á nɔ n̄mɔ n̄é tyí, fókó à fẽ syi pè à ko mɔ ní mɔ ȳinne.

21 Yé náh we di, káh sò me pɩ ne névi-á kɩ fẽ pɩ négbíle Liyel yah Moyisi tyi kònsàhnó wàl kóló gbò yõ, yõ se náhkɩ sò me Krista kúnó tyí? Nmɔ náh Liyel pèpɔrɩ yahle n pi dé!

### 3

#### *Pole-á Kalati mara tãn yah yo òkù n̄ne*

1 Kalati mara tãn, yé lékám tɛkɩ kah mɔ; n̄é yɩkɩ yé yòle? Té Yesu Krista dahɩ yõ kúnó tyí mó tō yo wah yé wɛkɩ palle.

<sup>2</sup> Nê ó-á mé me ké tyí ne mé piki yah yé tyí képah ye yò. Tyi kònsàhnó wàl kóló gbò yò se yé we Liyel Mirkile? Jú dé, Nìvìnì tir yò sě́nó gbò yò ye yé we kéle.

<sup>3</sup> Yé lékám tékínó se yīni tē nénpó tyí? Yáh nê tyah Liyel Mirki tǎhkile, yé se me n sō ne yáh kɪ fē kè syi yé yěngbē tǎhkile?

<sup>4</sup> Nte à, tyi nónó pól sɔkɔ-á yé de wil sɔkɔ, sè se pɪ yò kēne? Sè náh fē n pɪ n pi yò kēne dé.

<sup>5</sup> Liyel nê-á yé kō ñ Mirkile, té me gbɪl tyile n pɪ yé wró sɔkɔ, yé tyi kònsàhnó wàl kóló yīn se à n pɪ kéle? Jú dé, Nìvìnì tir yò sě́nó yīn ye.

<sup>6</sup> Kè me yónóle Liyel wey sébéy sɔkɔ ne níkē: «Abrahmɪ tē wɔ sē Liyel yò, képah yīnne à pɪ négbile Liyel yah sɔkɔ.»\*

<sup>7</sup> Yé yīne yè kè pī ne níkē, Yesu yò sēpú-á Abrahmɪ náh tǎnne.

<sup>8</sup> Liyel kè yo Abrahmɪ tyí ne: «Mé kɪ syò áwɔ tyí kɪ sām mɔ yīkɪnì pól sɔkɔ.»† Képah ye, kè lésò me wǎrkínsàhnóle Liyel wey sébéy sɔkɔ ne, névyé nónó náh pɪ Nsyifunóle, Liyel-á kɪ pè pɪ tómm Liyel yò sě́nó gbò yò.

<sup>9</sup> Sǎ-á Abrahmɪ sē Liyel yò té à me sām mɔ ñ sɔkɔ, sē ye névi nê tɔ-à sē Yesu yò, Liyel kɪ sām mɔ tē sɔkɔ ñmɔ tyí kòle.

<sup>10</sup> Kè me wǎrkínsàhnóle Liyel wey sébéy sɔkɔ ne, névi nê-á tyi kònsàhnó tyíyónó pól wàlle n kó-níkēne, pèkè-á me tē yò.‡ Képah ye, nónó pól gbò sàhnó-á me tyi kònsàhnó wàl kóló ó yò, pèkè me pé yò.

<sup>11</sup> Kè me wǎrkínsàhnóle Liyel wey sébéy sɔkɔ ne níkē: «Liyel yò sě́nó gbò yò ye tómm kɪ min yèsyìkì we.»§ Képah ye, kè me pikínóle ne ñnì yó ñtē náh fē n pɪ n pi tómm Liyel yah sɔkɔ tyi kònsàhnó gbò yò.

<sup>12</sup> Nte tyi kònsàhnó wàl kóló náh me núkúle Yesu yò sě́nóle dò. Kè me wǎrkínsàhnóle Liyel wey sébéy sɔkɔ ne, névi nê-à tyi kònsàhnó wàlle n kɔ, sépi gbò yò-á tē kɪ me min sɔkɔ.\*

<sup>13</sup> Krista ye ápi yò dwe wilki tyi kònsàhnó pèkè gbò, wǎh sǒnpí fē syi pèkè twah ñ yò ápi yīnne. Kè me wǎrkínsàhnóle Liyel wey sébéy sɔkɔ ne, pàh névi nê gbél séswo tyí, pèkè-á me tē yò.†

<sup>14</sup> Sē ye kè pɪ té sām nê-á mɔ Abrahmɪ sɔkɔ, Yesu Krista gbò yò, kè yīni tē névyé tyí nónó náh pɪ Nsyifunóle. Té

\* **3:6** 3.6 - Yah n te Yenest 15.6. † **3:8** 3.8 - Yah n te Yenest 12.3. ‡ **3:10** 3.10 - Yah n te Tǒnyono 27.26. § **3:11** 3.11 - Yah n te Yabakuki 2.4. \* **3:12** 3.12 - Yah n te Levitiki 18.5. † **3:13** 3.13 - Yah n te Tǒnyono 21.23.

Krista yõ sãnó soko ye ápi Liyel Mirki we, Liyel-á ñ vyãh kõ nê tyí soko.

*Moyisi tyi kònsàhnó nãh fẽ n po Liyel vyãh kõnó vi n mo n pi*

<sup>15</sup> N yũnpyé, mé kɪ wey mè yo kɪ yĩne névyé pɪ dùkùle. Sõ-á névi-à ñ foko wekɪ ñ kú-ńkẽ soko, tyi nónó-á ríkẽne tẽ n yo, ñnɪ yó ńtẽ nãh sé dùkùle n ko n pne, képah nãh pɪ kɪ fẽ kwãh dohnɪ sé yõ.

<sup>16</sup> Ɔhõ, sẽ ye Liyel vyãh kõnó tɔle Abrahamɪ ànê ñ nãh ney tyí. Kè nãh yo ne Liyel-á ñ vyãhle Abrahamɪ ànê ñ nãh tãn kõ, á kɪ ne ñ nãh tãn sõ me dò dé. Kè yo ne, ñ nãh ney-á. Képah n wẽkɪ ne nénúkù tyí-á n yo, nê-á pɪ Kristale.

<sup>17</sup> Yé yah, nê-á sò mé me ké tyí ne mé yo kè we yò. Liyel-á sò ñ vyãh kõ sah tir nê tyí soko, ye kyeyéh yõgbãm sókóntenɔ nãh, Moyisi tyi kònsàhnó nãh fẽ n po képah ko kè kõ kè n pɪ n pi yõ kẽne dò.

<sup>18</sup> Yé nãh we di, Liyel-á ñ vyãh kõ pèpɔɪ nê tyí soko, képah-à me n we n pne Moyisi tyi kònsàhnó wãl kóló gbò yõ, vyãh kõnó gbò yõ nãh mó tã kè n we dò. Nte Liyel vyãh kõnó gbò yõ ye à pèpɔɪ pɪ Abrahamɪ tyí.

<sup>19</sup> Nte tir nê yĩn me Liyel tyi kònsàhnóle á kõ? A sò képahle á kõ dohnɪ, nê-á kɪ sò ñ dël tyile ále n wẽkɪ, pópó kɪ po nɔ Abrahamɪ nãh ney dúbínó tyí, Liyel-á lésõ ñ vyãh kõ nê tyí soko. Yĩnyõ tònɔɔɔ ye sò syõ wey syĩnyo-ò‡ tyí, à tyi kònsàhnó mène névyé kõ.

<sup>20</sup> Té kãh nénúkù óle, á se kɪ fẽ ne ney po de yo ñ wrò soko? Nte Liyelle, núkú ó ye ñne dò.

<sup>21</sup> Képah se n wẽkɪ ne Moyisi tyi kònsàhnó-á me Liyel vyãh kõnóle n fwo? Pólle! Kãh sò me pɪ ne tir kònsàhnó yó sò névyé kõ, nê-á kɪ sò fẽ pé min pwah mɔ, névyé nãhkɪ sò fẽ pɪ tómm Liyel yah soko kéne tir kònsàhnó gbò yõ soko dò.

<sup>22</sup> Nte Liyel wey ne ríkẽ, kèkõyó névyé pól-á me tyípéké mɔ soko. Kãh pɪ sẽ, Liyel-á ñ vyãh kõ tir nê tyí soko, à kɪ kéle Yesu yõ sèpú kõ pé sãnó gbò yõ Yesu Krista yõ.

<sup>23</sup> Krista yõ sãnó gbí-á pópó n se, á lésõ me Moyisi tyi kònsàhnó ñgbò gbò sò soko à légbíne n sykɪ.

<sup>24</sup> Kãh pɪ sẽ, Moyisi tyi kònsàhnó ye lésõ n wẽkɪ ále wẽkɪ pèpeyne, pópó à po yĩni tẽ Krista pónó tyí, á kõ á we pɪ tómm Liyel yah Krista yõ sãnó gbò yõ.

‡ 3:19 3.19 - Wey syĩnyo-ò nê tyí-á n yo ásò soko yò, Moyisi ye.

25 Nte Krista yõ sě́nó gbí-á fyò se te, tyi kònsàhnó vyãh de á yah tě́nó tyí sòkò.

26 Núkúnúkú, Yesu Krista yõ sě́nó gbò yõ, yépi pól pı Liyel wěnpıle.

27 Yépi nónó pól-á wel wilki ni sòkò, yé pı núkúle Kristale. Krista pı òkù ye yé sòkò tótó.

28 Képah ye, kè se Nsyifu ò, kè se névi nê náh pı Nsyifule ò, kè se yõ ò, kè se névi nê náh pı yõle ò, kè se dí ò, kè se sé ò, núkú ye yé pólle yé wró kwrónmòno gbò yõ Kristale.

29 Té yáh fyò pı Krista tyíle, Abrahamı náh tãn ye yéle nónó-á kı pèpòrı we n pi, à yĩne Liyel-á ò vyãhle Abrahamı kò sò.

## 4

1 Mäh me nêne n sò, kè we yò: Gběnyò-à me wěnpıle gbí nêne, à n ne me núkúle yõle ò tahrı nété fyé yah yõ.

2 Káh pı sě́, ò tě́nsàhpu ànê ò tyi yah wàhpu n ne n yah n dah n mò ò tyí sòkò, pópó ò pò n nò ò yah syíkínó gbí tyí, ò sú-á nê yah tòkò sah.

3 Sě́ ye, gbí nê-á ápi tò lésò me wěnpı sò, á lésò me kò kèkòyó tyi náh, té me pı tẽ yòbule sé tyí.

4 Nte gbí nê-á sò Liyel syıkı tẽ, légbí-á pò nò, à ò Pídí tekı mò kèkòyó. Pídí mè pò dubi sé yó tyí, té sò me Nsyifunò tyi kònsàhnó wàlle n kò,

5 névye yõ we n dwe n wilki yĩnne Nsyifunò tyi kònsàhnó wàl kóló yòrı sòkò, ànê á pól we n pı yĩnne Liyel wěnpıle.

6 Nte ò wěnpı ye ntyínó yéle kè. Yé náh we à ò Pídí Mirki dah mò á pól nno sòkò, nê-á nkěne á kò à n ne n yo yĩnpò ògběne ne: <Bò, nımò Sú!>\*

7 Káh pı sě́, yòbı náh tò ále; Liyel pye ye ále. Té áyáh pı ò pyele sě́, képah ye ápi tò kı pèpòrı we nımò tyí.

### *Pole yáh-ńsah tyénóle Kalati tãn tyíle*

8 Ngbòle, gbí nê-á yé náh lésò me Liyelle n pne, yé lésò me yòrıle n pı yí yísó tyí sé gbílkinó sòkò, té Liyel náh se mó tò séle sé wıl-ńsah.

9 Nte núkúnúkú, yé Liyel pı. Té mé kı tò fẽ yo ne Liyel-á n pne yépile nkě. Yé se tò yĩne yè yé syı n tò n de kéné yòrı sòkò, yè kéné yõ kě yıle n gbilki sépi nónó-á sohki kěne?

10 Yé me sèpın, ànê nıwóló, ànê tyi tókù pı gbí, ànê ye wo tókùle n mò n kò.

\* 4:6 4.6 - Bò, nımò Sú nê-á Liyel Mirki á kò á n yo ásó sòkò yò, á dyo ye kè n to n kò ne Liyel-á á Súle.

11 E! Yé tyí me n̄mɔ yáh-ńsah tye dé. Máh yèvyãhrı t̄ò nê pı yépi yinne, kè náh n pı n pi n̄nóle lé?

12 N̄mɔ ní gbl̄ɔy pı yépi tyí k̄ɔle. Képah ye ní yũnpyé, mé yéle n ni ne, yépi t̄ɔ yé gbl̄ɔy pı n̄mɔ tyí k̄ɔle. Yé náh pı de yah ní tyí dò.

13 Yépi n̄t̄e p̄ı ne, N̄vìnì tir yónó gbenne yé tyí, yam gb̄ò ȳò-á mé we yo kéle yé tyí.

14 Té ní wil gb̄ensê yam mè yáhnó náh s̄ò me nɔ. Té képah fyé ȳò, yé náh f̄e syi ní yilo, yé náh ní sohlı. Nte yé pyé ní t̄ɔ sah t̄e Liyel ȳinȳò t̄onpı yó s̄ò n̄ne; á kı ne Yesu Krista n̄t̄e s̄ò n̄ne.

15 N̄vìnì lés̄ò me ȳı̄ yé s̄okɔ légb̄ine. Té n̄yãh me yé mɔ kéne n̄vìnìne n̄kúnúkú wé? Mé kéle n yo kègbı ȳò ne, kàh s̄ò me f̄e n pı n pi, yáh náhki s̄ò me yé yí gbahı wilki ní k̄ɔ.

16 Nte n̄kúnúkú, ní gbı yónó yinne yé tyí, mé kı pı yé sépele lé?

17 N̄s̄yó me gbah t̄e ne páh me yé s̄ò t̄e, n̄te yé tyí s̄onɔ pèplo náh me pé s̄okɔ dé. Pè me ké tyí ne pé n̄mɔ ànê yépi wr̄ó gbekı, yépi mó gbah t̄e pépi s̄ò t̄e.

18 Yáh gbah t̄e tyípèplo s̄ò t̄e gb̄imegbı, tyípép̄ey ye kéle. Té kè náh ȳıne kè ne n pı yáh n̄mɔ we gbı nê óle dé.

19 N̄ w̄enpı, mé t̄ɔ me n kwlo yé tyí s̄okɔ kúrnt̄es̄e s̄ò, pópó kı pɔ nɔ gbı nê-á yé pı òkù kı vi mɔ pı Krista tyí k̄ɔle.

20 Nte ní yáh-ńsah me tye yé tyíle. Képah ye, mé s̄ò náhki n̄ gbl̄ɔy we yé wr̄ó s̄okɔ n̄kúnúkú n̄t̄ene, mè tyi nópi we n yo yé tyí òkù yóle.

*Gbl̄ɔy ȳò ménó se f̄onf̄ó, t̄ı, ȳorı se f̄onf̄ó?*

21 Yépi nónó-á me n yah n k̄ɔ t̄onk̄ò-ńsahle Moyisi tyi k̄onsàhnó náh, yé se kı f̄e yo n̄mɔ tyí ne kãh tyi nónó yo, yé náh sè we noh?

22 Kè me wárkínsàhnóle Liyel wey sébéy s̄okɔ ne, w̄enpı n̄épı ními-á lés̄ò me Abrahamı tyí. Núkúle, ȳò pi Akar pídı-á, ní-ò me Sara pídıne, nê-á ȳò náh n̄ne.†

23 Piri nê-á pɔ dubi ȳò pi Akar tyí, n̄mɔ dubi à ȳıne névi ȳòtàhsyi yáhnt̄ok̄onle. Nte piri nê-á pɔ dubi Sara wɔ tyí, n̄mɔ dubi à ȳıne Liyel-á s̄ò n̄ vyãh k̄ɔ s̄ò.

24 Tyi nópile yò kè; tir yó ye sè ále n w̄ekı. Syó nópi tyi me yégbékè kw̄rónm̄onɔ duke nínóle ále n w̄ekı. Akar ye yégbékè kw̄rónm̄onɔ gbenne, nê-á we Syinayi ȳòlı ȳò. Ȳòbı ye n̄mɔ me n dubi n mɔ.

† 4:22 4.22 - Yah n te Yenest 16 ; 17 ; 21.

25 Nmɔ ye Syinayi yǒlile, nê-á me Arabi yamana sɔkɔ. Á kɪ fẽ à tokɔ sãh Yerusalemɪ kwille kwey mɛ sɔkɔ. Yé náh we di, Yerusalemɪ kwil tɔ me yǒri sɔkɔ ànê ké névyele.

26 Nte Yerusalemɪ nê-á me yĩnyõ, képah náh me yǒri sɔkɔ. Képah ye ápi yúne.

27 Yé yah, kè me wárkínsàhnóle Liyel wey sébéy sɔkɔ ne nkẽ:

<Ne n me nìvìnì sɔkɔ píkànsè, áwɔ nê-á á náh sò me pile n we.

Ne n syɔ n wilki n mɔ nìvìnì tẽ tyí, áwɔ nê-á á náh pi dúbínó yónó pĩ.

Yé náh we di, sê yáhlensàhnó pye kɪ dò kal pètẽ tyíle.>‡

28 Nte yépi wɔle, ní yúnpyé, yé dubi à yĩne Liyel vyãh kǒnóle, sǒ-á Yisakile.

29 Piri nê-á lésõ dubi à yĩne névi yõtãhsyi yáhtɔkɔnɔle, ñmɔ lésõ me ñ ní-òle n fõh, nê-á dubi Liyel Mirki gbò yõ. Té sẽ ó ye kéle kwey mɛ tɔ sɔkɔ.

30 Nte sǒ me Liyel wey sébéy yo wé? Kè ne nkẽ: <Yõ pi pídí náh yĩne gbẽkɪ yónóle wẽ tyí pídí yóle, nê yú náh me yõle. Képah ye, yõ pi yĩni ànê ñ pídí tɔle.>§

31 Kãh pi sẽ, ní yúnpyé, yõ pi pye náh ápile dé. Sê nê pye-á ápile, yõ náh ñne.

## 5

*Yé se kɪ yé syɪ de yǒri sɔkɔ ñtõ?*

1 Krista me ké tyí ne á ne n me á gblõy yõ sɔkɔ, képah ye à kǒ à á wilki yǒri sɔkɔ. Té yé yé tah n sah, yé káh n tǒ yé syɪ n de yǒri sɔkɔ.

2 Nmɔ Polele, yé noh ní tyí yò: Yáh kɪ kòkè kǒ, Krista náh tir yó pekɪ n pi yé tyí.\*

3 Mé kéle n yo yé tyí ñtõ ne, névi nê tẽ-à kɪ fyò kòkè kǒ, wãh kɪ Moyisi tyi kǒnsàhnó pól wãlle n kɔ káhkáh.

4 Yépi nónó-á me n yah n kǒ ne yé pi néglóle Liyel yah Moyisi tyi kǒnsàhnó wãl kóló gbò yõ, yé gblõy ye yé gbe Krista náh. Yé vyãh náh tǒ me Liyel pèporɪ tyí sɔkɔ.

‡ 4:27 4.27 - Yah n te Yesayi 54.1. § 4:30 4.30 - Yah n te Yenesɪ 21.10. \* 5:2 5.2 - Kòkè kǒnó nê tyí-á Pole n yo ásõ sɔkɔ yò, kè náh me á kɪ ne à sǒ ne kòkè káh ne n kǒ dé. A ne névi nê-à ñ sǒnɔ sah kòkè kǒnó yõ ne képah-á kɪ pé pu négbule Liyel yah, Krista náh tir yó pekɪ n pi tẽ tyí.

<sup>5</sup> Ápi tẽ wõle, á me ké tyí ne á pi négbólõle Liyel yah soko ñ yõ sě́nó gbò yõ. Képah sōnó ye Liyel Mirki dahbi ápi soko, tẽ á me kéle n deki náhnáh.

<sup>6</sup> Yé náh we di, névi nê wró tẽ-à fyò me kwronmɔnɔle Kristale, tẽ kòkè kò ò, tẽ náh kòkè kò ò, tir yó náh képahle. Nê-á ké yõle, Liyel yõ sě́nó yĩne kè ne n wěki tyi pi dukù soko, tyínɔnɔ soko.

<sup>7</sup> Yé lésõ me n yuku yahle palle. Nte nê tẽ ó pɔ kò yé yahle yé kò yé gbɔ wěkì fin mɔ wé?

<sup>8</sup> Liyel nê-á yé ye pi ñ tyile, ñmɔ tẽ wɔ náh se yiki yé yõle té.

<sup>9</sup> Pè náh ne kókónó kwéy ó-á n dokɔ mífáhkì pólle di?

<sup>10</sup> Té sépinɔ pól soko, ñmɔ gbò sàhnó me yé yõ Tẽ ñgbě gbò yõ ne, yé náh n fě n syi káhkì vi n pi. Nte névi nê-á n yiki yé yõle, tẽ-à ké se me nédukú nêne, fóhnó kɔ n sah n pi tẽ yõ.

<sup>11</sup> Ñmɔ tẽ wõle ní yúnpyé, kàh sò me pi ne kòkè kónó tyí sò tã mé me gbah tẽ n yo ne kè ne n pi, yõ se náhki me ké tyí pè ñne ne n fõh ñtõ? Kègbɔ yõ, képah tyí-à tã sò ne mé me gbah tẽ sě, Krista dahni yõ syínó se náhki me yõ yíkinóle ñnì yó n tẽ tyí ñtõ?

<sup>12</sup> Nónó-á n dahbi fěkinóle yé wró, pè káh yĩn kòkè kónó ó tyí dé, pè pé tyínó kòli n to pnépné ñtẽne kè.

<sup>13</sup> N yúnpyé, gblõy yõ we n tẽ yĩn ye Liyel ye yéle. Nte yé káh núkú sah képah yõ, yè mó yé dyo dyo tyile n pi dé. Yé wěne ne n yohni n mɔ tyínɔnɔ soko.

<sup>14</sup> Yé náh we di, Moyisi tyi kònsàhnó tyi pól ye tir kònsàhnó núkú mè tuke mɔ yo ke núkúle ne ríkè: «Á ní-ò tyí yĩne kè nɔ á tyí á gblõy tyi kòle.»†

<sup>15</sup> Nte yáh wěne n nwáhki, té wěne n kɔ sě à; yáh kɔ yé gblõy tẽ-ńkẽne, yé kɔ pɔ wě tyí yiki.

<sup>16</sup> Yé noh ní tyí yò: Yé ye Liyel Mirki yé yahle n tẽ. Képah soko, yé náh tã yé gblõy dyo yĩ tyi pi n pi.

<sup>17</sup> Yé náh we di, névi gblõy dyo yĩ tyile, Liyel Mirki dèl tyi ye sépile. Liyel Mirki tɔ dyo yĩ tyi-á mó tyi nónóne, névi dyo yĩ tyi náh sépile. Té sépi tẽ-á pi wě sépébilé sě, képah ye yé kò yé náh yé gblõy dyo yĩ tyile n pi n pne.

<sup>18</sup> Nte Liyel Mirki-à kɔ fyò yé yahle n tẽ, tyi kònsàhnó vyāh kɔ de yé tyí soko.

† 5:14 5.14 - Yah n te Levitiki 19.18, ànê Marki 12.31, ànê Likyi 10.27.

19 Nte á gblöy dyo yíi tyi-á tyi nónóne, á pól séle n pne. Sè we yò: fòfíkì pínóle, pǒpǒ pínóle, ànê pròprò pínóle,

20 ànê sãh fálnóle, ànê kló pínóle, ànê népékè pínóle, ànê mékì pínóle, ànê yúnwǒrí pínóle, ànê foko vyáhnóle, ànê wě fwónóle, ànê gbékínóle, ànê gbékínóle fùntinne,

21 ànê yíwilkìle, ànê sètèni pínóle, ànê yèwò pínóle, ànê sé sēnkno dukele. Mé ké gbáhdyáhle n di yé tyí, máh sò kè di sah soko yé tyí ñgbò dukùle sò ne, névyè nónó pól-á n pi sētēne, pé soko yó ntē nãh n de n pi Liyel tǒrí soko.

22 Nte tyi nónó-á n pi Liyel Mirki yah tēnó soko, sè we yò: Tyínɔnɔle, ànê nìvìnine, ànê yèvinine, ànê sómnole, ànê pèpɔri pínóle, ànê yãm yáhnóle, ànê gbi wěkì kólóle,

23 ànê gblöy yele, ànê gblöy tēnóle. Sépi pólle, tyi kònsàhnó nãh me séle n fwo.

24 Névyè nónó-á me Krista tyí yò, pépi ye pé gblöy dyo yíi tyi, ànê pé dékè tyi, ànê pé yíwilkì tyi pól syi dahnì yò, à sè ko.

25 Liyel Mirki nê-á minne á kǒ, á ye ye képah kǒ kè á yahle n tē kè.

26 Á ye káh pi gblöy gbilkípúle, à ne n pi n de wě tyí, képah nãh pi, à wě dyole n yo.

## 6

1 N yúnpyé, yáh sǒ ñnì yó we tē à me tyítúkù yóle n pi, Liyel Mirki-á me yépi nónó yahle n tē, yépi tē tē mámmám yè pò ñne wěkì pèpey yò. Yé nénúkù núkù pól mó yé gblöyne n kyomì, yé tó káh pò de tyítúkùnì pínó soko.

2 Yé wě yótókóbíle n twah. Yáh képahle n pi, yé me Krista tyi kònsàhnó wàlle n ko.

3 Névi yó-à ñ gblöyne n doko n sah, té kwâh yó nãh mó tǒ ñne, tē me ñ gblöyne n tǒ n mɔ.

4 Nénúkù núkù pól yíne pè pé tyípinì kyomì n yah palle. Nê ni-à me fē n vi n pi ñ gblöyne, ñ ni vi ñ gblöyne, à káh ñ gblöyne n toko n sãh ñ ní-òle.

5 Yé nãh we di, nénúkù núkù pól-á tyi nónó pi, pè ki yīn sé yótyíle.

6 Névi nê-à ále n kwò Liyel weyne, á yíne ñ tēne n yohnu n mɔ tyi tyi pól soko.

7 Yé káh yé gblöyne n tǒ n mɔ ló, pè nãh kóle Liyelle n ko. Névi-à sèmuco nê duku mɔ, képah ye à ki toko.

8 Névi nê-à ñ gblöy dyo yíi tyile n pi, gblöy dyo yíi tyi yóre ye tē ki we, képah nê-á tyí yíkínóle. Nte nê-à Liyel Mirki



dɔɔ yĩ tyile n pɪ, Liyel Mirki dɔɔ yĩ tyi yõre ye tẽ kɪ wɛ, képah nê-á tyé-ńkê minne.

<sup>9</sup> Á ye káh yal mɔ tyi pèplo pínóle. Yé náh wɛ di, áyâh tyi pèplo pínó yálnmɔ-ńkêne, á kɪ pɔ ké yõre wɛ ké gbí pèpɛy sɔkɔ.

<sup>10</sup> Képah ye, áyâh tyípépɛy pí-ńsah wɛ, á ye kéle n pɪ no pól tyí. Té á ye kéle n pɪ n kal á yúnpyé Yesu yõ sɛpú wo tyí.

*Pole wɛy tyé-ńsahle*

<sup>11</sup> Yáh wárkínó mè wɛ kéle yěhyěh yò, ńmɔ ye n wárkɪ kéle ní gbòle.

<sup>12</sup> Gblɔy wɛkínó tyí-á nɔ nónó tyí, pépi náh mɛ ké tyí nɛ pé fóhnó wɛ Krista dahni yõ kúnó tyí yónó yinne. Képah ye pè yépɪle n kyĩ n mɔ n mɔ kòkè kònó sɔkɔ.

<sup>13</sup> Kéne névye nónó ńtẽ-á mɛ kònóle, pè náh mɛ Moyisi tyi kònsàhnó wàlle n kɔ ò. Pè mɛ ké tyí óle nɛ yé kòkè kò, pé kò pé pé gblɔyne n wɛ n gbilki képah yinne.

<sup>14</sup> Nte ńmɔ tẽ wɔle, mé náh ní gblɔy gbilki n pi tir yó ńtẽ yinne à wil Tẽ ñgbẽ Yesu Krista dahni yõ kúnó tyí sɔkɔ. Nmɔ dahni yõ kúnó yin ye ńmɔ kò mé kèkõyó tyile n yah yõ kẽ tyile, té kèkõyó névye tɔ mó mɛ ńmɔle n yah sɛntẽne.

<sup>15</sup> Névi kònó ànê ñ kò-ńkêne, yõ náh mɛ sépi tyí. Yõ-á mɛ nê tyí, képah ye pɪ vɪnmɔnɔ nê-á Liyel dahbi tẽ ni sɔkɔ.

<sup>16</sup> Nónó pól-á mɛ n kɔ képah wɛkì yõ, pépi ànê Liyel no pólle, pépi nónó-á Yisrayel nolɛ, mé kéle n yah n kò Liyel tyí nɛ à yèvinune pè kò à mó pé yãm yah.

<sup>17</sup> A tokɔ núkúnúkú tyí, ñnî yó ńtẽ káh tõ ńmɔle n kwɔ. Nítbó nónó-á ńmɔ wil sɔkɔ, sépi n wɛkɪ nɛ máh pɪ Krista tyíle.

<sup>18</sup> N yúnpyé, mé kéle n yah n kò Tẽ ñgbẽ Yesu Krista tyí nɛ à yòbènɔri pɪ yé tyí. Amiina!

## Pole sébéy tékínmōnōle Yefesi tân tyí

*Pole wékínóle Yefesi tân tyí*

<sup>1</sup> Nmo Pole nê-á pi Yesu Krista tēntō névile à yīne Liyel nìvìnìne, nmo ye n tekì n mō sébéy mēne névye tyí nónó-á pi Liyel nolē Yefesi kwil sōko, té me n kō palle pé wró kwrónmōnō gbò yō Yesu Kristale.

<sup>2</sup> Mé kéle n yah n kō á Sú Liyel ànê Tē ngbē Yesu Krista tyí ne, pè yòbènrì pi yé tyí pè mó yèvinine yé kō.

*Liyel-á pèpōrì nónóne n pi ápi tyí Krista yō sēnó gbò yō*

<sup>3</sup> Gbílkinó ne n sah Liyel yō, nmo nê-á á Tē ngbē Yesu Krista Súle. A ye sām mō á sōko Krista yō sēnó gbò yō, à pèpōrì duke duke pól pi á tyí nónó-á wil yīnyō sōko.

<sup>4</sup> Kèkōyó mō-nkē gbí dùkùle, Liyel sò ápi yah tōko pi n tyíle Krista gbò yō sōko, ne á pi yályál wényo-nsah kēne á tyí péwo yah sōko. Tyínōnō sōko,

<sup>5</sup> Liyel sò kwāh tē kè yah tōko ne páh kì ápi pi pé wēnpìle Yesu Krista gbò yō. Yé náh we di, képah ye sò à pi à yīne n dyc yī tēne.

<sup>6</sup> Á ye nne n gbilki n pèpōrì yīnne, wāh nê pi á tyí n nìdè Pídí gbò yō.

<sup>7</sup> Nmo tó kwénó gbò yō ye á we wil pèkè sōko, té á tyípèl me yō mō á tyí. Sē ye Liyel pi yòbènrì ngbēne á tyí,

<sup>8</sup> képah nê-á à pi á tyí náhnáh à yípî ànê lékámne á kō yī.

<sup>9</sup> Sètìn sò tir nê tyí-á nō n tyí, à sò képah yah tōko sah ngbò dùkùle. Núkúnúkú, à kéle á wēkì. Krista gbò yō ye sò à yah tōko tyípépěy mēne.

<sup>10</sup> Ké pi gbí-à pō nō, à kì yíyìn pól tuke mō nónó-á me yīnyō ànê sétáh yō, nénúkù kō à kì pi sé yòtēne, nmo nê-á Kristale.

<sup>11</sup> Á wró kwrónmōnō gbò yō Kristale, nê-á sò á we we tēne, Liyel ye kéle á kō. A sò kwāh tē á yah tōko sah n tyíle. Nmo nê-á Liyelle, n dyc yī tir ye à n ne n pi à yīne wāh kè yah tōko sō.

12 Képah ye, ápi nóno ñgbò-á á gbò sah Krista yò, á ye gbílkínóle n sah Liyel yò.

13 Yépi tɔle, yé wró kwrónmonɔ gbò yò Kristale, yé gbu wey we noh, képah nê-á Nìvìnì tirlɛ, nê-á yéle n pwah n mo. Nmo yò sɛnó gbò yò ye tɔ, Liyel-á ñ vyähle yé kɔ ñ Mirki nê tyí sɔkɔ, à kéle yé kɔ à yé pɔkɔ mo.

14 Liyel Mirki nê-á à á kɔ, képah ále n wɛkɪ ne wăh ñ vyähle ñ no kɔ yì nóno tyí sɔkɔ, áyáh kɪ sè we n pi. Képah á nle n sũ ne áyáh kɪ sè we n pi, áyáh sò nêne pwáhnmonɔ we pnépné. Képah sɔkɔ, gbílkínó-á kɪ n sah Liyel yò.

### *Pole niri pínóle Yefest tãn tyí*

15 Képah ye, nmo tɔ-á fyò noh ne yáh me sɛ Tɛ ñgbɛ Yesu yò, ànê ñ yò sɛpú tyí-á me no yé tyí,

16 gbímegbí, mèn ne n wɛkɪ Liyel tyí yé tyí sɔkɔ, ñ té ñne n ye n gbo yé tyí.

17 Mé kéle n yah n kɔ á Tɛ ñgbɛ Yesu Krista Liyel tyí, ñmo nê-á tɔrí nétɛne, ne à lékám Mirkile yé kɔ nê-á kɪ Liyel dùkùle yé wɛkɪ té kɪ yé kɔ yé kɪ à pĩ yíí.

18 A mó yé lékám yɪkɪ mo, sɔnko wăh yé ye ne yé yé gbò sah kwáh nê yò sɔkɔ yé fɛ ké dùkù pĩ; ànê wăh me yípéplɔ nóno yah sah ñ no kɔ, yé sé tɔ pĩ.

19 Yè mó pĩ gbíl tɛnwɛno nê-á à me yah sah á kɔ ápi nóno-á Yesu yò sɛpúle. Kéne tɛnwɛno mèn ye Liyel tò pɪ tãhkìle,

20 wăh Krista lékó yilki mo gbí nêne té à kɔ à kɔ tɛ ñ gbòyò sòle yínyò sɔkɔ.

21 A me tɛnóle tɔrí, ànê tãhkì, ànê tɛnwɛno, ànê yòtɔríno pól yò sɔkɔ. Nóno yni-á me wil kweyne, ànê nóno yni-á kɪ n wil n pi n̂sɔne, ñmo me pépi pól yah sɔkɔ.

22 Liyel yíyìn pól pɪ Krista gbáhkì súnsàh-ñsahle, té à pɪ ñ yò sɛpú tɪnkì pól yòtɛ ñgbɛne,

23 pépi nóno-á ñ wil gbɛnsèle. Krista me tɛnóle pépi sɔkɔ ñ tɔó, ñmo nê-á Liyel tɔ me tɛnóle ñ sɔkɔ ñ tɔó.

## 2

### *Tyé-ñkɛ min nê-á n we ñnóle Krista yò sɛnó sɔkɔ*

1 Ñgbòle, yé lesò me lékyì tyí kòle yé tyítúkùnì ànê yé tyípèl pínó yinne.

2 Kéne tyípèl sɔkɔ ye sò yé me n pɪ yé minne ñgbòle, gbí nê-á yé me kèkòyò mèn tãhkì yòtɛ sò tɛ. Kéne yòtɛ me tòle n pɪ tyah kènkāh sɔkɔ. Nmo ye me Liyel tyí yáhlepu yahle n tɛ kwey mèn sɔkɔ yò.

<sup>3</sup> Ápi to pól sò me pépi tyí kòle, me á dyo yíí tyí óle n pi. Tir nê-à sò no á wil gběnsé tyí ànê áyâh nê sò we ne kâh me ple, kápah ye à n ne n pi. Áyáh sò pi sě, kápah ye Liyel pèkè kú sò á no n pi no téló tyí kòle.

<sup>4</sup> Nte Liyel nìgbèkì tno. Á tyí kah no ò tyí,

<sup>5</sup> kápah ye, áyáh lésò me lékyî tyí kòle á tyítúkúñi pínó sokó gbí nêne, à minne á kò wě tyí ànê Kristale. — Yòbènorí ye Liyel pi yé tyí à yé pwah mo. —

<sup>6</sup> Á wró kwrónmɔno gbò yò Kristale, Liyel ye á wilki kú sokó òmole wě tyí, té á sah yínyò tórí sokó òne wě tyí.

<sup>7</sup> Pèporí nê-á Liyel pi ápi tyí á wró kwrónmɔno gbò yò Yesu Kristale, à kè pi ò yòbènorí ògbě wěki yinne gbímegbí no pól tyí.

<sup>8</sup> Yé nâh we di, yâh sě Liyel yò, à me yòbènorí pi yé tyí à yé pwah mo. Pwâhnmɔno mē nâh wil yépi tyí dé, Liyel yínkòno ye kéle

<sup>9</sup> Yépi táhkì pínweno nâh kéle dé. Kâh pi sě, ònî yó nte nâh fě ò gblòy gbilki n pi.

<sup>10</sup> Yé nâh we di, Liyel mónó ye ále. A ye á mo á wró kwrónmɔno gbò yò Yesu Kristale tyípeplo pi yinne Liyel-á nónó yah sah ògbò dùkùle ne á po séle n pi.

### *No pól pi núkúle Yesu Krista yò sěno gbò yò*

<sup>11</sup> Yépi nónó-á lésò Nsyifunó n ye kò-òkě névyele, té me pé gblòyne n ye kènkòbele ké nítbó yinne nónó-á me pé wil sokó, yâh lésò me dùkù nêne légbíne, yé yé dyo sah ne n kwne kápahle.

<sup>12</sup> Légbíne yé lésò me fíí Kristale. Yé lésò me népânne, yé nâh me kwrónmɔnole Liyel no sokó. Liyel-á ò vyâhle n no kò ne pâh yî nónóne pé kò pé Yégbèkè kwrónmɔno gbò yò péle, yé vyâh lésò de sé tyí sokó. Yé lésò me kèkòyó sokó gbò sâh-òsah kěne yé tyí. Liyel nâh lésò me yé tyí.

<sup>13</sup> Nte núkúnúkú, yé wró kwrónmɔno gbò yò Yesu Kristale, yépi nónó-á sò me fíí, yé no de Liyelle Krista tó kwénó gbò yò.

<sup>14</sup> Nmo ye ápi yèvinune. Nmo ye Nsyifunó ànê nónó nâh pi Nsyifunole pé kwró mo pi yìkì núkú névyele. Dyóyókì nê-á sò me kěki tyí kòle, me Nsyifunó ànê nónó nâh pi Nsyifunole pé wró gbekì sah, à ye po kéne kěki so to ò kúnó gbò yò.

15 A ye Moyisi tyi kònsàhnó ànê sé wàl kò dúkùnó pól yĩn mɔ. Nmɔ gbò yõ, à Nsyifunɔ ànê nónó náh pɪ Nsyifunɔle, pé kwrɔ mɔ pɪ yĩkì núkú névyele, yèvinì kò kè wɛ pé wró.

16 A Nsyifunɔ ànê nónó náh pɪ Nsyifunɔle pé pól kwrɔ mɔ pɪ wil gběnsê núkúle ò kúnó gbò yõ dahni yõ, té pé wró kwrɔ mɔ pɪ núkúle Liyelle. A dyóyókì tɔ tyí tyí yíkì ò syínó gbò yõ dahni yõ.

17 A pɔ yèvinì wɛlɔ yo yé tyí yépi nónó-á sò me fíí, ànê nónó-á sò me yúkey.

18 Yé náh wɛ di, Krista gbò yõ ye Nsyifunɔ ànê nónó náh pɪ Nsyifunɔle, á pól kɪ tẽ wɛ yĩni tẽ Sú Liyel tnô ò Mirki núkúni mè gbò yõ sɔkɔ.

19 Kãh pɪ sã, yépi nónó náh pɪ Nsyifunɔle, népân náh tõ yéle, wô yah tãn náh yéle. Yé pɪ kwil núkú tãnne ànê Liyel yõ sɛpúle. Té pɪ Liyel nolɛ.

20 Yé me á kɪ ne wòkò yó sò pè mɔ nê sètyah-á pɪ Yesu tẽntò névyè ànê Liyel tẽntò syínyopule, té Yesu me pɪ ké dáhgbié ò wahle.

21 Nmɔ Yesu gbò yõ sɔkɔ ye wòkò kɪ yĩn gbáhngbáh, té kɪ kyãh kɪ pɪ Liyel ní-ńsah gbòle, nê-á me Tẽ ngbẽ tyí yõ.

22 Yé wró-á kwrɔ mɔ òmɔle, yépi tɔ ye pɪ gbô mè fí yóle, kɪ wɛ kwrɔ mɔ no téló sɔkɔ kɪ pɪ tẽ-ńsah yóle, ńyãh sɔkɔ-á Liyel kɪ me tẽnóle Mirki sɔkɔ.

### 3

*Pole-á kɪ tò nê pɪ n pi névyè yĩnne nónó náh pɪ Nsyifunɔle*

1 Képah ye, òmɔ Pole nê-á me wòkònpèkè sɔkɔ Yesu Krista tò yĩnne, ànê yépi yĩnne, yépi nónó náh pɪ Nsyifunɔle...

2 Liyel-á ò pèpɔri pínó sɔkɔ tò nê dahbi ní gbò yépi tyí pɛkɪ yĩnne, mé sã ké yõ ne yáh képah tẽ wɔ noh ó.

3 Liyel ye syõ wěkínó yó tyí à ò sètĩn sò tirlɛ ní wěkɪ, sã-á mé yo sɔkɔ kéle yé tyí kwéy sébéy mè yõtãh sɔkɔ yò.

4 Yáh kɪ kéle n kar, yé kɪ pĩ ne sètĩn sò tir nê-á me Krista tyí sɔkɔ, ké sèndyãh náh rĩne.

5 Liyel náh sò kéne sètĩn sò tirlɛ ògbò tãn wěkɪ, sã-á à kéle Yesu tẽntò névyè ànê Liyel tẽntò syínyopu négló wěkɪ núkúnúkú ò Mirki gbò yõ.

6 Sètĩn sò tir mè wɛ yò, ne Nìvìnì tir gbò yõ, nónó náh pɪ Nsyifunɔle, pé pól-á kwrɔ mɔ Nsyifunɔ sɔkɔ kɪ gbèkɪ núkú yõ ò n pi péle, té kɪ n pɪ n pi gběnsê núkúle péle. Té Liyel-á ò

vyãh kã tir nê tyí soko Yesu Krista gbò yõ, pé to vyãh-á kú n we n pi ké tyí soko.

7 Liyel-á ñ tēpnèno gbò yõ yòbèno nê pí nmo tyí, képah gbò yõ soko ye ñne Nivini tir yónó tò soko.

8 Nmo nê-á Yesu yõ sēpú pól nétéyne, nmo ye we yòbèno mēne kú Yesu pèno tyíle n yo névyé tyí nónó náh pí Nsyifunle. Kéne pèno mēne, yin náh me ké tyí.

9 Liyel-á kú sètin sò tir mè pí n pi dùkù nēne, mé yīne mè kéle névyé wēkú n yīi palle. Nmo nê-á yiyin pól mó-òle, à ye képah wõbú sah ñgbò dùkùle tyé-ńkēne,

10 sōnko à toko núkúnúkú tyí, yīpí nê-á n wil Liyel tyí, yõtām pól ànê kékoyó tōrí nónó-á me tòle n pí yīnyõ soko, pé pól tē we kè pí Yesu yõ sēpú tĩnkí gbò yõ soko.

11 Sépi pól pí à yīne Liyel-á sò nê yah toko sah tyé-ńkē, té po kè pí á Tē ñgbē Yesu Krista gbò yõ.

12 Áyáh á wró kwro mo Kristale té sē ñ yõ, képah gbò yõ, wēkú me yíkínmōnole á tyí kú fē no de Liyel tnó nīsáh soko.

13 Kãh pí sē, nmo-á me yèvyãhrú nēne n pí yé yīnne, yé káh ye képah yé wil ku. Képah ye kú yõ yōnóle yé kã.

#### *Tyínono nê-á me Krista soko*

14 Képah ye, mé kú gbètukuno di Sú Liyel yah soko,

15 ñmo nê gbò yõ-á kétlo pól me sétáh yõ ànê yīnyõ.

16 N tōrí me gblò. Képah ye, mé kéle n yah kã ñ tyí ne à tãhkile yé kã ñ Mirki gbò yõ, sōnko tãhkì ne n me yīi yé soko.

17 Krista ne n me tēnóle yé nno soko ñ yõ sēno gbò yõ, tyínono mó ne me yãhnì mo yīi yé soko.

18 Képah soko, tyínono nê-á me Krista soko, yépi ànê ñ yõ sēpú téló pól kú ké yòtukuri, ànê ké yòsèkì, ànê ké kyãhlo, ànê ké súkúlinó dùkù pí.

19 Yé kú tyínono mè dùkù pí, képah nê-á kal pnèno duke pólle. Képah soko, Liyel kú me ñ tóo yé soko.

20 Áyáh yī nónone n yah n kã ànê áyáh me nónó tyíle n sō, Liyel ye kú fē séle ále n kã gbímegbí, fóo kú kah mo n̄tēne, ñ tēpnèno gbò yõ nê-á me tòle n pí ápi soko.

21 Yesu Krista gbò yõ, gbílkínó ne n sah Liyel yõ à wil Yesu yõ sēpú tĩnkí tyí, kno kno pól soko tye tyéní kēne. Amiina.

## 4

*Yesu yõ sēpú yégbékè pínóle núkúle*

1 Nmɔ nê-á me wòkònpèkè sòkò Tě ñgbě tò yinne, mé yéle n ni yépi nónó-á Liyel ye, ne yé yé minne n pi à yĩne ñ yénò mènè.

2 Yé pi gblɔy tíkínmɔpule, ànê núpír névyele, ànê sómnó pípúle. Yé wěne n n tẽ tyínɔnɔ sòkò.

3 Yáh me yèvinì nê sòkò wě tyí, kèpah gbò yò, yé gbah n tẽ yé wró kwrónmɔnɔ tẽ n sah Liyel Mirki-á nêne yé kɔ.

4 Yé pól pi wil gběnsê núkú Krista gbò yò, ànê Liyel Mirki núkú ye me. Liyel yé ye tɔle kwáh núkú yinne ne yé yé gbò sah ké yò.

5 Tě ñgbě núkú ye me, ànê Liyel yò sěno núkúle, ànê ni sòkò wèlnwìkínó núkúle.

6 Liyel núkú ye me. No pól Sú ye ñne. Ñ tǔrí me no pól yò. A me tòle n pi no pól sòkò. A me ténóle no pól sòkò.

7 Nte á nénúkú núkú pól ye Liyel yòbènrɔ we à yĩne Krista-á me ké tyí ne pé kéle á kɔ sɔ.

8 Kè me wárkínsàhnóle Liyel wey sébéy sòkò ne:

«Wáh dɔkò yuku yĩnyò sě,  
à sòkò wòkònpèkè sòkò névyele.  
A tẽpnèno yĩ névyé kɔ.»

9 Nte kwáh nê me pè n ye yĩnyò dókónyukunɔle wé? Kèpah ye n wěki ne wáh sò tiki yuku sétáh sówáh tɔ sòkò.

10 Nê-á tiki pɔ, ñmɔ ó ye tɔ dɔkò yuku yĩnyò léyy tẽ-ñsah sòkò, kɔ kèkɔyó pól yuku.

11 Nmɔ Krista ye kɔ névyele tẽpnèno duke dukele. A túkú pi ñ tẽntò névyele, té túkú pi Liyel tẽntò syínyopule, té túkú pi Ñìvìnì tir yónkɔpule, té túkú pi kwópúle.

12 Sě ye à vi mɔ Liyel nole pè kɔ pè kɔ ñ tò pi dal mɔ, wán kɔ kè kɔ n mɔ Krista yò sěpú yò.

13 Káh pi sě, Liyel yò sěno kɔ á pól wró kwrɔ mɔ pi núkúle, té á kɔ Liyel Pídí pĩ té kɔ yuku yahle Liyel wěkì kóló sòkò fók kɔ pɔ pi Krista tyí kòle.

14 Kèpah sòkò, á náh tɔ n pi n tẽ n pi wěnpìle nónó-á kwónó kètúkúni pípú ànê pé névyé vintèno kɔ ále n tɔkò n fi n kɔ yáhkí tyí kòle, kɔ á mɔ pílkínó wěkì yò.

15 Nte áyáh kɔ gbile n yo tyínɔnɔ sòkò, á kɔ yah yúkúnó we tyi pól sòkò kɔ n nɔ n de Kristale ñmɔ nê-á yòle.

16 Nmɔ gbò yò ye wil gběnsê tàntàn pólle núkúle. Gbèl tél-ńtàn gbò yò ye wil gběnsê tàntàn pól wě tẽ yĩn sah. Káh pi sě, wil tàntàn pól-à tòle n pi káh yĩne sɔ, wán kɔ n mɔ wil gběnsê yò, kè kɔ n yuku yahle tyínɔnɔ sòkò.

*Min pi dukù kësãnne Krista yõ sãnó soko*

17 Nê-á mé n gbah n yo yé tyí Tẽ ñgbẽ wẽkì soko, kè we yò: Yé káh tã yé minne n pi Liyel pí-ńkẽ névyé tyí kõle, pépi nónó-á pé lékám pé yahle n tẽ n mo yõre kẽ tyi soko.

18 Pé lékám me fókóntũnole. Liyel-á min nêne n kõ, kè nãh me pé tyí. Képah ye pé pi yah wé-ńkẽpú ànê kùkùtãhki névyele.

19 Pè pi sen pí-ńkẽpúle, pé nãh n fyãh. Té pé pi prònrĩble à tyítúkúni duke pólle n pi yĩn kẽne.

20 Nte yépi tẽ wole, sãntẽ nãh yé pi Kristale dé.

21 Mé sã ké yõ ne ñ tyí dukù pól-á yo yé tyí. Té gbi nê-á me ñ tyí soko, yé kwónó we ké to yõ.

22 Yáh sò me dukù nêne ñgbòle, yé yĩne yè képah milki. Yé yé nãh vi yé pi dukù kedyáh kõ, képah nê-á sònó túkúnine n mo yé soko, nónó-á yé tyíle n yiki.

23 Liyel Mirki-á lékám nêne yé kõ, yé ye kè yé vi mo.

24 Yé vi mo ne n pi pi dukù kësãnne à yĩne Liyel-á me ké tyí sõ, yè mó ne n me tómm ànê yályál liyel yah gbi wẽkì kóló gbò yõ.

25 Képah yĩnne, yé mìnì yónó yal n mo, yè mó gbule n yo wẽ tyí. Yé nãh we di, wil gbẽnsé núkú tãntãn ye á pólle.

26 Yé foko-à vyãh yé káh tyípekè pi. Gbíyí nãh yĩne kè po de yè mó ne n me fòkòvyãhni soko sã.

27 Yé káh yé mo n tẽ tẽ wẽkì yó nítẽ yiki mo sétãn yõtẽ kõ.

28 Névi nê-à sò me yĩbele n yĩ, tẽ kè yal mo, à mó ñ gblõy kõ tôle n pi ñ gbãnne yĩnvĩ kẽne, à fẽ kwãh we à névi yó to yohni n mo nê-á me yãm neyne.

29 Wèntúkù yó nítẽ nãh yĩne kè ne n wil yé vyãh soko. Yé wènpèplo óle n wèki nónó-á ki fẽ névyé yohni mo, ànê nónó-á ki fẽ pèpòri pi sé nóhpú tyí.

30 Liyel Mirki me yé soko kètõnpókó sõ yé wil tyí, yé káh yèkworile n mo ké soko. Yé nãh we di, képah gbò yõ soko ye yé sã yíi ké yõ ne sõ yó-á me n pi, Liyel-á ki yé pwah mo n pi pnépné.

31 Yé káh yròle n tẽ n sah yé fokoñi soko. Yé fòkòvyãhni, ànê mál, ànê wey sòhsòh, ànê gbyo yal n mo, à tahlì népéké pínó duke pól tyí.

32 Yé pi néglóle, yé tyí mó ne n me nónóle wẽ tyí. Yé ne n yõ n mo wẽne n kõ, sõ-á Liyel yõ mo yé kõ Krista gbò yõ.



## 5

*Kyòo sòko kólóle*

<sup>1</sup> Yáh pi Liyel wēnpìle nónó tyí-á nɔ̀ n̄ tyí sě, kėpah ye yé ñmɔle n yah n pi.

<sup>2</sup> Yé ye yé tyí nɔ̀ wě tyí, sǎ-á á pól tyí nɔ̀ Krista tyí, té à me ñ gblǒyne Liyel kǒ ápi yinne à pi sárkále, nê-á me n pǒ sirr té ké tyí me nɔ̀ Liyel tyí.

<sup>3</sup> Yé pi Liyel nolɛ, kėpah ye fǒfíkì, ànê pròprò pínó duke pól, à tahlı́ yísesúké tyí, sépi sòko yó n̄tě pínó tyí náh yĩne kè ne n nohnı́ yé wró sòko.

<sup>4</sup> Sen pí-ńkě welɔ, ànê wèntùkùnı́, ànê nówân welɔ tɔ náh yĩne sè ne n wil yé vyěy sòko. Nte pèpɔrı pínó wey ye yé yĩne yè Liyelle n kǒ.

<sup>5</sup> Yé yĩne yè kè pí yíı́ ne prònrı́bı́, ànê nónó-á me sılkinóle Liyel yah, ànê yísesúké névyele, pé sòko yó n̄tě náh n de n pi Krista tǒrı ànê Liyel tǒrı sòko. Yísesúké pínóle, sǎh fálnó òkù yó ye kéle.

<sup>6</sup> Yé káh ye ñnı́ yó n̄tě kǒ à pɔ̀ yé pilki ñ sǒnɔ̀ prėnı́ne. Sépi òkù pínó ye ńkěne n pɔ̀ Liyel kǒ ǎ fǒhnó sah ñ tyí yáhlepı́ yǒ.

<sup>7</sup> Kėpah ye, yé káh ne pi n soh péle pólle.

<sup>8</sup> Yé lésǒ me fěntú sòko ñgbòle. Nte núkúnúkú yé me kyòo sòko yé wró kwrónmɔnɔ̀ gbǒ yǒ Tě ñgběne. Kyòo sòko névyé-á n pi sǒ, yé tɔ̀ ne n pi sě.

<sup>9</sup> Yé náh we di, kyòo sòko kóló ye n pɔ̀ n pɔ̀ pèpɔrı pínóle, ànê gbı́ wěkì kólóle, ànê gbı́ yónóle.

<sup>10</sup> Nê tyí-á nɔ̀ Tě ñgbě tyí, yé gbah tě kéle n pne.

<sup>11</sup> Yé káh fěntú sòko tyile n pi. Yǒre náh me sé tyí. Nte yé sé gbĩne n wɔ̀.

<sup>12</sup> Tyi nónó-á kéne névyé me n wǒbı́ n pi, sé tyí yáhnó n̄tě me senne.

<sup>13</sup> Nte tyi nónó gbĩ-à wɔ̀, sépi n ne n me kyòo.

<sup>14</sup> Yé náh we di, tyi nónó gbĩ-à wɔ̀, sé òkù n ne n pne. Kėpah ye, kè me yónóle ne:

«Áwɔ̀ nê-á me n dɔ̀, dɔ̀ n yuku.

Yuku n wil lékyı́ wró,

Krista kı́ kyòo mɔ̀ á tyí.»

<sup>15</sup> Yé yé pi òkùle n kyɔmı́ palle. Yé káh ne n pi yĩ pí-ńkě névyé tyí kǒle, yé ne n pi yĩ pípú tyí kǒle,

<sup>16</sup> nónó-á tir nê pínó yǒbènrı́-à fyò we pé tyí, pě kè pi. Yé náh we di, gbĩ nê sòko-á ále, kè náh me palle.

17 Képah ye, yé káh pı lékám kě névyele, nte Tě ñgbě dyo yĩ tẽ-á nêne, yé gbah n tẽ képahle n pne.

18 Yé káh tō wō kè yé tẽ, képah névi tyíle n yıki. Yé ye Liyel Mirki yé tōkō.

19 Yé sóréle n mō wě sōkō yìgbìnì sōkō yè Tě ñgbě n gbilki, yè mó yìle n gbı ñ tyí ñ Mirki-á nónó dahbi yé sōkō. Yé yìle n gbı yè Tě ñgběne n gbilki yé nno pólle.

20 Gbímegbí ànê tyi tyi pól sōkō, yé ne n wēkı Sú Liyel tyí á Tě ñgbě Yesu Krista yĩn yō.

*Pebı ànê pé syó-á yĩne pè tẽ sō wě tyí*

21 Yépi nónó-á pı Krista yah tíki pípúle, yé ne n sah wě tyí yō sōkō.

22 Syó, yé ne n sah yé pebı tyí yō, sō-á yé n sah Tě ñgbě tyí yō.

23 Yé náh we di, dí ye sê yòtêne sō-á Kristale ñ yō sěpú tĩnkĩ yòtêne, pépi nónó-á ñ wil gběnsêle té à me pı pé pwáhnmo-òle.

24 Syó yĩne pè ne n sah pé pebı tyí yō tyi tyi pól sōkō, sō-á Krista yō sěpú tĩnkĩ n sah ñ tyí yō.

25 Pebı, yé ye yé syó tyí nō yé tyí, Krista yō sěpú tĩnkĩ tyí-á nō sō ñ tyí, fóó à ñ min kō pé yĩne.

26 Sě ye sò à me ké tyí ne pé pé yō sěpú tĩnkĩ pı yályál Liyel yah, ni sōkō wèlnwìlkinó sōkō ànê Liyel wey gbò yō.

27 A sò me ké tyí ne pè pō pé yah sōkō yályál syii kěne, ànê tĩkĩlì-ńsah kěne, ànê yíkí-ńsah kěne, ànê wényo-ńsah kěne pé tyí.

28 Sě ye pebı tō yĩne pé syó tyí nō pé tyí pé gblöy wil gběnsê tyí-á nō sō pé tyí. Névi nê kyı tyí-à nō ñ tyí, ñ gblöy tyí ye nō ñ tyí.

29 Yé náh we di, ñnî yó nítẽ wil gběnsê kó náh ñne n tẽ dò, tẽ n pyé kéle n pu níkẽ; ñ té kè tō n sah n tẽ sō-á Krista tō sah tẽ ñ yō sěpú tĩnkile,

30 képah nê-á ápile.

31 Képah ye, dí kı yal ñ sú ànê ñ yú tnô, té kı kwro mō ñ kyıle, pé nímı kı pı wil gběnsê núkúle.\*

32 Sètın sò tir ñgbě ye kéle. Té nımo kéle n yo ne káh me ké yah mō Krista ànê ñ yō sěpú tĩnkĩ tyí.

33 Nte kè me ké yah mō yépi tō tyí. Yé nénúkù núkú pól syó tyí yĩne kè nō yé tyí yé gblöy sō, syó nénúkù núkú pól mó yòyénne n sah pé pebı yō.

\* 5:31 5.31 Yah n te Yefestî 2.24.

## 6

*Wẽnpì ànê pé dúbípú wẽ tẽ dùkùle*

<sup>1</sup> Wẽnpì, yé ne n sah yé dúbípú tyí yõ Tẽ ñgbẽ wẽkì kóló soko. Képah ye ple.

<sup>2</sup> Yõyénne n sah á sú ànê á yú yõ. Képah ye tir kònsàhnó gbenne, vyãh kónóle tàhlínóle ké tyí ne:

<sup>3</sup> Wãh képah pi, wãh ki me nìvìnì soko té ki min sèkì we sétáh yõ soko.\*

<sup>4</sup> Dúbípú, yépi tã káh yèkworile n mo yé wẽnpì soko. A yĩne Tẽ ñgbẽ wèkile, yé péle n pu, yé mó kwónó pèpeyne péle n kō, yé mó péle n vi n mo palle.

*Yõbi ànê pé nátãm wẽ tẽ dùkùle*

<sup>5</sup> Yõbi, yé nátãm nónó-á sétáh mè yõ soko, yé ne n sah pé tyí yõ tíkì ànê wilsyahri le ké soko. Yé kéle n pi yáryár dáhbí-ńkẽne ké soko Krista tyí sõ yé n pi kéle.

<sup>6</sup> Kè káh pi á ki ne pãh yéle n kyomì képah yĩn sõ yé n pi kéle, á ki ne névi dyo yĩ tẽ sõ yé n yah kō pí-ńsahle dé. Yé kéle n pi Krista yõbi sõ yéle, yé Liyel dyo yĩ tẽne n pi yé nno pólle.

<sup>7</sup> Yé tõe n pi pé tyí yé nno pólle, á ki ne Tẽ ñgbẽ tyí sõ yé n pi kéle, kè káh ne n me névi tyí sõ yé n pi kéle.

<sup>8</sup> Yé yé dyo sah ne n kwne ne yé nénúkù núkù pólle, nê-à ki sõ me yõle ò, nê nãh me yõle ò, tẽ-á ki ñ tõe pínó lédyáhní we n pi Tẽ ñgbẽ tyí.

<sup>9</sup> Yépi nónó-á yõbi nátãmne, yépi tã sèntẽne n pi pé tyí. Yé káh dirile n kō pé yõ soko. Yé pĩ ne yépi ò, pépi ò, yé pól tyí yõtẽ yó-á me yĩnyõ soko, nê-á à nãh ñnì yó ńtẽne n tãko n pi fónfó ñ ní-òle.

*Liyel yõ sẽ-ò méfwóyile*

<sup>10</sup> Ké tyé-ńsah, yé ye yé tãhkì ne n wil Tẽ ñgbẽ tẽnpnèno ñgbẽ tyí.

<sup>11</sup> Yé Liyel méfwó yi tãko, sõnko yé tẽ we sétõ yĩnvĩ tyi yah kō.

<sup>12</sup> Yé nãh we di, ápi mékì nãh me ké yah mo névyé tyí dé. Nte kãh me ké yah mo nónó tyí pépi ye pi, yõtãmne, ànê tãhkìnóle, ànê névyé fnèpu nónó-á me tõe n pi kèkõyó fẽntũ mè soko, ànê pèkè pi pi mréy nónó-á me tõe n pi yĩnyõ.

\* 6:3 6.3 Yah n te Yálnó 20.12.

<sup>13</sup> Képah ye, yé Liyel méfwóyî toko, sǎnko yòhnpèkè sǎ-à pɔ, yè tǎ n we sépe fwo. Képah-à pɪ yé kɪ yĩn gbáhkì núkú yǎ.

<sup>14</sup> Yé ne n me yé gblǒy vi n sah. Yé ye gbɪ yónó pɪ syĩ kǒle yé tyí, gbɪ wǎkì kóló mó pɪ vyɔɾɪ fwòmɔnɪne yé tyí.

<sup>15</sup> Nìvìnì tir nê-á yèvinɪne n kǒ, ké yónó dékè ne me yé soko yé gbyêh soko lékyêh tyí kǒle.

<sup>16</sup> Yé Liyel yǎ sǎnó tǎ n yĩn mèmèkì swàhkì sǎ yé gbàn soko gbímegbí, yè fǎ pèkè pí-ò pnépèl pól swah kéle.

<sup>17</sup> Yé pwáhnɔnɔ fǎ n syi á kɪ ne vyɔɾɪ gbétú sǎ yé kwĩnki, yè mó Liyel wey fǎ n syi kèkírki sǎ Liyel Mirki-á nê kǒ.

<sup>18</sup> Yé ye yé Liyel nínó ànê yé Liyel fálnó duke pól ne n pɪ Liyel Mirki yah tǎnó soko gbímegbí. Yé gbah tǎ ne n yuku yahle képah soko. Yé Liyelle n ni Yesu yǎ sǎpú fũnkì pól tyí.

<sup>19</sup> Yé nírile n pɪ nɔ tɔ tyí, sǎnko Liyel welo pèplo dahbɪ ní vyǎh soko mǎh n wekɪ gbí nêne, mè n tǎ n we nìsǎh we mè tyípille n yo n wah nónó-á me Nìvìnì tir soko.

<sup>20</sup> Kéne Nìvìnì tir yah yuku yĩn ye kárnne mónóle ní gbàn tyí wòkònpèkè soko yò. Yé nírile n pɪ ní tyí ní kǒ mè tǎ n we kéle n yo nìsǎhle kǎh yĩne sǎ.

### Wey téyne

<sup>21</sup> Mé me ké tyí ne yépi tɔ pĩ ní tyí-á me dùkù nêne, ànê tir nê-á mé me n pɪ. Á yũnpi Tisyiki nê-á ní nénónine, té me tǒle n pɪ palle Tǎ ñgbě tyí, ñmɔ kɪ pɔ ní tyí kèdùkù pól yo yé tyí.

<sup>22</sup> Nɔ ye we te n tekɪ n mɔ ñne yé tyí ne à kyɪ á tyí kèdùkù yo yé syah à mó yé nɪ sũ.

<sup>23</sup> Mé kéle n yah n kǒ á Sú Liyel ànê Tǎ ñgbě Yesu Krista tyí ne pè yèvinɪ, ànê tyínɔnɔ, ànê Liyel yǎ sǎnóle á yũnpyé pól kǒ.

<sup>24</sup> Á Tǎ ñgbě Yesu Krista tyí-á me nónóle nónó pól tyí tyétyéní kǎne, mé kéle n yah n kǒ Liyel tyí ne à yòbènɔɾɪ pɪ pé tyí.

## Pole sébéy tékínmōnole Filipi tãn tyí

*Tyàh-nsah wey*

<sup>1</sup> Nmo Pole ànê Timotele, ápi nóno-á Yesu Krista tōnpibule, ápi ye n teki n mo sébéyne Yesu Krista yō sēpú pól tyí Filipi kwil soko, pépi nóno soko yísyó-á yah tēpú ànê yòhnìnmōpule, nóno-á yáhtokōnsàhnóle.

<sup>2</sup> Á kéle n yah n kō Sú Liyel ànê Tē ngbē Yesu Krista tyí ne, pè yòbènrì ànê yèvinine yé kō.

*Pole-á nîrî nêne n pi Filipi kwil Yesu yō sēpú tyí*

<sup>3</sup> Gbímegbí máh sō yé tyí soko, mè n wēki Liyel tyí.

<sup>4</sup> Gbímegbí mē nîrile n pi yé pól tyí nìvìnì soko,

<sup>5</sup> yáh sōnpíle pi nmo yòhnìnmōpule Nìvìnì tir yónó soko, à tōko ké tyah sō duku tyí, pópó à pō syi núkúnúkú tyí.

<sup>6</sup> N sēnyīno me ké yō soko ne, Liyel nê-á tyah tō pèpey mēne yé nno soko, wāh ki yō soko ki kéle n tō n sah n pi, pópó ki pō syi ké pínntenō tyí Yesu Krista syi n pō sōle.

<sup>7</sup> Yé tyí no yīí ní tyí. Képah ye, ké yah ye yé pól tyí sōnole ní soko sēntēne. Yépi tō vyāh me yòbènrì mè tyí soko, Liyel-á nêne n pi ní tyí wòkònpèkè soko, ànê máh sō me Nìvìnì tirlè n yo n wah gbí nêne, à kéle n wēki ne gbi-á kéle.

<sup>8</sup> Liyel ye nmo tārfyòle ne, Yesu Krista tyínōnō nê-á me nmo soko, képah-á ní ni kō kè n yori yé tyíle.

<sup>9</sup> Máh me Liyelle n ni yé tyí tir nê tyí soko, képah ye yò ne: Tyínōnō nê-á me yé soko, kè ne n yuku yahle, yé kō yé pi lékám névyele, ànê yī pípúle.

<sup>10</sup> Képah soko, tyi nóno-á yīne kal, yé ki sépile n yah n tōko n pne. Képah-à pi, yé ki me yályál wényo-nsah kēne yé tyí Krista syi n pō sōle.

<sup>11</sup> Képah soko, yé ki tyi pólle n pi gbi wēkì yō Yesu Krista gbò yō, Liyel yīn kō kè ki pi gblò, té ki n gbilki.

*Nìvìnì tir yónó yah yúkúnóle*

<sup>12</sup> N yúnpyé, mé me ké tyí ne yé pī ne, tir nê-á nmo yīni tē, kǎh yòhnìnmōnō pi Nìvìnì tir yónó yah yúkúnó soko.

<sup>13</sup> Yé náh we di, yòtē dí tōrí kéte nê soko-á nne wòkònpèkè soko, nénpó tãn pól ànê no téló pól pī ne, Krista tō yīn-á nne wòkònpèkè soko.

14 N yǎnpyé-á nímɔ we wòkònpèkè sòkɔ sě, wǎn mɔ pé kan Tě ngbě yǎ sě́nó yǎ. Kǎh pɪ sě́, pé nɪ tǎ gbah syǎh, pè Liyel weyne n yo tíkí kě́nɛ.

15 Gbɪ tě wɔ ye, túkù me nímɔ dyɔ yɔ yǐnne Krista tyíle n yo à pé gblǒyne n tɔkɔ n pɪ fónfó nímɔle. Nte túkù tě wɔ me kéle n yo sǎnɔ pèplɔle pé sòkɔ.

16 Tyínɔnɔ sòkɔ ye pépi n pɪ képahle. Pè pǐ ne Nìvìnì tir gbɪ yo n wah yǐn-á nne ásò.

17 Nte nónó tě wɔ-á Krista tyíle n yo à nímɔle n fwo, pépi sǎnɔ náh me ple. Pè me n sǎ ne páh kɪ wǎn mɔ n pɪ nímɔ wòkònpèkè sòkɔ dé́n yèvyǎhɪ yǎ.

18-19 Nte képah náh me tir yóle nímɔ tyí. Kè sǎ pɪ sǎnɔ túkù sòkɔ ò, kè sǎ pɪ sǎnɔ pèpɛy sòkɔ ò, Krista tyí tě wɔ me n yo. Képah ye, kè me nìvìnìne nímɔ tyí.

Té nímɔ pǐ ne yépi nírí ànê Yesu Krista Mirki yòhnìnmonɔ gbò yǎ, yǐ mɛ-á me n pɪ nímɔ pwáhnmonɔ wěkì yǎ. Képah ye, n nɪ kɪ tǎ n vɪ n yuku n pɪ yahle.

20 Máh me nê syíkɪ tě kègbɪle, té n gbò sàhnó me ké yǎ, képah ye ne, sen káh n tě n tyípíní yó nítě sòkɔ pólle. Nmɔ sěnyǐnɔ me ké yǎ sòkɔ núkúnúkú ànê gbímegbí ne, mǎh se wǎ min sòkɔ ò, mǎh se ku ò, képah-á kɪ Kristale n gbilki.

21 Yé náh we di, nímɔ ménó yǎle min sòkɔ, Krista gbilki yǐn ye. Té kúnóle, yǎre wénó ye kéle nímɔ tyí.

22 Nte min sòkɔ tǎnó-à kɪ nímɔ kǎ mé fě tǎ we n pɪ n pɪ yǎre-á me nê tyí, mé yǐne mè nê tě yah n tɔkɔ wé?

23 Nmɔ me tǎtǎ sǎnɔ sòkɔ. Mé me ké tyí ne mé yal kèkǎyó mè sòkɔ mé n kyɪ n tě Kristale, képah tyí me kal n tyí.

24 Nte n tǎnóle min sòkɔ, yǎ me képah tyí kal yépi yǐnne.

25 N sě́nó me ké yǎ, ànê mé pǐ ne mǎh kɪ wǎ, kɪ n tǎ n pɪ yé pólle, yé yah yuku yǐn ànê yé nìvìnì we yǐnne Liyel yǎ sě́nó sòkɔ.

26 Képah sòkɔ, nímɔ syínponɔle yé tnò, kè kɪ yé kǎ yé kɪ Yesu Kristale n gbah n gbilki.

27 Nê tě-á tah kal, yé yé minne n pɪ à yǐne Krista Nìvìnì tir yónóle. Képah sòkɔ, mǎh kɪ sǎ pɔ wil yé tyí ò, mǎh kɪ sǎ pɔ n wíl-ńkě́nɛ yé tyí ò, mé kɪ me yé tyíle n nohnɪ ne yáh me su yǐn gbáhkì núkú yǎ sǎnɔ núkúle yé sòkɔ, té me so wě tyí à gbah tě Nìvìnì tir yǎ sě́nó yah yúkúnó tyí sòkɔ.

28 Yé káh ye yé sèpébi kǎ pè yé wore tir yó nítě sòkɔ. Képah sòkɔ ye pè kɪ pǐ ne pé tyí yíkɪ yíkɪ wěkì yǎ-á péle, té yépi-á me pwáhnmonɔ wěkì yǎ. Liyel ye n pɪ sépi pólle.

29 Yé náh we di, Liyel ye yòbènrɪ pɪ yé tyí yé kǎ yé pɪ Krista yǎ sèpúle. Té kè náh yǐn n yǎ sě́nó ó tyí dé, yé kɪ tǎ

yèvyãhrı tɔ wɛ n pı n pi ñmɔ yĩnne.

<sup>30</sup> Yépi ye me mékìle n fwo Nìvìnì tir yah yúkúnó tyí sɔkɔ ñmɔ tyí kòle, sã-á lésɔ yé ní wɛ mé me ké mékìle n fwo. Té ñmɔ me yɔ sɔkɔ sã kéle. Yépi ñtẽ pínó me ké sɔkɔ ó.

## 2

*Krista gblɔy tìkìnmɔnɔle ànê ñ né-ñgbě òkùkùle*

<sup>1</sup> Yé wró kwrónmɔnɔle Kristale, kè me sórèle n mɔ yé sɔkɔ. N tyínɔnɔ nê-á yé sɔkɔ, kè me yé nnɔle n sũ. Yé wró me kwrónmɔnɔle Liyel Mirkile. Yé me wẽ yãmne n yah, té me pèpɔrile n pı wẽ tyí.

<sup>2</sup> Káh pı sã, núkúnúkú tẽne, yé ne n sah núkú yɔ. Tyínɔnɔ òkù núkú yĩne kè ne n me yé sɔkɔ, yè mó yé fɔkɔ táh ànê yé sɔnɔ pı núkùle. Yáh kèpah pı, nìvìnì ye yé kɩ mɔ yĩ ñmɔ sɔkɔ.

<sup>3</sup> Yé káh tir yó ñtẽne n pı wẽ fwónó sɔkɔ. Yé káh yé gblɔyne n wẽkɩ. Yé yé gblɔyne n tiki n mɔ, yè mó no télólè n tɔkɔ n pı fónfó yé gblɔyne.

<sup>4</sup> Yé sɔkɔ yó ñtẽ káh ne n yah ñ yẽngbẽ tyi ó tyí dé, yé ne n sɔ n kal no téló tyí sɔkɔ.

<sup>5</sup> Sɔnɔ nê òkù-á sɔ me Yesu Krista sɔkɔ, yé ye kéne sɔnɔ òkù nê me yépi tɔ sɔkɔ.

<sup>6</sup> Nmɔ me núkùle Liyelle,

té nê-á yĩne ñne, à náh sɔ me kéle n yah n kɔ káhkáh.

<sup>7</sup> Nte à sépi pól wɛ ye

té ñ gblɔy pı yɔle,

à ñ gblɔy pı névile.

No pól sɔ ñne n pne névile.

<sup>8</sup> A ñ gblɔy tiki mɔ

à n sah Liyel tyí yɔ,

à syi pɔ dahɩ yɔ kũ ku.

<sup>9</sup> Kèpah ye, Liyel me ñmɔ òkɔ sah kal no pólle,

té yĩn-ńsah ñgbẽne à kɔ kal no téló pólle.

<sup>10</sup> Kèpah sɔkɔ, yí nónó pól-á me yĩnyɔ sɔkɔ,

ànê sétáh yɔ, ànê lékókwl,

sé pól kɩ sé gbètukunɔ di Yesu yah sɔkɔ,\*

<sup>11</sup> té kɩ n yo ne Yesu Krista-á TÈ NGBÈNE,

Sú Liyel yĩn kɔ kè kɩ n gbilki.

*Yesu yɔ sãpú-á yĩne pè ne n pı sɔ*

\* 2:10 2.10 - Yah n te Yesayi 45.23.

12 N nénónó, máh sò me yé wró sòkò té yé me n nohnu sò ní tyí gbímeḡbí, núkúnúkú mé náh me yé wró, òte mé kéle n yah n kò yé tyí ne yé wān mɔ sɛ yé nòhnìnó yò. Yáh fyò pwah mɔ, yé tòle ne n pi tíkí ànê wilsyahri sòkò képah yinne.

13 Yé náh we di, Liyel ye n dahbi yé sòkò tò pínó dékèlè à yīne òmɔ-á me ké tyí sò, ò té ké pínó tēnwenole yé kò yé kéle n pi à yīne òmɔ-á me ké tyí sò.

14 Yé tyi pòlle ne n pi wēnkyò wékí-ńkēne, ànê yékāb kēne.

15 Képah sòkò, yé kɪ pi pèkè kē névyele, pè náh wényo-ńsah we n pi yé tyí. Yé kɪ pi Liyel wēnpile, lékàh kē névyele kèkòyó névyele wró, pépi nónó-á yínvī ànê népèl ó pé tòó. Yépi yīne yè pi kyòole pé tyí, sò-á ńwò kèpyele kyòo yīnyò sòkò.

16 Té wey nê-á minne névyele n kò, yé képah yo pé tyí. Képah-à pi, kè kɪ pi yò yǒnóle ńmɔ tyí Krista syi n pɔ sòle. Té kè kɪ tǔ kè wēkɪ ne máh yèvyāhri ànê tǎn nónó pi sòkò, sè náh pi yò kēne.

17 Yépi-á yèvyāhri nê pi Liyel yò sēnó yinne, ńmɔ-à kɪ sò me yīne mè n ko n pi sárkále à tahlí képah tyí ò, nìvìnì ye kéle ńmɔ tyí. Té mé me ké nìvìnì sòkò yé tǔle.

18 Yépi tǔle, yé ne n me nìvìnì sòkò, yè ké nìvìnìne n pi ńmɔle wē tyí.

### *Timote ànê Yepafroditi tyípínìne*

19 Nmɔ gbò sàhnó me Tē ñgbē Yesu yò ne máh kɪ Timote tǔ yé tyí kè náh tǔ n mo n pi. Képah sòkò, wàh kɪ kyɪ yah yé tyí té ò syi, à kɪ pɔ yé tyí kèdùkù we yo ní syah ní nì kò kè kɪ de.

20 Yé náh we di, òmɔ ó me ńmɔ tyí nê nɪ-á me n yɔri yé tyíle ńmɔ tyí kòle.

21 No tǔlò pól tē wɔ me n yah pé yēngbē tyi ó tyí, pé dyo náh me n kwne Yesu Krista tǔ tyíle.

22 Nte Timotele, yépi ńtē pī ne tyípínì sòkò-á à kè wēkɪ ne, tǔnpi pèpey-á péle. A ò gblǒy kò Nìvìnì tir yónó tò sòkò ńmɔle wē tyí, sò-á wēnpir tǔle n pi ò sú tyí.

23 Képah ye, ní tyí-à kɪ fyò pɔ sah gbáhkì núkú yò, òmɔ ye mé me n yah ne máh kɪ núkú tǔ yé tyí.

24 N sēnyĩnɔ me ké yò ne Tē ñgbē gbò yò, ńmɔ ńtē tɔ-á kɪ pɔ yé tinnè kè náh n mo n pi.

25 Nte mé kè we, mé yīne mè ní yǔnpi Yepafroditi kò à ò syi n yukú yé tinnè. N kó-ò ye òne, tò núkú pípú ànê mékì



núkú fwópú tǒ ále. Yépi ye n fyǎhnó we, té à wilki tǒ n tyí à pǒ n yohni mo.

<sup>26</sup> Yé pól we dékè me à tē yíí, té yáh noh n yónó tyí soko, kè me yótókóbíle n tyí.

<sup>27</sup> Kègbi yǒ, à sǒ me n yǒ. Fárko fárko à náhki ku. Nte Liyel me n yām yah. Té kè náh pi ne ñmo ó yām sǒ à yah dé, ñmo to yām ye à yah wǎn kǒ kè náh n mo n pi n yèkwari yǒ.

<sup>28</sup> Képah ye, mé ki à kǒ à ki n syi yuku súú yé ñinne, yé kǒ yáh ki à we, kè pi nìvìnìne yé tyí nǐtǒ, kwáh mó wilki ñmo to yèkwari soko.

<sup>29</sup> Képah ye, yé à tē ple nìvìnì soko Tē ñgbě yinne, yé mó sǎnkno névyele ne n sǒ.

<sup>30</sup> Yé náh we di, Krista tǒ yīn ye à ku farki. Yépi-á ne yé ñmo yohni n mo yí nónóne, té yé náh fē n pǒ séle n kǒ n pi ye gblǒy, ñmo fē syi kǔ dlo gbal à sè syi pǒ n kǒ.

### 3

#### *Kóló pèpeyne Liyel yah soko*

<sup>1</sup> N yúnpyé, yé ne me nìvìnì soko yé wró kwrónmóno yinne Tē ñgběne. Máh tyi nónó yo soko te yé tyí, kè náh me kwlónóle n tyí ki tǒ n syi sè wárki tekí mo yé tyí. Képah nǐtē ye ki yépi yohni mo yéki tē wǎkì pèpey yǒ.

<sup>2</sup> Yé yé gblǒyne n kyomi tǒntúkù pípúle, kéne pǎhlóle, pépi nónó kǒkè kǒnó-á wil fí yó ó kǎmnóle.

<sup>3</sup> Ké gbì tē yǒ, ápi wo ye kǒ kǒkè pèpeyne, képah nê-á Liyel yīn gbilkínóle n Mirki gbǒ yǒ. Kè me yǒ yǒnóle á tyí áyáh we kwró mo Yesu Kristale té á náh me á gbǒ sah á gblǒy yǒ.

<sup>4</sup> Nnì yó tē-à fyò fē n gbǒ sah n pi n gblǒy yǒ, gbì ki sǒ fē we ñmo tyí kal tēne ki n gbǒ sah n gblǒy yǒ,

<sup>5</sup> ñmo nê-á kǒ n dúbínó sèpìn kwártǒ-ò sǒle, té mó tǒ pi Yisrayel neyne à wil Běnsyame yìkì soko. Yebreke ye ñne, n dúbípúle Yebreni ye péle. Nsyifuno tyi kǒnsáhnó wǎl kópú nónó-á pè n ye Farisi wǎkì kópúle, pépi soko ney yó ye sǒ ñne.\*

<sup>6</sup> Té à yuku gbáhntēno tyí ñinne kéne wǎl kóló soko, mé sǒ me Yesu yǒ sǎpú ñinkile n fōh. A tǒ yuku kéne wǎl kóló tyí ñinne, ney náh sǒ fē lékàhle n kǒ n pi.

\* 3:5 3.5 - Nsyifuno pólle, Yisrayel no ye péle. Yisrayel no pólle mó, Yebreni ye péle.

<sup>7</sup> Nte kéne tyi nónó-á sò me yõre tyile nmo tyí, núkúnúké mé me po sè we syíkinó tyile Krista yinne.

<sup>8-9</sup> Gbi yõ, Tẽ ñgbẽ Yesu Krista wénpĩno-á pi pèporu ñgbẽ nêne nmo tyí, képah yinne mé me tyi nópi pólle n yah syíkinó tyile. Mé me ké tyí ne mé pi Krista tyile, ànê ní wró mó kwro mo ñne. Képah ye ní kõ mé fẽ syi ní náh vi tyi pól kõ, té sé pólle n yah tú yõ yí tyí kõle. Mé náh tã me n sò ne tyi kònsàhnó wãl kóló-á pi ñne tómm dé. Krista yõ sěno gbõ yõ ye mé pi tómm. Liyel ye n pi névile tómm Krista yõ sěno gbõ yõ.

<sup>10</sup> Nmo-á me nê tyí képah ye yò ne, mé Krista pĩ ànê tãhkì nê-á yilki mo ñ lékóle, ànê ní vyãh mó we ñ yèvyãhrì pínó soko, mé mó n pi ñ tyí kõle ñ ku dùkù soko.

<sup>11</sup> Képah soko, ní sòno kù me ké yõ ne ní to lékó-á kù po n yilki n mo n pi.

<sup>12</sup> Kè náh me á kù ne nê-á mé n yah n kõ mé sõ kè we te, ànê ní tyí sõ pekù syi ké yĩn tyí dé. Nte mé me yõ soko ní tólóle ne mé gbah n tẽ mé kè we, képah nê yĩn-á Krista ní ye pi ñmo ó tyile.

<sup>13</sup> Jõ dé ní yúnpyé, kè náh me á kù ne nmo sõ kè we te. Nte nê-á mé me n pi, kè we yõ: Tyi nónó-á soko te, mẽ ní dyo mo n fwo sépi tyile, ñ té yah tĩn tyile n yĩkì.

<sup>14</sup> Mé me n to ké yinne n yĩkì yõre we yinne Liyel-á ále n ye ne á po nê syi yinyõ, Yesu Krista gbõ yõ.

<sup>15</sup> Api nónó pól Yesu yõ sěno-á de yĩn, sě ye á yĩne à ne n sò. Nte sòno káhkí-à kù se me yé soko tir yó tyí soko, Liyel kù tã képah dùkùle yé wěkù.

<sup>16</sup> Kàh kù sõ n pi sõ, áyáh me n kò wěkì nê yõ à po syi núkúnúké tyí, á ye yõ soko ne n yuku yahle képah ó yõ.

<sup>17</sup> N yúnpyé, yé nmole n yah n pi. Áyáh pi dùkù nê wěkì, nónó-á me képah wěkìle n kò, yé pépile n yah n pi.

<sup>18</sup> Mé ye kè yo soko te yé tyí gbáhyí náhnáhle, té tã me ní syi kéle n yo yé tyí gbní soko núkúnúké ne, Yesu Krista dahù yõ kúnó-á nêne n pekù, névye náhnáh pi dùkù-á me kéle n wěkù ne pãh me kéle n fwo.

<sup>19</sup> Pépi tyí-á kù po n yĩkì n pi ké tyé-ńsah soko. Pé kèkurn-á pi pé liyelle. Tir nê-á sene pe tẽ n pi, pe n ne me pé gblõyne n gbilki képah soko. Kèkõyó yí ó tyí-á pépi n ne n sò.

<sup>20</sup> Api tẽ wo sú fó me yinyõ soko, nyãh soko-á á pwáhnmo-ò nê-á Tẽ ñgbẽ Yesu Kristale, à kù n wil n po n pi, áyáh me nmo nêne n deki.

<sup>21</sup> Api wil gběnsê nê-á sohki kěne, à ki po kè vi mo pu ñmo wil gběnsê tyí kòle, nê-á gbílkinó me n sah ké yõ. N tēpnèno gbò yõ ye à ki pi képahle, nê-á yiyin pól kò sè n sah ñ tyí yõ.

#### 4

<sup>1</sup> Képah ye ní yúnpyé pèplo, yé gbah n tē sēntēne yé yé sōno sah yī Tē ñgbē yõ. N nénónó, yé we dékè me ní kah tē. Yépi ye ñmo ñivini yòle, ànê yépi ye yõ ñmo yòle.

*Pole-á vìnmono nê kò*

<sup>2</sup> Mé kéle n yah n kò Yevodi ànê Sētisiyi tyí ne, pè pé wró kwró n mo Tē ñgbē wēkì kóló soko.

<sup>3</sup> Té áwo nê-á tò núkú pí-ò pèpeyne ñmole, mé kéle n yah n kò á tyí ne á Yevodi ànê Sētisiyi yohni n mo pé wró kò kè kwró n mo. Yah, syó yísyó ye péle, nónó-á so mo ñmo tyí á gbah tē Ñivini tir yah yúkúnó tyí soko. Klema to sò me péle, ànê ní tò núkú pípú télóle, pépi nónó yni-á me wárkínsahnóle tyé-ńkē min névyé yni sébéy soko.

<sup>4</sup> Yé ne n me ñivini soko yé wró kwrónmono yinne Tē ñgbēne gbímegbí. Mé kéle n tō n yo yé tyí, yé ne n me ñivini soko.

<sup>5</sup> Yé yah, Tē ñgbē pónó me yúkey. Yé ye no pól yéle n pne népépo tyí soko.

<sup>6</sup> Yé káh n ye yé yáh-ńsah tye tir yó ntēne. Té tyi tyi pól soko, kwáh nê yétò-à yé tē, yé kè ni Liyel tyí níri pínó soko, yé mó wēki ñ tyí ñ pèpori pínó yinne.

<sup>7</sup> Képah soko, ñ yèvinu nê-á kán pi névi sōnole, képah ki yáh-ńsah tyénó yah kò dénóle yé nno ànê yé sōno soko, yé wró kwrónmono gbò yõ Yesu Kristale.

<sup>8</sup> Nê-á mé ki yo yé tyí ké tyé-ńsah soko ní yúnpyé, tyi nónó-á me gblóle, té yīne gbílkinóle, ànê tyi nónó-á me tómtóm té me yályál, ànê tyi nónó tyí-á ki fē no névi tyí té à ki sè fē syi, ànê tyi nónó-á me tyipénalle té me n mo n kò, yé ye sépi ó ne me yé sōno soko.

<sup>9</sup> Yáh tyi nónó sáh ñmo tyí, té nónó we toko ñmo tyí, ànê yáh tyi nónó noh ñmo tyí, té ní we mé me tyi nónóne n pi, yé ne n kò sépi wál yõ. Képah soko, Liyel ki me yéle ñmo nê-á yèvinne n kò.

*Pole wékinóle Filipi kwil tãn tyí, pé pèpori pínó tyí soko*

<sup>10</sup> Mé ñivini ñgbē we Tē ñgbē wēkì kóló soko, yáh sōnpile tē we kè we wēki ntō ne ní tyí-á me tah yé tyí. N tyí sò me tah yé tyí, ñte yé náh sò me syò-ńsah we à fē kéle ní wēki.

11 Kè náh pɪ nɛ ní fyàhnó sɔ́ ní kɔ́ mé képahle n yo dé. Máh nê sãh képah ye yò nɛ, kè sɔ́ dùkù nê óle, kè n nɛ n me yínénóle nímo tyí.

12 Mé ní minne n pɪ n pne yãm sɔkɔ, té mó tɔ́ kéle n pɪ n pne tahrɪ sɔkɔ. Tyi pól sɔkɔ ànê duke duke pól sɔkɔ, nímo n fě ní minne nɛ n pɪ. Kàh se tɛkɪ sɔkɔ ò, kàh se kwɛkɪ sɔkɔ ò, mé ní gblɔy dar mo sépi pólle. Mé ní minne n pɪ n pne tahrɪ sɔkɔ, té mó tɔ́ kéle n pɪ n pne fyàhnó sɔkɔ.

13 Mé kɪ fě tyi pól pɪ Yesu Krista gbò yò, òmo nê-á tãhkìle òne n kɔ́.

14 Nte képah fyé yò, yé pɪ ple gbò dáhbínóle ní tyí ní yèvyãhrɪ gbí sɔkɔ.

15 Filipi tãn, yépi nítě pínó me ké sɔkɔ nɛ, Nìvìnì tir yónó tyah gbíne yé tìnne, gbí nê-á sò mé yal Masedonɪ sɔkɔ, à wil yépi tyí sɔkɔ yépi nónó-á pɪ soh nímole à kwáhle ní kɔ́, té kwâh we syi ní tyí, Yesu yò sɛpú tɪnkì yó nítě náh tɔ́ kwáhle ní kɔ́.

16 Gbí nê nítě fyé-á sò mé me Tesaloniki kwil sɔkɔ, gbáhyí núkú ó náh yé tɛkɪ mo ní tyí yòhnìnmonole.

17 Kè náh me á kɪ nɛ mé sɔ́ me ké tyí nɛ, yé yíle nɛ n yí òne n kɔ́ dé, òte mé me ké tyí nɛ wãn mo yé pèpɔrɪ pínó yòre wénó yò.

18 Yáh yí nónó pól tɛkɪ mo ní tyí, mé sè we syi, kwâh yó nítě náh tɔ́ me ní tɛkɪ. Yepafroditi-á fyò pɔ yòhnìnmonole ní kɔ́, nê-á yé à kɔ́ nɛ à pɔ ní kɔ́, mé núkú pɪ kwâh nétêne. Kéne yòhnìnmono mène, tyípépɛy ye kéle Liyel yah sɔkɔ, wãh nê fě syi, té ké tyí no ò tyí.

19 Nmo Liyel nê-á tahrɪle ò tyí tyétyéní kě, à kɪ syò Yesu Krista tyí, kɪ yé yétò yí pólle yé kɔ́.

20 Gbílkínó nɛ n sah ápi Sú Liyel yò gbímegbí. Amiina!

21 Yesu Krista yin yò, yé weyne Yesu yò sɛpú nénúkù núkú pól kɔ́ ní tyí . N yúnpyé Yesu yò sɛpú nónó-á me òne ásò, pé to n wekɪ yé tyí.

22 Yesu yò sɛpú pól n wekɪ yé tyí, ké dú dɔkɔ nónó-á me tòle n pɪ yòtě dí Sesar tyí ásò sɔkɔ.

23 Tě ògbě Yesu Krista yòbènɔrɪle nɛ n pɪ yé pól tyí.

## Pole sébéy tékínm̄on̄ole Kolosi t̄an tyí

*Pole wékínóle Kolosi t̄an tyí*

1 Nm̄o Pole nê-á p̄i Yesu Krista t̄ent̄ò névile à ȳine Liyel n̄iv̄in̄ine, ñm̄o ànê á ȳin̄pi Timote ye

2 n tek̄i n m̄o sébéy m̄ene yépi tyí, yépi nónó-á p̄i Liyel nolē Kolosi kwil s̄ok̄o, té p̄i á ȳin̄pyé Krista ȳo s̄ép̄u kègb̄l̄ole yé wr̄ó kwr̄ónm̄on̄o gb̄ò ȳo Yesu Kristalē. Á kéle n yah n k̄o á Sú Liyel tyí nē, à ȳòb̄en̄or̄i p̄i yé tyí à mó yèvin̄ine yé k̄o.

*Pole me weyne Liyelle n k̄o*

3 Liyel nê-á á T̄ē ñgb̄ē Yesu Krista Súle, gb̄ím̄egb̄í áyâh ñne n ni, à n nē n w̄ek̄i ñ tyí yé tyí s̄ok̄o.

4 Yesu Krista ȳo s̄en̄ó nê-á me yé s̄ok̄o, ànê ñ ȳo s̄ép̄u tyín̄on̄o nê-á me yé s̄ok̄o, á sé tyí yónó noh.

5 Gb̄i w̄ey nê-á N̄iv̄in̄i w̄eyne, ké ȳin̄int̄ēn̄o gbenne yé tyí, képah s̄ok̄o ye yé noh kéle nē gb̄ò s̄ah-ñsah yó-á me yé tyí ȳinȳo s̄ok̄o, té me yé gb̄ò sah ké ȳo.

6 Kéne N̄iv̄in̄i tir m̄e-á ȳini t̄ē yépi tyí gb̄í n̄ēne, k̄ah s̄ò me t̄òle n p̄i n t̄o m̄o k̄ek̄oȳó t̄ant̄an pól s̄ok̄o s̄ò, s̄ē kéle yépi t̄o t̄inne, à t̄ok̄o s̄ò nê-á yé k̄e p̄i k̄egb̄i ȳo s̄ok̄o nē Liyel-á ȳòb̄en̄or̄i p̄i yé tyí.

7 Ápi n̄en̄óní Yepafrat̄i nê-á me t̄ò núk̄ule n p̄i ápile, ñm̄o ye k̄o yéle kwónó m̄ene. Krista t̄on̄p̄i n̄egb̄í ye ñne nê-á me t̄òle n p̄i yépi tyí.

8 Liyel Mirki-á tyín̄on̄o nê dahb̄i yé s̄ok̄o, à ké tyí yo á tyí.

9 Képah ye, ápi t̄o-á yé tyí noh s̄ò n̄ēne, à t̄ok̄o lés̄o tyí, á n̄ah me yal m̄o níri p̄in̄óle yé tyí. Á me kéle n yah n k̄o Liyel tyí nē à ñ dȳo ȳīne yé w̄ek̄i palle, ȳíp̄i ànê lék̄ám gb̄ò ȳo nónó-á n wil ñ Mirki tyí.

10 Képah s̄ok̄o, yé k̄i t̄ē w̄e n k̄o à ȳine T̄ē ñgb̄ē w̄ék̄ile, k̄i ñ dȳo ȳī tyile n p̄i gb̄ím̄egb̄í. Yé k̄i tyíp̄épl̄o duke pólle n p̄i, té k̄i Liyelle n gbah n p̄i n yuku yahle.

11 Á me kéle n yah n k̄o ñ tyí nē à t̄ahk̄ile yé k̄o tyi tyi pól s̄ok̄o, ñ t̄ór̄i t̄ahk̄i gb̄ò ȳo, s̄on̄ko yé f̄ē tyi pólle n sro.

12 Yé w̄ek̄i Sú Liyel tyí n̄iv̄in̄ine, ñm̄o nê-á t̄ēnw̄en̄ole yé k̄o yé vȳāh k̄o k̄e w̄e ñ p̄ep̄or̄i w̄en̄ó s̄ok̄o, w̄āh képah nē yah sah ñ t̄ór̄i kyòo s̄ok̄o k̄i névye k̄o, nónó-á me ñ tyí ȳo.

13 A ye á yorú tē syi fēntū tǎhkì gbò, té á dah mo ò nìdè Pídí tǒrí sòkò.

14 Kéne Pídí gbò yò ye á pwáhnmonò we, té á tyípèl me yò mo á tyí.

*Krista ye yiyìn pól Tē ògbēne*

15 Liyel nê-á à náh n we yíne, Krista me òmo tyí kòle. Nmo ye Liyel Pi gbenne. A me Liyel gbēnpino pól yò.

16 Yé náh we di, òmo gbò yò ye yiyìn pól mo.

Kè se yinyò sòkò ò, kè se sétáh yò sòkò ò,

kè se yí nónó-á n we yíne ò, kè se nónó náh n we yíne ò,

kè se mréy tǎhkínóle ò, kè se névyè fnèpule ò, kè se

yòtāmnóle ò, kè se tǒrí yò névyèle ò,

òmo gbò yò ye pé pól mo, ànê pé pól me òmo tyí yò.

17 Nmo yiyìn pól dyah tē,

yiyìn pól me òmo gbò yò sòkò.

18 Yesu yò sēpú tǐnkì yòtē ye òmole, pépi nónó-á ò wil gbēnsèle.

Nmo ye tyàh-òsahle,

òmo lékó ògbò ye yilki mo,

sònko òmo pi gbenne tyi tyi pól sòkò.

19 Yé náh we di, kè ye no Liyel tyí à tē òmo sòkò ò tó.

20 Té me ké tyí ne pé névyè ànê yiyìn pól wró tǒ sah péwo

Liyelle, Krista gbò yò.

Liyel Pídí mè kúnóle dahni yò, képah gbò yò ye yèvinu we

Liyel ànê no pól wró

sétáh yò ànê yinyò sòkò.

21 Ngbòle, yépi to wró lésò me gbékínóle Liyelle. Sépéri lésò me yé wró òne yé sòno tókúni ànê yé tyítókúni pínó yinne.

22 Nte núkúnúkú, ò Pídí-á wil gbēnsé sòkò kú nê ku, képah gbò yò ye Liyel yé wró kwrò mo ò gblòyne, ne yé po yin péwo yah sòkò yályál pèkè kēne, ànê wényo-òsah kēne yé tyí.

23 Nte yé yíne yè Liyel yò sēnó tē yin gbáhngbáh, yé yin dùkù mó ne n me palle. Yé gbò sàhnó-á me nê yò à tókò yé Nìvìnì tir noh sò dùkù tyí, yé káh po gbe mo kéle. Kéne Nìvìnì tir ye yo kèkoyó névyè pól tyí, képah nê tǒ sòkò-á òmo Polle.

*Pole-á Liyel tǒ pi yèvyāhrile dùkù nēne*

24 Máh me yèvyāhri nēne n pi yépi yinne, núkúnúkú mé me képah nìvìnì sòkò. Yé náh we di, òmo me ní gblòy kò

à Krista yèvyãhrı téy toko n pi n yõ sěpú tĩnkĩ yĩnne, pépi nónó-á n wil gběnsêle.

<sup>25</sup> Nmɔ pi tɔnpule yépi Yesu yõ sěpú tĩnkĩ tyí à yĩne Liyel-á tò mè dahbı sǒ n gbò yé yĩnne. A kè dahbı n gbò ne mé pé wey pól yo,

<sup>26</sup> képah nê-á pi Liyel sètĩn sò tirlɛ, nê-á à me no pól wõbı sah kéle ñgbò dukùle, té me kéle Yesu yõ sěpú tĩnkĩ wɔ wěki núkúnúku.

<sup>27</sup> Yõre ñgbě ànê tǒrí nê-á me sètĩn sò tir mè soko, névyɛ tyí nónó náh pi Nsyifunɔle, képah ye sò Liyel me ké tyí ne pé wěki. Sètĩn sò tir mè we yò: «Kristale yé wró soko, yé gbò sàhnó ki me Liyel tǒrí wénó yõ ñmɔ gbò yõ.»

<sup>28</sup> Nmɔ tyí ye á me n yo no pól tyí, té me ké gbáhdýãhle n di n sah nénúkù núkú pól tyí, té me nénúkù núkú pólle n kwɔ yípĩ duke pól soko, sǔnko no pól Yesu yõ sěno de yĩn pé wró kwrónmɔnɔ gbò yõ Kristale.

<sup>29</sup> Képah yĩn ye mé me tǔle n pi, me n tah sah syikey soko Krista táhkĩ gbò yõ, nê-á me tǔle n pi yíí ñmɔ soko.

## 2

<sup>1</sup> Mé me ké tyí ne yé pĩ ne máh me mékĩ ñgběne n fwo yépi ànê Lawodise tãn yĩnne, à tahlı nónó nítě tɔ pól-á pè náh n we yah yĩne.

<sup>2</sup> Mé me ké tyí ne nısãh we pé soko, pè mó pi núkúle tyínɔnɔ soko, lékãm mó ne me yíí pé soko. Képah soko, pè ki Liyel tir wõbınsàhnó pĩ, nê-á pi Kristale.

<sup>3</sup> Yõre nê-á yípĩ ànê pnèno soko, ké pól me wõbınóle ñmɔ soko.

<sup>4</sup> Mé tir mène n yo yé tyí sǔnko ñnĩ yó nítě káh n pɔ yé pilki vyãhsesyĩrí soko.

<sup>5</sup> Gbı ye, ñmɔ tẽ wɔ náh me yéle fı núkú soko ó, ñte mé me yéle sɔnɔ soko. N ni me vınóle yéle, máh kè we yé me yé tah sah té me Krista yõ sěno koh tẽ yĩn gbáhgãh.

### *Min pínóle Krista gbò yõ*

<sup>6</sup> Yáh fyò kè fě syi ne yé Tě ñgbě-á Yesu Kristale, yé yé minne n pi yé wró kwrónmɔnɔ soko ñmɔle.

<sup>7</sup> Yesu yõ sěno nê-á me yé soko, yé ye ké yãhnı ne n me dınyĩnɔle n soko, yè mó yé min pólle n pi ñmɔ tyí yõ. Yé ne me sũnyĩnɔle Yesu yõ sěno soko sǔ-á pè yé kwɔ kéle, yè mó pi Liyel pèpɔrı pípú ñgbnɔle.

8 Yé yé gblǒyɛ n kyɔmɩ sɔ̀nko òn̄n̄ yó n̄t̄ẽ káh n pɔ tyídí àn̄ê kèkòyó tyi tɔ̀kɔ à yé pilki t̄ẽ mìnì tyile, ò névi yòt̄àhsyi lékámne. Sè náh me w̄èkì nùkú yò Krista tyile.

9 Yé náh we di, Liyel me t̄enóle Krista sɔ̀kɔ ò t̄òó.

10 Yíyìn pól me yépi tyí òmɔ gbò yò. Òmɔ ye yòt̄òrí àn̄ê t̄enwenɔ̀nɔ̀ pól yòt̄ẽne.

11 Yé wró kwrónmɔ̀nɔ̀ gbò yò òmɔle, yé kòkè kò. Kéne kòkèle, névi gbò pínó náh kéle, Krista pínó ye kéle sɔ̀nko kè á wilki á tyípèkè sɔ̀kɔ.

12 Yé náh we di, yáh wèlnwìlkinó we ni sɔ̀kɔ, kè me á kɩ ne yé lékyí s̄ó yí òne w̄ẽ tyí, té me yilki mɔ òne w̄ẽ tyí, yáh s̄onp̄ile s̄ẽ Liyel t̄àhkì yò, nê-á yilki mɔ Krista lékòle.

13 Nghòle, yé lesò me lékyí s̄ó yé tyípèl àn̄ê kò-nk̄ẽ yinne. Nte nùkúnùkú, Liyel ye minne yé k̄ò àn̄ê Kristale w̄ẽ tyí. Á á tyípèl pól yò mɔ á k̄ò.

14 Ayáh Moyisi tyi kònsàhnó dèl pɩ té lékàh nê kɩ s̄ó pɔ á k̄ò n pi, Liyel ye képah niri to á tyí, té ké tyí yikɩ Krista syínó gbò yò dahɩ yò.

15 Yòt̄àm àn̄ê t̄enwepu nónó-á me ȳinyò, Liyel ye pé t̄àhkì tyí yikɩ kwèyy. À pè pɩ yèd̄imòle no pól tyí à n yɔ̀rɩ n k̄ò wòkònpèkè sɔ̀kɔ névyè tyí k̄òle Krista kúnó gbò yò dahɩ yò.

16 Káh pɩ s̄ẽ, yé káh n ye òn̄n̄ yó n̄t̄ẽ yé tuke yòke képah náh pɩ wɔ̀ wɔ̀ kwáh yinne. Yé káh n ye t̄ẽ yé tuke syáh yó, képah náh pɩ òw̄ò s̄àn yó w̄ilnó, képah náh pɩ mɩ mɩ yòh tyí sɔ̀kɔ.

17 Sépi pòlle, yípèplo nónó-á me n pi, sépi kètò ye. Nte ké kègbɩ t̄ẽne, Krista ye.

18 Névyè nónó-á n pɩ á kɩ ne pè s̄ó me pé gblǒyɛ n tiki n mɔ ȳinyò t̄onpɩbɩ yah, té me gbílkinóle n sah pé yò, té me pé tah sah pé dléy tyile n mɔ n k̄ò, yé káh ye pé sɔ̀kɔ yó n̄t̄ẽ yé yah k̄ò yah yúkúnóle. Pé gblǒy ye pè n gbilki pé fɔ̀kɔ t̄áh tyi s̄onle.

19 Krista nê-á yòle, pè yahle òmɔ s̄ò t̄enóle. Té òmɔ gbò yò ye gbèl tél-n̄t̄àn àn̄ê ȳàhlɔ̀ w̄il gb̄ensé t̄ànt̄àn pól tel sah w̄ẽ tyí, w̄il gb̄ensé k̄ò kè f̄ẽ n kyāh à ȳine Liyel-á me ké tyí s̄ó.

20 Yé ku Kristale w̄ẽ tyí, té pwah mɔ wilki kèkòyó sètàn tyi t̄àhkì gbò. Nte kwáh nê pɩ té yé t̄ò yé minne n pɩ á kɩ ne yé s̄ó me kéne tyi gbò s̄ò sɔ̀kɔ, à f̄ẽ syi pè k̄ò pè yéle n kyí n mɔ n mɔ s̄enkɔ tyi sɔ̀kɔ n̄t̄ò wé? Pè n ne:



21 «Káh kwâh mèt tɔkɔ, káh kwâh mèt yõ, káh n tũ kwâh mèt tyí.»

22 Kéne yí pólle, á kɪ fẽ á gblõy tyí pekɪ séle ke núkú óle, té sè kɪ pɪ yõ kẽ yíle. Névyé yah yíi tyi kònsàhnó ye séle à tahl pãh kwónó nónóne n kõ.

23 Gbɪ ye gbilkínó sàhnóle yínyõ tònɔpɪbɪ yõ ànê gblõy tikinmɔnɔle sé yah sɔkɔ, ànê wil gběnsê fóhnóle. Sè me á kɪ ne yípi tyi sõ séle. Nte yõre nãh me sé sɔkɔ yó ntẽ tyí. Névi dyɔ yíi tyi ó ye séle.

### 3

*Min pínó késánnɛ Liyel wěkì kóló sɔkɔ*

1 Yépi tɔ lékyí-á fyò yilki mɔ ànê Kristale wě tyí, yé Liyel fõ yíle n yah n kõ, nyãh sɔkɔ-á Kristale tẽnóle Liyel gbõyò sòle.

2 Yé ne n sõ Liyel fõ yí tyí sɔkɔ, yé káh ne n sõ sétáh yõ yí tyí sɔkɔ.

3 Yé nãh we di, yé ku té yé min me wõbìnsàhnóle Krista sɔkɔ Liyel tyí.

4 Nte Krista nê-á yépi minne, ñmɔ-à sõ nêne wil mɔ, yépi tɔ kɪ wil mɔ ñne wě tyí ñ tõrí sɔkɔ.

*Pɪ dùkù kedyâh ànê pɪ dùkù késánnɛ*

5 Tyi nónó-á pɪ kékõyó mèt tyile, yé sépi yal n mɔ, sépi nónó-á pɪ: Pròprò pínóle, pǒpǒ pínóle, dékè tyi pínóle, dékè tükúnine, à tahl yísesúkú pínó tyí, kápah nê-á sãh fálnó dùkù yóle.

6 Kéne tyi dùkù ye n yɔrɪ n mɔ Liyel fòkònyãhnine ñ yóré yãhnlepu yõ.

7 Ngbòle sò, yé min-á lésõ me tyípekè yõrɪ sɔkɔ, sěntě ye yé me n pɪ.

8 Nte núkúnúkú, tyi nónó-á yé yíne yè milki, sè we yò: Fòkònyãhnine, ànê mál pínóle, ànê népékè pínóle. Gbyò ànê wěnpékè yó ntẽ káh ne n wil yé vyěy sɔkɔ.

9 Yé káh mìnine n yo wě tyí. Yé nãh we di, yé yé nãh vi yé min pɪ dùkù kedyâh kõ te, à ké tyípinì pól milki,

10 té me pɪ dùkù késánnɛ n pɪ, kápah nê-á Liyel me n vi n mɔ gbímegbí, sɔnko yè pɪ ñmɔ tyí kòle, yè mó ñne n pɪ yuku yahle ñmɔ nê-á mɔ yéle.

11 Kápah sɔkɔ, wãhkì nãh tõ n we n pi yìkinì téló ànê Nsyifunɔ wró sɔkɔ, kènkòbe ànê kò-ñkèpú wró. Kè nãh tõ

me á kɪ ne yàhnkõ wɔ-á yĩ pĩ, té nyo me náh yĩ pĩ. Kè náh tɔ me á kɪ ne nyoɛ yɔ-á té nyo me gblɔy yõ névile. Nê-á me n mɔ n kɔ, Krista ye. Nmɔ ye yiyĩnĩ pólle té me no pól min sɔkɔ.

12 Liyel-á fyò yépi yah wilki pi ò nole, à yé pi yályál ò yah sɔkɔ, té yé tyí me no ò tyí. Képah ye, yé pi névye yám yáhpú, ànê pèpɔri pípúle, ànê gblɔy tikiñmɔpule, ànê népir névyele, ànê nónó-á tyile n sro.

13 Yé wẽ sómnóle n pi. Nnĩ yó-à sɔ pi de ò ní-ò tyí, yé yõ mɔ wẽ kɔ. Tẽ ògbẽ-á yõ mɔ yé kɔ sɔ, yépi tɔ ne n yõ n mɔ wẽne n kɔ sɛ.

14 Nte nê-á kal sépi pólle, yé tyí no wẽ tyí. Tyínɔnɔ gbò yõ ye yé wró kɪ me kwrónmɔnɔle palle.

15 Krista yèvinu nê me yé sɔkɔ. Liyel ye yé ye kéne yèvinu we yinne, sɔnko yè pi wil gbẽnsé nukúle. Yé pi pèpɔri pípúle.

16 Yé ye Krista wey tò pi yĩ yé sɔkɔ. Yé wẽne n kwɔ, yé mó wẽne n vi n mɔ yípĩ sɔkɔ. Yé pi pèpɔri pípúle Liyel tyí yé nno pólle, yé mó òne n gbal, yé ò yin gbilki gbilki yile n gbi, à tahlɪ Liyel Mirki-á yé nónó dahbi yé sɔkɔ.

17 Yáh tyi nónóne n yo té tyi nónóne n pi, yé séle n pi Tẽ ògbẽ Yesu yin yõ, yé weyne Sú Liyelle n kɔ òmɔ gbò yõ.

### *Yesu yõ sèpú wẽ tẽ òkùle kòhkí sɔkɔ*

18 Syó, yé ne n sah yé pèbi tyí yõ káh yĩne sɔ Tẽ ògbẽ wèkì kóló sɔkɔ.

19 Pèbi, yé ye yé syó tyí no yé tyí, yé káh peke tẽ pé yõ.

20 Wènpì, yé ne n sah yé dúbípú tyí yõ tyi tyi pól sɔkɔ. Képah ye Tẽ ògbẽ n yah n kɔ yé tyí.

21 Dúbípú, yé káh fòkònyàhnìne n mɔ yé wènpì sɔkɔ kè kɔ kè pɔ pi wílúnìne pé tyí.

22 Yòbi, tyi tyi pól sɔkɔ, yé ne n sah yé yòtām tyí yõ nónó-á me sétáh mè yõ. Yé káh tòle n pi pé tyí pàh yéle n kyomɪ gbí nê óle, á kɪ ne névye dyo yĩ tẽ sɔ yé n yah n kɔ pí-ísahle dé. Nte yé yé gblɔy tiki mɔ kéle n pi fòkò pépérle yáh sɔnpile me Tẽ ògbẽ yah tiki le n pi.

23 Yáh sɔ tò nê òkùle n pi, yé kéle n pi yé nno pólle Tẽ ògbẽ tyí sɔ yé n pi kéle, kè káh ne n me ne névi tyí sɔ yé n pi.

24 Yé pĩ ne níkẽ Tẽ ògbẽ-á kɪ pɔ yépi tɔ dyah n pi yípéplɔle, wáh sépi nónó yah sah ò no yinne. Yé náh we di, òmɔ Krista ye yòtẽ kègbule nê tyí-á yé n pi tòle.

25 Nte névi nê-à n gblɔy pi nétúkùle, n nétúkúnì tyi lédyáhní ye à ki we. Yé náh we di, Liyel náh wàhkìle n pi.

#### 4

1 Yõtām, yé yé yɔbule n tẽ n ple gbɔ wěkì yɔ sɔkɔ, yé mó yé dyɔ sah ne n kwne ne yõtẽ yó-á me yépi tɔ tyí yínyɔ sɔkɔ.

*Pole-á vɛnmɔɔ nónó kɔ*

2 Yé gbah n tẽ níri pínó sɔkɔ. Yé níri le n pi yé pépɔri pínó weyne Liyelle n kɔ.

3 Yé Liyelle n ni ápi tɔ tyí sɔnko à wěkì yɔki mɔ á kɔ à fẽ n weyne n yo, ànê mè fẽ sètɛn sò tir tyíle n yo nê-á Liyel wɔbɔ sah Krista sɔkɔ. Képah nê yĩn-á ríne wòkònpèkè sɔkɔ.

4 Yé Liyelle n ni ní tyí sɔnko à ní yah tẽ ní kɔ mè fẽ sètɛn sò tir mène n yo n wah, máh yĩne mè kè yo sɔ.

5 Yé yé minne n pi lékámne Yesu yɔ sɛ-ńkɛpú wró. Syɔ-ńsah-à fyɔ we yé tyí pépɔri pi pi tẽne pé tyí, yé kè pi pé tyí.

6 Yé ye yé welɔ nónhó nɔ névye tyí, ànê yɔre mó ne n me sé tyí. Névi nê-á píkinyahnɔ pi, yé ké yah tɔ n sah n yo tẽ tyí.

*Wey kɔnóle*

7 A yúnpɔ Tisyiki nê-á ní nénóníne ànê ní kó-òle té me tɔle n pi palle Tẽ ñgbɛ tyí, ñmɔ ki pɔ ní tyí kèdúkù pól yo yé tyí.

8 Ñmɔ ye we te n tekɔ n mɔ ñne yé tyí ne à kyɔ á tyí kèdúkù yo yé syah à mó yé ni sũ.

9 Wonesimi tɔ me ñne, ñmɔ nê-á á yúnpɔle nê-á me tómm, té pi á nénóníne. Yépi sɔkɔ yó ye ñne. Tyi nónó pól-á me n pi ásò, pè ki pɔ sè yãh yé syah.

10 Arisitarkɔ nê-á me wòkònpèkè sɔkɔ ànê ñmɔle, à n wekɔ yé tyí. Markɔ tɔ n wekɔ yé tyí ñmɔ nê-á Barnabasɔ tyí névile. Markɔ tyí kèdúkù yo sɔkɔ yé tyí ne wàh ki pɔ yé ùnne, yé à tẽ ple.

11 Yesu nê-á pè n ye Nsyusitusile, à n wekɔ yé tyí tɔle. Nsyufunɔ Yesu yɔ sɛpú sɔkɔ, pépi ó ye me tɔle n pi ànê ñmɔle à Liyel tɔrí tyíle n yo. Pè ní ni de yíi kègbule.

12 Yepafraɔ nê-á yépi sɔkɔ yóle, à n wekɔ yé tyí. Yesu tɔnpɔ ye ñne, nê-á me níri le n pi yé tyí gbímegbí sɔnko ye ne n me súnýĩnɔle Liyel yɔ sɛnó sɔkɔ, Liyel dyɔ yíi tyi pól pi pi tẽne.

13 A yèvyáhrɔ kah pi yépi ànê Lawodise tãn, ànê Yerapolisi tãn yĩnne. Ñmɔ rítè ki fẽ pi képah tãrfyòle.

14 Dòktôr dí Likyi nê-á ápi kódíne, à n wẹkɪ yé tyí ànê Damasile.

15 Á yúnpyé nónó-á me Lawodise, yé wẹkɪ pé tyí à tahl Nefa tyí ànê Yesu yõ sěpú tĩnkĩ nê-á n tuke n mɔ n pɔ ñ gbô.

16 Yáh kɪ sébéy mè wɛ kar, yé gbah n tẽ Lawodise Yesu yõ sěpú tĩnkĩ tɔ kɔ pè kè wɛ n kar. Nê tɔ-à kɪ se mó me tekɪ mɔ pépi tyí, pàh kɪ kéle yé kɔ, yé kè kar.

17 Yè mó n yo Arsyipi tyí ne, Tẽ ñgbě-á tò nê dahbɪ ñ gbò, à gbah n tẽ kè pɪ pallɛ.

18 Nmɔ Pole ye n wẹkɪ yé tyí, té kéle n wārki ní gbòle. Yé káh n ye yé dyɔ fwɔ ne máh me wòkònpèkè sɔkɔ. Mé kéle n yah n kɔ Liyel tyí ne, à yòbènɔɪ pɪ yé pól tyí.

# Pole sébéy tékínmōnōle Tesaloniki tãn tyí Tyàh-nsah weyne

## *Pole wékínóle Tesaloniki tãn tyí*

<sup>1</sup> Nmo Pole, ànê Silasí, ànê Timote ye n wārki n tekí n mō sébéy mēne yépi Tesaloniki kwil Yesu yō sēpú ònkí tyí, yépi nónó-á me Sú Liyel ànê Tě ògbě Yesu Krista tyí yō. Mé kéle n yah n kō ne Liyel yòbènrɔ́ pɪ yé tyí, à mó yèvinune yé kō.

## *Pole wékínóle Liyel tyí Tesaloniki tãn Liyel wey fēnsyinole tyí soko*

<sup>2</sup> Á me n weki Liyel tyí yé pól tyí soko gbímegbí, té me òne n ye n gbo yé tyí.

<sup>3</sup> Yáh me gbah tē Liyel yō sēnó tyípinì soko, té me tòle n pɪ tyínōnō soko, à yé gbò sah yíi Tě ògbě Yesu Krista yō sō, Sú Liyel ye ápi tàrfyòle ne, gbímegbí á dyo-á me n kwne séle.

<sup>4</sup> Á yúnpyé, yépi nónó tyí-á nō Liyel tyí, á pī ne wāh yé yah wilki pɪ n tyíle.

<sup>5</sup> Yé náh we di, áyáh Nìvìnì tir nê yo yé ònne, kè náh sō pɪ vyāh wey gboy óle dé. Á sō me kéle n yo tēnweno soko Liyel Mirki táhkì gbò yō, té á sēnyīnō me ké yō ne gbí-á kéle. Áyáh á gblōy tē òkù nēne yé wró soko yé tyí pekí yīnne, ké sèndì náh yéle dò.

<sup>6</sup> Ápi ànê Tě ògbě pɪ òkù ye yé me n yah n pɪ. Yèvyāhrɔ́ náhnáh fyé soko, yé Liyel wey fē syi nìvìnì soko, n Mirki-á nìvìnì nê mō yé soko.

<sup>7</sup> Káh pɪ sē, yépi ye Masedonɪ mara ànê Akayi mara Yesu yō sēpú pól kɪ n yah n pɪ.

<sup>8</sup> Yé náh we di, à tōkō yépi ònne, Tě ògbě wey me tō mō Masedonɪ mara ànê Akayi mara pól soko. Té kè náh yīn képah ó tyí dé, yé Liyel yō sēnó tyí tō me n yāh ywō ywō pól soko, fóó kè náh tō me ápi tō képah tyíle n yo òtēne.

<sup>9</sup> Áyáh kyɪ yé ònne té yé á tō sah tē palle òkù nēne, névye pól me képahle n yāh; ànê yáh yé náh vi fal fal tãn kō té yé yah mō Liyel ònne à tòle n pɪ n tyí òkù nēne, òmō nê-á gbí Liyelle té me min soko, névye pól me képah tōle n yāh.

10 Yé me ò Pídí Yesu sykú tẽ ñmò nê-á kú wil yínyõ kú n pò n pi. Nmò nê-á Liyel ò lékó yilki mò, ñmò ye kú ápi yõ wilki n pi Liyel tukey sòkò nê-á me n pi.

## 2

### *Pole tò pínóle Tesaloniki kwil sòkò*

1 A yúnpyé, yépi ntẽ kè pĩ yíi ne á pónó náh pú ònónóle yé ònne.

2 Yé kè pĩ tole ne áyáh yèvyãhrú we sòkò Filipi kwil sòkò, nýãh sòkò-á pè fòhnó sah á yõ té Liyel me ònìsãh mò á sòkò á kò á me fẽ pò ò Nìvìnì tirlè n yo yépi tò tyí, gbí nê-á névyè sò me ále n fwo.

3 Tyi nónó-á á n yo névyè tyí, á náh me pílkinó sòkò, yínvì wèlò náh séle, vintẽno tò náh à n vi n tẽ péle.

4 Liyel ye kè we ne ápi-á kú fẽ Nìvìnì tir yo, té me ké tyí dahbú ápi gbò á kò á kéle n yo ké yah yõ. Névyè dyo yíi tẽ náh ápi n yah n kò pí-nsahle dé, Liyel dyo yíi tẽ ye ñmò nê-á ápi sònóle n pne.

5 Yépi ntẽ pínó me ké sòkò ne wèlò nónó-á á yo yé tyí, yé vi n tẽ tẽ wèlò náh séle. Liyel ye á tàrfyòle ne á náh me n yah n kò yé yó-nsahle.

6 Ápi náh me n yah n kò ne ònì yó ntẽ ále n gbilki. Kàh sò yépile ò, kàh sò no télòle ò, á náh me n yah n kò ne ònì yó ntẽ ále n gbilki.

7 Té ápi kú mó tõ sò fẽ á tórí sah yé yõ áyáh sònpíle pú Yesu Krista tẽntò névyèle. Nte á yé tẽ mármár pídúbisè-á ònnyèle n tõ n sah n tẽ sò.

8 Yé tyí sò nò yíi ápi tyí, képah ye á me Nìvìnì tir yo yé tyí nê-á n wil Liyel tyí. Té kè náh yín képah ó tyí dé, á á min ntẽ mò kú kò yépi yinne yé tyí táhnó tẽ yinne á tyí.

9 A yúnpyé, áyáh yèvyãhrú ànê kwónó nónó pú, yé dyo me n kwne séle kyó. Áyáh lésò me yé ònne à Nìvìnì tirlè n yo n kò yé tyí, á lésò me tò tole n pú lékãh ké gbìntò à yín á gblòy yínnóle, sònkò à káh n pú n tẽ yótókóbíle yé sòkò yó ntẽ tyí.

10 Yépi ntẽ ye ápi tàrfyòle ne, áyáh tyi nónó pól pú yépi Yesu yõ sèpú tyí, sé pól-á me ple, té me gbú wèkì yõ wényo-nsah kène; Liyel tò ye á tàrfyòle.

11 Yé pĩ tole ne áyáh yé tẽ ple, sò-á súbí pé wènpíle n tẽ ple.

12 Á v̄inm̄on̄ole yé k̄õ, té s̄óré m̄o yé s̄ok̄o, té kè gbah yo yé tyí ne yé ye yé k̄o dùkù ne n me Liyel dyo ȳí, ñm̄o nê-á yé yéle ñ t̄órí s̄ok̄o de ȳinne k̄i ké noli we ȳõ.

13 Yáh Liyel wey nê noh ápi tyí, yé náh kè p̄i névi vyãh weyne. Yé kè p̄i Liyel weyne. Té s̄ẽ n̄t̄ẽ ye kéle kyó. Kãh p̄i s̄ẽ, kè me t̄õle n p̄i yé s̄ok̄o, yépi nónó-á Yesu ȳõ s̄ẽp̄ule. Képah ye, á n wek̄i Liyel tyí gb̄imegb̄i n̄t̄õ.

14 N̄ ȳúnpyé, Yesu ȳõ s̄ẽp̄ú ñ̄ink̄inó nónó-á me Liyel tyí ȳõ Nsyude mara s̄ok̄o, tir nê-á n̄o péle, s̄énk̄õ ye n̄o yépi t̄ole. Yé náh we di, yé sú f̄õ névye-á yé kw̄lo s̄õ, s̄ẽ ye Nsyifuno kw̄lo pépi t̄ole.

15 Nsyifuno ye ko m̄o T̄ẽ ñgb̄ẽ Yesu ànê Liyel t̄ënt̄ò syinyopule\*. Pè f̄óhn̄ó sah ápi t̄o ȳõ. Pé tyí náh n̄o Liyel tyí. No pól s̄ép̄éb̄i ye péle.

16 Pè me ké tyí ne pé ápi yah k̄õ á káh N̄iv̄in̄i tir yo ȳik̄in̄i t̄él̄ó névye tyí pé t̄o k̄õ pè we n pwah. Kãh p̄i s̄ẽ, dòhn̄in̄ó ó ye pè me n p̄i n yuku pé tyíp̄el̄ ȳõ. Nte ké sȳi-ñsah, Liyel f̄óhn̄ó sah pé ȳõ.

### *Kyi n yah dékè me Pole t̄ẽ Tesaloniki tãn tyí*

17 N̄ ȳúnpyé, á yal yé tn̄õ wr̄ó kwéy m̄e s̄ok̄o, á ȳí t̄ẽ w̄o náh me t̄én̄óle yé ȳõ ó, ñte á me yé tȳile n s̄õ gb̄imegb̄i. Yé we dékè me á kah t̄ẽ, képah ye á me gbah t̄ẽ ne á yé we.

18 Á lés̄õ me ké tyí ne á á sȳi n p̄o yé ñ̄inne, té gbáhȳí náhnáh n̄t̄ẽ ye ñm̄o Pole yah k̄õ kéle té sét̄an̄ ȳõ t̄ẽ á yah k̄õ.

19 Ápi T̄ẽ ñgb̄ẽ Yesu sȳi n p̄o s̄õle, nónó gb̄ò ȳõ me á yáh-ñsah náh n tȳe n p̄i, ànê á ni k̄i v̄i, ànê á ȳõ k̄i ȳõ? Yépi ye.

20 Kègb̄i ȳõ, yépi ȳin ye gb̄ilk̄in̄ó k̄i sah ápi ȳõ, té ñiv̄in̄i k̄i me á s̄ok̄o.

## 3

1 Képah s̄ok̄o, áyáh pópó p̄o t̄ẽ kw̄lo yé wé-ñk̄ẽne, á kè yah t̄ok̄o ne ápi-á k̄i w̄ũ á gbl̄õy Aten̄i kwil s̄ok̄o,

2 té me á ȳúnpi Timote tek̄i m̄o yé k̄õ, ñm̄o nê-á me Liyel t̄õle n p̄i ápile w̄ẽ tyí N̄iv̄in̄i tir yónk̄õn̄o s̄ok̄o Krista tyí s̄ok̄o. Á ne à p̄o yé yohn̄i m̄o yé t̄ãhk̄i we Liyel ȳõ s̄én̄ó s̄ok̄o, à mó s̄óré m̄o yé s̄ok̄o,

3 s̄õnko kwey gb̄i yèvyãhr̄i káh p̄o yé k̄õ kw̄o. Yé p̄ín̄ó se me ké s̄ok̄o ne yèvyãhr̄i m̄ene n s̄ok̄o té á sah n pi t̄ẽ.

\* 2:15 2.15 Liyel t̄ënt̄ò syinyopu kòn̄m̄on̄o nê tyí-á n yo ás̄ò, pé pól náh pè ko m̄o. Pé t̄úkù ye pè ko m̄o.

4 Yé náh we di, áyáh lésõ me yé òinne gbí nêne, á lésõ kè yo sah yé tyí ne áyáh kɪ pɔ yèvyährɪ pɪ n pi. Képah ye pɪ yò, ké sèndí náh yéle dò.

5 Képah ye, máh pɔ tẽ sómnó pɪ kwɔ, mé Timote tekɪ mɔ ne à kyɪ yé Liyel yõ sɛnó dùkù yah n pɔ n yo ní syah. Tíkí sò me ní tẽ ne sétàn yòtẽ tɔnmɔnɔ káh ne me tẽ n we yé tyí, ápi kwónó kò kè pɪ yõ kɛne.

6 Nte núkúnúkú, Timote ye wil yé òinne à pɔ. A me pɔ yé yíngbúle n yo ne Liyel yõ sɛnó-á me yé sɔkɔ, ànê tyínɔnɔle. Nkɛ yáh me n sò ápi tyí sɔkɔ gbímegbí. A we dékè-á me yé tẽ, sɔ-á yépi tɔ we dékè me ápi tẽ.

7 Káh pɪ sɛ á yúnpyé, áyáh sò me yèkwɔrɪ ànê yèvyährɪ nónó pól sɔkɔ, yé Liyel yõ sɛnó tyí nóhnó pɪ nɪ déno ñgbɛne á tyí.

8 Nte yáh fyò me sɛnyínɔle Tẽ ñgbɛ yõ, á mìnì ye pyè tiki de á fɔkɔ sɔkɔ núkúnúkú yò.

9 Wey dùkù nê tẽ me ápi kɪ fẽ Liyel kò n pi yé tyí sɔkɔ yò, wáh nìvìnì ñgbɛ nêne á kò yépi yinne?

10 Ké lékâh ké gbìntɔ, á me kéle n gbah n ni Liyel tyí ne à wèkì yɪkɪ mɔ á kò á fẽ pɔ yah yé tyí. Té fí nê-à kɪ me yé tekɪ Liyel yõ sɛnó sɔkɔ, á mó yé yohnɪ n mɔ ké tyí sɔkɔ.

11 A kéle n yah n kò á Sú Liyel ñtẽ tyí ànê á Tẽ ñgbɛ Yesu Krista tyí ne, pè wèkì yɪkɪ mɔ á kò á pɔ yé òinne.

12 Wẽ tyínɔnɔ ànê no pól tyínɔnɔ nê-á me yé sɔkɔ, á kéle n yah n kò Tẽ ñgbɛ tyí ne, à wãnne n mɔ ké yõ á kɪ ne yé tyí-á nɔ sò ápi tyí.

13 A mó nìsãhle yé kò yíí Liyel yõ sɛnó sɔkɔ, yé kò yè pɪ wényo-ńsah kɛne yé tyí. Yè mó ne n me yályál á Sú Liyel yah sɔkɔ á Tẽ ñgbɛ Yesu Krista-à sò nêne n syɪ pɔ n yõ n ñyinyò tɔnpɪbɪ pólle.

## 4

### *Min pɪ dùkù nê tyí-á nɔ Liyel tyí*

1 Á yúnpyé, yáh yíne yè ne n kɔ dùkù nêne kè mó nɔ Liyel tyí, á kéle yé wèkì tɛ. Sɛntẽ ñtẽ ye yé me kɔ ó, ñte á tɔ kéle n yah n kò yé tyí Tẽ ñgbɛ Yesu yín yõ ne, yé gbah n tẽ wãn mɔ ké yõ.

2 Áyáh vɪnmɔnɔ nónóne yé kò à wil Tẽ ñgbɛ Yesu tyí, yé séle n pne.

3 Liyel-á me nê tyí, kè we yò: A me ké tyí ne yé ne n me yályál péwɔ yah, yé káh pròpròle n pɪ,

4 yé nénúkù núkù pól mó yé gblɔyne n tẽ fòfíkì pínóle.



<sup>5</sup> Yé káh ye lédórí tẽ n we yé tyí sǝ-á kè Liyel pí-ńkêpúle n fne.

<sup>6</sup> Nnî yó ńtẽ káh n pi n de n ní-ò tyí à yuku kápah tẽ tyí fĩnne. Liyel náh n ye kápah tẽ wò dénóle dé. A lésò kè yo yé tyí, té ké gbáhdyâh tò di sah te yé tyí dò.

<sup>7</sup> Liyel náh á ye pǝpǝ pi yĩnne dé, à á ye ne á ne me yályál péwò yah.

<sup>8</sup> Káh pi sǝ, névi nê-à v̄n̄m̄ōn̄ō n̄ópi yahle, névi náh tẽ yahle dé, Liyel ye tẽ yahle, ñm̄ō nê-á ñ Mirki dah m̄ō ye soko.

<sup>9</sup> Liyel tyí ye yé we kwónóle à yuku wẽ tyín̄ōn̄ō tyí fĩnne. Kápah ye, yǝ náh me ké tyí mè n tǝ tir yó wãrk̄i n tek̄i n m̄ō yé tyí kápah tyí soko.

<sup>10</sup> Masedon̄i mara Yesu yǝ sǝpú pól tyí me n̄ō yé tyí. Kápah kéle n wẽk̄i ne yáh me tyín̄ōn̄ō mè wẽk̄ile n k̄o. Nte á yún̄pyé, á tǝ kéle n yah n kǝ yé tyí ne, yé tǝ wãn̄ m̄ō ké yǝ.

<sup>11</sup> Yé yèvin̄i yáhnk̄ōn̄ō pi yé tǝle. Yé káh yé pi pi tyi sah yè mó ne n yoko n de névye tyi soko. Yé yé gbl̄oȳ kǝ tǝ soko áyáh kè yo sah sǝ yé tyí.

<sup>12</sup> Kápah soko, yé k̄o duk̄u k̄i kèk̄oyó névye kǝ pè k̄i yòyenne n sah yé yǝ, ànê yé náh n pi n tẽ n pi yótókóbile ñn̄i yó ńtẽ tyí.

*Lékyî ànê vye tyí-á ne p̄o n pi n pi sǝ Tẽ ñgbẽ Yesu syín̄ōn̄ō soko*

<sup>13</sup> A yún̄pyé, yé no nónó-á pè náh tǝ me min soko, pé tyí-á ne p̄o n pi n pi sǝ, ápi náh me ké tyí ne yé tẽ ké yít̄uri soko kè p̄o n pi yèkw̄orile yé tyí névye tyí kǝle, nónó yáh-ńsah-á me tyénóle.

<sup>14</sup> Áyáh fyò sǝ ké yǝ ne Yesu-á ku té ñ lékó me yilki m̄o, á s̄enó me ké yǝ t̄ole ne nónó-á sǝ ñ yǝ te p̄o yah kw̄lo, Liyel-á k̄i pépi t̄o lékyî yilki m̄o pè kǝ pè k̄i me wẽ tyí Yesule.

<sup>15</sup> Á k̄i tir yó yo yé syah, à yĩne Tẽ ñgbẽ wey yóle. A ne ńkẽ pé syi n p̄o s̄ole, ápi nónó-à k̄i me min soko, névye nónó lékyî-á yilki m̄o, á náh pépi dyàh tẽ n pi.

<sup>16</sup> Yé náh we di, Tẽ ñgbẽ-à k̄i fyò p̄o wẽk̄i kǝ, ȳinyõ t̄on̄p̄ib̄i yòtẽ k̄i gbo m̄o ȳinp̄õ ñgbẽne, té Liyel kèp̄õ k̄i f̄ib̄i. Kápah soko, Tẽ ñgbẽ k̄i wil ȳinyõ k̄i tiki p̄o. Kápah tẽne, nónó-á sǝ sǝ Yesu yǝ té p̄o yah kw̄lo, pépi ñgbò lékyî k̄i yilki m̄o.

17 Képah náh, ápi nóno-à kɪ me min sɔkɔ légbíne, á tɔ kɪ kwɔɔ mɔ yɔ̃ dɔkɔ péle wě tyí nýirn sɔkɔ kɪ kyí Tě ñgbě Yesu yohnu yinyõ, té kɪ tẽ ñne kúmm yõ.

18 Káh pɪ sě, yé wě ñnole n de welɔ nópile.

## 5

### *Tě ñgbě syínponole*

1 A yúnpyé, tyí nópi-á kɪ pɔ n pɪ n pi gbí nêne, yõ náh me ké tyí mè n tɔ tir yó wãrkɪ n tekɪ n mɔ yé tyí sépi tyí sɔkɔ.

2 Yépi nítě pínó me ké sɔkɔ ne Tě ñgbě syí n pɔ sɔ-á kɪ névyé kwɔkɪ n tẽ n pi yěnwó pónó tyí kɔle lékãhne.

3 Gbí nê-á névyé kɪ me n yo ne, yèvinu-á me, dlo náh tɔ me, légbí ye tyí yíkínó kɪ núkú pè kwɔkɪ tẽ sê kúrkɪ tẽnó tyí kɔle, té pè náh tẽ we n wil n pi ké sɔkɔ pólle.

4 Nte yépi wɔle á yúnpyé, yépi tɔ se yó me fěntú sɔkɔ kéne gbìyìkì kɔ kè kɪ pɔ yé kwɔkɪ n tẽ n pi yěnwó tyí kɔle?

5 Yé náh we di, yépi pólle, yé fɔkɔ me dálnóle. Yé me tyile n pɪ kyò sɔkɔ. Ápi tyípínì náh me fěntú sɔkɔ.

6 Képah ye, á yé káh ne n dɔ no téló tyí kɔle. Á ye ne me n yah, à mó á gblɔyne n kyomɪ sètɛ̀nì pínóle.

7 Yé náh we di, lékãh yé dɔy dópú n ne n dɔ, ànê lékãh ye sèwɔbɪ tɔ sètɛ̀nìne n pɪ.

8 Nte ápi nóno-á pɪ tyah kyò sɔkɔ névyele, á ye káh sètɛ̀nìne n pɪ. Á ye ye Liyel yõ sěno ànê tyínɔnɔ ne n me á sɔkɔ á kɪ ne vyɔɔ fwòmɔnɪ sɔ á mɔ. Á gbò sàhnó mó ne me pwáhnmɔnɔ yõ á kɪ ne vyɔɔ gbétú sɔ á kwĩnki.

9 Yé náh we di, Liyel náh ápi mɔ ne pé pɔ á fõh dé. Nte à me ké tyí ne á pwáhnmɔnɔ we á Tě ñgbě Yesu Krista gbò yõ.

10 Nmɔ ku ápi yinne, sɔnko áyâh sɔ me min sɔkɔ ò, áyâh sɔ ku ò, à ne n me ñmɔle wě tyí.

11 Képah ye, yé sóréle n mɔ wě sɔkɔ, yè wãnne n mɔ wě tãhkì yõ Liyel yõ sěno sɔkɔ, sɔ-á yé me kéle n pɪ yò.

### *Pole-á vinnmɔnɔ téy ànê wey nêne Tesaloniki tãn kɔ*

12 A yúnpyé, á kéle n yah n kɔ yé tyí ne nóno-á me gbah tẽ yé yahle n tẽ, té me yéle n vi mɔ Tě ñgbě wěkì kóló sɔkɔ, yé yòyenne n sah pé yõ.

13 Yé yòyenne n sah n yíí pé yõ tyínɔnɔ sɔkɔ pé tò yinne. Yé ne n me tɔ sɔkɔ wě tyí yèvinu sɔkɔ.

14 Á yúnpyé, á kéle n yah n kɔ́ yé tyí ne, yé ne n weki gbãndal pípu yɔ́, yé nìsãhle n mo tíkí pípu sɔko, yé mó tɛ̀nkwlɔpule n yohni n mo. Yé no pól sómnóle n pi.

15 Yé yé gblɔyne n kyomi, ññi yó n̄tɛ́ káh pèkè wóle n de pèkèle. Nte yé pèpey ó pí-nsahle n yah n kɔ́ wɛ́ tyí, ànê no pól tyí gbímeɓbí.

16 Yé ne n me nìvìnì sɔko gbímeɓbí.

17 Yé Liyelle n ni kúmm.

18 Tyi tyi pól sɔko yé ne n weki Liyel tyí. Képah ye Liyel n yah n kɔ́ yé tyí ne yé ne n pi Yesu Krista yɔ́ sɛ̀nó sɔko.

19 Yé káh Liyel Mirki yah kɔ́ tɔ́ pínóle,

20 yé káh Liyel tɛ̀ntɔ́ syínyopu wɛ̀lɔ tyíle n yo n ko.

21 Yé tyi pólle n sohlɔ n yah, té nónó-à me palle, yè mó sépi fɛ́ n syi.

22 Yé yé gblɔyne n tɛ́ tyípêl duke pól pínóle.

23 Liyel nê-á yèvinɔ n̄tɛ̀ne, mé kéle n yah n kɔ́ n tyí ne à sãm mo yé min pi dukù pól sɔko. Á mó yé sɔnɔ, ànê yé min, ànê yé wil gbɛ̀nsê pi wényo-nsah kɛ̀ne sé tyí á Tɛ́ ñgbɛ́ Yesu Krista syi n pɔ́ sɔle.

24 Nmɔ nê-á n ye yéle, à n ko n tyíyónó sɔ́. Nmɔ ye ki pi séle.

25 Á yúnpyé, yé nírí tɔle n pi ápi tyí.

26 Yé weki á yúnpyé pól tyí tyínɔnɔ wey pèpeyne.

27 Mé yéle n gbah n ni Tɛ́ ñgbɛ́ yĩn yɔ́, ne yé sébéy mɛ́ kar á yúnpyé pól noh.

28 Mé kéle n yah n kɔ́ á Tɛ́ ñgbɛ́ Yesu Krista tyí ne à yòbènrɔ pi yé tyí.

## Pole sébéy ní-ò tékínm̀oǹole Tesaloniki tãn

*Pole wékínóle Tesaloniki tãn tyí*

1 Nmo Pole, ànê Silasu, ànê Timote ye n tekı n mo sébéy m̀ene yépi Tesaloniki kwil Yesu yõ sěpú t̀inkı tyí, yépi nónó-á me ápi Sú Liyel ànê Tě ngbě Yesu Krista tyí yõ.

2 Mé kéle n yah n kō Liyel tyí ne à yòb̀eǹori pi yé tyí, à mó yèvinne yé kō.

*Liyel wěkì kólóle yèvyãhri soko*

3 Á yúnpyé, ké yah ye á yĩne à ne n wekı Liyel tyí gbímegbí yépi tyí soko, yé Liyel yõ sěno ànê yé wě tyínonó-á sōnpıle me n yuku yahle.

4 Yé me yèvyãhri ànê yèkwori tole n we, nte kėpah fyé yõ, yé Liyel yõ sěno gbò yõ, yé me fě yé tah sah. Kėpah ápi ni vi yíí á kō á me yé tyíle n yah n yãh n kō Yesu yõ sěpú t̀inkınó tyí, nónó-á me Liyel tyí yõ.

5 Kéne yèvyãhri nópi ye n wěkı kéle ne Liyel tukey-á me gbı wěkì yõ, ànê nònó nãh yépi kı we de Liyel t̄óri soko, yãh me n kwlo kėpah nê yinne.

6 Liyel me tómm. A kı yé fóhpú wó de pé soko.

7 Yépi nónó-á me fóhnóle n we, à kı yèvinne yé kō n pi ànê ápile. Kėpah kı n pi n pi sō nê-á Tě ngbě Yesu kı wil yinyõ kı pò ànê n yinyõ t̀onpıbi t̄enpnèpule

8 nyàh lépõ yó soko, kı pò fóhnó sah Liyel pí-nk̄epú ànê Tě ngbě Yesu Nìvìnì tir yáhlepu yõ.

9 Pé fóhnó kı pi tyí yíkínó kúmmne, té pé wró kı gbe mo Tě ngbě ànê n t̄órile.

10 Lésõ nê-á Tě ngbě kı n pò n pi yò, n nãh névyé ànê n yõ sěpú pól kı gbılkinó sah n yõ lésõle, té kı nne n yah déké ó. Yépi tó kı me kéne névyé soko, yãh fyò sě Nìvìnì tir yõ ápi-á kėpah nê yo yé tyí.

11 Kėpah ye, á me níriile n pi yé tyí gbímegbí. Á me kéle n yah n kō á Liyel tyí ne, wãh yé ye tir nê yinne, à kè pi yé fě kè pekı. Á kéle n yah n kō n tyí ne, à tãhkile yé kō yé fě tyípeplo pólle n pi nónó déké-á me yé soko, à mó yé yohnı n mo yé n yõ sěno tyípınne n pi.

<sup>12</sup> Képah soko, yé kɪ Tě ñgbě Yesu yinne n gbilki, té ñ to kɪ mó yé yõ yõ. Pèpɔɔɔ ye séle ápi Liyel ànê Tě ñgbě Yesu Krista kɪ pi.

## 2

*Tyi nónó-á kɪ Tě ñgbě syínɔɔɔ dyàh tẽ*

<sup>1</sup> Á yúnpyé, à yuku ápi Tě ñgbě Yesu Krista syínɔɔɔ ànê ápi tükènmɔɔɔ tyí ònne ñ tñò, á kéle n yah n kō yé tyí ne,

<sup>2</sup> yé káh ye ñnî yó ñtẽ pɔ yé sòɔɔ vye fěkɪ, képah náh pi tíkɪ mɔ yé soko sérɔsérɔ ne Tě ñgbě syínɔɔɔ gbìyìkì-á yini tẽ. Tě-à kɪ sò ne Liyel tẽntò-à pé syi n yo, képah náh pi, tẽ yěngbě wey-à kɪ sò nê à pɔ n yo yé tyí, képah náh pi, sébéy yó fyé-à kɪ sò nê tẽ pɔ, té ne káh wil ápi tyí, yé káh sě tẽ yõ.

<sup>3</sup> Yé káh ye ñnî yó ñtẽ kō à pɔ yé pilki dùkù yó ñtẽne. Yé náh we di, kéne gbìyìkì-à pópó n pi, Liyel wěkì ñgbò ye pè kɪ pɔ tyah n fwo, té Liyel fwó-ò kɪ ñ yõ wilki mɔ. Nmɔ nê-à n pilki névyele, ñ tyí kɪ pɔ n ykɪ n pi.

<sup>4</sup> Nmɔ ye kɪ pɔ yuku Liyel ànê gbilki gbilki yí pólle n fwo, té kɪ kyɪ de kō tẽ ñtẽne Liyel ní-ńsah gbó soko, té kɪ ne Liyel-á péwɔle.

<sup>5</sup> Yé dyɔ se fwo ne máh lésò kè yãh soko yé tyí ní me gbíne yé ònne?

<sup>6</sup> Nte núkúnúkú, kwáh nê-á kō sah ñ yahle à kō à náh fě wil n mɔ n pi ké gbí nó-ńkě soko, yé kéle n pne dò.

<sup>7</sup> Á me ñ tãhkìle tò tyah té sètìn sò soko. Té ñ tẽnsàh-ò-à sò nêne n kne,

<sup>8</sup> légbíne à kɪ ñ yõ wilki mɔ, té Tě ñgbě Yesu kɪ ñ tyí ykɪ ñ vyãh yáhfãne, té Yesu pínò tãhkì kɪ à pyãhrɪ pnépné.

<sup>9</sup> Népékè mè kɪ n pɔ n pi sétàn yòtẽ tãhkìle ñ soko. Á kɪ gbìl ànê gbëndùnì tyi duke pólle n pi nónó-á névile n pilki.

<sup>10</sup> Á kɪ tyíkněni duke pólle n pi névyé we n pilki yinne nónó-á me tyíyíkinó wěkì yõ. Pé tyí kɪ n ykɪ n pi pãh sònpíle gbɪ wěkì kóló yahle, képah nê-á kɪ sò fě pè pwah n mɔ n pi.

<sup>11</sup> Képah ye, Liyel ye sétò tãhkì kō kè pɔ pè mɔ pílkinó soko, pè kō pè kɪ n sě mìnì tyi yõ.

<sup>12</sup> Képah soko, nónó pól-á yahle sěnoóle gbɪ yõ, té tyíkněni tyí nɔ pé tyí, fóhnó kɪ sah pé yõ.

*Tesaloniki tãn gbáhntẽɔle Yesu yõ sěno soko*

<sup>13</sup> Á yúnpyé, yépi nónó tyí-á nɔ Liyel tyí, ké yah ye á yĩne à ne n wɛkɪ Liyel tyí gbímegbí yépi tyí soko. Yé náh we di,

ñmɔ ye yah wilki yéle tyah gbí òùkùle ne pé yé pwah mɔ ò Mirki gbò yò, képah gbò yò-á yé kɪ yé minne n pɪ yályál Liyel yah, ànê gbɪ yò sɛnó tɔ gbò yò.

<sup>14</sup> Képah yĩn ye à ye yéle Nìvìnì tir nóhnó gbò yò áyáh nê yo yé tyí, nê-á kɪ yépi tɔ kò yé kɪ we de á Tě ñgbě Yesu Krista tórí sɔkɔ.

<sup>15</sup> Kãh pɪ sě á yúnpyé, á kéle n yah n kò yé tyí ne yé sě yíí Tě ñgbě yò. Áyáh kwónó nónoné yé kò vyãh wey sɔkɔ, képah náh pɪ sébéy tóntekɪnmɔnɔ sɔkɔ, yé sè koh n tẽ n yĩn.

<sup>16</sup> Ápi tyí nɔ á Tě ñgbě Yesu Krista ànê á Sú Liyel tyí. Pépi ye á nnɔle n de tyé-ńkêne pé pèpɔrɪ gbò yò, té á kò á tẽ we á gbò sah yíí pé yò.

<sup>17</sup> Á kéle n yah n kò pé tyí ne pè yé nno de, pè mó tãhkìle yé kò yé fẽ ne n tɔ n sah n pɪ, tyípínì ànê vyãh wey sɔkɔ.

### 3

#### *Niri pínó yáhnkɔnɔle*

<sup>1</sup> Á yúnpyé, ké syì-ńsah mé kéle n yah n kò yé tyí ne yé nírile n pɪ ápi tyí, sɔnko Tě ñgbě wey tɔ mɔ súú, névye mó kéle n mɔ n kò yépi tyí kòle.

<sup>2</sup> Yé Tě ñgbě ni á tyí tole à kò à á pwah n mɔ nétúkúnì ànê népèl gbò. Yé náh we di, no pól náh sě Nìvìnì tir yò.

<sup>3</sup> Nte Tě ñgbě me tómm. Á kɪ tãhkìle yé kò, té kɪ yé yòle n sykɪ ne sétàn yòtẽ káh tẽ we yé tyí.

<sup>4</sup> Tě ñgbě gbò yò, ápi sěnyínó me ké yò ne áyáh nê kò sah yé kò, yáh me kéle n pɪ, té kɪ tɔ n yò n sɔkɔ n pi sě.

<sup>5</sup> Á kéle n yah n kò Tě ñgbě Krista tyí ne, à yé yohnɪ n mɔ yé fẽ pĩ yé tyí-á nɔ sɔ Liyel tyí, ànê yé fẽ sómnóle n pɪ ñmɔ Krista tyí kòle.

#### *Gbáhdýãh ðinsàhnóle gbãndal pínó tyí sɔkɔ*

<sup>6</sup> N yúnpyé, ápi-á yé kwɔ tyi nónoné, yé yúnpyé nóno-á sépi kèkɪ sah té pé minne n pɪ gbãndal pínó sɔkɔ, mé kéle n yah n kò yé tyí Tě ñgbě Yesu Krista yĩn yò ne, yé káh péle n tĩnki.

<sup>7</sup> Yáh yĩne yè ápile n yah n pɪ òùkù nêne, yé kéle n pne kyó. Ápi náh á min pɪ yé wró gbãndal pínó sɔkɔ.

<sup>8</sup> Áyáh lésò me yé tĩnne, á náh kè yah kò ñnì yó ñtẽ tyí ne à ápi vyãhle n yah. Á tò pɪ, á yah vyãh, à kwlɔ lékãh ké gbìntò à yĩn á gblɔy yínnóle, sɔnko à káh n pɪ n tẽ yótókóbíle yé sɔkɔ yó ñtẽ tyí.

<sup>9</sup> Ké yah ye lésõ yè á vyãhle n yah. Nte ápi képah pi ne kè pi kwónóle yé tyí, yé to kã yé sãnkõle n pi.

<sup>10</sup> Ayáh lésõ me yé òinne, á ké gbáhdyãh di sah yé tyí ne, névi nê-à yahle tò pínóle, tẽ náh yĩne yónó tole.

<sup>11</sup> Nte á me n nohni ne, yé tókù-á me gbandal ó yah wũ à yahle tò pínóle, té me n yoko n de névye tyi soko.

<sup>12</sup> Kéne névye nópi tẽne, á kéle n yah n kã pé tyí té sóréle n mo pé soko Tẽ ñgbẽ Yesu Krista yĩn yõ ne, pè pé yah di tòle n pi, pè pé yõ yõ tẽne n we pé yẽngbẽ myèh nínkwenõ soko.

<sup>13</sup> Yépi tẽ wole á yũnpyé, yé káh n yal n mo tyípéplõ pínóle.

<sup>14</sup> Tyi nóno-á ápi yo sébéy mè soko yò, névi nê tẽ-à ki fyò yahle sàhnóle sé yõ, yé tẽne n kyomi, yé káh ne n pi n soh tẽne. Képah soko, kè ki pi senne tẽ tyí.

<sup>15</sup> Té yé káh tẽ pi yé sépe tẽ wole dé, yé ṽnmõnõle tẽne n kã sã-á yé kéle yé yũnpyéle n kã.

*Wékínóle névye tyí ànê sãm mónóle pé soko*

<sup>16</sup> Mé kéle n yah n kã yèvinu Tẽ ñgbẽ ñtẽ tyí ne, à yèvinune yéle n kã gbímegbí kàh sã kã dùkù nê óle. Mé kéle n yah n kã ñ tyí ne, à ne n me yé pólle.

<sup>17</sup> Wey nê-á mé yé kã yò, nímo Pole ye wãrkí kéle ní gbòle. Sẽ ye mè n ne n mo ní gbò níyne ní sébéy wãrkíntekumõnõnõ yõ. Nmo wãrkínó ye kéle tótó.

<sup>18</sup> Mé kéle n yah n kã ápi Tẽ ñgbẽ Yesu Krista tyí ne, à yòbènrõ pi yé pól tyí.

## Pole sébéy tékínmɔnɔle Timote tyí

### *Pole wékínóle Timote tyí*

<sup>1</sup> Nmɔ Pole nê-á pɪ Yesu Krista tēntò névile à yīne Sú Liyel-á kè yah tɔkɔ sɔ̃, ñmɔ nê-á á pwáhnɔ-òle, ànê à yīne Yesu Krista tɔ-á kè yah tɔkɔ sɔ̃, á gbò sàhnó-á me ñmɔ nê yò sɔkɔ.

<sup>2</sup> Timote, áwɔ tyí ye mé n tɛki n mɔ sébéy mène, áwɔ nê-á ní pídí kègbɛle Liyel yò sɛ́nó sɔkɔ. Mé kéle n yah n kɔ Sú Liyel ànê á Tē ñgbē Yesu Krista tyí ne pè yòbènɔrɪ pɪ á tyí, pè á yām yah pè mó yèvinɪne ñ kɔ.

### *Gblɔy tēnóle kwónó kétúkúni pípúle*

<sup>3</sup> Tē Yefesɪ kwil sɔkɔ sɔ̃-á sò mé yo kéle á tyí máh n sɔkɔ Masedonɪ mara sɔkɔ. Névyé tókù me kwónó kétúkúni ne pɪ nénpó, á yīne ñ pè yīni n mɔ ké pínóle.

<sup>4</sup> Yo pé tyí ne, pè káh tē sèmɪrn yáhnó ànê náh tǎn yīni tyí ný tēnó ó sɔkɔ tyé-ńkēne. Yékâb ó ye sépi n pɔ n pɔ. Sè náh névyele n yohnɪ n mɔ Liyel yò sɛ́nó sɔkɔ, à yīne Liyel-á me ké tyí sɔ̃.

<sup>5</sup> Gbáhdýáh dínsàhnó mè yò ye ne kè tyínɔnɔ dahbɪ pé sɔkɔ, tyínɔnɔ nê-á n wil nɪ pèpey sɔkɔ, sɔnɔ pèpey sɔkɔ, ànê Liyel yò sɛ́nó kègbɪ sɔkɔ.

<sup>6</sup> Nte névyé tókù ye képah yahle, té mɔ pu à yékâb tókúni pínó ó yah wũ.

<sup>7</sup> Pè pé gblɔy pɪ Liyel tyi kònsàhnó kwópúle. Té tyi nónó ñtē-á pè me n yo, ànê tyi nónó-á pè me névyele n gbah n kwɔ, pè náh me sé dùkùle n pne.

<sup>8</sup> Apɪ pɪ ne ńkē Moyisi tyi kònsàhnó-á ple, wâh me sé tyile n pɪ sáh yīne sɔ̃.

<sup>9</sup> Yé náh we di, Moyisi tyi kònsàhnó náh sah négblo yīne dé. Nónó yīn-á sè sah, pépi ye pɪ tyítúkúni pípúle, ànê kélékē pípúle, ànê népékè pípúle, ànê tyípél pípúle, ànê Liyel mónkò-ńkēpúle, ànê Liyel tyi mónkò-ńkēpúle, ànê súbí kònmɔpule, ànê yúbí kònmɔpule, ànê nékókè mópúle,

<sup>10</sup> ànê prɔnpɪbɛle, ànê díbɪ wē tókópúle, ànê syó wē tókópúle, ànê yòbɪ yǎmpule, ànê mɪnyobele, ànê nónó-á péle n wo mìnɪ tyi sɔkɔ, à tahlɪ nónó pól-á me Liyel tyi kwónóle n fwo.

<sup>11</sup> Kéne kwónó mè wil Nìvìnɪ tir sɔkɔ, tǔrí Liyel-á nê dahbɪ ñmɔ gbò, ñmɔ nê-á pèpɔrɪ Liyelle.



*Krista kōnóle pèpɔri pínó weyne*

<sup>12</sup> Nmo n weki á Tě ngbē Yesu Krista tyí, ñmo nê-á tãhkìle ní kō. Mé n weki ñ tyí, wãh sōnpíle kè yah ne máh yĩne pé tō pínóle, té ní tɔko ñ tō sɔko.

<sup>13</sup> Té ñmo ye mó tō lésō n yo n ko ñ tyíle, té ñne n fōh, té pi népékèle. Nte mé lésō me sépi pólle n pi ñpì-ñkē ànê Liyel yō sē-ñkē sɔko, képah ye Liyel me pɔ ní yãm yah.

<sup>14</sup> Api Tě ngbē ye pèpɔri pi ñmo tyí náhnáh, à Liyel yō sēnó ànê tyínɔnɔle ní kō nê-á n we á wró kwrónmɔnɔ gbò yō Yesu Kristale.

<sup>15</sup> Gbi ye wey mène nê-á no pól yĩne pé kè fē syi, képah nê-á yo ne Yesu Krista-á pɔ kèkōyó sɔko tyípêl pípú pwah n mo yĩnne. Pépi sɔko ney yó ye ñmɔle, té ñmo tyí peke kal.

<sup>16</sup> Nte ñmo nê tyípêl-á kal, Liyel ñmo yãm yah. A me ké tyí ne Yesu Krista ñ gblōy pèpɔri pínó wēki, nê-á ki pi kwónóle névye tyí nónó-á ki pɔ n sē n pi ñ yō, ki tyé-ñkē min we.

<sup>17</sup> Tyé-ñkē Yõtē dí nê-á à náh n we, à náh n ku, ñmo nê-á Liyel núkúnine, mé me ké tyí ne yō yōnó ànê gbílkinó pi ñmo tyíle gbímegbí. Amiina.

*Pole me nìsãhle n mo Timote sɔko*

<sup>18</sup> Nmo pídí Timote, Liyel tēntō welo nónó-á yo sah á tyí sɔko, mé kéle n yah n kō ne sépi ñ yohni n mo á gbah tē tō pèpeyne n pi.

<sup>19</sup> Kéle n pi Liyel yō sēnó sɔko ànê sōno pèpeyne. Túkù ye yahle sēntē pínóle. Kãh pi sē, pé Liyel yō sēnó tē syi pé tyí.

<sup>20</sup> Pépi túkù ye Yimene ànê Alekisãdrele. Mé pépi gbah de mo sétàn yõtē kō, nê-á ki pi kwónóle pé tyí pé kō pé náh tō n yo n de n pi Liyel tyí.

## 2

*Kwónó nê-á kō nírí pínó tyí yō*

<sup>1</sup> Máh me nê ngbòle n yah n kō, képah ye ne á yáhnkōnɔle n pi Liyel tyí, á ñne n ni, á ñne n fal, á mó weyne ñne n kō no pól yĩnne.

<sup>2</sup> Á ye nírile n pi yõtãm tyí, ànê névye pól tyí tōrí-á me nónó gbò, sōnko à á minne n we n pi syísyí yèvɔni sɔko, á kɔ dùkù mó ne n me palle, à mó Liyel yah tíkile n pi.

<sup>3</sup> Képah ye ple, ànê ké tyí no á pwáhnmo-ò Liyel tyí,

<sup>4</sup> ñmo nê-á me ké tyí ne no pól pwáhnmɔnɔ we, pé mó tē we gbule n pne.

<sup>5</sup> Yé náh we di, Liyel núkú ó ye me. Liyel ànê névye wró tō-ò núkú tɔ ó me. Névi ye ñne. Nmo ye Yesu Kristale,

<sup>6</sup> ñmɔ nê-á ñ gblɔy kɔ à névye pól yɔ dwe. Gbí nê-á sò yáhtɔkɔnsàhnóle, kè pɪ képah sɔkɔ.

<sup>7</sup> Yesu Krista gblɔy kɔnó mè yɪn ye Liyel ñmɔ yah tɔkɔ pɪ ñ wey yó-òle, ànê Krista tɛntò névile, ne névye nónó náh pɪ Nsyifunɔle mé péle n kwɔ Liyel yɔ sɛnò ànê gbɪ wɛkìle. Gbɪ ye mé n yo, mìnyo náh ñne.

*Dìbì ànê syó pɪ òukùle tówú sɔkɔ*

<sup>8</sup> Mé me ké tyí ne tantàn pól sɔkɔ, dìbì pé gbàn yɔ dɔkɔ yɪnyò pé Liyelle n ni nnɔle yályál, fòkònyàhnì ànê mèkì kɛne pé wró.

<sup>9</sup> Mé me ké tyí ne syó tɔ flɔle n tɔ n sah n mɔ káh yɪne sɔ. Pè flɔle n mɔ nónó-á kɪ fɛ pé sen yí óle yáryár dáhbí-ńkɛne ké sɔkɔ. Pè káh yɔ káhtɔnsàhnó kápékè, ànê sán yèsò yí, ànê yí kètárnɔ, ànê fwòtáhnìne n yah n kɔ.

<sup>10</sup> Nte pé gblɔy tɔnsàhnó yɪne kè pɪ tyípéplɔ pínóle, sɔ-á syó kéle n pɪ nónó-á me Liyel yah tíkìle n pɪ.

<sup>11</sup> Sê yɪne à ñ gblɔy tiki mɔ tɛ syísyí pàh ñne n kwɔ gbì nêne Yesu yɔ sɛpú ònkì wró.

<sup>12</sup> Mé náh ké wɛkìle sê kɔ ne à névyele n kwɔ, képah náh pɪ à pɪ dí yòtɛne. A yɪne à tɛ syísyí.

<sup>13</sup> Yé náh we di, Adama ñgbò ye Liyel mɔ, té pyɛ Awɔ mɔ dò.

<sup>14</sup> Adama náh sétò pilki; Awɔ ye à pilki à kɔ à Liyel yóré yahle.

<sup>15</sup> Nte képah fyé yɔ sê kɪ pwáhnmɔnɔ we ñ pínó yɪnne yúne, wàh sɛ Liyel yɔ, té tyínɔnɔ me ñ sɔkɔ, té me n kɔ yályál Liyel yah yáryár dáhbí-ńkɛne sépi pól sɔkɔ.

### 3

*Yesu yɔ sɛpú ònkì yah tɛpú-á yɪne pè ne n pɪ sɔ*

<sup>1</sup> Yé yah, kègbɪ wey yó ye mé n tyah yónóle yé tyí yò. Névi nê-à me ké tyí ne pé pɪ Yesu yɔ sɛpú ònkì yah tɛ-òle, tò pèpey ye tɛ n yah n kɔ pí-ńsahle.

<sup>2</sup> Yesu yɔ sɛpú ònkì yah tɛ-ò yɪne à pɪ wényo-ńsah kɛne ñ tyí. A yɪne à pɪ sê núkú nétɛne, gblɔy tɛnpnè-òle, nê-á me ñ tyile n pɪ n yɪne palle, me népànnɛ n tɛ ple, té kɪ fɛ névye kwɔ n pɪ.

<sup>3</sup> A náh yɪne à pɪ sèwɔle, képah náh pɪ népékèle. Nte à yɪne à pɪ névile, nê-á ñ gblɔyne n ye n pne. A náh yɪne à pɪ mál kòlì-òle, képah náh pɪ pó náh púkúbínmɔ-òle.

4 A yĩne à ne n me ò kéte yahle n tẽ n pne palle, à mó ò wẽnpĩ kwò pè ne n sah ò tyí yõ kãh yĩne sõ.

5 Yé nãh we di, névi-à tẽ we ò kéte yahle n tẽnpnè-ònkẽne, à kɪ pɪ sõ té kɪ fẽ Yesu yõ sěpú tĩnkĩ tẽnó ple, pépi nóno-á Liyel nole?

6 Tẽ nãh yĩne à ne n me nésãne Liyel wẽkì kóló soko, sõnko gblõy gbĩlkinó kãh pò de tẽ soko, ò tyí kõ kè pò n yɪkɪ sètãh yõtẽ tyí kõle.

7 A wil kėpah soko, Yesu yõ sě-ònkẽpú to yĩne pè ne me tẽ yĩngbĩle n yo, sõnko yílónó kãh pò à yĩni tẽ, à kõ à pò tẽ sètãh yõtẽ vyóy soko.

### *Yesu yõ sěpú tĩnkĩ yah tẽpú yòhnìnmoṗule*

8 Sě ó ye, Yesu yõ sěpú tĩnkĩ yah tẽpú yòhnìnmoṗu to yĩne pè pɪ néglóle ànê wékínyĩpule. Pè nãh yĩne pè pɪ sèwòbɪle ànê kwãh yáhnkõṗule yĩnvĩ soko.

9 Gbɪ nê-á pè we pĩ Liyel yõ sẽnó gbò yõ, pè yĩne pè kè tẽ n sah pé sònó soko palle.

10 Ké gbenne, pè yĩne mónyahnole. Pílkí-ńsah-à wé-ònkẽne pé tyí, pè kɪ pyẽ fẽ wilkɪ sah Yesu yõ sěpú tĩnkĩ yah tẽpú yòhnìnmoṗule.

11 Syó nóno to-á Yesu yõ sěpú tĩnkĩ yah tẽpú yòhnìnmoṗule, pé yĩne pè pɪ névyele nóno-á yòyén me n sah pé yõ. Pè nãh yĩne pè pɪ névye tyí yónkòṗule. Pè yĩne pè pɪ gblõy tẽnpnèṗule, pè mó ne n me tómm tyi tyi pól soko.

12 Yesu yõ sěpú tĩnkĩ yah tẽpú yòhnìnmo-ò yĩne à ne n me sè nukú nètẽne, à mó ne me tẽ we ò wẽnpĩ ànê ò kéte yah tẽnó tyí.

13 Nóno-à pé tòle n pɪ palle, pè kɪ yĩn-ńsah ògbẽ we ké soko, té gbò sãh-ńsah to kɪ we pé tyí pé wró kwrónmonò gbò yõ Yesu Kristale.

### *Sètĩn sò tir ògbẽne*

14 Mé ye sėbėy mènne n tekɪ n mo á tyí, òte ñ sònó soko mé kɪ pò n yah n pɪ á tyí dõ kwéy.

15 Nte máh kɪ se mo pónyah-ńsah á tyí, tyi nóno-á mé wãrkɪ tekɪ mo á tyí, sépi kɪ ò yohnɪ n mo á kɪ á gblõy tẽ òkù pĩ min nètẽ Liyel no wró soko, pépi nóno-á Yesu yõ sěpú tĩnkĩle, nóno-á gbɪ tẽnsãhpule dàhpɛ sõ.

16 Liyel-á nê yo á tyí Yesu Krista tyí soko, tyi ògbẽ ye kéle. Liyel ò gblõy pɪ névile à pò sətáh yõ, nê-á Kristale.

Liyel Mirki kè wěki ne négbí-á ònne,  
 yínyō tōnpibi à we,  
 ò tyí yo névyé tyí nónó náh pi Nsyifunole,  
 névyé náhnáh sē ò yō kèkōyó,  
 té yínyō soko, Liyel me gbilkínó sah ò yō.

## 4

### *Kwónó kètúkùnì pípúle*

<sup>1</sup> Liyel Mirki kè yo dal mō pnéyy ne kèkōyó-à pópó n tyé, névyé tókù-á kɪ Krista yō sēnó yahle, té kɪ sē mìnyoobe welo yō, ànê kwónó nónó-á n wil sétàn tyí.

<sup>2</sup> Névyé nónó-á yínvìnpibule ànê mìnyoobe, pépi nónó-á pè náh senné n pne pólle, pè kɪ pé gblóy sah pépi kō pè kɪ vi tē.

<sup>3</sup> Pépi ye n kwō névyéle ne pe dékè náh me sē tókì náh me, ànê yō yō yí yísyó-á me sè náh yíne yónóle. Té Liyel mó tō kéne yō yō yí mō ne péwō yō sēpú nónó-á gbile n pne, pè séle n yō pè mó pèpòri pínó weyne péle n kō.

<sup>4</sup> Liyel-á yí nónó pól mō, sè ple. Milki milki kwáh náh me sé soko, áyáh me sè fē syi té me pèpòri pínó weyne ònne n kō.

<sup>5</sup> Yé náh we di, Liyel wey ànê níri ye n pi yíyìnì pólle yályál Liyel yah soko.

### *Yesu Krista tōnpi pèpeyne*

<sup>6</sup> Wáh kɪ tyi nópilè á yúnpyéle n kwō, á kɪ pi Yesu Krista tōnpi pèpeyne. Á kɪ kè wěki képah soko ne páh Liyel yō sēnó welo ànê kwónó kègbi nēne ò kwō soko, sah de yíi á soko.

<sup>7</sup> Á náh vi sèmìrn wàn ànê wènwàn kō, sépi nónó náh tir yóle n pekɪ Krista yō sēnó soko. Gbah n tē ò ne n me Liyel yah tíkile n pi.

<sup>8</sup> Wil gběnsè dàrnmonole tòle, yōre me ké tyí. Nte Liyel yah tiki pínó yōre wō kal tyi tyi pól soko. Yé náh we di, képah gbò yō soko ye á kɪ min we kwey gbí mè soko, ànê ònsò tōle.

<sup>9</sup> Wey mènne gbi wey ye kéle, nê-á no pól yíne pè kè fē n syi.

<sup>10</sup> Yé náh we di, ápi-à me tòle n pi yèvyährile, té me gbah tē sē, képah n wěki ne á gbò sàhnó-á me min nétē Liyel yō, nê-á no pól pwáhnmo-òle. Té wáh kɪ nónó pwah n mō n pi kal, pépi yé pi Krista yō sēpúle.

11 Képah ye á yĩne ñ gbah n yo névye tyí ñte pè kwò kéle.

12 Nnì yó ñtē náh yĩne à ále n yilo wáh sǒnpìle pì wēnpìrle. Ye Yesu yō sēpú tē we ále n yah n pì á vyāh wey sòkò, ànê á pì òkù sòkò, ànê tyínòno nê-á me á sòkò, ànê á Liyel yō sēnó sòkò, ànê á pínó sòkò yályál Liyel yah.

13 Máh kì pópó n pì, gbah n tē Liyel weyne n kar tówù sòkò, ñ té névyele n vi mò, ñ té kwónóle n pì.

14 Liyel tǎhkì nê-á me á tyí, káh kè tē gbǒnwòkòle dé; képah nê-á á we Liyel tēntò syínyopu welo gbò yō, ànê Yesu yō sēpú yah tēpú-á pé gbǎn sah á yō à níri pì á tyí gbí nēne.

15 Liyel tǎhkì mè tē gbēninīne, gbah n tē ké sòkò. Képah sòkò, no pól kì kè we ne wáh me n yuku yahle.

16 Á gblǒy tēnó ple, wáh kwónó nēne n kō ñ té ké to tēnó ple. Gbah n tē ne n yuku yahle ké sòkò. Wáh n pì sē, képah sòkò ye á kì á gblǒy pwah mò, té kì á wey nóhpú to pwah mò.

## 5

*Timote-á yĩne à Yesu yō sēpú tē òkù nēne*

1 Wáh yèwǎhle n vi mò, káh ne n wekì ñ tyí díri sòkò, ne n wekì ñ tyí á sú sǒ ñne. Kètēnpìle n vi mò á yúnpyé sǒ péle.

2 Syódìle n vi mò á yúbí sǒ péle, ñ té syónpìle n vi mò ké yah pèpey yō á dósý sǒ péle.

3 Pékúsyò nónó-á yòhnñmòpu náh me pé tyí, pé tēnó ple.

4 Nte pékúsyò nónó tyí wēnpì-à me, képah náh pì pétóbéle, kéne wēnpì ye yĩne pè pé Liyel yah tíkì pínó wēkì à yuku pé gbò tǎn tīnne. Pǎh yĩne pè nê pì pé dúbípú tyí, pè képahle n pì pé tyí. Yé náh we dí, képah tyí ye nò Liyel tyí.

5 Nte sê nê-à me pékúsèle kègbì yō sòkò, nê-á névi náh me ñ tyí kì à yohni mò, ñmò ye ríkēne ñ gbò sah n yíí Liyel yō sòkò. Á Liyelle n ye n gbo níri sòkò lékàh ké gbìntò.

6 Nte pékúsè nê tē wò-à me wil gbēnsê dékè tyí òle n sǒ, ñmò me kúnóle té à sah vile.

7 Wáh yĩne ñ nê to yo pé tyí sǒnko lékàh káh pò we pé tyí, kè we yò.

8 Névi nê-à n yáhdahnmò-ríkēne ñ tyí névye tyí sòkò, ànê ñ kéte névye tē tyí sòkò, tē Krista yō sēnó wēkì milki. Krista yō sē-ríkē névi ñtē fónfó ñmò yō.

9 Pékúsè nê yīn-à pópó n wǎrkì, à ñne n mò n kō pékúsyò wró à yĩne à ne n me ye tikitóní tē wò we, à mó ne me de yah pè núkú ó tyí.

10 N tyí yĩne kè ne me pínóle ò tyí péplo pínó tyí sòkò. A ne n me ò wènpì ténó ple, à ne n me ye népàn ne n twah n tyí, à ne n me Yesu yò sèpú gbyêhne n wu, à ne n me névyè nnòle n de nónó-á me yèkwòri sòkò, à mó ne n me tyí péplo duke pólle n pì.

11 Nte syópâm nónó tē wò-á pékúsyòle, káh pépi yni wárki pékúsyò sòkò. Á náh we di, lédórí-à pò pé wró gbè mò Kristale, pè n ne n me ké tyí ne pé pé syi de pèbi tyí.

12 Káh pì sē, lékàh n we pé tyí, páh sǒnpìle pé vyähle Krista kǒ té pò pé syi ò náh.

13 Páh se tǒ pì tǒ kē névyele sē, pè n wū n tē gbéngbèn kǒnkǒnó ó sòkò. Pépi ye tǒ náh me pé tyí yò, té pè n tǒ n pì wènkwíki wékípúle vyähle dálnóle, ò ne n weki n min n dah n mò sē.

14 Képah ye, mé me ké tyí ne pékúsyò nónó-á me syópámne, pè de pèbi tyí. Pè fē wènpì we, pè mó ne n yah n dah mò pé gbèn tyí sòkò. Sǒnko pé káh pò wèkì yíkì mò á sépébi kǒ pè á yínpole n yo.

15 Yé náh we di, pékúsyò tókù ye me wèkì milki te, té me sétàn yòtē sò tē.

16 Nte pékúsyò-à me Yesu yò sē-ò sè nê wòkò tǎn sòkò, tē yĩne à ne n yah n dah mò pé tyí sòkò, sǒnko képah káh pì Yesu yò sèpú fínkì yótókóbìle. Képah sòkò, Yesu yò sèpú fínkì tò kì mó n yah n dah mò pékúsyò tyí sòkò nónó-á nékán tǎnne.

### *Yesu yò sèpú fínkì yah tēpúle*

17 Yah tēpú nónó-à me Yesu yò sèpú fínkì yahle n tē palle, yòyén yĩne kè ne n sah n yí pé yò. Ké dú dòkò pé nónó-á Liyel wey yónó ànê névyè kwónó tǒ me dahbi pé gbò.

18 Yé náh we di, kè me wárkínsàhnóle Liyel wey sébéy sòkò ne, nyeh-à me swāh tónó sòkò á tyí gbí nêne, á káh sé vyèy pukubi ne sè káh á sèmuòle n yò. Té tǒ me wárkínóle ne, tǒnpì-á yĩne ò tǒ pínó sǎr wénóle.

19 Káh n fē n syi lékàhle n syi yah tē-òle n kǒ ne kéne tir náh wil tǎrfyò népì ními képah náh pì tǒmí vyèy sòkò.

20 Névi nê-à tyítúkù pì, kè yo gbǎb tówù pól yí yah sòkò, sǒnko kè tíkì mò téló sòkò.

21 Mé kéle n gbah n yo á tyí Liyel yah, ànê Yesu Krista yah, ànê yínyò tǒnpìbi wílkínsàhnó yah sòkò ne, á tyi nópi pólle n pì tómm, á káh wǎhkìle n pì.

22 Káh ne n sal á gbòle n sah névi yõ ò nírīle n pɪ tẽ tyí, ànê káh á vyãhle n dah n mo á ní-òle ò tyípêl pínó soko. Ne n me yályál Liyel yah soko.

23 Wáh me n yo gbáhyí náhnáhle sě, káh ni ó kókóle n wo, òvẽ tóle n wo kwéykwey á foko markɪ yinne.

24 Névyé tókù tyípêl me sè n wilki n mo kwèyy pé tükè-òkè soko. Nte tókù tyí me, náh ó sè n po n pĩ.

25 Sě ye tyípêlo tóle, sépi to n we kwèyy yĩne, ànê nóno òtẽ fyé-á sè náh me n yah, sè náh n wũ n pi wilkinmo-òkène.

## 6

### *Yõbi ànê pé yõtãmne*

1 Nóno pól-á me yõrile n pi, pé yĩne pé pé yõtãmne n mo n kò ne pãh yĩne yõyén sàhnóle pé yõ, sòoko áyáh kwónó nêne n kõ, ònî yó òtẽ káh po képah ànê Liyel tyíle n yo n ko.

2 Nóno yõtãm-à me Yesu yõ sěpúle, pé náh yĩne pé yo ne pé yũnpyé-á péle, pé mó yahle yõyén sàhnóle pé yõ soko dé. Pépi nóno-á pé yũnpyé pèplóle, pépi-á sònpíle n we pé to pínó yõrele, pé ye pyě yĩne pé tôle n pi n yĩ pépi tyí òkè.

### *Mìnì kwónó ànê tahrɪ tyínɔnɔle*

Yah, kéne tyi ye á yĩne ò nole n kwɔ, ò té sè kò n sah pé kõ.

3 Nnî yó-à po nole n kwɔ tyíkáhkíle, té kè náh me núkúle gbɪ weyne nê-á wil ápi Tẽ ògbě Yesu Krista tyí, ànê kwónó nê-á á we Liyel yah tíkí pínó tyí yõ,

4 képah n wěki ne gblõy gbílkinó-á tẽ yí wo. Npĩ-òkè ney ye tẽne, nê-á yékâb pínó, ànê wěnyõ wékínó me ò yõgbèkè yiki sah, sépi nóno-á n po n po mékile. Sépi ye n po n po yũnwõrí, ànê méwéy, ànê yrówân yónó, ànê gbyóle.

5 Té to n po n po yékâb kwĩnkile lékám kě névyé wró, nóno-á pé náh gbile n pne pólle. Pépi tãn n ne n sò ne Liyel yah tíkí pínóle, kwâh wénó-á me ké soko.

6 Gbɪ tẽ wo ye, Liyel yah tíkí pínóle tahrɪ ògbě ye kéle névyé tyí, nóno-á pé wénó pé yĩne n yuku.

7 Yé náh we di, ápi náh po kwâh yó òtẽne kèkõyó mè soko, á náh mó á syɪ n soko n pi kwâh yó òtẽne.

8 Nte yõke ànê flo tẽ-à fyò me á tyí, sè yĩne sè á yí yuku.

9 Nte nóno-à me ké tyí ne pé pi tahbile, pépi ye n de mónyahno soko. Tyíwân ànê yõ kě tyi sòno n po pé mo n tẽ, sépi nóno-á névyéle n mo tyí yíkínó ànê mónpuno wěki yõ.

10 Yé náh we di, tyípêl duke pól tyàh-nsah n wil pó tyínɔɔ sɔkɔ. Pó yáhnkɔɔ kápékè tẽ tyí, túkù Liyel yõ sɛ́nó yal mɔ, té kwlónó náhnáh yɔrɪ mɔ pé gblɔy yõ.

*Pole-á vɪnmɔɔ nêne Timote kɔ̀ ò gblɔy tẽ òkù tyí sɔkɔ*

11 Nte áwɔ tẽ wɔ-á Liyel tyí névile, ne n to kéne tyi yah sɔkɔ. Ne n yah n kɔ̀ ne á pɪ négbile Liyel yah, á ne n me Liyel yah tókile n pɪ, á ne n me sɛ́nóle Liyel yõ, tyínɔɔ ne n me á sɔkɔ, á ne n me sɔ́nmóle n pɪ, á mó ne n me á gblɔyne n tiki n mɔ.

12 Mékì pèpɛy fwo à yuku Liyel yõ sɛ́nó tyí tɪnne. Á pwáhnɔɔ tẽ n yɪn pálle, kápah nê yɪn-á Liyel ye ále, té á me fẽ syi névye náhnáh yí yah ne wáh pɪ Yesu yõ sɛ́-òle.

13 Liyel nê-á minne yíyɪn pólle n kɔ̀, ànê Yesu Krista nê-á yɪn Põse Pilatɪ yah sɔkɔ à Liyel yõ sɛ́nó welɔ tõ sah wekɪ, pépɪ yí yah sɔkɔ ye mé kéle n yo á tyí ne,

14 tyi nónó-á kɔ̀ sah ò kɔ̀, á sé wállè n kɔ̀. Á ne n me pílkí-nsah kɛ́ne ànê wényo-nsah kɛ́ne á tyí fók kɪ pɔ nɔ ápi Tẽ ògbẽ Yesu Krista syɪnɔɔ tyí.

15 Liyel núkúní nê-á tyi pól tyí tɛ́npnè-òle, pèpɔrɪ-á n wil òmɔ nê tyí, òmɔ nê-á yòtámnó Yòtɛ́ne, ànê tãmnɔ Tẽ NGBÈNE òmɔ ye kɪ Krista kɔ̀ à kɪ ò syɪ pɔ à yɪne ké gbí yáhnɔkɔnsàhnóle.

16 Nmɔ ó ye à náh ku n yah n pi. A me déntɛ́nóle kyòò yó sɔkɔ nê-á ney náh fẽ n nɔ n de n pi kéle. Ney yí náh tẽ yah ké yõ, ànê ney yí náh n tẽ n yah n pi ò yõ sɔkɔ. Gbílkinó ànê tãhkì ne n sah ò mɔ yõ gbímegbí. Amiina!

*Vɪnmɔɔ nê-á yɪne tahbɪ kɔ́nóle*

17 Kè yo kèkòyó mè tahbɪ tyí ne pè káh pé gblɔyne n gbilki, pè káh pé gbò sah tahrɪ yõ nê-á kɪ n tyɛ n pi. Nte pè pé gbò sah Liyel yõ, òmɔ nê-á yíyɪn pólle ápile n kɔ̀ náhnáh nê-á kɪ á kɔ̀ á kɪ me nìvìnì sɔkɔ.

18 Yo pé tyí ne pè tyípeplɔle n pɪ, pè ye pé tahrɪ pɪ tyípeplɔ pínóle. Pè pɪ fòkòpènrɪ névyele nónó-á kɪ fẽ syi n yɪ n kɔ̀.

19 Kápah sɔkɔ, pè kɪ tahrɪ pèpɛy yah sah pé gblɔy tyí ísò yɪnne nê-á kè náh n ykɪ. Sɔ́nko pè pɔ min kègbɪ we.

*Vɪnmɔɔ tɛ́yne*

20 N dí Timote, tyi nónó-á áwɔ gbò dahbɪ, sé tɛ́nó ple. Káh ne n de yékâb wân pínó sɔkɔ nónó náh me n yuku Liyel yõ sɛ́nó wɛ́kì yõ, ànê káh névye welɔ níne n tẽ nónó-á pé gblɔy pɪ tyi kàhnɔpɛpule.



<sup>21</sup> Névyé tókù ye pé gblǒy ρι kένε yίpî mè dùkù névyεε,  
 té Liyel yǒ sěńó wěkì milki.  
 Mé kéε n yah n kǒ νε, Liyel ò pèpǒrι ρι yé tyí.

## Pole sébéy ní-ò tékínmṁṁṁle Timote tyí

### *Pole wékínóle Timote tyí*

<sup>1</sup> Nṁṁ Polele, Yesu Krista tǔntǔ névi ye níne à yǐne Liyel dyo yǐ tǔne. Liyel-á n vyāhle á kǔ tyé-ńkǔ min nê tyí soko, té kè n we Yesu Krista gbǔ yǔ, à ní tekṁ mǔ kǔpah tyí yo yǐnne névye tyí.

<sup>2</sup> N pídí Timote, áwǔ nê tyí-á nǔ yǐ ní tyí, áwǔ tyí ye mé n tekṁ n mǔ sébéy mǔne. Mé kéle n yah n kǔ Sú Liyel ànê ápi Tǔ nǔgbǔ Yesu Krista tyí ne, pè yǔbǔnǔrṁ pṁ á tyí, pè mó á yān yah, ànê pè yèvinṁne n kǔ.

### *Pole me n wekṁ Liyel tyí*

<sup>3</sup> Gbǔmǔgbǔ mǔh n sǔ á tyí soko, mǔ weyne Liyelle n kǔ náhnáh nṁṁ nê tyí-á mé me ní foko dal mǔ tǔle n pṁ palle ní sútóbé tyí kǔle. Lékǔh ké gbǔntǔ, mǔh nírlǔle n pṁ, mǔ n pṁ á to tyí.

<sup>4</sup> N dyo-à to kǔ á yétí kwénó tyǔle, mǔ n ne n me yǐ ké tyí ne mé n we ní nṁ kǔ kè vṁ yǐ.

<sup>5</sup> N dyo náh fwo á Liyel yǔ sǔnó kǔgbṁ tyǔle. Liyel yǔ sǔnó kǔgbṁ nê-á lésǔ me á yǔntó Loyisi ànê á yǔ Yenusi soko, ní sǔnyǐnǔ me ké yǔ ne, kǔpah nǔkú-á me á to soko.

<sup>6</sup> Kǔpah ye, mé á dyole n to n kǔ ne, mǔh ní gbǔn sah á yǔ á nírlǔ pṁ á tyí, té Liyel me n Mirki tǔhkṁ nǔne n kǔ, á kè koh n tǔ yǐn.

<sup>7</sup> Nǔgbǔ Mirki nê-á Liyel á kǔ, tíkí Mirki náh kéle dé; tǔhkṁ ànê tyǐnǔnǔ, ànê gblǔy tǔnó Mirki ye.

<sup>8</sup> Kǔh n ye ápi Tǔ nǔgbǔ tyí yónó pṁ senne á tyí. Nṁṁ ménóle wǔkǔnǔpǔkǔ soko nṁṁ tyí sǔwǔh, kǔh n ye kè ne me senne á tyí. Nte Nǔvǐnǔ tir yónó yèvyǔhrṁ fǔ n syí nǔmǔle wǔ tyí, á gbǔ sǔhnó mó ne me Liyel tǔhkṁ yǔ,

<sup>9</sup> kǔpah nê-á pwah mǔ ápile, té à me á ye pṁ n nole. Á tyǐpǔlo pǔnó yǐn náh à kǔpah pṁ á tyí dé, kè ye n dyo ànê pǔpǔrṁ ye à pṁ á tyí kéle. Yesu gbǔ yǔ, à kéne pǔpǔrṁ mǔ pṁ sah ápi kǔ kǔkǔyǔ mó-ńkǔ gbǔ dǔkǔle.

<sup>10</sup> Kéne kǔpǔrṁ ye á we nǔkúnǔkú á pwǔhnṁṁ-ò Yesu Krista pónó soko. Nṁṁ ye pǔ kǔ tyí yǔkṁ té Nǔvǐnǔ tir yo á tyí, nê-á á mǔ tyé-ńkǔ min wǔkṁ yǔ.

<sup>11</sup> Nǔvǐnǔ tir mǔ yǐn ye Liyel nṁṁ ye tǔ, té n pṁ Yesu tǔntǔ syǐnyo-òle, ànê tyí kǔnsǔhnó kwó-òle.

<sup>12</sup> Képah kwlónó ye ní yō soko, òtè kè náh me senné ní tyí. Máh ní gbō sah névi nê yō, mé òtè n pne dō. N sēnyīnō me ké yō tōle ne wāh nê dahbi ní gbō, tǎhkì-á me ò soko kí fē ké tēnó ple, pópó kí pō nō gbìnyìkì tēy sō tyí.

<sup>13</sup> Timote, máh welo gblo nónó yo á tyí, sè koh n tē n yīn Liyel yō sēnó ànê tyínōnō soko, sépi nónó-á á we á wrō kwrónmōnō gbō yō Yesu Kristale.

<sup>14</sup> Liyel Mirki nê-á me ápi soko, képah gbō yō wáh kwónó pèpèy nê we, kè koh n tē yīn palle.

<sup>15</sup> Áwō nítē pínó me ké soko ne, Asi mara tǎn pól-á pé náh vi ní kō, Fisyeli ànê Yeremosyeni nítē tō pé náh vi ní kō.

<sup>16</sup> Mé kéle n yah n kō Liyel tyí ne, à Nsyonesifōrì ànê ò no nule n gbe. Yé náh we di, máh wòkònpèkè soko kǎrnne mónóle ní tyí, ké sen náh òmō tē wō yah kō ní nì dénpōnole gbáhyí náhnáhle.

<sup>17</sup> N yīnintēnō òsō Wrome kwil soko, à ní gbah soh kō súú à kyí we.

<sup>18</sup> Mé kéle n yah n kō Tē ògbē tyí ne à ò yām yah tukey tuke sōle. Wāh yòhnìnōnō nónó pì ní tyí Yefesi kwil soko, ney náh sè pī nō áwō Timotele.

## 2

### *Pole ne Timote ò tah sah*

<sup>1</sup> Áwō tē wole ní pídì Timote, yòbènrì nê-á ápi we á wrō kwrónmōnō gbō yō Yesu Kristale, képah yīnne, á tah n sah yī.

<sup>2</sup> Wáh ní kwónó nê noh névye náhnáh yí yah, kyí négló kwō kéle, nónó tō-á kí tō fē tókù kwō kéle.

<sup>3</sup> Kwlónó nê-á yīne ále, kè fē n syi Yesu Krista sràsyi yèsyìkì tyí kōle.

<sup>4</sup> Névi-à fyò de sràsyiyá soko té me ké tyí ne pé pé yòtē nìvìnne n pì, à ò vyāh de kèkōyō tyi téló soko.

<sup>5</sup> Wē kálnó tóló tó-ò tō náh tǎrì yókúrìle n we n pne né à náh tō ké wēkì yō.

<sup>6</sup> Sètō nê-á tō swāhle à kwlo, òmō ògbò ye yīne ké sèmuco wénóle

<sup>7</sup> Sō n yah ní welo yō, Tē ògbē kí sé pól syíkì-ínsahle ò wēki.

<sup>8</sup> Káh á dyc fwo Yesu Krista tyíle, òmō nê lékó-á yiki mō.

Davidi náh ney ye òtè.

Sē ye kéle yónóle Nìvìnì tir soko, képah nê-á mé me n yo n kō.

<sup>9</sup> Kéne Nìvìnì tir yīn ye kwlónóle ní yō sòkò, ànê kârnne mónóle ní tyí á kɪ ne pèkè pí-ò sǒ ònne. Nte kârn nâh se yó me mɔ Liyel wey tẽ wɔ tyí té.

<sup>10</sup> Képah ye, mé me tyi pólle n sro névye yīnne Liyel-á nónó yah tɔkò, sǒnko pé tɔ pwáhnmonɔ we Yesu Krista gbō yō, pé mó gbilkínó we nê-á kè nâh n tye.

<sup>11</sup> Gbɪ wey yó we yò:

Áyáh kɪ me ku Yesu Kristale wẽ tyí, á kɪ me min tɔ sòkò ònne wẽ tyí.

<sup>12</sup> Áyáh kɪ á tah sah wẽ tyí ònne, á kɪ tǒrí pí ònne wẽ tyí.

Áyáh kɪ à yahle,  
n tɔ kɪ á yahle.

<sup>13</sup> Áyáh kɪ sǒ pí-ńkēne négbólle, ònno tẽ wɔ kɪ tẽ négbúle, à nâh fẽ ò syɪ n kur n pí.

### *Kwónó kètúkù fwónóle*

<sup>14</sup> Névye dyɔ to n kō n mɔ kéne tyile, ò té ké gbáhdýâh di pé tyí Liyel yah sòkò ne, pé káh yékâb wânne n pí. Sè nâh tir yóle n pekɪ. Nónó-á me séle n nohnɪ, sè n pyě pépi mɔ n pu.

<sup>15</sup> Á tah n sah Liyel yí kō kè yuku ále. Pɪ tǒnpule, nê-á gbɪ welɔle n yo ké yah yō, té sen nâh n pí ò tyí à yuku ò tǒ tyí t̃nne.

<sup>16</sup> káh yáhwânne n yâh nónó-á sè nâh me yuku Liyel yō s̃nó tyí t̃nne. Nónó-à kéle n pí, pé wró n ne n gbah n gbe Liyelle.

<sup>17</sup> Pé yáhwân yíkínóle n pí á kɪ ne nówũ-á ńkēne wille n yō sǒ. Yimene ànê Filetɪ tɔ me kéne s̃nknɔ névye sòkò.

<sup>18</sup> Pépi gbɪ wěkì fɪn mɔ té me n yo n ne lékyî-á yilki mɔ sòkò te. S̃e ye pé pí té névye nâhnâh Liyel yō s̃nó yɪkɪ.

<sup>19</sup> Nte sépino pól sòkò, Liyel-á sètyah nê wilki, képah tẽ wɔ me. Welɔ nónó-á me wârkínóle ké tyí yō, sè we yò: «Nónó-á me Tẽ ñgbẽ tyí yō, à péle n pne.»

Ànê t̃ɔ: «Nónó pól-á Tẽ ñgbẽne n ye n gbo, pé yīne pé tyítúkùnì we n ye.»

<sup>20</sup> Wòkò ñgbẽ sòkò, s̃an vyó ànê wárn vyó ó kókó nâh me dé; sésár tyíno me, puri tyíno tɔ me. Túkù me yí t̃ahnì mɔ yīnne, túkù mó me ñyân yí mɔ yīnne.

<sup>21</sup> Tyi nónó tyí-á mé yo, Névi nê-à sè we ye té pí yályál Liyel yah, tẽ kɪ me wilkinsàhnóle tyítahnì pí yīnne. N yétò kɪ me yòtẽ dí tyí tyípéplɔ pí yīnne.

<sup>22</sup> Kètēnpìkìnì dékè tyi we n ye. Tyi nónó-á á yĩne n yah n kǒ, sè we yò: Gbì wěkì kólólè, Liyel yò sěńó, tyínònlè, ànê yèvinune. Yé sépi pólle n pì ànê névyele nónó-á me Tě ñgbēne n ye n gbo fòkò pépérle.

<sup>23</sup> Yékāb wān pínó we n ye. Á pĩ ne sépi-á n pò n pò mǎlle dò.

<sup>24</sup> Ngbǒ Tě ñgbē tǒnpì náh yĩne mékì pínóle dé. À pyē yĩne à ne n me núpír névile no pól tyí, à mó ne n me névyé kwónó yah we, té pàh ñ tyíle n yo, à tē we kè sómńó.

<sup>25</sup> À yĩne à ñ wey kǒlìpule n tē mármár à vìnmonòle péle n kǒ. Nê pĩ, ténkàh Liyel kì ye pé kǒ pé kì pé sǒnò we vi mǒ kì gbì we pĩ té.

<sup>26</sup> Képah-à pì, pé yah kì pì kyòò pé kì we de sétān yòtē vyóy sòkò, nê sòkò-á sǒ à pé mǒ tē sah pé kǒ pé ñ dyò yĩne n pì.

### 3

#### *Kèkōyō tyénó tyile*

<sup>1</sup> Timote, á yĩne ñ kè pĩ ne kèkōyō tyē gbīne, tyah táhnónò-á kì n we.

<sup>2</sup> Névyé kì pì gblǒy yò yíkípúle, pó kódíbíle, wèngbìl wékípúle, gblǒy gbílkípúle, Liyel tyí yóndepule, dúbípú tyí yáhlepule, pèpòrì pì-ńkē névyele, Liyel tyi mónkò-ńkēpúle,

<sup>3</sup> kùkùtǎhkì névyele, núpíkòbìle, névyé yĩn yíkípúle, gblǒy tē-ńkē névyele, nékókè mópúle, pèpey fwópúle,

<sup>4</sup> wě náh vípule, fòkònvǎhñì névyele, gblǒy yǒnsàhpule. Pé dyò yĩ tyi tyí kì nǒ kal pé tyí Liyelle.

<sup>5</sup> Pé kì pì yí yah Liyel yah tíkì pípúle, ñte kègbì yò, pé náh Liyel yah tíkì pínó tǎhkì fě n syi n pì. Káh ne n pì n soh sěnkno névyele.

<sup>6</sup> Pé túkù n ne n de n kǒ gbēn sòkò ñ syó túkùle n vi n tē, nónó lékām-á tuke. Kéne syó me tyípèl ó pé tǒó. Tyi duke pól dékè n ne n me pé sòkò.

<sup>7</sup> Pé me sǎhnó sòkò kǔmm, ñte pé náh me fě gbìle n pne pólle.

<sup>8</sup> Nsyānesì ànê Nsyābresì-á Moyisi kǒlì sǒ, sě ye pépi tǒ me n kǒlì gbìle. Pé sǒnò náh me palle. Liyel yò sěńó náh yuku yahle.

<sup>9</sup> Nte pé náh n yuku n pì yahle. Yé náh we di, no pól kì pé nǎwǒré we kwèyy sǒ-á Nsyānesì ànê Nsyābresì tyí pì.

<sup>10</sup> Nte áwò Timote tē wò ye ñmǒ sèfiki mǒ tyi tyi pól sòkò: Máh kwónó nê pì á kè fě syi, té me ní pì dùkùle n yah n pì. Á ñ sǒnòle n pne, ànê ní Liyel yò sěńó dùkùle, ànê ní tyi srónó

dùkùlè, ànê tyínɔnɔ nê-á me ní sɔkɔ, à tahlı máh me gbah tẽ dùkù nêne.

<sup>11</sup> Páh ní fõh dùkù nêne á kéle n pne, à tahlı máh yèvyãhrı nónó pı Antıyosı, ànê Yikonyumi, ànê Lisitir sɔkɔ. Fõhnó nê dùkù tẽ me mé náh kè we yah? Nte Tẽ ñgbẽ ní pwah mɔ sépi pól sɔkɔ.

<sup>12</sup> Gbı yõ, nónó pól-á sã Yesu yõ, té me ké tyí ne pé pé minne n pı Liyel yah tíkí pínó sɔkɔ, pé kı fõhnó we.

<sup>13</sup> Nte népêl ànê névyè pílkipú tẽ wɔ kı yõ sɔkɔ pèkè pínóle kı névyè tókù pilki, té kı pé gblõy ñtẽ tɔ pilki.

<sup>14</sup> Nte áwɔ tẽ wɔ-á kwónó nê we té kè fẽ syi ne gbı-á kéle, kè tẽ yĩn palle. Wáh kwónó mè we nê tyí, á ñne n pne ó.

<sup>15</sup> Á wẽnpir gbí dùkùlè á Liyel weyne n pne. Kè kı fẽ á lékãm yıkı mɔ ñ kõ á kı pwáhnɔnɔ we Yesu Krista yõ sɛnó gbõ yõ.

<sup>16</sup> Liyel wey pól wãrkı Liyel tãhkı gbõ yõ. Kè wãrkı névyè kwɔ yĩnne, ànê mìnı gbel kye yĩnne, ànê pílki-ńtãn tõ yĩnne, ànê névi mɔ yĩnne gbı wèkı kóló sɔkɔ,

<sup>17</sup> sɔnko, Liyel tyí névi pı négbıle tãn pèplɔ pól fẽ n pı yĩnne.

## 4

<sup>1</sup> Yesu Krista nê-á kı pɔ vye ànê kyî tuke n pi, mé kéle n gbah n yah n kõ á tyí Liyel ànê ñmɔ yĩ yah, à tahlı ñ syínɔnɔ ànê ñ tõrí yĩn yõ ne,

<sup>2</sup> á Liyel weyne ne n yo. Kàh sõ yèvyãhrı gbí sɔkɔ ò; kàh sõ yèvını gbí sɔkɔ ò; kéle ne n gbah n yo. Névi nê-à pu pı, wèkı tẽ yõ, vınɔnɔlè tẽ kõ, tẽ tɔkɔ yárr ñ kwónóle à kõ.

<sup>3</sup> Gbı yó me n pi, tókù náh tõ kwónó yèsyıkı fẽ n syi n pi. Tyi nónó dékè-á n ko péle, pé kı kwópú kwĩnki yısyó yah nónó-á kı pɔ sépi tyíle n we n yo pé tyí nónó nóhnó-á me nɔ.

<sup>4</sup> Pè kı pé ní tah tũ yahle gbı nóhnóle, té kı sèmırn wɔle n nohnı.

<sup>5</sup> Nte áwɔ tẽ wɔ á gblõy tẽ palle tyi tyi pól sɔkɔ. Kwónó sro, ñ té á gblõy kõ yĩ Nivını tir yónó sɔkɔ. Pı Liyel tɔnpı pèpeyne.

<sup>6</sup> Nmɔ tẽ wɔ pı gbı nɔ te sárkále. Kèkõyõ fin mɔ gbı nɔ ní tyí.

<sup>7</sup> Mé mékı pèpey fwo à yuku Liyel yõ sɛnó tyí tĩnne. Tóló nê sɔkɔ-á sõ ñne, kè tye. Mé náh Liyel yõ sɛnó yal mɔ.

<sup>8</sup> Nte núkúnúkú, tẽnwenɔ yõre wénó ye mé me syıkı tẽ, nê-á négbłó yõtõrí yókúríle. Tẽ ñgbẽ nê-á tukey tükè-ò pèpeyne, ñmɔ ye kı ní kõ n pi kéle. Té à náh n yĩn n pi

ńmɔ ó tyí dé, nónó to-á me ñ pónó sykɩ tẽ ñivìni sɔkɔ, à kɩ pépi to pól kɔ́ kéle.

*Pole me vɪnmɔɔ tɛyne Timotele n kɔ́*

<sup>9</sup> Gbah n tẽ n pɔ́ ní tĩne súú.

<sup>10</sup> Yé náh we di, kwey gbí tyí me yah syi Demasi tyí à kɔ́ à me ñ náh vi ní kɔ́. À me sɔkɔ Tesaloniki kwil sɔkɔ. Kresá mó sɔkɔ Kalasi mara sɔkɔ, té Tite wɔ me sɔkɔ Dalmati mara sɔkɔ.

<sup>11</sup> Likyi ó ye me ní tnô. Markɩ tẽ ye pɔ wẽ tyí ñne. N yétô me gblò ní tyí tǒ mè sɔkɔ.

<sup>12</sup> Mé Tisyiki tekɩ mɔ Yefesi kwil sɔkɔ.

<sup>13</sup> Wáh kɩ n pi, ní fwòmò-ńgbẽ tɔkɔ n pɔ́ ní kɔ́ nê-á mé sah Karpusi tyí Turasi kwil sɔkɔ. N sébéynó tɔ tɔkɔ n pɔ́ n kɔ́, ñ té n pɔ́ sé sêl tyínɔ tɔle, sépi nónó tyí-á tah kal ní tyí.

<sup>14</sup> Kètõndí Alekisãdre népékè kah pɩ ñne. Tẽ ńgbẽ kɩ à dyah n pi ñ tyípinine.

<sup>15</sup> À ápi welo kɔ́lɩ kah mɔ. Képah ye, á tɔ á gblɔyne n tẽ ñne.

<sup>16</sup> Páh ní tuke sô nêne gbenne, no pól pé náh vi ní kɔ́. Nnî yó ntẽ náh yo tẽ mɔ ñne. Mé kéle n yah n kɔ́ Liyel tyí ne à káh kè pɩ tirlé pé tyí.

<sup>17</sup> Nte Tẽ ńgbẽ wɔ so mɔ ní tyí. À tãhkìle n kɔ́ mé fẽ ñ wey yo yĩ, té nónó náh pɩ Nsyifunɔle, pé pól kè we noh. À ní pwah mɔ kyěkingbêkɩ tyí.

<sup>18</sup> Tẽ ńgbẽ kɩ tǒ ní yô wilki n pi pèl duke duke pól sɔkɔ. Té kɩ ní pwah mɔ ní kɔ́ mé kɩ we de ñ tǒrí sɔkɔ. Gbílkinó ne n sah ñmɔ yô gbíme gbí. Amiina!

*Wey tyé-ńsahle*

<sup>19</sup> Wekɩ Prisili ànê Akilasɩ tyí ní kɔ́, ànê Wonesiforɩ nole.

<sup>20</sup> Yerasıtı wũ Korēnti kwil sɔkɔ. Mé Torofimi wɔ sah Miletı kwil sɔkɔ. À sô me n yo képah ye.

<sup>21</sup> Gbah n tẽ n pɔ́ kwòvırı gbí nó-ńkê sɔkɔ. Yebulusi, ànê Pudēsı, ànê Linusi, ànê Klodya, ànê á yũnpyé téló pól n wekɩ á tyí.

<sup>22</sup> Mé kéle n yah n kɔ́ Tẽ ńgbẽ tyí ne à ne n me áwɔle, à mó yôbènɔrle ne n pɩ yé pól tyí.

## Pole sébéy tékínmɔnɔlɛ Titi tyí

*Wey kɔ́nɔlɛ*

<sup>1</sup> Nɔmɔ Pole nê-á Liyel tɔ̀npɪ ànê Yesu Krista tɛ̀ntɔ̀ névile, Liyel ní tɔ̀ nɛ mé péwɔ névye yáhntɔkɔnɔ yohnɪ mɔ̀ pè kɔ̀ pè sɛ̀ Yesu yɔ̀. A ní yah tɔkɔ nɛ mé gbɪ wɛ̀kɪlɛ pè wɛ̀kɪ pè kɔ̀ pè pé minne n pɪ Liyel yɔ̀ sɛ̀nɔ̀ wɛ̀kɪ yɔ̀,

<sup>2</sup> pé gbò sàhnyĩnɔ̀ mɔ̀ nɛ mɛ tyé-ńkɛ̀ min wénó tyí yɔ̀. Liyel nê-á à náh mìnìne n yo, òmɔ̀ n vyāhle pè kɔ̀ kéne tyé-ńkɛ̀ min tyí sɔkɔ̀ kèkɔ̀yó̀ mó-ńkɛ̀ gbí̀ dukùlɛ.

<sup>3</sup> Té wāh n vyāh kɔ̀ nê tyí sɔkɔ̀, ké wɛ̀kɪ gbí-á pɔ̀ nɔ̀, à kè wɛ̀kɪ n wey gbò yɔ̀, té ní kɔ̀ mé kéle n yo, òmɔ̀ nê-á á pwáhnɔ-òlɛ.

<sup>4</sup> Titi, áwɔ̀ nê-á òmɔ̀ pídí kègbulɛ ápi Liyel yɔ̀ sɛ̀nɔ̀ sɔkɔ̀, áwɔ̀ tyí ye mé n tekɪ n mɔ̀ sébéy mènɛ. Mé kéle n yah n kɔ̀ ápi Sú Liyel ànê ápi pwáhnɔ-ò Yesu Krista tyí nɛ, pè yò̀bènɔ̀rɪ ànê yè̀vɪnɪne n kɔ̀.

*Tò nê-á dahbɪ Titi gbò*

<sup>5</sup> Mé ye n sah Kretɪ mara sɔkɔ̀ nɛ, tyi téló nónó-á wũ á sè pɪ n dal n mɔ̀, á mó yah tɛ̀pú yísyó̀ yah n sah n sah n kɔ̀ kwlo kwlo pól Yesu yɔ̀ sɛ̀pú f̀nkɪnó̀ yɔ̀ sɔkɔ̀ à yĩne máh sò̀ kè yo sɔ̀ á tyí.

<sup>6</sup> Kéne yah tɛ̀pú pól yĩne pè nɛ n mɛ wényo-ńsah kéne pé tyí, ànê pé nɛ n mɛ sé núkú núkú nátāmnɛ. Pé wɛ̀npɪ mɔ̀ nɛ n mɛ Yesu yɔ̀ sɛ̀púle, pè káh pí-ńkɛ̀ tyilɛ n pɪ, pè káh pɪ nòhni-ńkɛ̀púle.

<sup>7</sup> Yé náh we di, Yesu yɔ̀ sɛ̀pú f̀nkɪ kyò̀mì-ò yĩne à nɛ mɛ wényo-ńsah kéne n tyí, wāh sɔ̀npúle pɪ Yesu yɔ̀ sɛ̀pú f̀nkɪ tahrɪ kyò̀mì-òlɛ. A náh yĩne à pɪ wɛ̀ngbɪl wékí-òlɛ, ànê f̀òkònyāhni névile, ànê sèwɔlɛ, ànê mál kɔ̀lì-òlɛ. Tɛ̀ káh nɛ yah n kɔ̀ pí-ńsahle kwāh nétɛne yĩnvi sɔkɔ̀.

<sup>8</sup> A yĩne à népānne n tɛ̀ plɛ, pèpɛy pínó tyí mɔ̀ nɔ̀ n tyí. A yĩne à pɪ yĩ pí-òlɛ, ànê négbúle, à mɔ̀ nɛ mɛ yályál Liyel yah, ànê gblɔ̀y tɛ̀npnè-òlɛ.

<sup>9</sup> Wele nónó-á yĩne sɛ̀nɔ̀lɛ sé yɔ̀, à yĩne à sè koh n tɛ̀ n yĩn à yĩne kwónó nê-á à wɛ. Képah sɔkɔ̀, à kɪ tɛ̀ we Liyel weyne névyele n vi n mɔ̀, té kɪ wényo-ńsah tyɛ̀ n kɔ̀lɪpu tyí.

*Liyel yĩn yɔ̀ mìnɪyobelɛ*



10 Yé nâh we di, névye náhnâh me pi gblöy tîkînmò-  
 ñkêpûle, ànê wênfi wékípûle, ànê névye pîlkípûle. Té pé  
 kan ñtê n we Nsyifunò Yesu yõ sêpú sòkò.

11 Pè me fêkînlòle n dahbi kêtlo náhnâh sòkò pé kwónó  
 túkúnîne kwâh we yîinne yînvî sòkò. Képah ye, pé vyêy yîne  
 túnólè.

12 Pé lékâm névi yó lésò ne ñkê, mînyobe, ànê gbênképèl,  
 ànê gbãndal névye, ànê yèwònpûbi-á Kretu tãnne.

13 Gbi ye à yo. Képah ye, wèkî n yîí pé yõ, pé kô pé Liyel  
 yõ sêñó pèpey we.

14 Pè kâh pukubi mò Nsyifunò sèmîrn ànê névye tyi  
 kònsâhnó nâh, nónó-á sè nâh me gbi wêkî yõ.

15 Tyi pól me yályál névye tyí, nónó-á me yályál Liyel yah.  
 Nte névye nónó-á me sîlkînlòle Liyel yah, té yahle sêñólè ñ  
 yõ, tyi pól me sîlkînlòle pépi tyí. Yé nâh we di, pé sòno ànê  
 pé lékâm nâh me palle.

16 Pè pé gblöyne n pi Liyel pípûle. Nte pé tyípínì kéle n  
 wêkî ne pé nâh ñne pne. Pè pi nétúkúnì ànê nikisekókó  
 pípûle, pé nâh tã fê tyípépèy pi.

## 2

*Kwónó nê-á yîne Yesu yõ sêpú tînkî kònlòle*

1 Nte áwò tã wòle, ápi sêñó-á me nê yõ, képahle névyele n  
 kwò.

2 Yo yèwàhnì tyí ne pé gblöyne n tã n pne, pé ye yòyén  
 ne n sah pé yõ, pé pi yèsrey névyele, pé ne me sũ yîí Liyel  
 yõ sêñó sòkò, tyínòno mó ne n me pé sòkò, pé mó ne me  
 sòmno névyele.

3 Yo syódÿî tò tyí ne pé ye pé kò dùkù ne me palle Liyel yah,  
 pé kâh névye yîinne n ykî, pé kâh pi sèwòbile, pé névyele  
 n vi n mò palle.

4 Syó nónó nâh wah mò, pãh yîne pé pépile n yohni n mò  
 pé pèbi ànê pé wènpî tyí kô kè nò pé tyí.

5 Pãh yîne pé pi yèsrey névyele nónó-á me tómm, té me  
 n yah n dah mò pé kêtlo tyí sòkò. Pãh yîne pé ne n me  
 syóglólè nónó-á me n sah pé pèbi tyí yõ, sònko Liyel wey  
 tyí kâh yo ko.

6 Sórè mò kètènpî tò sòkò pé pi yèsrey névyele

7 tyi pól sòkò. Áwò tã wò mó pi dùkù pèpeyne péle n wêkî  
 á tyípèplo pínó sòkò, ñ té á fòkò dal mò péle n kwò yèsyìkùle.

<sup>8</sup> Ye á welo ne n me gblo ó sé t̄ó, wényo-ńsah k̄ene. Képah soko, á sépébí náh wényo-ńsah we n pi ápi tyí. Kè ki pu senne pé pól tyí.

<sup>9</sup> Yo yõbu tyí ne pè ne n sah pé yõtãm tyí yõ tyi tyi pól soko, pè pi négbłóle pé tyí, pè káh pé yõtãmne n k̄oli,

<sup>10</sup> pè káh kwáh yó r̄t̄e yí n t̄oko pé tyí. Pè pé Liyel yõ s̄nó pèpeyne n w̄eki gb̄imegbí, s̄nko á pwáhnmo-ò Liyel-á kwónó n̄ene n k̄o, gb̄ilkinó ne n sah ké yõ.

<sup>11</sup> Yé náh we di, Liyel ye ñ yòbènr̄i w̄eki képah n̄e gb̄o yõ-á névye pól pwáhnmonole n we.

<sup>12</sup> Kè ále n kw̄o ne á Liyel yah t̄ikile n pi, àn̄e á káh á ȳine n wil k̄ek̄oyó yí tyí. Káh pi s̄e, kwey gb̄i m̄e soko á ki t̄e we á minne n pi gbl̄oy t̄nó soko, àn̄e gb̄i w̄ek̄i yõ, àn̄e Liyel yah t̄iki p̄ínó soko.

<sup>13</sup> S̄e ye á ȳine à ñv̄in̄i wénó m̄e sȳiki t̄e, á gb̄o s̄ahnó-á me n̄e yõ, à tahl̄i gb̄iȳik̄i tyí, s̄o ye ápi T̄e ñgb̄e Liyel n̄e-á pwáhnmo-ò Yesu Kristale, ñ t̄ór̄i ki n wilki n mo n pi.

<sup>14</sup> A ñ gbl̄oy k̄o ápi ȳinne à á yõ we dwe wilki tyíp̄el pól soko. A me ké tyí ne pé á pi yályál pé yah, á mó ne me pé tyí yõ, á mó gbah t̄e tyíp̄elo p̄ínó soko.

<sup>15</sup> S̄e ye á ȳine ñ ne n weki yòt̄ór̄i soko, ñ sóréle n mo pé soko, ñ té ne n weki pé yõ. Káh n ye ñn̄i yó r̄t̄e ále n yilo.

### 3

#### *Ko dukù pépeyne Liyel w̄ek̄i yõ*

<sup>1</sup> Névyé pól dyo to n k̄o ne p̄ah ȳine pé pé gbl̄oyne n tiki n mo kwil yah t̄am àn̄e yõtãm yah soko. P̄ah ȳine pé ne n sah pé tyí yõ, pè mó pé gbl̄oy vi sah tyíp̄elo duke pól pi pi t̄ene.

<sup>2</sup> Pè káh w̄entùkùn̄ine n weki ñn̄i yó r̄t̄e tyí, pè káh m̄alle n k̄oli. Pè pi négbłóle, pè mó névye pólle ne n t̄e mármár.

<sup>3</sup> Yé náh we di, ñgbòle, lékám k̄e àn̄e k̄elék̄e névye ye lesò ápi t̄ole. Á s̄o me mónpunole, me á dyo dyo tyi àn̄e á ñv̄in̄i tyi yõri soko. Á s̄o me á minne n pi p̄ek̄e p̄ínó àn̄e dék̄e tyi p̄ínó soko. Á s̄o me á dék̄e wilki névye soko, té me w̄e dyole ñ yo.

<sup>4</sup> Nte gb̄i n̄e-á á pwáhnmo-ò Liyel ñ p̄ep̄ori àn̄e ñ tyín̄onole névye w̄eki,

<sup>5</sup> à á pwah mo. Té kè náh pi ne á tyíp̄elo p̄ínó ȳin s̄o dé, á ȳam ye à yah. A ye á pwah mo, té min s̄anne á k̄o à á nno wu pi yályál Liyel Mirki gb̄o yõ.

<sup>6</sup> A syõ á pwáhnmo-ò Yesu Krista tyí à Mirki mè tiki mo á yõ náhnáh,

<sup>7</sup> sõnko á píneno náh négbólé n pèpõri gbõ yõ, à tyé-ńkẽ min we képah nê-á á me n deki.

<sup>8</sup> Wey mène, gbi ye kéle. Mé me ké tyí ne á kè gbah yo pé tyí, sõnko nónó-á sã Liyel yõ, pè gbah tẽ tyípeplòle n pi. Sépi ye ple, té sé yõre mó tõ me no pól tyí.

<sup>9</sup> Nte káh yõ kẽ yékâble n pi, ànê káh yékâble n pi névyee duku wĩl-nsah tyí sòko. Káh málle n pi, ànê káh yékâble n pi névyee Moyisi tyi kònsàhnó tyí yõ. Yõre kẽ ànê yékâbkwè ye séle.

<sup>10</sup> Névi nê-à névyee n gbeki, ké gbáhdya di tẽ tyí kè no ke nínóle, wáh ké nòh-ńkẽne, à gbe n milki.

<sup>11</sup> Á pĩ ne kène névi dùkù-á wèkì pèpey fin mo, wáh me tyípèlle n pi à pèkèle n yõri n mo n gblõy yõ.

*Pole-á vìnmoño téy ànê wey nène Titi kõ*

<sup>12</sup> Máh ki fyò Artemasi, képah náh pi Tisyiki teki mo á tyí, gbah n tẽ n pò n wil ní tyí Nikopolisi kwil sòko. Mé kè yah tòko ne máh ki kwòviri gbí pi nénpó.

<sup>13</sup> Nsyenasì nê-á Liyel ògbò wèkì kwó-òle, yah n dah n mo òmo ànê Apolosi kóló tyí sòko. Káh n ye kwáh yó ńtẽ pè teki.

<sup>14</sup> Ápi no to yĩne pè pé gblõy kõ n yíi tyípeplo pínó sòko, sõnko tyi nónó tyí-á me tah, pè tẽ n we sépi yahle n wah. Pè káh pi tẽ yõre kẽ névyee.

<sup>15</sup> Névyee nónó pól-á me ànê ńmòle, pè n weki á tyí. Nónó-á ápi kódíbile Yesu yõ sèńó sòko, weki pé tyí.

Mé kéle n yah n kõ Liyel tyí ne à yòbènõrile n pi yé pól tyí.

## Pole Sébéy tékínmɔnɔlɛ Filemo tyí

*Wey kɔ́nólɛ*

<sup>1</sup> Nmɔ Pole nê-á wòkònpèkè sɔkɔ Yesu Krista tò yinne, ñmɔ ànê á yúnpí Timote ye n tɛkɩ n mɔ sébéy mène áwɔ Filemo tyí, nê-á ápi nénóníne ànê á tò pí mûne.

<sup>2</sup> Á kéle n tɛkɩ n mɔ tolɛ ápi dósê Apiya tyí, à tahlí Arsyipi tyí ñmɔ nê-á á mékì fwo mûne, ànê Liyel yò sɛpú finkì tyí pépi nónó-á wɛne n tuke n mɔ n pɔ áwɔ Filemo wòkò sɔkɔ.

<sup>3</sup> Mé kéle n yah n kɔ́ ápi Sú Liyel ànê Tɛ̀ ñgbɛ́ Yesu Krista tyí ne, pè yòbènɔrɩ ànê yèvinine ye kɔ́.

*Liyel yò sɛ́nó ànê tyínɔnɔ nê-á me Filemo sɔkɔ*

<sup>4</sup> Gbímegbí mǎh Liyelle n ni, mè n wɛkɩ Liyel tyí á tyí sɔkɔ,

<sup>5</sup> mǎh sɔ́npíle me n nohnɩ ne Tɛ̀ ñgbɛ́ Yesu yò sɛ́nó-á me á sɔkɔ, ànê ñ yò sɛ́pú tyí-á me nónólɛ á tyí.

<sup>6</sup> Mé kéle n ni Liyel tyí ne ñmɔ yò sɛ́nó nê-á ápi kwɔ mɔ pí núkúle, kè ne n yuku yahle. Tyípéplɔ pól nónó-á á kɩ fɛ́ pí Krista yinne, séle névyɛ wɛkɩ.

<sup>7</sup> N yúnpí, tyínɔnɔ nê-á me á sɔkɔ ñ kɔ́ á Yesu yò sɛ́pú nnɔlɛ n de, kè me ñìvìnine ñmɔ tyí, té me sórélɛ n mɔ ñ sɔkɔ.

*Pole me kéle n yah n kɔ́ Filemo tyí ne à Wonesimi yɔ́rɩ tye*

<sup>8</sup> Gbɩ ye sɛ́nsɔ́, Krista yò sɛ́nó gbò yò mé kɩ sò fɛ́ á pí pí tir kɔ́ sah ñ kɔ́,

<sup>9</sup> ñte tyínɔnɔ yinne mé ále n ni, ñmɔ Pole nê-á pí yèwǎhle, té me nítɛne wòkònpèkè sɔkɔ Yesu Krista tò yinne.

<sup>10</sup> Mé ále n ni Wonesimi tyí sɔkɔ, ñmɔ nê-á pí ní pídíne Yesu yò sɛ́nó gbò yò wòkònpèkè sɔkɔ.

<sup>11</sup> Ngbòle, à nǎh sò me tirlɛ n pekɩ áwɔ tyí. Nte núkúnúkú, à me tirlɛ n pekɩ áwɔ ànê ñmɔ tyí.

<sup>12</sup> Mé kɩ ní syɩ à tɛkɩ mɔ ñ kɔ́, ñmɔ nê-á ñmɔ wil fí yóle.

<sup>13</sup> Nmɔ-á me wòkònpèkè sɔkɔ sɛ́ Nìvìnì tir yinne, mé sò me ké tyí ne à tɛ́ ní tnô à tòle n pí ní tyí áwɔ swɔ.

<sup>14</sup> Nte mé nǎh me ké tyí ne mé tir yó pí né á nǎh ké wɛkì kɔ́. Mé nǎh me ké tyí ne mé ñ kyí mɔ á tyípépy pí. Mé me ké tyí ne kè pí áwɔ dyɔ dyɔ tɛne.

15 Gbòkénpi Wonesimi kɪ me gbe mo ále wró kwéy yó ó sokɔ, sɔ́nko ò pɔ à we kúmm yó sokɔ.

16 Yé náh we di, yó ó náh òne núkúnúkú dé, à fónfó yó yó. A pól yúnpi ye òne, nê tyí-á no yíí á tyí. N tyí no yíí nímo tyí, òte ò tyí ké no kal áwo tyí, wáh sɔ́npíle pi áwo yóle té tó pi Yesu yó sɛ̀-òle.

17 Képah ye, wáh kɪ me pĩ ne á yúnpi-á òne, à tẽ ple nímo sɔ́ á tẽ.

18 Wáh kɪ me tyítúkú yó pi, képah náh pi á kòl-à kɪ me ò yó, mé kɪ yĩn sé yínnóle.

19 Nmo Pole ye n wárkɪ welo nópile ní gbòle ne máh kɪ kòl mè dyah. Té á dyo náh mé n to n kó ne wáh yĩne á á minne ní dyah.

20 Képah ye ní yúnpi, mé kéle n yah n kó á tyí ne á tir mè pi ní tyí Tẽ ògbě yĩn yó. N nɪ de á wró kwrónmɔno gbò yó Kristale.

21 N sɛ́nó me ké yó ne négbí-á ále. Képah ye, máh tyi nónoné n wárkɪ n tekɪ n mo á tyí yò, mé pĩ ne wáh kɪ sè pi ní yóré yó, kɪ kah mo nítné.

22 Mé kè pĩ tole ne yé nírí gbò yó páh kɪ òne yé kó. Képah ye, mé kéle n yah n kó á tyí ne á sɛ́-ńsah yah n sah n kó nítné.

### *Wey tyé-ńsahle*

23 Yepafraɪ n wekɪ á tyí, òmo nê-á me òne wòkònpèkè sokɔ Yesu Krista yĩne.

24 Markɪ ànê Arisitarkɪ, ànê Demasɪ, ànê Likyɪ n wekɪ á tyí, pépi nóno-á nímo tó pi múne.

25 Mé kéle n yah n kó Tẽ ògbě Yesu Krista tyí ne, à yòbènɔrile ne n pi yé tyí.

## Nsyaku-á sébéy nê wārki tekı mo Liyel nípú tyí

N yúnpyé, yépi nónó-á sébéy mē kàrpule.

Nsyaku lésõ sébéy mē wārki tekı mo Liyel nípú tyí nónó-á sò me kwlo náhnáh sòko. Pè sò me sē Liyel yõ, ñte, kwlonó sò me péle n yini n tē, ànê sétõ sò me péle n fwo. Képah ye Nsyaku sébéy mē tekı mo pé tyí, à sóré mo pé sòko ne, pé gbah n tē Liyel yõ sēnó sòko. A sò me péle n vi n mo tyi náhnáh sòko, ne pé tyípeplale n pi. Liyel nípú tükù sò me n yo ne páh sē Liyel yõ, té pé tyípinì náh mó tõ me ple. Képah ye Nsyaku kō à kè gbah yo pé tyí ne nkē, névi nê-à ne páh sē Liyel yõ, té n tyípinì náh me ple, yõ kē-á tē Liyel yõ sēnóle.

Liyel yé yah tē ké kàrnó sòko!

### Wey kōnóle

1 Nmo Nsyaku nê-á Liyel, ànê Tē ñgbē Yesu Krista tōnpule, mé sébéy mēne n tekı n mo, à n wēki Liyel nípú pól tyí, nónó-á me kárkínkōnole kèkōyó sòko.

### Mónyahno dòhnínóle n pi Liyel yõ sēnó yõ

2 N yúnpyé, mónyahno-à sō pi yèvyāhrı dükù nê dükùle yé tyí, yé ye kè pi nìvì ñgbēne yé tyí.

3 Yé pī ne, yé Liyel yõ sēnó-á tē we mónyahno tyí, képah sòko-á yé ki pi tēpnēpule.

4 Nte, yé ye yé tēpnēnó mē ké tō pi kyı syı ké yin tyí, yé kō ye gbèkè yī, pèkè káh tō we yé sòko, ànê kwâh yó ntē káh yé tekı.

5 Nte, yípi-à yé sòko ney yó tekı, tē kè ni Liyel tyí, à ki kè yī tē kō. Nmo ye n yī no pólle n kō fòkòpènrı sòko, pé yah yó-ñkēne. Képah ye, tē kè ni nmo tyí.

6 Té tē yīne à kè ni Liyel yõ sēnó sòko tòtò kēne. Yah, névi nê-à tòtòle n pi, tē me á ki ne yónkwıl sō, yáhkı n toko n mo n kō yey yey pólle.

7 Sēnkō névi káh ne n sō ne, páh ki kwâh yó ntē we n pi Tē ñgbē Liyel tyí.

8 Névi dükù yó ye tēne, nê lékám náh me tēnóle fī núkú, ànê à me tòtò sòko n tyípinó pól sòko.

### Yām ànê tahrıle

9 N yúnpyé nónó-á me yãm soko, Liyel ki po pe doko n mo n pi: Képah ye, pe ké nìvìle ne n pi.

10 Té tahbi ki tye n soko n pi filfi tyí kòle. Képah ye, pe to pé tíkínmɔnɔ nìvìle ne n pi.

11 Sɔ-á gbì-à gbo, té vyãh filfi tẽ, sè n kɔkɔ, n du n kwe. Plé-ńsah nãh tɔ n we sé tyí. Sɛ ó ye, tahbi to ki yah n kwlo n pi pé tyípínó nyó.

### *Mónyahno ànê tɔnmɔnɔle*

12 Yèvinu me névi tyí, nê-á ñne n tah n sah mónyahno soko. Mónyahno sókɔntenɔ nãh, tẽ ki tẽnwenɔ tɔrì yókúrí we, nê-á tyé-ńkẽ minne. Kéne tyé-ńkẽ min tyí ye Liyel n vyãhle névye kɔ sah, n tyí-á nɔ nónó tyí.

13 Yé pĩ, ney nãh fẽ Liyel tɔ mo à tyípékè pi n pi, ànê ñmo to nãh mó tɔ ñnî yó n̄tẽne n tɔ n mo n dah n mo tyípékè soko. Képah ye, tɔnmɔnɔ-à nê yĩni tẽ, tẽ káh ne, Liyel-á n tɔ n mo péle.

14 Nte, nê-á ńkẽne nénúkù núkú pólle n yɔrɔ n dah n mo tyípékè soko, pé sɔnɔ túkúnì dékè tyi ye.

15 Wãh ye sɔnɔ túkúnì nɔpi kɔ sè tẽ we á tyí, sè n po tyípékèle. Tyípékè-à mó gbèkè yĩ, kè n po kũne.

16 N yúnpyé, yé tyí nɔ ní tyí. Yé káh yé gblɔy pilki dé!

17 Ngbɔ, yínkɔnɔ yĩ tãhnì pèplo pól n wil yĩnyɔ. Liyel ye n kɔ ále séle, ñmo nê-á mo yĩnyɔ kyòole. N òkù nãh n vi n mo, fẽntú tyah nãh me n soko.

18 Nte, Liyel sò me ké tyí ne, pé á sah n yĩ mónónɔ pól yah ònne. Képah ye, à min sãnne á kɔ n wey gbì gbò yò.

### *Liyel wey nóhnó ànê ké wɛkì kólólé*

19-20 N yúnpyé, yé tyí nɔ ní tyí. Yé pĩ ne ńkẽ, névi fɔkɔ-à vyãh, n tyípínì nãh Liyel nule n vi. Képah ye, yé nénúkù núkú pól yĩne yè yé n̄ne n kwɔ nohnì súú, té yé káh ne n sal n wɛkì sɔnyah-ńkẽne, ànê yé fɔkɔ káh ne n kwãh n vyãh.

21 Kàh pi sɛ, yé tyítúkúnì ànê népékè pínó duke duke pól yal n mo pnépné. Yé mó Liyel wey fẽ n syi gblɔy tíkínmɔnɔ soko, wãh nê dah mo yé nno soko. Képah ye ki fẽ yé pwah mo.

22 Yé káh yé gblɔy tɔ mo n pi Liyel wey nóhpú óle, nte, yé ne n kɔ ké wɛkì yò.

23 Yah, nê-à kéle n nohnì óle, té à nãh me n kɔ ké wɛkì yò, tẽ me á ki ne ñnî yó sɔ, nê-á me n yèpɔle n yah dwòlí soko sɔ-á kéle.

24 Wàh fyò ò gblǒy yah tɛ, tɛ yal ké tnô, nénpó swɔ, ò dyo n fwɔ ò yèpɔ dùkùlɛ.

25 Ntɛ, Liyel tyi kònsàhnó me túnóle, sè kɪ fɛ névye sah pé gblǒy yò. Névi nê-à sépi tɛ palle, sé sɔkɔ tyi nóhnmilki-ńkêne, tɛ ò tyile n pi sah yo sɔ, tɛ wɔ kɪ yèvɪnɪ wɛ ò tyípínó pól sɔkɔ.

26 Nkɛ, nê-à me n sɔ ne, Liyel wɛkì kó-ò-á péle, tɛ à náh me n kyomɪ n wɛkɪ, tɛ me ò gblǒyne n pilki. N Liyel wɛkì kɔ dùkù me nònóle.

27 Ntɛ, Liyel wɛkì kóló nê-á syii nítɛ kɛne ké sɔkɔ sú Liyel n mɔ n kɔ, kè wɛ yò: Á yĩne ò nígbeye ànê pékúsyɔle n tɛ ple pé yèvyàhrɪ sɔkɔ, ànê káh n ye kèkòyó tyi pɔ ò silki Liyel yah.

## 2

### *Wǎhkì pínó náh ple*

1 N yúnpyé, yáh sɛ tǒrí Tɛ ògbɛ Yesu Krista yò, yé náh yĩne yè neyne n wah.

2 Sɔ-á dí yó kɪ fɛ pɔ de yé tówù nyó sɔkɔ, tɛ kɪ me sán kèngbɔ táhní dyɪ, tɛ kɪ me fwòtáhnì mɔ; tɛ yám ney yó tɔ kɪ fɛ pɔ de yé nyó fwòyàlle ò wil:

3 Yáh fwòpèplo mó-ò dí wɔ tɛnó ple, tɛ yo ò tyí ne, à pɔ kɔ tɛ tɛ-nsah pèpey mè sɔkɔ, tɛ yo yám ney mè wɔ tyí ne, à yuku yĩn tɛ, képah náh pi, à kɔ tɛ ásô sétáh sɔkɔ;

4 yáh pi sɛ, wǎhkì náh yé n pi wɛ wró di? Yé náh ònì yó tɔkɔ fónfó pi ò ní-òle yé fókósòno túkùnì gbò yò di?

5 N yúnpyé, yé tyí no ní tyí. Yé yé níki kwɔ noh. Névyé nónó-á yám tǎnne kèkòyó névyé tɛ tyí, pépi ye Liyel yah wilki, à pi tahbɪle Yesu yò sɛnó sɔkɔ. Anê pépi ye tɔ à kɪ kɔ pè kɪ n de n pi ò tǒrí sɔkɔ, képah nê tyí-á à ò vyáhlɛ névyé kɔ, ò tyí-á no nónó tyí.

6 Ntɛ, yépi-à yám tǎnne n yilo, tɛ tahbɪ wɔle n gbilki-à; kéné tahbɪ tɛ wɔ náh n fòh yéle, tɛ yéle n tɛ n tuke n pɔ tukey tükè-ntàn sɔkɔ di?

7 Tɛ Krista yĩn pèpey-á yé yò sɔkɔ, pépi ye tɔ képah tyí yónkòpule.

8 Ntɛ, Liyel tyi kònsàhnò yó me wǎrkínsàhnóle nê-á gblò kal sé no tɛlólɛ. Képah n yo ne ńkɛ: «Yé á ní-ò tyí no á tyí á gblǒy tyí kòle»\*. Képah wɛkì-à kɪ nê yé n kɔ, yé me n pi ple.

\* 2:8 2.8 - «Yé á ní-ò tyí no á tyí á gblǒy tyí kòle»: Yé kɪ fɛ kè wɛ Likyi sɛbéy 10.27, ànê Marki sɛbéy 12.31, ànê Levitiki sɛbéy 19.18.



<sup>9</sup> Nte, wăhkì tē-à kɪ nê yé n pɪ, tyípékè ye kéle. Yé me pílkinóle Liyel tyi kònsàhnó sɔkɔ, yáh sɔnpí yahle kólóle ké wěkì yō.

<sup>10-11</sup> Yah, Liyel nê-á yo ne: «Káh fòfikì pɪ», ñmɔ ó ye tō yo ne: «Káh nékókè mɔ.»<sup>†</sup> Wáh sɔ fòfikì pí-ńkēne, té nékókè mɔ, á ye Liyel tyi kònsàhnó yahle. Képah ye, névi-à sɔ Liyel tyi kònsàhnó pól pɪ, té sé sɔkɔ tyiyóné núkú fyé yahle, tē me pílkinóle sé pól sɔkɔ.

<sup>12</sup> Liyel tyi kònsàhnó ye sah yéle yé gblóy yō, té Liyel kɪ yé tuke n yīne n pi sépile. Képah ye, yé ye yé wey, ànê yé pídúkù ne me yínénóle Liyel tyi kònsàhnó nópile.

<sup>13</sup> Nkē, névi nê-à névyé yāmne n yáh-ńkēne, Liyel tɔ náh tē yām yah n pi tukey tuke sóle. Nte, névi nê-à névyé yāmne n yah, tē yō kɪ yō tukey tuke sóle.

*Tyípeplo pí-ńkē Liyel yō sēnóle, yō se me ké tyí?*

<sup>14</sup> N yūnpyé, ñnî yó-à ntyínɔ ne, páh sē Liyel yō, té ñ tyípínì náh me kéle n wěkɪ, yō se kɪ we ké tyí? Kéne Liyel yō sēnó dukù mè se kɪ fē à pwah mɔ?

<sup>15</sup> Sɔ-á, á yūnpi yó tyí flo kɪ fē n kne, ànê à náh me n we n yō swɔswɔ pól sɔkɔ:

<sup>16</sup> Yō se me ké tyí, wáh tē syah ne, à de lènɔle, à mó flɔle n mɔ vɪrɔle n tū, ànê à ne n yō n tō; té á náh se mó tō à kō ñ yétó yī nópile?

<sup>17</sup> Sē ó ye, névi nê-à ne, páh sē Liyel yō, tir yó nte pí-ńkēne nê-á ñ Liyel yō sēnóle n wěkɪ, tē Liyel yō sēnó me kúntēnóle.

<sup>18</sup> Gbòkénpi ñnî yó kɪ fē ne, tókù-á me sē Liyel yō, tókù mó me tyípeplole n pɪ. Káh pɪ sē, tē ní wěkɪ ñ Liyel yō sēnóle, tyípínì kéne wé. Nmɔ wɔ kɪ à wěkɪ ní Liyel yō sēnóle ñ tyípínì sɔkɔ.

<sup>19</sup> Wáh me sē ké yō ne Liyelle, núkú-á ñne, kè ple. Té pī ne, sétàn tɔ sēnó-á me képah tē wɔ yō dé. Anê, ñ yah tíkì pínó tē tyí, sé wil n ne n syah.

<sup>20</sup> Lékám se me ñ təkɪ? Wáh me ké tyí, mé kɪ fē ñ wěkɪ ne, tyípeplo pí-ńkē Liyel yō sēnóle, yō náh me ké tyí:

<sup>21</sup> Ápi náh ney Abraham-á tyípíkì nê pɪ, képah nê-á pɪ ñ pídí Yisakú dókónmɔnɔle sárká súkénkō-ńsah yō, ne pé à ko Liyel kō, sɔ-á Liyel yo kéle ñ tyí.<sup>‡</sup> Képah sɔkɔ náh Liyel à pɪ négbíle di?

<sup>†</sup> **2:10-11** 2.11 - Kònmɔnɔ ànê fòfikìle, sépi tɔ me Liyel tyi kònsàhnó gbām sɔkɔ, Moyisi-á nóno wārku sah Yálnó sébéy 20 sɔkɔ. <sup>‡</sup> **2:21** 2.21 - Abraham sē Liyel yō, képah ye à Liyel yóré fē syi. Káh pɪ sē, Liyel mó à dyah ké pèpɔrɔle. Képah n we Yenest sébéy 15 ànê kɪ 22 sɔkɔ.

22 Á náh we di, Abrahmı Liyel yõ sěńó ànê ñ tyípínì sò me n kɔ wě tyí. Té, ñ tyípínì gbò yõ, ñ Liyel yõ sěńó pı palle.

23 Képah sɔkɔ ye Liyel wey mē pı tũ nê-á yo ne nkê: «Abrahmı sē yĩ ñ Tě ñgbē Liyel yõ, Liyel mó à pı négbíle», té ñne n ye ñ kóđine.

24 Yé kè we kè, névi Liyel yõ sěńó ó náh dé! Ñ tyípínì to gbò yõ ye Liyel à pı négbíle.

25 Sě ó ye tō, fɔ́fɛnpi pi nê-á lésó pè n ye Wrahbule: A lésó fě syi Yisrayel tēntō névye kō pè wōbı ñ tyí. Té pè yohnu mɔ, à pè mɔ wěkì yó yõ, pè kō pè to pwah.Š Kéne tyípépěy gbò yõ ye Liyel ñ to pı négbíle.

26 Sō-á névi min-à wil ñ sɔkɔ, à n ne me kúnóle, sē ó ye tyípínì to-à n kne, névi Liyel yõ sěńó n ne me kúnóle.

### 3

#### *Gblɔy kyòmínóle wékínó sɔkɔ*

1 Ñ yúnpyé, yé pínó me ké sɔkɔ ne, ápi nónó-á pı névye kwópúle, áyáh kı n tuke n pi kápékèyô, kı kal no télóle kè. Képah ye, yé náhnáh káh ne n yah n kō ne, yé pı kwópúle.

2 Yé pı ne, á nénúkù núkú pól-á n pilki náhnáh. Nte, névi nê-à n pilkí-ńkēne ñ vyāh wey sɔkɔ, ñmɔ népépěy syi ké yĩn tyí. A kı fě tē ñ wil gběnsê pól to tyí.

3 Sō-á áyāh kārɔyē dı sēsèn vyēy tyí ne, sè ne n nohnı á tyí, sé wil pól to yah ye nkēne à n ne n tē kéle.

4 Képah náh pı, yé krótókè ñgbē tole n yah yo sɔkɔ kè: Káh sō me gblò sō, té yáhkí sō me kéle n tu n mɔ sō, sésár pír yó ó ye ké tó-ò n ne n tē ké yahle. Wāh me ké tyí ne, kè syō rýāh sɔkɔ, kè n syō nénpóle.

5 Sě ó ye nénpórí tole, wil tyah yó ye tyĩ ñsō, té kè ké gblɔyne n gbilki n kah.

Yé náh nyāh to we di? Káh sō me tyĩ sō, káh soh dùkù ñgbē sɔkɔ, kè n fě ké pól yõ.

6 Nte, nénpórí to me kéne nyāh tyí kōle. Tyípél náhnáh n wil képah sɔkɔ. Kè me déntēńóle wil sɔkɔ, té wil téy pólle n yõ. Tyípél nónó-á n wil ké sɔkɔ, ní-ńkē nyāhnpèkè sɔkɔ ye sè n wil. Képah ye, ké yíkínóle n pı á min pól sɔkɔ, fóó kè pɔ nɔ á kúnó tyí.\*

Š 2:25 2.25 - Wrahbule, fɔ́fɛnpi pi ye sò ñne. Té wāh pɔ sē Liyel yõ, képah ye à kō à Yisrayel névye yísyo yohnu mɔ, pè kō pè wōbı ñ tyí. Ñ tyí me yónóle Nsyosye sēbéy 2 sɔkɔ. \*

3:6 3.6 - Ní-ńkē nyāhnpèkèle, fí yó ye, rýāh sɔkɔ-á pè n fōh tyípél pípúle pé kúntenɔ náh. Sétó tē-ńsah ye kéle; ñmɔ nê-á me ké tyí ne, pé Liyel tyípínóle n yıki. Anê ñmɔ ye n mɔ névye nénpóríle pèkè pínó sɔkɔ.

<sup>7</sup> Yah, gběnkɔ duke duke pól n kwɔ n pne. Kèpye, ànê vyeh, à tahl yɔ sɔkɔ yí tyí, névi tẽ we sépi pól kwɔ.

<sup>8</sup> Nte, nénpóri tẽ wɔle, ònî yó òtẽ náh tẽ we képah kwɔ n pi. Kwáhpékè nê-á kè náh n tẽ syísyí, képah ye nénpóri. Kè me névi ko ko sohrí óle ké tǒ.

<sup>9</sup> Kéne nénpóri núkú me ye ápi Tẽ ògbě, á sú Liyelle n gbilki, ò té n tǒ képah óle pèkèle n ye n mɔ névye yǒ, òte Liyel ye mó tǒ mɔ péle ò kètòle.

<sup>10</sup> Gbílkinó welo ànê pèkè yénmɔnɔ welo kɪ n wil vyāh núkú sɔkɔ ni? N yúnpyé, yé káh ne n pi sě.

<sup>11</sup> Nípénèkì ànê ni páhpáh se kɪ fě n wil kwlèy núkú sɔkɔ?

<sup>12</sup> N yúnpyé, dah se kɪ fě we gbe sènsóké séswô sɔkɔ? Tí sènsóké séswô pye se kɪ fě we gbe kèpǒnpǒ séswô sɔkɔ? Sě ó ye pne ni, ànê nípénèkì náh fě n wil n pi kwlèy núkú sɔkɔ.

*Yípi nê-á n wil Liyel tyí*

<sup>13</sup> Té yépi sɔkɔ, nê tẽ me yípi névile té lékám me ò sɔkɔ? Tẽ yíne à ne n ko palle gblǒy tíkínmɔnɔle ò tyípinì sɔkɔ, képah nê-á n wěkɪ ne, wāh yí pi.

<sup>14</sup> Nte, dyóyókì kèpékè, ànê wě fwónó sǒnɔ-à kéne ye nno sɔkɔ, yé káh yé gblǒyne gbilki ne, yáh me yí pi. Yé káh gbile n kǒl.

<sup>15</sup> Kéne yípi mè dùkù náh n wil Liyel tyí dé! Kèkǒyó mè tyí ye kéle. Névi yípi ye kéle, kè n wil sétǒ tyí.

<sup>16</sup> Yah, dyóyókì ànê wě fwónó sǒnɔ-à me nyāh sɔkɔ, tyífě ànê tyítúkúni duke duke pól n ne n pi nénpó sɔkɔ.

<sup>17</sup> Nte, yípi nê-á n wil Liyel tyí, képah-à me névi nê sɔkɔ, ké gbenne, tẽ ni n ne n me yályál, ànê yèvinu tyí n nɔ ò tyí, té à n pi népépěyne. N tǒ náh n tah, ànê à névi yāmnè n yah, té tyípeplo ó ye à n ne n pi. A náh yèwāhkì ànê fòkòpille n pi.

<sup>18</sup> Yèvinu-á me nónó tyí, té pè me ké tǒle n pi, pě ké yǒre we, nê-á péle n pi néglóle Liyel yah.

## 4

*Wāh á yí wil kèkǒyó tyí, Liyel dèl ye á pi*

<sup>1</sup> Kwāh nê n pɔ n pɔ yékāb ànê málle yé wró sɔkɔ? Fókósǒnɔ túkúni dékè tyí náh n fwo yéle di?

<sup>2</sup> Yé yí me n wil yí náhnáh tyí, té yé náh me séle n we. Káh pi sě, nékókè mɔ dékè yé tẽ. Yáh nēne n yah n kǒ, yé náh kéle n we. Káh pi sě, yékāb ànê māl n pyè ne n de yé wró sɔkɔ. Nte, yé náh me n ni Liyel tyí, képah ye, yé náh me kwāh yóle n we.

<sup>3</sup> Yâh se sɔ̃ n ni Liyel tyí, sɔ̃no pèplo nâh níkěne ne me yé sɔko. Yé n ne n ni yé tyítúkúni dékè tyi pi yĩn óle. Képah ye, yé nâh kwâhle n we.

<sup>4</sup> Kwâh nê fòfínribi pi dukù me yé n pi sɛ? Yé nâh pĩ ne, wâh á yĩ wil kèkôyó tyi tyí, Liyel sépe-á ále di? Nê-à kèkôyó tyi tɛ kódíne, tɛ ki pi Liyel sépele.

<sup>5</sup> Yé se we ne, yô kɛ-á Liyel wey mène, nê-á yo ne níkɛ: «Liyel-á min nê mo ápi sɔko, ké tyí no yĩ n tyí. Képah ye, à me ké tyí ne á ne n me péwo ó tyí yô.»

<sup>6</sup> Nte sépi pól sɔko, à tɔ pèpɔri ñgběne n pi ápi tyí, sɔ-á n wey kè yo ne níkɛ: «Liyel peke gblɔy gbílkipú yô, té pèpɔrile n pi gblɔy tíkínmɔpu tyí.»

<sup>7</sup> Képah ye, yé ne n sah Liyel yóré yô, yè mó sétò tyí yahle, képah sɔko, sétò ki to gbe mo yéle.\*

<sup>8</sup> Yé no n de Liyelle, képah sɔko, n to ki no de yéle. Tyípél pípú, yé yé gbân wilki tyípél pínó sɔko. Tòtò névyé, yé yé nno tɔ n sah.

<sup>9</sup> Yé yĩne yè pĩ ne, yâh me pèkè sɔko, yé ké nâhnpĩ gbo. Yé ye yé yìsyòni pi gbníle, yé nivì mó pi yèkwɔrile.

<sup>10</sup> Yé yé gblɔy tiki mo Tɛ ñgbě yah, à ki yé yô yô.

<sup>11</sup> N yúnpyé, yé kâh wɛ tyíle n yo n yiki. Nê-à n yúnpí tyí yo yiki, képah nâh pi, à lékâh syi à kô, Liyel tyi kònsâhnó tyí ye tɛ yo yiki, té lékâhle kè kô. Wâh képah pi, á se me n ko Liyel tyi kònsâhnó wɛkì yô? Lékhâh nâh á kéle n kô di?

<sup>12</sup> Nte, Liyel ó ye sah tyi kònsâhnóle, ànê ñmo ó ye ki fɛ lékâhle névi kô. Ñmo ó ye ki tɔ fɛ névi pwah mo, képah nâh pi, ki n tyí yiki. Nê me áwo tɛne, té á lékâhle n syi á yúnpile n kô?

*Yé kâh pi gblɔy gbílkipúle*

<sup>13</sup> Núkúnúkú, yé noh ní tyí yò, yépi nónó-á me n yo ne kweyne, képah nâh pi, ísòne yâh ki kyi kwíl-ñgbě mè sɔko, ki kyi yi núkú pi gbò yínó sɔko nénpo ki po we.

<sup>14</sup> Nte, yé se pĩ yé min-á ki n me n pi sɔ ísòne? Yé me á ki ne kénfâhkí tɔtɔ yó sɔ, nê-á níkěne n mo nénpo swo, n tɛ n karkí.

<sup>15</sup> Yé pyé tɔ sò yĩne yè yo ne, Tɛ ñgbě-à ki fɛ syi, yâh ki tɛ min sɔko, té ki tir mè pi, képah nâh pi tir mè pi.

<sup>16</sup> Nte, yè n pyé yé gblɔyne n gbilki yé vyâh wey sɔko. Kéne gblɔy gbílkinó dukù yó ntɛ nâh ple.

\* 4:7 4.7 - Sétòle, Liyel sépe ye ñne. A me ké tyí ne, pé ále n tɔ mo n dah n mo pèkè pínó sɔko.

17 Sépi pól soko, névi nê-à pèpɔri pínó yah we, té tẽ náh me kéle n pi, tyípèkè ye tẽ n pi.

## 5

### *Tahbi-á yĩne pè nê pĩ*

1 Núkúnúkú, yépi nónó-á me tahbule, yé noh ní tyí yò: Yèvyàhnpèl nónó-á kɪ pɔ yé yĩni n tẽ n pi, yé ne n kah n gbo sépi yĩnne.

2 Yé tahrɪ me n pyāh, té sóhrí me yé flɔle n yō.

3 Yé sán ànê yé pónɔ me n pi syímíne. Kéne syímí ye kɪ pɔ wilki mɔ yé gbònkòkòle, té kɪ yé wil gběnsê yō, nyàh tyí kōle. Kèkōyó tyé gbí mè fyé nóntenɔ soko, yépi me tahrɪle n yah n tuke n mɔ n sah yé gblɔy tyí kè!

4 Tẽ, tònɔɔbi nónó n̄tê-á t̄le n pi yé swēy soko, yé n yahle pé póle pé kónóle. Pépi Liyel yéngbonɔ yĩnpɔ ye n de Liyel níki soko, ñmɔ nê-á kèkōyó Tẽ ñgběne.

5 Yépi me yòt̄rí yéle n yō kèkōyó mè soko, à yé dyɔ yĩ tyile n pi, me gbilki tẽ, á kɪ ne ko ko nyeh s̄.

6 Yé lékähle névyé k̄, nónó-á pè náh tyítúkù pi. Pè mó pé gblɔy fin mɔ yé k̄, yé pè ko mɔ.

### *Syíkintěno pi, Tẽ ñgbě Yesu syínɔnɔ me yúkey*

7 N yúnpyé, yé syíkintěnole n pi, fóó kè pɔ nɔ Tẽ ñgbě syínɔnɔ tyí. Yé yah sèt̄le kè, à ñkěne sèmuɔ pèpɔy wéntakɔnɔ syiki n tẽ, à tɔkɔ púgbro pínó tyí, pópó ñ pɔ n syi pútéló pínó tyí.

8 Tẽ ñgbě syínɔnɔ me yúkey; képah ye, yépi tɔ sóré mɔ yĩ yé gblɔy soko, yé syíkintěno pi.

9 N yúnpyé, yé káh ne n tɔkɔ wěne n k̄; képah soko, Liyel náh yé tuke n pi. Yé yah, Tẽ ñgbě nê-á kɪ pɔ á tuke n pi, à me yúkey.

10 N yúnpyé, Liyel t̄nt̄o syínyopu-á lésō ñ weyne n yo n k̄ yèvyāhrɪ ànê syíkintěno soko s̄, yé yĩne yé ne n pi pépi tyí kōle.

11 Yé yah, nónó-á gbah tẽ à kyɪ syi ké yĩn tyí, ă pépile n s̄. Yé Nsyɔbi gbáhntěno tyí noh ñ yèvyāhrɪ gbí soko kè. Té t̄ kè we, Tẽ ñgbě-á tyí-ñgbnɔ nónó pi ñ tyí ké tyé-ńsah soko.\* Yé náh we, Tẽ ñgbě tẽ wɔ névi yām yáhnó ànê ñ pèpɔri me gblò kègbɪ t̄ne.

\* 5:11 5.11 - Nsyɔbule, négbí ye s̄ ñne: Tẽ sèt̄o pɔ à kwlo náhnáh. Nte, à n tah sah. Ké tyé-ńsah soko, Liyel pɔ à yohnɪ mɔ ñ yō yō. N tyí me yónóle Liyel wey s̄béy yó soko, nê-á pè n ye Nsyɔbi s̄béyne.

12 Nte, ní yúnpyé, sépi pól sɔkɔ, yé káh yéle n wo Liyelle, képah náh pɪ sɛtáhle. Anê yé káh yéle n wo kwâh yó ntêne. Yé ye yé àwe ne me ké gbɪ yõ, yé ʒõ mó ne me ké gbɪ yõ. Képah sɔkɔ, Liyel náh lékàhle yé kō n pi.

*Nírí pínóle yámpú tyí*

13 Té yèvyàhrɪ-à me yépi sɔkɔ ney nê yõ, tẽ Liyel ni. Nìvìnì-à se mó me nê yõ, tẽ Liyel yìn gbilki yìgbìnì sɔkɔ.

14 Yé sɔkɔ ney nê-à me n yɔ, tẽ Liyel nípú yah tẽpú ye, pépi kɪ pɔ nɪrɪ tuke ò tyí Tẽ ñgbẽ Yesu yìn yõ, té kɪ Liyel ni ñ tyí.

15 Té nírí mè-à pɪ Liyel yõ sɛnó sɔkɔ, yónwó mè kɪ pwáhnɔnɔ wɛ, ànê Tẽ ñgbẽ Liyel kɪ à de mɔ. Té wàh se me tyípɛl pɪ, à kɪ sè yõ mɔ à kō.

16 Képah ye, yâh me dénɔnɔ tyí, yé yé tyípɛl wil n syi, yè mó Liyelle n ni wẽne n kō. Tãhkì me yíí négbí nírí sɔkɔ dé.

17 Yé náh Yeli wɛ-à: Névi ye lésõ ñne ápi tyí kōle. Nte, à me nírí gbah pɪ ne, pũ káh tõ pɪ. Pũ náh mó ñtyínɔ pɪ sɛtáh yõ, fók à pɔ nɔ ye tónó ànê tóní tyí.

18 Képah náh, à tõ ñ syɪ Liyel ni ne, pũ pɪ. Pũ me pɪ, sèmukɔ pekɪ.†

*Mónpú-ò tɛnpɔnɔle*

19 N yúnpyé, yé sɔkɔ ney yó-à mɔ pu gbɪ wɛkìle, té nê me à tẽ pɔ ké yõ, tẽ pɪ plɛ.

20 Yé pĩ ne, névi nê-à tyípɛl pí-ò vi mɔ pèpɛy pínó sɔkɔ, tẽ ñ min pwah mɔ ñ kúntenɔ náh yèvyàhrɪ yah. Anê ñ tyípɛl náhnáh nópi kɪ se tõ yõ mɔ à kō.

† **5:18** 5.17-18 Yeli sò pɪ Liyel tɛntò syínyo-ò ñgbẽne. N tyí me yónóle Yòtãm sébéy gben 17 ànê 18 sɔkɔ.

## Nsyõ-á sébéy gben nê wārki tekı mɔ

*Yesu Krista ye min nétēne nê-á Weyne*

<sup>1</sup> Min nétē nê-á Weyne, ñmɔ tyí ye á n yo yé tyí. Nmɔ nê-á sò me tyi pól tyah gbí dükùle, ápi ñ wékínó noh, té à we yíne, té à yah díkídíkí, té tū ñ tyí.

<sup>2</sup> Nmɔ nê-á min nétēne, à ye ñ gblõyne á wēki. Á à we, té me ñ tyíle n yo n wah. Nmɔ nê-á tyé-ńkē minne n kō, ñmɔ tyí ye á n yo yé tyí. Nmɔ sò me Sú Liyel tnô, té pɔ ñ gblõyne á wēki.

<sup>3</sup> Ayáh ñmɔ nê we té ñ wékínó noh, ñmɔ tyí ye á n yo yépi tɔ tyí á wró kwrónmɔnɔ yinne yéle. Képah sɔkɔ, wró kwrónmɔnɔ nê-á me ápi wró ànê Sú Liyel ànê ñ Pídí Yesu Kristale, yépi tɔ kɔ de ké sɔkɔ.

<sup>4</sup> Á ye tyi nópile n wārki n tekı n mɔ yé tyí, nê-á kɔ ápi ànê yépi ñv̀ǹǹ kō kè kɔ syi ké ỳǹ tyí.

*Kyòo sɔkɔ kólóle*

<sup>5</sup> Té yah, áyáh wey nê noh Yesu Krista tyí té kéle n yo yé tyí, képah ye yò: Liyelle, kyòo ye ñne. Fěntú náh me ñ sɔkɔ pólle.

<sup>6</sup> Ayáh n yo ne á wró-á me kwrónmɔnɔle Liyelle, té mó tɔ me n kɔ fěntú sɔkɔ, m̀nyobe ye ále, á náh me gbi wēkìle n kɔ.

<sup>7</sup> Nte áyáh kɔ n kɔ kyòo sɔkɔ sɔ-á ñmɔle kyòo sɔkɔ, á nénúkù núkú pól wró kɔ me kwrónmɔnɔle wēne. Té Liyel Pídí Yesu Krista tó kɔ á tyípèl pól wu to á tyí.

<sup>8</sup> Ayáh ne tyípékè náh me á sɔkɔ, á gblõy ye á n pilki, gbi náh me á sɔkɔ.

<sup>9</sup> Nte áyáh á tyípèl wil syi, ñmɔ nê-á Liyel tómmne té n kɔ ñ tyíyónó sò, à kɔ á tyípèl yò mɔ á kō, té kɔ á wu wilki á tyíknèñi pól sɔkɔ.

<sup>10</sup> Ayáh ne á náh tyípékè pɔ, ñmɔ ye á n pɔ m̀nyole, ñ wey náh me tēnóle á sɔkɔ.

## 2

<sup>1</sup> N wēnpì, mé sébéy m̀ene n tekı n mɔ yé tyí, nê-á kɔ yé kō yè káh tyípékèle n pɔ. Nte káh se pɔ pɔ ñǹi yó tyípékè pɔ, wró tɔ-ò me á tyí Sú Liyel yah sɔkɔ, nê-á Yesu Kristale, ñmɔ nê-á me tómm.

<sup>2</sup> Nmo ye ñ gblõy kõ sárkále nê-á kɪ Liyel kõ à kɪ ápi tyípêl yõ mɔ. Té à náh ñ gblõy kõ ápi ó tyípêl yõnmɔnɔ yĩnne dé, kèkõyó névye pól tɔ tyípêl yõnmɔnɔ yĩn ye à ñ gblõy kõ.

*Kólóle à yĩne Liyel tyi kònsàhnóle*

<sup>3</sup> Ayâh Liyel tyi kònsàhnó wàlle n kɔ, képah sɔkɔ ye á kɪ pĩ ne áyáh ñne n pne.

<sup>4</sup> Névi nê-à ne páh ñne n pne, té tẽ náh me n kɔ ñ tyi kònsàhnó wàl yõ, mìnyo ye tẽne. Gbɪ náh me tẽ sɔkɔ.

<sup>5</sup> Nte nê wɔ-à n kɔ ñ yóré yõ, ñ tyí me nɔ tẽ wɔ tyí kègbɪ tẽ yõ. Képah sɔkɔ ye á kéle n pne ne áyáh me ñ tyí yõ.

<sup>6</sup> Névi nê-à ne páh me ñ tyí yõ, Yesu-á kɔ dùkù nêne, tẽ tɔ yĩne à ne n kɔ sɛntẽne.

<sup>7</sup> N nénónó, tir kònsàhnó késán náh kéle mé n wārku n tekɪ n mɔ yé tyí dé, tir kònsàhnó kedyâh ye kéle, nê-á yo sɔkɔ yé tyí tyah gbí dùkùle. Yáh wey nê noh sɔkɔ te, képah ye tir kònsàhnó kedyâh mène.

<sup>8</sup> Nte fí yó fĩnne, tir kònsàhnó késán ye mó tõ kéle mé n wārku n tekɪ n mɔ yé tyí. Yesu ànê yépi pɪ dùkù me képah gbule n wèkɪ. Yé náh we di, fɛntú me n sɔkɔ, kyòo yèsyìkì mó me pɔ te.

<sup>9</sup> Névi nê-à ne páh me kyòo sɔkɔ, té mó tõ me ñ yúnpi yó dyòle n yɔ, tẽ me sɛ fɛntú sɔkɔ.

<sup>10</sup> Névi nê yúnpi tyí-à nɔ ñ tyí, tẽ wɔ me kyòo sɔkɔ. Nnì yó ntẽ náh n de n pi tyípékè sɔkɔ ñmɔ gbõ yõ.

<sup>11</sup> Nte nê-à ñ yúnpi dyòle n yɔ, tẽ me fɛntú sɔkɔ. Té wáh me n kɔ fɛntú sɔkɔ sɛ, fɛntú tẽ tyí, ñ yí kɪ wɔ, à náh ñ yúkú-nsah pĩ n pi.

*Kèkõyó ànê Krista sépébi swah dùkùle*

<sup>12</sup> N wɛnpì, Yesu yĩn gbõ yõ sɔkɔ ye yé tyípêl yõ mɔ yé kõ. Képah ye mé sébéy mène n wārku n tekɪ n mɔ yé tyí.

<sup>13</sup> Súbí, nê-á sò me tyi pól tyah gbí dùkùle, yé ñne n pne. Képah ye mé sébéy mène n wārku n tekɪ n mɔ yé tyí. Kètɛnpì, yé tẽ we pèkè pí-ò tyí, nê-á sétàn yòtẽne. Képah ye mé sébéy mène n wārku n tekɪ n mɔ yé tyí.

<sup>14</sup> Yépi nónó-á wɛnpìle, nê-á Sú Liyelle, yé ñne n pne. Képah ye mé sébéy mène n wārku n tekɪ n mɔ yé tyí. Yépi nónó-á súbíle, nê-á sò me tyi pól tyah gbí dùkùle, yé ñne n pne. Képah ye mé sébéy mène n wārku n tekɪ n mɔ yé tyí. Kètɛnpì, tãhkì me yé sɔkɔ, ànê Liyel wey me n tẽ yé nno



sokɔ, té yé tẽ we pèkè pí-ò tyí, nê-á sétàn yòtẽne. Képah ye mé sébéy mènne n wārku n tekɪ n mo yé tyí.

15 Yé káh yé yí wil kèkõyó tyí, képah náh pɪ ké sokɔ kwáh yó ntẽ tyí. Névi nê-à n yí wil kèkõyó tyí, Sú Liyel tyí náh fẽ n no n pi tẽ tyí.

16 Yé yah, tyi nonó-á me kèkõyó sokɔ, sã-á gblõy dyo yíi tyi pínó dékèle, ànê yíwilkile, ànê gblõy wèkínóle à yuku tahrɪ tyí òinne, sépi sokɔ yó ntẽ náh n wil Sú Liyel tyí. Kèkõyó sokɔ ye sè n wil.

17 Té kèkõyó ànê ké yíwilkì kɪ pɔ n tyɛ n pi. Nte névi nê-à Liyel dyo yíi tyile n pɪ, tẽ wɔ kɪ tẽ tyé-ńkẽne.

18 N wẽnpì, kèkõyó tyɛ gbí ye me no n tɛ. Yé kè noh sokɔ tɛ ne Krista sépe-á kɪ n pɔ n pi. Núkúnúkú, Krista sépébi yísyó me wil mo pí. Képah n wèkɪ ne kèkõyó tyɛ gbí sokɔ-á ále.

19 Api òinkì sokɔ ye sépébi nópi wil. Nte kègbɪ yõ, pè náh sò me núkúle ápile. Pàh sò me núkúle ále, pè náh nàhkɪ n gbɛ n wil n pi ápi sokɔ. Nte kè ye sò yĩne kè pɪ sã, nê-á kɪ kè wèkɪ ne pé sokɔ ney yó ntẽ náh sò me núkúle ápile kègbɪ yõ.

20 Nte yépi wɔle, Liyel Mirki me yé sokɔ Krista-á nêne yé kõ. Képah ye yé pól kõ yé tyile n pne.

21 Kè náh me á kɪ ne yé kósyì gbule n pne ní kõ mé sébéy mènne n wārku n tekɪ n mo yé tyí dé, yáh kéle n pne, té pĩ ne mìnì yó ntẽ náh n wil ké sokɔ, képah ye ní kõ mé sébéy mènne n wārku n tekɪ n mo yé tyí.

22 Névi nê-à ne Yesu náh Kristale, nê-á Liyel ney yáhtokɔnɔle, mìnyo yó ntẽ náh kah mo tẽ yõ. Krista sépe ye tẽne. Sú Liyel ànê n Pídí Krista ye tẽ yahle.

23 Yé yah, névi nê-à Liyel Pídí yahle, Sú Liyel náh me tẽne. Té nê-à Liyel Pídí fẽ syi, Sú Liyel me tẽ wɔle.

24 Yépi tẽ wɔle, yáh wey nê noh tyah gbí dùkùle, yé yĩne yè kè koh n sah yé nno sokɔ. Yáh wey nê noh tyah gbí dùkùle, yáh fẽ kè koh sah yé nno sokɔ, yépi to wró kɪ me kwrónmonɔle Pídíne, ànê Súle.

25 Té Pídí-á n vyáh kõ nê tyí sokɔ, tyé-ńkẽ min ye.

26 Nonó-á n yah n kõ yé yõ yíkí-ńsahle, pépi tyí sokɔ ye mé sébéy mènne n wārku n tekɪ n mo yé tyí.

27 Yépi tẽ wɔle, Yesu-á Liyel Mirki nêne yé kõ, kè me tẽnóle yé sokɔ. Képah ye, kwó-ò yétò náh tõ me yé tyí. Liyel Mirki me yéle n kwɔ tyi pólle. Té n kwónónɔ pólle mó tõ, gblɔ ye

séle, mìnì náh me sé sòkò. Képah ye, yé ne me kwrónmònlé Kristale, sõ-á Liyel Mirki yé kwò kéle.

### *Liyel wěnpì pi dùkùle*

<sup>28</sup> Núkúnúkú n̄tēne ní wěnpì, yé ye yé wró ne me kwrónmòntēnlé Kristale. Képah sòkò, wáh sõ n̄ne pò tíkí náh á tē n pi, àn̄ē sen náh á kòkò n sah n pi n̄ yah sòkò lésòle.

<sup>29</sup> Yé se p̄i te ne wáh me tómm té. Té yé ȳine yè kè p̄i tole ne, névi n̄-à n kò tómm, Liyel pi-á tēne.

## 3

<sup>1</sup> Yé náh we à, á tyí kah nò Sú Liyel tyí, fóó à ále n ye n̄ wěnpìle. Té Liyel wěnpì tē wò ye n̄tyínò ále ó. Té kèkòyó névyé-á pi Liyel pí-ńkēpùle sē, képah ye pè náh fē ápi tò p̄i.

<sup>2</sup> N̄ n̄nónó, Liyel wěnpì ye ále núkúnúkú, n̄te áyáh k̄i pò n pi n pi kwáh n̄ne n̄sòne, képah náh tōn̄i me wilki mò te. N̄te á p̄i ne Krista-à pò wil mò gbí n̄ne, áyáh k̄i à we wáh me dùkù n̄ne. Képah ye, á k̄i me n̄mò tyí kòle.

<sup>3</sup> Névi n̄-à gbò sàhnó-à me képah yò sòkò Krista tyí, tē n̄ gbl̄oy tō n sah yályál Liyel yah sòkò, sõ-á Kristale yályál.

<sup>4</sup> Névi n̄-à tyípékèle n pi, tē me Liyel tyi kònsàhnó dèlle n pi. Tyípékè pínóle, Liyel tyi kònsàhnó dèl pínó ye kéle.

<sup>5</sup> N̄te yé p̄i ne Krista pónó yõ-á pi tyípèl tēnyònlé névyé yò. Tyípékè náh me n̄mò sòkò pòlle.

<sup>6</sup> Névi n̄-à me Krista tyí yò, tē náh tyípékèle n pi. N̄te n̄-à tyípékèle n pi, tē náh à we yah, à náh n̄ne n pne.

<sup>7</sup> N̄ wěnpì, yé káh ye n̄n̄i yó n̄tē yé pilki. Névi n̄-à n kò tómm, négbí ye tēne Krista tyí kòle.

<sup>8</sup> Té névi n̄-à tyípékèle n pi, sétàn yòtē tyí névi ye tēne. Yé náh we di, sétàn yòtēne, tyípékè pí-ò ye n̄ne tyi pól tyah gbí dùkùle. Liyel Pídí-á pò tir n̄-à ȳinne, sétàn yòtē tyípínì yik̄i ȳin ye.

<sup>9</sup> Névi n̄-à pi Liyel pile, Liyel pi dùkù n ne n me tē sòkò. Képah ye tē náh tyípékèle n pi. Wáh pi Liyel pile sē, à náh fē tyípékè pi n pi.

<sup>10</sup> Liyel wěnpì àn̄ē sétàn yòtē tyí-á n wah n pne wē sòkò dùkù n̄ne, kè we yò: Névi n̄-à n kó-ńkēne tómm, Liyel tyí névi náh tēne. Névi n̄-à tò yúnpi tyí-à nó-ńkēne n̄ tyí, Liyel tyí névi náh tēne.

*Wē wró tyínònlé*

11 Yé náh we di, yáh nê noh tyah gbí òkùlè képah ye yò ne nkẽ, áyáh yĩne á ye á tyí no wẽ tyí.

12 A ye káh pi Kayin tyí kòlè. Sétàn yõtẽ tyí névi ye sò ònne. A ò gbëndí ko mo. Nte tir nê yĩn me à ko mo ònne? Nmo tyípínó-á sò me kétúkùyô Liyel yah sòko té ò gbëndí tyile palle, képah yò ye.

13 N yúnpyé, kèkõyó névye-à yé dyole n yo, yé káh n ye kè pi gbëndùnne yé tyí.

14 Api tẽ wole, á yúnpyé tyí-á no á tyí sã, á pi ne áyáh tẽ syi te kũ gbò sòko, té min we. Nte tyínòno-à n kne névi nê sòko, òmo me kũ gbò sòko.

15 Névi nê tẽ-à fyò ò yúnpi dyole n yo, nékókè mó-ò ye tẽne. Té yé se mó tã pi ne tyé-nkẽ min náh me nékókè mó-ò yó ntẽ tyí té.

16 Yé yah, Krista-á ò min kò ápi yĩnne, képah sòko ye ápi me tyínòno òkù pi. Api to yĩne à á min kò á yúnpyé yĩnne.

17 Nte kèkõyó tahrì-à me ònî yó tyí, té à ò yúnpi yó we yãm sòko té yahle ò yãm yáhnóle, Liyel tyínòno náh me tẽ sòko.

18 N wẽnpì, ápi tyínòno káh n pi wey ànê vyáhsesyírì ó sòko dé. A tyípínó yĩne kè kéle n wèkì kègbì tẽ yò.

19 Képah sòko ye á kù pi ne áyáh me gbì wèkì yò, ànê á nno kù me yínnóle Liyel yah sòko.

20 Api nno-à sò me lékàhle ále n kò sò, Liyel nê-á gblò kal, òmo tyi pòlle n pne n kal ápi nnole.

21 N nénónó, á nno-à kù lékàhle ále n kò-nkẽne, tíkì náh á tẽ n pi Liyel yah sòko.

22 Té áyáh me ò tyi kònsàhnó wàlle n ko, té ò dyo yíi tyile n pi, képah ye áyáh kwáhdúkú nê yah kò ò tyí, à kù kéle á kò.

23 Wáh nê kò sah á kò képah ye yò ne nkẽ, á sã pé Pídí Yesu Krista yĩn yò, á mó ye á tyí no wẽ tyí sò-á à kò sah kéle á kò.

24 Névi nê-à Liyel tyi kònsàhnó wàlle n ko, tẽ kù me Liyel tyí yò, ànê Liyel kù me tẽne. Sò-á á kù pi té kù pi ne Liyel-á me ále, ò Mirki gbò yò ye, wáh képah nêne á kò.

## 4

### *Liyel tyi wàhnpiñole sépe tyí sòko*

1 N nénónó, névye nónó-á ne Liyel Mirki gbò yò-á pé n yo tyile, yé káh n sã pé pól yò dé. Yé pe sohlì n yah, yé ké gbì

pĩ Liyel Mirki gbõ yõ-à kɪ nê ntyĩno pè n yo tyile. Yé náh we di, Liyel yĩn yõ mìnnyobe me tõ mɔ pí kèkõyó.

<sup>2</sup> Liyel Mirki-á n tẽ nónó yahle, yáh ne pè pĩ n pi dùkù nêne, kè we yò: Yáh névi nê we à me n yo ne Yesu Krista-á pi névile, Liyel Mirki ye n tẽ tẽ yahle.

<sup>3</sup> Nte nê-à ne sẽ náh, Liyel Mirki náh n tẽ tẽ wɔ yahle. Krista sépe mírki ye n tẽ tẽ yahle. Yé kè noh sah te ne, Krista sépe-á kɪ n pɔ n pi. Té nukúnúkú, à me te kèkõyó ntẽne.

<sup>4</sup> Yépi wɔle ní wẽnpĩ, Liyel tyí névyé ye yéle. N Mirki nê-á n tẽ yé yahle, képah tãhkì kal sétàn yõtẽ mírki tyíle, képah nê-á kèkõyó névyé yahle n tẽ. Képah ye, yé tẽnwenɔ we Liyel yĩn yõ mìnnyobe yõ.

<sup>5</sup> Pépile, kèkõyó tyí ye péle. Képah ye, pè pé tyile n yo à yĩne kèkõyó névyé tyi yo dùkùle, té kèkõyó névyé n mó pé níne n kwɔ pé tyí.

<sup>6</sup> Nte ápi me Liyel tyí yõ. Névi nê-à Liyelle n pne, tẽ ñ níkile n kwɔ ápi tyí. Té névi nê-à mé-ńkẽne Liyel tyí yõ, tẽ náh ñ níkile n kwɔ ápi tyí. Sẽntẽ sɔkɔ ye Liyel Mirki nê-á névyéle n mɔ gbɪ wẽkì yõ, à n tẽ n we ñne n wah sétàn yõtẽ tyí sɔkɔ, ñmɔ nê tyí-á névyéle n pilki.

### *Tyínɔnɔ nê-á me Liyel sɔkɔ*

<sup>7</sup> Tyínɔnɔ n wil Liyel tyí. Tyínɔnɔ-à me névi nê sɔkɔ, Liyel pi ye tẽne, ànê tẽ Liyelle n pne. Képah ye ní nénónó, á ye ye á tyí nɔ wẽ tyí.

<sup>8</sup> Liyelle, tyínɔnɔ Liyel ye ñne. Képah ye, á náh fẽ n yo n pi ne wáh ñne n pne tyínɔnɔ kẽne á sɔkɔ.

<sup>9</sup> Yé yah, Liyel-á kè wẽkɪ dùkù nêne ne á tyí-á nɔ pé tyí, kè we yò: Pi nukúní nê-á me ñ tyí, à à tekɪ mɔ kèkõyó, ápi kɔ á kɪ min we ñmɔ gbõ yõ.

<sup>10</sup> Tyínɔnɔ-á nêne, kè we yò: Liyel tyí-á nɔ ápi tyí dùkù nêne, képah náh tyínɔnɔ kègbule dé. Ápi tyí-á nɔ Liyel tyí nɔ dùkù nêne, képah ye tyínɔnɔ kègbule. Yé náh we à ñ Pídí tekɪ mɔ à pɔ pi sárkále ápi tyípél yõ n mɔ yĩnne di?

<sup>11</sup> N nénónó, ápi tyí-á nɔ Liyel tyí sẽ à, ápi tɔ yĩne á tyí nɔ wẽ tyí mó kè.

<sup>12</sup> Nnî yó ntẽ yí náh tẽ yah Liyel yõ. Nte ápi tyí-à me nɔ wẽ tyí, á me ñ tyí yõ, ànê ñ tyínɔnɔ me ápi sɔkɔ yèsyìkì tẽne.

<sup>13</sup> Liyel-á ñ Mirkile á kɔ, képah ye á kɔ á pĩ ne áyáh me ñ tyí yõ, ànê wáh me ále.

14 Sú Liyel ye n Pídí tɛkɪ mɔ kèkõyó névye pwah n mɔ yinne. Api yí ye kè we, képah ye á kō á kéle n yo n wah.

15 Névi nê tẽ-à fyò yo ne nkẽ Yesu-á Liyel Pídine, Liyel me tẽne, ànê tẽ me Liyel tyí yõ.

16 Api tyí-á nɔ Liyel tyí dùkù nêne, ápi tẽ wɔ ye kéle n pne, ànê á sê ké yõ. Liyelle, tyínɔnɔ Liyel ye ñne. Tyínɔnɔ-à me névi nê sɔkɔ, tẽ wɔ me Liyel tyí yõ, ànê Liyel me tẽne.

17 Tyínɔnɔ-à me yíi ápi sɔkɔ, á me á minne n pi kèkõyó Yesu Krista tyí kōle. Képah sɔkɔ, tíkí náh á tẽ n pi Liyel tukey tuke sòle.

18 Yé náh we di, Liyel tyínɔnɔ-à me névi nê sɔkɔ, tíkí náh tẽne n tẽ. Té wáh me n sɔ ne á tyípêl wɔ-á kɪ pɔ n de n pi á sɔkɔ, képah ye n pɔ n pɔ tíkile. Nte tyínɔnɔ kègbɔ wɔ tíkí yahle n kō. Tíkí tẽ-à fyò me névi nêne n tẽ, tyínɔnɔ náh me yíi tẽ sɔkɔ.

19 Liyel ñgbò ye ápi tyí nɔ n gblɔy tyí, képah ye tyínɔnɔle ápi tɔ sɔkɔ.

20 Névi nê-à ne Liyel tyí-á nɔ pé tyí, té mó tō me n yúnpi yó dyole n yɔ, mìnyo ye tẽne. Tẽ yí-á me n yúnpi nê yõ, ñmɔ tyí-à nó-ńkẽne n tyí, sɔ me Liyel tyí kɪ pɔ n nɔ n tyí, ñmɔ nê-á à náh à we yah?

21 Té Krista-á nê kō sah á kō, kè we yò ne nkẽ, Liyel tyí-à me nɔ névi nê tyí, tẽ yúnpi tɔ tyí-á yĩne kè nɔ n tyí.

## 5

### *Yõre nê-á n we Liyel Pídí yõ sɛnó gbò yõ*

1 Névi nê-à sê ké yõ ne Yesu-á Kristale, nê-á Liyel ney yáhntɔkɔnɔle, Liyel pi ye tẽne. Té Sú Liyel tyí-à nɔ névi nê tyí, Liyel wɛnpì tɔ tyí n nɔ tẽ tyí.

2 Liyel tyí-à nɔ ápi tyí, té á me n tyi kònsàhnó wàlle n kɔ, képah sɔkɔ ye á kɪ pĩ ne Liyel wɛnpì tɔ tyí-á me nɔ á tyí.

3 Á náh we di, Liyel tyi kònsàhnó wàl kóló ye n wɛkɪ kéle ne n tyí-á nɔ á tyí. Té n tyi kònsàhnó náh me táhnóle,

4 á pól-á sɔnpíle pi Liyel wɛnpìle té n tẽ n pne kèkõyó tyí. Té tir nê-á á kō á n tẽ n pne kèkõyó tyí, á Yesu yõ sɛnó ye.

5 Nte nê n tẽ n pne kèkõyó tyí wé? Névi nê-á sê ké yõ ne Liyel Pídí-á Yesule, ñmɔ ye.

### *Yesu Krista tyí yónwàhnóle ne Liyel Pídí-á ñne*

6 Yesu Krista ye pɔ wel wilki ni sɔkɔ. Képah náh, à ko mɔ n tó kwe. Té à náh pɔ wel wilki ni ó sɔkɔ dé, à ye pɔ wel

wilki ni sɔkɔ, té ko mɔ̀ n̄ tó kwɛ. Kéne tyinó nínó ànê Liyel Mirki ye n yo n wah kéle. Yé náh we di, Liyel Mirki ye n wěki gbule gbímegbí.

<sup>7-8</sup> Liyel Mirki-á nê yo, ànê ni-á nê wěki, ànê tó-á nê wěki, sépi tónó ye n yo n wah kéle. Té sé tónó pól me sah núkú ó yó.

<sup>9</sup> Névyé-á tyi nónó we té séle n yo n wah, áyâh me sépile n fě n syi à, n̄te Liyel tyi yónwàhnó náh fónfó névyé tyí yó di? Té Liyel ye mó tó yo wah n̄ Pídí tyíle.

<sup>10</sup> Névi nê-à sě Liyel Pídí yó, n̄ tyí yónó mè ye tě tě sah n̄ nu sɔkɔ. N̄te nê-à sě-ńkēne Liyel yó, tě me Liyelle n pi m̄nyole, wăh s̄onpíle yahle s̄énóle Liyel tyíyóné mè yó, wăh nê yo n̄ Pídí tyí sɔkɔ.

<sup>11</sup> Tyíyóné mè we yò ne, Liyel-á tyé-ńkē minne á kō, nê-á n we n̄ Pídí gbò yó sɔkɔ.

<sup>12</sup> Névi nê-à me Pídí tyí yó, kéne min me tě wɔ tyí. N̄te nê-à mé-ńkēne n̄ tyí yó, min mè náh me tě tyí.

### *Tyé-ńkē min tyíle*

<sup>13</sup> Yépi nónó-á sě Liyel Pídí yó, mé ye tyi nópíle n wārki n teki n mɔ̀ yé tyí, nê-á ki yé kō yé ki p̄ ne yáh tyé-ńkē min we.

<sup>14</sup> Api s̄enyĩno-á me Liyel yó nê tyí sɔkɔ képah ye yò ne ńkē, áyâh kwâh n̄ne n ni n̄ tyí té kè me n̄ dyɔ yĩne, ă nóhnó pi á tyí.

<sup>15</sup> Té áyâh fyò kè p̄ ne wăh me nóhnóle n pi á tyí, á p̄ yĩ tole ne, áyâh kwâh nê ni n̄ tyí, ă kè we.

<sup>16</sup> Nn̄i yó-à n̄ yúnpi yó we à me tyípékèle n pi, nê-á kè náh névi min tyíle n yiki Liyel yah sɔkɔ, tě níri pi n̄ tyí, Liyel ki tyé-ńkē minne tyípékè pí-ò mè kō, kàh me ne tyípékè nê-á à pi, kè náh névi min tyíle n yiki Liyel yah sɔkɔ. Té tyípékè yó me nê-á névi min tyíle n yiki Liyel yah sɔkɔ, képah dùkú tyí náh mé n yo ne yé níri le n pi ké tyí sɔkɔ dé.

<sup>17</sup> Tyi nónó pól tě-à fyò me tyíkn̄n̄ne, tyípêl ye séle. N̄te tyípêl pól náh névi min tyíle n yiki Liyel yah sɔkɔ.

<sup>18</sup> Api p̄ ne névi nê-à pi Liyel pile, tě náh tó tyípékèle n pi. Liyel Pídí ńkēne ne me tě yóle n syiki, képah ye pèkè pí-ò nê-á s̄étàn yòt̄ne, à náh fě tir yó pi n pi tě sɔkɔ.

<sup>19</sup> Api p̄ ne ápi-á me Liyel tyí yó, té kèkōyó pól tě wole, pèkè pí-ò mè me képahle n fne.

<sup>20</sup> Api tó p̄ ne Liyel Pídí-á pɔ, ànê wăh lékámne á kō á tě we Liyel yèsyìkìle n pne. Nmɔ̀ Liyel nê-á yèsyìkìle, ápi wró

me kwronmone ñmole ñ Pídí Yesu Krista gbò yõ. Nmo ye  
Liyel yèsyìkìle, ànê tyé-ńkê minne.

<sup>21</sup> N wēnpì, yé yé gblõyne n tẽ sãh fálnó tyile.

## Nsyõ-á sébéy ní-ò nê wārki tekı mɔ

*Sébéy-á tekı mɔ nê tyí à weyne à kɔ*

<sup>1</sup> Nmɔ nê-á nédyâhle, ní mɔ ye n tɔ sébéy mène pi tyí, nê-á Liyel yah tɔkɔ ànê ñ wēnpìle;\* pépi nónó tyí-á nɔ yíí n tyí. Nte pé tyí náh nɔ ní mɔ ó tyí dé. Nónó pól-á gbile n pne, pé tyí nɔ pépi tɔ tyí

<sup>2</sup> kéne gbı gbò yò, képah nê-á me tēnóle ápi sɔkɔ, té kı n tē n pi á sɔkɔ tyé-ńkēne.

<sup>3</sup> Sú Liyel ànê ñ Pídí Yesu Krista kı yòbènrı pi á tyí, té kı á yām yah, té kı yèvinıne á kɔ, nê-á kı á kɔ á kı tē gbı wēkì yò ànê tyínɔnɔ sɔkɔ.

*Kólóle gbı ànê tyínɔnɔ wēkì yò*

<sup>4</sup> Kè pi nıvını ñgbēne ní mɔ tyí, máh kè kyomı we ne áwo wēnpı túkù-á me n kɔ gbı wēkì yò, à yıne Sú Liyel-á kè kɔ sah ápi tyí sɔ.

<sup>5</sup> Pı, máh me nēne n kɔ n sah á tyí núkúnúkú, képah ye yò: Yé ye á tyí nɔ wē tyí. Tir kònsàhnó késán náh kéle mé n wārki n tekı n mɔ á tyí dé. Nê-á me ápi tyí tyah gbı düküle képah ye.

<sup>6</sup> Tyínɔnɔle, Liyel tyi kònsàhnó wàl kóló ye kéle. Tir kònsàhnó mè tyí ye yo yé tyí tyah gbı düküle ne, yé yé minne n pi tyínɔnɔ sɔkɔ.

<sup>7</sup> Névyé náhnáh me wil kwe kèkòyó pól sɔkɔ, nónó-á me névyele n mɔ pílkinó wàl yò sɔkɔ. Pépi náh me kè fē syi ne Yesu Krista-á pi névile kègbı yò sɔkɔ. Té yah, sēntē névile, névyé pílki-ò ànê Krista sépe ye tēne.

<sup>8</sup> Káh pi sē, yé yé gblòyne n kyomı, yè káh pɔ tekı yé tò pínó† yòre sɔkɔ. Yé yıne ye ké yòre we n yíí.

<sup>9</sup> Krista-á kwónó nê kɔ, névi nê-à n kó-ńkēne képah wēkì yò, té kè fin mɔ, tē wró me gbékínóle Liyelle. Nte névi nê-à n kɔ Krista kwónó mè wēkì yò, tē wró me télnóle Sú Liyel ànê ñ Pídíne.

<sup>10</sup> Nní yó-à pɔ yé ñinne, té ñ kwónó me ké tyíle, yé káh fē syi tē twah yé tyí. Yé káh wekı ñ tyí pólle.

<sup>11</sup> Névi nê-à wekı tē tyí, tē tɔ vyāh me ñ tyítúkúnı nópi pínó sɔkɔ.

\* **1:1 1.1** - Nédyáh nê tyí-á n yo ásô sɔkɔ yò, Nsyõ ye. Té pi nê wɔ tyí-á n yo ásô, Yesu yò sēpú ñnkı ye. † **1:8 1.8** - «Yé tò pínó» nê tyí-á n yo yò, túkù ne: «Á tò pínó-á».



<sup>12</sup> Tyi náhnáh me ní tyí yo yo tẽne yé tyí, òte mé náh me ké tyí ne mé sè wãrki n teki n mo yé tyí sébéy soko. Mé me n yah n kã ne mé po n wil yé tyí, mé mó sè yo yé tyí vyãhle. Képah soko, ápi nìvìnì ki syi ké yìn tyí.

<sup>13</sup> Pi nê-á Liyel yah toko ásô, ò wẽnpĩ n weki á tyí.

## Nsyõ-á sébéy tǔ-ò nê wārki tekı mɔ

*Sébéy-á tekı mɔ nê tyí à weyne à kǔ*

<sup>1</sup> Nmɔ nê-á nédyáhle, nımɔ ye n tekı n mɔ sébéyne ní nénóní Kayusi tyí, ñmɔ nê tyí-á nɔ ní tyí kègbı yǔ.

<sup>2</sup> N nénóní, mé me ké tyí ne á tyi pól ne n pekı, á mó ne n me lèno soko palle, sǔ-á á min pi dukùle palle Liyel yah soko.

<sup>3</sup> N yúnpyé yısyó pɔ yo ní tyí ne, áwɔ-á me gbı koh tẽ yĩn, té me n kɔ kèpah wèkì yǔ. Kèpah ní nı vı kègbıle.

<sup>4</sup> Mâh n nohni ne ní wènpı-á me n kɔ gbı wèkì yǔ, tir yó nıtẽ nâh ní nıle n vı n nɔ kèpahle.

*Kayusi ànê Nivini tir yónkɔpu tyí yónóle*

<sup>5</sup> N nénóní, á me ápi yúnpyé Yesu yǔ sèpúle n tẽ ple, wâh nónóne n pne ànê á nâh nónó nıtêne n pne. Á me n pi ple.

<sup>6</sup> Tyínɔnɔ nê-á me á soko, pè ye ké dukù yo Yesu yǔ sèpú tĩnkı yí yah. Mé kéle n yah n kǔ á tyí ne, á yòhninmɔnɔ pi pé tyí pé kóló yinne à yĩne kâh yĩne kè ne n pi sǔ Liyel wèkì soko.

<sup>7</sup> Á nâh we di, Yesu Krista yĩn ye pè n kɔ kóló mène, té pè nâh fẽ syi Yesu yǔ sè-ńkèpú yòhninmɔnɔ yó nıtẽ syi.

<sup>8</sup> Kâh pi sè, ápi ye yĩne à so mɔ sènkɔ névyé tyí tǔ mè soko, á tǔo pi tǔ nukú pípúle péle, à gbı wèkile névyele n wèkı.

*Dyotrefi ànê Demetriyusi tyípınine*

<sup>9</sup> Mé vyâh wey kwéy yó tɔ wārki tekı mɔ Yesu yǔ sèpú tĩnkı tyí. Nte Dyotrefi nâh me n sah ní tyí yǔ, ñmɔ nê-á me n yah n kǔ pí-ńsahle tyi yah tẽ-òle kirkir.

<sup>10</sup> Kèpah ye, mâh pɔ pɔ yé tĩnne, wâh me nêne n pi ápi tyí á tyí yónyıkınɔ soko, mé kı sé pól yo wah yé syah. Té à nâh me yĩn kèpah ó tyí dé, à nâh me n fẽ n syi á yúnpyé Yesu yǔ sèpú wèkɔbi me n twah n tyí. Té nónó-à se tǔ ne pé péle n swah n syi, á pé yah kǔ ké pínóle, n té pè yĩni n wilki Yesu yǔ sèpú tĩnkı soko.

<sup>11</sup> N nénóní Kayusi, kâh pèkè pínóle n yah n pi, nte pèpey wɔ pínóle n yah n pi. Nê-à pèpeyne n pi, Liyel tyí névi ye tẽne. Té nê-à pèkèle n pi, tẽ nâh Liyelle n pne.

<sup>12</sup> Demetriyusi tẽ wole, no pól me ñmɔ yígbıle n yo. Gbı wèkì nê tɔ-á à n kɔ, yĩn pèpey ye ké tɔle n tyí. Ápi tɔ me n yígbıle n yo, té áwɔ pĩ ne nê-á ápi n yo, gbı-á kéle.

*Wey tyé-ńsahlɛ*

<sup>13</sup> Tyi náhnáh me ń tyí yo yo tẽne á tyí, té mé náh me ké tyí ne mé sè wārki n teki n mo á tyí sébéy soko.

<sup>14</sup> Mé me n yah n kō ne mé ñ we kè káh tō n mo. Áyâh pɔ wẽ we, á ki yâh sé tyí yō vyâhlɛ.

<sup>15</sup> Mé kéle n yah n kō Liyel tyí ne à yèvinune ñ kō.

Á kódíbí n weki á tyí. Weki ápi tɔ kódíbí tyí á kō pé nénúkù núkú pólle.